






John Carter Brown.





953

Wagnerho 266





Not on Tourney.

Feb. 27. 190.

197

London

11

HISTOIRE  
GENERALE  
DES INDES OCCIDEN-  
TALES ET TERRES NEUVES,  
qui iusques à present ont  
esté descouvertes.

*Traduite en François par M. Fumee, Sieur  
de Marly le Chastel.*



A PARIS,  
Chez Michel Sonnius, rue saint Iacques  
à l'enseigne de l'Escu de Basle.

---

1580.

AVEC PRIVILEGE DV ROY.

## EXTRAICT DV PRIVILEGE.

**P**Ar grace & priuilege du Roy, il est permis à Michel Sonnius, marchād Libraire iuré de l'Vniuersité de Paris, d'imprimer ou faire imprimer, mettre en vente & distribuer, vne fois ou plusieurs, vn liure intitulé *Histoire generale des Indes & terres neuues, qui iusques à present ont esté descouuertes.* Et faiēt defense lediēt seigneur, à tous Libraires, Imprimeurs, ou autres de quelque qualité qu'ils soyent, de non imprimer, ou faire imprimer, vendre, ou distribuer en ses pays, terres & seigneuries, autres que ceux qu'aura faiēt imprimer lediēt Sonnius. Et ce iusques au temps & terme de sept ans, à compter du iour & date que lesdits liures serōt acheuez d'imprimer, sur les peines contenues és lettres patentes dudiēt seigneur.

*Par le Roy.*

Signé de Vabres, & seellé du grand seau  
en cire iaune.





A MONSEIGNEVR  
MONSEIGNEVR  
LE MARESCHAL  
*de Montmorency.*

**M**ONSEIGNEVR, encor que  
iusques huy la puissance ne  
m'ayt permis de vous declara-  
rer par autres actions la bõ-  
ne affection que i'ay de cõ-  
tinuer en vostre maison, le  
seruice encommencé dés long temps par feu  
Monsieur des Roches mon pere, sous  
Monseigneur le Connestable, que Dieu  
absolue : si est-ce toutesfois que la bonne  
volonté esguillonnee par vne certaine pas-  
sion n'a peu en rien estre refroidie, ains en-  
tant que l'aage l'a peu permettre a tousiours  
cherché les moyens de le vous faire paroi-  
stre, & mesme n'en ayant auourd'huy autre  
que cestuy-cy, encor qu'il soit petit, si n'ay-ie  
a ij

osé le laisser. Ainsi, comme si ja l'auois esté  
receu en la continuation du seruice que ie  
pretends, ie n'ay peu à autre qu'à vous offrir  
ceste mienne traduction, qui discourt des In-  
des Occidentales, & des terres neuues, qui  
iusques à present ont esté descouuertes: en  
attédant que la fortune me presente vne oc-  
casion plus suffisante pour vous faire vn ser-  
uice plus agreable. Je vous supplie donc  
Monseigneur, qu'il vous plaise receuoir ce  
mien œuure comme auez accoustumé pren-  
dre tout ce, qui avec vne bõne intention part  
de l'vn des vostres. En ce faisant ie m'assure  
que ce liure courant par entre les mains des  
hommes sous l'ombre de vostre grandeur,  
sera mieux receu d'vn chacun, & me don-  
nera courage de continuer le seruice que ie  
vous doibs. Qui sera pour fin où Monsei-  
gneur ie prieray le Createur vous donner  
en santé longue & heureuse vie. De vostre  
maison de Marly le Chastel, ce septiesme de  
Septembre.

*Vostre tres-humble & tres-affectionné*  
*seruiteur, M. Fumeç.*

SONNET.

JOHN CARTER BROWN

*Voulant ce monde en esprit compasser  
Par le moyen d'une vieille peinture,  
Ou bien par quelque ancienne lecture  
Ses degrez longs & larges amasser.  
Soit que tu vueilles quelque temps passer  
A rechercher les secrets de nature.  
Soit que tu vueilles veoir en esriture  
Harnois par guerres civiles casser.  
Ce n'est pas assez de veoir un Mela,  
Un Ptolomee, Strabon, un Sylla:  
Ce n'est assez de feuilleter un Plin,  
Eucor faut-il pour contenter l'esprit  
Lire ce liure, qui au clair descrit  
Comme en rond cest uniuers se termine.*



## PROLOGVE DE L'AVTHEVR.

**L**E monde est si grand, si beau, & si diuersifié de choses différentes les vnes aux autres qu'il rauist en admiration celuy, qui le veult bien contempler: & y a peu d'hommes, s'ils ne vivent comme bestes brutes, qui quelquesfois n'emploient leur esprit à considerer ses merueilles. Car le desir de sçauoir est vne chose naturelle à vn chacun. Il est bien vray qu'aucuns ont ceste enuie plus grande que les autres pour auoir l'art & l'industrie conioincts à leur inclination naturelle. Tels personnages entendent beaucoup mieux les secrets, & causes des choses que nature procree. Mais encor qu'ils soient si subtils, & si curieux: si est ce qu'à la verité ils ne peuuent avec leur grand esprit, & sçauoir paruenir iusques aux œuvres merueilleuses que la sapience diuine a faictes avec de grands mysteres, & faict encor tousiours. A ce propos nous voyons le passage de l'Ecclesiastique estre veritable, où il est dict: Dieu a mis le monde en controuerse, & dispute entre les hommes, afin qu'aucun d'eux ne peust descouvrir les œuvres que luy-mesme a faict & faict tous les iours. Mais encor que cela soit vray, ainsi que mesme le confirme le sage Salomon disant: Avec difficulté nous iugeons des choses de ce monde, & avec vn grand travail espluchons ce que nous auons, & voyons deuant nous, si est-ce que pour cela l'homme n'est point incapable, ny indigne d'entendre que c'est que du monde, & quels sont ses secrets. Car Dieu a créé le monde pour l'homme, & l'a mis en sa puissance, & sous ses pieds, & cōme Esdras dict: Ceux, qui habitent la terre, peuuent cognoistre ce qui est en icelle. Puisque donc Dieu a mis le monde entre nous pour en pouuoir disputer, & nous a faict capables de pouuoir le comprendre, & nous a donné vne inclination volontaire, & naturelle pour sçauoir, ne perdons point nos priuileges, & les graces qu'il nous a faictes.



## AV LECTEUR.



E pendant que ces derniers troubles auoient cours, pour soulager mon esprit greué de ueoir vn temps si calamiteux, ie prins ce liure en main, Amy Lecteur, pour te le traduire, & te donner cognoissance de beaucoup de choses, desquelles on parle en l'air, & par vn ouy dire seulement, qui oultrepassant tousiours ses bornes, selon la nature d'un bruit volant, fait bien souuent changer le vray en faux. Or ce qui me fait choisir ce liure entre autres, estoit que mon esprit atedié de longue maladie ne requeroit point vne estude plus solide, & aussi qu'il conuenoit bien au tēps turbulent, auquel pour lors nous estiōs. Car le quatriesme liure discourt amplement sur les guerres ciuiles, qui sont aduenues entre les Espagnols pour la domination du royaume du Peru. Dauantage ie voyois nos histoires Françoises manquer de ceste cy. I'auois leu Ieā Leō pour l'Afrique, François Aluarez pour l'Ethiopie, Louys Bertoman pour l'Arabie, Perse, & l'Indie Orientale, & Antoine Lopez de Castagneda, qui décrit de la descente des Portugais à Calecut. I'auois veu les obseruations de Belon pour la Grece,

*l'Asie mineure, Syrie, Palestine, & l'Egypte, & pour les mesmes pays la Cosmographie de Leuât faicte par Theuet. Mais ie n'auois peu recouurer en nostre langue ny mesme en Latin aucune description des Indes Occidentales, que vulgairement par vn mot general nous appellons terres neuues. Il est bien vray que i'auois veu dix liures tournez en nostre lāgue de vingt-huict ou trēte, qu'auoit fuiēt en Espagnol vn certain Croniqueur du roy d'Espagne touchat les choses notables qu'il auoit veues en ces Indes. Mais toute son histoire n'est que de la seule isle Espagnole. I'auois veu aussi vn liure, qui parle des singularitez de la France Antarctique, où Monsieur de Villegagnon alla il y à treize ans. Mais, hors-mis la description du pays où noz François descendirent, la plus grand part de ceste histoire n'est farcie que de mesonges, non pas forgees par l'Autheur, mais par des mariniers, qui luy en comptoient ainsi qu'il recite. Vous y verrez de beaux comptes des Amazones, des fautes en la situation des lieux, & des abuz, en l'interpretation de beaucoup de choses, comme quand il veult descrire la separatiō des terres du Roy d'Espagne, & du Roy de Portugal. Encor est-il à excuser, comme estant le premier, qui nous a donné cognoissance de ces Indes, & ne fault estimer tirer du premier coup la verité d'une chose. Voyant donc telle defaillance entre noz histoires ie pense par la traduction de cest œuvre cō-*



posé par faire quelque profit au public, non pas tant pour les coustumes, religions, & façons de faire des Indiens, qui sont cōprinſes en ce liure, comme pour la Geographie de toutes ces Indes descrite de poinct en poinct par l'Autheur aussi doctement qu'il est possible. Ainsi le Cosmographe, l'Historien, & le guerrier y apprendront, aussi fera le Philosophe s'il veult esplucher beaucoup de choses qu'il y trouuera. Quāt au style tu le trouueras rude pour les sentēces mal ioinctes. Et ceste façon d'escrire est si commune à nostre Autheur, qu'il eust fallu changer tout. Ce que si i'eusse fait, possible eust-il esté trouué bō d'aucuns, & mal des autres. Mais i'ay mieux aymé laisser le style de l'Autheur tel qu'il estoit, esperāt que tu supporteras aussi aisément ceste traduction que celle de beaucoup d'autres, qui soit en François, soit en Latin, ont traduit grossièrement ce qui estoit aussi rudement couché par escrit. Encor ie m'asseure que tu ne trouueras pas trop mauuais mon style doux, & simple. Tu trouueras deux mots *Adelantado*, & *Pesant* assez frequēts en ceste histoire, qui ne sont pas congneux à vn chacun. Ainsi voulant satisfaire à tous i'aduertiray ceux, qui en sont ignorans, que ce mot *Adelantado* est vn nom de dignité appartenant proprement aux Capitaines, qui courent la mer pour faire nouuelles conquestes. Et ceste dignité, & tiltre de grand honneur se baille à celuy, qui premier a descouuert ou

# A. V L E C T E U R.

subiugué vn nouveau pays, suyuant l'interpretation du mot, qui descend du verbe Espagnol, qui signifie, non seulement passer, mais oultrepasser. Quant au mot de Pesant, tu scauras que Pesant, & Castillan est tout vn, & vn Castillan vault vn escu & demy. Dauantage, afin que tu ne t'esbahisses de ce que tu verras cest oeuvre diuisé en cinq liures, sans toutesfois veoir le nombre des chapitres finir à chascque liure, il fault que ie te declare mon intention. L'Authheur n'auoit faiët qu'vn liure de toute son histoire; & ainsi n'auoit faiët aussi qu'vn nombre de tous ses chapitres. De moy trouuant vne incommodité grande pour le Lecteur de n'auoir où reposer son esprit, i'ay tranché son liure en cinq pour plus grande facilité: ioinët que ie voyois la matiere du liure y estre disposée, ainsi que tu pourras iuger par la lecture: Car le premier ne parle que du monde, de l'entreprinse de Colomb, & de son intention, & décrit seulement l'isle Espagnole sans toucher encor à la terre ferme. Au second l'Authheur commēce sa Geographie à la terre ferme, & là poursuit iusques au tiers, ou lors laissant la suite de ses Indes Occidentales, faiët vn discours du voyage de Magellan aux isles des Molucques, qui sont vulgairement comprinses sous les Indes Orientales, & parle des espiceries, & du differēt, qui est entre l'Espagnol, & le Portugais pour la iouissance & seigneurie d'icelles. Au quatriesme il

## A V L E C T E U R.

reuient à sa Geographie, & toutesfois la laisse dès le second chapitre pour descrire bien amplement les guerres ciuiles, qui entre les Espagnols ont duré dix ans au Peru. Ces guerres acheuees il reprend au cinquiesme ce, qui restoit de sa Geographie. Par là tu iugeras que ie n'ay que bien fait, cōme au contraire tu dirois que i'eusse mal fait, si à chasque liure i'eusse recommencé nouueau nombre de chapitres. Car par ce moyen i'eusse osté la facilité au lecteur de conseruer ma traduction à l'original. Encor n'auras-tu pas ceste Histoire aussi biē complete, comme i'eusse voulu. Car la description de ceste grande ville Themistitan, ou Mexique tant desirée d'un chacun, & plus estimee que n'est Venise, y defaut, par ce que l'Autheur la remettoit en un autre volume, où il vouloit particulièrement descrire les faicts & gestes de Ferdinand Cortes, qui la conquesta, & ne m'a esté possible recouurer ce liure en Paris. Mais cela n'empeschera point que tu ne repaisse ton esprit d'autres choses, qui sont aussi notables en ce liure, & ce pendant tu le retiendras en appetit iusques à la seconde impression, où lors ie satisferay a ton desir. Reçois donc amy Lecteur, ce liure aussi amiablement que liberalement il t'est offert. En le lisant, il te seruira d'aide (comme il m'a fait en le traduisant) à pousser le tēps avec les espaulles durant ces guerres prochaines, qui cruellement nous menacent d'accabler nostre France.



Et de ma part, afin que ie ne sois vn otieux contem-  
 plateur de noz miseres, ce pendant qu'un chacun  
 mettra la main à la paste, ie feray comme Diogenes,  
 qui voyant tous les Corinthiens empeschez à la de-  
 fense de leur ville, & qu'on ne l'employoit en rien,  
 print son tôneau, & le porta au haut d'une collicule,  
 & de là le laissoit rouler en bas, & puis le remontoit,  
 aymant mieux faire cōtinuellement cest exercice, que  
 d'estre veu seul oisif en sa ville, lors qu'un chacun tra-  
 uailloit. Ainsi ce pendāt que tous serōt employez, les  
 vns pour la ruine, les autres pour la defense de ce roy-  
 aume, ie remueray mō tôneau, et te descriray les guer-  
 res aduenues en la Transsylvanie, depuis cinquante  
 ans en ça entre le Roy de Polongne, l'Empereur, les  
 Roys de Hongrie, & le Turc. Ce que ie te presente-  
 ray apres que i auray cogneu que tu auras daigné gou-  
 ster à bon escient de ces premiers fruiets.



# PREMIER LIVRE DE L'HISTOIRE GENERALE DES

Indes, & terres neuues, qui iusques à present ont esté descouuertes.

*Qu'il n'y a qu'un monde & non plusieurs, comme aucuns Philosophes ont pensé.* Chapitre 1.



Plusieurs & grands Philosophes, qui ont esté personnages tenus en leurs tēps pour doctes & sçauans, comme ont esté Leucippe, Democrite, Epicure, Anaximāder, & autres, ont eu ceste opinion, qu'il y auoit plusieurs modes, esquels toutes choses s'engendroyent & se creoyent des Atomes, qui sont certaines petites particules de rien, comme celles que nous voyons aux rayons du Soleil. Ces Philosophes disoyent qu'il y auoit plusieurs mondes, & comme seulement de vingt & tant de lettres se composoyent vne infinité de liures: ainsi ne plus ne moins de ce peu, & de ces petits Atomes si subtils se faisoient plusieurs, & diuers mondes. Ils tenoyent ceste opinion asseurément, parce qu'ils croyoient que tout fut infiny: Aussi il sembloit à

Metrodore chose mal seante, & mal proportion-  
nee n'auoir en cest infiny plus d'un seul monde, ain-  
si comme ce seroit vne chose ridicule n'auoir en v-  
ne grande vigne qu'un sep, ou en vne campagne  
vn espic seul. Orphæ pensoit que chascque estoille  
fust vn monde selon qu'escriit Galien en l'histoire  
philosophicque. De ceste opinion ont estez Hera-  
clides, & autres Pitagoriciens, selon que recite Theo-  
doret en son liure de la matiere, & du monde. Se-  
leuce philosophe (comme escriit Plutarque) ne s'est  
contenté de dire qu'il y auoit infinis mondes : mais  
encor disoit que chascque mode estoit infiny, com-  
me qui diroit que ce ne peut auoir commencemēt  
où il prend sa fin. Je croy que le grand Alexandre  
print de là enuie de conquerir, & assubiectir tout  
l'vniuers, puisque, comme escriit Plutarque, il se  
print à pleurer quand vn iour il ouyt ceste question  
estre debatue par Anaxarque, lequel demandant la  
cause de telles pleurs iettees sans propos, Alexan-  
dre respondit qu'il pleuroit non sans iuste & gran-  
de raison, n'ayant sceu encor subiuguer vn monde  
de tant qu'il y en auoit, ainsi que disoit Anaxarque.  
Ceste responce demonstre bien que, quand il com-  
mença sa conqueste de ce monde, il imaginoit plu-  
sieurs mondes, & pretendoit de commander à tous,  
mais la mort luy couppa chemin anant qu'il peust  
subiuguer la moitié de cestuy. Pline aussi disoit qu'il  
y auoit infinis mondes, & s'aduangoit de vouloir  
mesurer le monde par paz, qui est vne chose pleine  
de trop grande braueré, encor qu'il die l'auoir fait  
si subtilement, & avec si bon compte que ce seroit  
honte à celuy, qui ne le croyroit. De l'opinion de



tous ces philosophes est sorty le proverbe qui dit: que, quand on se trouue neuf en aucune chose, on semble estre en vn autre mode. Nous aurions estimé peu le dire de ces Gentils, puisque, comme dit saint Augustin, ils s'embrouillent ainsi en vne infinité de mondes avec leurs folles, & vaines pensees, encor moins aussi celuy des heretiques dits Ophiens, & celuy des Tamuldistes, qui affirment auoir dix-neuf mille mondes, puis qu'ils escriuent contre l'Euangile, s'il n'y auoit des Theologiens, qui font mention de plusieurs modes. Baruch parle de sept mondes, comme dit Origene, & Clemēt disciple des Apostres dit en vne sienne Epistre, selon Origene, en son liure Periarcon, que la mer Oceane n'est nauigable, & que les mondes, qui sont derriere iceluy se gouuernēt par la prouidence de Dieu. Semblablement saint Hierosme allegue ceste mesme autorité sur l'Epistre de saint Paul aux Ephesiens, où il est dit: tout le monde est mis en malice. En plusieurs passages du nouveau testament il est fait mention d'un autre monde, & IESVS CHRIST, qui est la mesme verité, disoit que son regne n'estoit point de ce mode, & appelle le diable prince de ce monde: disant cela, il semble qu'il en y a d'autres pour le moins vn, & c'est ce qui fait errer les heretiques Ophiés, lesquels, n'entendans pas bien l'escripture sainte, inferoient par là qu'il y auoit innombrables mondes, & qui croyroit qu'il y eust plusieurs mondes comme le nostre, il failleroit malheureusement avec eux. Tout ce monde que Dieu a créé ciel, terre, eau, & les choses visibles, comme dit saint Augustin contre les Aca-



demiciens, se maintient l'un l'autre. Ce qui est approuvé par tous les philosophes Chrestiens, & même par les Gentils, si ce n'est Aristote avec ses disciples, qui fait le ciel différent du monde, au traité qu'il en a composé. Cestuy-cy est donc le monde que Dieu a basty selon qu'il est tesmoigné par saint Jean l'Euangeliste, & plus amplement par Moÿse, par ce que s'il y en avoit d'autres come cestuy-cy, ils ne l'eussent pas celé. Le Royaume de Iesus-Christ, qui n'estoit pas de ce monde (afin que respondions à ce point) est spirituel, & non materiel, & l'appellons autre mode, ainsi comme nous disons vne autre vie, & l'autre siecle: ce que declare fort bien Esdras, disant: Le tout-puissant a fait ce monde pour plusieurs, & l'autre, qui est la gloire pour peu. Et S. Bernard appelle ce monde, inferieur, au regard du Ciel. Quant aux mondes que met Clemēt derrière l'Océan, ils se doiuent entēdre & prendre pour climats & parties de la terre. Ainsi Plinē & autres auteurs appellent la Scandienne, terre des Gots, & l'isle Taprobane, que maintenant ils appellent Zambotre. Epicure, selon que recite Plutarque, tendoit pour mondes semblables climats & parties de terre, separees de la terre ferme, comme est vne isle: Et parauēture telles portioēs de terre se doiuent prēdre pour la rōdeur que l'escriture appelle des terres, & quād elle dit de la terre, ce doit estre tout ce monde terrestre. Or quant à moy, encor que ie croye qu'il n'y a qu'un mode, i'en nōmeray toutesfois souuent deux en ce mien ōeuvre, pour changer les noms en vne mēme chose, & pour mieux m'entēdre, appellant nouueau monde les Indes desquelles i'escris.

*Que le monde est rond, & non plat.**Chap. 2.*

**I**L y a plusieurs raisons pour prouuer que le monde est rond, & non plat, mais la plus claire & plus vray-semblable est le tour-rond que le soleil chaque iour luy donne avec vne incredible legereté. Estant donc tout le corps du monde rond, il est nécessaire que toutes ses parties soient rondes, spécialement les elements, qui sont la terre, l'eau, l'air, & le feu: La terre qui est le centre du monde (ainsi que le demostrent les Equinoxes) est fixe & stable, tant & si fort, & si bien fondee sur elle mesme, que iamais elle ne defaudra, ny ne flechira: & outre cela elle attire à soy pour ses extremitez la mer, laquelle encor qu'elle soit plus haute que la terre, & plus grande, si garde-elle sa rondeur au milieu de ce monde, & sur la terre, sans s'espandre, ny sans la couvrir, ne voulant rompre le commandement & les bornes qui luy ont esté baillees: mais environne, abbreuve, & taille en plusieurs lieux la terre, de telle maniere qu'elle ne se mesle, aucunement avec elle, ce qui semble vn miracle. Plusieurs ont pensé qu'elle estoit comme vn œuf, ou vne pomme de pin, ou bien comme vne poire. Et Democrite l'a estimée ronde comme vn plat, mais non pas creuse. Anaximander, Anaximenes, & Lactance, & ceux qui nient les Antipodes, affirment que ce corps rond composé d'eau & de terre, est plat: ils l'appellent plat à comparaison de rond, encor qu'on y voye plusieurs montagnes & valees. Quel homme de raison qu'on voudra prendre, encor qu'il n'ait aucunes lettres, trouuera incontinent le poinct où

errent tels personnages en faisant ce monde plat, & partant il n'est point necessaire de mettre en auant plus grande declaration.

*Que non seulement le monde est habitable, mais aussi habitée.* Chap. 3.

**L**A curiosité humaine ne se contente pas comme elle veult, soit que cela ainsi aduienne ou sçauoir d'auantage, ou pour n'estre ocieux, ou bien parce que comme dit Salomon, les hommes se veulent mettre en ie ne sçay quelle profondeur, & fatigue, pouuants neantmoins viure en repos. Il leur deuroit suffire que Dieu a fait le monde rond, & qu'il a separé la terre de l'eau, afin que les hommes vécussent, lesquels encor veulent sçauoir si toute la terre est habitée ou non. Thales, Pythagoras, Aristote, & apres luy toute l'escole Grecque, & Latine asseurent que la terre ne se peut habiter toute en aucune maniere, l'une partie pour estre trop chaulde, & l'autre pour estre fort froide. Quât aux autres parties qui separét la terre en deux, qu'ils appellent hemispheres, ils disent qu'il n'y a point d'hommes en vne, & qu'il n'y en peut auoir. Mais que tous les hommes doivent de necessité viure en l'autre, qui est la partie ou nous sommes. Par ainsi ils ostent trois tiers de cinq qu'ils donnent à la terre: de modo que selon eux les deux des cinq parties, esquelles est diuisee la terre, sont seulement habitables. Or afin que le vulgaire entende mieux cecy, qui est ia assez cogneu aux doctes, ie veux vn peu estendre ce discours pour prouuer que la plus grande partie de la terre est habitable. On feint au ciel cinq ceintures, que les Latins appellent Zones, par lesquelles



on diuise la rondeur de la terre: Les deux sont froides, les deux tēperees, & l'autre chaude. Si vo<sup>s</sup> voulez sçauoir cōme s'imaginēt ces cinq Zones, mettez vostre main gauche entre vostre veuë, & le Soleil il se leue, mettant la paulme vers vous. Probe Grāmairien en vsoit ainsi. Tenez les doigts ouuers & estēduz, & regardans le Soleil entre voz doigts, faites vostre compte que chascue doigt fait vne Zone, le poulce est la Zone froide, qui est vers la Tramontane, qui pour sa trop grande froidure est inhabitable: l'autre doigt est la Zone temperée, & habitable, où est le tropique de Cancer: le grand doigt est la Zone torride, qui est ainsi appellee à l'occasion qu'elle brusle, & rotist, icelle est inhabitable: le doigt d'apres est l'autre Zone temperée, où est le tropique de Capricorne: & le petit doigt est l'autre Zone froide, & inhabitable, au dessoubs de laquelle est la terre, qui est au Sur, ou bien Midy. Aiant bien comprins ceste diuision vous entendez quelle terre est habitable, ou inhabitable selō l'opinion de ceux cy. Pline diminuant encor la partie habitable escrit, que de ces cinq parties qu'ils appellent Zones, le Ciel non seulement en oste trois à la terre, qui sont celles qu'ō marque avec le poulce, le grand doigt, & le petit, mais aussi que des deux autres temperées la mer Oceane en destrobe encor quelque chose. Et en vn autre lieu il dit qu'il n'y a hommes aucuns qu'au Zodiaque. La cause qu'ils mettent en auant pour prouuer que les hommes ne sçauoient viure soubs ces trois Zones, est fondee sur le grand froid, qui est en la region, & climat des deux Poles, à raison de la longue distan-



ce, & absence du Soleil, & sur l'excessiue chaleur, qui est souz la Zone torride pour la vicinité & présence continue du Soleil. Le mesme est confirmé par l'Escot, & quasi par tous les autres Theologiens modernes: mesme Iean Picque de la Mirandolle, Seigneur fort docte, soustint en ses conclusions qu'il proposa à Rome, en presence du Pape Alexâdre sixiesme, comme il estoit impossible que aucun homme peut viure, ny demeurer souz la Zone torride. Mais maintenant le contraire se prouue par le dire de ces mesmes escriuains, & par l'autorité des sages anciens & modernes, par la sentence de l'escriture sainte, & par l'experience. Strabon, Mela, & Pline, qui confirmēt ce que nous auons dit de ces cinq Zones, disent qu'il y a des hommes en Æthiopie, en la Chersonesse doree, & en Taprobane, que nous nommons auourd'huy Guinee, Malaque & Zamotre, lesquels pais toutesfois sont sous la Zone torride: La Scandinanie, les monts Hyperbores, & autres terres, qui sont sous la Tramontane denotee par le pource, sont peuples, & toutesfois selon Herodote en son Melpomene, & Solin en son Polyhistor, ces Hyperbores sont sous la Tramontane, combien que Ptolemee ne les mette si voisins du pole, il ne les met qu'à septante degrez de l'equinoxial, ce que nie Matthieu de Micoy. On s'esmerueille de Pline (auteur graue) de ce qu'en escriuant de ces cinq Zones, il s'est ainsi oublie, ou bien de son petit sçauoir en la Geographie & Mathematique. Le premier qui asseura que la terre estoit habitable du costé des Zones temperces, fut Parmenides, selon que dit Plu-

tarque. Solin recitant quelques auteurs anciens, met les Hyperbores où vn iour dure demy an, & vne nuit, vne autre demy: cela aduient, parce qu'ils sont à quatre vingts degrez de l'Equinoxial, viuans au reste sainemēt, & si long tēps, que quand ils sont faouls de viure, ils se tuent eux-mesmes. Il dit aussi que les Arimphées qui sont en ce climat mesme, sōt sans cheueux & sans bōner. Ablaue historien Goth escrit que les Adogites, qui ont le iour de quarante iours des nostres, & la nuit de quarāte nuits, à raison qu'ils sont loing du Sur septante degrez, viuēt sans mourir de froid. Galeote de Narue en son liure qu'il a faict des choses incongneues au vulgaire, assure qu'il y a de grāds peuples vers le quartier qui est pres & sous la Tramontane. Saxe Gramairien, & Olauu Goth, Archeuesque d'Vpsale, lequel i'ay hātē longuemēt à Bologne & à Venize, pour vne terre bien peulee mettēt la Scandinanie, qu'aujour d'huy on appelle Suece, laquelle est neātmoins fort Septērrionale. Albert le grand, qui tient pour mauuaise demeure le pais, qui est à cīquātesix degrez du Sur, croit qu'il est impossible qu'il y ait habitation sous la Tramontane: car où la nuit dure vn moys, la froidure, ce dit-il, est intollerable: Aussi Antoine Boufin en son histoire des Hōgres & Bohemes dit, que es Istes pres la mer glacee, les loups perdēt les yeux, à cause du froid. Quant à la Zone torride, plusieurs ont escrit qu'elle est peulee, & qu'elle se peut habiter. Auerrois le prouue par Aristote au 4. liure du Ciel & du mōde. Auicēne en sa Doct. 2. & Albert le grand au chap. 6. de la nature des lieux, ont voulu prouuer par raisons naturelles que la terre qui

est souz la Zone torride, est habitable : & d'auantage qu'elle est plus temperée pour la vie de l'homme, que les Zones des Tropicques. Heraclides, & plusieurs Pythagoriciens, selon que recite Theodoret, ont estimé que chascue estoille fust vn monde, & qu'il y auoit des hommes qui demeuroient en icelle. Xenophanes, cōme rapporte Lactance, disoit qu'il y auoit des hommes qui demeuroient au sein & cōcauité de la Lune. Anaxagoras, & Democrite disoit qu'il y auoit en icelle des montagnes, valles, & des champs : & les Pythagoriciens y mettoient des arbres, & animaux quinze fois plus grand que la terre, & qu'elle estoit de couleur de terre : qu'elle estoit peuplée & pleine d'hommes comme nous. De là sont venues les nouuelles & fables que les vieilles comptes, estans accroupies à leur feu. Il y a eu semblablement des Stoiciens (comme dit Lactance, allegāt Seneque) qui ont douté s'il y auoit, ou non, des peuples au Soleil. Voila comment les pēsees, & les langues des hommes, s'extrauagent; quand en toute liberté on ose proferer ce qui vient en la fantasie. Le Seigneur (dit Esaye prophete, au chap. 45.) n'a point créé la terre en vain, il ne l'a faite sinō afin qu'ō s'y habitast, & qu'on y peuplast. Et Zacharie dit au commencement de sa prophetie, qu'ils cheminerēt la terre, laquelle estoit toute peuplée & pleine de gens. Et si on croit que la mer soit pleine de poissons en tous lieux autant aux lieux freids & chauds, qu'aux temperez, la terre ne doit pas estre vaine, & vuide d'hommes es Zones, que on feint estre intemperees : & moins le froid, quel ennemy il puisse estre à la vie humaine, les empes-



chent puis qu'ils y vivent longuemét, & vont teste nue à l'air, comme nous auôs dit des Hyperborees & Arimphées: car si la coustume naturelle de viure fait qu'on se conserue sain & entier, mesmes és lieux pestiferez, combien plus est-il aysé se conseruer en pays froid: Il est bien vray qu'il fait meilleur viure en la Zone torride, estant le chaut plus amiable au corps humain. Et par ainsi la terre n'est poit depeuplee pour le trop grand chaud, ou pour le trop grand froid, mais bien par faute d'eau & de pain. Outre ce que i'ay dit, l'homme estant fait de terre, peut viure en quelque partie de la terre qu'il voudra: attendu mesme que Dieu commanda à Adam & Eue qu'ils creussent, multipliasêt & remplissent la terre. L'experience, qui se fait iournellement à nauiguer la mer si continuellement, & à voyager par terre, est si grande que nous scauons comme toute la terre est habitable, & comme elle est habitee & pleine de gens. Gloire en soit à Dieu, & honneur aux Espagnols, lesquels en descourant & conquestant, ont cheminé par terre, & nauigué la grand mer Oceane, trauersans la Zone torride, & passans soubs le cercle Artique, qui seruoiet d'espouuentaux à noz anciens.

*Qu'il y a des Antipodes, & pourquoy ils s'appellent ainsi.*

*Chap. 4.*

**O**N appelle Antipodes les hommes, qui cheminent sur la rondeur de la terre au contraire de nous autres, ou au contraire de l'un de l'autre, lesquels semblent, encor' qu'il ne soit pas ainsi, tenir la teste basse & les pieds haults. Sur laquelle chose comme dict Pline, y a grand discord entre les do-



ctes, & personnes de lettre. Aucuns nyent ces Antipodes, autres les approuuent, aucuns assurens qu'il y en a, afferment qu'ils ne se peuuent veoir, ny trouuer, & ainsi sont vacillant, & font troubler les autres. Strabon, & autres qui ont esté deuant, & apres les nient gaillardement, disans qu'il est impossible qu'il y ait des hommes en l'Hemisphère inferieur, où on les met. Laisant là les auteurs Gentils, ie dis qu'il y a aussi des Chrestiens, qui nient qu'il y ait des Antipodes. Ceux qui tiennent la terre pour plate, les nient. Lactance Firmian y contredit aussi gentiment, croyant qu'il n'y a point d'hommes, qui marchent en terre au cōtraire de nous, par ce que si telle chose estoit vraye, ils chemineroient contre nature les pieds en hault, & la teste en bas: chose en son iugement faincte, & faicte pour rire. Et pour ceste raison on s'est mocqué grandement de ceux, qui croyoient que le monde fust rond, & qu'il y eust des Antipodes. Sainct Augustin les nie, pareillement au seizieme liure de la Cité de Dieu, chap. neuuiesme, il les nie selon que ie croy pour n'auoir trouué en l'escriture Saincte aucune memoire d'eux: & encor' pour s'oster hors de debat, ainsi qu'on dict, par ce que s'il les eust confessez, il n'eust sceu prouuer qu'ils fussent descendus d'Adam & Eue, comme nous autres, qui demourons en ceste moitié du monde, & Hemisphère, lesquels il faisoit citadins, & voisins de sa cité de Dieu qu'il descriuoit. Aussi l'ancienne, & cōmune opinion des Philosophes, & Theologiens de ce temps là, estoit qu'ëcor' qu'il y eust des Antipodes, ils ne pouuoient toutesfois communiquer avec nous autres, à cause

qu'ils deuoyent estre en l'autre Hemisphere, & en l'autre moitié de la rondeur de la terre, ou il est impossible aller ne venir pour la grande, & non nauigable mer, qui est entre deux, & pour la Zone torride, qui nous coupe le chemin & passage. Notre saint Isidore en ses Etymologies dict, qu'il n'y a raison de croire qu'il y ait des Antipodes, par ce que la constitution de la terre ne scauroit comporter telle opinion, & aussi qu'il ne se peut prouuer par aucune histoire, sinon par les Poëtes, qui les ont inuentez pour auoir occasion de jaser. Lactance, n'Isidore n'ont eu aucune raison de les nier. Saint Augustin a esté poussé à les nier pour la cause que i'ay dicté. Mais encore qu'on ne trouue en la Bible ce nom d'Antipodes, si n'est-ce pas vn argument, qui nous oblige à croire qu'il n'y en ait point, puis qu'il est escrit en la Bible mesme comme la terre est ronde, & comme le Ciel & le Soleil l'enuiroignent: ce qu'estans ainsi tous hommes ont necessairement leurs testes droictes vers le Ciel, & les pieds sur la terre. Car en quel costé d'icelles les hommes soyent, ils sont ne plus ne moins que les rayons d'une rouë d'une charette, qui se tiennent fermes au trou ou ils sont fichez, quand la charette est menee, sans qu'aucun d'eux soit en la rouë plus droict que l'autre ne plus haut, ny plus renuersé. Quasi tous Philosophes anciens ont tenu pour certain qu'il y auoit des Antipodes selon que recite Plutarque en son liure des opinions des Philosophes, & selon Macrobe sur le songe de Scipion. Ce nom d'Antipodes est si commun que le nombre de ceux, qui ne l'ont congneu ne leur

doit estre bien petit, & croy qu'il à tousiours esté en bruit iusques icy depuis le deluge. Le premier que ie scache, qui ait fait mention entre les Theologiens Chrestiens des Antipodes à esté Clement disciple des Apostres, selon que disent Origene & saint Hierosme, de maniere qu'il est tout certain qu'il y en a.

*Où, qui, & quels, sont les Antipodes. Chap. 5.*

**L'**Element de la terre, encor qu'il soit party en plusieurs Isles, n'est qu'un corps, qui est rond en sa proportion, soit qu'il semble plat comme nous auons cy deuant dict. Thales Milesien vn des sept Sages de Grece, estoit de ceste opinion, & plusieurs autres Philosophes cōme l'escriit Plutarque. Mais Oecetes vn autre grand Philosophel'itagoricie fait deux terres de la nostre, & de celle des Antipodes. Theopompe historien, selon Tertulian cōtre Hermogenes, dict que Silene affirmoit au Roy Midas qu'il y auoit vne autre rondeur de terre sans la nostre. Macrobe, pour abbreger, traicte bien au lōg de ces deux Hemispheres. Mais il faut scauoir, qu'en cor qu'ainsi soit que tous facent bien de mettre deux parties de terre, chascue partie toutesfois ne fait pas vne terre, comme si s'estoient differentes terres: car il n'y a point plus d'un element de terre, sinon qu'il est taillé par la mer ainsi que parle Solin des Hyperborees: & qui contempera l'image du monde en vn globe, & mappemonde, il verra clairemēt comme la mer part la terre en deux parties quasi esgallement, qui sont les deux Hemispheres susdits Asie, Affrique, & l'Europe font vne partie, & les Indes l'autre, en laquelle sont ceux



qu'on appelle Antipodes. Il est tout certain que ceux du Peru, qui habitent en Lima, au Cuzco, & Arequipa sont Antipodes à ceux qui viuent à l'embouchement du fleuve Inde, à Calecut & Zeilan, isles & terres d'Asie. Les Molucques (isles des espieries) sont aussi Antipodes de l'Ethiopie, qu'aujourd'hui nous appellons Guinee: Et Pline dit fort bien que la Taprobane est des Antipodes, par ce que certainement ceux de ceste isle sont Antipodes des Ethiopiens, qui sont à la rive du Nil, entre sa source, & Meroe. Semblablement les Nexicquains, encor que non du tout, sont Antipodes de ceux de l'Arabie heureuse, & de ceux qui habitent au Cap de bonne esperance. Outre les Antipodes, il y en a encor d'autres qu'on appelle Parecques & Antecques: Souz ces trois noms se comprennent tous les habitans du monde. Les Antipodes sont dits, par ce qu'ils cheminent sur la terre directement l'un contre l'autre, comme ceux du Cuzco & de Calecut: Les Antecques de Guinee sont ceux du Calecut, & les Parecques de la mesme Guinee sont ceux de Cuzco: iceux ne demeurent point en pays contraire comme les Antipodes, ny diuers come les Antecques, ains demeurent en quartier de mesme temperament. Encor que Antecques & Parecques ne soyent proprement Antipodes, si se peuuent-ils ainsi appeller, & de fait on les y nomme, & ainsi on cõfond les uns avec les autres, ce qui est cause que j'ay remarqué pour Antipodes de la nouvelle Espagne ceux du Cap de Bonne esperance, qui sont nos Antecques.

*Qu'on passe de ce pays aux Antipodes, contre la commune opinion des Philosophes. Chap. 6.*



**T**Ous les anciens, i'entends les Philosophes gétils, nient qu'on puisse passer de nostre Hemisphere à celuy des Antipodes, à cause que la Zone torride est au meillieu, qui les separe: & aussi à cause de l'Océa, qui empesche le passage, ainsi que plus amplement le traicte Macrobe, sur le songe de Scipion, que composa Ciceron: Quant aux Philosophes Chrestiens, Clement dict qu'il n'y a homme, qui puisse passer l'Océan: & Albert, qui est des nouveaux le confirme. Je croy bien que iamais le chemin ne fut cogneu par eux, & puis les Indies, qu'on appelle Antipodes, n'auoyent point vaisseaux suffisans pour si longue, & si forte nauigation, comme ont les Espagnols pour la mer Oceane. Mais le chemin est desia si frequenté, & cogneu, que chascun iour les Espagnols y vôt fort aisément, & ainsi l'experience est contraire à la philosophie. Je veux laisser là le grand nombre de nauires, qui ordinairement vont d'Espagne aux Indes, i'en cotteray seulement vne nommee la Victoire, qui donna la volée à tout le rond de la terre, & qui abordât au pays des vns & des autres Antipodes, demonstra l'ignorance du sçauoir ancien, & sen retourna en Espagne, dedans le troisieme an qu'elle estoit partie, selon que plus amplement nous dirons quand nous traicterons du destroiect Magelanicque.

*De la situation de la terre. Chap. 7.*

**I**L semble estre vne grande vanité de vouloir situer la grandeur de la terre, & toutesfois c'est vne chose fort facile. Sa situation donc est au meillieu du monde: & la mer, qui l'enuironne, luy sert d'aïles, ie ne le sçauois dire plus brieufement, ny plus

plus au vray. Mela pour signes notables, & pour les fins & limites du ciel il marque, comme aussi fait David au Pſalme 106. l'Oriēt, le Ponent, le Septentrion, & le Midi, desquels mesmes ils bornent aussi la terre, & par le moyen d'iceux ils tiennent le compte des voyages qu'il couient faire par icelles. Eratosthenes ne mettoit pour ses aîsles que les deux poles, la Tramontane, & le Midi, diuisant la terre selon le chemin du Soleil. Marc Varro louoit fort ceste partitiō, à cause qu'elle est cōforme à la raison, qui nous dit que ses poles sont fermes, stables & immobiles, comme ceux qui soustiennent le ciel, & autour desquels il prend son mouuement. Outre que ces signes susdits, qu'un chacun cognoist, pour entendre vers quel costé du ciel nous sommes, ils aident encor' à entendre à combien est le destroit de Gibraltar, de la Tramontane. Mettons Espagne pour exēple, elle est vers Tramōtane, & à cinquante degrez d'icelle, ou pour mieux dire, du point de la terre, qui est ou peut estre sous la mesme Tramōtane, qui sont neuf cens & quatre vingts lieuës: selon le commun compte des Cosmographes, & Mathematiciens, elle est à trentesix degrez de l'Equinoxial, ce qui reuiert à nostre compte. Et à celle fin que de là en auant on entende quelle chose est degre, ie veux dire ce qui en est. Il faut aussi sçauoir que les mariniers Espagnols prennent quatre mil pour lieuës, & les Italiens en prennent cinq, & nous prendrons tousiours quatre mil pour vne lieuë.

*Que sont-ce degrez.* Chap. 8.

**A**Nciennement on comptoit & on mesuroit la terre, & le mode par stades, paz, & pieds selon

qu'on lit en Pline, Strabon, & autres auteurs. Mais depuis que Ptolomee inuenta ces degrez, cent cinquante ans apres la passion de IESVS CHRIST, on laissa ce compte. Ptolomee donc partit tout le corps & tour que fait la terre & la mer en trois cens soixante degrez de longueur, & en autât de largeur: car le monde estant rond, il est aussi large, que long, & donna à chacun degré soixante mil, qui font dix-sept lieuës & demie. d'Espagne, de façon que le rôd de la terre, en cheminât droit par quelle part qu'on voudra des quatre susnommees, a de circuit six mille deux cens lieuës, qui sont vingt quatre mille, huit cents mille. Ce compte est si certain, que tous en v-sent & le louient, & est d'autant plus à loïier celuy qui l'a trouué de ce que Iob, & l'Ecclesiastique ont estimé estre difficile qu'aucun peut trouuer la mesure, & largeur de la terre. On appelle les degrez de longueur ceux, qui se comptent d'un Soleil à autre par Equinoxial, qui tire de l'Orient à Ponent par le meillieu de la rondeur de la terre: Iceux ne se peuvent pas bien comprendre à cause qu'il n'y a point au ciel de ce costé là signe aucun, qui soit stable, & arresté, parce que le Soleil, encor' que ce soit vn signe bien clair & euident, chäge chascue iour quelque peu, & iamais ne reprend son cours par la voye mesme, par laquelle il a ià passé selon l'aduis de plusieurs Astrologiens. On ne sçait le nombre de ceux, qui se sont tourmentes à chercher les moyens, de pouuoir comprendre, & remarquer les degrez de longueur, comme on remarque ceux de la largeur & hauteur, tât y a que personne n'a peu encor' trouuer ces moyens. Les degrez de hauteur, ou largeur



sont ceux qui se comptent de la Tramontane, lesquels sont certains, & s'accordent de point en point, à raison que la Tramontane est ferme, & stable, & sert de blanc où on vise. Par ces degrez ie remarqueray la terre. Iceux se diuisent en quatre parties esgales, de la Tramontane à l'Equinoxial, il y a quatre vingts dix degrez: de l'Equinoxial au Midy, il y en a autāt: de Midy à l'Equinoxial encor' autant: & d'iceluy à la Tramontane s'en compte autant. Mais nous n'auons aucune relation des terres, qui sont en yne si grande distance, comme de celles, qui doiuent estre souz le Midy, qui est l'autre esieuil du ciel, de la veüe desquelles nous sommes priuez, car cōme il y a des Hyperborees, il y a aussi des Hypernocques, ainsi que dict Herodote, qui sont voisins du Midy, & parauēture sont- ce ceux, qui habitent es pays du destroit Magelanique, qui suit la voye de l'autre Pôle, laquelle n'est encor congneu. Partant ie concluds, que la rondeur, & grandeur de la terre ne sera entierement congneue iusques au temps, que quelqu'un l'ait enuironé par dessouz les deux Poles, comme Iean Sebastien de la Cane l'a entourée par dessouz l'Equinoxial.

*Qui fut inuenteur de l'esguille marine. Chap. 9.*

**A**uant que cōmencer la description & Cosmographie ie veux dire quelque chose de la nauigatiō, par ce que sans icelle on n'eust rien scēu de ceste description. Car on n'expedie pas tant de chemin, ne si viste par terre, comme par eau, & sans les nauires iamais les Indes n'eussent esté trouuees, & les vaisseaux se fūsēt perdus en la mer Oceane, s'ils n'eussent porté l'esguille: tellement que ceste es-

guille est la principale partie pour bien nauiguer. Le premier, ainsi qu'escriuent Blonde, & Malphee Girard, qui trouua ceste esguille marine, & l'viance d'icelle fut Flaue, natif de Melphe, cité du Royaume de Naple, où encor aujourd'huy ils s'en glorifient, & non sans grande raison, puis qu'un de leur voyfins a trouué vne chose si necessaire, si profitable, & si subtile. Les anciens n'ont sceu trouuer ce secret, encor qu'ils eussent le fer & l'Aymât, qui sont les matieres pour cōposer ceste esguille. Ceux qui sont plus obligez à Flaue sont les Espagnols, qui nauigēt beaucoup. Ce secret fut inuēté, peut-estre, il y a deux cens cinquante ans: ou, tout au plus, trois cens ans. Aucun ne sçait la cause pourquoy le fer touché à l'Aymant, regarde tousiours la Tramontane: tous l'attribuent à vne certaine propriété occulte, aucuns en donnent la vertu à la Tramontane, & les autres à la mixtion que font ensemble le fer, & la pierre. Si c'estoit propriété de la Trimontane, il se feroit, comme disent les Nochers, mutation en l'esguille quād le vent est de Nordest, qui est le vent Grec, hors de l'Isle troisieme des Azores à huit cēs mil d'Espagne, vers Ponēt l'est, ou est, c'est à dire Leuāt, Ponēt. Encor moins aussi ceste esguille perdrait sa vertu quād on passe, comme dit Olanu, par dessous l'Isle d'Aymant, mais soit que ce soit, l'Aymant regarde tousiours la Tramōtane, encor qu'on nauigue pres du midy. L'Aymant a pieds & teste, & encor dit-on qu'il a des bras: le fer qui y est suit la teste, iamais ne s'arreste qu'il ne regarde directemēt la Tramontane, ainsi fait-on les quadrants pour le soleil: les pieds seruent pour le midy, & le reste sert

pour les autres parties du ciel.

*Opinion que Asie, Afrique & Europe, ne sont que  
Isles. Chap. 10.*

Les anciens ont party nostre hemisphere en trois parties, Asie, Europe & Afrique. Ils ont separé l'Asie de l'Europe par le fleuve Tanais, ainsi que recite Isocrates en son Panegyricque, & ont diuisé l'Asie de l'Afrique, par le fleuve du Nil, & possible la diuision eust esté meilleure par la mer rouge, qui quasi trauerse la terre depuis la mer Oceane iusques à l'autre Meditteranee. Celuy qu'on nôme Berose dit que Noé dôna les nōs à l'Afrique, l'Asie, & l'Europe, & les distribua à ses trois fils, Cam, Sem, & Iaphet, & qu'il vogua par la mer Meditteranee l'espace de dix ans. Nous demonstrerōs à la fin que ces trois susdictes prouinces occupent la moitié de la terre. Tous en general afferment que l'Asie est plus grāde qu'aucune des autres, & mēme que les deux autres ensemble : mais Herodote se moque en son Melpomene de ceux qui font l'Europe esgale à l'Asie, disant que l'Europe est esgale en longueur à l'Asie & Afrique, & les passe en largeur, ce qui n'est hors de verité : Mais laissant cela pour ceste heure, ie dis que Homere autheur fort ancien disoit que le rond, qui se diuise en l'Europe, Asie & Afrique n'estoit qu'une Isle, comme racompte Pomponne Mela en son troisieme liure. Strabon, au premier de la Geographie dict que la terre qui est habitee est vne Isle toute enuironnee de l'Ocean. Higins, & Solin confirment ceste opinion, encor que Solin erre en l'imposition des noms de la mer, pensant que la mer Caspe fust partie de l'Ocean, qui



toutesfois est Mediterranee, c'est à dire, entre des terres, & ne participe en rien de la grand mer. Strabon racompte comme au temps du Roy de Ptolomee Euergetes vn certain Eudoxe nauigea trois ou quatre fois de Caliz en Indie, qui a prins son nom d'vn fleuve: & que les gardes de la mer Arabeque, qui est la mer rouge apporterent audit Roy vn Indien en present. Le Roy Iuba confirme ceste navigation selon que dict Solin, & a esté tousiours autât celebree comme aussi elle est notable, & encor' aujourd'huy l'est elle plus qu'elle n'a esté, on fait ce chemin par terre, passant par pays fort chauld, mais il n'est point si penible, comme au contraire, il est tresperilleux, & dangereux vogant par le costé de la Tramontane, où sont les grandissimes froids. Aussi il n'est memoire entre anciens, qu'il soit venu de l'Indie à Caliz par ce chemin plus d'vn navire, lequel, selon Mela, & Plin allegans Cornelien arriua en Allemagne. Et le roy des Suanubes qu'aucuns appellent Saxons, presenta certains Indiens de ce vaisseau à Quinte Metelle Celer, qui en ce temps là gouuernoit la France souz le peuple Romain. Mais possible ces gens estoient du pays de la-beur, & les prindrét pour Indiens abusez de la couleur, car on dict aussi que du temps de l'Empereur Federic Barberousse certains Indiens arriuerent à Lubec en vne barque. Le Pape Pie second dict que la mer Sarmaticque & Scyticque est aussi certaine que la mer Germanicque & Indicque; aujourd'huy nous sçauons par experience certaine comme on peut flotter depuis Noruegue iusques à passer par dessouz la Tremontane, & voguer le long & la co-

ste vers le midy iusques à la Cinna. Olan Goth me comptoit plusieurs choses de ces pays, & de ceste nauigation.

*Confins & limites des Indes par la voye de Tramontane. Chap. 11.*

**L**E pays qu'on appelle Indie, est encor vne isle. Lcôme est ce pays de deça, il cômence ses limites vers la Tramôtane, qui est vn signe certain. Je compteray par degrez qui est le meilleur, & le plus vsté ie ne mesureray, ny n'approcheray de l'Europe, Afrique, & Asie, puisque plusieurs en ont assez escrit. Les confins donc, qui sont plus proches, & plus remarquables vers le Septétrio, sont les isles d'Island, & Grutlād. Islād est vne isle enuiron de cinq cēs mil, situee à septāte degrez de haulteur: mesmes il y en a quelques vns, qui la veulent mettre plus hault, disans que le iour y dure quasi deux de nos mois. Ce mot d'Islād veut dire isle, ou terre gelee, aussi à la verité non seulement la mer se gele à l'entour d'icelle, mais la gelee aussi est si forte au dedans de ceste isle, que la terre s'en esclate avec vn merueilleux bruit, tellement qu'il semble que ce soit vn grand nombre d'hommes brayants, & se lamentans: de là vient que les habitans pensent que le purgatoire soit là, ou bien qu'on y tourmente quelques pauvres ames. Il y a trois montaignes estranges, qui iettent le feu au pied, estants toutesfois tousiours gellees à la cime. Aupres de l'une d'icelles, qu'on nomme Hecla, sort vn feu, qui ne prend point à l'estoupe, & neantmoins brusle sur l'eau, & la consume. Il y a encores deux fontaines notables, l'une, qui iette certaine liqueur comme cire à demy fondue ou

caillee, & l'autre iette son eau bouillante, qui tourne en pierre tout ce que on y iette sans changer la forme & figure. Les ours y sont blancs, aussi sont les regnards, lieures, faucôs, corbeaux, & autres oyseaux, & animaux sèblables. L'herbe y croist haute & espaisse, & y en a tant qu'ils ne s'en soucient: aussi le bestial y profite merueilleusement, & est-on contraint del'oster de pasturage de peur qu'il ne creue de graisse. La laine est grosse, mais le beurre est bon à perfection, lequel avec le poisson est le principal sostenement de tous les habitàs. Les Baleines frequentent fort le tour de ceste Isle: elle y sont si enragées qu'elles rompent & cassent les nauires. Ils ont faict vne Eglise des costes & os de ces baleines, & autres grands poissons. Les Islandois sont bien dispos de leurs corps, mais sont fort gourmands & suiets à leur bouche. Aucuns ont pensé que ceste isle fust Thylé, isle dernière de celles que les Romains subiuguerent vers la Tramontane, mais ils s'abusent, par ce qu'il n'y a pas long temps qu'elle est descouuerte, & aussi est-elle plus grande & plus tirant vers la bize. Thilé proprement est vne petite isle, qui est entre les Orcades & Faré, tirant vn peu vers l'Occident & est à soixante sept degrez, encor que Ptolomee ne la mette si haut, & Island est à cét soixante mil de Faré, & deux cens quarâte de Thilé, & plus de quatre cens des Orcades. Vers la partie Septentrionale d'Island est Gruntland, isle fort grande, laquelle est à cent soixante mil de Laponie, & vn peu plus de Finmarchie, qu'ilsont pais de la Scandinanie, portion del'Europe. Les Gruntlandois sont vaillans, & beaux hommes. Leurs vais-



seaux sont couuers de cuir, de peur du froid & des poissons. Gruntland, selô aucuns, est à deux cés mil des Indes, vers le pais de Labeur: on ne sçait encor si ce pais est joint à Gruntland, ou s'il y a entre deux quelque destroit: si les deux se ioignent, les deux ronds & hemispheres de ce monde se couplent aupres de la Bize, ou bien deffous, puis qu'elle n'est point plus de cent soixante mil, ou deux cens mil de Finmarchie. Et encor qu'il y eust vn destroit, ces pais sont assez voyfins, puis que de celuy de Labeur on ne compte selon le commun rapport des mariniers, que cent soixante mil iusques au Faial, qui est vne des isles des Azores, & deux mille mil iusques à l'isle d'Island, & deux mille quatre cens mil iusques en Espagne.

*De la situation des Indes.*

*Chap. 12.*

**L**E costé des Indes, qui est le plus Septentrional, est vers la partie de Gruntland, & d'Island. Il s'estend le long de sa coste huit cés mil iusques au fleuve de Neige, qui est à soixante degrez de hauteur. Ceste coste toutefois n'est encor gueres bien recognue, delà il y a autre huit cens mil iusques à la plage des Molues, & toute ceste coste est quasi situee sous le mesme soixantiesme degré, & c'est le pais qu'on appelle de Labeur: ceste coste enclost l'isle des Demons. Des Molues iusques au cap de Mars, qui est au cinquâte-sixiesme degré, on cõpte deux cés quarante mil: de là iusques au cap de Gado deux cens mil: de ce cap, qui est à cinquante & quatre degrez de hauteur, suiuant la coste droit en Ponent on compte huit cens iusques à vn grand

fleuve dict saint Laurent, qu'aucuns croyent estre  
 bras de mer, & a on vogué dessus plus de 800. mil  
 en tirant contremont: de là est venu qu'on l'a ap-  
 pellé le destroit des trois freres. Il s'y fait vn goul-  
 fe quasi quarré, qui tourne iusque à la poincte de  
 Baccalos plus de 800. mil. Outre ceste poincte, &  
 le cap de Gado, on voit plusieurs isles bié peuplées,  
 qu'on nomme Cortes Reales, lesquelles reserrent  
 & courent ce goulfe quarré, C'est vn lieu en ce  
 quartier là fort notable. De la poincte de Baccalos  
 à la floride on met 3440. mil en comptant ainsi  
 par le menu: premieremēt de la poincte de Baccal-  
 eos, qui est à 48. degrez & demy, on compte 280.  
 mil iusques à la plage du fleuve: & de ceste plage,  
 qui est vn peu plus qu'à 45. degrez, y a autres 280.  
 mil iusque à vne autre plage, qu'on nomme de Is-  
 leos, qui est quasi à 44. degrez: de cest plage iusques  
 au fleuve Fonde on marque 280. mil, & de l'à en vn  
 autre fleuve qui s'appelle de Gamas, y à 240. mil, &  
 tous les deux fleuves sont à 43. degrez. du fleuve de  
 Gamas, on compte 200. mil iusques au cap de S.  
 Marie, aupres duquel est le cap Bas à 160. mil & de  
 là iusques au fleuve de S. Antoine on met plus de  
 400. mil: de ce fleuve on cōpte en tournant par la  
 coste à l'étour d'vn goulfe 320. mil iusques au cap  
 des Arenes, qui est quasi à 39. degrez: des Arenes au  
 port du Prince, y a plus de 400. mil, & de là iusques  
 au fleuve Iourdan 280. & de ce fleuve au cap. S. He-  
 lene, qui est à 32. deg. y a 160. mil: de ce cap au fleuve  
 Sec y a autre 160. mil: de ce Sec, qui est à 31. degré,  
 on compte 80. mil iusques à la Croix, & de là à Cā-  
 naual, qui est à 28. degr. y a autre 160. iusques à la

poincte de la Floride. La Floride est comme vne langue de terre, qui s'estend en la mer bien 400. mil droict vers le Midy. Et il a à l'opposite de soy loing enuiron de 100. mil l'isle de Cuba, & port de la Habane, & vers le Leuant ell' a les isles de Bahama & Lucaia. De la poincte de la Floride, qui est à 25. degrez, & qui tient 80. mil de lógueur, on cõpte 400. mil, ou plus, iusq̃s au goulfe bas, qui est à 200. mil, du fleuue Sec de Ponët en Leuât, qui est la largeur Floride. Du goulfe bas on met 400. mil iusq̃s à la riuiera des Neiges: de là iusques au fleuue de Fleurs, y a 120. mil, autant iusque à plage du saint Esprit, laquelle, par vn autre nom ils appellent la Culate, ell' a de costé 120. mil de ceste plage qui est à 29. degrez, y a plus de 280. mil, iusques au fleuue des pescheurs: de ce fleuue, qui est à vingt-huict degrez & demy on met 400. mil iusques à la riuiera des palmes, aupres de laquelle passe le tropicque de Cancer. De ceste riuiera iusques au fleuue Panuco, on compte plus de 120. mil, & de là à la Riche ville, ou bien, la vraye Croix, y a 280. mil. Almerie est comprise en cest espace de la vraye Croix, qui est à vingt-neuf degrez, y a plus de 120. mil iusques au fleuue Alaurado que les Indiens appellent Papalapan: de ce fleuue à celuy de Coazacoalco on met 200. mil, de là au fleuue de Gritalua vers le cap ród y a 320. le long de la coste, en laquelle sont situez Ciampoton, & Lazaro, du cap rond à celuy de Cotocé, ou Iucatan on compte 360. & est enuiron à vingt & vn degrez, tellemét que le tout bien compté, on trouue 3600. mil en costoyant tousiours la mer depuis la Floride iusques Iucatan, qui est vne



autre Promontoire, qui sort de terre, & s'avance en la mer vers la Tramótane, & d'autant qu'il s'estend en l'eau d'autant plus il s'elargit. Il y a à deux cens quarâte mil l'Isle de Cuba vers l'Orient, qui enferme le goulfe, qui est entre la Floride, & Iucatan. Aucús appellent ce goulfe, le goulfe Mexicain : autres le goulfe de la Floride, quelques vns le goulfe de Cortes. La mer entre en ce goulfe, entre Iucatan, & Cuba, avec vn courant roide, & sort entre Cuba, & la Floride, & iamaïs ne monte au contraire. De Cotoce, ou Iucatan, y a 440. iusques au grand fleuve. Il y a en chemin la poincte des femmes, ou dames, & la plage de l'Ascension. De ce grand fleuve qui est à seize degrez & demy, on compte six cens mil, iusques au cap de Cameron, lesquels on diuise en ceste sorte. On en compte 120. depuis ledict fleuve iusques au port de Higueras, ou Fichoré: de Higueras, au port de Cauallios autant, & encor' autant de là, iusques au port du Triomphe de la Croix: & de là au port de Honduras, on en met trente, & de ce port au cap de Cameron 80. d'où on compte 280. iusques au cap de Graces à Dieu, qui est à 14. degrez: on voyt en ceste coste Carthage. De Graces à Dieu on marque 280. mil, iusque à Scignato, qui vient du lac de Nicaragua: de là à Zorebaro y a 160. mil, & plus de 200. de Zorebaro, iusques au nom de Dieu: Veragua est au milieu. Ces 360. mil, sont à 9. degrez & demy, ainsi nous auôs 1960. mil de Iucatan iusques au nom de Dieu, qui est notable pour le peu de terre & le peu d'espace, qui est de là iusques à la mer de midy. Du nom de Dieu y a 280. iusques aux Farellons de Darien,

qui sont à 8. degrez: le long de la coste on voit Acla,  
& le port de Misas: & puis suit le goulfe d'Vraba,  
qui contient en son emboucheure 24. mil, & 56. de  
longueur. De ce goulfe on compte 380. mil, iusques  
à Carthagene. On trouue entre deux le fleuue de  
Zenu, & Caribana, d'où prennent nom les Caribes.  
De Carthagene on met 200. mil, à S. Marthe, qui  
est enuiron à 11. degrez de hauteur, sur la coste on  
voit le port de Zambre, & le grâd fleuue de S. Mar-  
the y a 200. mil, iusques au cap de la voile, qui est à  
12. degrez, & à 400. mil de S. Dominique, de ce  
cap on cõpte 160. mil à Coquibocoa, qui est vn au-  
tre cap de la mesme hauteur, au derriere duquel cõ-  
mence le goulfe de Venezuela, qui fait de tour 320.  
mil, iusques au cap de S. Roman: de ce cap au goul-  
fe malheureux, où tõbe la Curiane, on met 200. mil  
De ce goulfe à celui de Cariari on met 400. mil, il  
est à 8. degrez, il contient le port de la Canë fistule,  
Ciribici, & le fleuue de Cumane, & la poincte de  
Araja, à 16. mil d'Araja, est Cubagna, qu'ils appellēt  
Isle des Perles: & de ceste poincte à celle des Salines  
on cõpte 240. mil, de la pointe des Salines au cap  
d'Anegat y a pl<sup>o</sup> de 280. mil, par le goulfe de Parias,  
qui se fait entre la terre ferme, & l'Isle de la Trinité.  
d'Anegat, qui est à 8. degrez, on met 200. mil iusques  
au fleuue doux, qui est à 6. degrez: de ce fleuue à ce-  
lui de Orellane, qu'on dit le fleuue des Amazones,  
y a 440. tellement qu'on compte 3200. mil, le long  
de la coste depuis le nom de Dieu iusques à la riuie-  
re d'Orellane, laquelle entrant en la mer s'estend  
200. mil en largeur, estant droit soubs la ligne E-  
quinoxiale. De ceste riuieire on cõpte 400. mil iuf-

ques à celle de Maragnon, qui s'espend en la mer avec vne estendue de 60. mil, & est à 4. degrez de l'Equinoxial vers le Midy. De Maragnon au pays de Humos, sur lequel passe la regle du departement, on compte autres 400. mil. De là iusques à l'Angle de saint Luc on en compte encor autant. De cest Angle iusques au cap premier y a encor 400. mil, & de là au cap de saint Augustin, qui est à 8. degrez & demy au delà de l'Equinoxial, on compte 280. mil: & à ce compte, d'Orellane iusques à ce cap on trouue 2100. mil. De toutes les Indes ce cap est le plus proche d'Afrique & d'Espagne: car il n'y a de là iusques au cap verd, selon le commun recit des mariniers point plus de 2000. mil, encor en diminuent-ils. Du cap de saint Augustin on met 400. mil, iusques à la plage de tous les saints, qui est à treize degrez suyuant la coste vers le Midy: il y a au meillieu le fleuve de saint François, & le fleuve Royal. De tous les saints on compte 400. mil iusques au cap de Apre, qui est à 18. degrez d'environ: de ce cap iusques à celuy qu'on appelle Froid, on met 400. mil, le cap Froid est quasi comme vne Isle, & de là à 400. mil iusques à la pointe du bon Abrigo, par laquelle passe le tropique de Capricorne: & la raye de la partition du bon Abrigo on compte 200. mil iusques à la baye de saint Michel, & de là au fleuve de saint François, qui est à vingt six degrez, y a 240. mil. De saint François à la riuere de Tibiquiri, on met 400. mil, où est le port de Partos, & celuy de Fariol, & autres. De Tibiquiri à la riuere de la Platte, ou d'Argêt, on marque plus de 200. mil, & ainsi on compte 2640. du cap de saint



Augustin iusques à ceste riuere, qui est à 35. degrez, elle tient d'emboucheure iusques à sainte Helene 260. mil, de là iusques aux grosses Arenes y a 120. & de ces Arenes aux rochers d'Annegats 160. & de là à la terre basse 200. & de ceste terre à la plage sans fond 160. de ceste plage qui est à 41. degrez, on met 160. iusques aux Arracifes des loups: de ces loups, qui est à 44. degrez, on compte 180. iusques au cap de saint Dominique, de ce cap iusques à vn autre qu'on nomme Blanc y a 240. qui est près d'un fleuve nommé saint Ioan le Serran, qui est à quarante neuf degrez, autres appellét ce fleuve des Trauaulx, depuis lequel on cõpte 320. mil iusques au Promontoire des onze mille Vierges, qui est à 52. degrez & demy, & en l'emboucheure du destroit Magellanique, lequel dure 440. mil d'une mesme hauteur, & droit de Leuant en Ponent, & est à 4800. de Venezuela tirant de Midy vers la Tramontane: du cap Desiré, qui est à l'autre emboucheure de ce destroit en la mer de Midy qu'on nomme Pacifique, on cõpte 280. mil iusques au cap premier, qui est à 49. degrez, & de ce cap à la riuere des Salines, qui est à quarante quatre degrez, on met plus de 620. mil. De ceste riuere on compte 442. mil iusques au cap Solitaire, & de ce cap à la riuere de saint François y a 240. mil: de ceste riuere, qui est à quarante degrez, au fleuve Saint, qui est 33. degrez, y a 480. mil: ce fleuve n'est loing de Ciriuara, qu'aucuns appellent le port desiré de Chillé. De Ciriuara, qui est à 31. degrez, on nauigue quasi par la Tramontane, & par le Midy par le moyen du fleuve de l'Argent. Du fleuve Saint, y a 800. mil, iusques à Cinea & à la ri-

uiere depeuplee, qui est à vingtdeux degrez de ce fleue y a 360. mil à Arequipa, qui est à dixhuit degrez. D'Arequipa, on compte à Lima 360. mil, qui est à douze degrez. De Lima iusques au cap de l'Anguille on compte plus de 400. mil, qui est à six degrez & demi, sur ceste coste on voit Trusilio & autres ports. De l'Anguille y a 160. mil au cap Blac, & de là au cap de sainte Helene 240. mil. Tombez & Tumbamba sont au milieu, & l'Isle de la Punc. De sainte Helene, qui est à deux degrez de l'Equinoxial y a 280. mil iusqu'à Quigemis, par ou il passe sur la coste sont situez les caps de saint Laurent & de Passaos. On compte le long de ceste coste iusques au cap de saint Augustin 4000. mil: tout ce pays, pour estre sous & aupres de la Zone torride, est fort riche & opulent, comme bien l'ont demonstré les prouinces de Colao, & de Quito, ainsi que dirons cy apres. De Quigemis y a 400. mil, iusques au port & fleue de Peru, duquel a pris le nom la riche & fameuse Prouince & Royaume du Peru, en ce long traict on voit la plage de saint Matthieu, le fleue de S. Iaques & celuy de S. Jean du Peru, qui est à deux degrez de l'Equinoxial en tirant en ça. De l'Equinoxial on cõpte plus de 280. iusques au goulfe de saint Michel, qui est à 6. degrez de l'Equinoxial, & a de tour 200. mil, & n'est qu'à 100. du goulfe d'Vraba. De saint Michel on met 220. mil à Panama, qui est à huit degrez & demi de l'Equinoxial en ça, & n'est qu'à 60. mil du nom de Dieu, si ceste espace estoit retranche le Peru seroit vn Isle. Ce Royaume de Peru a de largeur mille lieues, & de longueur 1200. & donnant trois mil

mil seulement pour vne lieuë (comme on compte par terre) la largeur seroit de 3000. mil, & la longueur de 3600. il y a de tour 4065. lieuës, & par ce que le circuit s'estend pour vne bonne partie sur la coste de la mer, nous compterons à la mode de la mer, qui est de quatre mil pour vne lieuë, tellement que le tour se montera iusques à 16260. mil. De Panama suyuant tousiours la coste iusques à Tecoantepec on compte 2600. mil, en comptant en ceste façon. De Panama on mesure 280. mil, iusques à la poincte de la Guerre, qui est enuiron à six degrez, en ceste coste on trouue Paris, & Natan. De la Guerre à Borrique, qui est vn autre point de terre à huit degrez, y a 400. mil. de Borrique on compte autres 400. mil, iusques au cap Blanc, où est le port de la Ferrallerie, duquel on compte encor' 400. mil iusques au port de la possession de Nicaragua, qui est pres de douze degrez de l'Equinoxial. De la possession à la plage de Fonseca y a 60. mil. de là à Ciorotega 80. de Ciorotega au grãd fleue 120. & de ce fleue à celui de Guatimala 260. mil. De Guatimala à Catula y a 200. mil, & tout aupres est le lac de Cortes, qui contient 200. mil de lōgueur, & trentedeux de large: de là au port Serre y a 400. mil, & de là à Tecoantepec 160. qui est tirant vers la Tramōtane, & le Midy avec le fleue de Coazacoalco, & est vn peu plus qu'à treize degrez, tellement que iustement finissent les 2600. mil. Tout ce traict de pays est fort estroict d'vne mer à l'autre, & semble que la mer d'vne part & d'autre, ronge ces costes pour se ioindre ensemble, ainsi aussi elle nous monstre comme il seroit aisé



faire vn passage d'un costé à l'autre. De Tecoantepec à Colima on met 400. mil, on voit sur la coste Acapulco, & Zacatula. De Colima on compte 400. mil iusques au cap des Courans, qui est à vingt degrez: le port de Nouël est en ce quartier. Du cap des Courans y a 240. mil iusques à celui de Ciametlan, par lequel passe le tropique de Cancer: sur ceste coste sont situez les ports de Xalisco, & de Vandrás. De ciametlan y a 1000. mil iusques à l'estang ou fleuve de Miraflores, qui est quasi à trente-trois degrez: en ces 1000. mil on voit le fleuve de saint Michel, le Guayaual, le port de remede, le cap Roux, le port des ports, & le port du passage. De Miraflores à la pointe des Baleines, qu'autres appellent Califormia, y a 880. en passant par le port caché, par Belén, le port des Feux, & la plage de Canoá, & par l'Isle des perles. La pointe des Baleines est sous le tropique, & à 320. mil du cap des Courás, par lesquels entre la mer de Cortes, qui ressemble à l'Adriatique, & est quelque peu rouge. De la pointe des Baleines, iusques à la plage de l'Abbe y a 400. mil, & de là on en compte autant au cap de tromperie, qui est loing de l'Equinoxial trente degrez & demy, aucuns y en mettent dauantage, mais quant à moy ie suy la commune opinion: De la Tromperie au cap de la Croix y a quasi 200. mil, & de ce cap y a quatre cens quarante mil iusques au port des Sardines, qui est à trêtesix degrez: En ceste coste est situé le goulfe de saint Michel, la plage des Feux, & la coste blanche. Des Sardines au mont des Neiges on compte 600. mil, passant par le port de tous les saints, le cap de la Galere, le cap de Neige, & la

plage des premiers. Le môt de Neige est à quarante degrez, & est le dernier pays remarqué en ce quartier là, si est-ce toutesfois que le reste de la coste suit la Tramontane encor bien loing iusques à borner toutes les terres susdictes avec la terre de la-beur, ou Gruntlandi en forme d'Isle, & ce reste môte iusques à 2040. mil. & par ainsi on costoye toutes les Indes de côtree en côtree iusques au dernier pays cõgneu & descouvert. Quant à ce qui est cõgneu il cõtient de tour 9300. lieuës & plus, qui sont 37200. Il y en a 3375. lieuës par la coste de la mer de Midi, & 5960. par nostre mer tirant du Nort, qui est la Tramontane. Au surplus il faut entédre que toute la mer de Midi croist, & diminue beaucoup, & en aucuns caps six mil, & iusques à perdre la maree: & au contraire la mer de Nort ne croist quasi point sinon depuis Parie iusques au destroit Magelanique, & en quelques autres endroits. Personne iusques auourd'huy n'a peu encor sçauoir ny comprendre le secret, ny la cause de la croissãce & décroissãce de la mer, & encor moins pourquoy c'est qu'en aucuns lieux elle croist, en autres non. Partât ce seroit chose superflue d'en traicter icy quelque chose. Le compte que ie prens des lieuës & degrez, est selon les cartes marines des Cosmographes du Roy, lesquels ne reçoient, ny ne font memoire d'aucune relatiõ de quelque pilote que ce soit sans auoir receu le sermēt & bon tesmoignage. Je veux bié dire encor qu'il y a autres Isles & pays en la rōdeur de la terre, sans ce que nous auons descrit cy dessus, entre lesquels est le pays du destroit Magelanique, qui regarde l'Orient, lequel est de grande

estenduë à ce qu'on en peut veoir, & est bien pres du pol Antartique, on pense qu'un des costez de ce pays responce vers le cap de Bonne-esperance, & l'autre vers les Molucques, par ce que les pilotes du Viceroy Anthoine de Mendozze rencōtrèrent vn pays de Negres, qui duroit 2000, mil, & croyoient que ce pays se cōfinaist avec celuy que nous disons. Par ainsi on voit que la grandeur de la terre n'est point encor toute descouuerte, mais les pays que nous auons descrit font le corps de la terre, que nous appellons Monde.

*Comment les Indes furent descouvertes pour la premiere fois. Chap. 13.*

**C**omme vne Carauelle flottoit par nostre grād mer Oceane, vint à s'esleuer vn vent d'Ost si fort & impetueux, & soufflant si continuellement, que ladiëte Carauelle se trouua en vn pays inconnu, ny aucunement marqué en la Mappemonde, ou Carte marine. Elle retourna de là en bien plus long tēps qu'elle n'auoit faict à aller: & quand elle arriua de par decà, elle n'auoit plus qu'un Pilote, & trois ou quatre Mariniers, lesquels estans arriuez malades, & de faim & de trauail moururent en peu de iours au port. Voila commēt se descouurirent les Indes, avec l'infortune de celuy, qui premier les vit, finissant sa vie auāt que iouir d'elles, & mesme sans laisser memoire de son nom, ny d'oū il estoit, ny en quel an il les trouua. Je croy bien que ce ne fut pas sa faute, mais cela aduint par la malice, & meschanceté d'autrui, ou bien par l'enuie de celle qu'on appelle Fortune. Je m'esmerueille des histoires anciennes, qui de petits commencemens



nous racomptent de hauts faicts, & grandes entreprises, puis que nous sçauons, qui est celuy, qui depuis peu de temps en ça a descouuert les Indes, qui sont si remarquables, & si nouuelles. Si le nom de ce Pilote au moins fust resté, puis que tout a prins fin avec sa mort. Aucuns font ce Pilote d'Audeluz, lequel lors que ceste fortune luy aduint, cōtractoit és Isles de Canarie, & Madere: autres le font Biscain negociant en Angleterre, & en France: & autres le disent auoir esté Portugays, qui pour lors alloit ou venoit de la Mine, ou Indie, ce qui accorde au nom que prindrent ces nouuelles lettres, aussi il y en a qui disent que ceste Carauelle arriua en Portugal, & autres qu'elle arriua à l'isle de Madere, ou à vne autre des Isles des Azores: mais pas vn n'assure rien, ils s'accordent seulemēt en cela que ledict Pilote mourut en la maison de Christofle Colomb, en la puissance duquel demeurèrent les registres de la Carauelle, & le raport de tout ce long voyage, avec la marque, & hauteur de ces terres nouuellement trouuees.

*Qui estoit Christofle Colomb.*

*Chap. 14.*

**C**hristofle Colomb estoit natif de Cugureo, ou comme aucuns veullent, de Nerui, village de la Seigneurie de Gennes, qui est vne cité de grand renom en Italie. Il descendoit des Pellestreli de Plaisance en Lombardie. Au commencement il fut petit compagnon comme d'estre marinier, qui est vn mestier auquel volontiers s'employent tous ceux de la riuiera de Gennes. Ainsi il nauigua plusieurs annees en Syrie, & en autres pays de Leuant: depuis il deuint maistre à faire des cartes marines,

d'où luy aduint tout le bien, & la bonne aduventure qu'il rencôtra. Il vint en Portugal pour auoir congnoissance de la coste d'Afrique, qui regarde le Midi, & de tout le reste des pays qu'environnēt les Portugays par leurs nauigations. Or pour mieux faire, & pour biē védre ses cartes, il se maria en ce royaume de Portugal, ou, cōme aucuns veulent, en l'Isle de Madere, ou, à ce que ie puis croire, il demouroit au temps qu'arriua la Carauelle cy dessus mentionnee: il receut en sa maison le patron d'icelle, lequel luy racompra tout le voyage qu'il auoit faict, & les terres neuues qu'il auoit veuës, afin qu'il remarquast en vne carte marine qu'il achetoit de luy: ce pendāt mourut ce patron, qui laissa par ce moyen à son hoste la relation, la marque & la hauteur de ces terres neuues. Voila comment Christofle Colomb eut congnoissance des Indes Et afin que ie n'oublie rien, aucuns ont voulu dire que Colomb sçauoit la langue Latine, & qu'il estoit bien entēdu en la Cosmographie, qui l'incitoit à chercher les pays des Antipodes, & la riche Cipanga, notee par Marc Paul, pour auoir leu Platon en son Timee, & en son Critias, où il parle d'une fort grāde Isle nommee Atlātea, & d'un pays couuert plus grād qu'Asie & Affrique. Et aussi pour auoir leu Aristote, ou Theophraste, qui dit cōme certains marchās Carthaginois nauigeans du destroit de Gibraltar, vers Ponent & Midi, descouurirēt, apres lōgues iournees, vne grāde Isle depenlee, bien pourueue toutesfois, avec riuieres nauigeables. Mais laissant là ces auteurs, ie dis que Christofle Colomb n'estoit point docte, ains seulement de bon iugemēt, & qu'ayant la cōgnoissance

de ces nouueaux pays , par le rapport de ce Pilote mort, il s'informa de perſônes doctes ſur ce que les anciens diſoyent des autres pays, & autres mondes: entre autres il communiqua fort auec vn frere Iean Peres de Marcene, qui demeueroit au monaſtere de la Rabida: par telles cômunications , il creut pour certain ce que luy auoit laiſſé de bouche, ou par eſcrit, ce Pilote. Il me ſéble que ſi Colôb euſt cōgneu par ſô ſçauoir où eſtoiét les Indes, beaucoup deuât ſans venir en Eſpagne, il euſt traitté de ceſt affaire auec les Geneuois , qui couroyent tout le monde, mais iamais n'en creut rien , iuſques à ce qu'il euſt rencontré ce Pilote Eſpagnol, lequel il trouua par la fortune de la mer, & par la volonté diuine.

*Combien trauilla Chriſtoſle Colomb, pour aller aux Indes.*

*Chap. 15.*

**A** Pres que le Pilote & les mariniers de la Caruelle ſuſdite furét morts, Chriſtoſle Colôb ſe propoſa d'aller chercher ces Indes: mais autant que le deſir eſtoit grand , d'autant la puissance de ſ'acheminer eſtoit petite. Car outre qu'il n'auoit les moyens de fournir vn nauire , il auoit encor beſoin de la faueur d'un Roy , de peur qu'apres qu'il auroit deſcouuert la richeſſe qu'il imaginoit, on luy enleuaſt ce bien. Or voyant le Roy de Portugal eſtre empesché à la conqueſte d'Afrique , & à ſes nauigations en Orient , que pour lors il ne faiſoit qu'encommencer , voyant auſſi celui de Caſtille empesché à la guerre de Grenate , il enuoya ſô frere Barthelemy ( qui ſçauoit auſſi ſon entrepriſe ) au Roy d'Angleterre Henry ſeptieſme, qui eſtoit fort riche & opulent , & qui n'eſtoit occupé en au-

d iij



cunes guerres, pour negocier avec luy, tendant à fin qu'il luy donnast des vaisseaux pour descourir les Indes, & qu'il print en sa protection, luy promettant, & l'asseurant de luy apporter en peu de temps de grandissimes thresors. Barthelemy rapportant mauuaise despesche, Christofle commença à traicter de ce negoce avec le Roy de Portugal Alphonse cinquiemesme, avec lequel il trouua peu de faueur, & encor' moins de deniers pour aller chercher ces richesses qu'il promettoit, par-ce que ces raisons estoient rebutees par le Docteur Calciadiglia Euesque de Visceo, & par vn certain maistre Roderic, personages estimez bien entéduez en la Cosmographie, lesquels assureoient qu'en l'Occident il ne pouuoit auoir Or aucun, ny autre richesse, comme affirmoit Colób. Cela le feist deuenir tout melancholique, & pensif, si est-ce que pour cela il ne perdit courage, ne l'esperance de sa bone-fortune, q depuis il eut. Il s'embarqua à Lisbonne, & s'en vint à Palos de Moguer, où il communiqua avec Martin Alphonse Pinzon Pilote bien practiqué, & expert & s'offrant à luy, luy racompta comme il auoit entendu qu'en nauigeant derriere le Soleil par la voye temperée, on trouueroit de grands & riches pays. Il communiqua aussi avec frere Jean Perez de Marcene Cosmographe, moine de l'ordre de S. François, auquel en secret il declara tout ce qu'il imaginoit en son esprit. Ce frere l'encouragea d'auantage en son entreprise, & le cōseilla de negocier, & cōferer de cest affaire avec le Duc de Medine Sidonie Héry de Cuzmā, Seigneur grād & riche, & avec dō Loys de la Cerde duc de l'autre medine surnomme

Celi, qui auoit en son port de S. Marie vn bon appareil, pour luy donner vaisseaux, & gens necessaires: mais ces deux Ducs ne voulurent entendre à tel voyage, reputant que ce n'estoit qu'un songe, & vn compte d'un moqueur, comme auoient ia faict les Roys d'Angleterre, & de Portugal. Alors le mesme Cordelier l'anima d'aller à la Court des Roys Catholiques, qui prenoient grand plaisir à tels deuis: & pour cest effect il escriuit pour luy à frere Fernád de Teleuere confesseur de la Royne Isabelle. Christofle Colomb s'en alla à la Cour de Castille, où il entra l'an 1486. & presenta aux Roys Catholiques Fernand, & Isabelle les memoires de son entreprise. Iceux en feirēt peu de cōpte, parce qu'ils auoient leurs esprits empeschez à chasser les Mores hors le Royaume de Granate, il s'adressoit à ceux que l'on disoit estre fauoriz du Roy, & qui auoient quelque pouuoir pres le Roy sur les affaires, mais attendu qu'il estoit homme estranger, pauurement vestu, & sans aucun credit que celuy d'un moyne de l'ordre des Freres mineurs, ils ne luy donoient aucune faueur, & ne le vouloient escouter: ce qu'il tourmentoit grandemēt en son esprit, il n'y auoit qu'Alfonse de Quintauille grand thresorier qui luy donnast à viure, & qui volontiers prestoit l'oreille à ces choses qu'il promettoit de ces pays incogneuz: ce qui luy seruoit d'entretien pour ne point perdre l'esperāce de traicter quelque iour de cest affaire avec les Rois Catholiques. Par le moyé donc d'Alfonse de Quintauille, Colób eut entree, & audience avec le Cardinal Gózalet de Médozze, Archeuesque de Toledé, qui estoit fort fauorisé, &

auoit grande autorité pres la Royne & le Roy. Ice-  
 luy le presenta deuant eux, lesquels apres l'auoir  
 diligeminét examiné, & bien entendu son desseing,  
 commencerent à luy prester l'oreille, & prindrent  
 ses memoires, & encor qu'au commencement ils  
 eussent pour vne chose vaine, & faulse, tout ce qu'il  
 promettoit, luy dōnerét toutesfois esperāce d'estre  
 depesché à son souhait apres qu'ils auroient mis fin  
 à la guerre de Granate qu'ils auoiét pour lors entre  
 les mains. Avec ceste bonne responce Colomb cō-  
 mença à esleuer les pensees encor plus hault, & à e-  
 stre en estime, & ouy de tous les courtisans, qui ius-  
 ques à ceste heure s'estoient tousiours moquez de  
 luy, & ne se soucioit aucunemét de son affaire, puis  
 qu'il auoit trouué occasion. La guerre de Granate  
 acheuee: il poursuiuit son affaire de telle façō, qu'il  
 luy donnerent ce qu'il demandoit pour aller cher-  
 cher ces terres neuues, où il promettoit trouuer de  
 l'or, argent, perles, pierreries, espiceries, & autres  
 choses riches. D'auantage ils luy donnerent la di-  
 xieme partie des reuenus, & daces Royalles, en tou-  
 tes les terres qu'il descouuriroit, & gagneroit, sās  
 preiudice, toutesfois, du Roÿ de Portugal. La capi-  
 tulation de ce negoce fut passée en la Cité de Sain-  
 cte Foy, & le priuilege accordé en la Cité de Gra-  
 nate le 30. d'Auril en l'an mesme que ceste Cité fut  
 recouuerte des Mores. Et parce que le Roy n'auoit  
 pour lors aucuns deniers pour depeschier Colomb,  
 ayant espuisé son thresor en ceste longue guerre,  
 qui dura dix ans, Louis de Saint Ange son Secret-  
 taire luy presta six comptes de Marrauedis qui sont  
 seize mille ducats d'or. Sur cecy nous noterōs deux



choses, l'une, comme avec si peu de comptant le reuenu de la couronne d'Espagne est creu en tant cōme valent aujourd'huy les Indes: l'autre qu'aussi tost que la guerre des Mores, qui auoit duré plus de 800. ans, print fin, celle des Indiens commença, afin que les Espagnols combattissent tousiours cōtre les infidelles, & ennemis de la Saincte Foy de IESVS CHRIST.

*Comme Christofle Colomb descouurit les Indes.*

*Chap. 16.*

Christofle Colomb equippa trois Carauelles en Palos de Moguer aux despens des Rois Catholiques en vertu de la prouision qu'on auoit obtenue d'eux. Il mit en icelles six vingts hommes, tant mariniens que soldats. Il bailla la charge de l'une à Martin Alphonse Pinzon, de l'autre à François Martin Pinzon, avec son frere Vincent Ianes Pinzon: & quant à luy cōme grand Capitaine de toute l'armée il se mit avec son frere Barthelemy, qui estoit marinier fort adextre, en la plus grande, & meilleure des trois. Il mit les voiles au vent, & commença à sortir du port vn vendredi, troisieme iour d'Aoust mille quatre cents quatre vingts & douze. Il passa par Gomere, qui est vne des Isles des Canaries, où il print raffreschissement, de là suivit sa routte qu'il s'estoit imaginé, & apres plusieurs iournees, rencontra tant d'herbe, qu'il sembloit que ce feust vn pré, ce qui luy donna vne peur, encore qu'il n'y eust aucun danger: & dict son qu'il sen vouloit retourner, si d'auenture il n'eust veu bien loing de luy certaines petites cases, qui luy donnerent assurance que la terre n'estoit

pas loing de luy : & aussi tost vn Marinier de Lepe, & vn autre nommé Salzede, apperceurent vne lumiere: & le iour ensuiuant, qui fut l'vnziesme d'Octobre du mesme an, Roderic de Triane commença à s'escrier, terre, terre. Au son d'une si douce voix, vn chacun commença à s'esleuer pour voir si l'autre disoit verité, & comme ils veirét que ce n'estoit point moquerie, se meirent tous à genoux, & chanterent *Te Deum*, pleurans d'aise: & aussi tost feirent signe à leurs compagnons, qui estoient plus loing, qu'ils se resiouissent, & rédissent graces à Dieu, qui leur auoit fait la grace de veoir ce que tant ils desiroient. Il faisoit lors bon veoir les plaisirs extremes que les mariniers ont accoustumé de faire, les vns baisoient les mains à Colób, autres s'offroient à luy pour seruiteurs, autres luy demandoient graces. La premiere terre qu'ils apperceurét fut Guanahá, qui est vne des Isles de Lucaios, entre la Floride, & l'isle de Cuba. Ils prindrét aussi tost terre, & possession des Indes, & de ce nouveau mode pour le Roy d'Espagne. De Guanahan ils vindrent à Barucoa port de Cuba, où ils prindrent quelques Indiens, & se retirans en arriere borderent de Hayti, ils iettent les ancras au port, que Colomb nomma Royal, ils descendirent incontínét en terre, par ce que la Capitainesse auoit touché à vn rocher tellement que elle s'estoit ouuerte, sans toutesfois qu'aucun homme fut perdu. Les Indiens les voyans descendre en terre s'enfuyrent en grand haste avecques leurs armes de ce costé vers les montagnes, pensans que ce feussent Caribes, qui estoient venuz là pour les manger: les nostres coururent apres eux,

mais ils ne peurent prendre qu'une femme toute nue, à laquelle ils donnerent pain, vin, & confitures, & une chemise, & autres vestemens, & puis l'envoyèrent appeler les autres. Elle s'y en alla, & leur dist, & compta tant de choses de ces hommes nouvellement arriuez, qu'aussi tost ils commencerent à venir d'où ils estoient fuis, & à parler aux nostres sans s'entendre l'un l'autre, sinon par signes, comme s'ils eussent esté muets : Ils apportoiert oiseaux, pain, fruiet, or, & autres choses, pour changer avec des sonnettes, couronnes de verre, esguilles, bourses, & autres telles petites choses : ce qui fut un grand plaisir à Colomb. Ils saluèrent Colomb & le Roy Guacanagari, où comme ils l'appellent le Cacique de ce pays, & se donnerent presens l'un à l'autre, en signe d'amitié. Les Indiens apportèrent leurs barques pour enlever ce qui estoit en la capitaineſſe, qui estoit rompue. Ces pauvres gens estoient si humbles, si bien nez, & aussi serviables, que s'ils eussent esté esclaves des Espagnols. Ils adoroient volontiers la Croix, & se frappoyent la poitrine, se mettoient à genoux à l'Aue Maria, comme les Chrestiens. Colomb leur demandoit l'Isle de Cipango, où il y avoit beaucoup d'or, eux entendoient Cibao, & respondoient en leur langue Cibao monstrans l'endroit où elle estoit située. Colomb pensoit aussi que ils feissent responce à sa demande, & ainsi s'en resjouissoit grandement, pensant avoir trouvé ce qu'il demandoit, comme il s'imaginoit aisément pour la grand' monstre d'or qu'il voyoit desja en ce pays. Voyant donc la richesse si grande en ce pays, & le peuple simple & traictable ne songeoit plus qu'à



retourner en Espagne pour rapporter les nouvelles aux Roys Catholiques de ce qu'il auoit veu: & deuant que partir fist en peu de iours vn petit fort de terre & de bois, avecques la volonté du Cacique, & mesme avecques l'aide de ses vassaux, dedás lequel il laissa trente huiët espagnols, sous le capitaine Roderic d'Arene natif de Cordube, tant pour apprendre la langue que pour decouurir les secrets du pays, & de ce peuple: & les laissa là, iusqu'à tât qu'il fust retourné d'Espagne. Ce fut là la premiere demeure pour peupler que firent les Espagnols aux Indes. Colomb prit dix Indiens, quarante perroquets, plusieurs Coqs, Cónils, qu'ils appellent Hutias, Batatas, Axies. Il emporta aussi du Maiz, duquel ils font leur pain, & autres choses estranges & differentes des nostres, pour tesmoignage de ce qu'il auoit decouvert: Il mit semblablement dedans ses vaisseaux tout l'or qu'il auoit trouvé, ou qu'il auoit eu par eschange. Il despecha trente huiët compagnons qui demeureroiët là, & dict, à Dieu au Cacique, qui pleuroit pour sa departie, s'en allant avec deux Carauelles, & tous les autres compagnons, faisant voile du port Royal, & avecques vn temps à souhait arriua en cinquante iours au port de Palos: Voila comme les Indes furent decouvertes par Colomb.

*Del honneur & grace que les roys Catholiques firent à Colomb, pour auoir decouvert les Indes. Chap. 17.*

**L**ors que Colomb se desbarqua en Palos, & se mettoit en chemin pour aller à la court, le Roy & la Roine estoient à Barcelone: & encor que le voyage fut long, & que les eschanges qu'il auoit faict

fait par delà fussent grandes, si se mit-il en chemin. Ce voyage luy estoit honorable, par ce qu'un chacun sortoit dehors pour le voir, à raison du bruit qui couroit là par tout, comme il auoit descouvert vn nouveau monde, d'où il apportoit grandes richesses, & amenoit des hommes de nouuelle forme & d'autre couleur. Aucuns disoyent qu'il auoit trouué la nauigation qu'autrefois les Carthaginois auoient prohibee & deffendue: Autres que c'estoit celle que Platô en son Cricias met pour perdue avec fortune: Autres disoyent qu'il auoit accôply ce que Senecque en sa Tragedie de Medee auoit deuinee, c'est à sçauoir, qu'il viendrait par cy apres vn temps auquel on descouueroit de nouveaux mondes, & qu'alors l'isle de Thillé ne seroit pas la dernière. En fin il entra à la court bien venu & bien souhaitté, & avec grande assemblée de tous qui venoyent au deuant de luy: Ce fut le troisieme d'Auril vn an apres qu'il en estoit party. Il presenta au Roy l'or & tout ce qu'il auoit apporté de l'autre monde, ce qui feist esmerueiller vn chacun, voyât toutes ces choses nouuelles excepté l'or. Ils loüoyent les Perroquets pour estre de fort belle couleur: les vns estoient verts, autres rouges, autres jaunes, avec très de sortes de plumes de diuerses couleurs, & peu d'autres ressembloyent à ceux qu'on apporte d'autres pays. Les Hutias, autrement conills, estoient petits, ayans les oreilles & la queue de souris, & estans de couleur cendree: Ils esprouuerent l'Axies, qui est vne des sortes d'espece qu'vsent les Indiens, laquelle leur brusloit la langue: Ils raterent aussi des Batatas, qui sont racines douces: Ils mangerent aussi des

Coqs du pays, qui sont meilleurs que nos pans & poules. On s'esmerueilloit qu'en ce pays il n'y auoit point de grain, & que tous mangeoyent du pain fait de Maiz. Ce qu'ils regardoient le plus, estoit les hommes qui auoient en leurs nez, & en leurs oreilles des pierres pendantes, qui n'estoient ne blâches, ne noires, n'oliuastres, mais estoient de couleur de pomme de coing cuite: ils estoient fix, qui furent baptisez, le Roy & la Royne estoient par-rins, & le prince dom Iean, pour authoriser d'auantage en la personne de ces Indiens premiers Chrestiens le S. Baptisme: tous les autres que Colomb auoit amené, moururēt deuât qu'arriuer à la court. Le Roy, & la Royne estoient fort attentifs au recit que leur faisoit Colomb de tout ce qu'il auoit veu. Ils s'esmerueilloient d'ouyr que ces Indiens n'auoient aucuns vestemens, ny lettres, ny monnoye, ny fer, ny grain, ny vin, ny aucun animal plus grand qu'un chien, ny aucuns nauires que petites barquettes, faites à la semblance d'esquifs, tels que les vendageurs vsent à Rome, faits tout d'une piece: mais quand ils entendirent qu'en ces Isles & terres neuues, les hommes se mangeoient l'un l'autre, & qu'ils estoient tous Idolatres, ils ne le peurent endurer ny supporter, & aussi tost firent promesse à Dieu, que s'il leur donnoit vie, ils osteroyent ceste grand' cruauté, & desracineroient par toute l'Indie ceste idolatrie abominable, s'ils pouuoient auoir une fois commandement sur eux: un veu, certes, d'un Roy tres-Chrestien. Ils firent grand honneur à Christofle Colômb le faisant seoir en leur presence, qui est un signe de grande faueur, & amitié, par ce que pour l'honneur



& reuerence de l'authorité Royale, c'est vne ancienne coustume d'Espagne, que tous vassaux & seruiteurs soyent tousiours debout deuant leur Roy. Ils luy confirmèrent la dixieme partie des reuenus Royaux, & luy donnerent le tiltre & office de grand Admiral des Indes, & feirent son frere Barthelemy Colomb Adelantado. Christoffe Colôb mit à l'entour de l'escu de ses armes, que le Roy luy auoit données, ces deux vers en langue Espagnole:

*Por Castiglia, y por Leon.*

*Nueno mundo halla Colon,* qui veulent dire en François.

*Pour Castille & Leon, Colombe*

*A descouuert vn nouveau Monde.*

De là on soupçonnoit que la Royne fauorisoit plus ce descouuremēt des Indes, que nō pas le Roy. Mesme elle ne permettoit que pas vn autre de ses Castillans passast aux Indes, & si quelque Arragonnois y vouloit aller, il falloit qu'il eust congé expres d'elle. Plusieurs de ceux, qui auoiēt accōpagné Colomb en ces voyages, demandèrent grace, laquelle le Roy n'octroya à tous, de quoy fasché le marinier de Lepe, se retira en Barbarie, où renia sa foy, tant pour ce que Colôb ne luy dōna rien, que pour n'auoir obtenu sa grace du Roy, encore que deuant nul autre il eust veu aux Indes le premier la lumiere.

*Pourquoy on appelle tout ce pays Indie.*

*Chap. 18.*

**A**uant que nous passions plus auant, ie veux dire ce qu'il me semble de ce nom Indie, par ce qu'aucuns croient que ce pays s'appelle ainsi, à raison que les hommes sont semblables en couleur à

ceux de l'Indie Orientale. Mais il m'est aduis qu'ils sont bien differens, & en couleur, & en façon de faire: & soit que de ces Indes ce pays soit dit Indie, Indie toutesfois est proprement ceste grande prouince d'Asie, où Alexandre le Grand feist la guerre, laquelle print son nom du fleuve Inde, & se diuise en plusieurs Royaumes, qui sont aux enuirs de ce fleuve. De ceste grande Indie, qu'on appelle Orientale, sont sortis grandes compagnies d'hommes, qui descendirent, ainsi que recite Herodote, pour se peupler en l'Ethiopie, qui est entre la mer Rouge & le Nil, ce qui aujourd'huy est en la puissance de Prete Ian. Ils furent si forts en ce pays qu'ils chargerent les anciennes coustumes de ce pays en les leurs. De là vint que l'Ethiopie s'appella aussi Indie: ce qui a meu plusieurs, & mesme Aristote, & Senneque de dire que l'Indie estoit pres d'Espagne. De ces Indes, donc (de Prete Ian) où là negotioient les Portugais a prins le nō d'Indie ce pays: par ce qu'à dire vray, la Carauelle premiere, qui avec vn vent impetueux fut poussée en ce pays, venoit ou alloit à ces Indes, & quand le Pilote veit ces terres neuues, il les appella Indes, & ainsi Christofle Colomb les a tousiours depuis appellees. Ceux, qui sont Colomb pour grand Cosmographe, disent qu'il les appella Indes pour l'Indie Orientale, croyant que ces terres neuues fussent l'isle de Cipango qu'il cherchoit, laquelle est viz à viz de la Cina, ou Catay, & si auoit plustost le Soleil derriere soy que non pas deuant: plusieurs, toutesfois, croyent que ceste isle de Cipango n'est point. Or soit pour telle raison qu'on voudra que ce pays s'appelle Indie, si l'appelle-il aujourd'huy ainsi.

*La donation des Indes que feist le Pape aux Roys  
Catholiques. Chap. 19.*

**A**Vssi tost que les Roys Catholiques eurent ouy Christofle Colomb, despescherēt vn courrier à Rome, qui portoit la relatiō de ces tētes nouuellemēt trouuees pour la baillēr à ses Ambassadeurs, qui quelques peu de moys deuant estoient partīs pour aller prester l'obedience au Pape Alexandre sixiesme, ainsi qu'ont accoustumē faire tous les Princes Chrestiens. Le courrier arriué les Ambassadeurs presenterent au Pape les lettres de leur Roy, & de leur Roynie avec la relatiō de Colomb. Ce fut certainement vne grāde nouuelle, à laquelle sa Sainteté, les Cardinaux, & toute la Court prindrent grād plaisir, & s'esmerueilloient d'ouir choses si estranges & si rares, tant de ce que les Romains, qui ont gouuerné tout le monde, n'en auoient iamais rien entēdu, que de ce que les Espagnols auoient faict ce descouuement. Le Pape de sa propre volōté, & de son seul mouuement, & avec le consentement des Cardinaux dōna de grace au Roy d'Espagne toutes les isles, & terre ferme qu'ils descouueroiēt vers l'Occident, aux charges & conditions qu'en les cōquerant, ils enuoyeroiēt des Prescheurs pour conuertir les Indiens de leur idolatrie. Je descriray icy la bulle du Pape, afin que tous la lisent, & qu'un chacun sçache comme ceste conqueste, & conuersion des Indes, que font les Espagnols, est avec l'autorité & donation du grand vicaire de IESVS CHRIST.

*La bulle & donation du Pape.*

**A**lexandre Euesque, seruiteur des seruiteurs de dieu, à nostre trescher fils en Iesuschrist Ferdi-



nand Roy, & à nostre treschere fille en Iesus-Christ  
 Isabelle Royne de Castille, de Leon, d'Aragon, de  
 Sicile, & de Granade salut, & benediction Apo-  
 stolicque.

Entre tous les œuures agreables à la majesté diu-  
 ine, & que desirós le plus est que la foy Catholique  
 & la religion Chrestienne soit principalemēt en no-  
 stre temps exaltee, & par tout amplifiée & espādue,  
 & que le salut des ames soit procuré d'un chacun,  
 & que les nations barbares soiēt subiuguees & re-  
 duites à la foy: ce qui est cause que nous estās parue-  
 nus par la seule diuine clemence, & non pour noz  
 merites, à ceste sacree chaire de S. Pierre, nous de-  
 uons à bon droit de nostre bon gré, & avec toute  
 faueur vous donner les moyens & occasions pour  
 mettre à execution, & pour poursuiure de iour en  
 iour avec vn ardāt courage en l'hōneur de Dieu, &  
 de l'Empire Chrestie, vn si loüable & si saint œuvre  
 qu'avez encômécé par l'inspiratiō de Dieu immor-  
 tel, cōsiderans que cōme vrays Roys & Princes Ca-  
 tholiques, tels que nous vous auons tousiours con-  
 gneuz, & cōme assez est notoire à tout le mode par  
 voz grādes entreprises, vous n'avez point seulemēt  
 vn tel desir que nous, mais qui est d'auātage, que de  
 toute vostre puisāce, soing, & diligēce executez vo-  
 stre bō vouloir sans espargner aucuns trauaux, sans  
 auoir esgard à aucune despence, sans vous soucier  
 d'aucuns perils, mesme en espandant vostre propre  
 sang, & que vous auez voüé tout vostre cœur, tou-  
 tes voz forces dès long temps à cela, comme assez le  
 demōstre le recouuremēt qu'avez n'aguere fait du  
 royaume de Granade d'être la tirānie des Sarrazins,

avec vne si grâde gloire de vostre nom . Nous auôs entêdu côme par cy deuant vous auiez proposé de faire chercher quelques isles & terres fermes lointaines & incongneuës , & non encor par aucuns descouuertes, pour reduire les habitans d'icelles à faire profession de la foy, & reconnoistre nostre Redempteur: mais que n'auiez peu côduire ceste sainte & loüable deliberation à sa fin pour la guerre de Grânade, en laquelle estiez pour lors empeschez, & que du depuis, ce Royaume estant recouuert par la permission diuine, auiez, nô sans grâds perils & despêces, enuoyé sur ceste grâde mer, où persône n'auoit encor vogué, Christofle Colôb, hôme digne & recommandable, & propre à vn tel affaire, pour diligemêt chercher ces terres fermes & isles loingtaines & incongneuës : lesquelles, apres auoir singlé tout au trauers cest Ocean, il auroit trouuees par sa grande diligêce avec l'ayde de Dieu, toutes peuplees & réplies d'hômes, viuâs paisiblement ensemble, se tenâs nuds, & se nourriffans de chair, & qui, selon le rapport de voz Ambassadeurs, croyêt qu'il y a vn Dieu createur au ciel, & qui semblent estre assez idoines & capables pour embrasser la foy Catholique, & estre instruits és bonnes mœurs: ce qui nous donne esperâce que le nom de nostre Sauueur Iesus-christ seroit facilement espandu parmy cés terres & isles, si les habitans d'icelles estoîêt endoctrinez. Dauātage nous auons esté aduertis côme le dit Colomb en vne principale de ces isles a basti vn fort, dâs lequel il a mis quelques Chrestiens qui l'auoient suiuy, rât pour le garder, que pour s'enquerir des autres isles & terres fermes qui luy estoîêt encor incôgneuës, &

qu'il a rapporté qu'es isles qu'il a ià descouuertes, on trouuoit de l'or, des espiceries, & plusieurs autres choses precieuses. Ce qu'estât par vous diligemmēt considéré, principalement ce qui cōcerne l'exaltation & ampliatiō de la foy Catholique, (comme il appartient à Roys Catholiques) vous auez proposé, suyuant la bonne coustume de voz predecesseurs Roys d'eternelle memoire, de subiuguer avec l'ayde de la diuine clemence toutes ces terres, isles susdites, & tous leurs habitās, & les ramener à la foy Chrestienne. Voyans vostre deliberation telle, nous, qui affectueusement desirons qu'une si sainte & loüable entreprise soit bien encommencee, & encor mieux acheuee, & qui souhaittons grandement que le nom de nostre Sauueur soit presché en ces pays incongneuz, vous enhortōs par le saint Baptesme (par lequel estes obligez aux commādemens Apostoliques) & vous sommōs par l'interieur de la misericorde de nostre Seigneur Iesus-Christ, que quand avec vn bon zele de la sainte foy, vous cōmencerez ceste expeditiō, vous vueillez induire les habitans de ces isles & terres fermes, à receuoir la religion Chrestienne, sans que les perils & trauaux vous en puissent iamais destourner, vous fians asseurement que le Dieu tout-puissant conduira en toute prosperité voz entreprises. Et afin que par la largesse Apostolique vous entrepreniez plus volontiers & d'un plus grand courage la charge d'une si haute entreprise, de nostre propre mouuement, sans auoir esgard à aucune requeste, qui par vous ou par autrui nous pourroit auoir esté presentee, mais seulement cōmencuez par nostre pure &



franche liberalité, & pour quelques secretes. causes, nous vous donons toutes les isles & terres fermes qui ont ia esté trouuees, & qui sont encor à trouuer, qui sont descouuertes & à descourir, vers l'Occident & le Midy, tirât vne ligne droit du pol Arctique au pol Antarctique, soit que ces isles & terres fermes trouuees & à trouuer, soit vers l'Indie, ou vers quelque autre quartier. Nous entendons toutesfois que ceste ligne soit distante cent lieuës vers l'Occident & le Midy des isles, que vulgairemēt on appelle Azores, ou du Cap verd. Nous doc par l'autorité de Dieu tout-puissant, qui nous à esté baillee en la personne de S. Pierre, & de laquelle nous iouissons en ce mode cōme vicaire de Iesus-Christ, vo<sup>z</sup> donōs avec leurs seigneuries, villes, chasteaux, lieux, villages, droicts, iurisdicions, & toutes autres appartenances & dependances, toutes les isles & terres fermes trouuees & à trouuer, descouuertes, & à descourir depuis ladicte ligne vers l'Occidēt, & le Midy, qui par autre Roy ou Prince Chrestien n'estoyent point possēdee actuellement iusques au iour de Noel dernir passé, auquel cōmence la pre-sēte annee 1493. lors que quelque vns des isles susdites ont esté trouues par vos Lieutenans & Capitaines. Lequel don nous estendons en la personne de vos heritiers & successeurs Roys de Castille & de Leon, & les en faisons seigneurs avec pleine & libre puissāce, autorité & iurisdicō sur icelles, ne voulās nēatmoins desroger au droit d'aucū Prince Chrestien, qui actuellemēt en auroit possēdé quelques vnes iusqu'au iour susdit de la natiuité nostre seigneur Iesus-christ. D'auātage nous vous mādons

que suiuant la sainte obedience que vous nous deuez, & suiuant la promesse que vous nous auez faicte (laquelle nous ne doutons point que ne gardiez entieremēt pour la grande deuotion & royale maiesté qui est en vous) vous enuoyez aux susdites isles & terres fermes des gens de bien, craignans Dieu, doctes, sçauans, & experts, pour instruire les habitans susdicts en la foy catholique, & pour les abreuuer de bonnes mœurs, vous enchargeans de vous employer s'ongneusement aux choses susdites. Et d'autre part nous deffendons sur peine d'excommunication à toutes personnes de quelque dignité que se soit, fuisse Imperiale, & Royale de quelque estat, degré, ordre, ou condition qu'elles soyent d'aller ou enuoyer sans auoir permission de vous, de vos heritiers & successeurs susdits, à aucunes de ces isles & terres fermes qui sont ia descouvertes, & sont encor à descouvrir vers l'Occident & le Midi, suiuant ladite ligne que nous entendons passer du pol Arctique, au pol Antarctique cēt lieuës loig des isles des Azores, ou du cap verd, vers Occident & Midi, nonobstāt toutes autres cōstitutions, & ordonnances Apostoliques à ce contraires: ayās bonne confiance que celuy qui est distributeur des empires & seigneuries, conduira vos actions, si vous poursuiuez vne si sainte & louable entreprise, & vos labeurs & traux aurent en brief vne fin tres-heureuse qui apportera vne grāde gloire, & vne felicité noppareille à tout le peuple Chrestien. Mais parce qu'il seroit difficile que ces presentes fussent portees aux lieux où il seroit besoing, nous voulōs que pareille foy soit adioustee cōme à ces presētes,

aux copies, qui seront signees par main de notaire public sur ce appelle, & seellees du seel de quelque personne, constituée en dignité ecclesiastique, ou de quelque court d'Eglise. Qu'aucun donc ne soit si temeraire d'enfreindre & venir au contraire de ce qui est porté par cest nostre mandemēt, exhortation, requeste, donation, cōcession, assignation, cōstitution, decret, deffence, inhibition, & volonté. Et si quelqu'un soit si hardy d'attenter au contraire, qu'il s'asseure d'écourir l'indignation de Dieu tout puissant & des Apostres S. Pierre & S. Paul. Dōné à Rome à S. Pierre l'an de l'incarnation de nostre Seigneur 1493. le quatriesme des nones de May, & le premier an de nostre pontificat.

*Le second voyage que feist Colomb aux Indes. Chap. 2.*

**L**Es Roys Catholiques ayans si bonne responce du Pape, resolurēt de renvoyer Christofle Colomb avec grand nombre de gens pour peupler ce nouueau pays, & pour cōmencer la conuersion de ces Idolatres, suiuant la volonté, & mandement du Pape. Ils cōmanderēt à Iean Roderic de Fonsèque Doyen de la cité de Seuile qu'il assēblast vne bonne armee de mer, & feist prouision de viures, & de tel nōbre de vaisseaux qu'ils fussent capables pour recevoir mil cinq cens hommes. Le Doyen suiuant ce commandement equipa iusques à dixhuit nauires & carauelles, & de là en auant il eut tousiours l'œil sur les faciendes des Indes, & vint à estre president du conseil d'icelles. Ils cercherent douze Prestres lettrez & de bonne vie pour prescher & conuertir ce peuple, iceux suiuyent frere Bueil Catalan de l'ordre de S. Benoist, qui avec vn brief s'en



alloit par de-là comme vicaire du Pape. Au bruit des richesses de ces Indes, & pour estre l'armee bone, & pour plaire au Roys Catholiques, plusieurs Cheualiers, & courtisans se hazarderent à ce voyage. Plusieurs autres gens aussi de mestier mecanique se ietteret avec ceste armee, comme Orfeures, Charpentiers, Cousturiers, Villageois, & autres. On achepta aussi aux despens du Roy force Iumés, Vaches, brebis, cheures, porcs, truyes, asnes, pour en auoir de la race, par ce qu'il n'y en auoit point par de-là. Aussi on achepta grande quantité de grain, d'orge, de legumes pour semer, de vignes, cannes douces de succe, & plantes de fruiçts doux, & aigres, des briques & de la chaux pour bastir, & plusieurs autres choses necessaires pour edifier & entretenir les villes qu'on bastiroit. Le Roy feist grande despence en ces choses, & en la soulde de ces mille cinq cens soldats qui estoient en ceste armee, laquelle Christofle Colomb feist sortir de Caliz le 25. de Septembre 1493. Et par ce qu'en navigeant selon sa route il panchoit toutesfois plus à gauche qu'il n'auoit fait au premier voyage, s'approchant plus pres de l'Equinoxial, il vint à reconnoistre premierement vne Isle qu'il appella Desirée, à laquelle il ne s'arresta, & vint surgir au port de l'Argent, qui est en l'Isle Espagnole, & de là aussi tost se rendit au port Royal, où il auoit laissé trente-huict Espagnols. Or ayât entédu là cōme les Indiens auoyent tué tous ces Espagnols, par ce qu'ils vouloyent prendre ou forcer leurs femmes, & leur faisoient autres desplaisirs, ou bien par ce qu'ils ne s'en alloÿent point, ny ne s'en vouloyent aller, il s'en

retourna pour peupler en l'Isabelle, qui est vne cité faicte en la memoire de la Roynie, & feist bastir vne forteresse es mines de Cibao, où il mit pour Capitaine le Commandeur Dom Pierre Marguerite. Il despescha aussi tost Antoine de Torres avec douze vaisseaux, afin qu'ils ne fussent d'auenture perdus, demeurans là trop longuemét, pour porter la nouvelle de la mort du Capitaine d'Arene & de ses compagnons, & plusieurs grains d'or, entre lesquels y en auoit vn pesant huit onces, qu'Alphonse d'Ogede auoit trouué: Il enuoyoit aussi aucuns Perroquets fort beaux, & certains Indies Caribes, qui mangent les hommes. Iceux sont naturels d'une Isle nommee Aiay, qui auourd'huy se nome sainte Croix. Quāt à luy, il s'en alla avec trois Carauelles pour descouurir plus de pays, comme les Roys luy auoiēt commandé. Il descouurit l'isle de Cuba vers le Midy, & la Iamaïque, & autres petites isles, & estat retourné il trouua plusieurs Espagnols morts de faim, autres malades, & plusieurs tout decoulourez de faim. Il vsa de grande rigueur contre aucuns qui auoient desobey à ses freres Barthelemy & Diegue, & qui auoient faict mal aux Indiens. Il feist pēdre Gaspar Ferriz Arragōnois, & en feist fouēter quelques vns si cruellement que tous les autres l'en blasmoient. Estat ainsi rigoureux, encor que ce fust par voye de iustice, Frere Bueil grand vicaire, pour obuier à la mort d'autres Espagnols, & pour oster le deshonneur qui s'en ensuyuoit, interdift Colób: mais il ne se soucioit de telles raisons, ny des autres prestres. Ceste querelle ainsi s'enflāba de plus en plus, & l'vn & l'autre en escriuerent aux Roys Catholiques, lei-

quels enuoyerēt par de là leā Agnade pour les amener en Espagne cōme prisonniers, afin de rēdre raison de leur different deuant leur maiestez. Aucuns disent que le frere, & les autres querellans vinrent deuant, qui informerent mal le Roy & la Roynes. Christofle Colomb arriua à Medine du champ ou pour lors estoit la Cour, & apporta au Roy plusieurs grains d'or, & aucuns pesans quinze, & vingt onces & plusieurs grandes pieces d'Ambre, grande quantité & nacre de perles, plumes, & manteaux de cotton, desquels se vestoient les Indiens: il leur feist son raport de ce qu'il auoit descouuert de nouveau & leur loua grandement ces Isles si riches, & si esmerueillables de ce qu'en Decēbre, quand l'hyuer est en Espagne, les oiseaux font leurs nids aux arbres par la campagne, & en Mars les raisins sauages se meurissent, le grain semé au moys de Ianuier, est meur en soixante & dix iours, les melons sont bons en quarante iours, les racines, & laiētues en moins de vingt iours viennent à perfection: La chair des Pigeonneaux sent comme musc, & celle des Cocodrilles, qui sont en grād nombre en chaque fleue: Les habitans peschent en la mer de fort grands poissons avec vn petit instrument qu'ils appellēt Gaycā, les Espagnols le nōmēt riuersō: en outre leur dit, cōme il pensoit qu'il y eust en ce pays de la canelle, girofle, & autres espices, à cause de l'odeur doux, & suaue, qui sortoit de plusieurs valles. Apres tout ce discours il presēta les proces des Espagnols qu'il auoit mis en iustice. Les Roys catholiqs pour mieus & plus āplemēt le descharger, le remercient pour les seruices qu'il leurs auoit faits, & pour



es peines & fatigues qu'il auoit enduré, le reprindrent seulement de la trop grande seuerité & châtiment, duquel il auoit vſé, l'admonnestant de se gouuerner par cy apres avec plus grande modestie avec les Espagnols, qui pour le seruice de leurs maistres se hazardoient d'aller en pays si lointains. Ils firent armer huit nauires, avec lesquels voulurent qu'il retournaſt à deſcouvrir encor dauantage de pays & emmener gens, armes, vestemens & autres choses necessaires.

*Le troisieme voyage que Colomb feit aux Indes.*

*Chap. 21.*

**D**E ces huit nauires que Colomb auoit armées & equippees aux despés du Roy, il en enuoya deuant deux ſoubs la conduite de son frere Barthelemy, & luy avec les six autres se partit de ſainct Luc de Barrameda à la fin de May en l'an 1497. Au bruit des richesses qu'on apportoit des Indes quelques corsaires François se ietteret vers ce quartier. Ce qu'ayant entendu Colomb se retira en l'Isle de Madere, d'où il enuoya par le droit chemin à l'Isle Espagnole trois vaisseaux avecques trois cens hommes qui estoient là confinez, & luy s'en alla avec les trois autres aux Isles de Cap verd pour prendre son voyage plus pres de l'Equinoxial. En ce voyage il tomba en de grands accidens rencontrant la mer calme avec grandissime chaleur. En fin il arriua en terre ferme des Indes, vers le quartier qu'on appelle Paria, & de là iusques au cap de la Voile costoya tousiours la terre par l'espace de 1320. mil, & puis se mit à trauerser la mer tirât à S. Dominique, ville que son frere Barthelemy auoit fondee là à la riuiera du

fleuve d'Ozame; ou il fut receu pour gouuerneur selon la forme de la prouision qu'il portoit, ce qui ne fut sans grand murmure de plusieurs, qui estoient fort mal contens & de son frere Adelantado, & de Diego Colomb, qui en son absence auoient le maniement de tout, soit en temps de paix ou en temps de guerre.

*De la faim, maladie, guerre, & victoire qu'ont eu les Espagnols pour se deffendre. Chap. 22.*

**L**Es Espagnols ont esprouué l'air, & le pays avec plusieurs sortes de maladies, entre autres ils en ont essayé deux, qui les ont plus longuement tourmentez: l'une estoit des bubes, laquelle maladie ils ne cognoissoient aucunement, l'autre estoit d'un changement de couleur en iaulne, de sorte qu'ils sembloient estre en safranez. On pensoit que ceste couleur vint d'auoir mangé des serpens, qui se repaissent des petits lezards & plusieurs autres meschantes choses non accoustumées, la nécessité les y contraignoit. Il mourut aussi de faim plus de cinquante mille Indiens, parce qu'ils ne semoiert point de maiz, pensans par ce moyen chasser les Espagnols n'ayans rien à manger. Ce qu'ils faisoient à raison qu'ils preuoyent ià bien le mal, & la perte qu'il leur deuoit aduenir. Or comme ils les voyoient fortifiez en Isabelle, & en la forteresse de S. Thomas de Cibao, d'où ils faisoient saillie sur eux pour emporter viures & enleuer leurs femmes, qui leur donnoient ce mal de bubes, ou mal François: les Ciguayos assiegerent ceste forteresse de S. Thomas, pour venger l'iniure faite à leurs femmes & filles, pensans les tuer come ceux de Guacanagari auoient

fait du capitaine d'Arene. Mais ils leuerent le siege vn mois apres qu'ils l'y auoient mis, & s'en retournerent : par ce que Colomb venoit au secours. Alphóse d'Ogeda, qui estoit capitaine de ce lieu apres Marguerite, feit des faillies sur eux, ou il en tua plusieurs. Colomb aussi tost qu'il fut arriué, enuoya le mesme Ogeda pour traiter la paix avec le Cacique Coanabo, à qui estoit ceste contree : il negocia si bien, & avec si grande astuce qu'il amena ce Cacique dedans la forteresse, encor que pour lors il eust avec luy plusieurs Ambassadeurs d'autres Caciques, qui luy offroyent gens, & prouisions pour tuer ou chasser de l'Isle les Espagnols. Christoffe Colomb le feit prisonnier, par ce qu'il auoit tué plus de vingt Espagnols. Ce pendant qu'il tenoit ainsi prison, vn sien frere assembla cinq mille hommes pour le deliurer, desquels la plus part estoient garnis de fleches & d'arcs. Alphonse d'Ogeda se mit en campagne au deuant d'eux avec cent soldats Espagnols, & quelques cheuaux que Colomb luy auoit dōnez. Le frere de Coanabo encor qu'il marchast en bon ordre & qu'il combatist comme vaillant capitaine, si fut-il rompu & prins prisonnier avec grand nombre des siens. Par le moyen de ceste victoire, les Espagnols furent de là en auant plus crains, & mieux obeis en ceste contree. Aucuns disent que ceste guerre fut faite en l'absence de Christoffe Colomb, & en la presence de son frere Barthelemy : lequel depuis ceste bataille vainquit encore Guarionex accompagné de quatorze Caciques, qui auoyent plus de quinze mille homes en campagne pres du village de Bouao, les ayant



affrontez de nuict, par ce que iamais ils ne combattent de nuict, il y en eut grand nombre de tuez, & quatorze Caciques prins avec Guarionex. Mais ils furent tous mis en liberté sous la promesse qu'ils feirent d'estre amis, & tributaires des Rois Catholiques. Ceste victoire, & ceste liberté donnee à ces Caciques, feirent estimer & craindre les Espagnols, qui dès lors commencerent à commander aux Indiens, & iouyr du pays.

*L'emprisonnement de Christofle Colomb.*

*Chap. 25.*

**B**arthelemy Colomb s'enorgueillit tant de la victoire de Guarionex, & du cours, qu'il voyoit si heureusement succeder en toutes ses affaires, & en celles de son frere, qu'il commença à n'vser plus enuers les Espagnols de la courtoisie qu'il souloit faire. Ce qu'irrita grandement Roldam Ximenez grand preuost de l'Admiral, tellement qu'il l'empechoit d'vser de sa puissance absoluë comme il vouloit: de là ils vindrent à auoir paroles aigres ensemble, & commencerent à se desdaigner l'un l'autre. Encore dit-on que Barthelemy Colomb s'enflamba iusques à là de le toucher, où que mesme il le toucha. Ainsi Roldã se separa de luy avec soixante & dix soldats qui aussi estoient irritez cõtre Colomb. Mais ce fut en protestant par deuant Notaires tous ensemble qu'ils ne se separoiët point pour s'exempter du seruice qu'ils deuoient, ny pour controuenir au commandement du Roy, & que ce n'estoit que pour ne pouuoir supporter l'orgueil des Geneuois. Ce fait ils s'en allerent à Xaragua, où ils demurerent quelques annees. Vn peu apres Christofle

Rosle Colomb appella Roldan pour venir faire sa charge, ce qu'il refusa. Ainsi Colomb l'accusa cōme desobeissant, traistre, & mutin par lettres que pour ce fait il escriuit aux Rois Catholiques, adioustant qu'il voloit les Indières, forçoit les Indiennes, les tourmentoit & faisoit maux infinis ; & qu'il auoit arresté deux carauelles, qui s'en retournoient chargees en Espagne , qu'il auoit retenu les hommes qui estoient dedans par belles paroles , & par tromperie. D'autre part aussi Roldan & ses compagnons escriuirent à leurs maiestez vne infinité de maux de Christofle Colomb , & de ses freres, les asseurans comme il se vouloit rebeller avec tout le pays, & se faire seigneur de tout, qu'il ne vouloit endurer qu'aucun autre que ses seruiteurs & amis fouillassent les mines & enleuassent l'or: qu'il traictoit mal les Espagnols sans aucune raison, qu'il faisoit iustice à son plaisir, que l'Amiral auoit caché le descouurement des perles, qu'il auoit trouuees en l'isle de Cubagia pour les enleuer pour luy seul, sans en faire part à aucun, encor que pour acquerir telles richesses ils soient tombez en grandes maladies, & se soient monstrez vaillans. Le Roy ayant entendu tout ce fait, fut bien fâché de ce que les affaires des Indes estoient en tel estat, & encor l'estoit plus la Royne. Ils despecherent incontinent Christofle de Bouadila cheualier de l'ordre de Calatrana pour estre gouverneur de ces pays avec puissance & auctorité de chastier, & enuoyer prisonniers en Espagne ceux qu'ils trouueroient coupables. Il s'en alla en l'Isle Espagnole avec quatre carauelles l'ã 1499. Il feit informer à saint Dominique selon la com-

mission qu'il portoit, & feist prendre prisonniers Christofle Colomb, & ses freres Barthelemy, & Diego, & les enuoya en Espagne en deux carauelles. Comme ils arriuerent à Caliz, le Roy & la Roynne en furent aduertis, qui aussi tost enuoyèrent vn courrier pour les deliurer, & les laisser venir à la court: où estans arriuez les Roys Catholiques receurent amiablement les excuses que mit en auant Christofle Colomb meslees de larmes, & pour la peine qu'il deuoit endurer, où pour obuier à telles contentions, & telles nouveutez, où afin qu'il ne pensast qu'il deust tousiours auoir le gouuernemēt de ces Indes, ils le luy osterent: ce qui luy fut vn grand desplaisir, aussi luy fust vne grande faueur de le laisser retourner, estans ces affaires en si mauuais point.

*Le quatriesme voyage que feist Christofle Colomb aux Indes. Chap. 24.*

**C**Hristofle Colomb demeura trois ans en Espagne: à la fin, qui fut l'an 1502. il eut aux despens du Roy quatre carauelles, avec lesquelles il passa en l'isle Espagnole, & quand il arriua pres les fleuue de Ozame, Nicolas d'Ouando qui pour lors gouuernoit en l'isle, ne le voulut laisser entrer en saint Dominique. Ce qui luy desplaist assez, & manda seulement que, puisque on ne le vouloit laisser entrer en la ville qu'il auoit peuplee, il s'en alloit chercher vn port, où il fust à seureté. Et ainsi s'en alla au port Caché, & de là voulant trouuer vn destroit qui passast de l'autre costé de l'Equinoxial, comme il auoit donné à entendre aux Roys Catholiques, s'en alla droit tirant vers Ponent iusques au cap de Higue



ras, & puis se mit à suivre la coste de Midy, & la courut iusques au nom de Dieu, d'où il tourna voyle à l'isle de Cuba, & de là à Iamaïque, & là perdit deux Carauelles, qui luy estoient restees des quatre que le Roy luy auoit bailles pour faire ce descouurement, tellement qu'il demeura sans vaisseau, & ainsi ne peut regagner saint Dominique. Il luy aduint de grandes infortunes, plusieurs Espagnols deuindrent malades, & ceux, qui estoient sains, luy feirent la guerre, & les Indiens luy enleuerent ses prouisions. François de Porras Capitaine de l'une des Carauelles, & son frere Didaco de Porras, qui tenoit le registre de l'armée, se mutinerét cōtre luy, & prindrent sur les Indiens autāt de Barques qu'ils appellent Canoaz, qu'ils peurent, pour passer en l'Espagnole. Comme ceux de l'isle veirent ceste entrepr̃ise, ils ne voulurēt plus donner aucune prouision à ceux de Colomb, ains pourpensoient de les saccager tous: Alors Christofle Colób appella aucuns d'iceux, les repr̃int du peu de charité qu'ils auoient, les pria qu'ils luy vendissent des prouisions, & les menaçoit, s'ils faisoient au contraire, qu'ils mourroient tous de peste, & que pour monst̃rer que cela ainsi aduiendroit, ils verroient en vn tel iour la Lune toute pleine de sang. Alors voyans la Lune eclipsée en la mesme heure, & iour qu'il leur auoit dit, adioust̃rent foy aux menaces de Colomb, par ce qu'ils n'auoient aucune congnoissance de l'Astrologie, & luy demanderent pardon pleurants à chaudes larmes, le priants qu'il ne fust plus indigné contre eux. Ils luy apporterent tout ce qu'il demandoit, & le prièrent qu'il les mit en la

bonne grace de la Lune. Par ce moyen avec le bon traitement, & seruice des habitans les malades prindrēt guerison, & furent prests à combattre contre les deux freres de Porras, & leurs alliez, qui ne pouuans passer la mer en si petits vaisseaux, ne faisoient quē tourner, & voltiger pour voir s'ils pourroient agraffer sur Colomb quelque vaisseau, si d'auenture il luy en estoit venu depuis. Comme ils tournoient ainsi, Barthelemy Colōb saillit à l'encontre d'eux, ils combattirent, il y eut quelques vns de tuez, plusieurs blessez, les deux freres Diego, & François furent prins. Ce fut là la premiere guerre ciuile, qui aduint entre les Espagnols aux Indes. En signe de ceste victoire Christofle Colomb nomma ce port Saincte Gloire, qui est en Seuille de Iamaïque, où il fut vn an iusques à ce qu'il eut moyen de passer à saint Dominique.

*La mort de Christofle Colomb.*

*Chap. 25.*

**A** Pres que ceste dissention fut finie, Christofle Colomb s'en vint en Espagne, afin qu'il ne fust noté, & accusé cōme à l'autre fois, & aussi pour rendre compte de ce qu'il auoit depuis descouuert, & comme il n'auoit point trouué de destroit. Il arriua en Valladolid, & la mourut en May 1506. On enleua le corps pour le porter au monastere de la Cueue de Seuille. C'estoit vn homme de bōne stature, membru, de visage long, roux, piqué, & enflé, bé, cruel, il supportoit fort bien les peines, & travaux. Il fut quatre fois aux Indes, & en reuint entant de fois. Il descouurit bien au long, la coste de terre ferme. Il conquist, & peupla vne grande partie de

l'Isle Espagnole que, communement on appelle saint Dominique. Il trouua les Indes encor que ce fust aux despès du Roy. Il employa beaucoup d'annees à les chercher, & pour sçauoir comment on pouuoit les aborder. Il s'aduétura de flotter sur ceste grande mer, & en pays qu'il ne congnoissoit aucunement, seulement par le dire, & relation d'un pilote: & si c'eust esté de son inuention, comme aucuns ont voulu, il meriteroit plus grande gloire. Mais soit q ce soit qui l'ait meu, & incité, si a il fait chose, qui merite grādissime gloire, & telle que iamais son nom, & sa renommee sera mise en oubly, & ne l'Espagne cessera de luy rendre graces, & louanges d'un trauail si glorieux. Aussi les Roys Catholiques Dom Fernand, & Dame Isabelle, au nom & despenſe desquels ce descouuremēt fut fait, pour recognoissance de ces seruices luy donnerent le tiltre, & estat de grand Amiral perpetuel des Indes, & reuenu conuenable à tel estat, & tel que le seruice qu'il auoit faict, & l'honneur qu'il auoit acquis le requeroient. Entre ces bōnes fortunes il eut aussi certaines aduersitez ayant esté deux fois prisonnier, & en l'une il fut mis à la cadene. il fut mal voulu de ses soldats, & mariniers, qui fut cause que Roland Ximenez & les freres de Porras, & Martin Alphonse Pinzon se mutinerent. Au premier voyage qu'il feist il combattit contre ses propres soldats, & en tua aucuns en la bataille qu'il eut cōtre François, & Didaco de Porras. Il plaida contre le Fisque du Roy sur ce qu'il s'en retournoit en Espagne sans veoir la terre des Indes n'eust esté les trois freres Pinzons. Il laissa deux fils, desquels l'un nommé



Dom Diego Colomb espousa Dame Marie de Toledé, fille de Dom Fernand de Toledé grand Commandeur de Leon. L'autre nommé Dom Fernand Colomb vescu en liberté sans se marier: il estoit fort studieux, & laissa vne fort belle librairie, ou il y auoit douze à treize mille liures, laquelle est maintenant en la possession des Iacobins de saint Paul de Seuille: ce fut vne chose memorable, & d'un fils digne d'un tel pere.

*La situation de l'Isle Espagnole, & autres particularitez.* Chap. 26.

**A**V langage de ceux de ceste isle elle s'appelle Hayti, & Quisqueia. Hayti veut dire aspreté, & Quisqueia terre grande. Christofle Colomb la nomma Espagnole, maintenant on l'appelle saint Dominique, ayant prins ce nom de la ville, qui est la plus principale dedans icelle. Ceste isle contient en longueur de Leuant en Ponent 600. mil, & de large 240. elle a de tour 1600. mil, & est de l'Equinoxial vers la Tramontane à dixhuit, & vingt degrez. Elle a par les costez vers le Leuant l'isle de Borriquen, qu'on appelle saint Iehan, & vers Ponent l'isle de Cuba & Iamaïca: vers la Tramontane elle a les isles des Canibales, & au Midy elle regarde le cap de la voile, qui est en terre ferme. Il y a en icelle beaucoup de ports qui sont bons, de grands fleuves fort profitables comme Hatibanico, Iuua, Ozome, Neïua, Nizao, Nigua, Hayua, & Yaques, chacun entre en la mer: il y en a d'autres moindres comme Macorix, Cibao, & Cotui, de ceux-cy le premier est riche en poisson, & les autres en or. Il y a deux lacs notables: l'un pour sa bonté, l'au-

tre pour estre estrange. Il est aux montaignes, d'où  
sourd la riuere de Nizao, il ne rend aucun prof-  
fit, & est tout couuert, & bien peu le voyent: l'au-  
tre s'appelle Xaragua, il est salé encore qu'il reçoie  
plusieurs ruisseaux, & riuieres d'eau douce, qui  
est cause qu'il est fort peuplé de poisson, & entre  
autres il y a de grandes tortues & des flammet-  
tes, est pres de la mer, & à de tour cinquante qua-  
tre mille. Outre les salines du port sauage, & du  
fleuve Yaques, il y a vne haulte montaigne de sel  
en Vaiuoá, lequel on tire comme à Cardone de Ca-  
talogne. Il y a force azur, qui est bien fin, & vne  
infinité de Bresil, beaucoup de cotton, & ambre,  
des mines d'or fort riches, lequel encóre ils recuei-  
lent dedans les lacs, & fleuves: il y a aussi de l'argent  
& autres metaux. La terre est bien fertile, aussi y a-  
uoit en ceste isle plus d'un million d'hommes: la plus  
grand part n'auoient aucun vestement, & estoient  
tous nus, & s'ils auoient quelque robbe, estoit de  
cotton. Ils sont de couleur de Chastaine claire, de  
moyéne stature, replets, ils ont vn mauuais regard,  
les dens laides, les naseaux ouuerts, & le front lar-  
ge, ce que les meres ou sages femmes font tout ex-  
pres par certain art pour gentillesse, & force, telle-  
ment que si on leur donne vn coup sur le front, l'es-  
pee se rompera plustost que l'os du frót aye du mal.  
Les hommes, & femmes ont tous la peau lissée, &  
reluisante, aucuns disent que c'est par art; tous ont  
les cheveux longs, polis, & noirs.

*La religion de l'Isle Espagnole.*

*Chap.*

27.

f iiii

**L**E principal Dieu, qu'ont ceux de ceste Isle, est le diable, lequel ils depeindēt en chascue contrée en telle forme qu'il s'est apparu à eux. Il s'apparoist à eux assez souuent, & parle à eux. Ils ont encor vne infinité d'idoles, qu'ils adorēt differemment, & les appellent chascun par son nom propre, & leur demandent ce qu'ils pensent qu'ils ont en recommandation. A l'un ils demandent de l'eau, à l'autre du maiz, à vn autre santé, & à vn autre victoire. Ils les font de croye, boys, pierre, & de cotton. Ils alloiēt en pelerinage à Loaboina, qui estoit vne grotte, où ils adoroient deux statues de boys, qu'ils appelloient Marobe, & Bintatel, & leurs offroient tout ce qu'ils pouuoient porter sur leur doz. Ils estoient tant enchantez du diable, qu'ils croioient tout ce qu'il disoit: il s'en alloit quelque fois entre les femmes, en forme de Satyre, & cōme font ceux qu'on appelle Incubes, & qu'aussi tost qu'il les auoit touchee au nôbril, il n'apparoissoit plus: mesmes il disent, & racōptent encor qu'un Idole nommé Conocotto, que souloit adorer le Cacique Guamaret, sortoit de son petit oratoire, où il estoit liē, pour aller bâqueter, & se recreer avec les fēmes de la ville, & d'enuiron, lesquelles puis apres acouchoiēt de fils, qui portoiēt deux couronnes, en signe qu'ils auoient esté engēdrez par leur Dieu. Ils adioustēt encor que le mesme Idole s'eschappa par dessus le feu cōme la maison du Cacique brussloit: Ils cōptent aussi cōme vn autre Idole qui estoit au mesme Guamaret qu'ils appelloient Epilguanit, & qui auoit quatre pieds comme vn chien, s'en alloit parmy les mōtaignes quād ils l'irritoient, & alors le



retournoiét querir en belle processió, d'où il le rapportoient sur leurs espaules. Ils tenoiét pour grande relique vne coquille, de laquelle ils disoient que la mer estoit sortie avec tous ses poissons : ils croyoiét aussi que d'une certaine grotte le Soleil, & la Lune feussent sorti, & d'un autre le premier hōme, & la premiere femme. Il seroit trop lōg à reciter semblables folies, & moins ie l'eusse escrit, si ce n'eust esté pour faire quelq mōstre de leur superstitiō, & cōme ils estoiet aveuglés, & pour oster aux Indies de terre ferme, specialemēt aux Mexicains, le goust de ceste cruelle, & endiablee religiō. On peut biē pēser que tels estoiet les prestres du diable, ils les appellēt Bohitis. Ils sont mariez cōme les autres à plusieurs femmes, & ne differēt des autres qu'é habits. Ils sont en grāde reputatiō, par ce qu'ils sōt medecins, & deuīs encor' qu'ils ne respōdēt pas tousiours pertinēmēt, ny ne garisēt. Quād ils veulēt deuiner, & respōdre à quelqu'un, tonchāt ce qu'il demāde, ils mangēt vne herbe qu'ils nōmēt Cohoba, ou la pillēt, ou biē en prennent la fumee par le nez, & puis sont troublez du cerueau, & se presente à eux mille visiōs : ceste furie passēe, & la vertu del'herbe appaisēe, il recite ce qu'il a veu & entendu au conseil des Dieux, & diēt que ce sera ce qu'il plaira à Dieu, sans iamais respondre à propos de ce, dequoy on l'a requis, ou bien il respondra en tels termes qu'on ne les pourra entendre par ses parolles, qui est le stile du pere de toutes tromperies. Pour medeciner, ils prennent encore de ceste herbe Cohoba, qui n'est point en nostre Europe. Ils s'enfermēt avec le malade, l'euirōnēt trois ou quatre fois, luy mettēt de leur

salive en la bouche, font mille tours avec la teste, soufflent sur le patient, & puis le surrent par le col, du costé droict, disant qu'il luy ostent par là tout son mal: en apres il passe les mains legerement sur tout son corps, iusques à la plante des pieds. Alors son entreprinse sort effect, & iette le mal hors de la maison. Aucunes fois il monstre vne pierre, ou vn os, ou vn morceau de chair qu'il auoit caché en sa bouche, & luy faict à croire qu'il guerira incontinent, puis que c'estoit cela, qui caufoit le mal. Les femmes gardent, avec leurs reliques, soingneusement ces pierres pour enfanter plus à l'aise. Si d'auenture le patient meurt, ils n'ont point faulte d'excuse, nō plus que nos medecins, par ce que la mort n'aduiet point sās quelq̃ cause. S'il se trouue quelqu'un qui ne ieune point, & qui ne garde point les Ceremonies requises en tel cas, les Bohitis le chastient. Il y auoit plusieurs vieilles, qui estoient medecines, qui donnoient les medecines, & drogues avec leurs bouches par certains petits canaux. Les hommes, & femmes sont fort deuots, & gardent les festes religieusement. Quand le Cacique celebrroit la feste de son Idole principal, tous venoient à l'office, ils asseoient leur Idole ioliment, les prestres se mettoient comme en vn rond, le Roy, ou Cacique estoit aupres, à l'entree du temple avec vn tabourin à son costé, puis venoiēt les homes peints de noir, rouge, bleu, & d'autres couleurs, courōnez de chapeaux de fleurs, de plumes, & coquilles, ayās aux bras & iambes des sonnettes: Les femmes aussi venoient avec semblables sonnettes, mais nues, & si elles estoient vierges, elles n'estoient point pein-

tes, & si elles estoient mariees elles auoient seulement des cottes, ou brayes, elles entroient en dansant au son de ces coquilles, & comme elles entrét, le Cacique les salue avec son tabourin : estans tous entrez au temple, vn chacun vomist, se mettant vne baguette au gosier, pour monstrer à leur Idole qu'il ne leur reste aucune chose mauuaise en leur estomac, puis on s'asseoit à terre comme font les cousturiers, & chacun faisoit sa priere entre ses dents, tellement qu'il sembloit que ce fussent mouches à miel en l'air, tant estoit estrange ce bruiet. Apres arriuoient d'autres femmes avec panniens pleins de gasteaux, & de pains qu'elles portoient sur leurs testes, force roses, fleurs, & herbes odoriferantes par dessus. Elles enuironnoient ceux, qui prioient, & commençoient à chanter en l'honneur de ce Dieu vne vieille chanson, alors vn chacun se leuoit pour respondre. Ceste chanson finie, ils changeoient de ton, & en disoient vn autre en la louange du Cacique, & puis offroient, les genouls en terre, du pain à cest Idole, les prestres les prenoient, le benissoient, & le departissoient, comme nous faisons du pain beneist, & ainsi finissoit la feste. Ils gardent ce pain tout l'an, & estiment la maison malheureuse, & subiecte à plusieurs inconueniens, qui est sans auoir de ce pain.

*Les coustumes. Chap. 28.*

I' Ay desia dit comme les habitans de ce pays sont tousiours nuds avec le chaud, & la bonne temperature du pais, encor' qu'és montaignes il face froid. Vn chacun se marie avec autant de femmes qu'il veut, ou qu'il peut, & le Cacique Behccio



auoit trente fèmes, mais il y en a vne qui est la principale & legitime pour le fait de la succession: elles dorment toutes ensemble avec le mary en vne chambre, comme font les poulles avec vn coq. Ils ne gardent point le lyen de parentage, sinó avec la mere, la fille & la sœur, & encor n'obseruoient ce lien entre telles persónes, que pour crainte qu'ils auoient, croyans pour certain que celuy mourroit d'une mort mal-heureuse, qui en prendroit quelqu'une d'icelles. Aussi tost quel'enfant est né, ils le lauent & plongent en eauë froide, afin que la peau se renforcisse, & deuienne dure, ce qu'ils font souuent, & n'en aduient aucun mal à l'enfant: ils estiment aussi estre peché dormir avec l'enfant qu'on nourrit encor. Quand il n'y a point d'enfans, les neueux, fils de la sœur sont heritieres, disans que ceux-là sont parens plus certains que les autres, qui est vn argument qu'il y a bien peu de foy & chasteté en leurs femmes: aussi la compaignie d'une femme n'est pas bien difficile à auoir en ce pays là. Ils sont pires que corbeaux & viperes, laissant là leur sodomie, de laquelle ils sont grandement entachez. Ils ayment à travailler peu, & prendre plaisir. Ils sont grands menteurs, ingrats, muables, & deshonestes. De toutes leurs loix la plus notable est qu'ils empalent les larrós pour quelque larrecin que ce soit. Ils abhorrent aussi les auaricieux: ils enterrent avec les hommes, spécialement avec les seigneurs, aucunes de leurs femmes, & les plus-aymees, ou les plus belles, ce qu'ils font pour vn grand honneur & faueur. Quelques vnes s'enterrent elles-mesmes avec leurs maris, pour l'amour qu'elles leurs on porté.

L'enterrement est magnifique : ils mettent le mort assis en sa sepulture, & à l'entour de luy ils mettent de l'eau, du pain, du sel, du fruit, & des armes. Ils ne font pas souvent la guerre, si ce n'est pour les confins, ou pour les pêcheries, ou avec les estranges, & alors ils n'entreprennent rien sans avoir response de leurs Idoles, ou de leurs prestres, qui se meslent de deuiner. Leurs armes estoient pierres & bastons, qu'ils leurs seruēt de lances & d'espce, lesquels ils appellent Macanas. Quand ils veulent combattre ils s'attachēt au frôt de petites images ou idoles, & allās à la guerre ils se teindēt avec Xagua, qui est vn suc de certain fruit, qui les fait plus noirs qu'ambre noir, & avec de la Bize qui est encor vn autre fruit d'arbre, duquel les grains s'attachēt cōme de la cire, & font vne couleur cōme bole armenique. Les femmes se teignent de ceste couleur, par ce qu'elle reserre la chair, pour dācer & baller leurs Areytos. (Areyto est comme la zambra des Mores) elles vont dāçant & chantāt des Romās, ou chansons en la louange de leurs Idoles & de leur Roy, & en memoire des victoires & des choses aduenues le passé, n'ayans autre histoire que ces chansons. Ils dācent beaucoup ensemble, & font longuement sur ces Areytos, & quelquefois tout vn iour, & toute la nuit. Ils finissent leurs chansons par yurongnerie, s'enyurans d'vn certain vin, qu'on leur donne à boire ce pendant qu'ils ballent. Ils sont fort obeissans à leurs Caciques, iusques à là, que de ne semer sans leur volôté, ny pêcher, ny chasser, qui sont les principaux offices à quoy ils s'employent, mais la pesche est pour leur manger ordinaire, &

pour ceste cause ils demeuroient tousiours pres les riuages des lacs, & des riuieres, desquelles le pays est bien garny: Aussi estoient-ils grâds nageurs, autant les femmes que les hommes. Au lieu de grain ils mangent du Maiz: Ils font aussi du pain de Yuca, qui est vne grande racine blanche comme vne râue, laquelle ils grattent, & espreignent pour en oster le ius qui est veneneux. Ils ne cognoissoient point la vertu des raisins, encor' qu'ils eussent de la vigne, & au lieu ils faisoient du vin de Maiz, & de fruit, & d'autres bonnes herbes que nous n'auons point par deçà, comme caimitos, caiaguas, figues, auzubas, guanabanos, guiabos, iarumas, & guazumas. Les fruits, qui ont noyau, sont hobos, hica-cos, macaguas, guaibaras, & mameyes, qui est le meilleur de tous. Ils n'ont point de lettres, ny poix, ne monnoye, encor' qu'ils ayent grand nombre d'or, d'argent, & autres metaux: ils ne sçauoient que c'estoit que fer, ils se seruoient au lieu d'une pierre aguisée au feu: & pour n'estre trop long, ie veux clorre ce chapitre, & dire, toutes leurs choses sont autant differentes des nostres, que leur terre est nouuelle à nous autres.

*Que le mal des bubes, ou mal François, est venu des Indes.*

*Chap. 29.*

Ceux de ceste isle Espagnole, sont tous pleins de bubes, & comme les Espagnols auoient affaire avec les Indiennes, ils furent incontinent saisis de ce mal, qui est vne maladie fort contagieuse, & tourmente la personne avec douleurs cruelles. Plusieurs infectez de ce mal, se sentans ainsi tourmentez, & ne receuoir aucun allegement, s'en re-



tournerent en Espagne pour se guarir : autres pour leurs affaires , lesquels feirent part incontinent de leur mal à des femmes , & courtisannes , & elles apres en abreuuerent d'autres hommes qui passerét en Italie , à la guerre de Naples , sous le grand Capitaine en la faueur du Roy Ferdinand secôd , contre les François. Par ce moyen ce mal s'attacha , & s'estendit par delà : en fin ce print aussi aux François , & comme ce mal aduint en vn mesme temps , les François pensoient l'auoir pris des Italiens , & de là l'appellerent le mal de Naples , & les autres l'appellerent mal François , croyant que les François leur eussent donné. Autres l'ont nommé rongne d'Espagne. Iean de Vico medecin , Antoine Sabellic historiographe , & autres , font mention de ce mal , disans qu'il commença à estre apperceu & diuulgué en Italie l'an 1494. & 95. Louys Berrauan escrit que au tēps mesme ce mal de bubes , ou verolle se print en Calcut , maladie laquelle ils n'auoient point encor' veü , & en feit mourir grand nombre de personnes. Or comme ce mal est venu des Indes , le remede aussi en a esté apporté , qui est vn autre argument vray semblable , que son origine est de là. Ce remede est le bois sainct , qu'on appelle aux Indes Gualacan : les montaignes sont couuertes de ce bois. On guarist aussi ce mal avec la racine , & bois d'Esquine , qui doit estre le mesme Gualacan , & est tout vn. Au commencement ce mal estoit bien violent , infect , & deshonneſte : mais aujourd'huy il n'est si rigoureux , ne si deshonneſte.

*Des Cocuyos, & Negas, petits animaux, l'un bon, &  
l'autre mauuais. Chap. 30.*

**L**Es Cocuyos ont quasi la forme de Mouche, & sont plus petits que Chauue-fouris, ils ont quatre estoilles qui luy sent à merueilles: les deux leurs seruent d'yeux, & les deux autres sont sous les aïlles, elles rendent si grande clarté, qu'à la lueur d'icelles on file, on fait de la toyle, on peint, on balle, & fait-on de nuit autres telles choses, mesmes les habitans chassent avec ces petites bestes de nuit aux Hutias, qui sont comme nos connils, & peschent, & vont par pays les portans attachees au gros ortueil de leurs pieds, & aux mains, comme vne torche & flambeaux faits de bois de pin. Les Espagnols lisoient leurs lettres avec ces bestes, & ce qui est le plus difficile à croire, ils s'en seruoient pour tuer les Mouches que nous appellôs cousins, qu'ils leur donnoient grande fascherie, & ne les laissoient reposer, & pense qu'ils les auoient plustost en leurs maisons pour cest effect, que pour en receuoir clarté. Ils les prennent avec vn tifon de feu, & les appellent par leur nom, & viennent plustost à la lumiere, que non pas au sifflet, côme aucuns croient. Ils les prennent aussi avec des rameaux, où volôtiers ils se viennent ietter, & puis on les secouë, & estans tombez à terre, pour estre lourds, ils ne se peuuent leuer. Si on foinct les mains, ou le visage avec ces petites estoilles, il semble qu'on brusle, ce qui estoit beaucoup de gens: si on les distiloit ie croy qu'il en sortiroit de l'eau merueilleuse. La Nigua est comme vne petite pulce, qui saute: elle ayme fort la poudre, elle ne mort point, sinon es pieds: où elle se fourre

se fourre entre peau & chair, & aussi tost elle iette des lentilles en plus grande quantité qu'on n'estimerait, attendu sa petitesse, lesquelles en engendrent d'autres, & si on les y laisse sans y mettre ordre, elles multiplient tant qu'on ne les en peut chasser, ne y remédier sinon avec le feu, ou le fer: mais si on les oste de bonne heure, elles font peu de mal. Le remède pour les empêcher d'entrer ainsi és pieds chaufsez, ou bien enuveloppez. Aucuns Espagnols pour ce mal, ont perdu les doigts des pieds, autres les pieds entiers.

*Des poissons qu'on appelle en l'isle Espagnole Manati.*

*Chap. 51.*

**M**Anati est vn poisson qui n'est point en nostre mer, il s'engendre, & en la mer, & aux riuieres. Il ressemble à vne peau enflée ayant deux pieds seulement, avec lesquels il nage, & ceux qu'il a sur les espaules s'espandent par le meillieu iusques à la queue. Il a la teste cōme celle d'un beuf, mais plus descharnée, & le poil plus gros & rude, & les yeux petits, il est de couleur cendrée, il a la peau dure semée de quelques petits poils, il est long de vingt pieds, & gros de dix, il est si lourd qu'il n'est possible de plus, il a les pieds ronds avec quatre ongles faits comme ceux d'un elefant. La femelle rend ses petits comme vne vache, aussi a elle deux mamelles pour les alaieter. En le mangeant, il semble plustost estre chair que poisson, quand il est frais, vous diriez que ce seroit veau, s'il est salé il ressemble à la Tonine, & est meilleur toutesfois, & se garde beaucoup mieux. Le beurre qu'on en tire est fort bon, & ne rancist point, ny ne sent iamais le vieil. Avec



ce beurre mesme on courtoye la peau, qui puis apres sert pour faire souliers & autres choses. Ce poisson a certaines pierres en la teste, desquelles on se sert contre les douleurs de la pierre, & contre le mal de costé. On le tue ce pendant qu'à la riuée des riuieres ou de la mer il paist de l'herbe, on le prend aussi avec le rets quant il est petit. Le Cacique Caramataxi en print vne fois vn encor' bien petit, & le nourrit vingtsix ans en vn lac, qu'on appelle Guainabo, aupres duquel il demeuroit. Cest animal deuint si fin, si doux, & amiable qu'on l'eust prins pour vn des daulphins, desquels les anciens font si grand cas, il mängeoit tout ce qu'on luy bailloit de la main: il venoit à bord quand on l'appelloit Matto, qui veut dire en langue Indienne Magnifique: mesme il sortoit de l'eau pour venir manger en la maison, il se iouoit sur le bord du lac avec les petits enfans, & autres: il faisoit apparence de prendre plaisir qu'ad quelqu'un chantoit, il enduroit qu'on montast sur luy, & passoit sur son dos les personnes d'un bord à l'autre sans les ietter dedans l'eau, il en portoit par fois dix sans affoiblir, en ce faisant il seruoit de grand passetemps aux Indiens. Vn Espagnol vn iour voulant scauoir s'il auoit la peau si dure comme on disoit l'appella Matto, Matto, & l'ayant apperceu luy lança vn dard, qui luy feist mal encor' qu'il n'entraist dedas, cela fut cause que puis apres il ne voulut plus sortir de l'eau qu'ad il voyoit des hommes barbus, & habillez comme les Chrestiens, on auoit beau l'appeller c'estoit pour neant. Il aduint que le fleuve Hatibonico s'enfla fort haut, tellement qu'il sortit hors ses riuages, & entra dans

le lac Guainabo, qui donna moyen au gentil Matto de se retirer en la mer d'où il estoit venu, dequoy les Caranetexiens resterent mal contents.

*Des gouverneurs de l'Isle Espagnole.*

*Chap.*

32.

**C**Hristofle Colomb gouverna huit ans ceste Isle, durât lesquels luy, & son frere Barthelemy Colomb conquererent la plus grâd' partie d'icelle, & la peuplerēt. Il despartit le pays, & plus d'un million d'Indiēs, qui estoient là, entre ses soldats & ceux qu'il auoit menez pour peupler, & qlques officiers du Roy, & ses freres. Tels Indiens demeuroidēt vassaux, & tributaires à ceux à qui ils estoient despartis, ou leur seruidoient aux mines, ou aux fleuues, où estoit l'or. Il en retrâcha la cinquieme ou quatrieme partie d'iceux pour le Roy, de façon que tous traualloient pour les Espagnols. Quand François de Bonadilla fut enuoyé en ce pays pour gouverneur, apres qu'il eut enuoyé en Espagne Christofle Colôb, & ses freres prisonniers, il demoura trois ans en son gouvernement, ou il se porta sans plainte. Roldan Ximenez se rendit à luy avec ses compagnons. En son temps on tira grande quantité d'or. Nicolas de Quando luy succeda en ce gouvernement. Iceluy passa en ceste isle l'an 1502. avec trente voyles, & grand nombre de gens. François de Bonadilla, mit en ces vaisseaux plus de cent mil poix d'or fin pour le Roy, & pour quelques particuliers, qui est la plus grande richesse qu'on ait veüe de ce pays là ensemble. Il mit encor' plusieurs grains d'or, & entr'autres vn pour la Royne, qui pesoit trois mille trois cens Castillans d'or pur. vn Castillan vaut vn

ducat, & vn tiers de ducat d'or. Vne Indienne de Michel Diaz Arragonnois auoit trouué ce grain. Il sembarqua en vn fort mauuais tēps, aussi il se perdit en la mer avec plus de trois cens personnes, entre lesquels estoit Roldan Ximinez, & Antoine de torres, Capitaine de l'armee, il n'eschappa point six nauires de toute l'armee, & ces cēt mille poix, & ce grain d'or furent perduz. Nicolas d'Ouando gouerna sept ans catholicquement en homme plein de toute iustice & equité. Je croy que de tous ceux qui deuant, & apres luy ont eu charge aux Indes de la iustice, du gouuernement, & des guerres, il n'y en a point qui mieux ait gardé les commandemens du Roy, & sur tout defendoit rigoureusement qu'aucun homme suspect de la foy, ou qui fust fils, ou nepueu d'un qui auroit esté condamné par l'inquisition, ne fust si hardy d'entrer en ceste isle. Il cōquist les prouinces de Hignei, de Zanana, de Ygnacaiarima, qui estoient pleines d'hommes brutaux, qui n'auoient ne maison pour se retirer, & se defendre des iniures du temps, ny aucun pain pour se sustenter. Il pacifica celle de Xaragna ayant fait brusler quarante Indiens des principaux, & fait pendre le Caci que Guaorecuya, à la barbe duquel il feist aussi pendre Anacaona, qui fut femme de Coanabo, femme dictē la plus dissolue, qui fust en ceste isle. Il feit de grands peuplades de Chrestiens par ceste isle. Il enuoya en Espagne au Roy grāde somme de deniers: & pour retourner il fut contrainct emprunter argent, encor' qu'il eust plus de huiet mille ducats de reuenu par an, sans l'estat qu'il auoit du Roy, ce qui monstre bien à vn chacun comme il estoit net,



& non souillé d'auarice. Il estoit deuant qu'aller en ceste isle Commandeur de Larez, mais il en reuint Grand commandeur de Alcantara. Depuis luy, ce gouuernemēt tomba entre les mains de Dom Diego Colomb, grand Amiral des Indes, qui l'eut six, ou sept ans. Il auoit le Docteur Marc d'Aguilar, pour son grand Preuost. Il fut reuocqué, & appellé en Espagne, pour les plainctes qu'on faisoit de luy au Roy Catholique. Estât de retour il plaida quelques ans cōtre le Fisque, sur les priuileges, & prerogatiues de son office de grand Amiral, & pour ses reuenuz. Frere François de Cizneros Cardinal, & Archeuesque de Toledo, qui pour la mort du Roy Catholique, & pour l'absence de Dom Charles gouernoit l'Espagne, enuoya en ceste isle Espagnole pour gouuerneurs des moynes, frere Louys de Figueora, frere Alfonse de S. dominique, Prieur S. Jean d'Otegne, & frere Bernardin de Manzanedo, tous de l'ordre de S. Hierosme : Lesquels eurent pour assesseur le Docteur Alfonse de Zuazo : & prindrent pour officiers du Roy, & pour resider les Docteurs Marcel de Villalobos, Jean Vrtiz de Matieuzo, & Luc Vasques de Villon, qui seroient iuges d'appel. Ces freres osterēt les Indies aux Espagnols, tant à ceux qui estoiet presens qu'absens, par ce que leurs seruiteurs en l'absēce de leurs maistres les traitoient mal, & les renuoyerent par le pays pour estre mieux endoctrinez. Mais il eust mieux esté, si on ne les eust meslé pour peupler avec les Espagnols, par ce qu'ils donnerent par telle communication la verolle, qui estoit vne maladie toute nouuelle, qui en feit mourir beaucoup.

ces freres l'industrie de faire le sucre creut, & s'augmenta grandement. Depuis que ces freres retournerent en Espagne, on erigea en ceste isle vne Rotte ou Parlement, où fut mis le seau Royal. Les premiers auditeurs de ceste Rotte surēt Marcel de Villalobos, Iean Vrtiz de Matieuzo, Luc Vascquez de Villon, Christofle Lebron : quelques ans apres on enuoya Sebastien Ramirez de Fuen Real pour y presider, & tousiours depuis ceste isle a esté regie, & gouvernee par auditeurs, & presidens.

*Que ceux de ceste Isle Espagnole, auoient pronostique la destruction, & abolition de leur religion, & liberté.* Chap. 33.

**L**Es Caciques, & Bohitis, entre lesquels demeurent tousiours de main en main tout ce qui s'est faict, & dict anciennement, racomptioient à Christofle Colomb, & aux Espagnols, qui allerent avec luy, qu'une fois le pere du Cacique Guaronex, & vn autre petit Roy voulurent demander à leur Zemi, & idole du diable, ce qui deuoit auenir apres leurs iours, & que pour en auoir respōce ils auoiēt ieusné cinq iours entiers sans mager ne boire chose aucune. Ils s'estoient lamentez, & macerez à merueilles encensans leurs dieux, ainsi que la ceremonie de leur religion le requeroit. Ces ceremonies acheuees ils eurent respōce, qu'encor' que les dieux tinsent en secret les choses, qui doiuent aduenir aux hommes pour leur meilleur, neantmoins ils leur vouloient bien declarer pour la sainte religion qu'ils voyoient en eux: Ils deuoient donc sçauoir, que deuant qu'il s'escoulast gueres d'annees, viendroient en ceste isle certains hommes, qui

porteroient la barbe longue , & auroient tout le corps couuert , qu'iceux tailleroient vn homme iufques au milieu avec leurs efpees luisantes , qu'ils porteroient attachees à leur ceinture , qu'ils ietteroient par terre leurs anciens dieux , reprouuans leurs anciennes couftumes, & ceremonies : qu'ils espenderoient le fang de leurs enfans, ou les nourriroient en toute mefchanceté. Pour memoire de ceste espouuantable refponce , ils compoferent vne chanfon qu'ils appellent Areytos , & la chantoient aux feftes triftes, & lamentables. Suiuant cefte refponce ils fuyoient quand il voyoient des Caribes, par-ce que c'estoit la couftume de ceux cy de tuer, & manger les hommes qu'ils rencontroient, qui n'estoyét de leur pays. Le tout aduint de poinct en poinct côme la refponce portoit, côme ces prestres le cōptoyent, & chantoient. Car les Espagnols feirent mourir grand nombre d'indiens tant par le malheur de la guerre, que par le cōtinuel trauail des mines, & meirent par terre leurs idoles, fans en pardonner à pas vne, ils defendirent rigoureusement l'vfance de toutes leurs ceremonies, & fupernitiōs. Ils les feirent esclaués, & ferfs, au departemēt qu'ils feirent du pays. Eftās ainfi traictez, & plus tormentez qu'ils n'auoient de couftume, les vns moururēt, les autres furent tuez, tellemēt que d'vn milion de perfonnes & plus, qui estoient en ceste ifle , il n'y en a pas pour le iourd'huy 500. Aucuns font morts de faim, autres de trauail, plusieurs de la verolle, aucuns se font faits mourir avec du ius de yuca, autres avec telles herbes veneneufes, quelques vns se pendoïēt aux arbres, les femmes faisoïēt comme leurs maris,



elles le faisoient accoucher auant terme , à fin que leurs enfans , ne vissent point vif en lumiere, ne voulans point qu'ils seruissent à des hômes estrangers. Telles miseres bien considerees on iugera que Dieu les enuoioit pour chastier leurs pechez abominables, cōbien que toutesfois ces premiers conquerans soient grandement à reprendre pour les auoir si mal traictez pour vne pure auarice, sans auoir aucun esgard à son prochain.

*Des miracles aduenuz en la conuersion des  
Indiens. Chap. 34.*

**F**Rere Buel , & les douze prebstres qu'il mena pour compagnie avec luy, commencerent la conuersion des Indes. On pourroit toutesfois dire que ce furent les Roys Catholiques, puis qu'ils furent parrins des six Indiens, qui furent les premiers baptisez en la cité de Barcelone. Pierre Xuarez de Deza, qui fut le premier Euesque de la Vegue, continua ceste conuersion avec Alexādre Girardin Romain, qui fut second Euesque de S. Dominique . Le premier n'y fut point, qui fut frere Garcia de Padilla, de l'ordre de S François , par ce que il mourut deuant qu'il passast par delà. Plusieurs autres prebstres , & moynes s'employèrent à ceste conuersion, & baptizerent tous ceux de ceste isle , qui au commencement n'estoient point encor' morts. Ils leurs osterent par force leurs idoles , & les ceremonies qu'ils auoient, ce qui fut cause qu'ils presterent l'oreille, & adiousterent foy à ces prescheurs, qui continuellement les preschoient, & ainsi ils creurēt incontinent en nostre Seigneur Iesus Christ, & se firent Chrestiens. Le precieux corps sacramental de

Iesus Christ qu'on meit en plusieurs Eglises y opera grandemēt, par ce quā sa presence dechassoit les diables, cōme aussi faisoit le signe de la Croix, tellement que le Zemi ne parloit plus aux Indiens cōme il souloit, ce qui les rendoit bien estonnez. Il y en eut beaucoup de gueriz par le moyen du saint boys, & de la bonne deuotion qu'ils auoient à la Croix que Christofle Colomb en son second voiage auoit laissée en la Vegue, qu'ils surnommerent pour ceste cause de la vraye Croix. Les Indiens prenoient de ceste Croix quelques coppeaux, lesquels ils gardoient cōme reliques precieuses. Ceux qui faisoient la guerre aux Chrestiens s'efforcerent de l'enleuer, ce qu'ils ne peurent. Le Cacique de la vallee de Caonau voulant essayer quelle estoit la force, & sainteté de la nouuelle religion des Chrestiens, voulut auoir la compagnie d'une femme, qui faisoit son oraison en l'Eglise. Elle le prie ne vouloir souïller la maison de Dieu, autrement qu'il se courrouceroit contre eux. Quāt à luy il respond qu'il ne se soucie de si grande sainteté, v'sant de blasphemies au deshonneur du saint sacrement, & qu'il ne luy challoit que Dieu se courrouçast. Il accomplit son desir, & aussi tost devient muet, & estropié de ses membres. Ce mal si soudain le feit repentir, avec deliberation de ne sortir iamais de ceste Eglise, & ne voulut depuis que autre que luy la nettoyaist. Les Indiens eurent ce faict pour grand miracle, & visitoient souuent ceste Eglise. Quatre Indiens vne fois se cacherent en vne grotte pour le tonnerre, & la pluye qui estoit forte. Vn d'entre eux se recommandoit à nostre Dame, les autres se

mocquoient d'un tel Dieu, & d'une telle priere. Le tonnerre les tua, ne faisant aucun mal à celui, qui si deuotieusement s'estoit recommandé. Les lettres missiues que les Espagnols escriuoient les vns aux autres ont beaucoup aidé à telle conuersion. Par ce que les Indiens croyoient que les Espagnols eurent l'esprit de prophetie, puis qu'ils s'entendoient l'un l'autre sans se veoir, & sans parler, ou bien ils pensoient que la missiue parlait, ainsi qu'il aduint au commencement, un Espagnol enuoyoit à un sien compaignon une douzaine de hutias cuictes, & froids, à fin qu'ils ne se corrompissent point au chaulx: l'Indien qui les portoit s'endormit, ou se reposa par le chemin, & estant trop long temps à arriver où on l'enuoyoit, la faim le print, tellement que de ces douze hutias il en mangea trois. La responce qu'il rapportoit en une lettre à celui qui l'auoit enuoyé, contenoit que l'autre le remercioit de neuf hutias. Aussi tost que l'Espagnol eut leu ceste lettre, il se colere contre l'Indien, qui soustenoit en auoir baillé douze, mais pensant que ce fust la lettre qui parlait, il confessa la verité, demeurant tout hôteux, & aduertissant ses compaignons comme les lettres parloient, à fin qu'ils s'en gardassent. Au lieu de carte, & d'encre, on escriuoit en feuilles de Quibara & Copei, avec un poinçon ou esguille. On faisoit aussi des cartes à iouer des feuilles de ce Copei, qui sont assez fortes pour estre marquées.

*Les choses de nostre Espagne, qui sont pour le iourd'huy  
 en l'Isle Espagnole. Chap. 35.*



EN tout le pays de ceste isle il n'y a guerres d'Espagnols, & esclaves Negres, qui travaillent s mines, au succe, après le bestial, & autres telles affaires, par ce que, comme i'ay dict, il n'y a que bien peu d'Indiens, qui mesme vivent en liberté, & avec tel repos qu'ils vueillent prendre. Ce que l'Empereur leur à donné de grace, à fin que cette nation, ne fust du tout perduë, & que le langage de ce pays demeurast, qui à tant accru le domaine du Roy d'Espagne. La plus noble ville de ceste isle est Saint Dominique, qui fut fondée par Barthelemey Colomb, en la riuere du fleuve d'Ozame. Il luy donna ce nom par-ce que il arriua en vn Dimanche, qui s'appelle en Latin Dominica, auquel iour estoit aussi la feste de S. Dominicq, & aussi pour ce que son pere s'appelloit Dominique, tellement que trois causes concurrerent ensemble pour luy donner ce nom. En ceste ville est assis le parlement de la Cour Royale. c'est aussi le siege Archiepiscopal, & est vn passage pour toutes les Indes, qui a esté cause que toute l'isle a prins son nó de ceste ville. Le premier Euesque fut frere Garzia de Padillacor, & le premier Archeuesque fut Alphonse de Fuen Maior, natif de Yanges l'an 1548. En ceste Isle il n'y auoit aucuns animaux à quatre pieds, si-non trois sortes de connils, où pour mieux dire, gros rats, qu'ils appellent hutias, cory, mohuy, & quemis qui sont comme lieures, & petits chiens de diuerses couleurs, qui ne iappoient, ny abbayoient: ils chassoient avecques ces chiens, & puis apres estre deuenuz gras, ils les mangeoient. Mais maintenant il y a en ce pays toutes sortes de bestes, qui seruēt pour le mager, &

pour porter. Les vaches y ont tât multiplié, qu'on bailloit la chair pour auoir la peau: Le Doyen Roderic de Bastidas a eu d'une seule vache quatre vingts peaux en vingt six ans. Elles ont tous les ans des veaux, & le plus souuent elles en ont deux par an, elles vellent dans dix moys si elles sont ieunes, les iumets font de mesme. Les chiens qu'on y apporte, & qui s'y sont procreez, & nourriz par les montagnes, & deserts, sont deuenuz plus carnassiers que les loups, & font grād dōmage aux cheures, & moutons. Les chats qu'on y a portez d'Espagne ne crient pas tant comme ils font par deçà, ils n'attendent point le moys de Ianuier, pour entrer en chaleur, mais tous les moys de l'an sont en amour sans faire aucū bruiet, & sans gronder. Il y auoit en ceste isle de la vigne, qui portoit des grappes, de laquelle ils ne font du vin, de quoy ie m'estonne, attendant que ceste nation est fort subiecte à s'enyrurer. On a apporté de la vigne d'Espagne, les raisins se meurissent à Noël, & toutesfois on n'en fait point encor' de vin. Je ne scay pourquoy, si ce n'est pour la paresse, & nonchalance des hommes, ou pour la force du pays. Le grain y profite fort bien, encor' qu'on s'y addōne peu, à raison que le maiz est plus facile à cultiuer, & plus seur à recueillir, & fait vn pain plus materiel, & aussi qu'il sert de vin. Au commencement que on sema du grain, il icettoit le tuyau fort, & l'espy si groz, qu'il y en auoit tel, qui rendoit deux mille grains: on ne vit iamais telle multiplication, ce qui donne à cognoistre que ce pays est fort graz: & par là aussi on peut iuger que les oliuiers, & autres fructiers, qui ont noyau, doibuent estre ste-

iles, & sans fruit, mesme il y en a quelques vns cō-  
ne pesches, & tels autres, qui ne veulent prēdre ra-  
ine. Les palmiers toutesfois rendent leurs dattes  
neures, mais elles n'ont point de bōté. Au cōtraire  
es arbres, qui ont pepin ou semēce y profitent fort  
bien : aucunesfois ils portent leur fruit doux, aucu-  
nesfois aigre. Il y a plusieurs sortes d'arbres portans  
cannes, cōme cassē naturelle, mais ils ne vallēt rien.  
Les cassiers qu'on a esleuē de grain apporté d'Espa-  
gne sont fort excellēs, & ont multipliē grandemēt  
es formis y font grād dommage. Toutes les herbes  
de iardinage, qu'on a apporté d'Espagne croissent  
en abondāce, & sont deuenues si vitieuses, que rien  
ne scauroit greuer la personne d'auantāge, comme  
sont des laictues, ciboules, persil, choux, carottes,  
raues, & concombres. Ce qui a le plus multipliē est  
le sucre, tellemēt que pour le faire & affiner il y a ia  
plus de trente engins, & la traficque en est fort ri-  
che. Le premier, qui planta ces cannes doulces, fut  
Pierre d'Acienza. Celuy, qui premier le tira des can-  
nes, fut Michel arbalestrier Catalā: & celuy, qui pre-  
mier en feit vne charge de cheual, fut le Docteur  
Gonzalle de Velosa. Ils ont encor' en ceste isle du  
baulme bastard, qu'ils prennent d'un arbre appellē  
Goaconax, qui rēd vne odeur suauē, il brusle com-  
me du suc de pin. Le premier, qui en print, fut An-  
toine de ville saincte, par l'aduis de sa femme, qui  
estoit Indienne. Ils tirēt encor' de ce baulme d'autres  
endroits : Il n'est si bon que celuy d'Egypte, ou Ju-  
dee, il sert aux plaies, & s'applique aux douleurs. Il y  
a grand nombre d'oyseaux en ceste isle, qui ne sont  
point en Espagne, & y en a aussi beaucoup des no-



stres. Il n'y auoit de paons, ny de poulles. Les paons  
sont difficiles à esleuer, mais les poulles y profitent  
souhait, sans estre differētes de celles de par deçà,  
non que les coqs ne chantent point à minuit. Les  
choses qu'on apporte de ce pays pour marchandise  
se en Espagne son sucre, bresil, baulme, casse, cuiure  
& azur d'outremer fort fin. J'ay escrit ce chapitre,  
fin qu'un chacū cognut quel aduātage fait, & que  
secours dōne ce pays pour le iourd'huy y ayāt mes-  
lé de nouueaux habitās. J'ay estendu mon papier à es-  
crire plusieurs particularitez de ceste isle, parce que  
le suiet de l'histoire le requeroit, & aussi qu'elle a es-  
té la source d'oū est sorty le reste du descouuřement  
qu'on a fait de ces Indes, pays, & regions si grādes  
comme auez peu entendre par nostre Geographie,  
au chap. 12. La troisieme cause aussi est pour l'a-  
mour de ceūx, qui vōt aux Indes, lesquels en faisant  
leur chemin prennent port à cest Isle, & y descen-  
dent, ou l'aprochent de si pres qu'ils la touchent, ou  
pour le moins en passant la regardent.

## LIVRE SECOND DE L'HISTOIRE GENERALE des Indes.

*Comme les Espagnols ont trouuē toutes les Indes. Cha. 36.*



Comme il estoit notoire à vn chacun  
combien grands estoient les pays que  
Christofle Colōb auoit trouuez, plu-  
sieurs suyuant ce chemin se mirent sur  
mer pour en trouuer encore d'autres,  
aucū à leurs propres cousts & despens, autres aux

lespens du Roy, pensans tous s'enrichir & acquerir gloire, & faire mieux leurs affaires avec celles du Roy. Mais toutesfois aucuns n'ont rien fait que descouvrir des pays & se cōsommer, & si n'est demeuré memoire de tous que ie sçache, pour le moins de ceux qui ont floté vers la Tramontane costoyants les pays de Baccaleos, & de Labeur, qui ne sont gueres riches. Le mesme est aduenue à ceux qui ont vogué vers la partie de Paras depuis l'an 1495. iusques à 1500. Je discoureray seulement de ceux, desquels j'ay peu entédre quelque chose, sans auoir esgard à aucun, asseurant en premier lieu que toutes les Indes ont esté trouuees par les Espagnols, excepté la part que descouurit Colomb: ce que ie dis, afin que les Roys Catholiques sçachent quellés ont esté, & quelle est la propriété qu'ils en ont, en ayans prins possession de toutes avec la licence, & ottroy du Pape.

*Terre de Labeur.*

*Chap. 37.*

Plusieurs ont costoyé le pays de Labeur pour sçauoir iusques où il s'estédoit, & si on ne trouueroit point passage pour aller aux Molucques, & gagner les espiceries, qui sont, comme nous dirons ailleurs, sous la ligne Equinoxiale, pensans accourcir le chemin de beaucoup. Les premiers, qui ont cherché ce passage ont esté Castillans, parce que les Isles des espices est de leur département. Les Portugalois ont fait le semblable, pour tousiours interrompre ceste nauigation, si d'auenture ce passage fust trouué, & pour rendre immortel debat qu'ils ont sur ces Isles & n'en

venir iamais à bout. Pour ceste cause Gaspar Cortes Real s'y en alla avec deux carauelles l'an 1500. Il n'en peut trouuer le destroit qu'il cherchoit. Il laissa son nom à des isles qu'il rencontra à la bouche du goulfe Quarré à plus de 50. degrez. Il print esclaves enuiron de soixante hommes, & s'en reuint tout ennuié, & desesperé de son entreprinse pour les grandes neiges & glaces, qui sont quasi continuelles en ce quartier, ou mesme la mer se congele. Les hommes de ce pays sont bien dispos: ils sont Mores, & bons au travail. Ils se chargent de peinture par galanterie, & se mettēt aux oreilles des pendans d'argent. Ils se vestent de peaux de Martre, & d'autres animaux: l'Hyuer ils mettent le poil en dedans, & l'Esté par dehors. Ils se serrent le ventre, & les cuisses avec des cordons de coton, & nerfs de poisson, où d'autres animaux. Ils mangent plus de poisson que d'autre chose, & spécialement du Saulmon, encor qu'ils ayent force oyseaux, & fruiçts. Ils font leurs maisons de bon bois, duquel ils ont grande quantité, & les couurent avec peaux de poisson, & d'autres animaux au lieu de tuille. Ils disent qu'il y a en ce pays des grifons, & des ours, avec plusieurs autres animaux, & oiseaux tout blancs. En ce pays & és isles prochaines vont & demeurent les Bretons, le pays desquels est en mesme hauteur, & temperature que celle de ce pays. Des gens de Noruegue y sont aussi allez avec le pilote Iean Scolue, & les Anglois avec Sebastien Gauoto.

*Pour quelle cause l'auteur commence à ce quartier là à discourir sur le descouurement des Indes.*

Chap. 38:

I'ay



**I**'Ay commencé à reciter le descouurement des Indes du cap de Labeur pour suyure l'ordre que i'ay gardé en descriuant leur situation, m'estant aduis que c'est le meilleur moyen, & le plus cler tant pour escrire que pour le dōner à entendre. Car suyuant vn autre stile, ce ne seroit qu'une confusion. Il est bien vray que ce seroit vn bon ordre si on suiuiot les temps, esquels elles ont esté trouuees.

*De Baccaleos. Chap. 39.*

**I**ly a vne grande estendue de terre, qui se iette en poincte dans la mer, laquelle on appelle Baccaleos, sa plus grande hauteur est de 44. degrez & demy. On appelle ce pays Baccaleos à l'occasio d'aucuns poissons, qui sont là en si grande abondance, qu'ils empeschent le cours des nauires. Celuy qui apporta plus certaines nouuelles de ces gens cy, fut Sebastien Gauoto Venitien, lequel equippa en Angleterre aux despens du Roy Henry septiesme deux vaisseaux, ayant grand enuie de negocier aux espices comme faisoient les Portugais. Aucuns disent qu'il arma ces nauires à ses propres despens, & qu'il promit à ce Roy Héry d'aller au Catay par la Tramontane, & ramener de là des espices en moindre temps que ne faisoient les Portugais allans par le Midy, & qu'il entreprint ce chemin pour sçauoir quel pays c'estoit que les Indes, & pour y bastir. Il mena avec soy trois cens hommes, & print la route d'Island' au dessus du cap de Labeur iusques à ce qu'il se trouua à 58. degrez & par delà. Il racōptoit que le mois de Iuillet estoit si froid, & les glaçons si grands, qu'il ne fut assez hardy de passer outre: que les iours estoient fort lōgs quasi sans nuit, & pour-

cepeu qui en auoit encor estoit elle fort claire. C'est vne chose certaine qu'à 60. degrez les iours sont de 18. heures. Gauoto sentant le froid, & voyant la rudesse de ce quartier, tourna vers Ponét, se rafreschissant à Baccaleos, & puis flotta le lóg de la coste iusques à 38. degrez, & de la rebroulla son chemin en Angleterre. Les Bretós & Danois font le voyage de Baccaleos, & François quartier (qui estoit Fráçois) y a esté deux fois avec trois galeons: la premiere fut l'an 1534. & l'autre l'année d'apres. Il esprouua le terroir, & le trouua commode à demeurer depuis le 45. degré iusques au 51. Il disoit qu'il falloit se fortifier en ce lieu là, par ce que le terroir estoit aussi bó que celuy de Frâce, & qu'il estoit cômun à tous, principalemēt à ceux qui premiers l'occuperoient.

*Le fleuve de saint Antoine. Chap. 40.*

**L'**An 1525. Estienne Gomez pilote s'en alla en ce pays, avec vne carauelle armee aux despens de l'Empereur. Ce pilote vouloit cercher vn destroit qu'il auoit promis trouuer au pays de Baccaleos, par lequel on peut passer aux espices par vn chemin plus court que par vn autre, & rapporter cloux de girofle, canelle, & autres espiceries, & medecines qu'on apporte de là. Cest Estienne Gomez auoit ià quelque fois nauigué aux Indes, & auoit esté avec Magellanes au destroit Magellanique. Il auoit esté à l'assemblée que les Castillans & Portugais auoiēt fait à Vedaioz pour leur different qu'ils auoient ensemble sur les isles de Molucques. Sur ceste dispute il trouua vn bon expedient, si on eust peu trouuer vn destroit en ceste partie. Pour ceste cause Christophe Colomb, Ferdinand Cortez, Gilles Gonzalez de Auila, & autres n'ayans peu trouuer ce de-

etroit depuis le goulfe de Vraba iufques à la Floride, ce pilote conclud de paffer outre, mais il ne fut poffible de le trouuer, par ce qu'auffi il n'y en a poit. Il coftoya vn long traict de pays, qui n'auoit encor eſté deſcouuert d'aucū, encor q̄ Sebaſtiē Gaueto euſt eſté premierement vers ce quartier là. Il print autant d'Indiens qu'il en peut mettre en ſa carauelle, & les emmena avec ſoy, contre la volonté du Roy. Il retourna à Corona & ne fut que trois moys à faire ſon voyage. Quant il entra au port il dit qu'il amenoit des eſclaués qui s'appellent en Eſpagnol eſclauos: vn bourgeois de la ville n'ayant entendu qu'à demy, pēſoit qu'il vouluſt dire des cloux, qu'ō appelle en leur langue clauos, qui eſt ce que nous appellons cloux de giroſſe, leſquels à ſon partemēt il auoit promis d'apporter. Ce bourgeois ayāt ainſi mal entendu ce mot, print la poſte pour aller des premiers à la Cour, & acquerir la grace du Roy luy diſant, qu'Eſtienne Gomez amēnoit des cloux. Ceſte nouuelle fut incontinent diuulgee par toute la Cour, avec reſiouiffance de tout vn chaſcun. Mais vn peu de iours apres eſtāt la verité cogneue, cōme ce bourgeois auoit entendu des eloux pour des eſclaués, & comme le pilote ne rapportoit rien de ce qu'il auoit promis, on ſe print à rire de la grace que ce bourgeois demādoit, & l'eſpérance fut perdue de pouuoir trouuer ce deſtroit que tant on deſiroit, & ceux qui auoient fauoriſé Eſtienne Gomez pour faire ce voyage, rougirent de honte.

*Les iſles Lucaies.*

*Chap. 41.*

**L**Es Iſles Lucaies, où Lucaies ſont vers la Tramountane au deſſous de Cuba, & Haiti, autre-  
h ij



ment Espagnole. On dit qu'il y a plus de 400. de ces Isles, toutes petites, exceptee Lucaia, de laquelle toutes les autres ont prins le nom. Elles sont situées à 17. & 18. degrez : entre icelles on compte Guanahani, qui fut la premiere terre veüe par Colomb, Mangua, Guanina, Zuguareo. Les gés de ces Isles sont plus blancs, & mieux dispoz que ceux de Cuba, & de Haiti, & specialement les femmes: la beauté desquelles estoit cause que beaucoup d'hommes de terre ferme comme de la Floride, de Chicoré, de Lucatam alloient viure en ces isles, ce qui rendoit la ciuilité d'entre eux plus grande, qu'en pas vne autre Isle, & y auoit diuersité de langage. Je croy que de là est venu le bruiet qu'il y auoit là des Amazones, & qu'il y auoit vne fontaine, qui faisoit reieunir les vieilles personnes. Ceux de ces isles sont tousiours nuds s'ils ne vont à la guerre, à la feste, où aux dâses. Car alors ils se couurent d'un vestement fait de cotton, & de plume bien agécée avec vne certaine industrie, & sur la teste ils mettēt de grands pennaches. Les femmes mariees, & celles qui se sont esbatues avec les hommes, se couurent les parties honteuses depuis la cincture iusques au genouil avec certains petits mâteaux : mais les vierges ne portent qu'un petit rets de cotton, qui à dedās la maille des feuilles d'herbe, encor ne portent elles ce rets que quād elles ont leurs moys, autrement elles vont toutes nuës. Et quand leurs moys viennent, elles inuitent leurs parens & amys, faisans vne feste, comme ils feroient au iour des nopces. Il y a en ces isles vn Seigneur, qui a le soin de la pesche, de la chasse, & des semences, & ordō-

ne à vn chascun ce qu'il faut qu'il face. Ils enterrent le grain , & les racines qu'ils recueillent en leurs champs, ou en ceux du Roy , & puis on le diuise à vn chascun selon la grandeur de leur famille: ils ayment fort à se resiouir. Leur richesse consiste en coquilles de perles , & en autres coquilles rouges, qu'ils pendēt à leurs oreilles: en pierres precieuses, comme rubis si estincelants, qu'ils semblent ietter vne flâme. Ils les tirent de la teste de certaines huîtres qu'ils prēnent en la mer, & qu'ils māgent pour vne viande delicate. Ils portent des couronnes, carcants, & autres choses, qu'ils se liēt au col, aux bras, & iambes, & encor qu'elles soiēt de petite valeur, lēs trouuans par le sable , si donnent elle bonne grace aux femmes qui sont nues. En la plus part de ces isles, ils n'ont point de chair, aussi n'en mangent ils point. Leur repas est de poisson, pain de maiz, racines, & fruiĉts. Les hōmes des isles qu'on menoit à S. Dominique, ou à Cuba mouroient apres auoir mangé de la chair : pour ceste cause les Espagnols donnoient à ces Indiens peu de chair, ou point du tout. En quelques vnes de ces isles il y a tant de pigeōs, & autres oiseaux, qui font leurs nids sur les arbres, que ceux de terre ferme, de Cuba, & Haiti y viennent s'y en fournir, les emmenant en leurs pays à pleines barques. Les arbres, où ils font leur nid ressemblēt à grenadiers: ils ont l'escorce quasi comme canelle quant au goust, mais elle est forte comme gingembre, & à la sentir semble cloux de giroufle: elle n'est point toutesfois au rang de l'espicerie. Entre plusieurs sortes de fruiĉts, ils en ont vn nommé Iaruma, qui est de bō goust, & qui est sain : l'Ar-

bre est semblable au noyer, & à la fucille de figuier. Les petis rameaux, & fucilles de ce Iaruma pillées, & appliquees avec son ius sur quelque playe, la guerissent, tant vieille qu'elle soit. Vne fois deux Espagnols ayans mis la main à l'espee l'un contre l'autre, l'un couppa le bras à son compaignon, os & tout, vne vieille de Lucaia rassamblant l'os en vn, le guarit seulemēt avec le suc & fucilles de cest arbre. Vn Lucaios charpētier, estant à S. Dominique prisonnier en prison, libre toutesfois, creusa vn tronc de Iaruma, qui est aussi aisé à creuser que le figuier, le faisant en forme de barque, & ayant mis dedans sa prouision de maiz, & de l'eau dedās des cruches, se iette en mer dedans ceste petite barquerole avec de ses parēs, qui le suiuoient à nage, mais apres qu'il eut ia trauersé la mer, l'espace de cinquante lieuës, des Espagnols le rencontrèrent, qui le remenerent à saint Dominique. Les Espagnols en vingt ans ont enleué de ces isles plus de quarante mille personnes. Ils abusoient ces pauvres gēs, leur faisant à croire, qui les meneroient en Paradis: ce qui leur estoit aisé à persuader, par ce qu'ils croioiēt ia, qu'ils deussent estre purgez de leurs pechez au pays froid de la Tramontane, & puis de là entrer en Paradis, lequel ils pensoient estre vers le Midy. Par ce moyen les Espagnols ont ruiné les Lucaioys, en menant la plus grand part d'iceux à leurs mines. On dict que tous les Chrestieës, qui se sont ainsi saisis de ces pauvres Indiens, ou qui les ont fait mourir de travail, ont finy malheureusement, ou qu'ils n'ont iouy de ce qu'ils auoient ainsi gaigné.

*Du fleuve Iordān, qui est au pays de Chicoré. Chap. 42.*



Sept bourgeois de saint Dominique, entre lesquels estoit le Licétié Lucas Vasquez d'Aillon, auditeur de ceste isle, equipperent deux nauires au port de l'Argét, l'an 1520. en intétion d'aller enleuer des Indiens aux isles Lucaies: mais ne trouuâs personne à qui changer leurs denrees, & pour prendre, & emmener à leurs mines, ou pour penser leurs troupeaux de bestes, & seruir à leurs cêses, & maisons, delibererent de monter plus vers la Tramontane pour chercher pays nouueaux, & de ne retourner sans en trouuer. Suiuât ceste deliberation aborderent en vn pays nômé Chicoré, & Gualdapé, qui est à 32. degrez. C'est le pays qu'aniourd'huy on appelle le Cap de sainte Heleine, & fleue de Iordan. Aucuns disent toutesfois que ces Bourgeois n'entreprendrent ce voyage de leur bon gré, mais par la contraincte des vents. Or soit côme on voudra, il est certain que les Indiens acoururent vers la marine pour veoir ces Carauelles comme chose à eux toute nouuelle, & nô encor' veüe: car leurs barques sont fort petites, encor' aucuns pensoient que ce fussent quelques môstrueux poissons. Mais quâd ils veirent descendre à terre des hommes barbus & vestuz, s'enfuirent incontînét le pluſtost qu'ils peurent. Les Espagnols, qui estoient des-embarquez, coururent apres, & attrapperent vn homme, & vne femme, lesquels ils vestirét à la façõ d'Espagne, & les renuoyerent appeller les autres. Le Roy du pays les voyant ainsi vestuz, s'esmerueilloit de cest habit, par ce q' les siés alloiét tout nudz, ou avec des peaux de quelques animaux. Il enuoya cinquâte hômes avec des viures, vers les vaisseaux. avec ceux-cy, plusieurs

Espagnols s'en allerent par deuers le Roy, qui leur dóna vn guide pour veoir le pays, & par tout où ils alloient, on leur donnoit à manger, & de petits presens de peaux, de petites perles, & de l'argent. Apres que ces Espagnols eurent veu la richesse, & qualité du pays, & eurent bien considéré la façon de faire des habitans, & la suffisance des viures, & l'abondance d'eau, ils inuiterent les Indiens à venir veoir leurs nauires, ce qu'ils feirent, & entrerent dedans, sans pèser à aucun mal, alors les Espagnols leuerent les ancrs, & feirent voile, & avec ceste prise de Chicorans s'en retournerent à saint Dominique. Mais vne des Caruelles se perdit par le chemin, & les Indiens qui estoient dedans: l'autre, moururent en peu de temps de melancholie, & de faim, par ce qu'ils ne vouloiēt, en façon aucune, manger de ce que les Espagnols leur presentoiēt, ains mangeoiēt plustost des chiens, des asnes, & autres bestes mortes qu'ils trouuoient le long des murailles. Lucas Vasquez d'Aillon, avec la relation de toutes ces choses vint à la Cour, & amena avec soy vn Indien de ce pays nommé François Chicoré, lequel racōptoit choses merueilleuses de ce pays. Ce Lucas demanda la conqueſte & gouuernement de Chicoré. L'Empereur luy dóna ce qu'il demandoit, & en outre le feit Cheualier de saint Iacques. Estāt retourné à saint Dominique, il arma certains vaisseaux, l'an 1524. & se meist en chemin avec intētion d'y baillir, ayant esperāce d'y trouuer de grāds tresors: mais la Capitainesſe de ses nauires se perdit au fleuue Iourdan, avec plusieurs Espagnols: & en fin luy mesme eut pareille mort, sans auoir fait chose aucune digne de memoire.

*Les costumes des Chicorans. Chap. 43.*

Ceux de Chicoré sont de couleur brune, haults de corpulence, ayans peu de barbe. Ils ont les cheveux noirs, & lōgs iusques à la ceinture: les femmes les ont plus lōgs, mais elles les ont tous entortillez. Ceux de la prouince de Duaré, qui est proche de ceste cy, les portent iusques aux pieds. Leur Roy nommé Datha, estoit grand comme vn Geant, & la femme de mesme: il auoit aussi vingt-cinq enfans d'une grâdeur non-pareille. Quand on leur demandoit pourquoy ils croissoient tant, ils respondoient que cela aduenoit pour mâger certaine viâde faicte comme vne farce de plusieurs herbes enchantees, autres disoient qu'on leur attendrissoit les os avec certaines herbes cuites, & puis qu'on les estendoit. C'estoient quelques Chicorâs qui auoient esté baptisez, qui rendoient telles raisons: mais ie croy qu'ils bailloient ces bourdes en payemēt pour dire quelque chose: par ce qu'en montant contremont le fleue de Iourdan on voit les hômes si grâs qu'ils ressemblent à Geans à cōparaison des autres. Leurs prestres sont habillez differemment des autres, & n'ont point de cheveux: ils en laissent seulement venir deux petits floquets sur les tempes, qu'ils attachent souz le menton. Ces prestres pilent certaines herbes, & du suc d'icelles aspergent les Soldats. Ils ont la charge de beneistre ceux qui vôt à la guerre, & de penser les blesez, & d'enterrer les morts. Ils ne mangent point de la chair humaine comme les autres. Aucun n'a recours à autre medecin qu'à certaines herbes, les proprietiez desquelles ils cōgnoissent à quelles maladies & playes elles sont bonnes. Avec vne herbe nômee Guai ils vomissēt la colere,



& tout ce qu'ils ont en l'estomac, & pour ce faire, ils la mangent, ou la boient: elle est fort cogneue, & est si salutaire, que par la vertu d'icelle, ils viuent longuement, & se tiennent sains & forts. Les Prestres sont fort spirituels à faire plusieurs sortes de fascinations, tellement qu'ils rendent tous leurs gés estonnez, & esmerueillez de ce qu'ils font. Ils ont deux petits Idoles, lesquels ils ne montrent en public que deux fois l'an, l'une fois en temps de semence, & lors ils font grand' feste: le Roy tout le long de la nuit de la vueille de telle feste ne bouge d'aupres telle image, & le matin venu, apres que le peuple est asséblé, mostre d'un lieu haut exaucé ses idoles, masle & femelle, lesquels tout le peuple adore se prosternas en terre, & crians à haute voix, misericorde. Cela faict, le Roy descend à terre, & donne des riches robes de cotton embellies de ioyaux à deux Cheualiers, qui portent ces idoles au champ, où doit aller la procession. Il ne demeure aucun, qui n'aille à telle procession, s'il ne veut estre réputé peu deuotieux. Vn chacun porte la meilleure robe, qu'il ait: aucuns se teignent: autres se couurent de feuilles: quelques vns se font des masques avec des peaux: les hommes & les femmes chantent, & dansent, les hommes sont pour le iour, & les femmes pour la nuit, passans ceste feste avec prieres, chansons, dances, oblatis, parfums, & telles choses. Le iour ensuiuant on rapporte ces idoles en leur chappelle avec semblable pompe. Ils pensent par le moyen de ceste ceremonie recueillir bon nombre de grain. En vne autre feste ils portent aussi en vn champ vne statue de bois avec mesme soleunité,

gardans pareil ordre, & puis la fichent là sur vne grosse piece de bois, qu'ils mettent de bout en terre, l'environnant tout à l'entour de peaux, coffres, bancs, & sieges: Tous les mariez, sans qu'aucuns y aillent, viennent offrir quelque chose, & mettent leurs oblations dans ces coffres, ou sur ces bancs, ou les pendent à ces peaux: les prestres, qui sont deutez à cest office, remarquent l'oblation de chacun, & à la fin disent, qui est celuy, qui a fait plus riche offerre, afin qu'un chacun en ait la cōgnoissance. Cestuy là est fort honoré de tous tant que l'an dure, cela est cause que plusieurs font leur oblation l'enuie l'un de l'autre. Les principaux, & les autres aussi mangent du pain, du fruit, & des viandes qu'on a offert, le reste est distribué entre les Seigneurs, & les prestres. Ils descendent puis apres leur statue quand la nuit est venue, & la plongent dedans la riuiere, ou dedans la mer, si elle est pres, afin qu'elle s'en aille avec les Dieux de l'eau. Le lendemain de leurs festes, ils deterrēt les os d'un Roy, ou d'un Prestre, qui a esté en grāde estime, & bōne reputation, & les mettent sur un eschaufaut dressé en la campagne, les femmes seules le pleurent, tournans à l'entour, en forme d'une dance rōde, & offrent ce qu'elles veulent, ou ce qu'elles peuuent. Le iour d'apres on reporte ces os en leur sepulture, & lors un Prestre fait vne oraison en la louāge de cestui là: de qui ils sont, & dispute de l'immortalité de l'ame, traicte de l'enfer, du lieu ordōné pour les peines, lequel les dieux ont establi en un pays, & terre tresfroide, où se doiuent purger les pechez. Il traicte aussi du Paradis, qui est en vne terre fort tēperee, possedee

par Quezuga, grand Seigneur, doux, & boiteux, le  
 quel donne grand passe-téps aux ames, qui vont en  
 son Royaume, les laissant danser, chanter, & prédre  
 plaisir avec leurs amoureuses. Par telle ceremonie  
 ces os demeurent canonisez, & le harangueur don  
 ne cōgé à ses auditeurs, & en fin prend par les nari  
 nes de la fumee faicte d'herbes, & gommes odori  
 ferantes, soufflant cōme vn enchanteur. Ils croyen  
 qu'il y ait beaucoup de gens au ciel, & autant soub  
 terre, & qu'il y a des Dieux en la mer: & de tout ce  
 cy les prestres en ont des chançons qu'ils chantent.  
 Quand vn Roy meurt, ces prestres font certains  
 feuz, comme rayons, donnans par là à entendre, &  
 voulans faire à croire, que ce sont les ames qui sont  
 sorties du corps, lesquelles montent au ciel, & en  
 terrent le corps avec de grandes clameurs, & com  
 plainctes. La reuerence qu'ils font à leur Cacique,  
 est plaisante, ils luy touchent le nez avec les mains.  
 & le frottent, & puis les passent depuis le front, ius  
 ques derriere le col, alors le roy tourne la teste vers  
 l'espaule gauche, sil veult faire hōneur à celuy, qui  
 luy faict la reuerence. Vne veufue ne se peut rema  
 rier, si son mary est mort naturellement: mais elle  
 peut se remarier sil est defaict par iustice. Ils ne lais  
 sent point demeurer les filles avec celles qui sont  
 mariees. Ils iouient à la pyle, & s'exercent de l'arc  
 comme font les Turcs, aussi tirent ils bien, & visent  
 fort droict: Ils ont de l'argent, des perles, & autres  
 pierres. Ils ont plusieurs cerfs qu'ils nourrissent en  
 leurs maisons, & les enuoyent paistre aux champs,  
 & ne faille de retourner au soir en leurs maisons.  
 Ils font du fromage du lait de leurs femmes.



*De Boriquen.**Chap. 44.*

**A** Dixsept degrez, & à cent mil de l'isle Espagno  
le, vers le Ponent, est situee l'isle Boriquen,  
urnommee par les Chrestiens saint Iean. Elle a  
n longueur deux cents mile, & en largeur elle en  
septante deux: sa longueur est de Leuant en Po-  
tent. Le quartier qui regarde la Bize est riche en  
or, & celuy qui tend au Midy, est fertile en pain,  
fruits, herbes, & poissons. On disoit que ces Bori-  
quins ne mägeoient point de chair, mais cela se de-  
toit entendre d'animaux à quatre pieds: car ils mā-  
gent forceoiseaux, & mesme des Chauue-souris  
velees en eauë chaude. Quant aux choses qu'ils a-  
uoient anciennement, & quant à ce qu'ils ont natu-  
rellement, ils sont de mesme condition que ceux de  
l'isle Espagnole, & mesme pour le iourd'huy c'est  
encor tout vn. Ils sont seulement en ce differents  
que les Boriquins sont plus vaillans que les autres,  
& s'aydent d'arcs & fleches, sans toutefois les enue-  
nimer d'herbe. Il y a en ceste isle vne gomme, qu'ils  
appellēt Tabunuco, qui est mortelle, & coule com-  
me suif: d'icelle meslee avec de l'huyle, on oinct les  
mauires, à cause de son amertume, elle se defend biē  
cōtre les vers qui ont accoustumé de s'engendrer  
en la pourriture du bois, & des aiz des vaisseaux. Il  
y a aussi grande quantité de Guaiacan, qu'on ap-  
pelle bois saint, qui sert à guarir le mal François,  
& autres maladies. Christofle Colomb descourrit  
ceste Isle en son secōd voyage. Iean Ponce de Leon  
s'y en alla l'an mil cinq cens neuf, avec congé du  
gouverneur Ouando, en vne carauelle qu'il auoit à  
saint Dominique: par ce que quelques Indiens luy

auoient dit que c'estoit vne Isle estimee riche. Il descendit au quartier ou dominoit Agueibana, lequel le receut en toute amitié, & se feist Chrestien avec sa meré, freres & seruiteurs, & si luy donna vne sienne sœur pour amie, estant telle la coustume des seigneurs, qui veulent faire honneur à autres grâds personnages, qu'ils veulent receuoir pour amis & hostes. Apres il le mena sur la coste de la mer vers la Tramontane pour recueillir de l'or, qu'ils trouuerent en deux ou trois fleuves. Iean Ponce laissa certains Espagnols avec Agueibana, & s'en retourna à S. Dominique avec la monstre de l'or, & avec quelques Indiens de là. Mais voyant que le gouverneur Nicolás d'Ouando s'en estoit retourné en Espagne, & que l'Admiral Dom Diego Colomb estoit gouverneur, il s'en retourna à Boriquen avec sa femme, & toute sa maison, & luy donna le surnom de S. Iean: & de là escriuit au grand Commandeur Ouando qu'il feist pour luy enuers l'Empereur que il eust le gouvernement de ceste isle, sous le commandement toutesfois du Viceroy, & de l'Admiral des Indes: ce qu'il obtint, & alors assembla gens, & guerroya contre ceux de ceste Isle. Il fonda la ville de Caparra, qui se depeupla puis apres, pour estre mal saine, estant situee en vn marets. Il peupla encor à Guaniqua, qui fut aussi incontinent deshabitee pour le grand nombre, & importunité de certaines petites mouches, & de pulces, & alors il peupla au dessous de Major, & fonda quelques autres villes. La conqueste de ceste Isle a cousté la mort de plusieurs Espagnols, parce que les habitans estoient courageux, & appellerent les Caribes pour

leur defense. Iceux tiroient des fleches enuenimees  
uec vne herbe si mortelle qu'elle ne reçoit aucun  
remede. Ils pensoient au commencement que les Es-  
pagnols fussent immortels : & pour en sçauoir la  
verité, Vraioa Cacique de Yaguaca print ceste char-  
ge avec l'accord & consentement de tous les autres  
Caciques, afin qu'il fust secouru de tous si pour ce-  
a il luy aduenoit mal. Il commanda à quelques-  
uns de ses seruiteurs qu'en passant le fleuve de Gua-  
rabo, ils iettassent vn certain Espagnol nommé Sal-  
mede, qui estoit logé en sa maison, dans l'eauë. Le  
portans donc sur leurs espaules comme fils l'eus-  
sent voulu passer le fleuve, ainsi qu'ils auoient de  
coutume, le jettent au milieu, où le compagnon se  
noya. Le voyant ainsi noyé, creurent que tous les  
autres estoient mortels : ce qui leur donna courage  
de s'associer ensemble, & se rebellerent, & tuerent  
plus de cent Espagnols. Entre ceux qui ont esté à  
ceste conqueste le plus remarqué de tous est Diego  
de Salazar. Les Indiens auoient tant de peur de luy,  
qu'ils ne vouloient combattre où il estoit, & pour  
ceste cause encor' qu'il fust tout estropiat du mal  
des bubes, ou mal François, si le portoit-on au cāp,  
afin que les Indiens sçeussent qu'il y estoit. Les In-  
diens de ceste isle, souloient dire à vn Espagnol,  
qui les menaçoit : Je n'ay point peur de toy, pour-  
ueu que tu ne soyes Salazar. Ils auoient aussi grand  
peur d'vn chien surnommé Vezerrillo rouge, &  
metiz, qui gaignoit la souldie, autant qu'vn arbalè-  
trier & demy. Ce chien assailloit les Indiens fierement,  
& avec discretion : Il cognoissoit les amis, &  
ne leur faisoit aucun mal, encor' qu'on le touchast,



il cognoissoit si tel estoit Caribe, ou non: Il pour  
 fuiuoit viuemēt celuy qui fuyoit, iusques au milieu  
 du camp de l'ennemi, ou le mettoit en pieces, si seu-  
 lement on luy eust dit, or sus viste, va le chercher.  
 ne s'arrestoit iusques à ce qu'il eust fait tourner vi-  
 sage à celuy qui s'enfuyoit. Ce chien asseuroit tan-  
 nos gens, qu'ils osoyent affronter les Indiens aussi  
 hardimēt, que s'ils eussent eu trois hommes de che-  
 ual avec eux. Ce chien mourut estant blessé d'une  
 fleche enuenimee, nageant apres vn Caribe. Tous  
 les habitans se sont faits Chrestiens, & leur premier  
 Euesque fut Alphonse Manso, 1511. Apres Jean  
 Ponce de Leon, plusieurs ont gouuerné ceste Isle  
 sous l'Admiral, & ont eū plus d'esgard à leur profit  
 qu'à celuy des habitans.

*Le descouurement de la Floride. Chap. 45.*

**L'**Admiral osta incontinent le gouuernement de  
 l'Isle de Boriquen à Jean Ponce de Leon. Alors  
 se voyāt riche & sans gouuernement, equippa deux  
 nauires, & se mist à chercher l'Isle Boiuque, où les  
 Indiens disoyent qu'estoit la Fontaine qui faisoit  
 reieunir les personnes vieilles. Il fut long temps en  
 ce voyage comme perdu, & endura grand trauail  
 bien l'espace de six mois entre plusieurs isles, sans  
 trouuer aucune marque de telle fontaine: Il entra  
 en Vimini, & descouurit la Floride le iour de Pas-  
 ques Flories, l'an 1512. & pour ceste occasion, don-  
 na ce nom au pays. Or pensant trouuer de grandes  
 richesses en ceste Floride, il s'en vint en Espagne,  
 où il eut du Roy catholique tout ce qu'il deman-  
 doit par le moyen de Nicolas d'Ouando, & de ce-  
 luy à qui il auoit esté page, qui estoit Pierre Nugnez  
 de

de Guzman, gouverneur de l'enfant de Dom Ferdinand, qui pour le iourd'huy est Roy des Romains. Par l'intercession de ceux-cy, il eut le tiltre d'Adelantado de Vimini, & eut le gouvernement de la Floride. Ayant sa prouision, il arme en la ville de Seuille trois nauires l'an 1515. & arriué à Guacana, qu'on appelle aujourd'huy Guadalupe, il met de ses gens à terre, pour prendre de l'eau & du bois, il fait aussi descendre quelques femmes pour blâcher leur linge. Mais les Caribes, qui s'estoient embusquez dedans vn bois, saillent, & tirent contre les Espagnols leurs fleches enuenimees : la plus grand part de ceux qui descendirent en terre furent tuez, & les lauandieres prises. Iean Ponce voyant si mauuais commencement, se retire de ceste isle, & de là prend terre à la floride, où estant descendu avec ses soldats, & cerchant quelque ville commode pour peupler, les Indiens vindrent à se mettre au deuant pour empescher l'entree, & telle demeure: ils combatent si vaillamment qu'ils le deffont, & tuent beaucoup d'Espagnols, & le blecent avec vne fleche, de laquelle atteinte il mourut en l'isle de Cuba. Voila comment il finist ses iours. Il consumma en ce voyage grande partie de la richesse qu'il auoit assemblé en l'isle de Boriquen. Ce Iean Ponce estoit passé en l'isle Espagnole, avec Christoffe Colomb, l'an 1493. Il fut vaillant soldat aux guerres, qui se font meües en ceste isle, & fut depuis capitaine en la prouince de Higui sous Nicolas d'Ouando, qui la conquesta. Mais pour reuenir à nostre Floride, c'est vne poincte de terre, comme vne langue, elle est assez remarquee aux Indes, & assez cogneüe

pour plusieurs Espagnols, qui sont morts en icelle. Elle est selon le commun bruit, riche & bien pourueüe de toutes prouisions. Encor' que les habitans soient si vaillans hommes, Ferdinand de Sotto en demanda toutesfois la conqueste & le gouuernement. Ce Ferdinand auoit esté capitaine au Peru, & f'estoit fait riche à la prise d'Attabalipa, ayāt eu bōne part au butin, comme estant homme de cheual, & capitaine, aussi eut-il le couffin couuert de grosses perles & ioyaux, sur lequel estoit assis ce riche & puissant Roy. Il s'en alla à ceste Floride avec bonne troupe de gens, & fust cinq ans ne faisans que chercher des mines, parce qu'il pensoit que ce pays fust comme celuy du Peru. Il ne peupla aucune ville, & ainsi en ces pourchats il mourut, & ruina tous ceux qui l'auoient suiuy. Iamais tous ceux qui se meslent de conquerir par deça, ne feront bel acte, si deuant toute autre chose ils ne s'employēt à peupler quelque ville sur la mer, spécialement aux pays où les Indiens sont si adroits de leurs arcs, & sont si brusqs & prompts. Apres la mort de Ferdinand de Sotto, la Cour estant à Valladolid, 1544. plusieurs demanderent ceste conqueste, entre lesquels furent Iulian de Samano, & Pierre d'Ahumada, freres personnages suffisans pour entreprendre tel affaire, & mesme Ahumada, qui est de bon iugement bien expert en plusieurs choses, noble, & vertueux, avec lequel i'ay bonne amitié. Mais l'Empereur, qui estoit en Allemagne, & son fils le Prince Dom Philippe, qui gouuernoit les Espagnes, ne la voulurent donner à personne, conseillez de ceux qui sont ordonnez pour le conseil des Indes, & d'autres personnes,



qui avec vn bon zele, ainsi que leur sembloit, y cō-  
tredisoient, & au lieu y enuoyerēt frere Louys Can-  
cel de Baluaestre, avec autres Iacobins, qui festoient  
offert de gagner ce pays, & conuertir le peuple à la  
foy Chrestienne, & les attirer au seruice de l'Empe-  
reur, seulemēt de parolle. Ainsi ces Moynes s'en al-  
lerent aux despens de l'Empereur, l'an 1549. Frere  
Louys avec ses quatre compagnons sort en terre, &  
avec quelques mariniers sans armes, par ce, qu'il  
deuoit ainsi commencer sa predication, plusieurs  
Indiens accoururent à la marine, mais sans l'escou-  
ter le massacrent avec deux de ses compagnons, &  
les mangent, ainsi ces trois moynes endurerēt mar-  
tyre, pour prescher la foy de Iesus Christ, les deux  
autres se reiecterent dedans leur vaisseau, ayants  
nieux se garder pour confesseurs, comme on dict.  
Ceux qui fauorisoient l'entreprise de ces moynes  
cognoissent bien maintenāt qu'on ne sçauroit atti-  
rer ces Indiens à nostre amitié par telle voye, encor'  
moins à nostre foy, encores que possible ce fust le  
meilleur. Vn Page aussi de feu Ferdinand de Sotto,  
vint vn peu apres sauuer dans le mesme vaisseau,  
lequel asseura comme les Indiens auoient pendu en  
leur temple la peau, & couronne de la teste de ces  
moynes, & qu'il y auoit là aupres des hommes qui  
mangeoient du charbon.

*Du fleuve des Palmes.*

*Chap. 46.*

**A**uant qu'un autre Espagnol, François de Ga-  
ray costoya la coste, qui est depuis la Floride  
usques au fleuve de Panuco. Ceste coste a 2000.

mil: mais par-ce que ce François ne feit pour lors que courir la coste, ie n'escriray autre chose de luy, & parlerons de Pamphile de Naruacz, qui s'en alla en ceste coste, pour la côquerir, & pour la peupler estant fait Atlantado, & gouuerneur. Le fleuue des Palmes est au dessus de Panuco, six vingt mil tirans vers la Tramontane. L'an 1527. Pamphile de Naruacz partit du port de Sainct Lucar de Barrameda pour aller à ce fleuue avec neuf nauires, dans lesquels il menoit six cens Espagnols, cent cheuaux, grande prouision de viures, d'armes, & de vestemens. Il auoit dressé si bon equippage, par ce qu'il auoit expérimenté les dangers, esquels estoient tōbez d'autres armées maritimes à faute de telle prouision. Il eut en son voyage beaucoup de peine, par-ce qu'il ne sçauoit pas bien son chemin pour l'ignorance de Miruelo, & autres mariniers de l'armée, qui ne recogneurent point le pays. Il descendit à terre avec trois cens soldats, & quasi avec tous les cheuaux, n'ayant plus que bien peu de prouision, & enuoya les vaisseaux pour chercher le fleuue des Palmes. Ce pendant qu'on les cherchoit il perdit quasi tous ses gens & cheuaux: ce qui luy aduint pour n'auoir peuplé aussi tost qu'il mit pied à terre, ou pour auoir pris terre où il ne deuoit pas: & qui ne peuplera, iamais ne fera bōne conqueste, sans laquelle le pays iamais ne se cōuertira à nostre foy, tellement que la principale maxime qu'il faut auoir, quād on veut côquerir pays en ces Indes, est de peupler en diligence en quelque bon port, ou sur vn fleuue, qui soit pres de la mer. Naruacz veid de l'or à quelques Indies, & leur demātant d'où ils tiroient

cest or, ils luy respondirent que c'estoit de Aplacen. S'en allant en celieu, il rencōtra vn Cacique nōmé Dulciancelin, qui en chāge de sonnettes & patenostres, luy donna vne peau de cheureul peinte iolyment, laquelle il portoit sur son dos. Ce Cacique estoit porté sur les espaules d'un Indien ayant bonne cōpagnie de gēs, la plus grande partie desquels iouoyent de petis fiffres faits de cānes. Aplacen a environ quarante maisons de paille, c'est vne ville fort pauvre de ce qu'ils cherchoiēt, mais abondāte d'autres choses, elle est plaine, aquaticque, & sablōneuse. Ils veirent là des lauriers, & quasi tous les arbres que nous auons, mais ils sont là plus hauts. Ils veirēt aussi des lyōs, des ours, des cheureaux de trois sortes, & certains animaux fort estranges, qui ont vne faulse poiētrine qui s'ouure, & se ferme comme vne bourse, dans laquelle ils portent leurs petis quād ils veulent courir, & se sauuer de ceux qui les poursuivent. Il y a aussi là toutes les sortes de noz oyseaux, cōme cicongnes, faulcons, & autres de rapine. Mais avec tout cela, c'est vn pays d'oū il vient grand nombre de fleches. Les hommes sont dispos, & forts, & si legers qu'ils aconsuient vn cerf, & courent tout vn iour sans se reposer: ils ont leurs arcs longs de douze paulmes, gros comme le bras, & en tirent deux cents pas loing, ils en percent certaines cuyrasses, & vn gros aiz, & autres choses plus fortes: les flesches sont pour la plus part de cannes, & en lieu de fer ils y mettent vne pierre, ou caillou esguisé au feu, ou bien vn os: les cordes sont de nerfs de cheureaux. De Aplacen noz gens s'en allerent à Anté, & plus auant, où ils trouuerent les



maisons meilleures, & les personnes plus ciuiles & courtois. Ceux-cy se vestent de peaux de cheureaux peintes & marquetees, il y en a de si fines & si odoriferantes de leur naturel, que les nostres s'en esmerueilloient. Ils portent encor des manteaux de gros fil, & des chapeaux fort hauts, & amples, ils donnent vne fiesche en signe d'amitié, & la baissent. Aupres de ce lieu, il y a aussi vne isle, qu'on appelle Malhado, qui a quarante-huict mil de tour, & est à six mil de terre. Les habitans d'icelle mangerent certains Espagnols, desquels les noms sont Pantoxa, Sotto Mayor, Ferdinád d'Esquiuel natif de Vadaioz. En terre ferme aussi en vn lieu nommé Xanabo ils en feirent autant de Diego Lopez, Gonzallo Ruyz, Corral, Sierras Palacios, & d'autres. En ceste isle de Malhado, les habitans vont tous nuds, les femmes mariees se couurent leurs parties honteuses avecques vn voile faict d'escorce d'arbre, qui est si deliée qu'il semble que ce soit de la laine: les filles se les couurent avec des peaux de cheures & autres. Les hommes se percent vne mammelle & aucuns se les percent toutes deux, & trauerfent par les trous certaines petites cannes de la lógueur d'vne paulme & demie. Ils se percent aussi les fesses & y pèdent de semblables cannes qu'à leurs mammelles. Ce sont gens de guerre, & les femmes travaillent fort: ils se marient avec vne seule femme, mais les medeciñs en ont deux & plus fils veulent. L'espoux ny ses parens n'entrét point le premier an de ses nopces au logis de son beau-pere, ny ne luy donne à manger en sa maison, ny ne parlent à luy, ny ne le regardent en face, encore qu'on ameine de

sa maison l'espouse: il ne mange que ce qu'il a prins à la chasse, ou à la pesche. Ils couchent par ceremonies dans vne peau sur vn matelats. Quant à leurs enfans, ils les nourrissent avec grandes mignotises, & si d'auenture ils viennent à mourir, ils entrêt en grande cholere & fascherie, & les enterrét avec grandes plaintes. Ce courroux & tourment dure vn an, & tous ceux de la ville pleurent trois foys le iour, & durant que cest an dure, les peres, & les parens ne se lauent point. Ils ne pleurent point les vieillards quand ils meurent. Ils enterrét tous ceux qui meurent excepté les medecins, lesquels ils brulent par hōneur, & ce pendant que le corps bruste, ils dancent & chantent: ils laissent consommer les os: & en gardent la pouldre, laquelle les parens & la femme du deffunct boient au bout de l'an, & en outre pour memoire, ils se decouppent. La cure de ces medecins est avec du feu, en soufflant la playe. Ils couppent le lieu qui est interessé & succent ce qu'il ont couppé, ils guerissent le malade de telle façon, & son bien payez. Les Espagnols estans là: il moururét quelques Indiës de douleur de estomach, & croyoit-on que ces medecins en fussent cause, mais ils s'excuserent: autres mouroient de froid, de faim, & des mousches qui les mangeoient tous vifs, par ce qu'ils alloient nuds: cela anima derechef les Espagnols contre ces medecins, & les vouloient tuer, mais ils se contenterent de leur faire rigoureux mandement de penser les malades. Eux peur de la mort commencerent à y pouruoir, adioustans à leurs medecines des oraisons & signes de la croix, & ainsi ils guerirent tous

ceux, qui tóboient en leurs mains, ce qui leur feit acquerir grand bruit, & de medecins sçauans. Or pour reuenir à nos gens de Malhado, ils passerent par plusieurs villes, & arriuerent en vne qu'on appelle Iaguazzi, les habitans d'icelle sont grands menteurs, latrons, yurongnes, & deuineurs. Ils tuent leur propre fils s'ils songent quelque mal: ils tuerent Esquiuel pour telle resuerie. Ils courent vn cheureul iusques à ce qu'ils l'ayent tué, tant ils sont legers à la course. Ils ont les mammelles percees, & les leures. Ils sont addonnez au peché de Sodomie. Ils changent leur demeure comme les Arabes de Barbarie, & portent vne sorte de natte, de laquelle ils reuestent le dedans de leurs maisonnettes. Les personnes vieilles, & les femmes se vestent & chaussent de peaux de cheures, & de vaches, qui en certain temps de l'an viennent en leur pays de deuers la Tramontane: elles ont le col tortu, le poil long, la chair en est fort bonne. La viande de ces habitans sont areignes, fourmys, vers, petites lizards, serpens, petits coppeaux de boys, de la terre, & autres telles choses, & encores qu'ils soyent si pauures, & si mal nourriz, ils sont neâtmoins contents, allegres, dispos, tousiours dansans, & chantans. Ils achetét de leurs ennemis des femmes pour vn arc de deux fleches, ou pour vn rets à pescher, & tuent les filles qu'ils font, à fin de ne les donner à leurs parens, ny à leurs ennemis. Ils sont tous nuds & si picquez de mousches qu'ils semblent estre ladders, encores qu'ils leur facent tousiours la guerre. Ils portent des tisons de feu pour les espouuenter, ou font du feu de boys verd, ou mouillé à fin que



la fumee les deschasse, & ainsi ils sont perpetuellement assailliz de ces mousches, où enuironnez de fumee, qui est vn autre mal insupportable, mesme-ment aux Espagnols, qui ne faisoient que plorer: Au pays d'Auanares Alphonse de Castille, guarit plusieurs Indiens du mal de teste, soufflant sur eux comme vn enchanteur, & pour son loyer ils luy dô-nerent des Tunes, qui est vn espece de bon fruit, & de la chair de cheureul, & vn arc, & des flesches. Il guarit aussi cinq estropiats ne faisans que forces signes de la croix non sans grande admiration des Indiens, & mesme des Espagnols, tellement qu'on l'adoroit comme homme celeste. Au bruiet de si belles cures les Indiens venoient de toutes parts bleuers les Espagnols, & ceux de Susola le prierent l'aller avec eux pour guarir vn quidam, qui auoit esté blecé. Alvaro Nugnez, Cabezza de Becca, & André Dorantes, qui se mesloient aussi de faire telles cures, y furent: mais quád ils arriuerent, celuy qui estoit blecé estoit desia mort, se confians tou-tesfois en Iesus Christ, qui donne la santé, à qui il luy plaist, pour conseruer leur vie entre ces barba- res ils feirent le signe de la croix sur ce corps mort, & Alvaro Nugnez souffla dessus par trois fois, & aussi tost il reprint vie, qui fut vn grád miracle. Ain- si luy mesme le no<sup>r</sup> à dict, & racópté. Ils furét quel- que téps entre les Albardaos, qui sôt fins guerriers, & combattent de nuit, & avec vne gráde astuce, ils irerót cótre vn autre estat debout, en parlát, & sau- ant d'vn costé & d'autre, afin q̄ ils ne soiét touchez de leurs ennemis, ils se baissent fort cótre terre, & s'ils voyent quelque couardise en leur ennemis, ils

les assaillent viuement: au contraire s'ils y voient de la prouesse, & du courage, ils se mettent en fuite: ils ne poursuivent point leur victoire, ny ne courent apres leur ennemy. Ils ont fort bonne veüe, & bon sentimēt: ils ne dorment point ny n'ont communication avec les femmes enceintes, ny avec celles qui sont acouchees iusques à ce que deux ans soient passez. Ils repudiēt leurs femmes si elles sont steriles, & se marient avec d'autres. Les femmes allaitent leurs enfans iusques à l'aage de dix, & douze ans, & iusques à ce qu'ils puissent chercher à manger: Quand les maris son en debat l'un contre l'autre, les femmes font l'accord. Aucun ne mange de ce que les fēmes, qui ont leurs fleurs, ont accoustumé. Quand ils ont fait cuire leur vin, s'ils ne bouchent bien le vaisseau, en le transportant en leurs celliers où sont les autres grands vaisseaux, dedans lesquels ils le versent, ils s'enyurent eux & leur femmes, & alors ils les traitent mal. Ils marient vn homme avec vn autre quād il sont impuissans ou eunuques & tels sont accoustrez comme femmes, & seruent & font l'estat qu'ont accoustumé faire les femmes & ne peuuent tirer, ny porter arc. De-là nos gens passerent par certains peuples, qui sont assez blācs mais ils sont louches, ou bicles des le ventre de la mere: Les hommes se fardent. Ils prenoient force viures, & n'en mangeoient si premierement les Chrestiens n'eussent fait dessus le signe de la croix, ou qu'ils y eussent soufflé. Apres ces Espagnols arriuerent en vn pays où par coustume, ou bien pour reuerence, qui leurs portoient, les habitans ne pleuroient, ny ne rioient. Il y eut vne femme, qui

d'adventure se print à pleurer, elle fut picquee, esgratignee avec certaines petites dents, par le derriere depuis le talon iusques à la teste. Ils receuoient les Espagnols en tournant la veuë vers la muraille, & tenans la teste baissée, en iettans leurs cheueux sur les yeux. En la vallee, qu'ou appelle des Corazons, pour six cens peaux de cheures, que les Espagnols leurs donnerent, ils eurent quelques flesches, qui auoient au lieu de fer des pointes d'esmeraudes assez bonnes, & eurent aussi des turquoises, & des pennaches. Les femmes portent en ce pays des chemises de coton fin, garnies de leurs manches, & des cottres plissées, trainâtes iusques en terre, faictes de peaux de cheureaux bien conroyees, & ouuerres par deuant. Ils prennent ces cheureaux leurs dres sans quelques appaz avec du miel aux fosses où ils viennent boire. De là noz Espagnols s'en allerent à sainct Michel de Gulhuacan, qui est, comme i'ay dit, en la coste de la mer de Midy. Des trois cens Espagnols, qui sortirent en terre avec Pamphile de Naruaez, ie croy qu'il n'eschappa qu'Aluaro Nugnez, Cabezza de Bacca, Alfonse de Castille, Maldonado, André Dorantes de Veggjar, & Estienne d'Azamor, lesquels furent espars çà & là tous nuds, & fameliques durant l'espace de plus de neuf ans, se pourmenans par les villes, & pays cy dessus declarez, & par plusieurs autres, où ils guarirent plusieurs Indiens des fiebures, & ceux qui estoient estropiats, & blecez, & ressusiterent vn mort, selon qu'ils ont rapporte. Ce Pamphile de Naruaez est celuy, qui vainquit, print & tira vn œil à Ferdinand Cortés en Zempoallan de la nouuelle Es-



pagne , comme plus amplement ie desccriray en l'histoire de la conqueste de Mexique. Vne More d'Homacios luy dit que son armee auroit mauuais se fin, & que peu eschapperoient de ceux qui sortiroient en terre.

*De Panuco.*

*Chap. 47.*

**A** Pres que Iean Ponce de Leon, qui descouurit la Floride fut mort, François de Garay arma trois Carauelles en l'isle de Iamaïque l'an 1518. & s'en alla à la Floride pensant que ce fust vne isle, parce que pour lors ils aimoient mieux peupler és isles que non pas en terre ferme. Il met ses gens en terre, qui aussi tost sont rompuz par les Indiens bleçans, & tuans grand nombre d'Espagnols. Ce qui fut cause qu'il ne s'arresta iusques à ce qu'il fut arriué à Panuco, qui est loing de la Floride en costoyant la coste de 2000. mil. Il contempla bien ceste coste, il ne la costoya pas toutesfois de si pres, ne si à loisir comme on fait aujourd'huy. Il voulut faire quelques eschanges en Panuco, mais les habitants, qui sont vaillans, & grands bouchers d'hommes, n'en voulurent point. Ains le traicterent mal en Cila, où ils mangerent quelques Espagnols, que ils auoient tuez, & si les escorcherent & meirent leurs peaux, apres qu'elles furent seiches, en leur temple pour memoire, & pour vn trophée. Ce pays toutesfois luy sembla bon, encor qu'il luy eust mal succédé. Il retourna à Iamaïque, & equippa derechef ses vaisseaux, il se garnit de gens, & de prouisions, & retourna l'an d'apres, où il luy aduint pis que deuant. Autres disent qu'il n'y fut qu'une fois, mais qu'on en compte deux pour le long temps qu'il y

ut. Soit qu'il y ait esté vne ou deux fois, il est certain qu'il s'en retourna fort cōtent de la grande despense qu'il auoit faite, & aussi de ce peu qu'il auoit fait: meismement pour ce qu'il luy estoit aduenü avec Ferdinand Cortés en la ville de vraye Croix, ainsi que i'escriray en la conqueste de Mexique. Mais pour amender le defaut & pour acquerir bruit tel que celuy de Ferdinād Cortés, qui estoit ia tant renommé, & par ce qu'il tenoit ce pays de Panuco fort riche, il postula le gouuernement d'iceluy à la Cour par Iean Lopez de Torralua son facteur, remonstrant combien il auoit despendu pour le descouurir. Ce qu'ayant obtenu avec tiltre d'Adelantado, arma & équippa de toutes prouisions onze vaisseaux l'an 1523. pensant par sa richesse venir en concurrence avec Ferdinand Cortés. Il mit en ses nauires plus de sept cens Espagnols, cent cinquante quatre cheuaux, & plusieurs pieces d'artillerie, & s'en alla à Panuco où il se perdit avec son grand apparat, car luy il mourut à Mexique, & les Indiens luy tuèrent plus de quatre cens Espagnols, desquels plusieurs furent sacrifiez & mangez, & leurs peaux pendues en leurs temples, estant telle leur cruelle religion, ou bien leur cruauté religieuse. Ces habitans sont grands Sodomites, & ont publiquement des bordaux d'enfans, & hommes, ou la nuit ils s'assemblent plus de mille, plus où moins selon la ville. Ils s'arrachent les poils de la barbe, & se percent les narines, & les oreilles pour y pendre quelque chose. Ils se liment les dents avec vne lime, tant pour la beauté que pour leur santé. Ils ne se marient point qu'ils n'ayent quarante ans, encor que

les filles des l'aage de dix, où douze ans, soyent ia  
faictes femme. Nugno de Guzman fut depuis eu ce  
ce pays gouverneur l'an 1527. & si en alla seulement  
avec deux, où trois nauïres, & quatre vingts Espa  
gnols. Iceluy chastia ces Indiens pour leurs pechez,  
& les feit tous esclaves.

*De l'Isle Iamaïque.*

*Chap. 48.*

**L'**Isle Iamaïque, qu'auïourd'huy on apelle S. Ia  
ques, est situee entre le 17. & 18. degré, & est à  
100. mil de Cuba vers la bize, & autant del'Espa  
gnole vers le Leuant. Elle a 200. mil de longueur,  
& vn peu moins de 80. en largeur. Christofle  
Colomb la descourrit au second voyage qu'il feit  
aux Indes, son fils dom Diego l'a conquestee gou  
uernant l'isle de S. Dominique par Iean de Squiuel,  
& autres Capitaines. Le plus riche gouverneur de  
ceste isle a esté François de Garay, qui arma en icel  
le tant de vaisseaux côme i'ay dit, qui est cause que  
ie la descriis maintenant. Iamaïque en toute chose  
resemble à Haiti, les Indiës aussi y ont prins pareil  
le fin qu'en l'autre. Elle produit l'or, & du cotton  
fort fin. Depuis que les Espagnols l'ont possedee, il  
ya force bestail de toute sorte, & les porceaux sont  
icy meilleurs qu'en autre lieu. La principale ville  
s'appelle Seuille. Le premier Abbé qui y fut est  
Pietre Martyr d'Angleria Milanois, lequel a escrit  
en Latin plusieurs choses de ces Indes, estant cro  
niqueur des Roy Catholiques. Aucuns ont voulu  
dire qu'il a mieux escrit en la langue Espagnole. Il  
est à louer de ce qu'il a esté le premier, qui a mis no  
stre lague en beau stile, & nous a inuité à le suiure.  
On pourra verifier beaucoup de choses que ie dis



ses escrits, & auoir recours à luy, & à autres de que i'obmets.

*La nouuelle Espagne.*

*Chap. 49.*

**A**ussi tost que François Hernandez de Cordube fut arriué à saint Iaques, avec les nouuelles de ce riche pays de Iucatan, comme nous dirons tantost, Diego Velasquez gouverneur de l'isle de Cuba deuint auaricieux, & conuoiteux de telles richesses, & y enuoya tant d'Espagnols qu'ils peussent faire resistance aux Indiens, afin qu'il peust eschan-ger avec leur or, argent, & autres bonnes drogues qu'ils auoient. Et pour cest effect equippa quatre nauuelles, & les donna à Iean de Grijalua son neveu, lequel meit dedans deux cens Espagnols, & feit voile de Cuba le premier iour de May, l'an 1518. tirant droit à Acuzamil. Il auoit Alaminos pour pilote, qui auoit esté avec Hernandez de Cordube: A Acuzamil ils voyoient Iucatan, ils tirerent à gauche, pour l'environner, pensant que ce fust vne Isle, parce que ledit Hernandez auoit desia flotté par le costé droit, & c'estoit ce qu'ils desiroient le plus, car ce que plus aisément ils pouuoient assubiettir, & manier ceux des Isles, que les habitans de terre ferme. Ainsi costoyans ce pays, ils entrerent en vn goulfre qu'ils appellerét Baye, où plage de l'Ascension, à raison de ceste feste, qui escheut ce iourlà. Ce fut alors que ce traict de terre, qui est depuis Acuzamil iusques à ladite plage, fut descouuert. Or voyés nos gens que ceste coste suiuiroit, retournerét en arriere, & s'accostans de la terre, arriuerent à Cimpoton, où ils furent aussi mal receuz que François Hernández, parce que seulemēt pour auoir de l'eau,

qui luy defailloit, il luy conuint combattre avec les habitans, ou mourut Jean de Guetaria, & y eut cinquante Espagnols blecez, & Jean de Grijalua eut vne dent rompue, & deux coups de fleche. Pour cest accident qui aduint ainsi à Grijalua, & pour ce luy qui aduint aussi à Hernandez on appella cest plage mauuaise Escarmouche. Nos gens partant de là, & cerchans vn port seur, surgirent deuant vn qu'ils nommerent Desiré. De là s'en allerent en vn riuere, qu'ils nommerent du nom de leur capitaine Grijalua, où il eut encontre'eschange les choses qui s'enfuiuent: trois masques de bois doré taillés à la mosaïque, & enrichis de turquoises, vn autre masque doré tout plain, vne teste bien couuverte de pierres fausses, vne testiere de bois doré avec la cheuelure & les cornes, quatre plateaux de bois doré, & vn autre, qui auoit quelques pierres enchassées à l'entour d'vn Idole, qui estoit enleué dessus cinq greues faites d'escorde & dorees, deux escarcelles de bois couuertes de feuilles d'or, & autres choses comme des forces, & sept rasoirs de pierre, où caillou esguisé, vn miroir double garny d'vn cercle d'or, cent dix chappelets de croye dorez, sept verges de fin or, deux pendans d'or, deux rondelles couuertes de plumes avec leur petit rond au milieu qui estoit d'or, deux pennaches fort gentils, & vne autre faite de cuir, & d'or, vne camisole de plume, vne piece de cotton teinte en couleur, & quelques manteaux de mesme. Il donna pour tout cela vniuppon de velours verd, vn bonnet de soye, deux autres bonnets de frise, deux chemises, deux chaufes, vn cœuure chef, vn pigne, vn miroir, des souliers à v'sage

à vſage de paſteur, trois couteaux, des forces & ciſeaux, pluſieurs chappellets de verre, vne ceinture avec ſes pendans, & du vin, mais ils n'en voulurent point boire: il n'y a eu toutesfois aucun Indien qui en ait refusé que ceux cy. De ce fleuve Grijalua il ſ'en alla à ſainct Iean de Vlhua, d'où il prit poſſeſſion au nom du Roy pour Diego Velasquez, comme eſtant ceſte terre encor toute neuue, & freſchement trouuee. Il parla menta là avec des Indiens qui eſtoient bien veſtus à leur mode, & ſe monſtroient affables & de bon entendemēt. Il eut d'eux pluſieurs choſes en contr'eſchange, comme quatre grains d'or, vne teſte de chien faite de pierre Calcedoine, vn idole d'or avec des cornes & pendans, & au nombril il auoit vne pierre noire, vne medaille de pierre garnie d'or avec ſa couronne de meſme, où il y auoit deux pendans, & vne creſte, quatre bagues pour attacher aux oreilles, qui eſtoient de certaines turquoises, à chācune deſquelles y auoit huit pendans d'or, vn collier riche, vne cheueleure d'or, dix chappelets de croye, vn carcant avec vne grenouille, ſix coliers, ſix grains, trois grands bracelets, trois chappelets de pierre fine, toutes ces choſes eſtoient d'or, cinq maſques dorez, & faits à la moſaïque, pluſieurs euantaux & pennaches, ie ne ſçay quantes chemiſes & manteaux de cotton. Pour recompenſe Grijalua dōna deux chemiſes, deux ſayes bleux & rouges, deux bonnets noirs, deux chaulſons, deux cœuſſes, deux miroirs, deux ceintures de cuir avec leur bourse, deux forces, quatre couſteaux, qu'ils eſtimerent beaucoup les ayans eſprouuez, quatre ſouliers faits à l'antique, deux



fouliers de femme, trois pignes, cent espingles, douze esguilles, trois medailles, deux cens patenostres, & beaucoup d'autres choses de moindre valeur. En fin de leur foire, ils apporterent pour dernier mets des pasteuz de chair, avec force rousty, & des paniers pleins de pain tendre, & vne ieune Indienne pour le capitaine, estant tel l'usage des seigneurs de ce pays. Si Iean Grijalua eut peu cognoistre la bonté de ce pays, & embrasser sa fortune, & qu'il se fust employé à peupler là, comme ses compagnons l'en prioyent, c'eust esté possible vn autre Cortés. Mais ce bien ne luy deuoit point aduenir, aussi n'auoit-il point charge d'y peupler. Il enuoya de ce lieu en vne carauelle Pierre d'Aluarado avec les malades & blecez, & tout ce qu'il auoit eu de ces Indiens à Diego Velasquez, afin de n'estre mis en coulpe, & pour l'aduertir de ce qu'il auoit fait. Et quant à luy, ayant fait leuer ses ancrs, il ne feit que costoyer la terre, plusieurs mil montant vers la Tramontane sans prendre terre, & estimant qu'il auoit descouuert assez de pays, & ayant peur du courant de la mer, & du téps, par ce qu'il estoit en vn quartier, où au mois de Iuin il voyoit toutes les montagnes couuertes de neige, se voyant aussi court de prouisions, par le conseil & à la requeste du pilote Alaminos tourna voile, & vint surgir au port saint Antoine pour prendre du bois, & de l'eau, où il demeura six iours, contractant ce pendant avecques les habitans, desquels il eut au lieu de quelques petites merceries quarante haches de bronze, avec lequel y auoit de l'or meslé, qui reuint à deux mille castiglians, troistasses où coupes d'or, vn vase fait

de plusieurs pierres, & autres choses de peu de valeur, qui estoient toutesfois fort bien elaborees. Les Espagnols voyans ceste richesse, & la douceur de ces Indiens, receurent vn grand plaisir, & eussent bien voulu peupler là, mais Grijalua ne voulut point, ains se partit incontinent, & s'en vint à la plage qu'ils appellerent des Termes entre le fleuve de Grijalua, & le port Desiré, où sortans pour puiser de l'eau trouuerent entre des arbres vne petite image d'or, & plusieurs autres de croye, deux hommes de bois l'un sur l'autre, & vn autre de terre cuite, qui avec les deux mains tenoit son membre descouvert, comme font quasi tous les Indiens de Iucatan, plus des hommes sacrifiez. Ceste rencontre ne contenta gueres noz Espagnols comme estat vne chose vilaine, & cruelle. Ils partirent de là, & prindrent terre à Ciampoton pour prédre de l'eau, mais ie croy qu'ils n'eurent point courage de veoir ces Indies si bien armez, & si vaillans, qu'ils ne craignoient se ietter en la mer iusques au col pour tirer apres eux leurs flesches, & si estoient si hardis, qu'ils osoient bien approcher leurs petites barquerolles, qu'ils appellent canoas, pour combattre les Caravelles. Ainsi ils feirent quitter à noz gens ce pays, qui s'en retournerent à Cuba cinq mois apres qu'ils en estoient sortis. Iean de Grijalua consigna entre les mains de son oncle Diego Velasquez ce quil apportoit de change, & bailla le quint aux officiers du Roy. Voila comment toute la coste depuis Ciampoton iusques à saint Iean de Vlhua, & plus auant fut descouverte. Tout ce traict est riche, & bon.

**I** Amais on n'a descouvert si grand monstre de richesses és Indes, ny faißt de telles eschanges en si peu de tēps, depuis qu'elles ont esté trouuees, qu'au pays que leã de Grijalua a costoyé: aussi vn chacun depuis commēça à tirer en ce quartier là. Mais Ferdinand Cortés fut des premiers, lequel y fut avec cinq cens cinquante Espagnols en onze vaisseaux, il sarresta en Acuzamil: il print Tauasco, il fonda la ville de la vraye Croix, il gaigna la ville de Mexique, que vulgairemēt nous appellons Themistitan, & print le puissant Roy de Moteczuma: Il conquesta, & peupla la nouuelle Espagne, & plusieurs autres Royaumes. A l'imitation de Polybe, & de Saluste, desquels l'un a descrit les gestes de Marius, & l'autre ceux de Scipion: i'escriray à part de ce Cortés pour les grandes guerres qu'il a faißt, lesquelles, sans preiudice d'aucun Espagnol, qui ait esté par delà, ont esté les meilleures, qui ayāt esté faiçtes en ce nouueau monde, i'en escriis aussi à part pour l'amour de ceste nouuelle Espagne, qui est la plus riche, & meilleure contree de toutes ces Indes, bien peuplee d'Espagnols, & remplie de force Indiens naturels, qui se sont tous faiçts Chrestiens, & aussi pour traicter plus amplement de l'estrange cruauté, de laquelle les habitans vsoient en leur ancienne religion, & de leurs coustumes tant anciennes, que modernes. Ce qui donnera plaisir, & admiration tout ensemble au lecteur.

**L'**Isle de Cuba fut surnommee par Christofle Colomb Ferdinandine, en l'honneur, & me-



moire du Roy Dom Ferdinand, au nom duquel il la descouurit. Nicolas d'Ouando commença à la conquerir par Sebastien de Ocampo. Depuis au nom de l'Amiral Dom Diego Colomb, Diego Velasquez de Cnegliar la conquesta toute, la departit entre les siens, la peupla, & la gouuerna iusques à la mort. Cuba est faicte comme vne feuille de feugere, elle a en longueur 1200. mil, & est large de deux cens octante mil, elle n'est pas droicte, mais elle est quelque peu courbee: son estendue est de Leuant en Ponent, & le milieu d'icelle est quasi au 21. degré, elle a à ses costez vers Orient l'isle de Haiti, qui est à 60. mil vers le Midy, elle a plusieurs isles, la plus grande desquelles est Iamaïque: vers l'Occident elle regarde Yucatan, & vers la Tramontane elle est au dessus de la Floride, & des Lucajes. Cuba est vn pays aspre, rude, hault & montueux: en beaucoup d'endroits la mer est blanche. Les fleuves ne sont pas grands, mais ont vne bonne eau, & sont riches en or, & poisson. Il y a aussi plusieurs lacs, & estangs, desquels y en a aucuns, qui sont salez. Le pays est fort temperé, encor que y sente vn peu le froid. Les hommes de ceste isle en leurs façons de faire sont en tout semblables à ceux de l'isle Espagnole, & pour ceste cause nous ne redirons point vne chose deux fois. Toutesfois ils sont differens en cecy, c'est que leur langue est toute differente, ils vont tous nuds hommes & femmes. Aux nopces vn autre est l'espoux, & par ainsi si l'espoux est Cacique, tous les Caciques, qui sont inuitez à la feste couchent avec l'espousee deuant l'espoux, s'il est marchand, les marchans y cou-

aller descouurer pays, & faire quelques eschanges, autres disent que c'estoit pour enleuer quelques esclaves des isles de Guanaxos pour les mettre en leurs mines, & à leurs labeurs car ils n'auoient plus d'Indiens naturels, & aussi qu'on leur defendoit de les faire plus traualier aux mines. Ceux de Guanaxos sont aupres de Honduras, & sont homes doux, simples, qui ne s'amusent qu'à pescher : ils n'ont point d'armes, aussi ne sont ils point guerriers. Or de ces trois vaisseaux Hernádez estoit capitaine, il menoit cent dix hommes, & auoit pour pilote Antoine Alaminos de Palos de Moguer, & pour contreroleur pour le Roy il auoit Bernardin Iniguez de la Calzada, encor dit-on qu'il menoit vne barque appartenant au gouuerneur Diego Velasquez, dans laquelle il portoit son pain, des ferremens, & autres choses necessaires pour les mines, afin que s'ils eussent trouué quelque chose le gouuerneur en eut eu sa part. François Hernandez partit donc voyant vn temps si à propos qu'il ne le voulut laisser eschapper, où soit qu'il eust ceste volonté d'ainsi partir pour descouurer nouuelles terres, & s'en aller droit en vn pays incogneu ny aucunement encor veu des nostres, où il trouua des salines en vne pointe qu'il surnomma des Femmes, parce qu'il y veit des tours de pierre avec degrez, & des chappelles couuertes de bois, & de paille, dedans lesquelles estoient arangez en tel ordre plusieurs Idoles, qui ressembloient à des femmes. Les Espagnols s'emerueillierent de voir des edifices de pierre, qui n'auoient point encor esté veuz par de-là, & aussi de ce que les habitans estoient si richement, & si

nonneftement veltuz:ils auoyent des chemifes , & des manteaux de cotton fort blancs , & de couleur auffi , les teftes couuertes de beaux pennaches, les oreilles enrichies de pendàs,& ioyaux d'or,& d'argent. Les femmes auoient le viſage,& le ſein cache. Hernandez ne s'arresta point là , & s'en alla à vne autre pointé qu'il nomma Cotohe, où y auoit certains peſcheurs, qui de peurs'enfuirent, & comme les noſtres les appelloient, ils reſpondoient Cotohe, c'est à dire maiſon, peſans, que noz gens leur demadaffent quelle ville c'estoit, ce qu'ils voioient, comme ſi ils y euſſent voulu aller, & eux reſpondoient que ce n'estoit qu'une maiſon, & non vne ville. Delà ce nom eſt demeuré à ce cap. Vn peu plus auât ils trouuerent d'autres hômes, à qu'ils ils demanderent comme ſ'appelloit ceſte grande ville, qui eſtoit là apres, ils reſpôdirent Tectetan, Tectetan, qui veut dire, ie n'entens point. Les Eſpagnols penſerent qu'elle s'appelloit ainſi ; & corrompans ce mot, l'ont touſiours depuis appelee Yucatan. Il trouuerent en ce pays des croix de leton, & de bois ſur les morts , de là quelques vns prindrent argument, que pluſieurs Eſpagnols s'eſtoient enfuis en ce pays, lors que l'Eſpagne fut deſtruite, & ruinee par les Mores du temps du Roy dom Roderic, mais ie n'en croy rien, puis que és Illes cy deſſus deſcrites ne s'eſt trouuee aucune de ces croix , par leſquelles toutesſois il faut neceſſairement paſſer auant qu'arriuer icy , qui y veut venir d'Eſpagne , & n'eſt pas vray ſemblable qu'ils euſſent laiſſé tât de bon pays, qui eſt en ces Illes pour paſſer iuſques en ceſte Province. Quand nous traicterôs de l'iſle d'Acuzamil,



ie parleray plus au long de ces croix. De ceste ville de Yucatan Hernandez s'en alla à Campeze, qui est vne place grãde, laquelle il nomma Lazare, parce qu'il arriua là le Dimanche du Lazare, qui est en Karefme: il sortit en terre, où le Seigneur & luy se caresserēt en amis. il eut en eschange des mâteaux, des plumes, des coquilles grandes, d'escreuisses de mer enchassees en argent, & en or. On luy dōna des perdris, tourterelles, oisons, coqs, lieures, cerfs, & autres animaux bons à manger, force pain de maiz, & du fruiēt. Ces habitans l'approchoient des Espagnols, aucuns leur touchoient la barbe, autre leurs robbes, leurs espees, tous changeoient de couleur à l'etour d'eux. Il y auoit en ce lieu vne tour de pierre carree, avec des degrez, au haut d'icelle y auoit vn Idole, qui auoit à ses costes deux bestes cruelles, pourtraictes en telle façon comme si ellēs l'eussent voulu deuorer. Il y auoit aussi vn grand serpent long de quarante sept pieds, & gros comme vn Bœuf, qui deuoroit vn Lyon, le tour estoit faict de pierre. Cest Idole estoit tout barbouillé du sang des hommes, qu'on luy auoit sacrifiez, selon qu'est la coustume de tout ce pays. De là Hernandez s'en alla à Ciampoton, qui est vne grande ville, le Seigneur de laquelle s'appelloit Mociocoboc, il estoit homme de guerre, & cōrageux. Il ne voulut permettre que nos gens eussent rien de luy en eschange, encores moins leur donna il viures, on feit presens, ny mesmes voulut leur laisser puiser de l'eauë, sinon en eschange de leur sang. Hernandez pour ne se monſtrer couard, & pour ſçauoir quelles armes, & quel courage, & quelle

adresse auoient ces Indiens : fait saillir en terre  
les soldats , les mieux armez qu'ils peurent , &  
commanda que les mariniers puisassent de l'eauë,  
mettant ses gens en ordre prests à combattre,  
à ces Indiens les vouloient empescher. Mocio-  
boboc voulant faire reculer nos gens de la mer,  
afin qu'ils n'eussent leur refuge si pres d'eux,  
leur fit signe qu'ils allassent derriere vne coli-  
ne où estoit la fontaine. Nos gens eurent peur,  
voyant ces Indiens depeints de couleur , char-  
gez de fleches , & ayants bonne contenance de  
vouloir combattre : ils feirent mettre le feu à l'ar-  
illerie des vaisseaux pour les espouuenter. Les In-  
diens s'esmerueillerent bien de ce feu , & fumeë,  
& s'eslourdirent quelque peu pour le bruiët , &  
onnerre de ces bouches à feu, mais ils ne s'enfui-  
rent point pour cela , ains affronterent, & assail-  
lerent nos gens courageusemēt, & tous d'une mes-  
me promptitude, cryans horriblement , & iettās  
les pierres, dards & fleches: les nostres marche-  
rent pausément à petit pas , & estants pres d'eux,  
les bâderēt leurs arbalestres, desgaignerēt leurs es-  
pees & en tuerēt grād nōbre de coups d'estocade, &  
mesme du tréchāt, qui ne trouuāt que la chair nue,  
leur fêdoit quasi la teste, & le corps en deux, taillans  
es mains, auallās les bras, couppās les iābes. Les In-  
diēs, encor qu'ils n'eussent iamais essayé tels coups,  
soustiendrēt ils la bataille, stimulez par la presen-  
ce & courage de leur Seigneur & Capitaine, iusques  
ce qu'ils l'eussent gaignee, poursuyuans viuement  
es nostres, desquels en tuerent vingts, comme ils  
'embarquoient à la foule, & en blecerent plus de

cinquante, & en prindrent deux, qu'ils sacrifieren depuis. Hernandez demeura avec trente blecez, & fut contrainct s'embarquer en grande cholere, & durant son retour fut tousiours pensif, & melancolique, & arriua à saint Iaques tout confus, rapportans toutesfois bones nouuelles de ce nouveau pays, qu'ils auoit descouuert.

*La conqueste d'Yucatan. Chap. 53.*

**F**RANÇOYS de Monteio natif de Salamanque eut la conqueste & gouuernement d'Yucatan, avec le tiltre d'Adelantado. Il auoit demandé à l'Empereur ce gouuernemēt, à la persuation de Hierosme d'Aguilare, qui auoit demeuré long temps en ce pays, & disoit que c'estoit vn bō pays & riche: mais il en estoit autrement, ainsi que l'issue l'a démontré. Monteio auoit este bien party en l'Espagne nouvelle, & estoit deuenu riche, tellemēt que l'an 1526. il meit en mer, à ses despens, trois nauires, dans lesquels il auoit plus de cinq cens Espagnols pour commencer son entreprinse. Il arriua en Acuzamil, qui est vne isle de son gouuernement, & n'ayant aucun truchement n'entendoit, ny n'estoit entendu, sinon avec vne grande peine. Vn iour comme il alloit pescher, vn Indien s'approcha de luy, qui luy dist Ciucana, c'est à dire, cōme vous appelez vous, il escriuit aussi ceste parolle, à fin qu'il ne l'oubliast, & demandant par ce mot comme s'appelloit toute chose, il commença à entendre les Indies, non toutesfois sans grande peine. De ceste isle, il s'en alla en terre ferme, où il print terre pres de Xamāzal, il feit sortir ses gens dehors, ses cheuaux, & l'artillerie, & feit mettre dehors ses vestemens, prouisions, ses



merceries, & autres choses pour eschanger avec les habitans, ou bien leur faire la guerre. Son commencement fut doux, & paisible. Il s'en alla à Pole, à Moxi, & de ville en ville à Couil, d'où les seigneurs de Tlaxcala sortirent au deuant pour le voir, comme ils eussent voulu son amitié : mais ils le voulurent outrager avec vn dard qu'ils auoient prins à vn petit More, s'il ne se fust défendu avec vn semblable baston. Il leur desplaisoit de veoir en leur pays des gens estranges qui estoient de guerre, & estoient merueilleusement despités des moynes, qui iettoient par terre leurs idoles. De Couil Montejo s'en alla à Tlaxcala, & commença la conqueste de Tlaxcala, il y demeura deux ans, par ce que les habitans ne le vouloient aucunement receuoir. Il peupla là vne ville, qu'il noma Sainte Marie de la Victoire. Il employa six ou sept ans à pacifier ceste prouince : durât lesquels il endura grande famine, eut beaucoup de nauaux, & eschappa de grands dangers : entre autres quand il cuida estre tué à Cetemal, par Gonzale Gueriero, capitaine des Indiens, lequel y auoit plus de vingt ans qu'il estoit marié en ce pays avec vne Indienne, s'estant deguisé à la façon du pays : il auoit les oreilles percees, ses cheveux coupez en couronne : il estoit venu en ce pays avec Aguilare, mais il ne voulut retourner avec luy par deuers Cortés. Montejo peupla en outre les villes de saint François, de Campeze, de Marida, de Valladolid, de Salamanque, & de Seuille, & se comporta bien avec les Indiens.

*Les costumes de Tlaxcala.*

*Chap. 54.*

**C**Eux d'Yucatan sont courageux, ils combattent  
 avec la fronde, les dards, la pique, l'arc, l'espée,  
 la rôdelle, portans vn cabasset de bois en teste  
 & des cuirasses de cotton: Ils se peignent ordinairement  
 le visage, les bras, & tout le corps de rouge &  
 de noir: en temps de paix ils vont sans armes, & sans  
 vestement, ils ne portent que de grands pennaches  
 qui leur sçent fort bien: ils ne donnent point vn  
 bataille, que premierement ils ne facent de grandes  
 expiations, avec plusieurs ceremonies: ils se percent  
 les oreilles, & se taillent les cheveux par devant, en  
 rond, tellement qu'ils semblēt estre chauue, & tref-  
 sent ceux de derriere, lesquels ils portent longs, &  
 les lient sur le derriere de la teste: ils se taillent la pel-  
 licule, qui couure la glande de leur membre: ceste  
 coustume toutesfois n'est pas si generale, qu'il n'y  
 en ait quelques vns qui s'en abstiennent: ils ne des-  
 rorent aucunement, & ne māgent point de la chair  
 humaine, encor' qu'ils sacrifient des hommes à leurs  
 Idoles, qui n'est pas peu de chose, eu esgard à la mes-  
 chante coustume de ces Indiens: ils s'estudient fort  
 à la chasse, & à la pesche, ayans leurs pays abondant  
 à tel exercice: ils nourrissent grande quantité de  
 mouches à miel, aussi ont-ils beaucoup de miel, &  
 de cire: mais ils ne sçauoient en faire de la bougie,  
 iusques à ce que les nostres leur eussent enseigné: ils  
 batissent leurs temples de pierres, & la plus part de  
 leurs maisons, sans aucun instrument de fer, duquel  
 ils ont faute. Peu sont sodomites, mais tous sōt ido-  
 latres, sacrifians à leurs dieux: quelquefois le diable  
 s'apparoist à eux, specialement en Acuzamil, & à Xi-  
 calanco, & mesmes depuis qu'ils sont Chrestiens,

encor en ont-ils esté trompez assez de fois, mais ils  
en sont chastiez. Les lieux les plus reuerrez qu'ils  
ussent, estoient en Acuzamil, & Xicalanco, aussi  
toutes les autres villes auoient là quelque petit Té-  
le, ou autel particulier, ou les habitans desdites  
villes alloient adorer leurs idoles: parmy icelles il  
y auoit plusieurs Croix de leton ou de cuiure & de  
bois, qui donnoient à penser à quelques vns, que  
plusieurs Espagnols s'en estoient fuis en ce pays, du  
temps de la destruction d'Espagne, aduenue sous le  
regne de Dom Roderic. On celebroit aussi vne  
grande feste à Xicalanco, où de loingtains pays ve-  
noient plusieurs marchands pour y traffiquer, qui  
faisoient ce lieu fort renommé. Ces Yucatanens vi-  
uent long temps: Alquimpech, qui estoit le grand  
Presbre du peuple, ou aujourd'huy est Merida, a  
résceu plus de six vingts ans, lequel encor' qu'il fust  
Chrestien, pleuroit neantmoins la venue & a-  
uance des Espagnols, & racomptoit à Montejo  
comme il y auoit quatre vingts ans passez, qu'il vint  
une influence pestilétiale sur les hommes, telle que  
ils creuoient, pour la grande abondance de vers qui  
engendroient en leurs corps, & que de là vint vne  
autre mortalité avec vne puanteur incredible, &  
que quarante ans auant que les nostres entrassent  
en ce pays, il y auoit eu deux batailles esquelles e-  
stoient morts plus de cent cinquante mille hom-  
mes, mais que les habitans sentoient la domination  
des Espagnols plus griefue, que toutes ces choses  
passees, par ce qu'ils n'auoient point d'esperance,  
qu'ils bougeassent iamais de là.

*Du cap de Honduras.*

*Chap. 55.*



L'An 1502. Christofle Colomb descouurit bien  
 Lenuiron 1500. mil de coste, depuis le grād fleu  
 ue d'Higueras, iusques au Nom de Dieu. Mais il  
 en a d'autres, qui diēnt que Vincēt Iannes Pinzon  
 & Iean Diez de Solis, qui ont esté grands descou  
 ureurs, auoient fait ce descouurement trois ans de  
 uant. Lors que Colomb feit ce chemin, il auoit  
 quatre caruelles, & cent septante Espagnols de  
 dans; il cerchoit quelque destroit de mer pour pas  
 ser vers la mer de Midy, pensant qu'il y en eust en ce  
 quartier là, & ainsi l'auoit-il dit au Roy Catholi  
 que: mais il ne feit autre chose que descouurer de  
 pays, & perdre ses vaisseaux, ainsi qu'il a esté dit en  
 vn autre chapitre. Il nomma le port de Caxina  
 qu'auioird'huy on appelle Honduras. François de  
 la Case, y fonda la ville de Trusilio, l'an 1525. au nom  
 de Ferdinand Cortés, lors que luy & Gilles Gon  
 zalles, tuerent Christofle d'Olid, qui les tenoit pri  
 sonniers, s'estant rebellé contre Cortés, ainsi que  
 nous deduirons plus au long en la conquēste du  
 Mexique, parlāt du penible voyage que feit Cor  
 tés à Higueras. Honduras est vn pays fertile en  
 toutes prouisions. Il est riche en cire, & miel. Les  
 habitans ne se meubloient point d'or, ny d'argent  
 encor' qu'ils eussent de riches mines de ces deux  
 metaux: ils n'en tiroient point, & moins l'auoient  
 il en estimation. Leur manger est pareil à celuy des  
 Mexiquains: ils se vestent comme ceux de Castille  
 de l'or: ils participent és coustumes & superstitions  
 de Nicaragua, qui est quasi la mesme Mexique. Ils  
 sont menteurs, cupides de nouuelletez, faits neants,  
 fort obeissans à leurs maistres & seigneurs: ils sont  
 grande-

grandement addonnez à paillardise. Ils ne se marient communément qu'à vne seule femme, mais les seigneurs en prennent autant qu'ils veulent. Le divorce est facile entr'eux: ils estoient grands idolâtres, maintenant ils sont tous Chrestiens, le docteur Pedrazza est leur Euesque. Quant aux gouverneurs de ce pays il y en a eu plusieurs, Lopez de Salcede pour vn, qui fut empoisonné en vn pasté par les siens: Vasco de Herrera fut en sa place, qui aussi fut tué à coups de poignard, & estranglé. Diego de Albitez eut apres luy le gouvernement, il fut le mesme empoisonné en vn pasté. Estâs tels troubles entre les gouverneurs, & leurs soldats au lieu de peupler le pays, ils despeuplerent, & ruinerent tous les habitans. Apres ceux-cy André de Cerecede fut gouverneur, & luy estant mort, François de Montejo, Adelantado de Yucatan eut le gouvernement, il s'y en alla l'an 1535. avec cent septante Espagnols tant soldats, que mariniers: il assiegea la forteresse de Cerquin, & la gaigna en sept mois, non sans la perte de ses gens. Ceste place estoit merueilleusement forte, & les Indiens courageux au possible. Ils perdirent ceux qui faisoient la sentinelle, par ce qu'ils festoient endormis à l'heure que l'assaut fut donné plus viuement: ce fut vn chatiement fait en gens de guerre. Ce Montejo print encor' par famine la forteresse de Iamala leur ayans esté bruslé quinze mille iournaux de maiz par Marquillos vray More. Il peupla en plusieurs lieux, & entr'autres à Cumayagua, & S. George en la vallée de Vlanco, & remeint dessus autres places, qui estoient ruinees, comme Trusilio, & S. Pierre, au-

pres duquel il y a vn lac, où les arbres avec leur terre selon le vent, se chagent de lieu en autre. Ce sont petites isles, qui se font sur l'eau par l'amas de petites buchettes, & bourries qui se lient ensemble par le moyen du lymon que iette l'eau, & par succession de temps elles se fortifient si fort, que des arbres y prennent racines sans s'enfoncer dans le lac.

*De Veragua, & Nom de Dieu. Chap. 56.*

**V**Eragua a le bruit d'estre pays riche, Christophe Colomb le descouurit l'an 1502. depuis Diego de Niquefa en demanda la conqueste, & gouvernement au Roy Catholique, il equippa au port de la Beata de saint Dominique sept vaisseaux, tant nauires que carauelles, & deux brigatins. L'an 1508. il sembarqua avec plus de sept cens octante Espagnols, & pour aller à Veragua il tira premiere-ment à Carthagena, de laquelle il auoit cognoissance pour puis apres suiure la coste, sans faillir sa nauigation. Quand il arriua à Carthagena il trouua là son amy Aiphonse de Hojeda, qui vn peu deuant estoit party de S. Dominique pour aller à Vraba, rompu & deffait. Il les consola du trauail & fache-rie qu'ils auoient pour la mort de Jean de la Cosa, & de septante Espagnols que les Indiens auoient tuez en Caramairi, & s'accorda avec luy pour venger telle perte. Ainsi ils s'en allerent de nuict pour surprendre leurs ennemis à la despourueüe, où la bataille auoit esté donnee. Il y auoit vn village qui contenoit enuiron cent maisons: Ils enuironnerent ce village, & y meirent le feu: il y auoit dedans plus de trois cens habitans, & beaucoup plus de femmes & d'enfans: ils prindrent six enfans, & tuerent quasi



tout le reste tât de leur glaiue que par le moyen du feu : Le feu esteinct, ils espendirent les cendres, & trouuerēt vn peu d'or à despartir entr'eux. Ce chastiment ainsi acheué, Niquesa partit pour aller à Veragua: en passant il sarresta avec le seigneur Carrete, & de là s'en alla deuant sa flotte avec les deux brigantins, & vne Carauelle, commandant aux autres qu'ils eussent à le suiure iusques à Veragua. De ce departement ne luy aduint que mal, par ce que la Carauelle où il estoit outre-passa Veragua bien loing, sans le veoir, & Lope de Olano Capitaine d'vn des brigantins s'approcha de terre, & demandant où estoit Veragua, on luy respôdit qu'il estoit derrière, il tourne la proüe & rencontre Pierre de Ombrie, qui estoit en l'autre brigantin, ils communiquent ensemble, & s'en vont au fleuve de Diagrè qu'ils surnommerēt des Lesards, poissons & cocodrilles, qui mangent les hōmes: ils trouuerent en ceste riuiera le reste de la flotte, & tous ensemble s'en allerēt à Veragua. Or pensans que Niquesa fust, ils iettent les ancrs à la bouche du fleuve, Pierre de Ombrie se met avec douze mariniers en vne barque pour aller veoir quelque descerte propre. La mer estoit haulte, & si enflée qu'il se perdit tous ses compagnons, hors mis vn qui eschappa à force de nager. Les autres plus sages au peril d'auoir fortēt en terre dedās les brigantins, & nō dedās les barques. Ils tirent aussi tost dehors les cheuaux, l'artillerie, les armes, le vin, biscuit, & toutes autres choses de guerre, & font frapper leurs nauires de coups vers contre terre, à fin de les briser, afin que les compagnōs n'eussent plus d'esperāce de retourner.

Ils esleurent pour Capitaine & gouverneur Lopez de Olano iusques à ce que Niquesa fut venu. Olano feît faire vne Carauelle des pieces des autres, à fin qu'il peust eiter les dangers qui luy pourroient aduenir, & feît bastir vn petit chasteau sur la riuée du fleue de Veragua. Il courut vn peu le pays, & feît semer du mayz, & du grain, en intention d'y peupler, & d'y demeurer si Diego de Niquesa l'eust voulu, ou s'il n'eust cõparu. Ce pendant qu'il estoit attentif à telles choses, & à descouurir le pays, & sa richesse avec l'intelligence des Indiens, trois Espagnols arriuerent en l'esquif de la Carauelle de Niquesa qui luy dirent comme leur Gouverneur estoit demeuré à Zorobarro sans sa Carauelle, laquelle il auoit perdue par vne tempeste, & comme il s'obstinoit de trauerfer tousiours pays sans auoir apparoißance de chemin, sans trouuer aucune personne, ne trouuant que deserts, montagnes & paluz: qu'il y auoit trois mois qu'il ne mangeoit que des racines, herbes, & fucilles d'arbres, & fruit, ne beuuant que de l'eau, qui mesme quelques fois n'estoit guere bonne, & quant à eux qu'ils s'en estoient venuz sans son congé. Olano enuoya incontiner vn brigantin avec ces trois Espagnols pour oster Niquesa hors de danger, & le ramener à son armee, & en son gouvernement. Diego de Niquesa receut vne grãde ioye, voyant ce brigantin, dedans lequel il s'embarqua, & à son arriuee feît prisonniers Lopez de Olano pour le salaire de si bon ceure, l'accusant de trahison pour auoir vñsarpé son office, & preeminence: pour auoir brisé des navires, & pour n'estre allé deuant, que faire autre ch

se, le chercher. Il se monstra courroucé contre plusieurs, & despit de tout ce qu'ils auoient fait, & de là à peu de iours publia son partement. Tous le prierent qu'il attédist iusques à ce qu'on eust cueilly ce qu'on auoit semé puis qu'il deuoit meurir en peu de temps: car en quatre mois le grain se seme, se meurist, & se cueille: mais il leur feit respôce qu'il valloit mieux perdre le pain que la vie, & qu'il ne vouloit point demeurer en vn pays si mauuais. Je croy que ce qu'il en feit n'estoit que pour oster la gloire qu'auoit ia acquise Lopez de Olano. Il partit donc de Veragua avec autant d'Espagnols qu'il en peut entrer dedans les brigantins, & la Carauelle neuue, & s'en alla au port beau, qui pour sa bonté eut ce surnom de Christofle Colomb, & estans là tous arriuez, ainsi qu'ils cherchoient du pain, & de l'or, les Indiens en tuerent vingt avec leurs fleches enuenimees. Niquesa laissa là la moitié de ses Espagnols, & s'en alla avec le reste au cap de Mar-mol, où il feit bastir vne petite forteresse pour se remparer contre les Indiens archers, & l'appella Nom de Dieu. Voila comment print commencement ceste fameuse ville: mais auant qu'auoir acheué son œuvre tant par le traual du chemin, de la faim, que des continuelles escarmouches des Indiens il ne luy resta cent Espagnols des sept cens octante qu'il auoit emmené. Son armee estant deuenue à telle diminution, les soldats d'Alfonse de Hojeda l'appellerent, afin qu'il gouuernast Vraba, par-ce qu'en absence de Hojeda ils haïssoient Vasco Nuguez de Valua, & Martin Fermendez de Enciso, & ne pouuoient endurer leurs commandemens,



& pour euitier plus grand inconuenient s'accorderent toutesfois tous d'appeller cestuy cy. Niquefa rendit graces telles que meritoient ces nouuelles à Roderic Enriquez de Colmenares, qui estoit venu à luy avec vne Carauelle, & vn brigatin. Ce remerciement ne se fait pas sans pleurs, & lamentations de son mal'heur. Ainsi sans considerer autres choses, il se meit sur mer avec ce Roderic menant soixante Espagnols en vn brigantin qu'il auoit encor. Or ce pendât qu'il estoit sur mer à faire ce voyage, en racomptant toutes ses calamitez, & le mauuais cōseil de quelques vns des siens, commença à parler trop inconsiderément contre ceux, qui l'appelloiēt pour estre Capitaine general, disant que pour mieux asseurer son estat il conuenoit en chastier quelques vns, oster les offices & charges aux autres, prendre leurs personnes, & leurs biens, puis qu'ils ne les pouuoient retenir sans la volonté de Hojeda, ou de la sienne qui estoient esleuz gouuerneurs par le Roy. Quelques vns de la compagnie de Colmenares penserent que ces parolles s'adressoient à eux, & les rapporterent en Vraba entre les soldats. Enciso, qui tenoit la partie de Hojeda, cōme estant son grand Preuost, & Valuoā changerent d'aduīs, & eurent peur de le receuoir: ainsi non seulement ils ne le receurent, mais, qui plus est, l'iniurierēt, & le menacerēt hardimēt, & mesmes aucuns veulent dire qu'ils ne le laisserent point desembarquer. Cecy ne pleut gueres à plusieurs de Vraba, qui estoient gens de bien, mais ils n'eussent sceu en faire autre chose, ayans peur du conseil, lequel Valuoā auoit ia irrité contre Niquefa. Ainsi le pauvre Ni-

quesa fut cōtrainct s'en retourner avec ses soixante foldats fort ennuié, & triste, se complaignāt grandement de Valuoā, & de Enciso. Il partit de Darien le premier iour de Mars l'an 1511. en intētion de tirer droict à S. Dominique, pour se plaindre d'eux aux iuges de la Rotte: mais il fut perdu par le chemin & les poissōns le mangerent. Autres pensent qu'apres auoir prins terre pour prendre des prouisiōs, & pour puiser de l'eau, il aye esté mǎgé des Indiens: par ce q̄ depuis on à trouuē escrit en vn arbre ces mots: Par cy a passē perdu le malheureux Diego de Niquesa: mais il se peult faire qu'il ayt escrit cecy quand il estoit en Zorobaro. Voila la fin de Diego de Niquesa, & de son armee & de la riche cōqueste de Veragua. Ce Niquesa estoit de Baeza: il auoit passē en ces Indes avec Christoffe Colomb lors qu'il feist son second voyage. Il perdit l'honneur, & tant qu'il auoit gaignē en l'isle Espagnole, en entreprenant ce voyage de Veragua. Il descouurit 260. mil de pays à compter depuis le Nom de Dieu iusques aux roches de Dariē, il nomma le port de Mitās, qui est à la riuiera de Pito. De tant d'Espagnols qu'il auoit menez avec luy, en troys ans n'en demeura soixante viuans & encor' ces soixante fussent morts de faim s'ils ne s'en fussent allez du port Beau à Darien, ils mangerent en Veragua tous les chiens qu'ils auoient. Il y a eu tel chien, qui a esté achepté vingt castillans d'or, & encor' à vn ou deux iours de là ils feirent bouillir la peau, & la teste sans auoir horreur de ce qu'elle estoit puante, & pleine de verz & en vendoient l'escullee de brouet vn castillan. Vn Espagnol feit

bouillir deux crappeaux de ce pays de ceux qu'on  
 accoustumé manger les Indiens, & les vendit avec  
 grands prieres six ducats à vn malade. Autres Espa-  
 gnols mâgerent vn Indien qu'ils trouuerent mort  
 en chemin comme ils alloient chercher du pain,  
 duquel ils auoient grande disette, & ne trouuoient  
 point de maiz par la campagne, & les Indiens ne  
 leur en vouloiet point bailler. Ces Indiés vont tous  
 nuds, & appellent l'homme Ome, les femmes sont  
 couuertes depuis le nombril, iusques en bas, & por-  
 tent des pendans aux oreilles, & des brâcetelets &  
 chaines d'or. Philippe Gutierrez de Madrid, de-  
 manda le gouuernement de Veragua par ce que  
 c'estoit vn pays riche: Il s'y en alla avec plus de qua-  
 tre cens soldats, l'an 1536. & la plus-grâd part mou-  
 rut de faim, ou pour mâger des herbes enuenimées.  
 Ils mangerent les cheuaux, & les chiens qu'ils au-  
 uoient menez: Diego Gomez, & Iean d'Ampudia  
 d'Alofrin, mangerent vn des Indiens qu'ils auoient  
 tuez, & comme la rage de la faim leur faisoit de  
 plus en plus oublier toute honte, aussi les rendoit  
 elle plus cruels: tellement qu'un iour plusieurs, qui  
 estoient enragez de faim, se vindrēt ietter sur Her-  
 nando Arias de Seuille, qui estoit malade, & le tue-  
 rent, & mangerent: vn autre iour aussi ils mange-  
 rent vn nommé Alphonse Gonzalez, mais ils furent  
 en fin tous chastiez de telles inhumanitez. Les sol-  
 dats de ce Philippe Gutierrez tomberēt en tel mal-  
 heur & disgrâce de Dieu, qui est tout iuste, que  
 Diego d'Ocampo pour ne demeurer sans sepulture,  
 s'enterra vis luy mesme en vne fosse qu'il voioit  
 faicte pour vn Espagnol mort. Depuis l'Amiral



Dom Loys Colomb enuoya l'an 1546. peupler & conquerir ce pays, donnant la charge de ceste con-  
queste au capitaine Christofle de Pegua, avecques  
bonne troupe de soldats Espagnols Mais il ne  
luy est pas mieux adueni qu'aux autres: & ainsi ce  
pays est demeuré indomptable. En l'accord, qui  
fut fait entre le Roy & l'Amiral, sur ses priui-  
leges on luy donna ce pays de Veragua, avecques  
titre de Duc, & en oultre on le feist Marquis de  
Iamaïque.

*Darien.*

*Chap. 57.*

L'AN 1502. Rodéric de Bastidas, arma à Calix,  
à ses despens, & aux despens de Jean de Ledes-  
me, & de quelques autres ses amis deux Carauelles,  
& print pour pilote Jean de la Cosa voisin du port  
de sainte Marie, marinier fort expert, lequel com-  
me i'ay n'agueres racompté fut tué des Indiens, &  
s'en alla à descourir pays, il flotta longuement par  
les terres de Christofle Colomb, finalement il des-  
couvrit de nouveau le long de la coste 600. mil, à  
compter depuis le Cap de la voile, iusques au goul-  
fe d'Vraba & Farallons de Darien. En ce long trait  
de pays on marque vers le Leuant Caribana, Zenu,  
Carthagenas, Zamba & S. Marthe. De là il vint à S.  
Dominique, où il perdit ses Carauelles de pourri-  
ture, & fut prins par François de Bouadilla, à cause  
qu'il auoit prins de l'or en eschange, & qu'il auoit  
prins quelques Indiens contre les ordonnances du Roy,  
& fut enuoyé en Espagne avec Christofle Colomb.  
Mais les Roys Catholiques luy firent grace, & luy  
assignerēt de reuenu annuel sur Darien deux cents  
ducats pour salaire du seruice qu'il leur auoit fait

en ce descouurement. Toute ceste coste , qui à esté  
 descouuerte par Bastidas, & Niquesa, & celle qui est  
 du cap de la Voile, iusques à Paria est d'Indiens, qui  
 mangent les hommes, & tirent de fleches enueni-  
 mees. On les appelle Caribes, à cause de la prouin-  
 ce de Caribana pour estre braues, & hardis, & bien  
 respondans à leur nom: & par-ce qu'ils estoient si  
 inhumains, cruels, sodomites, & idolatres, ils furent  
 mis en proye pour les rendre serfs, ou pour les tuer  
 & massacrer, s'ils ne vouloient renoncer à leurs a-  
 bominables pechez, & prendre l'amitié des Espa-  
 gnols, & se faire baptiser en la foy de Iesus Christ.  
 Le Roy Catholique Dó Ferdinand feit cest ordon-  
 nance avec l'aduis de ceux du cōseil, & des Theolo-  
 giens sçauans. Il donna plusieurs conquestes avec  
 telle permission à Diego de Niquesa, & Alphonse  
 de Hojeda, qui furent les premiers conquérans en  
 terre ferme. Le Roy feit vne loy contenant dix ou  
 douze chefs pour ceux qui iroient à ces Indes: que  
 premierement on preschast l'Euāgile, que on fist  
 venir les habitans à appoinctemēt. Le 8. chef estoit  
 que s'ils vouloiēt la paix, ils fussent libres, bien trai-  
 ctez, & piuidegez par sus les autres. Le neuſieme  
 que s'ils perseueroient en leur idolatrie, & en leur  
 inhumanité de manger les hommes, on les feit pri-  
 sonniers, qu'on les tuast franchement, à quoy il n'a-  
 uoient consenti iusques à l'heure. Alphonse de Ho-  
 jeda natif de Cuença, qui fut vn des capitaines de  
 Colomb contre Conabo, l'an 1508. equipa à saint  
 Dominique quatre nauires à ses despens, & mit  
 dedans trois cens hommes, & laissa le bachelier  
 Martin Fernandez d'Enciso son grād preuost, pour

conduire apres luy vn autre nauire , avec cent cinquante Espagnols, & amener des viures, artilleries, arquebouses, lances, arbalestes, munitions, grain pour semer, douze bestes caualines, autāt de truyes, verats pour peupler, & s'en alla du port de la Mata au mois de Decembre. Il arriua à Carthage, il presenta la paix aux Indiens, lesquels la refusant, furent par luy desfez, tuez, & beaucoup de prisonniers. Il eut d'eux quelque peu d'or en ioyaux, & autres paremens, mais l'or n'estoit pas fin, il se rebut de cela, & entra plus auant en pays, iusques à quinze mil, menant pour guide ses prisonniers. Il arriua en vne petite ville, qui pouuoit contenir cent maisons, & trois cēs habitās, il leur liura le combat, mais il ne peut prendre ceste villette, par ce que les Indiens se defendirēt si brauemēt, qu'ils tuerent 70. Espagnols, & Iean de la Cosa, qui estoit la seconde personne apres le Capitaine Hojeda, & les mangèrent tous. Ils auoient des espees de bois, & de pierre, des fleches, qui auoient au bout vn oz, ou vn billou trempé au ius d'vne herbe mortelle: ils auoient aussi certaines verges longues, & pointues, que ils iettoient comme dards, des pierres, & autres sortes d'armes offensives. Or comme Hojeda estoit là, Diego de Niquesa arriua là avecques son armee, ce qui resiouir l'autre grandement, & tous ses soldats. Ils s'vnirent ensemble, & s'en allerent par vne nuit à ceste petite ville, ils l'environnent, & y mettent le feu, qui brusta tout, par-ce que les maisons estoient de bois, & couuertes de fueilles de palme. Quelques Indiens eschapperent soubz l'obscurité de la



nuict: la plus part toutesfois passerent par le fe  
 ou par le tranchant de l'espee des Espagnols, qui  
 pardonnerent sinon à six petis enfans. Ainsi fut vi  
 gee la mort de ces septante Espagnols. Ils trou  
 rent souz la cendre de l'or, mais non pas tant com  
 me ils eussent bié voulu. Cela faiët ils s'embarqu  
 rët tous, & Niquesa print le chemin de Veragua,  
 Hojeda celuy de Vraba, passant par l'isle nomm  
 Forte, il print sept femmes, & deux hommes,  
 eut deux cens onces d'or en bracelets, pendans,  
 colliers. Il print terre à Caribana, terroir des Ca  
 bes, qui est à l'entree du goulfe de Vraba. Il met  
 soldats à terre, ses armes, cheuaux, & toutes aut  
 choses de guerres, avec les prouisiôs, qu'il meno  
 & commença aussi tost vne forteresse pour s'asse  
 rer au mesme lieu ou quatre ans deuant Iean de  
 Cosa l'auoit encômmencee. Ce fut la premiere pla  
 qu'eurët les Espagnols en terre ferme. Hojeda vo  
 lut à son arriuee attirer les Indiens à la paix, suyuant  
 le commandement du Roy, pour peupler & vi  
 en plus grande seureté. Mais eux estans haultai  
 & se confians sur eux mesmes, & estans enner  
 mortels des estrangers, contemnerent l'amitié,  
 communication des Espagnols. Ce qu'ayant en  
 du Hojeda, tira à Tiripi, qui est à douze mil de  
 mer, pour le bruit qu'auoit ce lieu d'estre riche.  
 liure l'assaut, mais en vain, par-ce que les habitã  
 feirent fuir avec dômage, & perte de ses gens, &  
 sa reputation, tant enuers les Indiens, qu'enuers  
 Espagnols. Se Seigneur de Tiripi iettoit de l  
 par dessus la muraille, & les siens tiroient de le  
 arcs sur les Espagnols, qui s'abbaissoient pour le

neillir, & celuy, qui estoit nauré de leurs fleches, pouroit comme enragé. Il vsoit de ceste ruse connoissant leur auarice. Les nostres sentoient ià les prouisions leur defaillir, & ainsi necessité les feit aller à vn autre lieu, où les prisonniers leurs disoient qu'il y auoit force prouisions. Ce qu'ils trouuerent veritable, & en enleuerent grande quantité de vivres, & amenerent des prisonniers. Le capitaine eut de là vne femme, le mary vint pour traicter de sa liberté, & promet d'apporter le prix qu'on demandoit: il s'en va, & retourne avec huit autres compagnons archers, & au lieu de bailler l'or qu'il auoit promis, ils blecerent le capitaine en vne cuisse, mais les soldats les tuerent tous huit, avec leur capitaine. Ce fut vn fait d'homme courageux, & non barbare, si l'issue eust esté telle que le commencement. Durant ce temps arriua là Bernardin de Talavera, avecques vn nauire chargé de prouisions, & de soixante hommes qu'il auoit pris à saint Dominique, sans que l'Admiral, ny la iustice en sceut rien. Il apporta grande cōsolation avec telle abondance de munitions, & viures à Hojeda, qui estoit en necessité & pauureté grande. Pour tel renfort, toutesfois ses soldats ne laissoient pas à murmurer & se plaindre de luy, de ce qu'il les auoit amenez à la boucherie, & qu'il leur tenoit les mains liees, & le courage, sans s'en pouuoir aider. Le capitaine les tenoit tousiours en esperance de secours, & de nouvelles prouisions que le docteur d'Enciso deuoit amener, & s'esmerueilloit de sa demeure. Quelques Espagnols s'accorderent de se saisir de deux brigantins de Hojeda, & s'en retourner à saint Domini-

que, ou bien s'en aller avec les soldats de Nuevesa. Hojeda ayant ouy le vent de ceste entreprinse, pour paruenir, & s'excuser de telle mutinerie, & desdaing, qui s'esleuoit entre ses gens, meit au nauire de Talabera laissant François Pizarre pour son lieutenant, & promettant de retourner dans cinquante iours, & que s'il ne retournoit, qu'il les deliuroit de leur serment, & que puis apres ils s'en iroient où bon leur sembleroit. Ainsi se partit Alphonse de Hojeda de Vraba, tant pour guarir sa playe qu'il auoit receuë en la cuisse, que pour chercher le docteur d'Enciso, ioinct aussi que tous ses gens se mouroient. Il feit voile de Caribana en assez mauuais temps, & s'en alla cheoir en Cuba, pres le cap de la Croix. Il costoya ce pays, endurât grand faim, & trauail: il perdit quasi tous les siens, à la fin il arriua à S. Dominique fort malade de sa playe, pour la douleur de laquelle, ou pour ne trouuer quelque aprest, qui luy donnast moyen de retourner en son gouuernement, & suruenir à son armee, il demeura la: mesme aucuns disent qu'il se rendit cordelier, & qu'il mourut en cest habit.

*La fondation de l'antique de Darien:*

*Chap.*

58.

**A** Pres que les cinquante iours furent passez, dedās lesquels deuoit retourner Hojeda avec secours d'hommes, & de prouisions, ainsi qu'il auoit promis: François Pizarre, & septante Espagnols, qu'il y auoit encor de reste, s'embarquerēt en deux brigantins qu'ils auoient. Car la famine, & maladie les contraignoit de vuidier ce pays, & laisser ceste petite ville, qu'ils commençoient à peupler. Or



omme ils estoient en mer, il aduint vn malheur  
ue l'un des brigantins s'enfendra : vn grand pois-  
on en fut cause, qui, à raison que la mer estoit es-  
meuë, se tempestoit sur l'eau, & s'approchant de ce  
brigantin s'appuyoit contre, leuant la teste comme  
il leust voulu engloutir, & donna vn tel coup de  
queue qu'il rompit, & mit en pieces le timon.  
Ceste fortune les estonna dauantage, considerans  
ue l'air, la mer & les poissons les poursuiuoient  
omme la terre. François Pizarres'en alla avec son  
brigantin à l'isle Forte, où les habitās, qui sont Ca-  
ribes, ne voulurent aucunement consentir qu'il  
esembarquast. Il tourne vers Carthagena pour  
uifer de l'eau, par ce qu'ils mouroient de soif, &  
encontra pres Cochibocoa le docteur Enciso, qui  
menoit vn brigantin, & vn nauiere chargé de gens,  
& de prouisions au capitaine Hojeda: ils comptent  
ncontinent leurs fortunes bien par le menu, &  
out le succez, & comme le gouuerneur s'en estoit  
llé. Enciso ne vouloit pas aisément croire Pizarre,  
outant qu'il s'en fut fuy avec quelque larrecin, ou  
pour quelque autre delict. Mais voyant comme  
autre iuroit, & comme ils estoient tous pauvre-  
ment vestus, les faces ternies, pales & defaites pour  
la mauuaise nourriture qu'ils auoient eue, ou  
pour l'amour del'air, il adiousta foy à ses sermens,  
& eut grand desplaisir de ce malheur ainsi adueni,  
& leur commanda qu'ils s'en retournassent avec  
uy d'où ils estoient partis. Pizarre & ses trentecin  
soldats qu'il auoit encor' vouloient donner à Enci-  
so deux mille onces d'or qu'ils auoient, afin qu'il  
es laissast aller à S. Dominique, ou bien là ou estoit

Niqueſa, & qu'il ne les ramenast point à Vraba. Mais il ne les voulut point laiſſer, & furent contrains aller avec luy. Il print terre à Caramairi pour uiſer de l'eauë, & recalſeutrer ſa barque. Il ſeit ſortir en terre enuiron cent ſoldats, par ce qu'il ſçauoit bien que les habitans eſtoient Caribes. Mais les Indiens ayans entendu que ce n'eſtoit point Niqueſa ny Hojeda, au lieu de taſcher à luy nuire, luy donnoient du pain, du poiſſon, du vin de maiz, & du fruit, & ſi le laiſſerēt demeurer, & faire tout ce qu'il voulut, de quoy ſ'eſtonnoit fort Pizarre: de là ils ſ'en allerent à Vraba: à l'entree du goulfe le nauire toucha en terre, par la faute de celui qui gouuernoit le timon & du pilote: les cheuaux, & les porcs furent perdus, & auſſi toutes les prouiſions & munitions, & tout ce qu'il y auoit dedans, & fut beaucoup fait de ſauuer leurs perſonnes. Alors Enciſo creut les diſgraces, & malencontres aduenues au capitaine Hojeda, & tous eurent peur de mourir de faim, ou d'herbes enuenimees. Ils n'auoient point armes ſuffiſantes pour ſouſtenir les fleches des Indiens, encor' moins de vaiſſeaux pour leur retourner: ils mangeoient des herbes, des fruits, des dattes, & quelques porcs ſauuages qu'ils prenoient à la chaſſe. Ce porc eſt petit, n'ayant point de queue, ſes pieds de derriere ne ſont point fendus, & n'ont point d'ongle: En telles perplexitez & miſeres Enciſo ſe reſolut de ſeruir pluſtoſt de paſture aux hommes que mourir de faim, & ſuiuāt ceſte deliberatiō, entre avec cent compagnons en pays pour chercher viures, & rencontrer quelques habitans. Il trouue trois Indiens garnis de leurs arcs & fleches, qui les attendi-

attendirent de pied coy sans peur, & deslacherent leurs fleches sur les nostres, desquels y en eut quelques vns blecez, & coururent aussi tost appeler vne grande bande de leurs compagnons. Iceux estans venus, liurerēt la bataille, disans mille villenies aux nostres qui eurent du pire. Enciso tourna arriere, maudissant le pays, qui produisoit si meschāte herbe, laissant quelques Espagnols morts, & se deli- vera de changer de fortune. Il informa de certains prisonniers, quel pays estoit dela le goulfe, & ayant entendu qu'il estoit bon & abundant en riuieres, terres de labour, sy en alla & commença à edifier vn lieu qu'il nomma la ville de la Garde: parce qu'il auoit bon besoing de se garder des Caribes. Les Indiens voisins de ce lieu furēt au commencement paisibles, regardans ces personnes estranges, mais voyans qu'ils bastissoient sans leur congé en leur pays, ils s'en fascherent. Cimaco seigneur de là osta hors de sa ville l'or, & tout ce qu'il y auoit de valeur, & le mit en vn lieu plein de cānes, & rouseaux fort espaiz, & se planta sur vne coline avec cinq cens hommes bien armez à leur mode, & de là ils menaçoient les nostres desferchans leurs fleches, & crians à haute voix qu'ils ne vouloient point endurer qu'une nation estrange vint peupler en leur pays, & qu'ils les tueroient. Enciso meit ses gens en ordre, & leur fait prester le serment que iamais ne s'enfueroient, & luy fait vn vœu d'enuoyer certaine quantité d'or & d'argent à nostre Dame de l'Antique, qui est en la ville de Seuille, si Dieu leur donoit victoire, & de faire vn temple de la maison du Cacique, & le dedier de nostre Dame, & de nommer



la ville Sainte Marie de l'Antique. Il feit son oraison à genoux avec tous les compagnons, & puis assaillirent leurs ennemis: ils combattirent comme gens qui en auoient bon besoing, & avec l'aide de Dieu ils furent les vainqueurs: Cimaco & les siens, s'enfuirent loing dedans le pays, ne pouuans supporter les coups des espees de nos gens, qui entrerent en la ville de Cimago, où ils assommerent avec force pain, vin & fruiçt qui estoit là dedàs, la cruelle faim qui les detenoit. Ils prindrent prisonniers quelques Indiens nuds, & des femmes vestues depuis la ceinture iusques en bas. Le lendemain ils coururent le long de la riuiere, & en cherchant contre mont le fleuue, trouuerent les biens & bagage qu'on auoit caché dedans les cannes, & rouseaux. Il y auoit de grāds fardeaux de couuertures de lits, & de manteaux, grande quantité de vases de croye, & de bois, & autres vtenfiles de maison, deux mille liures d'or en colliers, bracelets, pendans, & autres ioyaux dextremement elabourez. Ils rendirent graces à Iesus Christ, & à sa benoiste mere pour ceste victoire, & encor' pour auoir trouué si riche pays & si abundant. Enciso enuoya là quatre vingts Espagnols, qui estoient demeurez à Vraba, afin que laissant ceste pointe de terre si malheureuse aux Espagnols, ils s'en allassent estre habitans du Darien, en ceste ville qu'ils auoient prise, laquelle ils nōmerēt l'Antique, ce fut l'an 1509. Enciso faisoit l'office de capitaine, & si estoit grand preuost suiuant la promesse qu'il en auoit du Roy. Plusieurs en murmuroient cōme estans faschez qu'ils fussent gouuernez par vn docteur. Pour cela, ou pour quelque autre

Alonso Vasco Nugnez de Valuoá cōtredit à Enciso, ayāt sa prouision estre sortie du Roy, allegāt en oultre qu'ils n'estoiēt pl<sup>us</sup> à Hojeda, duquel il estoit seulement grād preuost. Il suborna plusieurs autres qui estoient aussi aisez à fascher que luy, & voulut empêcher la iurisdiction de Enciso, & mesme ne le vouloit recognoistre pour capitaine. En ceste façon ce peu d'Espagnols qui estoient à l'Antique de Darien se diuiserent en deux. Valuoá estoit chef des vns, & Enciso des autres, & furent vn an en ce debat.

*La partialité, & inimitié entre les Espagnols de Darien. Chap. 59.*

**R**Oderic Enriques de Colmenares partit du port de la beata de S. Dominique avec deux carauelles pourueues d'armes, & d'hommes pour donner secours à Hojeda, parce qu'ils auoyēt eu nouuelles à S. Dominique de la grād faim qu'il enduroit. Sa navigation fut dāgereuse: quād il arriua à Garia il mit en terre cinquāte-cinq Espagnols avec leurs armes pour prendre de l'eau, parce qu'il en auoit faute. Ayāt que puiser leur eau, ils se coucherent sur la terre pour se reposer, ne se donnans autrement garde de leurs vies, & aussi tost vindrēt à l'impourueuē huit cens Indiens se ietter sur eux avec leurs arcs & fleches ayāt bōne volonté de māger ces Chrestiens, & les sacrifier à leurs Idoles. Ils en tuerent quarante sept, & en prindrent vn, meirēt la barque en pieces, & menacerent les nauires auant que les nostres se peussent mettre en ordre. Les sept, qui eschapperēt de ceste meslee se cacherēt dās le creux d'vn arbre, & quand le matin fut venu, ils allerent veoir s'ils trouueroient les carauelles, mais elles estoient ia

parties, & furent puis apres mangez des Indiens Colmenares ayma plustost endurer la soif que la mort, & ne s'arresta qu'il ne fut à Caribana: il entra au goulfe de Vraba, & vint surgir où il pésoit trouuer Hojeda & Enciso, mais ne trouuât point aucun vestige de ceux qu'il cerchoit, il eut peur qu'ils fussent morts. Il feit sur les plushauts lieux de là aupres de grandes fumées, & feit deslacher tout en vn coup l'artillerie des deux carauelles, afin qu'ils entendissent sa venue, si d'auenture ils s'estoient retirez ailleurs en pays. Ceux de l'Antique ayant entendu le tonnerre de telle artillerie respondirent avec des feuz: Ce signe estant apperceu par Colmenares, s'en alla à l'Antique: Iamais Espagnols ne s'embrasserent avec tant de pleurs pour le plaisir qu'ils receuoient de s'estre rencontrez, comme feirét ceux-cy. Ils se refeirent avec la chair, le pain, & vin que ces vaisseaux auoient apporté, & se vestirét de nouveau n'ayās plus que des lambeaux, & pieces des accoustremens qu'ils auoient portez, & renouellerent leurs armes. Avec les soixante de Colmenares il estoient quasi cent cinquante Espagnols, & desia n'auoyent plus peur des Indiens, ny de la fortune, puis qu'ils auoient deux nauires, & deux autres brigantins, ils ne se soucioient aussi plus du Roy s'estabandez les vns contre les autres. Colmenares & quelques Espagnols gés de bien vouloiét enuoyer à Diego de Niquefa, afin qu'il vint prendre le gouvernement, puis qu'il estoit pourueu par le Roy de tel estat, encor que ce ne fust en ce pays, & oster les differés, & appaiser les indignatiōs d'entre les Espagnols. Enciso, & Valuo ne vouloiét qu'autre iouiss



de leur labour, & industrie, & disoient que nō seulement eux, mais beaucoup d'autres aussi de la compagnie pouuoient estre capitaines & chefs de tous, aussi bien & mieux que Niquefa. Encores toutes-fois qu'il despleut à ces deux, si l'enuoyerent ils querir par Roderic de Colmenares en vn brigatin, qui appartenoit à Enciso. Colmenares alla donc chercher Niquefa, qui estoit au Nom de Dieu en tel equippage que i'ay cy dessus recité, tout flacque, decoulouré, à demy nud, ayant avec soy soixāte compagnons à demy morts de faim, & defaicts. Tous se prirent à pleurer quand ils le veirēt, les vns de ioye, les autres de compassion. Colmenares consola Niquefa, & luy feist entendre la charge que luy auoient baillee ces soldats, & gens de bien de Darien, & luy donna grande esperance de remettre sus les pertes & dommages receuz, s'il vouloit se retirer en vn si bon pays, le priant de vouloir ainsi faire. Diego de Niquefa qui n'auoit iamais pensé à cela, luy rendit graces telles que meritoit vn tel amy, considerē mesme le malheur ou il estoit tōbé. Il s'ēbarqua dōc avec ces soixante soldats en vn brigatin & fist voile avec Roderic de Colmenares, mais aussi tost il s'enorgueillit plus qu'il ne deuoit, & pē-sant desia estre capitaine general de trois cents Espagnols, & d'une ville, commença à sortir hors les bornes de raison, disant plusieurs choses cōtre Val-uoa, & Enciso, & autres, qu'il en chastiroit les vns, qu'il osteroit les charges aux autres, & les dōneroit à d'autres, puis qu'aussi bien il ne les pouuoient tenir sans l'autorité de Hojeda, ou de la sienne. Ces paroles si follement iettees, furent ouyes par plu-

seurs, qui estoient allez avec Colmenares, & à qu  
ces menaces touchoient tant à eux qu'à leurs com  
paignons, si en firent ils le recit en conseil inconti  
nent, qu'ils furent arriuez à l'Antique, & possible  
uec l'aduis de Colmenares, à qui telles menaces &  
paroles temeraires n'auoient semblé bonnes. Tou  
ceux de l'Antique s'enflâberent grandement contr  
Niquesa, spécialement Valuo & Enciso, & ne vou  
lurent permettre qu'il descendit à terre, où bien le  
feirent remonter en son vaisseau avec ses compai  
gnons, l'iniuriant vilainemēt sans qu'aucun les re  
print, de façon que le malheureux Niquesa fut con  
trainct s'en aller, ou il se perdit. Apres que Niquesa  
fut deslogé ceux de l'Antique demeurerēt en aussi  
grande dissention que deuant, & en grâde necessité  
de prouisions, & de vestement. Valuo estoit plus  
fort en la ville qu'Enciso, parce qu'il auoit attiré  
Colmenares de son costé, tellement qu'il fut assez  
hardi de faire prisonnier Enciso, & l'accuser d'auoir  
ysurpé l'office de iuge sans aucune prouisiō du Roy,  
sur telle accusatiō il cōfiska tout ce qu'il auoit, &  
encor le voloit faire fouciter, s'il n'eust esté empe  
ché par prières & intercessiōs de qlques vns. Il me  
ritoit mieux ceste peine qu'Enciso: car luy mesme  
tōboit en la faute, de laquelle il coulpait l'autre, se  
faisāt iuge, capitaine & gouuerneur: il est vray que  
Enciso aussi meritoit ceste peine pour la faute qu'il  
auoit faite de chasser, & ne receuoir, & de mal trai  
ter Diego de Niquesa. Enciso ne pouuoit mōstrer  
sa prouisiō de grād pūost pour l'auoir perdue, quād  
son nauire toucha en terre, & se rōpit à Vraba & e  
stāt le pl<sup>r</sup> foible il ne luy apertenoit pas de cōtester,

& se deliurer par force. A la fin par priere il fut deliuré, & s'embarqua pour aller à S. Dominique, encor' que de la part de Valuoá on le priaist de demeurer avec l'estat de grãd Preuost. De S. Dominique il s'en vint en Espagne, ou il feit toutes ses plainctes au Roy, & presenta des informations contre Vasco Nugnez de Valuoá l'an 1512. Ceux du conseil des Indes prononcerent yn arrest fort rigoureux contre Valuoá : Mais il ne fut executé pour les seruices qu'il feit depuis au Roy au descouuremēt de la mer du Midy, & en la conqueste de Castille de l'or, comme nous dirons cy apres.

*De Panquiaco, qui donna nouuelles de la mer de Midy.*

*Chap. 60.*

**A**Vssi tost que Valuoá se veid seul à commander, il s'estudia à bien gouverner les deux cens cinquāte Espagnols, qu'il auoit en la ville de l'Antique. D'iceux il en prend six vingts & dix avec soy & Colmenares aussi, & s'en alla à Coibaia pour chercher à manger pour tous, & de l'or sans lequel ils ne prenoiēt aucun plaisir. Il demāda au Seigneur Careta, autres l'appellent Cimal, des prouisions, & par ce qu'il n'en vouloit bailler il le mena prisonnier à Darien avec deux de ses femmes, ses enfans, & seruiteurs, & pillā sa ville, dedās laquelle il trouua trois Espagnols de Niquesa, lesquels seruirent tellement quellement de truchement, & feirent recit du bon traictement, qu'ils auoient receuz en la maison de Careta, qui pour ceste cause fut deliuré, avec serment qu'il donneroit secours, & ayde cōtre Ponca son propre ennemy, & pourueoir son camp en ce voyage: ce pendant ils despescherent Valdiuia



fort affectionné à Valuoā, & Zamudio pour aller à saint Dominique, tant pour auoir gens, pain & armes, que pour porter vn proces, & informations contre Martin Fernand d'Enciso. Valuoā entre plu de soixante mil en pays soubs la faueur de Careta, & saccage vne ville, où ils trouuerent quelque chose d'or: mais ils ne peurent trouuer le seigneur Ponca, parce qu'il s'en estoit fuy, & auoit mené avec soy tout ce qu'il auoit peu. Il ne luy sembloit bon de faire guerre si auant en pays, principalement pour gens qui ne doiuent gueres abandonner la coste de la mer: il s'en alla à Comagre, & feit paix avec le seigneur, par le moyen d'un des gens de Careta. Comagre auoit sept fils d'autant de femmes: sa maison estoit de bois, fort ample & bien bastie, ayant vne salle large de quatre vingts pas, & longue de cent cinquante: il auoit vne caue remplie de grans vaisseaux pleins de vin fait de grain, & de fruit, blanc, & rouge, doux: il y en auoit aussi d'aigre fait de dâtes, le doux ressembloit à du moust, ou vin cuit. Ceste rencontre pleut fort à nos Espagnols. Panquiaco fils aîné de Comagre donna à Valuoā septante esclaves, faits à leur coustume, pour seruir les Espagnols, & quatre mille onces d'or en ioyaux, & autres pieces subtilemēt elabourees. Valuoā feit fondre tout cest or avec celuy qu'il auoit desia eu par le chemin, & puis en osta le quint, qui appartenoit au Roy, & departit le reste entre les soldats, & comme il pesoit les parts & portioīs à vn poix, qui estoit attaché à la porte du Palais, quelques Espagnols non contens de la part qu'on leur auoit faite, comencerent à quereller: alors Pāquiaco donna du poing sur

la balance où estoit le poix, & feit cheoir tout l'or à terre, leur disant: ô Chrestiens, si i'eusse sçeu que vous eussiez quereller sur mon or, ie ne le vous eusse pas donné: car i'aime paix & concorde, & m'esmerveille bien cōme vous estes si aueuglez & despourueuz de sens d'auoir rompu ces ioyaux, qui estoient dextremement elabourez, pour en faire ie ne sçay quelles pieces qui ressembtent à petits coppeaux de bois, & encor plus ie m'estonné comme vous, qui estes tant amis ensemble, querellez pour vne chose si vile, & de si peu de valeur. Il vous seroit meilleur ne bouger de vostre pays qui est si loing d'ici, si les hommes y sont si sages, si honnestes & si prudēs comme vous vous en vantez, que venir faire des querelles en ce pays estrange, où nous autres viuōs contents, encor que vous nous appelliez grossiers, & barbares. Mais si l'auarice & conuoitise d'auoir de l'or vous commande tant, que pour iceluy acquerir vous vous trauallez si fort, & mesmes tuez ceux qui en ont, ie vous mōstreray vn pays ou possible vous vous en soullerez. Nos Espagnols admirerent grādement le iugement, & les paroles de ce jeune Indien, & encor plus la liberté avec laquelle il les proferoit. Les trois Espagnols de Niquefa, qui sçauoient vn peu la langue du pays, luy demanderent comme s'appelloit ce pays, il le nomma Tumanama, & leur dit qu'il estoit loing de six journées, mais qu'ils auoient besoing de plus grande compagnie pour passer certaines montagnes où les Caribes faisoient leur demeurance, auant que arriuer à leur mer. Quād Valuoā ouyt ce mot d'autre mer, il l'embrassa, le remerciant des bōnes nou-

uelles qu'il luy auoit dictes, & le pria de se faire Chrestien. Ce que l'Indien accorda, & fut baptizé & nommé Dom Charles, du nom du Prince d'Espagne, que nous voyés au iourd'huy estre Empereur. Dom Charles Panquiaco fut tousiours amy de Chrestiens, & promit d'aller avec eux à l'autre mer de Midy bien accompagné d'hommes de guerre pourueu qu'ils fussent mille Espagnols. Car il ne luy estoit pas aduis qu'on peust vaincre les autres Caniques, ny gagner Tumanama avec plus petit nombre. Il leur dit encor, que s'ils ne se fioient de luy, ils le menassent lié, & garrotté, & si ce qui leur auoit dit n'estoit vray, qu'ils le pendissent à vn arbre. Mais certainemét il dit vray: car par le chemin qu'il môstra on trouua vn riche pays, & la mer de Midy, qui tant auoit esté desirée par ceux, qui s'estoiēt meslez de descouurir ces pays. Panquiaco fut donc le premier qui donna cognoissance de ceste mer, encor qu'aucuns veulent dire que Christofle Colomb en eut nouuelles dix ans deuant, quand il fut au port Beau, & au cap de Marmol, que nous appellons au iourd'huy le Nom de Dieu.

*Les guerres que feit Vasco Nugnez de Valuo au  
goulfe de Vraba.* Chap. 62.

**V**Aluo s'en retourna à Darien plein de grande esperance d'estre riche, quand il auroit trouué la mer de Midy, esperant y trouuer force perles, ioyaux & or, & pensoit bien faire, comme aussi il feit, seruite au Roy tel qu'il seroit recogneu, & que en outre il acquerroit vn grád bruiet. Il cōmuniqua à tous la cause de sa resiouissance, & donna aux autres Espagnols, qui n'auoient esté avec luy en ce



voyage la part de l'or qui leurs appartenoit. Mais elle estoit plus petite que celle des soldats qu'il auoit menez avec luy, & enuoya quinze mille peans d'or au Roy pour son quint, avec la relation de Panquiaco, afin qu'il luy enuoyast mille hommes, il donna ceste charge à Valdiuia, qui desia estoit de retour de S. Dominique ayant apporté quelque peu de viures. Mais il n'arriua point en Espagne, mesme il ne vint pas iusques à Haiti, & selon le bruit, sa carauelle se perdit aux Viuores pres Jamaïque, ou à Cuba pres le cap de la croix, & luy aussi & tous ses gens, & l'or qu'il portoit pour le Roy, & pour quelques particuliers. Ce fut la premiere perte notable d'or qu'on eust tiré de terre ferme. Valuo, & les autres Espagnols de Darié auoient grande necessité de pain, parce qu'un grand cas d'eau auoit arraché, & noyé tout le maiz qu'il auoient semé. Or pour pouruoir à ceste necessité, il delibera de costoyer le goulfe, & aussi pour scauoir s'il estoit grand, & riche. Il esquipa donc un brigantin, & plusieurs barques, dedans lesquelles il mit cent Espagnols: il s'en alla se ietter dans un grand fleuve qu'il surnomma de saint Jean, & nauigea contre-mont ce fleuve bien quarante mil. Il trouua plusieurs villages sur la riu. tous desgarniz d'hommes, & de prouisions, parce que le seigneur delà, qui s'appelloit Dabaida, s'en estoit fuy pour la crainte que luy auoit donné Cimaco de Darien, qui se vint sauluer icy, quand il fut vaincu par le docteur Enciso. Il feit chercher par les maisons où il trouua grands monceaux de rets à pescher, des couuertures, & d'autres ytenfilles de maison,

force trouffe de fefches, d'arcs, de dards, & autres armes, & trouua encor de fix à fept mille pefas d'or en diuerfes pieces, & ioyaux. Il s'en retourna avec cela affez mal content de n'auoir trouué du pain, luy auint vne fortune qu'il perdit vne barque avec les gens, qui estoient dedans, & pour la tempeste fut contraint ietter en la mer quasi tout ce qu'il portoit excepté l'or, ils s'en retournerét tous piquez de Chauuesfouris qui font en ce fleuue auffi grandes que Tourterelles. Roderic de Colmenares alla par vn autre fleuue vers le Leuant avec foixante compagnons, & ne trouua que de la casse. Valuo se ioignit avec luy, & ne pouuans viure fans maiz entrèrent tous deux par vn autre fleuue qu'ils appellerent Noir. Le seigneur de là s'appelloit Abenamaquei, lequel ils prindrent avec quelques autres des principaux, & depuis qu'il fut prins, vn Espagnol luy couppa le bras, par ce qu'il l'auoit blecé en l'escarmouche qu'ils feirent pour le prendre. Ce fut vn acte vilain, & indigne d'vn Espagnol. Valuo laissa là la moitié de ses Espagnols, & avec l'autre moitié s'en alla vers vn autre fleuue d'Abibeiba, où il trouua vne logette bastie sur vn arbre, de quoy se prindrét fort à rire nos Espagnols, comme de chose nouuelle, par ce qu'il sembloit que ce fut vn nid de Cigongne: l'arbre estoit si haut, que on n'eust sceu ietter vne pierre par dessus à plein bras, & estoit aussi de telle grosseur qu'à grand peine huit homes se tenans en rond par les mains l'eussent peu embrasser. Valuo requist de paix le Cacique Abibeiba, qui s'estoit retiré en cest arbre, & s'il ne la vouloit, luy dist qu'il mettroit sa maison à bas,

lais ce Cacique se confiant en la hauteur, & grosseur de son arbre, respondit rudement, & comme il voyoit qu'on commençoit à le couper par le pied avec des haches, il eut peur de tomber, & ainsi fut contraint faire la paix, & dit qu'il n'auoit point d'or, encore moins en vouloit-il auoir, puis qu'il ne luy apportoit aucun profit, & qu'il n'en auoit que faire. Mais comme on le pinçoit pour luy faire dire vérité, demanda terme pour en aller chercher, & ne retourna depuis, parce qu'il se retira vers vn autre seigneur nommé Abraibe qui estoit là auprès, avec lequel il se complaignit du deshonneur qu'on luy auoit fait, & pour le recouurer s'accorderent ensemble d'assaillir les Espagnols, qui estoient au fleuve Noir, & les tuer. Ils allerent donc là avec cinq cens hommes, mais pensans faire mal à autrui, ils se le firent estans combattus, & ayans perdu la bataille ils s'enfuirēt eux: mais les leurs furent quasi tous où morts, où prins. Ils ne furent point encore chastiez pour ceste fois, ains subornerent tous leurs voisins, & ces trois conjurerent ensemble, c'est à sçauoir, Cimaco, Abibeiba, & Abemanaquei, qui auoit esté remis en liberté d'aller à la riuere de Darien brasser la ville qu'auoient faite les Chrestiens, & les manger, ils estoient cinq principaux, tellement qu'avec ces trois il y en auoit encor deux qui en equipperent tous chacun vingt barques, & mille hommes chacun qui iroient par terre. Ils assignerent Tiquiri moyenne ville pour amasser les armes & victuailles necessaires pour le camp. Ils partirent desia entr'eux les testes & les biens des Espagnols, qu'ils deuoient tuer, & accorderēt du iour



auquel ils deuoient donner l'assaut, mais leur con-  
 iuration fut descouuerte en ceste façon. Vasco Nu-  
 gnez auoit pour femme & espouse vne Indienne  
 plus belle de toutes celles qu'il auoit prinſes: vn ſie-  
 frere ſeruiteur de Cimaco, qui ſçauoit toute la con-  
 iuration, la venoit veoir ſouuent: vn iour il print le  
 ſerment d'elle de ne reueler ce qu'il luy diroit, &  
 puis luy compta tout le diſcours de ce qui ſe deuoit  
 faire, & la pria qu'elle ſ'en allaſt avec luy, & qu'elle  
 n'attendit point le danger auquel elle pourroit  
 tomber. Elle ſ'excusa qu'elle ne pouuoit pour lors  
 ſ'en aller: ce qu'elle faiſoit, ou pour le dire à Valuo-  
 a qu'elle ay-  
 moit, où bien à cauſe qu'elle penſoit qu'il ne  
 baſteroit pour lors plus mal aux Indiens qu'il ne  
 ſembloit. Elle decouurit toute l'entreprinſe, afin  
 qu'ils ne mouruſſent pas tous. Valuo-  
 a attendit que ceſt Indien fut venu comme il ſouloit venir veoir  
 ſa ſœur: eſtant venu, il le prend, & le met à la torture  
 il confeſſe tout. Valuo-  
 a auſſi toſt ſe met en pays avec ſeptante Eſpagnols pour aller chercher Cimaco,  
 qui eſtoit à neuf mil de là. Il ne le trouua point; il  
 amene ſeulement force Indiens priſonniers avec vn  
 parent de Cimaco. Roderic de Colmenares ſ'en al-  
 la à Tiquiri avec ſoixante compaignons en quatre  
 barques, menant pour guide ceſt Indien qui auoit  
 decouuert la con-  
 iuration: il arriua là deuant qu'il  
 fuſt apperceu, & ſaccagea la ville, & print pluſieurs  
 priſonniers, & ſe fit pendre celui qui auoit la garde  
 des armes, & des prouiſions à vn arbre que luy meſ-  
 me auoit planté, & le feiſt tirer à coups de fleſches  
 avec quatre autres des principaux. En ces deux ſacs  
 les Eſpagnols ſe munirent de bonnes prouiſions, &

spouenterent leurs ennemis de telle façon qu'ils  
poterent plus depuis ourdir de telles toiles. Il sem-  
bla à Valuoá, & aux autres voisins de l'Antique, que  
à ils pouuoient mander au Roy comme ils auoient  
conquis la prouince d'Vraba, & s'assemblerét pour  
nommer des procureurs qui iroient pour tous en  
Espagne, & pour faire vn conseil & vn gouuernement,  
mais ils ne se peurent accorder en plusieurs  
ours, par ce que Valuoá y vouloit aller, & tous  
'empeschoient, aucuns pour la peur qu'ils auoient  
des Indiens, autres pour la peur aussi de celuy, qui  
luy succederait. Finalement ils esleurent Iean de  
Quizedo officier du Roy, qui auoit là sa femme qui  
estoit vn gage assez responsable pour les assurer  
de son retour, & considerans qu'il auroit plus grande  
autorité enuers le Roy, & qu'il seroit plustost  
creu, ils luy donnerent pour compagnie Roderic  
de Colmenares, qui auoit esté tousiours capitaine  
aux guerres & entreprinſes qu'on auoit faites en ce  
pays. Ces deux procureurs partirent de Darien en  
Septembre l'an 1512. en vn brigantin, avec la relation  
de tout ce qui auoit esté fait, portans de l'or &  
joyaux, pour demander au Roy renfort de mille  
hommes, pour descouurer & peupler la mer de  
Midy, si d'adventure Valdiuia n'estoit arriué à la  
Cour.

*La descouuement de la mer de Midy. Chap. 62.*

**V**asco Nugnez de Valuoá estoit homme, qui ne  
pouuoit demeurer en repos, encor qu'il eust  
peu de gens, attendu le nombre que dom Charles  
Panquiacó disoit estre necessaire. Ainsi sans auoir  
esgard à ce peu d'hommes qu'il auoit, se delibera

d'aller descourir la mer de Midi, afin qu'un autre ne le preuint en telle expedition; & ne luy enleua la benediction qu'il esperoit receuoir d'une entreprinse si renommee. Il le faisoit aussi pour adoucir le Roy, qui estoit irrité contre luy. Il meit donc en ordre une petite carauelle, qui un peu deuant estoit arriuee de saint Dominique, & dix barques, chacune faite d'un tronc d'arbre selon l'usage des Indiens. Il s'embarqua dedans ces petits vaisseaux avec neuf vingts Espagnols d'élite, & laissant le reste bien pourueu, partit de Darien le premier iour de Septembre l'an 1513. Il s'en alla à Careta, où il laissa les barques, & autres vaisseaux, & quelques soldats pour les garder. Il print quelques Indiens pour le guider, & seruir de truchement, & se mit au chemin des montagnes, desquelles Panquiaco luy auoit parlé. Il entre au pays de Ponca, qui s'enfuit comme à l'autrefois: deux Espagnols le poursuivent avec deux autres Caretans, ils l'amenerent avec sauf conduit: estant venu, il fait paix, & amitié avec Valuoá, & ses compagnons, & en signe d'assurance il donne cent dix pesans d'or en ioyaux & en recompense il prend deux haches de fer, & des couronnes de verre, des sonnettes, & autres choses de peu de valeur, lesquelles toutefois il estimoit precieuses, il donna en outre grand nombre d'hommes, qui ont accoustumé porter la somme, & d'estre employez à traualler, afin qu'ils ouurissent les chemins, qui sont fort estroits, & n'ont iamais esté plus larges, par ce qu'on ne contracte point avec ces Montagnars, & encore tels, & si estroits qu'ils sont, ils n'ont esté faits que par les bestes, qui hantent



stant en ces montaignes. Avec l'aide donc de ces gens les nostres feirent ouuerture à force de bras, & du fer à trauers les montaignes & forests, & feirent des ponts sur les riuieres, nō sans endurer grād'aim: à la fin ils arriuerent à Careca, d'oū estoit Seigneur Torruccia, qui sortit dehors accompagné de beaucoup de gens assez bien armez, pour les empêcher d'entrer en son pays. Il demanda qu'ils estoient, ce qu'ils cherchoient, & où ils alloiēt: ayant entendu qu'ils estoient Chrestiens, qu'ils venoient d'Espagne, qu'ils preschoient vne nouuelle religion, qu'ils cherchoient de l'or, & qu'ils alloient à la mer de Midy: il leur dit qu'ils s'en retournassent l'oū ils venoient sans toucher à chose qui luy appartint sur peine de la mort: & voyant que les nostres n'en vouloient rien faire, liura le combat courageusement, mais il y fut tué avec six cens des siens: les autres s'enfuirēt tant qu'ils peurent, pensans que les arquebouzes fussent tonnerres, & que les balles fussent le coup du tonnerre: aussi estoient ils estonnez de veoir tant de gens tuez en si peu de temps, les corps d'aucuns sans bras, autres sans iambes, autres fendus par le milieu. En ceste bataille il fut prins vn frere de Torruccia en habit de fême royale, aussi nō seulement en l'habit, mais en tout le reste du corps il estoit femme, sinon qu'il ne cōceuoit point. Valuoā entre en Careca, où il ne trouue ne pain, ny or, par-ce que Torruccia auāt que se presenter pour cōbatre l'auoit enuoyé to<sup>o</sup> dehors. Il trouua aucuns esclaués noirs, il demanda à ceux du pays l'oū estoient ces noirs, mais il n'en peut autre chose sçauoir, sinon qu'il y auoit là aupres des gens de

ceste couleur, avec lesquelles ils auoient ordinaire  
 ment la guerre. Ce furent là les premiers noirs qu'  
 ayent esté veuz aux Indes, & si ie croy qu'il n'en  
 point esté veuz d'autres. Valuo a chastia cinquante  
 Sodomites qu'il trouua là, & les feit brusler, l'estant  
 premierement deuëment informé de leur peché a  
 bominable. Les voisins de ce pays ayans entendu  
 ceste victoire, & ceste iustice, luy amenoient plu  
 sieurs Sodomites pour estre depeschés comme les  
 autres: & ainsi qu'on dit, les seigneurs & ceux qui  
 les suiuent sont fort adonnez à ce vice, & non le  
 commun peuple: ils faisoient chere aux chiës, pen  
 sans qu'ils fussent les executeurs de iustice des de  
 linquans, à cause qu'ils les voyoient mordre. De  
 puis que Toruccia fust si tost vaincu, & ses gens mi  
 en pieces, les Espagnols n'auoient que trop d'hom  
 mes. Valuo a laissa à Careca les malades, & ceux qui  
 estoient laz, & avec soixante & sept, qui estoient  
 sains, gaillards, & dispos, monta vne haute monta  
 gne, du haut de laquelle on voyoit la mer de Midy  
 ainsi que disoient les guides. Vn peu deuant qu'ar  
 riuier en haut, il commanda que son squadron s'ar  
 restast, & luy courut vistement en haut, pour voir  
 le premier ceste mer que tant on desiroit. Aussi tost  
 qu'il fut en haut il regarde vers le Midy, il voit la  
 mer, & s'agenouille à terre rendant graces à Iesu  
 Christ de luy auoir fait ceste faueur. Il appelle ses  
 compagnons, & leur monstre la mer, & leur dist  
 voyez amis ce que tant nous desirions voir, rendons  
 graces au seigneur Dieu, qui a gardé & reserué pour  
 nous tant de bien & honneur, demandons luy ceste  
 grace de nous aider, & nous guider pour conquerir

ce païs, & ceste nouuelle mer que nous descouurôs,  
qui n'a iamais esté veüe des Chrestiens, afin qu'on y  
presche son saint Euangile, & qu'on y espanse le  
baptisme: & vous autres faictes que soyiez tels que  
vous estes accoustumé d'estre, & me suyuez: car avec-  
ques l'ayde de Iesus Christ vous serez les plus ri-  
ches Espagnols, qui ayent passé en ces Indes, vous  
ferez plus grand seruice au Roy, qu'aucques vassal  
ou Seigneur ne fait, & aurez l'honneur, & prix de  
tout ce, qui se descouurira, conquerra, & conuer-  
tira à nostre sainte foy Catholique en ce quartier.  
Tous les Espagnols, qui estoient avec luy feirent  
leurs prieres, & rendirent graces à Dieu, embrasse-  
rent Valuoä, luy promettans de ne luy manquer. Ils  
se pouuoient cōtenir de ioye pour auoir descou-  
uert ceste mer, laquelle tant auoient desirée. Et à la  
fin ils auoient bōne raison d'estre ioyeux, & cō-  
tens pour estre les premiers, qui l'auoient descouuer-  
te, & qui par ce moyen faisoit au Roy vn seruice re-  
marquable, pour auoir ouuert le chemin, par lequel  
on deuoit porter en Espagne tant d'or, & richesses  
comme de fait on en a depuis apporté du Peru. Les  
Indiens demeurèrent estonnez de veoir entre noz  
gens si grande ioye, & encor plus quand ils les vei-  
rent faire de grands monceaux de pierre qu'ils fai-  
soient avec leur ayde, en signe de la possession qu'ils  
gaignoient de ce pays pour le Roy, & pour en lais-  
ser quelques marques à la posterité. Valuoä veit la  
mer de Midy le 25. iour de Septembre l'an 1513. à  
Midy. Il descendit la montagne faisant marcher ses  
gens en bon ordre, & arriua à vn lieu appartenant  
à Ciäpe, Cacique fort riche, & homme de guerre. Il



le pria par truchement de le laisser passer en paix, & qu'il voulust luy donner des prouisions, & luy dire que s'il vouloit accepter son amitié, il luy reuele- roit de grands secrets, & luy feroit beaucoup de graces de la part du puissant Roy d'Espagne son Seigneur. Ciape respondit qu'il ne vouloit poin luy donner passage, ny aucuns viures, & qu'il ne se soucioit de son amitié, & se mocquoit quand i luy oyoit dire qu'on luy feroit des graces, & disoit que telle offre n'estoit qu'une couleur pour en deman- der d'autres, & voyant si peu d'Espagnols les mena- çoit avec force brauades s'ils ne s'en retournoient il sortit incontinent en campagne avec un gros es- quadron bien armé, & prest à combattre. Valuo- fait deslacher les chiens & tirer les arquebouses, & les assaut de bon courage, & en peu d'espace de temps les fait fuir & les poursuit, & en prend plu- sieurs, lesquels il defend aux siens de tuer, afin d'ac- querir le bruit d'estre doux, & d'auoir pitié mesme de ses ennemis. Les Indiens fuyoient de peur de chiens, ainsi qu'ils confessoient, & principalemen- de peur du tonnerre, que faisoient les arquebouses & de la fumee, & odeur de la pouldre, qui leur ve- noit au nez. Valuo a meit en liberté quasi tous ceu- x qu'il auoit prins en ceste bataille, & enuoya avec eux deux Espagnols, & quelques Carecās pour fai- re venir Ciape, & luy dire que s'il venoit, ils le rece- ueroient pour amy, & garderoient son pays, & sa personne : & s'il ne venoit qu'ils ruineroient toutes ses semences & fruits, ils mettroient le feu en leurs villes, & tueroient les hommes. Ciape eut peur, au- si ceux de Careca l'intimiderent luy recitans la vail-

antise, & humanité des Espagnols: Cela le feit venir, & se donna au Roy d'Espagne pour vassal, & donna à Valuoà quatre cens pesans d'or en œuvre, & au lieu on luy donna quelques choses qu'il estima beaucoup pour luy estre nouuelles. Valuoà demeura la iusques à ce que les Espagnols qu'il auoit laissez malades à Careca fussēt arriuez. Ils s'en alla apres à la marine, qui estoit encor loing de là, il prit possession de ceste mer en la presence de Ciape avec tesmoins, & en print acte de notaire. Ceste possession fut prinse au goulfe de saint Michel, que ainsi il nomma, par ce que ce iour estoit dedié à la feste de saint Michel.

*Comme les perles furent descouuertes au goulfe de saint Michel. Chap. 63.*

**N**OS Espagnols se recreerent à ceste feste de saint Michel le mieux qu'ils peurent pour solennizer d'auantage l'acte de possession. Valuoà laissa là quelques Espagnols pour asseurer le derriere, & trauersa vn grand fleuue avec neuf barques que Ciape luy fournit, & s'en alla avec quatre vingts Espagnols, se seruant de Ciapē pour guide, à vne ville, de laquelle le Seigneur s'appelloit Coquera, qui se meit en armes, & en defense, il combattit, & fut mis en fuite. Mais par le cōseil, & prieres de ceux de Ciape, qui furent par deuers luy pour le prier de la paix, il se feit amy des nostres, & donna à Valuoà six cens cinquante Castillans d'oren ioyaux. Par le moyen de ces deux victoires les Espagnols acquirent grand bruiēt en ceste coste, & voyans qu'ils auoient Ciape, & Coquera amis, ils penserent auoir à leur deuotion tous les

voisins, de façon que Valuoá s'enhardissoit de plus en plus. Il feit emplire ses neuf barques de viures, & s'en alla avecques quatre vingts Espagnols costoyer ce goulfe, pour veoir comme estoient les riués, quelles isles y auoit, & quels rochers. Ciapé le pria de n'entrer point en ce goulfe, par ce qu'en ceste lune, & les deux suivantes il souloit courir de grandes tempestes, des vents forts & impetueux, qui venoient de terre à trauers ce goulfe. Mais Valuoá luy respondit que pour cela il ne laisseroit point d'entrer, parce qu'il auoit fendu des mers plus grandes & plus enflées que celles-là, & que Dieu, la foy duquel se deuoit publier par luy, l'aideroit. Il s'embarqua, & Ciapé se ietta dans le vaisseau avecques luy, afin qu'il ne fust reputé couïard, & peu amy. A peine auoient-ils abandonné la terre, qu'ils se trouuerent entre les vagues si hautes, & si terribles que l'on ne pouuoit manier les barques, ny reculler en arriere, ny pousser en auant ils pensoient bien tous perir. Mais Dieu voulut qu'ils arriuerent en vne isle, où ils reposerent ceste nuit: ce pendant la marée se haussa tant que l'isle fut presque couuerte, ce qui rendoit nos gens fort estonnez, par ce qu'en l'autre goulfe d'Vraba, & en la coste Septentrionale la mer ne croist point, où si elle croist, c'est bien peu. Le matin ils voulurent decamper avecques la marée qui s'abbaïssoit desia fort, mais ils ne peurent, par ce qu'ils trouuerent les barques plaines de sablon, & autres choses, qui estoient tombées dedans. Le premier iour ils eurent grand peur de mourir en l'eau, mais à cestuy iour ils eurent plus grand peur de périr en terre,



car ce qu'ils n'auoient que manger. Mais avec ce-  
te peur ils vuiderent les barques, racoustrent  
avec escorce d'arbres, celles, qui estoient rompues,  
& les recalfeutrent avecques des feuilles, & puis  
allèrent prendre terre en vn lieu couuert, où com-  
parut aussi tost le seigneur de là, nommé Tumaco  
avec bon nombre d'hommes armez pour sçauoir  
quels gens c'estoient, & ce qu'ils vouloient. Valua  
luy enuoya dire par quelques seruiteurs de Ciape,  
qu'ils estoient Espagnols, qu'ils cherchoiēt du pain  
pour mâger, & de l'or en contrechange d'autre cho-  
se de meisme valeur. Tumaco les voyās en petit nō-  
bre repliqua avec vne hardiesse, & les tenant desia  
comme prins, il leur liura le combat où Valua fut  
vainqueur. Tumaco s'enfuit aussi hardiment qu'il  
auoit parlé. Quelques Espagnols, & Ciapesiens, al-  
lerēt apres luy pour le prier de s'en venir à nos bar-  
ques, & se faire amy du capitaine, luy dōnant la foy  
pour assurance, & des ostages. Il ne voulut venir  
mais y enuoya vn sien fils, lequel Valua vestit, &  
luy dōna de petites choses, cōme corones, forcettes,  
sonnettes, miroirs, & luy faisant autres grandes ho-  
nestetez le pria qu'il feist venir son pere. Ce ieune  
fils s'ē retourna gay, & gaillard, & à trois iours de là  
amena son pere. Tumaco fut bien receu, & estant  
interroguē de l'or, & des perles que portoiēt quel-  
ques vns des siēs, enuoya vn peu apres six cens qua-  
torze pesans d'or, & deux cens quarāte grosses per-  
les, & grande somme d'autres petites. Ce fut vn  
present riche, qui feist saulter plusieurs Espagnols  
d'aise. Tumaco voyāt qu'ils le louoyent tāt, & que  
ils estoient si ioyeux avec ses perles, cōmanda à quel-

ques vns de ses seruiteurs d'en aller pescher : il rapportèrent douze liures de perles en peu de iours : lesquelles encore il donna à nos gens, qui furent merueilleusement estonnez de veoir tant de perles, & comme les Seigneurs en faisoient peu de cas, par-ce que non seulement ils les donnoient, mais encore ils les portoient attachees comme cousues à leurs aurons, ce qu'ils faisoient, à ce que ie croy, pour gentillesse, ou pour monstrier leur grandeur. Aussi, comme on a sceu depuis, le principal reuenue, & la plus grande richesse de ces Seigneurs, est la pesche des perles. Valuo a dict à Tumaco qu'il auoit vn pays riche, s'il sçauoit bié s'approprier de ce qui estoit en iceluy, & qu'à son retour il luy en diroit quelques bons secrets: Mais l'autre, & Ciap luy feirent responce que sa richesse n'estoit rien à comparaison de celle du Roy de Terarequi, qui est vne isle abondante en perles, qui est là aupres, que les perles estoient pl<sup>us</sup> grosses qu'un œil d'homme, apres qu'elle estoient tirees de l'huitre, ou de la mere-perle, laquelle estoit grosse cōme vn chapeau. Les Espagnols eurent bié voulu incontinct passer en ce quartier là, mais craignāt vne fortune pareille à la derniere, ils le laisserēt pour le retour. Ils se desirerent de Tumaco, & vindrēt se reposer au pays de Ciap, lequel, à la priere de Valuo a, enuoya trente de ses vassaux pour pescher. Iceux, en la presence de sept Espagnols qui estoient allez avec eux pour veoir leur façon de pescher, tirerēt six petites pannerees d'huitres, qui estoient toutesfois petites, par ce qu'attendu qu'il n'estoit pas la saison de telle pesche, il n'entroient gueres auāt en la mer,

& n'alloient pas au fond, où estoient les plus grosses. Ils ne peschent point, non seulement au moys de Septembre, mais ny aux autres trois suiuaus. Ils ne se mettent point aussi durant ce temps sur mer, par-ce que les vents, qui courent sur ceste mer, durant ces moys, sont impetueux, & les Espagnols se gardent bien de flotter par là, en tel temps, encor' qu'ils ayēt de plus grands vaisseaux. Les perles que ces Indiens tirerent, n'estoient pas plus grosses que poix, mais fines, & blanches. Aucunes de celles de Tumaco estoient noires, autres verdes, autres azurees, & d'autres iaulnes, ce qui deuoit estre par art.

*Ce que Valuoā fait à son retour de la mer du Midy.*

*Chap. 64.*

**V**asco Nugnez de Valuoā laissa Ciape, qui pleuroit de ce qu'il s'en alloit: il luy recōmāda certains Espagnols qu'il luy laissoit, & s'en alla biē aise de tout ce qu'il auoit faict, & trouué, avec deliberation de retourner aussi tost qu'il auroit visité ses compagnons qui estoient à l'Antique de Darien, & qu'il auroit escrit au Roy de toutes ces nouuelles. Il passa vn fleuve sur des petites barquerolles, & s'en alla veoir Teoca Seigneur de ce fleuve qui receut les Espagnols en toute allegresse, pour leur prouesse, & grand renom, & leur donna vingt liures d'or en œuvre, & deux cēs grosses perles, qui n'estoient pas trop blanches, à cause qu'auant arracher les perles, ils mettent au feu les coquilles pour manger l'huitre, qu'ils estiment estre vn manger singulier, & meilleur que nos huitres. Il leur donna encor' force poisson salé, & des esclauē pour porter le bagage, & leur bailla vn de ses fils, pour les



mener iusques à vne ville appartenant à Pacra, qui estoit vn tyran, grand seigneur, & qui estoit son ennemy. Ils passerent par des montaignes haultes, & rudes, où ils endurerent de la soif. Ceux de Teoca auoient grand peur des Tigres, & Lions qu'ils rencontroient. Pacra sentant la venue des Espagnols, s'enfuit avec tous les siens. Nos gens entrerent dedans la ville, où ils ne trouuerent pas plus de trente liures d'or en diuerses pieces. Valuo le feit par truchement requerir de paix & d'amitié, ce qu'il recusa plusieurs fois, ayant peur de ce qui luy aduint puis apres. A la fin il vint s'assurant qu'on vseroit de clemence en son endroict, comme on auoit fait à Tumaco, & Ciape. Il amena avec soy trois Seigneurs de ses vassaux, & apporta vn present. Pacra estoit le plus brutal, & vilain homme, qui fut en tout le pays, grad Sodomite, & retenoit par force plusieurs femmes, filles d'autres Seigneurs, avec lesquelles il exerçoit son peché de Sodomie: en somme, ses œuvres accordoient bien à sa trongne. Valuo estant deuëment informé de telle vie, le meit prisonnier avec les trois gentilshommes qu'il amenoit, par-ce qu'ils n'estoient pas meilleurs que luy. Aussi tost autres Seigneurs, & gentilshommes de la prouince vindrent avec riches presents veoir les Espagnols, la renommee desquels s'estëdoit par tout. Ils prierent Valuo que ce tyran fut chastié, mettans en auant mille plaintes contre luy. Valuo le meit à la tourture, puis que les menaces, ne les prieres ne suffisoient, affin qu'il confessast son delict, & qu'il descouurit son thresor, & où il tiroit l'or. Il confessa son peché, & quant à l'or il dict que

es seruiteurs de son pere qui le souloient aller que-  
rir aux montagnes, estoient tous morts & que luy  
ne se soucioit de ce metal, comme n'en ayant  
rien que faire. Sur ceste responce on le donna aux  
Indiens, & ses autres trois seigneurs aussi, qui fu-  
rent incontinent mis en pieces, & apres on les brus-  
la. Ce chastiment pleut fort grandement à tous  
les seigneurs & aux femmes du pays, & tous les In-  
diens venoient vers Valuo, comme au Roy de tous  
les pays, & leur commandoit en toute liberté, &  
comme il vouloit. Bononiama seruit de beaucoup,  
& amena les Espagnols qui estoient demeurez a-  
vec Ciap, & donna vingt liures d'or, qu'il mit en-  
tre les mains de Valuo, luy rendant graces de ce  
qu'il auoit deliuré le pays d'un tel tyran. Valuo de-  
meura en la ville de Pacra vn mois, & luy imposa le  
nom de Tous les Saincts, ou les Espagnols se recre-  
rent pour mettre en oubli les traüaux passez, se fai-  
sant d'autres part riches d'or & de perles, attirans à  
eux les Indiens. Ils eurent seulement de ce lieu tren-  
te liures d'or. De Tous-les-Saincts Valuo chemi-  
na longuement par vn pays sterile, desert, & ma-  
l'escegeux, passant trois iours avecques peine & tra-  
uail: en fin ayant là faute de pain, arriua à vn lieu  
du Cacique Buquebuca, qu'il trouua desert, &  
sans viures. Il enuoya vn truchement pour chercher  
le seigneur, & luy dire qu'il vint sans aucune crain-  
te, & qu'il seroit receu comme amy. Buquebuca  
fit responce qu'il ne s'en estoit point fuy pour peur  
qu'il eust: mais de honte seulement, n'ayant le  
moyen de receuoir & traicter si grands personna-  
ges, & que pour ceste cause on luy pardonnast, &

qu'en signe de tout deuoir, & obeissance, il prioit d'accepter telles pieces d'or, qui estoient des vases dextrement elabourez: ils eussent mieux aymé du pain, que de l'or. Ils passerent chemin cherchans du pain pour manger, & en passant, ils veirent à la trauerse certains Indiens, crians: ils attendirent pour veoir ce qu'ils vouloient, & quels gens c'estoient. Aussi tost qu'ils furent arriuez ils saluerent le Capitaine Valua, & dirent, selon que le truchement rapportoit: Nostre Roy Corizo, ô homes de Dieu, nous a enuoyé pour vous saluer de sa part, ayant entendu combien vous estes courageux, & inuincibles, & comme vous chastiez les meschâs, & vous mande qu'il eust esté bien aise si vous eussiez peu prendre vostre chemin par son Royaume, pour luy faire quelque seruice en son Palais, & aussi qu'il auoit bonne enuie de veoir vos barbes, & la façon de vos vestemens. Mais puis que maintenant il ne vous est pas possible, attendu que vous avez desia laissé son Royaume derriere vous, il sera trescontent de sçauoir que pour le moins vous le receuiez pour vostre amy, s'offrant à vous pour tel: en signe dequoy il vous enuoye ces trente plats d'or fin: & en outre vous offre tout ce qu'il y a de reste en sa maison, s'il vous plaist y aller. Il vous veut bié aussi faire entendre, qu'il a vn voisin, grand & riche Seigneur, qui est son ennemy, qui tous les ans luy courus, brusle, & pille tout son pays, ayant bonne esperance que contre iceluy vous pourriez monstrier la rigueur de vostre iustice, & la force de vos bras, si vous vouliez luy donner secours & ayde: & en ce faisant vous vous enrichiriez, & nostre Roy seroit



mis en liberté. Les Espagnols eurent grád plaisir de voir ces Messagers nuds, parler si bien, & de voir les courtoisies & gracieusetez, desquelles ils auoient vû en présentant ces plats d'or. Le Capitaine Valuoá respondit qu'il acceptoit Corizo pour amy, & qu'il l'auoit tousiours reputé pour tel, qu'il luy desplaisoit grandement de ce que pour le present il ne pouuoit s'acheminer vers luy, pour le voir, & pour donner quelque remede aux ennuiz que son ennemy luy cauçoit: mais qu'il luy promettoit, si Dieu luy donnoit santé, de faire en brief ce qu'il demandoit, amenant avec soy plus grande cõpagnie d'hommes, & que pour ceste heure il luy pardonast s'il ne pouuoit luy donner secours, & que pour memoire de l'amitié qui estoit entr'eux deux il print ces trois haches de fer, & autres petites choses de verre, de laine, & de cuir. Les Indiens s'en allerent bien ioyeux avec tels presens. Les Espagnols n'estoient pas moins contens avec leurs plats d'or, qui pesoient quatorze liures. De là noz gens s'en allerent à la ville de Pocorosa, où ils eurent suffisamment à manger, & encor' en eurent pour porter par le chemin. Valuoá print l'amitié de Pocorosa: & pour quinze liures d'or, & certain nombre d'esclaves, il dõna en eschange quelque petite mercerie. Il laissa avec ce Seigneur quelques Espagnols malades & debiles, par-ce qu'il deuoit passer par le pays de Tumanama, de la vaillantise, & richesse duquel Dom Charles Panquiaco luy auoit fait grand recit, & adressa sa parolle aux soixante autres, qui estoient sains, & dispos, leur donnant courage de s'acheminer, & de combatre valheureuse-

ment en la guerre qu'on deuoit attédre de ce pays. Tous les soldats feirent responce qu'il ne se souciaist de rien, qu'il marchast seulement, & il verroit ce qu'ils feroient. Ils marcherent par deux iours serrez, & par sentiers cachez, afin de n'estre aperceuz, ayans des guides que Pocorosa auoit fourny. Ils assaillirent sur la mi-nuict la maison de Tumanama, le prindrent prisonnier avec deux bardaches, & quatre vingts femmes, qui luy seruoient à deux endroits. Ils peurent aisément faire ceste exécution, par-ce qu'ils estoient arriuez secrettement sans estre descouverts, & aussi par-ce que toutes les maisons de la ville estoient separees les vnes des autres, tellement qu'on pouuoit facilement approcher de la maison du Cacique sans que les autres en sentissent rien. Valuo le lendemain matin, eut autant, & plus de plainctes de Tumanama, qu'il auoit eu de Pacra, aussi estoit il inhumain, & vsant du peché contre nature, comme l'autre: mais non pas si publiquement: Il auoit hommes, & femmes, se seruant autant des vns, comme des autres. Valuo le reprint asprement, & le menaça cruellemēt, luy faisant demonstration de le vouloir noyer dans la riuère: mais ce n'estoit que feincte pour contéter les complaignans, & enleuer le thresor qu'il auoit, par-ce qu'il l'aymoit mieux vif, & amy, que mort. Tumanama toutesfois se tenoit constant, & ne vouloit descouurir son thresor, ny declarer le lieu où estoient ses mines, ou par-ce qu'il n'en scauoit rien luy-mesme, ou de peur qu'ó luy ostast son pays à cause d'icelles, & si estoit ioyeux, & facetieux, faisant à croire d'autres choses à Valuo, & à tous, & leur donna enui-

on cent liures d'or en ioyaux & tasses. Ce pendant  
les Espagnols qui estoient demeurez avec Pocoro-  
arriuerent, & là celebrerēt tous ensemble la feste  
de Noel, en toute allegresse. Puis s'escarterent çà &  
là, pour veoir s'ils ne trouueroient point quelques  
marques ou vestiges de mines. Ils remarquerent en-  
suite une montaigne quelque apparence de mine d'or:  
ils feirent vne fosse creuse de deux paulmes, & fassent  
la terre, parmy laquelle ils trouuerēt de petits  
grains d'or menus comme lentilles, ils feirent le  
mesme essay en vn autre costé, & en recueillerent de  
l'or. Cela non seulement les resiouit grandement,  
mais aussi les estonna de ce que avec si peu de tra-  
uail on trouuoit ce metal. En somme ils trouuerēt  
Panquiaco veritable en tout, excepté que Tuma-  
nama estoit du de deçà les mōts, & non de là com-  
me il auoit dict. Tumanama donna vn de ses fils à  
Valuoa, afin qu'il fut nourry entre les Espagnols, &  
qu'il apprist leurs coustumes, leur langage, leur re-  
gion, & pour se maintenir tousiours en leur ami-  
té. Aucuns disent que les Espagnols enleuerent de  
ce pays par force grande quantité d'or, & des fem-  
mes, & s'en vindrent à Comagre. Les Indiens por-  
toient Valuoa sur leurs espaules, par-ce qu'il estoit  
malade de sieure. Ils portoient aussi les autres Espa-  
gnols malades. En fin ils arriuerent au pays duquel  
Don Charles Panquiaco estoit Seigneur, qui leur  
donna toutes sortes de prouisions, & à la departie  
leur donna encor' vingt liures d'or en ioyaux de  
femmes. De là ils repasserent par chez Ponca, &  
entrerent en l'Antique de Darien le 19. de Ianuier  
1514.



*Comment Valuoá fut fait Adelantado de la mer  
du Midy. Chap. 65.*

**V**asco Nugnez de Valuoá fut receu avec les processions en toute ioye pour auoir descouvert la mer de Midy, d'où il apportoit si grande quantité d'or, & de perles. Il fut aussi bien aise de ce qu'il trouua en ceste ville les Espagnols en bon point, bien fournis de viures, & accreuz de nombre, par ce qu'au bruiet de ce descouurement il venoit tous les iours gens de S. Dominique en ceste ville. Il employa quatre moys & demy à aller & venir, & executer tout ce que i'ay recité sommairement cy dessus. Il endura des trauaux, & la faim le pressa plusieurs fois. Il rapporta, sans les perles, plus de cent mille Castillans d'or fin, avec esperance d'en rapporter bien plus grande richesse, si Dieu luy donnoit la grace d'y retourner, demeurant ce pendant pour telle aduenture fort content de son voyage, & courageux au possible pour y retourner. Il laissa plusieurs Seigneurs, & villes en la grace & seruice du Roy, qui ne fut pas peu de chose. Il ne perdit pas vn de ses gens pour quelque bataille qu'il ayt eüe, encor' qu'il en ayt donné beaucoup, lesquelles il a toutes emportees, & si iamais il ne fut blecé: Ce que luy mesme estimoit à grand miracle: on rapportoit ceste grace aux prieres, & veuz qu'il faisoit iournellement. Quant aux peuples qu'il a descouverts ils se tenoient nuds, exceptez les Seigneurs, les courtisans, & les femmes. Ils mangent peu, ils ne boient que de l'eau, encor' qu'ils ayent du vin (qui n'est pas toutesfois de vigne,) ils ne foydent point de tables, ny de nappes, ou seruiettes

ettes pour manger & fessuyer, excepté le Roy, us les autres fessuyent les doigts à la plante de leurs pieds, ou à leurs cuisses, voire aux bources de leurs testimoings, & quelques fois à vne piece de cotton. Ils sont au reste fort nets, parce que par iour se baignent souuër: ils sont fort subiets à la pail- lardise, & sont Sodomites publiques. Le pays est pauvre en prouisions, mais riche en or: ce qui fut cause de luy donner le nom de Castille de l'Or. Ils cueillent deux & trois fois l'an du maiz, aussi en gardent-ils point en leurs greniers. Valuoà, apres qu'il eut mis à part le quint, qui appartenoit au Roy, departit entre ses compagnons l'or qu'il auoit apporté. Chacun en eut beaucoup, mesme le Chien Leoncillo, fils du Chien Vezerrillo, qui fut envoyé à Boriquen, & qui gaignoit plus qu'un arcque- buser, eut pour son butin plus de cinq cens Castil- lons d'or, il appartenoit à Valuoà, il meritoit bien cela, selon qu'il combattoit les Indiens. Valuoà de- fcha apres vn nauire pour enuoyer Arbolancia à Viluoà en Espagne avec lettres au Roy, & à ceux qui auoyent la superintendence sur le gouuernement des Indes, adioustant vne longue narration de tout ce qu'il auoit fait. Il enuoya aussi vingt mil Ca- stillans d'or pour le quint du Roy, & deux cens grosses perles fines. Il enuoya quant & quant des gros coquilles, afin qu'on veid en Espagne où on tiroit les perles: Il enuoya aussi la peau d'un grand singe, replie de paille pour môstrer la cruauté d'aucuns animaux de ce pays. Ceux de l'Antique auoient prins ceste beste en vne fosse, qu'ils auoient faite sur le chemin, par où elle auoit accoustumé

de passer, n'ayans autre astuce pour la prendre: elle auoit mangé plusieurs porcs dedás la ville, vaches moutons, iumens, & mesme les chiens qui gar-  
doient les troupeaux. En fin elle tomba en ce pi-  
ge, elle iettoit des cris & hurlemens espouanta-  
bles, elle brisoit auec les pattes, & auec les dents  
autant de picques & autres bastons qu'on luy ti-  
roit, elle fut tuee d'un coup d'harquebouze. Ils l'es-  
corcherent, & puis la mangerent: ie ne sçay si ce fu-  
par necessité, ou par friandise: la chair sembloit  
celle de vache, & estoit de bon goust. Ils suyui-  
rent la trace pour sçauoir où elle auoit accoustumé de se  
retirer: ils trouuerent deux petits faons sans la me-  
re, ils les attacherent auec deux chaines par le col  
& les laisserent là, afin que la mere les nourrist, &  
qu'apres qu'ils seroient plus grands, ils les enuoya-  
sent au Roy. Mais quand ils retournerent pour les  
prendre, ils ne trouuerent que les chaines entieres,  
ce qui les estonna: par ce qu'il estoit impossible de  
les oster de leurs testes sans les rompre, & estoit in-  
credible que la mere eust mis en pieces ses petits. Le  
Roy Catholique eut grand plaisir de veoir ces let-  
tres, ce present & son quint, & d'entendre le récit  
du descouurement de la mer de Midy, laquelle il  
desiroit tant: & pour recompense il reuoqua l'ar-  
rest donné contre Valuoá, & le feit Adelantado de  
ceste mer.

*La mort de Valuoá. Chap. 66.*

**L**E Roy Catholique dom Ferdinand, feit gou-  
uerneur de Castille de l'or Pedrarias de Auilla,  
qui auoit esté escrimeur, natif de Segouie, auec le  
consentement du conseil des Indes: parce que les



paguols de Darien demandoient iustice , & si uoloient auoir vn Capitaine, qui fust pourueu de te charge, & en eust lettres du Roy : Il estoit au necessaire de peupler , & conuertir ce pays. Valua estoit pour lors mal renommé, & mal voulu sur les informations, & plainctes du docteur Enio, encor' que Zamudio Procureur de Darien le fendist le mieux qu'il peut. Ils n'appetoient point si en Espagne ces pays de Veragua, & d'Vraba, r-ce qu'en iceux ils estoient morts plus de mil q cens Espagnols , qui y estoient allez sous la arge de Diego de Niquefa, d'Alphonse de Hoje, de Martin Fernandez de Enciso, de Roderic Colmenares, & d'autres : Mais par la venue & port de Iean de Quizedo, & du mesme Colmenares Valua fut grandement louié, & ce pays siré d'un chacun, tellement qu'il y eut des principaux cheualiers de la Cour, qui demanderent au oy ce Gouvernement, & la conqueste, & n'eust é Iean Roderic de Fonseca Euesque de Buras, President des Indes, le Roy l'eut osté à Pedras, & l'eut donné à vn autre : & est certain qu'il l'eut s entre les mains du mesme Vasco Nugnez de alua, si vn peu deuant Arbolancia fut arriué à la our. Le Roy doncques donna à Pedrarias ceste arge avec vn ample, & suffisant mandement, & tres patentes, & luy feit bailler toutes choses necessaires pour conduire mille soldats que demandoit Valua, & luy commanda de garder estroictement les instructions, qui auoient esté baillées à oveda, & Niquefa, & sur tout entre plusieurs oses, desquelles il le chargea, il luy recommanda

la conuersion, & bon traictement des Indiens, & luy defendit de mener aucun homme, qui se melast de la loy, afin que les proces ne prindrent racine là où il peupleroit, qu'il sommast les Indiens à la paix auant que leur denoncer la guerre, qu'il duntoufours vne bonne partie de ce qu'il voudroit faire à l'Euesque, & aux prestres. Ieā Cabedo Condelier predicateur du Roy, fut enuoyé pour estre Euesque de l'Antique de Darien. Ce fut le premier prelat institué en la terre ferme des Indes. Pedrarias partit de S Lucar de Barrameda le 14. de May, 1512. avec dixsept nauires, dedans lesquels il menoit moins de cinq cens Espagnols, douze cens aux despens du Roy, & trois cens qui y alloient à leurs fraiz. S'il eust eu encor' d'auantage de vaisseaux, il y en fust allé encor' plus de mille, par-ce qu'au bruiet de ce pays de Castille de l'Or, il couroit tant de gés, qu'il n'y auoit pas place pour la moitié. Pour pilotes menoit Iean Vespuce Florentin, & Iean Serrano qui desia auoit esté à Carthagena, & Vraba. Il arriva sans aucune perte de ses vaisseaux à Darien le 21. de Iuin. Valuoit au deuant plus de trois mille avec tous les Espagnols chantans *Te Deum*. Il le logea en sa maison, & luy feit recit de tout ce qu'il auoit fait, de quoy Pedrarias s'esmerueillit grandement, & fut bien aise de trouuer la plus grande du pays pacifiée, pour pouuoir plus facilement peupler, où bien luy sembleroit, & pour plus aisément guerroyer les autres Indiens, ayant bonne volonté de les rencontrer & faire quelques exploicts, qui leur peussent recommander, comme ia auoient fait les guerres de la ville, & Royaume d'Oran, qui est e

barbarie, où il auoit esté. Mais il ne peut si bien faire comme il s'imaginoit. Il commença à peupler à Comagre, Tumanama, & Pocorosa. Il enuoya lean de Ayora avec quatre cens Espagnols à Comagre. Cestuy-cy pour auarice, & conuoitise de tirer d'avantage d'or traicta mal les Indiens de Dom Charles Páquiaco vassal du Roy, & amy des Espagnols, auquel on est obligé pour le descouurement de la mer de Midy, & tourmenta quelques Caciques, & fait autres cruautéz, qui causerent la rebellion des Indies, & la mort de plusieurs Espagnols. Craignant d'estre reprins il s'enfuit avec ses despouilles en vn navire, non sans la coulpe de Pedrarias, qui auoit tousiours dissimulé telles meschancetez. Gonzallo de Badajots s'en alla au Nom de Dieu, avec quatre vingts Espagnols, & de là tira à la mer de Midy avec Louys de Mercado, où il fait ce que nous dirons quãd nous parlerôs de Panama. François Vezera print le quartier du fleuve d'Auaiaua accompagné de cent cinquante soldats, d'où il reuint les mains à la teste, comme on dict en proverbe : Le Capitaine Vallejo s'en alla avec septante Espagnols à Caribana, mais il tourna bride incontinent, ayant perdu quarãte-huict des siens, qui furent tuez par les Caribes archers. Bertelemey Hurtado s'en alla avec bõne compagnie pour peupler à Acla, & demanda pour secours des Indiens à Carera, qui s'estant fait Chrestien, s'appelloit Dom Fernand, & estoit vassal du Roy, par l'industrie de Valuo. Ces Indiens contre droit & raison furent depuis par ledict Bartelemey vendus pour esclaves. Gaspar de Morales mena cent cinquante compa-



gnons à la mer de Midy, comme nous dirons en lieu plus propre, & passa en l'isle de Terareque pour auoir des perles par eschange. Sans ceux que nous auons nommez, Pedrarias en enuoya d'autres pour peupler à sainte Marthe, & en autre quartier. Les affaires du Gouverneur ne succedoient pas trop bien, de quoy Valuo se mocquoit, & encor' ne vouloit approuuer l'autorité grand qu'il se donnoit, par-ce qu'il auoit la charge de la mer de Midy, & en estoit Adelantado. Pedrarias au contraire le desprisoit, abbaissant le plus qu'il pouuoit ces hauts faicts, en fin ils ne peurent se contenir qu'ils ne querellerent ensemble. L'Euesque Cabedo toutesfois les remeit en amitié, & Valuo épousa la fille de Pedrarias. On pensoit que ce deuoit estre vn moyen pour les contenir en ceste amitié par-ce que tous deux le deuoient ainsi desirer, mais vn peu apres ils se desdaignerent l'vn l'autre plus que deuant. Valuo estoit à la mer de Midy, d'où il estoit Adelantado, avec quatre Caruelles qu'il auoit fait faire, pour descouvrir, & cōquerir d'auantage. Pedrarias l'enuoya querir: aussi tost qu'il fut arriué à Darien, on le met prisonnier, on luy fait son proces, il est condamné, & luy coupe-on la teste, avec cinq autres cōpagnōs. Les charges, & informations estoient, selon qu'auoient iuré les tesmoings, qu'ils auoient dict à ces trois cens Espagnols qu'ils se despartissent de l'obeissance du Gouverneur, & qu'ils s'en allassent en lieu où ils viuerōient comme Seigneurs en toute liberté, & si on leur vouloit faire desplaisir, qu'ils se defenderoient. Valuo toutesfois nia tout cela, & en iura le contraire. Aussi la

rité est de son costé: par ce que si telles deposti-  
s eussent esté veritables, il ne se fust pas rédu pri-  
nnier, & moins eust comparu deuant le gouuer-  
ur encor' qu'il eust esté plus que son beau-pere.  
n adioustoit à ses charges la mort de Diego de  
quesa avec ses soixante soldats, l'emprisonnemét  
docteur Enciso, & en outre on luy obiectoît  
il estoit querelleux, tumultueux, cruel, & mau-  
is aux Indîés. Il est certain que, s'il n'y a eu autres  
uses secretes, il fut executé sans raison aucune:  
ila la fin de Vasco Nugnez de Valua, qui a des-  
ouuert la mer de Midy, d'où tant de perles, d'or, &  
argét, & autres richesses sont venues en Espagne,  
ui a esté vn de ceux qui à fait grands seruices à  
on Roy. Il estoit de Xerez de Badajodz, noble, &  
lu de parés honorables, il se fait de son autorité  
riuee chef de faction à Darien. Il alloit de grand  
eur à la guerre, & s'y deuouoit: il fut fort aymé  
es soldats, qui eurent grâd desplaisir à sa mort, & le  
regretterent puis apres non sans en auoir bon be-  
oing. Les vieux soldats abhorroient Pedrarias, qui  
e puis fut reprins de sa charge en Espagne, & priué  
e son gouuernemét: il est bié vray qu'il demandoit  
é estre deschargé, mais c'estoit qu'il se voioit hors  
e faueur. Il peupla la ville du Nom de Dieu, & Pa-  
ama, & ouurit le chemin, qui va d'une ville à l'aut-  
re, c'est à sçauoir d'une mer à l'autre avec grâd pei-  
e, & subtilité par ce q ce n'estoient que môtaignes  
grâdes, & haut rochers, qui estoîent pleins de lyons,  
igres, ours, Leopards, & d'une si grande quâtité de  
inges de diuerfes façós, q par leurs criz, ils rédoiét  
ourds ceux, qui traualloient à trécher le chemin.

Ces meschantes bestes portoient d'en bas des pierres aux haults des arbres, & de là les iettoient contre ceux, qui passoient. Il y en eut vn qui rompit vident à vn arbalestier, mais de hazard il tomba mort avec sa pierre: car comme il iettoit sa pierre l'arbalestrier laschoit aussi son arbaleste. S. Marie del'Antique de Darien fut peuplée par le docteur Encic grand preuost de Hojeda, avec le vœu qu'il feist de bastir, s'il vainquoit Cemaco seigneur de ce fleuve. Elle se depeupla puis apres par ce qu'elle estoit malseine, humide, & si chaulde que iettant de l'eau par la place pour la ballier il s'engédroit des crappauds & si elle estoit sterile en prouisions, subiecte aux tygres, & autres animaux cruels. Les Espagnols, qui y demeuroient deuenoient tous iaulnes. Ceste cour leur aduient bien à tous ceux qui demeurēt en terre ferme, & au Peru, mais non pas si mauuaise que ceux qui demeuroient à Darien. Ce teinct leur peu aduenir pour le grand desir qu'ils ont apres l'or. D'auantage le pays de Darien n'est point commodé pour y semer du grain, à raison des tempestes, & des grands tas d'eaux du ciel, qui y tombent souuent noyans toutes les semences. Le tonnerre y tombe ordinairement, & brusle les maisons, & les habitans. L'Empereur Charles le Quint enuoya pour estre en la place de Pedrarias Lopez de Sosa de Cordube, qui pour lors estoit gouverneur de Canarie. Cestuy mourut arriuant à Darien l'an 1520. on y enuoya apres Pierre de los Rios de Cordube, & Pedrarias s'en alla à Nicaragua. Le docteur Antoine de la Gama y alla pour estre syndic, & depuis fut enuoyé pour gouverneur François de Barrio Nueuo.



cheualier de Sturie, qui auoit esté soldat à Boricquen, & capitaine en l'Isle Espagnole contre le Cacique dom Henry. On y enuoya encor depuis le docteur Bierre Vesquez, & depuis le docteur Robles, qui rendoit iustice en toute equité, laquelle auoit esté rare deuant luy.

*Les fruits, & autres choses, qui sont à*

*Darien. Chap. 67.*

IL y a des arbres fructiers en grãd nombre & fort bons comme Mamays Guauabanos, houos & Guaiabos. Mamay est vn tel arbre, verd comme le noyer, haut & touffu comme le cypres, il a la fueille plus longue que large, le boys est madré, s'õ fruit est rond & gros, il a le goust de presse, sa chair ressemble à celle de pomme de coing, il a trois & quatre noyaux ensemble, & d'auantage, comme les pepins d'vne poyre, qui sont amers au possible. Guauabo est vn arbre gentil, & hault, son fruit est gros comme la teste d'vn homme, qui à la peau marquee en façon d'escailles douces, & lissées, & est tendre, la chair est blanche, & coriastre encores qu'elle se fonde en la bouche comme feroit du caillé, & blãc manger: elle a bon goust, & est bonne à manger, si elle n'auoit point tant de fillets, qui donnent empeschement à macher: elle est froide, & pour ceste cause on la mange quand il faict grand chault. Houuo est vn arbre hault, & frais, aussi son ombre est fort plaisante pour s'y reposer. Les Indiens couchent à son ombrage, & les Espagnols aussi. Des bourgeoís on faict de l'eau odoriferante pour lauer les iambes & pour seruir de fard: on en faict aussi de l'escorce, qui est propre pour reserrer les porres, la

chair , & la peau: on en fait des bains pour cest effect. Elle sert bien à ceux qui sont lassez d'aller à pied: car en enfrottant les iambes, elle oste ceste lassitude. Si on coupe la racine de cest arbre il en sort de l'eau, qui est singuliere à boire. Son fruit est iaulne, petit, & à le noyau gros comme vne prune: mais a bien peu de chair à l'entour, il est sain , & de facile digestion, mais fascheux aux dents pour les flets qu'il y a. Guayabos est vn arbre plus bas que les autres, qui rend vne bonne ombre, & porte vn bon bois, il ne dure pas longuement, il a sa fueille comme celle de laurier, mais plus espaisse , & plus large, sa fleur ressemble à celle de l'orengier, ou citronnier, & sent plus doux que celle de l'assemmin. Il y a plusieurs sortes de Guayabos. & autant de diuersité de fruits. Son fruit est coustumierement comme vne passe pomme d'Espagne, les vns sont ronds, les autres non, mais tous sont verds, ils ont par dehors petites coronnes, comme les nestes, dedans ils sont blancs, ou rougeastres, ayās quatre quartiers, comme les noix, & en chascun quartier y a plusieurs grains. Quand le fruit est meur il est fort bõ, mais estant verd il est fort aspre, il estrainct comme les cormes. S'il est trop meur, il pert sa couleur, & saueur, & sy engendre force vers. Il y a aussi en ce pays des palmes de neuf ou dix sortes, la plus part d'iceux rend vn fruit gros comme œufs, mais le noyau est gros, ce fruit est aspre au manger, mais au lieu ils en font du vin, qui est passable. Les Indiens font leurs piques, & fleches de palme, par ce que le bois en est si fort que sans le parer aucunement ny y mettre vn caillou esguisé au feu comme

ils ont accoustumé, il entre aisément où on veut. Il y a des palmiers, desquels le tronc ressemble à la teste d'un ongnon, estant plus gros au milieu qu'en haut, le bois en est fort tendre, & pour ceste cause le pyuerd y faict plustost son nid, le creusant avec son bec. Cest oyseau est comme vne griue rayé ayât vne raye verde de trauers, & vne autre noire tirant yn peu sur le iaulne, il a le col rouge, & quelques plumes de la queuë. Les Espagnols l'appellent Carpintero, c'est à dire charpentier. Il n'est gueres different du pyuerd, duquel parle Pline, qui creuse & fait son nid au tronc des arbres, & qui voyant le trou de son nid bouché apporte vne certaine herbe, qui par sa vertu & propriété occulte le destoupe: autres disent que c'est le pyuerd mesme, qui a ceste vertu. Il y a aussi grande quantité de perroquets de plusieurs sortes, de grâs, de petits, de verds, de bleuz, de noirs, de rouges, & de meslez: ils sont beaux à veoir, & causent assez: ils sont bôs à manger: il y a encor' des coqs tât priuez que sauuages, ils ont les crestes longues, & se changent en diuerses couleurs. Il y a des chausnesouris aussi grosses que cailles, qui mordēt asprement sur la nuit: elles tuent les coqs, si elles les mordent à la creste: & encor' dit-on que l'homme mourroit, qui en seroit mordu: le remede est de lauer la playe avec eau de mer, ou y mettre le feu. Il y a grâde quantité de punaises, qui portent des ailles des lesardes d'eau, autrement appelez cocodrilles, q̄ mâtēt les personnes, les chiës, & toute autre chose viuante. Il y a des porcs, q̄ n'ôt poit de queuës, des chats qui ont la queuë grosse, & des animaux, qui enseignent à leurs petits à courir, des vaches, qui ressemblēt



en quelque chose à des mules n'ayants point l'ongle fendu, & ayans de grâdes oreilles, & ainsi qu'on dict, elles ont vn long muse comme l'elefant, elles sont grizastres, & ont la chair bonne. Il y a des leopards, & tygres, qui sont animaux cruels si on les irrite, car autrement ils sont paoureux, & pesants à courir. Les lions n'y sont point si mauvais comme on les depeint: plusieurs Espagnols les ont attenduz, & les ont tuez sur le champ, voire vn homme seul en à defait vn, & les Indiens en auoient sur leurs portes les testes, & les peaux, pour monstrier leur vaillantise, & courage.

*Les coustumes de ceux de Darien. Chap. 68.*

**L**es Indiens de Darien, & de toute la coste du Golfe de Vraha, & Nom de Dieu sont de couleur entre iaune & tanné, encor' qu'ils s'en soyent trouuez, comme nous auons dict, en Careca d'aussi noires que les habitans de Guinee. Ils sont de bonne stature, ils ont peu de barbe, & de poil hors la teste & les sourcils, spécialement les femmes. On dit qu'ils l'arrachent où les font mourir avec vne certaine herbe, & vne poudre d'animaux petis comme formiz. Ils vont tous nuds, pour le moins ils ne portent iamais rien en la teste, ils enferment leur membre d'as vne grâde coquille de lymaçõ, ou ded'as vne câne: aucuns pour brauade f'ont ceste câne d'or, & laissent pèdre les tesmoins par dessous. Les seigneurs se couurent de m'ateaux de cotton blanc, où de couleur, à la façõ des Bohemiens. Les f'emes se cachent de la ceinture iusques au genouil, & si elles s'ont nobles, elles se couurent iusq's au bas des pieds, & portent pèdus à leurs m'amelles des filets, & carc'as d'or pesans

aucunes fois deux cens Castillás bien ouurez, & reueuez de fleurs, poissons, herbes, & autres choses, & encor' elles ont des pendans à leurs oreilles, & des anneaux en leurs nez, & à leurs leures. Les Seigneurs se mariét avec autant de femmes qu'ils veulét, & les autres avec vne, ou deux, toutes femmes leur sont permises pour espouser, excepté la seur, la mere, & la fille: ils ne veulent point aussi espouser des estrangeres, encor' moins leurs inferieures. Ils laissent, & chāgent, & mesme vendent leurs femmes si elles ne peuuent cōcevoir: ils s'en abstienēt quād elles ont leurs mois, & quād elles sont grosses: les maris sont jaloux, & les fēmes bōnes cōmeres. Ils ont des bordeaux publics de fēmes, & mesme d'hōmes en plusieurs lieux, qui se vestēt, & seruēt cōmes les femmes sans auoir aucune hôte, & se meslāt de ce mestier ils s'excusēt, s'ils veulēt, d'aller à la guerre. Les filles qui sont folie de leurs corps, & en deuiennēt grosses, se deschargēt de leur fardeau avec vne herbe qu'elles māgent sans autre chastiemēt, & sans hôte aucune. Ces Indies changēt de lieu cōme les Arabes de Barbarie. Ceste mutation si frequente est cause de ce qu'ils sont si peu. Les Seigneurs vestus de leurs manteaux sont portez sur les espaules de leurs esclaves cōme en vne liētiere: ils sont fort reueuez, & si traitent mal leurs subiets: ils font la guerre à tort & à droit, pour accroistre leur seigneurie. Auant q' cōmēcer la guerre ils en demādent l'aduis aux prestres apres qu'ils sont bien eniurez, & parfument d'une certaine herbe. Les femmes vont souuent avec leurs maris à la guerre, & s'y employent à tirer de l'arc aussi bien qu'eux encor' qu'elles y aillent plu-

tost pour les seruir, & pour plaisir que pour autre chose. Tous se peignent quand ils vont à la guerre, les vns de noir, les autres de rouge: les esclaves sont peints depuis la bouche en haut, & les autres se peignent au contraire depuis la bouche en bas. Si en cheminant ils se lassent, ils se piquent aux talons avec vne lancette de pierre; où d'une canne bien pointue, où de dents de serpens, où bien se lauent d'eau faite de l'escorce de l'arbre nommé Houo. Les armes desquelles ils vsent, sont arcs, fleches, piques longues de vingt palmes, dards faits de canne, garnies au lieu de fer de quelque pointe d'un bois fort dur, où d'un os de quelque beste, où d'une espine de poisson. Ils ont en outre des masses, & boucliers, ils n'ont que faire de testiere, ou cabasset: parce qu'ils ont le test si fort, que l'espee rompt si on leur donne dessus du tranchant: ils portent au lieu pour braueté de grands pennaches. Ils ont des tabourins pour soner l'alarme, & faire marcher leurs gens en ordre, & de certaines grandes coquilles de lymaçons, desquelles ils sonnent au lieu de trompettes. Celuy qui est blecé en la guerre est reputé noble, & ioüist de belles franchises. Ils n'ont point d'espies entre eux pour descouvrir les entreprinſes des vns des autres, à cause qu'on les tourmente cruellement si d'auenture on en prend. Celuy qui est prins en guerre est marqué au visage, & luy arrache-on vne dent de deuant. Ces Indiens sont fort enclins au ieu, & au larrecin, & aiment le bon tēps. Aucuns s'emploient à negocier, allans deçà delà aux foires pour eschanger des marchandises à d'autres, car ils n'ont point de monnoye: ils vendent les



emmes & les enfans. Tous ceux qui demeurent sur les riuieres, où sur la mer, ne font que pêcher sur les reys: parce qu'ils vivent par ce moyen sans grand travail, & ont abondance de viures. Ils nagent souverainement bien, tant les hommes que les femmes. Ils ont accoustumé de se laver deux ou trois fois le iour, spécialement les femmes, qui fréquentent l'eau, autrement elles pueroient, comme elles ne s'en confessent. Les dances lesquelles ils usent sont Areytos, & leur ieu est la plotte. Leur religion dépend de leurs prestres, qui sont aussi leurs medecins, qui est cause qu'ils sont fort estimez, & aussi de ce qu'ils parlent au diable. Ils croient qu'il y a vn Dieu au ciel, c'est à sçauoir le Soleil, & que la Lune est sa femme, & suyuant ceste resuerie ils adorent ces deux planetes. Ils craignent le diable, & l'adorent, & le peignent comme il s'apparoist à eux. Pour cette cause on le voit peint en diuerses figures. Ce que les offrent à leurs dieux est pain, parfum, fruit, & fleurs, ce qu'ils font en grande deuotion. Le plus grand delict qui soit entr'eux est le larrecin, & est permis à vn chacun de chastier le larron qui desrobe du maiz, luy couppât les bras, & les luy attachât au col: ils terminent leurs proces en trois iours, & executent leur iustice promptement. Ils enterrent generalement les morts en aucunes villes: toutefois comme à Comagre, ils dessèchent les corps de leurs Rois & seigneurs au feu petit à petit, iusques à ce que la chair soit toute consommee, & puis les roffent. Voila leur façon d'embaumer: ils disent que par ce moyen les corps se gardent longuement. Pres qu'ils les ont ainsi accoustrez, ils les parent

de leurs plus beaux vestemens d'or, de pierreries & plumes, & les mettent aux oratoires de leurs palais appuyez contre la muraille. Il y a auiourd'huy en ce pays bien peu d'Indiens, & ce qui est resté s'est fait Chrestien. On impute la cause de leur mort aux gouuerneurs & à la cruauté des soldats & capitaines, & de ceux qu'on y auoit enuoyez pour peupler.

*Zenu. Chap. 69.*

**C**E qui s'appelle Zenu est vn fleue, vne ville, & vn port ample, spacieux, & seur. La ville est loing de la mer 30. mil: il se fait en icelle grande trafique de sel & de poisson, & y voit-on de beaux ourages d'or & d'argent, estans ces Indiens bons orfeures: ils ouurent encore en bois, & puis le dorent par le moyen d'une certaine herbe: ils recueillent de l'or ou ils veulent, & quand il pleut beaucoup ils tendent des reths deliez en ceste riuere, & en d'autres, & quelquefois ils enleueront des grains d'or pur & fin aussi gros qu'œufs. Roderic de Bastidas comme i'ay desia dit a descouuert ceste province l'an 1502. Deux ans apres Iean de la Cosa entra, & l'an 1509. le docteur Enciso y alla cherchant Alphonse de Hojeda. Il meit ses gens en terre, tant pour faire quelques eschanges avec les habitans, que pour recognoistre leur langage, & emporter de là quelque monstre de la richesse du pays. Aussi il se presenta grand nombre d'Indiens armez avec deux capitaines, faisans contenance de vouloir combattre, mais le docteur Enciso leur feit signe de paix, & par le moyen d'un truchement que François Pizarre auoit amené d'Yraba, leur feit remon-  
strer

trer comme luy, & ses compagnons estoient Chre-  
tiens Espagnols, gens pacifiques, comme ils auoient  
longuement flotté sur la mer, & qu'ils auoient di-  
ette de viures & d'or, que pour ceste cause il les  
prioit qu'ils luy en feissent part par eschange d'au-  
res choses de grans pris qu'ils n'auoient point en-  
core veuz. Ils respondirent qu'il pouuoit bien estre  
qu'ils estoient gens de paix, mais qu'ils n'en auoient  
point la mine, qu'ils se retirassent incontinent de  
leur pays, par ce qu'ils ne pouuoient endurer d'e-  
stre moquez d'aucun, & moins supporter les prie-  
res & requestes, que les estrangers ont accoustumé  
de faire avec leurs armes en pays estrange. Enciso  
repliqua de rechef qu'il ne s'en pouuoit aller si luy  
mesme ne parloit à eux. Ce que luy estant accordé,  
il leur feist vn long narré, qui en somme ne tendoit  
qu'à leur conuersion, & à l'exaltation de nostre foy,  
& pour les faire receuoir le baptesme, leur donnant  
cognoissance, comme il n'y auoit qu'un Dieu seul  
createur du ciel & de la terre, & des hommes: en fin  
il leur recita comme le Pape vicaire de Iesus Christ  
en tout le monde, à qui estoient absoluëment re-  
commandez les ames, & la religion, auoient donné  
ces pays à vn puissant Roy d'Espagne son seigneur,  
& qu'il en estoit venu prendre possession, qu'il ne  
les chasseroit point toutesfois de là s'ils vouloient  
se faire Chresttiens, & vassaux d'un Prince si puissant,  
en payant seulement quelque tribut d'or tous les  
ans: ils feirent responce en riant, qu'ils trouuoient  
bon ce qu'il auoit dit touchant vn seul Dieu, mais  
toutesfois qu'ils ne vouloient point laisser leur re-  
ligion, ny en disputer, que le Pape denoit estre



moult liberal de ce qui appartenoit à autrui, ou que c'estoit vne personne rioteuse qui ne demandoit que dissention, puis qu'il donnoit ce qui n'estoit pas sien, & que leur Roy estoit quelque pauvre homme puis qu'il demandoit: & quant à eux qu'ils estoient bien hardis, puis qu'ils menaçoient ceux qu'ils ne cognoissoient point, & que fils s'approchoient pour enuahir leur pays, qu'ils mettroient leurs testes à vn bois à la semblance de plusieurs autres leurs ennemis, qu'ils monstroient avec le doigt pres leur ville. Enciso les requist encor' vne & plusieurs fois, qu'ils voulussent le recevoir avec les conditions susdites, & en ce cas leur promettoit de ne les tuer, ny de les faire prisonniers, ny les rendre esclaves pour les vendre. Pour abbreger, ils vinrent aux mains: il y eut deux Espagnols tuez de leurs fleches enuenimees, & grand nombre d'Indiens tuez: la ville fut saccagee, & beaucoup de prisonniers: ils trouuerent par les maisons force panniens & corbeilles faites de palmiers, plaines de grain, des limaçons sans coquilles, des cicades, des grillons, des langoustes seches & salees, pour les porter par les marchans aux foires pour eschanger à autre chose, & apporter de l'or, amener des esclaves & autres choses desquelles ils ont necessité.

*Carthagena. Chap. 70.*

**I**ean de la Cosa, voisin de Sainte Marie de Port, Pilote de Roderic de Bastidas, en l'an mil cinq cens quatre, equippa quatre carauelles, avec l'aide de Iean de Ledesme de Seuille & d'autres, ayant premierement impetré permission du Roy Catholique, luy donnant à entendre qu'il viendrait

bout des Caribes. S'estât ietté en mer il vint abor-  
ler à Carthagena, où, comme ie croy, il trouua le  
Capitaine Loys Guerra. Eux deux ioints ensemble  
eurent la guerre aux Indiens Caribes, & leur feirent  
tout le mal qu'ils peurét. Ils assaillirent l'Isle de Co-  
logo, qui est vis à vis du port, & prindrent six cens  
personnes, ils coururent la coste, pensans trouuer  
de l'or, & puis entrerent au goulfe d'Vraba, où Iean  
de la Cosa trouua de l'or en vn certain lieu sablon-  
neux: ce fut le premier or, qui ait esté présenté au  
Roy de ce pays. Ils auoient leurs vaisseaux rem-  
plis de ces habitans, ils tournerent la prouë, & s'en  
retournerent à Sainct Dominique, par-ce qu'ils ne  
trouuoient que changer, & encor' moins à man-  
ger. Alphonse d'Hojeda fut en ce pays par deux fois,  
la derniere ils luy tuerent septante Espagnols,  
Pierre d'Heredia natif de Madril l'an 1532. passa à  
Carthagena en estât fait Gouverneur, & mena avec  
luy cent soldats, & quarante cheuaux en trois Ca-  
uelles estant bien garny d'artillerie, &ourny de  
vivres, & autres munitions. Il despeupla, defeat, &  
tua ces Caribes, & ne perdit que deux Espagnols.  
Durât son gouuernemēt il eut des enuieux, qui luy  
feirent à sus quelques choses, pour lesquelles luy,  
son frere furent menez prisonniers en Espagne,  
y furent quelques annees suyuant en grād' peine, &  
auail le conseil des Indes à Valladolid, Madril, &  
Oranda de Duero. Les premiers, qui descoururent  
cette Prouince luy imposerēt ce nom, par ce qu'elle  
a vne isle à l'entree du port comme a la ville de  
Carthage, qui est en Espagne. Ceste isle s'appelle  
Codelogo, elle a en lōgueur six mil, & é largeur deux:

elle estoit peuplee de pescheurs , au temps que les Capitaines Christofle , & Louys Guerra , & Iean de la Cosa l'assaillirent. Les homes, & femmes de ceste prouince sont plus dispos, & allegres, & mieux formez, que ceux qui habitent les isles . Ils vont aussi nuds qu'ils sont sortis du ventre de leur mere : Les fêmes toutesfois se couvrét leur nature d'un drap. peau de cotton. Elles portét leurs cheveux longs, & ont des pendás à leurs oreilles, & portét des aneaux au poulse , & à l'orteil , & se percent le nez , où ils mettent à trauers vne petite verge d'or: dessus leurs mamelles elles mettent certaine placque d'or. Les homes se coupét les cheveux au dessus des oreilles: il ne leur viét point de poil au méton , encor' qu'en aucuns lieux on voye homes barbus . Ils sont vaillans & belliqueux : ils s'aydent dextrement de l'arc, ils tirent tousiours contre leur ennemy de fleches veneneuses, & aussi quád ils sont à la chasse. La femme combat aussi bien que l'home. Le docteur Enciso en print vne, qui n'estoit aagée que de vingt ans, & auoit tué vingt huit Chrestiens. En Cimitao les femmes vont à la guerre avec le fuseau , & la quenaille. Ils mágét leurs ennemis qu'ils tuét, & encor y en a, qui acheptent des esclaves pour les manger. Ils enterrent avec les corps force or, plumes, & autres choses de grand pris. Il s'est trouué du temps du Gouverneur Pierre d'Heredia vn sepulchre dedans lequel y auoit vingt cinq mille pesans d'or. Il y a en ce pays grande quantité de bronze , il n'y a pas tant d'or, & celuy qui y est , est apporté des autres pays par eschange d'autres choses . Tous les Indiens, qui sont aujourd'huy, sôt Chrestiés, & ont vn Euesque.



*sainte Marthe.**Chap. 71.*

**R**Oderic de Bastidas descourit Sainte Marthe, & en fut Gouverneur: Il y alla l'an 1524. Il la peupla, & conquesta quasi toute avec la perte de sa vie, pour telle occasion: Les soldats s'irriterent contre luy à Taibo, ville riche, de ce qu'il ne leur vouloit permettre de la saccager, & emporter le butin: murmurans contre luy, & se mal-contentans, comme s'il eust voulu plus de bié aux Indiens, qu'à eux. Sur-cela, Pierre de Ville-forte, natif d'Ecija, lequel Bastidas s'efforçoit d'aduancer, & l'honoroit tant que de luy descourir ses secrets, & l'asseurer sur luy de tout son bien: deuint tellement ambitieux, qu'il s'imaginoit, que Bastidas estant mort, il demeureroit Gouverneur, puis que ja il auoit entre les mains les affaires, tant de la guerre, que de iustice: puis les gouttes, & autres maux, qui enuironnoient la personne de Bastidas, l'asseuroient d'auantage en son entreprise. Suiuant telles meschantes pensees, & trahisons si detestables, il tente quelques soldats, & les trouuant prests à suiure sa volonté, il propose de tuer Bastidas. Il dresse sa coniuration avec cinquante Espagnols, entre lesquels les principaux estoient Montefinois de Lebrixa, Montaluo de Guadalajara, & vn nommé Porras. Vne nuit il s'en alla avec iceux en la maison du Gouverneur, & luy donna cinq coups de poignart, en son lit comme il dormoit, desquels coups il mourut sur le champ. Depuis les Adelantades Dom Pierre de Lugo, & son fils Alphonse furent Gouverneurs, & sy porterent, non sans estre notez de grande auarice. Alphonse de Hojeda beaucoup deuant

qu'il allast à Vraba, pacifia le Cacique Iaharo, lequel auoit esté pillé par Christofle Guerra, qui depuis fut tué par les Indiens. Comme Pedrarias d'Anila s'en alloit à son Gouuernemēt de Darien il voulut prendre ce port de sainte Marthe, & se saisir de la ville. Et pour cest effect il feit approcher ses nauires de terre pour asséurer ses gens, qui dedans les barques failloient en terre. Il accourut aussi tost grand nombre d'Indiens sur la greue avec leurs armes pour defendre leur pays, par-ce qu'ils estoient ja animez cōtre tels vaisseaux, ou biē, par-ce qu'ils estoient affriandez au goust de la chair des Chrestiens. Ils commencerent à desbander leurs arcs, ietter pierres, & lancer leurs dards cōtre les nauires, & s'enflamberent si fort en ceste meslee, qu'ils se ietroient dedans l'eau iusques à la ceinture, poursuivās les nostres, & plusieurs en nageant deschargeoient leurs trousses à force de tirer, tant estoit grand leur courage. Les nostres mettoient toute peine pour se sauuer de ces fleches enuenimees, & ne sceurent si bien faire, qu'il n'y en eut deux blecez, qui depuis en moururent. Ils tirerent l'artillerie cōtre ces Indiens, qui en eurent plus grand peur, qu'ils n'en receurēt dommage: ils pesoient que de ces vaisseaux sortisēt des tonnerres, & esclairs semblables à ceux que nous oyōs en l'air par-my les nuēs. La vaillārise de ces Indiens estoit si grande, que Pedrarias ne sçauoit que faire, & tint cōseil pour sçauoir s'il estoit bō sortir en terre, ou se retirer en la mer: il y eut diuerses opinions: en fin, la honte honneste eut plus de pouuoir, que la sage peur. Ils sortirent donc tous en terre, & chasserent tous les Indiens de la marine, & aussi tost

gaignerent la ville, d'où ils enleuerent force bien,  
or, & des enfans, & des femmes. Aupres de Saint-  
te Marthe est Gayra, où il fut tué à Roderic de  
Colmenares cinquâte cinq Espasgnols. Il y a à Saint-  
te Marthe grâde quâtité d'or, & de bronze, que les  
indiens dorent avec le ius d'une herbe, duquel ils  
se frottent, & puis leschêt au feu, & tant plus qu'ils  
se frottent, tant plus prent il de couleur, & deuîet si  
beau, que beaucoup d'Espagnols en ont esté au  
commencement trompez. On y trouue aussi de  
l'ambre, du iaspe, des Calcidoines, des saphirs, des  
esméraudes, & des perles : La terre est fertile, &  
est aqueuse: Le maiz, la yuca, les battatas, & axies, y  
multiplient à foison. La yuca, qui est és Isles de Cu-  
ba, Hayti, & autres, est mortelle estât cruë, & en ce  
pays elle est saine: Ils la mangêt cruë, rostie, bouil-  
lie en pots, & en quelle façon qu'on la voudra ac-  
coustrer, elle est de bon goust: On la plante, & ne se  
sème point: pour la planter, on faiêt certains mon-  
ceaux de terre assez grâds, & puis on les trêche cō-  
me si on vouloit plâter de la vigne, en chascū mon-  
ceau on fiche vn brin de ceste herbe, iusq's à la moi-  
tié. Ce plâtaz estât prins tout ce que la terre couure,  
deuîet cōme les raues de Galice, il croist comme vn  
stade, ou peu mois: la cāne est massiue grosse & nou-  
ueuse, elle tire sur la couleur cédree, la fucille est ver-  
de, & ressemble à celle de chanure: il y a de la peine  
à la semer, & à la nettoyer: mais aussi elle est seure,  
att'êdu que le fruiêt cōsiste en la racine. Elle met vn  
an à venir à maturité, si on la laisse deux ans en ter-  
re elle est meilleure. Les axies, & battatas sont quasi  
vne mesme chose au goust, encor' q' les battatas sē-



blent plus douces, & delicates. On plante les battas comme la yuca, mais elles ne croissent pas ainſi, parce que la tige ne ſort pas plus haut de terre, que la couleuree, & iette ſes fueilles ſemblables au lierre. Il les faut attendre ſix mois pour les auoir bonnes, elles ont le gouſt de chaſtaignes accouſtrees avec du ſucre, ou bien de machepain. Le meſtier à quoy ceux de ce pays ſ'employent le plus, eſt à peſcher avec les rets, & de teiſtre de la toille de cotton, ſur laquelle ils agencent des plumes fort proprement à l'occaſion de ces deux meſtiers, il ſe faiſoit de grandes foires: Ils ſ'eſtudient d'auoir leurs maiſous bien en ordre, & bien parees de nattes faiçtes de ioncs, ou de palmes teinçtes, ou peintes: Ils ont auſſi des tapifferies de cotton releuees d'or, & de petites perles, de quoy ſ'eſmerueilloiēt fort les Eſpagnols. Ils pendēt au haut de leurs liçts des coquilles de limaçons marins, pour les ſonner ſ'ils ont beſoyn de quelque choſe. Ces coquilles ſont de pluſieurs façons, & belles à veoir, elles ſont grandes, & plus reluifantes, & fines que la nacre de perles. Les habitans de ce pays ſont tous nuds, ils cachent ſeulement leur membre dedans vne petite gourde: ou bien portoient de petis chiens faiçts d'or, dedans leſquels ils l'enferroient, & les femmes ſe ceingnēt certains panneaux. Les Dames portent en leurs teſtes des diademes hauts, faiçts de plumes, qui pendēt ſur les eſpaules, & iuſques au meillieu du corps Il les faiçt beau veoir avec ceſt accouſtrement, & ſemblent plus grandes qu'elles ne ſont, auſſi ſont elles belles, & bien diſpoſes. Les Indiennes en general ne ſont pas plus petites que nos femmes, mais

les le semblent, par ce qu'elles ne portent point  
des mules hautes, comme la paulme de la main, cō-  
me font les nostres, encor' moins des soulliers ou  
carpins. Il y a de l'esprit, & de l'art à faire leur dia-  
demes: les plumes sont de tant de couleurs, & si vi-  
ves, qu'ils esblouissent la veuë. Il y a beaucoup  
d'hommes, qui vestent des camisoles estroictes, &  
courtes, ayans les manches courtes. Ils ceignent par  
dessus des mantilles plissées, qui traînent iusques à  
leurs talons, & liêt sur leur poitrine de petits oreil-  
lons. Ils sont grands sodomites, & si sont gorre de ce  
vice, par-ce qu'aux colliers qu'ils portent à leurs  
cols, comme nous faisons des chaisnes, ils y figurent  
un bossé le Dieu Priapus, & deux hommes l'un sur  
l'autre: il y a telle piece, où ils font ces belles figures,  
qui poise trente Castillans d'or. En Zamba que les  
indiens appellent autrement, Nao: & en Gayra, les  
sodomites laissent venir leurs cheveux, & se cou-  
vrent les parties honteuses comme les femmes, &  
les autres portent leurs cheveux faict en corone, &  
pour ceste cause on les appelle coronnez. Les filles  
qui gardent virginité, frequentent fort la guerre  
avec l'arc, & les flesches: elles vont seules à la chasse,  
& peuuent sans craincte d'aucune peine, tuer celuy  
qui la voudroit requerir de son honneur. Ils pre-  
noient les enfans de leurs ennemis; par-ce qu'ils  
estoyent plus tendres à manger. Ceux de ce pays  
sont Caribes: ils mangent chair fraîche & sale: ils  
attachent aux portes de leurs maisons les testes de  
ceux, qu'ils sacrifient & tuent, & en portent les dets  
pendues au col, pour plus grande brauade: aussi à la  
verité, ils sont gens belliqueux au possible, & cruels

de mesme: Au lieu de fer, ils mettent à leurs fleches vn os d'vn poisson nommé Raggia, qui de nature est plein de meschant venin, & l'oingne avec du ius de pommes veneneuses, & avec vne autre herbe mixtionnee parmy d'autres drogues. Ces pommes sont de la grosseur, & de la couleur de coings, si vn homme, ou vn chien, ou quelque beste que ce soit, en mange, il deuient tout en vers, lesquelles croissent, & s'engendrent en son corps en peu de temps, & rongent toutes les parties interieures sans aucun remede. L'arbre qui les produit est assez hault, & fort commun, son ombre est si pestilentielle, qu'aussi tost elle engendre vne douleur de teste à celuy qui se met dessus, & si luy repose quelque temps, la veüe luy vient trouble, & si luy dort il perd la clarté. Les Espagnols, qui estoient blecez de telles fleches, mouroient, & encor'enrageoient auant que mourir, n'y pouuans trouuer remede aucun: aucuns toutesfois guarissoient, applicans sur la playe le feu, & de l'eauë de mer. Les Indiens ont vne autre herbe, de la racine d'icelle ils expriment le ius, duquel ils se seruent contre ceste meschante drogue, & contre ces pommes, faisans par le moyen d'iceluy reueuir la veüe, & garir tout le mal, qui aduient aux yeux: Ceste herbe cy est en Carthagena. On dit que c'est l'herbe nommee Hyperbató, avec laquelle Alexandre le grand guarit Ptolemee, & n'y a pas long temps qu'elle est cogneuë en Catalongne, par l'industrie d'vn esclauë mor, & l'appellent Escorze noire.

*Comme on descouurit les esmeraudes*  
*Chap. 72.*



Our aller à la nouuelle Granade, il faut entrer par le fleuve qu'on appelle Grand, bien auantques à quarante mil de S. Marthe. Or comme le Docteur Gonzale Ximenez estoit Lieutenant de Adelantado dom Pierre de Lugo, Gouverneur de ceste prouince, il s'en alla par ce fleuve tyrant contemont pour descouurir pays, & pour conquerir une ville qu'il nomma S. Gregoire, où on luy donna quelques esmeraudes, il demanda d'où ils les avoient, & ayant entendu quelques enseignes où on s'en trouuoit, il monta encor plus auant par ceste riuere, & estant à la vallee des Alcazares, il trouua un Roy Bogota, homme d'esprit, qui pour chasser de son Royaume les Espagnols les voyant auares, & insatiables, donna au Docteur Ximenez plusieurs ouvrages d'or, & luy dict que les esmeraudes, qu'il venoit chercher, estoient au pays de Tunia. Ce Roy Bogota auoit quatre cens femmes, & vn chascun de ses subiects en pouuoit auoir autāt qu'il vouloit, pourueu qu'elles ne fussent point parentes, toutes ces femmes s'accordoient bien, nul n'estoit pas peu de chose. Bogata estoit fort reueré, il faillloit, quand on parloit à luy, tourner les espaules de peur de le heurter en la face, & quand il crachoit les principaux de sa court, qui estoient à l'entour de luy, se iettoient en genoulx pour recueillir sa saluie en vne touaille de cotton blanche, à fin qu'elle ne cheust point en terre, qui est vne ceremonie de grand Prince. Ces Indiens sont plus affectiōnez à la paix qu'à la guerre, encor qu'en cet tēps là, ils eussent souuēt la guerre avec les Pāces. Ils n'vsent point de ceste herbe veneneuse, de laquelle les Caribes frottēt leurs fleches,

& si ne sont gueres bien garniz d'armes. Deuant que commencer la guerre ils font des expiation grandes, & demandent à leur Idoles & Dieux reponce du succez, qui en aduiendra. Ils drescent leur armee en plusieurs bataillons pour combattre plusieurs d'une fois. Ils gardent les testes de ceux qu'ils font prisonniers: ils sont grand idolatres, & drescent leur idolatrie dans les bois, ils adorent le Soleil. Sur toutes autres choses, ils sacrifient des oyseaux, ils bruslent des esmeraudes, & parfument leurs idoles d'herbes. Ils ont des oracles, ausquels il demandent cōseil pour les guerres, pour les maladies, mariages & autres choses semblables. Ceux qui ont la charge de demāder ce conseil s'appliquent sur les iointures de leurs corps, des herbes qu'ils appellent Ioba & Osca, & en font aussi de la fumee qu'ils reçoivent par le nez, & la bouche. Tous ieusnent deux mois l'an, comme on fait par deçà en Careisme, & durant ceste diete, ils ne leur est permis de s'accoster d'aucune femme, ne manger du sel. Ils ont certaines maisons, comme monasteres, où on enferme par quelques annees les ieunes garçons, & les petites filles. Ils chastient seuerement les offenses publiques, comme le larcin, l'assassinat, & la sodomie: ils coupent les oreilles, le nez aux malfaiteurs, & le pendient: aux nobles on coupe les cheveux pour chastiment, ou on leur rompt les manches de leurs chemises: ils vestent par dessus leurs chemises des robes peinctes qu'ils ceignent. Les femmes portent sur leurs testes des couronnes de fleurs, & les Gentils-hommes des coiffes faictes en façon de rets: ils portent aux oreilles des pendans, & autres

yaux en plusieurs endroits du corps, & faut que  
ous demeurent en ces maisons faites en monaste-  
es, deuant que d'estre mariez: les freres & nepueux  
ont heritiers, & non les enfans: on enterre les Rois  
& principaux du pays en sepultures toutes enri-  
chies d'or. Le Docteur Ximenez estant parti de Bo-  
tota, passa par le pays de Conzota, qu'il nomma la  
vallee du Saint Esprit, & s'en alla à Turmeque, que  
l'appella la vallee de Trompette. De là il tira à vne  
autre vallee surnommee de Saint Iean, & en leur  
langage Cenusucia, où il parla avec le sei-  
gneur Sodomondo, à qui est la mine des esmeraui-  
des, qui n'estoit qu'à vingt & vn mil: il sy en alla, &  
en tira vn bon nombre. Le mont où est la mine de  
ces esmeraudes est haut, raz & pelé, sans auoir au-  
cune herbe, ou arbusste, & est à cinq degrez de l'E-  
quinoxial, en comptant vers nous. Quand les In-  
diens en veulent tirer, ils font premierement force  
enchantemens, pour sçauoir où est la meilleure vei-  
ne. Les Espagnols meirent tout en vn monceau les  
esmeraudes qu'ils auoient tirees, pour en oster le  
quint qui appartenoit au Roy, & pour les departir:  
il sy en trouua mille huit cens, tant grandes que pe-  
tites, sans celles qui furent cachees & celes. Ce fut  
vne richesse nompareille & admirable, & ne veid  
on iamais tant de pierres fines ensemble. On en a  
trouué beaucoup d'autres depuis en ce pays: mais  
ce fut là le commencement, l'honneur duquel ap-  
partient au Docteur Ximenez. Les Espagnols ont  
remarqué comme en ceste montagne y a vne gran-  
de benediction de Dieu d'y auoir entassé telle ri-  
chesse, & comme le pays au reste est si sterile que les



habitans sont contraincts nourrir des fourmis pour leur mâger, estâs si simples, & idiots, de n'aller vers leurs voisins querir du pain en eschange de leurs pierres si precieuses. Ximenez encor' en son voyage qui fut faict en peu de temps, eut trois cens mill ducats d'or, & si gaigna l'amitié de plusieurs Seigneurs, qui s'offrirent d'estre subiects, & vassaux de l'Empereur, & luy faire service. Les coustumes, la religion, les habits, & armes de ceste province qu'on appelle auourd'huy la nouvelle Granade, sont pareilles à celles de Bogota, encor' qu'il y ay quelque peu de difference. Les Pances ennemis de Bogota, vsent de grands pauois legiers, & tirent de l'arc, & enuient leurs flesches comme les Caribes: ils mangent tous les hommes qu'ils prennent prisonniers apres les auoir sacrifiez pour vengeance. Depuis qu'ils ont commencé la guerre, ils ne veulent iamais ouyr parler de la paix, ny d'aucun accord, & pensent que cela leur importe, & les deshonore. Les femmes au lieu interuenient pour ceste affaire: ils portent leurs Idoles à la guerre par deuotion, ou pour donner courage aux combatâs. Quand les Espagnols leur ostoiēt ces Idoles, ils pensoient au comencement que ce fust par deuotion, mais ils ne les prenoient que pour ce qu'ils estoient d'or, & pour les rompre. Ces habitans enterrent les morts avec grande quantité d'or en ouurages, aussi y a on trouué des sepulchres fort riches. Le dot que apportent les femmes en mariage, cōsiste seulement en meubles, par ce qu'elles n'ont point d'immeuble, & n'ont point d'esgard à aucune parenté. Ils portent à la guerre les hommes morts, qui ont esté

illans, pour rendre les soldats plus courageux, & pour leur donner exemple, afin qu'ils ne fuyent point plus que ceux-cy, & qu'ils s'efforcent d'empêcher que l'ennemy n'en iouïsse. Ces corps sont sans chair, ils ont seulement les os ioints ensemble par les iointures. S'ils sont vaincus, ils pleurēt & lamentent, demandans pardon au Soleil pour l'injure de guerre qu'ils ont encommēcée: Si aussi ils vainquent leurs ennemis, ils font mille allegresses, ils sacrifient les petits enfans qu'ils prennent, ils retiennent les femmes captiues, & tuent les hommes encor' qu'ils se rendent: ils arrachent les yeux aux capitaines, & leurs font mille outrages: ils adorent plusieurs choses, & entre autres le Soleil & la Lune: ils leur offrent de la terre, ayans premierement fait à cet effet plusieurs ceremonies, & tours de la main: d'autres parfums sont d'herbes, & brûlēt en leurs temples de l'or, & des esmeraudes, ce qu'ils font pour sacrifice deuot: ils sacrifient encor' des oiseaux pour barboüiller leurs Idoles de sang. Le plus grand saint sacrifice est en temps de guerre, quand ils crucifient les prisonniers, ou les esclaves qu'ils achètent de loingtain pays: ils lient les malfaiçteurs à des arbres par les pieds, les bras, & cheueux: ils font la guerre seulement pour la chasse. On dit qu'il y a en ce quartier vne contree, ou les femmes regnent & cōmandent. Pour reuerence qu'ils portent au Soleil, ils ne l'oseroiēt regarder, autāt en font-ils leur seigneur: ils reprenoient les Espagnols de ce qu'ils regardoient assurément leurs capitaines. En ce pays qui est à 450. mil de la mer, en mōtant comme mont la riuiera, on fait le sel de copeaux de

palmiers, & d'vrine d'homme, & sont les personnes de toutes les Indes, qui achètent, ou vendent ce qu'ils veulent, avec moindre bruit. C'est vn pays où la robbe ne nuit point sur le dos, ny le feu pareillement encor qu'il soit situé près la Zone torride. L'an 1544 l'Empereur establist vne Rotte, ou Parlement, en ceste nouvelle Granade, semblable à celuy de la vieille qui est en Espagne, y ordonnant seulement quatre auditeurs.

*Venezuela. Chap. 73.*

**T**Out ce qui est depuis le cap de la Voële, iusques au goulfe de Paria, a esté descouvert par Christophe Colomb, l'an 1498. Le long de ceste coste sont situez Venezuela, Curiana, Ciribici, & Cumana, & plusieurs autres fleuues, & ports. Le premier gouuerneur qui passa à Venezuela, fut Ambroise d'Alfinger Alemand, au nom des Belzeres marchans fort riches, ausquels l'Empereur auoit engagé ceste cōtree. Il y alla l'an 1528. par le moyen des soldats qu'il auoit menez: il amassa quelque biens, veinquit grand nombre d'Indiens: mais à la fin il fut tué d'vn coup de fleche enuënimee, que les Caribes luy ietterent en la gorge, & puis ses gens vindrent à telle disette qu'ils mangerēt leurs chiens & trois Indiens. George de Spire, qui estoit aussi Alemand, fut son successeur l'an 1535. La Roynne Ysabelle ne vouloit point permettre qu'aucun autre que de ses vassaux passast aux Indes, sinon avec grande importunité. Apres qu'elle fut morte, le Roy Catholique permit à ses vassaux du Royaume de Arragon, d'y aller. L'Empereur apres auoir ouuert la porte à ses Alemands, & autres estrangers, en l'ac-

cord



ord qu'il feist avec les Belzeres: on prend garde  
outesfois soigneusement aujourdhuy qu'autres  
aillent à ces Indes, que les Espagnols. Venezuela  
est vne Euesché: Roderic de Bastidas en fut le pre-  
mier Euesque, non pas celuy qui la descouurit, mais  
un autre. Elle s'appelle Venezuela par vn diminutif  
de Venise, par ce qu'elle est bastie dedās l'eau, dessus  
vne roche plate: ce lac s'appelle Maracaibo en la  
langue du pays, les Espagnols le surnomment de  
nostre Dame. Les femmes de ce pays sont plus gen-  
tilles que les autres: elles se peignent la poitrine, &  
les bras, elles vont toutes nues, elles couurent leur  
nature d'un filet, & ce leur est vne grand' honte si  
elles ne le portent, & on leur fait grand' iniure si  
quelqu'un leur oste. Les filles sont cogneuës en la  
couleur & grandeur du cordon qu'elles portent, &  
est vn signe certain de leur virginité. Au cap de la  
Voile, elles portent par dessus vne bande faite de  
cotton large de trois doigts. A Tarare, elles portent  
des robes trainantes iusques aux pieds, ayant vn  
apluçon: elles sont d'une seule piece sans aucune  
cousure. Les hommes en general enferment leur  
membres dedans certains petits chiens faits d'or, ou  
d'autre chose, & les Enotes lient la pellicule pour  
couvrir la glande. Il y a en ce pays beaucoup de So-  
motes, qui ressemblent en tout aux femmes, & ne  
diffèrent que par les mammelles, & de ce qu'ils n'en-  
gendrent point. Ils adorent les Idoles, & peignent  
le diable en la forme qu'ils le voyent, ils se chargent  
aussy de couleur: celuy qui a vaincu, prins, ou tué  
soit en guerre, soit par defiance, pourueu que ce ne  
soit en trahison, pour la premiere fois se peind vn

bras, à l'autre la poitrine, la troisieme il se fait vn  
 raye depuis les yeux iusques aux oreilles, & cel  
 monstre sa vaillantise. Leurs armes sont fleches en  
 uenimees, picques longues de vingtcinq palm  
 espees de cannes, masses, frondes, boucliers grande  
 faits d'escorce, & couuerts de cuir. Les prestres son  
 medecins : ils demandent premierement au patient  
 fil croit qu'ils ont la puissance de le pouuoir guari  
 rir, & puis font couller leur main par dessus le lieu  
 où est la douleur, la playe, ou l'apostume. En apres  
 ils iettent des cris, & fissent vne paille par vn bouc  
 & mettent l'autre sur la playe: si le malade ne guari  
 ils iettent la coulpe sur luy, ou sur les Dieux. Ain  
 font aussi tous les autres medecins. Si vn de leur  
 seigneurs meurt, ils le pleurent toute la nuit : mai  
 leurs pleurs est chanter ses proüesses, & puis ils ro  
 tissent le corps, le mettent en pieces, le pilent en tel  
 le façon qu'ils le font deuenir comme en boullie, &  
 le iettent dedans vn grand vase plein de vin, où il  
 le detrempent, & puis le boient. Quand ils font  
 ceste ceremonie, ils estiment auoir fait vn grand  
 honneur à leur seigneur. A Zompaciay ils enterrent  
 leurs seigneurs avec force or, ioyaux, & perles, &  
 dessus la sepulture ils fichent quatre gros bois e  
 quarré, les reuestissans tout à l'entour de maïsonne  
 rie, & là dedans pendent des armes, pennaches, &  
 autres choses propres pour manger & pour boire.  
 A Macarabaybo on void des maisons basties sur  
 l'eauë, par dessus lesquelles passent les barques.  
 François Martin apprint à ceux de ce pays, de guari  
 rir avec des parfums, & à souffler sur le patient, &  
 ietter des souspirs & gemissemens.

*Comme les perles furent descouuertes.*

*Chap. 74.*

**A**uant que nous passions plus auant, puis qu'on trouue des perles tout le lóg de ceste coste, qui ontient plus de deux mille mil, à compter depuis le cap de la Voële, iusques au goulfe de Paria: il se fa bon de parler vn peu de celuy qui les a descouuertes. Au troiesime voyage q̃ feit Christoffe Colomb aux Indes, l'an 1498. ou selon aucuns. 97. il arriua en l'isle de Cubagua, qu'il sur-nomma des Perles. Estât là il enuoya vne barque avec certains mariniers, pour arrester vne barque de pescheurs, vouant sçauoir ce qu'ils peschoient, & quels gens c'etoient. Les mariniers poursuiuirent ceste barque, qui s'ensuyoit de peur que ces pescheurs eurent, voyant les grands vaisseaux. Ils ne le peurent acsuiure, & vindrent arriuer au lieu où ils auoient veu les Indiens, apres estre descendus, tirer leur barque pres eux. Ils les trouuerēt sur la riue sans estre estónez, & sans appeller secours: mais au cōtraire monroient signe d'estre ioyeux voyans noz gens barbez, & habillez en mariniers. Vn des mariniers les voyans ainsi simples préd vne escuelle faicte de terre de Malaga, & la met en pieces, & avec vne il sort en terre pour la changer avec eux, & pour voir leur pesche. Ce qui l'auoit incité d'auantage, estoit qu'il auoit veu à vne femme de ces pescheurs vn collier de perles pendu à son col. En eschange de la piece de son plat, il eut ie ne sçay quants filers de perles lâches, & avec icelles il s'en rerourna bien ioyeux vers les nauires. Colomb, pour en estre plus asuré, enuoya autres mariniers avec des sonnettes,



esguilles, ciseaux, & pieces de plats faicts de terre Valencienne, puis qu'elles leur plaisoit, & en faisoient cas. Ces mariniers rapportèrent pour leur denrees plus de six liures de perles, tant grosses que menues. le vous assure, dict Colób pour lors à ses soldats, que nous sommes en vn pays le plus riche du monde. Il s'esmerueilloit de ce que les perles menues estoient si grosses, & d'en veoir tant comme il en voyoit. Il sceut que les Indiens ne faisoient compte des menues, par-ce qu'ils en auoient assés de grosses, ou par-ce qu'ils ne les pouuoient percevoir. Colomb laissa l'isle, & s'approcha de terre ferme par-ce qu'il ne pouuoit contenir ses gens qu'ils ne faillissét sur la greue pourueoir s'ils ne trouueroient point encor' des perles. Estant pres de terre, toute la coste fut incontinent couuerte d'hómes, de femmes, & enfans, qui venoiét veoir les nauires, comme vne chose estrange. Le Seigneur de Cumaná ainsi s'appelloit le Seigneur de ce pays, enuoie prier le capitaine de se desembarquer, & qu'il seroit bien receu: mais encor' que les messagers feissent contenance d'amitié, il ne voulut bouger, ayant peur de quelque tromperie, ou craignant que ses gens n'auroient la patience de l'attendre, par ce qu'il auoit là autát de perles qu'en Cubagua. Il vint d'autres Indiens aux nauires, qui entrerent dedans, s'esmerueilloient des accoustremens, des espees, des barbes des Espagnols, & des pieces d'artillerie, de tout l'autre appareil des vaisseaux. Les nostres aussi s'esmerueilloient de ce qu'ils voyoient toutes ces Indiens porter des perles à leur col, & aux poignets de leurs mains. Colomb leur demandoit p

gnes, où ils les peschoient: ils monstroient avec la main l'isle, & la coste. Alors il enuoya en terre deux marques avec bõ nombre d'Espagnols, pour auoir plus grãd' preuue de ce nouveau pays, & d'vne telle richesse, par-ce qu'aussi tous l'en importunoient, y eut si grande affluence de peuple pour veoir ces hommes estrangers, qu'ils ne se pouuoient tourner. Le Seigneur les mena à vne sienne ville en vne maison ronde, qui sembloit vn temple, il les feit asseoir sur des escabelles de palmier noir bien taillees, & leur feit seoir avec luy vn sien fils, & quelques autres, qui deuoient estre des principaux de sa Cour. On y porta aussi tost force pain, des fruiçts de diuerses sortes, du vin blanc, & rouge fort bon, & deliat fait de dattes, de grain, & de plusieurs racines: au lieu de confitures on leur donna des perles. On les mena apres au palais pour veoir les femmes, & la magnificẽce de la maison. Il n'y auoit aucune d'icelles, encor' qu'il y en eust beaucoup, qui n'eust des bracelets d'or, & chaisnes de perles, on se promenã par le palais avec elles y en eut, qui donnerent de l'esbatemẽt, elles estant fort aisees de mettre en amour, & estant facile d'en iouir, par-ce qu'elles estoient toutes nues, elles sont blanches, & discrettes pour estre Indiennes. Celles, qui vont en la campagne sont noires pour l'amour du Soleil. Nos gens puis apres s'en retournerent bien estonnez d'auoir veu tant de perles, & d'or. Ils prierent Colõb qu'il les voulust laisser là, mais il n'en vouloit rien faire, disant qu'ils n'estoient trop peu pour peupler, & feit incontinent leuer les voiles, & se mirent à courir la coste iusques au cap de la Voile.

De là il s'en vint à Saint Dominique en intention de retourner à Cubagua apres auoir mis ordre aux choses, qui touchoient son gouuernement. Il disoit muloit la ioye qu'il auoit d'auoir trouué tant de richesses, & n'en feist point certain le Roy, pour le moins il ne luy en escriuit point iusques à ce qu'il fust sceu d'un chacun en Espagne. Ce fut vne des plus grandes occasions, qui esmeurent le Roy à s'irriter contre luy, & de commander qu'on l'amenast prisonnier en Espagne, ainsi que nous auons recité cy dessus. On dict que ce qu'il en feist estoit pour composer de rechef avec le Roy, pensant auoir eue son departement ceste riche isle, par-ce qu'il estoit moit qu'elle ne seroit descouuerte au Roy, mais les Roys ont plusieurs yeux. On dict encor' que ce qui le retarda d'en escrire, fut l'empeschement que la causa Roldan de Ximenez s'estant reuolté de luy.

*D'un autre eschange de perles.*

*Chap. 75.*

**L**A plus grand part des mariniers, qui furent avec Christofle Colomb quand il trouua les perles, estoient de Palos. Iceux estans de retour à Saint Dominique s'en retournerent promptement en Espagne, & racomptèrent à ceux de leur ville ce qu'ils auoient descouvert, & leur monstrent de quoy allerent encor' à Seuille vendre leurs perles, de sorte que toute la Cour fut abreue de ceste nouuelle. A ce bruit plusieurs commencerent à dresser vaisseaux entre autres les Pinzós, & les Niguos. Les premiers furent plus long tēps à se ietter en mer, par-ce qu'ils vouloient equipper quatre Carauelles, & puis s'en allerent au Cap de S. Augustin comme nous diront



cy apres. Les autres ne songeant qu'à l'auarice des-  
pescherent aussi tost vn nauire, duquel ils feirent  
capitaine Pierre Alphonse Niguo, qui eut permis-  
sion du Roy d'aller chercher des perles, & descou-  
rir d'autres pays, aux charges, & cōditions de n'ē-  
trer au pays qui auroient ia esté descouuers par Co-  
lomb, ny à deux cens mil apres. Il s'embarqua donc  
au mois d'Aoust l'an 1499. avec trentetrois com-  
pagnons, aucuns desquels auoient ia esté avec Co-  
lomb. Il nauigua iusques à Paria, & rechercha la  
coste de Cumana, Marcapana, le port de Fleciado,  
& Curiana qui est pres de Venezuela. Il sortit en  
terre, & vn gentilhomme Indien accompagné de  
cinquante hommes vint sur la mer par deuers luy,  
& le mena amiablement en vne grande ville pour  
prendre de l'eau & se rafreschir de tout ce qu'il au-  
roit à faire, & faire les eschanges qu'il cerchoir. Il  
se rafreschit là, & en vn instant eschangea des peti-  
tes merceries qu'il auoit à quinze onces de perles.  
Le iour d'apres il feit approcher son nauire vis à vis  
de la ville. Il sortit incontinent vn grand nombre  
d'Indiēs sur la riue pour veoir ce nauire, & pour es-  
changer: ceste troupe estoit si grande que les Es-  
pagnols n'osoient saillir en terre, & les inuitoient  
de venir faire leurs eschanges dedans le vaisseau, &  
les Indiens au contraire leurs faisoient signe de ve-  
nir à terre: à la fin ils moirēt pied en terre, parce que  
les Indiens se mettoient dedās les barques sans ar-  
mes, & aussi qu'ils les voyoient doux & simples, &  
en bonne volonté de les mener encor' en leur vil-  
le. Nos gens furent 20. iours en ceste ville amassans  
force perles. Ces Indiēs dōnoiet vn pigeō pour vne

esguille, vne tourterelle, pour vn dizain, vn faisan pour deux, vn coq pour quatre, ils donnoient pour ce mesme pris vn cónil, & vn quartier de cheureul. Les Espagnols leurs demandoient à quoy leur seruiroient les esguilles, puis qu'ils n'auoient rien à coudre allans tous nuds. Ils feirent responce qu'ils les pouuoient leur seruir pour oster les espines de leurs pieds, par ce qu'ils alloient nuds pieds: il n'y auoit chose qui leur pleust plus que les sonnettes & miroirs, aussi pour ces deux choses ils bailloient en eschange tout ce qu'on vouloit. Les hommes portoient des anneaux d'or, & ioyaux enrichiz de perles faicts à façon d'oiseaux, de poissons, & d'autres bestes. Les nostres leur demâderent, d'où ils auoient l'or, ils respondirent qu'ils l'apportoient de Cancero, six iournees loing d'eux. Il y allerent, mais ils ne rapporterent que des cinges, & des perroquets: il y veirent des testes d'hommes attachées aux portes des maisons. Ceux de ce pays de Curiana ont des pierres pour toucher l'or, & des poix pour le pezer, ce qui n'auoit point esté veu en autre lieu des Indes. Les hommes vont nuds, ils couurent seulement leur membre dedans des petits chiens tels que nous auons descris, où dedans des coquilles de grands ly-maçons: aucuns le lient par entre les fesses. Ils portent les cheveux longs, & vn peu crespelus: ils ont les dents fort blanches, à cause d'vne herbe qu'ils portent tousiours en la bouche, encor qu'elle sente mal. Ils font de beaux vases. Les femmes labourent la terre, & les hommes n'ont soing que de la guerre, & de la chasse, & s'ils ne s'emploient à l'un, où à l'autre, ils se donnent du plaisir. Ils boient du

in fait de dattes, ils nourrissent en leurs maisons les conills, pigeons, tourterelles, & autres oiseaux. Leur terre produit du grain, & de la casse. Alphonse le Niguo chargea son vaisseau de ces deux choses & s'en retourna en Espagne en soixante iours, il apporta en Galiz quatre-vingt seize liures, de perles, entre lesquelles, y en auoit grande quantité de fines perles Orientales rondes, & de cinq, à six carats chacune, & aucunes plus, mais elles n'estoient pas bien percées, qui estoit vn grand defect. Sur le chemin ils eurent quelques parolles sur le departement de ces perles, tellement qu'apres qu'ils furent arriuez, quelque mariniers accuserent Alphonse Niguo deuant Ferdinand de Vegua Seigneur de Gracales, qui pour lors estoit lieutenant de Roy en ceste prouince, disans qu'il auoit caché grand nombre de perles, & qu'il auoit fraudé le Roy en son quint, & qu'il auoit faict ces eschanges en Cumana, & autres pays, où Colomb auoit ja esté. Sur ceste accusation Niguo fut arresté prisonnier, mais on ne luy feit autre mal que de le tenir longuement en cest estat, où il consumma beaucoup de ses perles, il disoit qu'il auoit costoyé douze mille mil de pays en tirant vers Ponent ce seroit comme à aller à Higueras.

*Cumana, & Marcapana.*

*Chap. 76.*

**C**Vmana est vne riuiere, qui donne son nom à la prouince, où certains moynes de l'ordre de saint François firent vn monastere, duquel estoit gardien frere Iean Garzès l'an 1516. au temps que les Espagnols estoient enflambez apres la pesche des perles de Cubagua. Vn peu apres trois Iocobins



qui alloient en ceste isle, furent iectez à Piritu de Marcapana, qui est à quatre vingt mil de Cumana vers Ponét. Ces moynes commencerent à prescher en ce quartier, comme les Cordeliers faisoient en l'autre, mais des Indies les māgerent. Leur mort, & martyre estāt cogneu, il s'y en alla encores d'autres moines du mesme ordre, & fonderent vn monastere en Ciribrici pres de Marcapana, & le nommerēt S. Foy, ces religieux, qui estoient en ces deux monasteres feirent grād fruiēt en la conuersiō de ces Indies: Ils apprenoiēt aux enfans des seigneurs, & des principaux du pays à lire, & à escrire, & à respondre à la messe. Pour lors les Indiens aimoiēt tant les Espagnols qu'ils les laissoient aller seuls par tout le pays, voyre iusques à quatre cents mille loing de leur demeure. Ceste conuersiō, & amitiē ne dura que deux ans, & demy, parce que vers la fin de l'an 1519. tous les Indies par leur propre mauuaistiē se reuolterent, ou à cause qu'on les faisoit trauailler apres la pesche des perles. Les Marcapanesiēs tuerēt en vn moys cent Espagnols, qui estoient là freschement venus pour changer. Les chefs de ceste rebellion furent deux ieunes gentilshōmes du pais nourriz à Sainte Foy, où ils exercerent leur plus grande cruauté. Car ils tuerēt tous les moynes cōme ils celebroident la Messe, & massacrerent tous les Indiens qu'ils trouuerent dedans le monastere, & toutes les bestes iusques aux chats, ils bruslerent leurs maisons, & l'Eglise. Ceux de Cumana bruslerent aussi le Monastere de S. François, ruinerent leurs maisons, rōpirēt la cloche: meirēt en pieces le crucifix & le ietterēt sur le chemin en telle façō qu'il se bloi

que ce fust vn homme executé par iustice: ils tail-  
lent & descouperent le iardin: mais les moynes se  
sauuerent dedans vne barque emportans avec eux  
le S. Sacremēt, & s'en allerēt à Cubagua. Il y en eut  
vn toutesfois nommé frere Denys, qui demeura estāt  
roublé tellement qu'il ne sceut ou ne peut entrer  
dedans la barque avec ses cōpaignōs. Il fut six iours  
caché entre des grosses pierres, sans manger atten-  
dāt que les Espagnols vinssent. Il sortit avec la faim  
& ayant esperance que les Indiens ne luy feroient  
aucun mal, parce qu'il y en auoit plusieurs d'entre  
eux, qui estoient ses enfans à cause de la foy, & du ba-  
ptisme qu'ils auoient receu de luy. Sous ceste fiance  
il s'en alla à la ville, & se recommanda, ils luy don-  
nerēt à manger par trois iours sans luy faire ny dire  
aucun mal: ce pendant il estoit tousiours à genoil  
prieant Dieu, pleurant selon que depuis ont confessé  
les meurtriers, ils furent en grand debat sur sa mort,  
parce qu'il y en auoit aucuns qui le vouloit tuer, au-  
tres le vouloient sauuer, mais à la fin luy meirent la  
corde au col pour l'estrāgler par le conseil d'un, qui  
s'estāt fait Chrestien s'appelloit Ortega, & luy dó-  
nerent des coups de pied, luy faisans d'autres vitu-  
peres. Il se mit à genoux faisans ses prieres, & lors  
on luy donna vn coup de masse sur la teste pour  
l'assommer, ainsi que luy mesmes les en auoit priez,  
à fin qu'ils ne le feissent point tant languir. Quand  
l'Admiral Don Diego Colomb, le parlement, &  
les officiers du Roy, qui estoient à saint Domini-  
que eurent entendu ce fait, ils despecherent incon-  
tinent Gonzalle d'Ocampo avec 300. Espagnols.  
Il s'en alla à Cumana l'an 1520. pour surprendre

les malfaiçteurs, il vſa de grande aſtuce. Auſſi toſt qu'il fut deuant Cumana avec ſes vaiſſeaux, il com-  
 manda qu'aucun ne dit qu'il venoit de ſainct Do-  
 minique, afin que les Indiens entraſſent plus har-  
 diment dedans ſes nauires, & que par ce moyen il  
 les print ſans dâger, & effuſion de ſang de ſes gens.  
 Les Indiens ne faillirent pas de leur demâder d'où  
 ils venoient, ils feirent reſponce qu'ils venoient  
 d'Eſpagne: les autres n'en vouloïent riē croire, & di-  
 ſoient Haiti, Haiti, & non pas d'Eſpagne. Les Eſpa-  
 gnols repliquoïent d'Eſpagne, d'Eſpagne, & les inui-  
 toïent de venir en leurs nauires, il y enuoierent quel-  
 ques vns pour veoir ſil eſtoit vray ſous pretexte de  
 leur porter du pain, & autres choſes pour changer.  
 Gonzalle ſeit cacher les ſoldats au fons des vaiſſe-  
 aux diſſimulant touſiours bien ſon entreprinſe, les  
 remerciant de leur venue, & de la bonne prouiſion  
 qu'il luy auoient apportee, les priant de continuer,  
 & d'en apporter d'auantage. Les Indiens alors pen-  
 ſerent qu'à la verité ces Eſpagnols venoient tout  
 freſchement d'Eſpagne les voyans ia auoir neceſſité  
 de pain, & qu'ils n'auoient aucuns ſoldats. Cela in-  
 cita beaucoup d'autres de retourner à ces nauires,  
 & entre autres pluſieurs de ceux qui auoient eſté re-  
 belles ayans bonne eſperance d'attirer ces Eſpa-  
 gnols en terre, & puis le tuer. Mais Gonzalle d'O-  
 campo ſeit ſortir ſes ſoldats, & arreſta priſonniers  
 les Indiens, il les ſeit interroger, & confeſſerent la  
 mort des Eſpagnols, & le bruſlement du monaſte-  
 re: il les ſeit tous pendre aux antennes de ſes nau-  
 res, & ſ'en alla à Cubagua. Les autres Indiens, qui  
 eſtoient demeurez ſur la greue, reſterent bien eſtô-



nez, & ayans grand peur. Gonzalle asseit son camp à Cubagua, d'où il faisoit courses à Cumana, par le moyen desquelles il tua beaucoup d'Indiens, & en print grand nombre qu'il feit executer par voye de iustice. Ces pauures Indiens se voyans perdus si la guerre duroit, demanderent paix & pardon: ce que Ocampo leur ottroya, & au Cacique dom Diego, qui au lieu l'aida à bastir la ville de Toledé, qu'il edifia sur le fleuve à deux mil de la mer.

*La mort de plusieurs Espagnols. Chap. 77.*

**D**V temps que les monasteres de Cumana, & Ciribici florissoiēt, il y auoit vn prestre en l'isle de S. Dominique nommé Barthelemy de la Casse, qui estoit docteur. Iceluy ayant entendu la fertilité de ce pays, la simplicité, & douceur des habitans, & l'abondance des perles vint en Espagne, où il demanda à l'Empereur le gouuernement de Cumana, & luy feit entendre comme tous ceux qui gouuernoient les Indes le trompoient, luy promettant d'ameliorer & accroistre les reuenus royaux. Iean Roderic de Fonsèque, le docteur Loys Zapata, & le secretaire Lope de Gunciglios, qui auoient la superintendence sur les affaires des Indes, luy contredisoient, ayans fait vne information à l'encontre de luy, & l'estimoient incapable d'une telle charge, attendu qu'il estoit prestre, & mal renommé, & qu'il ne cognoissoit gueres bien le pays, & qu'il n'entendoit point ce qu'il demandoit. Alors il se meit sous la faueur de monsieur de Nassau, premier gentilhomme de la chambre de l'Empereur, & d'autres Flamens & Bourguignons, par le moyen desquels il eut ce qu'il pretendoit portant

la mine d'estre bon Chrestien, disant qu'il cōuertiroit plus d'Indiës que nul autre par vn certain ordre qu'il y mettroit, & aussi qu'il promettoit de rendre le Roy plus riche, & luy enuoyroit grande quantité de perles. On apportoit pour lors force perles des Indes: la femme de Monsieur de Xeures en eut cent soixante liures du quint qu'on apportoit à sa Maïesté. Ce docteur ne demandoit q̃ des villageois pour mener avec soy, alleguant pour ses raisons qu'ils ne feroient pas tant de mal que les soldats, qui sont auiars, & desobeïssans, & vouldoit en outre qu'on les armast comme Cheualiers, & qu'on leur donnast l'esperon d'or, & vne Croix rouge differente de celle que portent les Cheualiers de l'ordre de Calatraua, afin qu'ils fussent francs, & anoblis. On luy fournit à Senille aux despens du Roy des vaisseaux, des prouisions, & toutes autres choses necessaires à son voyage, & partit l'an 1520. pour aller à Cumana avec trois cens villageois tous croisez: & arriua au temps que Gonzalle d'Ocampo fondoit la Cité de Toledé: il fut bien marry de trouuer là tant d'Espagnols enuoyez par l'Amiral, & par le Parlement de l'isle de Saint Dominique, & de voir le pays autre qu'il ne pësoit. Il presenta sa prouision à Ocāpo, & le somma de luy laisser le pays libre pour le peupler, & gouverner. Gonzalle de Ocampo luy feit responce qu'il vouloit obeïr: mais qu'il valloit mieux pour la maïesté de l'Empereur de ne luy obeïr, & ne luy pouuoïët obeïr sans le cōmandement du Gouverneur, & des auditeurs de la Rotte de S. Dominique qui l'auoient là enuoyé. Il se mocquoit fort de ce prestre, par-ce qu'il l'auoit cogneu en

l. Vegua, & ſçauoit qu'il eſtoit: il ſe mocquoit auſſi  
e ces nouueaux Cheualiers, & de leurs croix fai-  
es comme celles qu'on portoit contre les Luthé-  
iens. Ce preſtre ſe deſpitoit grandement, & luy faſ-  
hoit de ce qu'on luy diſoit la verité: il ne peut en-  
rer dedans Toledé, & au lieu feit vne maiſon de  
roye & de bois, pres le lieu où eſtoit le monaſtere  
les Cordeliers, & meit dedans ſes villageois, les ar-  
mes, merceries, prouiſions, & ſ'en alla à ſainct Do-  
minique pour faire ſa plainte. Ocampo ſ'y en alla  
auſſi, ie ne ſçay ſi ce fut pour l'amour de ce docteur,  
où par ce qu'il ſeſtoit faſché contre quelques vns  
de ſes compagnons: mais apres qu'il fut party, tous  
ſes gens ſ'en allerent auſſi, & ainſi Toledé demeura  
deſerte, & les villageois ſeuls. Les Indiens, qui e-  
ſtoient bien aiſes de voir ces contentions entre les  
Eſpagnols, aſſaillirent ceſte maiſon de croyé, & tue-  
rēt quaſi tous ces Cheualiers dorez. Ceux, qui peu-  
rent eſchapper, ſ'embarquerēt dedans vne carauel-  
le, & ainſi ne demeura en toute ceſte coſte de Perles  
aucun Eſpagnol. Barthelemy de la Caſe ayant ſçeu  
la mort de ſes gens, & la perte qu'il auoit faite au  
Roy, ſe rendit moyne au conuent de Sainct Domi-  
nique: & par ainſi il n'accrut aucunement le reue-  
nu du Roy, ne moins anoblit ſes villageois, ny en-  
uoya des perles aux Flamens comme il auoit pro-  
mis.

*La conqueſte de Cumana, & comme l'iſle de  
Cubagua fut peuplée.*

*Chap. 78.*

**L**E Roy perdoit beaucoup ne iouyſſant plus de  
Cumana, parce que la peſche des perles de Cu-



bagua celloit. Or pour la gaigner, l'Admiral & le  
 parlement y enuoyerent Jaques Castellon avec bon  
 nombre d'Espagnols, d'armes, & d'artillerie. Ce ca-  
 pitaine fournit au defaut de Gonzalle d'Ocampo  
 de Barthelemy de la Case, & d'autres, qui y estoient  
 allez avec charge. Il feit la guerre aux Indiens for-  
 & ferme, & recouura la ville, & pays: il remeit sur  
 la pesche des perles, & remplit Cubagua, & S. Do-  
 minique d'esclaves. Il edifia vn chasteau à l'embou-  
 cheure du fleuve, pour asseurer & defendre la ville  
 & estre maistre de l'eau. De ceste annee 1523. recō-  
 mēça la pesche des perles à Cubagua, on commen-  
 ça aussi à peupler la nouvelle Galiz. Cubagua fut  
 nommee par Colomb l'isle des Perles: elle contient  
 de tour douze mil, & est quasi à douze degrez &  
 demy de l'Equinoxial tirant en ça. Elle a pres de soixant  
 à quatre mil vers la Tramontane, vne Isle nommee  
 Marguerite, & vers le Midy à seize mil elle regarde  
 la pointe d'Araya. Ceste isle est vn pays bien garny  
 de sel: au reste sterile & sec, encor' qu'il soit plat &  
 vny, sans estre couuert d'aucuns arbres, sans estre  
 abreueue d'eau, n'ayant autres bestes que des con-  
 nils & oiseaux de mer. Les habitans sont peincts,  
 ils mangent les huytres des perles, & vont querir  
 leur eau pour boire en terre ferme, en eschange de  
 perles. Il est encor à sçauoir qu'il y ait vne isle si pe-  
 tite que ceste-cy, qui fournisse autant de reuenue, ny  
 qui face ses voisins si riches. Les perles qu'on y a  
 peschees depuis qu'elle a esté descouuerte, ont valu  
 deux millions d'or: mais aussi elle a cousté la mort  
 de plusieurs Espagnols, d'esclaves negres, & d'une  
 infinité d'Indiens. Auioird'huy les habitans de ce-  
 ste

cette isle prennent leur bois à l'Isle de Marguerite, & eau à Cumana, qui est à 22. mil. Les porcs qu'on y a menés sont deuenus differens aux autres: car les angles leur sont venus grands d'une paulme & de dentelle, montans contremont. Il y a une fontaine, qui rend une liqueur odoriferante, & medicinale, & court plus de douze mil se iettans en la mer. En un certain temps de l'an la mer deuiet fort rouge: on dit que cela aduient à cause des huytres qui font leurs œufs, où bien que c'est le temps auquel elles se purgent comme les femmes, ainsi que les habitans recitent. Ils disent aussi, si ce n'est mensonge, qu'ailleurs de ceste isle il y a des poissons, qui depuis le milieu iusques à la teste ressemblent aux hommes sans barbe, cheueux, & bras.

*Costumes de Cumana. Chap. 79.*

Ceux de ce pays sont de couleur brune, ils sont tout nuds, ils cachent leur membre avec des coquilles de grands lymaçons, ou dedans des cannes, ou bandes de cotton, aucuns le cachent dedans des fourreaux faits d'or, ou bien le lient par entre les cuisses. En temps de guerre ils se seruent de manteaux, & de pennaches, & aux festes ils se peignent, où s'oignent d'une certaine gomme ou unguent fort gluant, & puis se couurent de plumes de diuerses couleurs, n'ayans point mauuaise grace en tel equipage: ils se coupent les cheueux iusques au dessus de l'oreille, & si d'auenture il leur vient quelque poil au menton, ils l'ostent avec les pincettes, & ne veulent endurer aucun poil par tout le corps, estans aussi naturellement sans barbe. Ils s'efforcent d'auoir les dents fort noires, & appel-

lent ceux-là femmes, qui les entretiennent blâches, & estiment celuy là beste sauuage qui laisse venir du poil au menton. Ils font leurs dents noires avec du suc, ou de la pouldre des fueilles d'un arbre que ils appellent Hay. Quand ils ont quinze ans, lors que le sang commence à bouillir dedans leurs corps, ils prennent ceste fueille dedans la bouche, & la portent iusques à ce que leurs dents deuiennent aussi noires que charbon. Ceste couleur puis apres dure iusques à ce qu'ils meurent, & les preseruent de se gaster, ou pourrir, & de toute douleur. Ils meslent ceste poudre avec vne autre, faite d'une autre espece d'arbre, & y meslent encor de la poudre de coquilles de lymaçons bruslees, & concaseees, qui ressemble à de la chaux, aussi au commencement elle brusle la langue, & les leures. Ils gardent ceste poudre dedans des estuits faits de cannes, pour le vendre, & le changer avec des marchans, qui viennent tout expres de loingtain pays avec de l'or, esclaves & autres marchandises. Toutes les filles sont nues, elles portent à leurs genouils des iartieres, qui leur ferre la iambe, afin qu'elles ayent les cuisses & les iambes plus grosses, estimas que ce soit vne de leurs beautez. Elles ne se soucient autrement de leur virginité. Les femmes mariees portent certains calzons, ou brayes, elles viuent en toute honnesteté: si elles font faute, on les repudie, & celuy qui a les cornes peut chastier l'adultere. Tous les seigneurs & hommes riches peuuent auoir autant de femmes qu'ils veulent, & en donnent la plus belle à celuy qui vient loger chez eux: les autres n'en prennent qu'une. Les gentilshommes enferment leurs



elles en leurs maisons deux ans deuant qu'elles soient mariees, & ne les laissent sortir dehors: elles ne se couppent point leurs cheueux durant qu'elles sont ainsi enfermees. Quand on les marie, on invite tous les parents, voisins & amis. Les femmes nuitees apportent de quoy faire le banquet, & les hommes apportent la maison, c'est à dire, que les femmes apportent tant d'oiseaux, de poisson, de fruit, de vin, & de pain à l'espouse, qu'il y en a assez pour dresser le banquet, & les hommes apportent tant de bois & de paille, qu'ils en font vne maison, où ils logent l'espoux. Les femmes menent la mariee dancer, & les hommes le marié: vn homme coupe les cheueux au mary, & vne femme coupe ceux de la mariee: on ne coupe que ceux de deuant seulement, & ne touche-on point à ceux de derriere mais on les leur lie, & accoutre à leur façon. Au banquet ils boient & mangent tant qu'ils deuiennent saouls, & yures, & aussi tost que la nuict est venue, ils liurent par la main à l'espoux son espouse. Celles, qui sont mariees avec telles ceremonies, sont les femmes legitimes, & les autres qu'entretient le mary, leur portent honneur & reuerence, & les recognoissent comme leurs superieures. Les prestres qu'ils appellent Piacs qui sont hommes saints, & religieux ne dorment point avec celles-cy comme nous dirons cy apres, mais bien avec les autres, lesquelles on leur baille à despucceller suivant la coustume, laquelle ils estiment honneste & louable. Ces reuerends peres prennent en gré ceste peine pour ne point perdre leur preeminence, &

deuotion, & l'espoux par ce moyē oste tout le soupçon qu'il pourroit auoir de sa femme si il ne la trouuoit telle qu'il penseroit. Les hōmes, & les femmes portent des bracelets, colliers, & pendans d'or, & de perles s'ils en ont, & au cas que non, ils portent au lieu des coquilles de lymaçons: plusieurs portent des coronnes d'or, où chapeaux de fleurs. Les hōmes portent certains anneaux au nez, & les femmes se couurent la poitrine de grandes plaques avec lesquelles elles soustiennent leurs mammelles pour plus aisement courir, sauter, nager, & tirer de l'arc, duquel elles tirent aussi dextrement que les hommes: quand elles accouchent, elles ne se tourmentent, ny ne se passionnent tant que les autres. Les sages femmes enserrent la teste de l'enfant entre deux petits coussinets de coton, & le pressent doucement peu à peu, & longuement pour luy eslargir le visage, estimans estre vne de leur beautez auoir le visage large, & estendu. Les femmes labourent la terre, & ont soing des affaires domestiques, mais les hōmes chassent, où s'emploient à pescher, quand ils ne sont point empeschez à la guerre: ils sont pleins de vaine gloire, vīdicatifs, & traistres. Leurs armes principales consistent en fiesches enuennimees, & en tirent seurement: aussi des ieunesses les hommes, & les femmes sōt instruits à tirer à vn but avec des bales faictes de terre, de bois, où de cire. Les personnes riches mangent des belettes, chaulsouris, sauterelles, aragnees, vers, mouches, pouls cruds, cuits, & friz: ils ne pardonnent à aucune chose viuante pour satisfaire à leur bouche, & sont plus à esmerueiller de manget choses si ordes, & si mes-

chantes. Ce qu'ils ont de bon est pain', vin, fruit, poisson, & chair, les vapeurs du fleuve de Cumana engendrent des petites nues aux yeux : aussi les habitans ont la veüe courte. On ne sçait toutesfois si ce mal leur aduient à cause des meschantes choses qu'ils mangent. Ils enferment leurs iardins & leurs terres d'un fillet de cotton, ou de bexuco seulement, & est grand peché d'entrer en telles clostures, & tiennent pour certain que celuy là meurt incontinent, qui rompt vn tel fil.

*La chasse, & pescherie des Cumanois.*

*Chap. 80.*

**L**Es Cumanois sont fort adextres à chasser, & s'y employent cōtinuellement. Ils tuent lions, tygres, cheureuls, porcs-épics, & toute autre beste à quatre pieds avec leurs arcs, rets, & laqs qu'ils sçavent bien tendre à propos. Ils courent souuent vne beste, qu'ils appellent Capa, qui est fort peluë, noire, & vn peu plus grande qu'un asne: c'est animal est fier, encor qu'il s'enfuye de l'homme: il a la patte comme la main, & les pieds de derriere faict comme vn escarpin François, aiguz derriere & large deuant, & vn peu ronds, il poursuit les chiens, & vne fois il y en eut vn, qui en tua trois ou quatre ensemble. Ils font vne chasse plaisante parmy les montagnes apres vne beste nommée Aranata, qui pour raison de sa physionomie, & de ses ruses, & finissies doit estre du genre des cinges. Il est aussi grand qu'un leurier, & ressemble à l'homme quant à la bouche, pieds, & mains. Il a l'aspect beau, la barbe de cheure: ces bestes vont en troupe, & buglent fort, elles ne mangent point de chair, elles montent par



les arbres comme chats, elles sont si rusees qu'en fuyant elles euitent le coup du chasseur, & puis soudain elles prennent la fleche, & la repoussent doucement contre celuy, qui l'a descochee: ils chassent avec les filers apres vne beste, qui se nourrist de formis: elle n'a qu'un trou au lieu d'une bouche, & sa langue est aussi longue que la pauline, elle se tient communément dedans les creuz d'arbres, & aupres des fourmillieres. Quand elle veut prendre sa refection de son gibier accoustumé, elle tend sa langue, sur laquelle incontinent se iettent les formis, & puis la retire auallant sa proye. Parmy les montagnes ils tendent des lacqs à certains chats sauvages ressemblans aux cinges: les petits donnent grand passetemps: vous voirez les meres les porter sur leur doz, & saulter d'arbre en arbre ainsi chargees. Ils ont encor un autre animal, apres lequel ils chassent, qui a un laid regard: il a la teste approchante à celle de renard, son poil est comme celuy d'un loup rongneux, il est fort puant, & iette parmy ses excremens des serpens deliez, & longs, qui ne vivent gueres. Les Iacobins en nourrissoient un à S.Foy, mais ne pouuans supporter la puanteur, le tuerent, & veirēt remuer par la place les petits serpens qu'il iettoit, qui aussi tost moururent, & encor qu'il fut tel, si est-ce neantmoins que les Indiens en mangeoient. Il y a en ce pays vne autre beste cruelle, de laquelle ils ont grand peur, & pour l'espuuater ils portēt des tizons de feu la nuit au lieu où ils pensent qu'elle soit. Iamais on ne la voit le iour, & bien peu la nuit, elle se met par les rues, & chemins, & lors elle se prend à braire, & crier comme

un petit enfant pour tromper les personnes, & si  
quelqu'un sort pour veoir ce qui crie ainsi, elle ne  
a point de l'attrapper, & le manger: Elle n'est  
as plus grande qu'un leurier, ainsi que frere Tho-  
nas Ortiz, & autres Iacobins nous ont compté.  
Parmy ces Indes il y a tant d'Yaguauas, qu'ils per-  
ent tous les iardins, & les semences, ils sont friands  
les melons qu'on a apporté d'Espagne, aussi en  
uë-on grand nombre aux melonnières. Pour reue-  
ir à nostre chasse, ces Cumanois sont experts à pré-  
re des oyseaux avec la glu, les filets, pantieres, &  
avec leurs arcs, & encor' qu'il y chassent tant, il y en  
toutesfois si grand nombre, spécialement des  
perroquets qu'on ne s'en peult assez esmerveiller.  
Il y a des corbeaux, qui ont le bec d'aigle, & grand  
comme celui d'un oye: ils sont pesans à voler, &  
viuent neantmoins de racine, ils sentent le musc.  
Ils ont des chauuesfouris, qui sont grandes, &  
meschantes, elles mordent asprement, & suc-  
cent le sang. Il aduint un cas estrange, à propos  
de ces chauuesfouris à sainte Foy de Ciribici,  
y auoit un seruiteur des moynes, qui auoit la  
pleuresie, on ne peut trouuer la veine pour le sei-  
gner, & ainsi on le laissa pour mort, il vint de nuit  
une chauuesfouris, qui le mordit pres du talon,  
qu'elle trouua descouvert, & en tira tant de sang  
qu'elle s'en saoula, & puis laissa encor' la veine ou-  
uerte, de laquelle il saillit autant de sang qu'il estoit  
besoin pour remettre le patient en santé. Ce fut  
un cas gracieux, & plaisant à ce pauvre malade: les  
moynes le recitoient pour un miracle. Il y a encor'  
quatre especes de mousches dangereuses, les plus

petites sont les plus mauuaïses. Les Indiens craignans d'en estre touchez, quand ils couchent en la campagne, se couurent d'herbe, ou de fueilles d'arbres. Ils ont deux sortes de guespes, qui sont melchâtes: l'une se tient aux champs, & l'autre ne bouge des lieux habitez, ils ont aussi trois sortes de mouches à miel, les deux sont en leurs ruches de fort bon miel: la troisieme espece est petite, noire & sauuage faisant son miel par les arbres sans cire. Leurs aragnees sont plus grandes que les nôtres, & sont de diuerses couleurs, qui les rendent belles, elles font leurs toiles si fortes, qu'on ne les rôpt pas aisément. Il y a en ce pays des salemadres grandes comme la main, qui tuent en mordant. Ils peschent en diuerses façons avec des ameçons, des rets, & avec leurs flesches, & du feu. Il n'est pas permis à vn chacun de pescher, ny en tout lieu. A Auontal, où fut Antoine Sedeguo, celui, qui pesche sans le congé du Seigneur est mágé des autres pour sa peine. Quand ils veulent pescher les bons nageurs, s'assemblent tant pour là pescher des poissons, que des perles, ainsi que les pescheurs s'assemblent en Biscaye pour prédre des baleines, ou en l'Andelouzie pour la tonine. Ils se iettent dedans la mer, & se mettent de rang nageans de çà de là, & bastans l'eau, & puis enuironnent les poissons, & les enferment comme les pescheurs font avec leur seine, & peu à peu les jettent en terre en si grande quantité, qu'il ne seroit aisé à croire. C'est là la plus étrange maniere de pescher que i'aye encor' entendue, elle est dangereuse, eux estans ainsi dedans l'eau les cocodrilles les mangent, où tombent lourdement,



font souuēt ouuers & effôdrez par les gros poissons, qui s'efforçans de se sauuer leur donnent avec une impetuositè grande contre le ventre. Ils ont encores vne autre façon de pescher plus seure, & l'appellent la pesche des Cheualiers, ils se mettent de nuit dedans leurs barques avec des tisons de feu, & des flambeaux faits de pain: à ceste lueur les poissons acourent, & deuiennent elourdis, & puis les tirent avec leurs arcs, & les agraphent avec des rampôs qu'ils iettent dessus: ils prennent les grâds poissons par ceste façon de pescher, & puis les salent, ou sechent au Soleil tous entiers, ou par pieces: aucuns les font rostir, afin qu'ils se conseruent mieux, autres les font bouillir, & puis les pressent, & les accoustrent si bien à leur mode qu'ils les gardent vn an deuant que les vendre, ils prennent des anguilles, ou congres si grands que de nuit ils montent sur les barques, & sur les nauires, & tuent les personnes, & les mangent.

*Comme on fait la poison, avec laquelle les  
Indiens frottent leurs flesches.*

*Chap. 81.*

Les femmes, côme i'ay dit, ont pour la pluspart le soin du labour, elles semēt le maiz, l'axi, gourmes & autres legumes, elles plâtēt les batratas, & les arbres & les arrousent ordinairement, mais le plus grâd soin qu'elles ont est de Hay pour l'amour des dents. Elles esleuent les Tunes, & autres arbres, lesquels estants piquez rendent vne liqueur blanche comme lait, & se tourne en gomme, de laquelle ils se seruent à parfumer, & encenser leurs Idoles. Ils ont vn autre arbre, duquel distile vn humeur, qui

se fait comme des quaxadiglias , & est fort bonne à manger . Il y a aussi en ce pays vn arbre qu'aucuns appellent Guarcima , son fruit ressemble à la meure , & encor' qu'il soit dur , si est-il bon à manger , ils en font du moust cuit pour rechauffer vne morfondure : de son bois , estant sec , ils s'en seruent pour allumer du feu avec le caillou . Il y a encor' icy vn arbre , qui est fort hault , & odoriferant , qui ressemble au cedre : son bois est propre à faire des casses , ou coffres à garder des habillemens pour le bon odeur qu'il a : mais si on y mettoit du pain dedans il deuiendroit si amer , qu'il ne seroit possible de le manger : il est bon aussi à bastir des vaisseaux , par-ce que la pourriture ne s'y accueille pas aysément . Ils ont vn autre arbre , qui porte le guy , avec lequel ils prennent les oyseaux , & s'en frottent , & puis se couurent de plumes : cest arbre est grand , & ne dure que dix ans . Ils ont aussi des cassiers , mais ils ne mangent point le fruit , par-ce qu'ils ne cognoissent point la vertu . Ce pays en outre est si couuert de roses , de fleurs , & d'herbes odoriferantes , que l'odeur nuist à la teste , estât plus fort que le musc . Il y a tât de sauterelles , oruguas , cocos , aragnees , & autre vermine , que les fruits , & les semences en sont toutes rôgees : il n'est pas des teignes , qui ne rongent le maiz . Il y a en ce pays vne veine de lymon glueux , qui estant mis au feu brulle & ard , & dure autant que du feu Gregeois : ils se seruēt de ce lymon en beaucoup de choses . Ils tirent leurs flesches , les ayans premieremēt empoisonnees , d'un certain poison , lequel ils composent de plusieurs drogues : ils en ont aussi de simple comme du sang

serpens qu'on appelle aspics, vne herbe, qui ressemble à vne sye, vne gomme d'un certain arbre, des pommes veneneuses surnommées de sainte marthe. Le plus mortel poison se fait du sang, de la gomme, de l'herbe, & des pommes, le tout meslé ensemble en y adioustât des testes de certains foris, qui sont pleins de venin, Pour composer ceste eschante drogue ils enferment vne vieille, & luy donnent les matieres, & le bois pour faire cuire, & bouillir ensemble tous ces simples. Ceste concoction est bien deux, & trois iours sur le feu auant qu'elle vienne à sa perfection. La vieille meurt de puanteur, & de la fumee veneneuse que rend ce bouillon, & si elle en meurt, ils louent grandement ceste poison; mais aussi si elle ne meurt point, ils la tirent dehors, & la chastient seueremēt. Ceste poison doit estre celle, de laquelle vsent les Caribes, & contre laquelle les Espagnols ne trouuoient aucun remede, & si d'auenture quelqu'un en eschappoit, ne viuoit qu'en douleur, & sur tout se deuoit donner bien garde de ne s'accoster de femmes, par ce que la playe se renoueloit; il se deuoit aussi garder de boyre, ou de trop trauailler principalement en temps de pluye. Les fleches sont faictes de iuncs durz, passez par le feu: ie pense qu'on en porte en Espagne pour faire des potences aux gouteux, & aux vieilles gens. Au lieu de fer on y met vn caillou dur esguisé, & approprié, ou des os de poisson durz pointus. Les instrumens, desquels ils se seruent en la guerre, & aux dances sont hauts bois faits d'os cheures, & de bois gros cōme la iābe. Ils ont aussi des cornets faits de cannes, des tabourins de bois



peints, & de grandes cougourdes, & s'aydent de coquilles de limaçons pour faire aussi des cornets & des sonnettes, ils sont cruels en guerre: ils mangent leurs ennemis qu'ils tuent, ou qu'ils prennent, & les esclaves, qu'ils achèptent: s'ils sont maigres, ils les engraisent comme les chapons: ils pratiquent en plusieurs lieux ceste brutalle cruauté.

*De leurs dances & idoles. Chap. 82.*

**L**Es habitans de ce pays se delectent fort en deux choses, à dancier, & à boire. Ils souloient employer huit iours entiers, & consecutifs à baller, & banqueter: le ne parle point des dances, & assemblees qu'ils font ordinairement: mais quand ils veulent faire vn Areitos, à des nopces, ou à vn couronnement d'un Roy, ou Seigneur, ils s'assemblent vn bon nombre des plus gaillards, les vns avec couronnes, les autres avec des pennaches, les autres avec des plaques sur l'estomach, mais tous ont des coquilles de limaçons aux iambes, pour faire retentir le lieu comme nous faisons avec des sonnettes. Ils se peignent, & figurent le corps de diuersitez de couleurs, & celuy-là leur semble mieux en point qui est accoustré le plus sottement: ils dancent separément, ou se tenant par les mains allans en tournant, & se mettāt en forme d'arc, ou se tiennent en rond dancant en auant, en arriere, faisans des passages à leur mode, sautans, & voltigeans. Ce pendant que les vns dancent les autres se tiennent en vne place coys, chantans, les autres en vn autre lieu crient, & ce qui est notable c'est, qu'encore qu'ils soient beaucoup, le ton, le pas, & des marches s'accordent. Quand ils commencent à chanter, vous diriez que ce n'est que dueil, & t

se, main la fin est plein de folies. Ils dancent six  
ures sans se reposer, aucuns en perdent leur vent:  
luy est en plus grād estime qui dance le plus lon-  
nement. Ils ont vne autre sorte de dance, qui est  
elle à veoir, & a quelque apparence d'une guerre.  
usieurs ieunes compagnons pour donner esbat à  
ur Cacique s'assemblent, & font nettoyer le che-  
in & la place si nette, qu'il n'y demeure aucu-  
paille, ny herbe: Vn peu deuant qu'arriuer au pa-  
is, ils commencent à chanter bas, & à desco-  
ner leurs fleches par vn certain ordre, & puis peu  
peu haussent leurs voix, iusques à s'escrier tant que  
euuent. Il y en a vn qui chante seul, & tous les au-  
es luy respondent, & changent, & transmuient les  
aroles, tellement que si le premier dit: Nous auōs  
n bon seigneur, les autres respondront: Vn bon  
igneur nous auons. Celuy qui guide la dance va  
euant, cheminant en telle sorte qu'il aduāce touf-  
ours vne espaule deuant l'autre, tellement que  
ous diriez qu'il chemine des espaules: aussi tost  
u'il est entré à la porte du Palais, les autres y en-  
ēt aussi, faisans tous mille sottises, & mommeries:  
vn contrefait l'auengle, l'autre le boiteux: l'un fait  
emblant de pescher, l'autre de teistre: l'un rid, l'au-  
re pleure, & vn recitera les proüesses du seigneur,  
& de ses ancestres. Apres cela tous s'asseoient com-  
ne les cousturiers, & là banquettent avec vne si-  
ence grande, & boiuent iusques à s'enyurer: aussi  
eluy qui en auale le plus, est le mieux estimé, & re-  
uté par le seigneur plus vaillant que les autres. Le  
anquet leur est fait par le seigneur. Aux autres fe-  
tes, où ils ont accoustumé s'enyurer, ils menēt leurs

femmes & filles, afin qu'estans ainsi yures elles le  
 remenant en leurs maisons. Ils boient les vns au  
 autres, selon l'ordre qu'ils sont assis, qui est qu'  
 comme on fait en France: c'est tousiours vne fem  
 me qui leur verse à boire. Au commencement il  
 crient, & puis apres que le breuuage leur a monté  
 aux cornes, ils se plaudent à coups de poing, & se  
 disent mille vilénies, s'appellans coquus, couiards.  
 Il n'y a celuy en la troupe, qui ne s'enyure, & puis  
 se mettent à deuiner les choses futures, & prophé  
 tizent comme les Piaces. Plusieurs vomissent  
 pour en aualler d'autre. Leur bruuage est fait de  
 palmes, d'herbes, de grain, & de fruiets, selon l'ab  
 bondance qu'ils ont. Ils tirent par le nez la fumée  
 d'une herbe qui les rend stupides, & leur oste le sens.  
 Les femmes chantent des chansons tristes & me  
 lancoliques, quand les maris les emmenent en leurs  
 maisons, & y adioustent de tels tons qu'ils prouo  
 quent les personnes à pleurer. Ils sont grands ido  
 latres: ils adorent le Soleil, & la Lune, les reputant  
 pour Dieux souuerains, & pensent que l'un soit le  
 mary, & l'autre la femme. Ils ont grand peur du  
 Soleil quand il tonne & esclaire, pensans que lors  
 soit courroucé contre eux: Ils ieusnent quand  
 vient vne Eclypse, spécialement les femmes, qui en  
 cor' s'arrachent les cheueux, & avec les ongles se  
 corchent le visage: & les filles se tirent du sang de  
 bras avec arestes de poisson. Quand la Lune est plei  
 ne, ils croient qu'elle soit frappée du Soleil pour  
 quelque courroux qu'il ait contre elle. S'ils voyent  
 vne Comette au ciel, ils font vn grand tintamarre  
 avec leurs trompettes & tabourins, iettans des cris



enfans par ce moyen la chasser, ou la consumer: car ils sont merueilleusement estonnez quand ils voyent ces signes, pensans qu'ils denotent de grâds maux prests à venir. Entre plusieurs idoles, & figures qu'ils adorēt pour Dieux, ils auoient vne Croix faite comme celle de sainct André, & vn signe fait comme nous voyons ceux des notaires, principalement Apostoliques, qui sont quarrez, serrez, & faits avec des croix Bourguignonnes, traouant les vnes dans les autres: Par le moyen de cette Croix, ils se munissoient contre les visions nocturnes, & la mettoient sur les enfans qui naissoient.

*Des Prestres, Medecins, & Negromantiens.*  
*Chap. 83.*

ON appelle leurs Prestres Piaces. En ceux-cy repose l'honneur des filles qu'on marie: ils ont la science de guarir les maladies, & de dire les choses cachees & secrettes aux hommes: en somme, ce sont vrais magiciens, & negromantiens. Les medecines desquelles ils vsēt sōt herbes, & racines crues, pilées & pilees avec de la graisse d'oiseaux, de poissons, & d'autres animaux, du bois & autres choses incogneues aux vulgaires, adioustant dessus des paroles estranges que mesme le medecin n'entend point, comme est la coustume des enchanteurs: ils meschent, & succent le lieu où est la douleur, pour en tirer les mauuais humeurs, qui causent le mal. Si la douleur s'augmente, ou que la fiebure croisse, ou autre mal, ils disent que le patient a des esprits

dans le corps, & lors ils font couler leur main par  
 tout le corps, prononcent des paroles d'enchan-  
 teurs, lechent quelques iointures du corps, & les  
 fissent fort & ferme, donnans à entendre qu'ils in-  
 uoquent, & tirent l'esprit dehors: puis ils prennent  
 vn morceau de bois d'un certain arbre, duquel au-  
 tre que ces Piaces ne cognoist la vertu, & s'en fro-  
 tent la bouche, & le mettent si auant dedans le gos-  
 sier qu'ils vomissent tout ce qu'ils ont en l'esto-  
 mach:& plusieurs fois, pour l'effort qu'ils font, ou  
 que telle soit la vertu de cest arbre, ils iettent du  
 sang,& puis souspirent,crient,& ce prennent à trem-  
 bler, frappans du pied en terre, faisans autres mil-  
 gestes: tellement qu'ils en suent deux heures à gros-  
 ses gouttes, & la sueur est plus grande sur la poi-  
 trine:en fin ils iettent par la bouche vn flegme fort  
 espais,au milieu duquel on voit vn petit boulet dur  
 & noir, lequel ceux de la maison prennent, & iet-  
 tent dehors disans,allez vous-en diables,allez vous-  
 en. Si le malade guarist il donne au medecin tout  
 ce qu'il a: mais s'il meurt,ils disent que son heure e-  
 stoit venue. Ces Piaces donnēt responce de ce qu'on  
 leur demande, pourueu que la demande soit  
 d'importance: comme si on demandoit si nous  
 aurons guerre, ou non, & si nous l'auons,quelle e-  
 sera la fin: si l'an sera fertile, ou si la cherté regnera  
 si la pesche sera bonne, & si elle se vendra bien. Ils  
 aduertissent le peuple des Eclipses futures,& des  
 Comettes qui sont à aduenir, & predisent beau-  
 coup d'autres choses. Vne fois les Espagnols estans  
 en necessité, & desirans fort sçauoir s'il leur vien-  
 droit bien tost secours, ils leur respondirent qu'e-  
 vi

en tel iour il arriueroit vne carauelle avec autant d'hommes, chargee de telles prouisions, & aussi mesmement de telles marchandises: ils ne furent point trouuez menteurs, car au mesme iour qu'ils auoient remarqué, ceste carauelle arriua chargee de tout ce qu'ils auoient predit, ils inuoquent le diable en ceste façon. Le Piacé voyant vne nuit fort obscure, entre dedans vne grotte, ou chambre recluse & secrette, & mene avec soy quelques ieunes compagnons hardis pour faire les demandes sans se saisir d'aucune peur. Quant à luy il se sied sur un banc, & les autres se tiennent debout, il crie, il inuoque, il chante des rithmes, il sonne des sonnettes, ou coquilles de limaçons, & se prend à pleurer avec un ton de mesme, & repete souuent ces paroles, *prororure, prororure*, qui signifient des prieres: alors si le diable ne compare point, il recommence ses crieries, il chante des vers pleins de menaces se montrant courroucé, & iette de grands souspirs, & le diable lors vient (ce qui se cognoist par les cris merueilleux qu'il fait:) le Piacé redouble sa voix plus fort, se tempeste, & tombe à terre, donnant à entendre que le diable est pres de luy selon les tours & les mines qu'il fait: alors vn de ces ieunes compagnons s'approche de luy, & luy demande ce qu'il veut, & il leur respond. Vn iour frere Pierre de Corubé, & frere Dominique voulurent descouurir telles diableries: quand ils sceurent que le Piacé estoit tombé en terre, ils prindrent vne croix, vne estole, & de l'eau beneiste, & entrerent dedans avec plusieurs Indiens, & Espagnols. L'un ietta la moitié de son estole sur le Piacé, & feit sur luy plusieurs signes



de la croix, le coniurant en langue Latine, & vulgaire. Ce Prestre endiablé & enchanté, respondoit en langue Indienne bien à propos: on luy demanda où alloient les ames des Indiens, il respondit, que leur retraite se faisoit en enfer, & là dessus print fin ces belles sorceries, demeurant le moyne satisfait & estonné, & le piace tout endormy, & se pleignant du diable qui l'auoit si longuement detenu. Voilà la saincteté de ces reuerends Piaces: ils prennent prix pour guarir les malades, & pour deuiner, ce qui fait qu'ils sont fort riches: ils vont aux bâquets mais ils ont leur table à part, & s'enyurent terriblement, & disent pour leur defence que tant plus qu'ils boient, mieux deuinent: ils iouyssent de la virginité des filles, car ils essayent premiers les espousees. Aucun ne s'ose mesler de medeciner s'il n'est Piace. Ils apprennent la medecine, & leur magie aux enfans: & ils n'employent que deux ans à leur donner l'intelligence d'une si belle science, durant lesquels ils les enferment dedans des bois, & pendant ne mangent chose qui ait sang, ne voyent aucune femme, ny mesme leur mere, ny leur pere, & ne sortent de leurs demeures, & grottes. Les maistres, & Piaces vont de nuit à eux pour les enseigner, & quand ils ont acheué de leur monstres, ou que le temps du silence, & d'estre seuls est passé, ces escolliers en prennent attestation de leur maistre, & commencent à guarir, & donner responce de ce qu'on leur demande comme leurs docteurs, ainsi que nous auons dit. Tout ce que i'ay deduit cy dessus a esté recité pour chose certaine en plein conseil des Indes par frere Thomas Ortiz, & autres la

bins, & Cordeliers. On y adiousta foy, par-ce  
qu'il est certain que les diables entrēt quelque-fois  
dans les corps des hommes, & donnent responces telles  
qu'on bien souuent sont trouuees vrayes. Nous par-  
lons maintenant de leurs sepultures, lesquelles,  
comme elles nous meinent tous à la fin, aussi don-  
neront elles fin à ces coustumes de Cumana. Quand  
donc quelques vns sont morts, on châte les prouës-  
s, & actes genereux qu'ils ont faicts en leurs vies,  
puis les enterrent en leurs maisons, ou bien les  
font desseicher au feu, & puis les pèdent, & gardent  
chacuneusement. Ils pleurent amerement vn corps  
eschement mort. Quand ils font le bout de l'an,  
celuy qu'on a enterré est Seigneur, ou Cacique,  
et grand nombre de personnes s'assemblent, qui pour  
l'effect sont appelez, & inuitez, & chacun porte  
ce qu'il veult mager, & la nuit estant venue ils de-  
couvrent le mort pleurans tous, & demenans vn grād  
deuil, & prennent les pieds & les mains, & mettent  
la teste entre les iambes, & puis se mettent en rond,  
et tournent à l'entour. Apres ce tour ils se desassem-  
blent, & frappent des pieds en terre, esleuent leurs  
yeux au ciel, & iettent des pleurs crians hault le plus  
qu'ils peuuent. En fin ils bruslent les os, & donnent  
la teste à la plus noble, & legitime femme du de-  
funt pour la garder en relique, & pour la memoir-  
de son mary. Ils croyent que l'ame soit immor-  
le, & qu'elle se retire en vne campagne, où elle  
s'asseye, & boit, & que c'est l'Echo, qui respond à  
celuy, qui parle; & crie.

*Paria.*

*Chap. 84.*

f ij

**C**Hristofle Colomb arma six nauires aux desp  
 du Roy Catholique, sans en compter deu  
 qu'il bailla à Barthelemy Colomb son frere, & pa  
 tit de Caliz l'an 1497. Aucuns adioustent vn a  
 Il laissa la route des isles de Canarie, pour crain  
 cte de certains Corsaires François, qui en ce qua  
 tier guettoient ceux, qui venoient des Indes, & d  
 ces isles, & au lieu print le droict chemin de l'isle d  
 Madere, qui est tirant plus vers la Tramontane: c  
 là il enuoya trois Carauelles à l'isle Espagnole,  
 luy avec les trois autres vaisseaux se ietta vers  
 cap Verd, avec intention de rencôtrer la zone to  
 ride nauigant tousiours droict au Midy, pour sca  
 uoir quels pays estoient situez souz ceste zone.  
 fait voile de l'isle de Bon-regard, & ayant couru  
 plus de 800. mil, vers le vent Leuece, il se trouua  
 cinq degrez de l'Equinoxial sans vent aucun: C  
 estoit au moys de Iuin, & faisoit vne chaleur si veh  
 mente qu'on ne la pouuoit supporter: elle faiso  
 petiller les muyz, & corrompra l'eau, le grain me  
 me brusloit, & de peur que le feu ne print aux vai  
 seaux, le ietterent en la mer, avec plusieurs autr  
 biens, encor' pensoient bien tous perit, remettan  
 en memoire l'opinion des anciens, qui asseuroien  
 que la zone torride rostissoit, & brusloit les hom  
 mes, & que partant elle estoit inhabitable. Ils se re  
 pentoiient d'auoir esté là. La mer demeura ainssi ca  
 me avecques ceste grande chaleur huit iours,  
 premier fut clair, & les autres pluieux, mais au  
 ceste pluye l'ardeur s'augmentoit, comme fait  
 fournaise d'un mareschal. A la fin Dieu ayant pit  
 d'eux leur enuoya vn vent d'entre solaire & Mid



ui les poussa en vne isle que Colomb surnomma  
Trinité par deuotion, ou par ce qu'il auoit faict  
l'ueu à la diuine Maiesté estant en si grande per-  
plexité, ou bien par-ce que en vn mesme instant il  
aperceut trois hautes montagnes. Il s'approcha  
des bords de terre pour puiser de l'eau, par-ce qu'ils mou-  
uoient de soif, & vint surgir d'as vn fleuve entre des  
grands palmiers, mais l'eau estoit salee, & mauuaise  
à boire: & pour ceste cause il noma ce fleuve Salé.  
Il enuironna l'isle, & ne trouuant rien à propos se  
retira ded'as le goulfe de Paria par vne emboucheu-  
re qu'il nomma Dragon. Il trouua là de l'eau, du  
sucre, des fleurs, force oyseaux, & animaux estran-  
gers. Ce pays leur estoit si fraiz, & si odoriferant que  
ils p'esoient tous que ce fust le Paradis terrestre: ain-  
si Colomb l'asseuroit quand il fut emmené prison-  
nier en Espagne. Il disoit en outre, qu'il auoit veu  
par ceste nauigation que le monde n'estoit pas rond  
comme vne balle, mais qu'il estoit faict en forme  
d'une poire: puis qu'en tout son voyage il auoit  
iours flotté contremont, & que Paria estoit le  
plus haut du monde, puis que là on ne voyoit point la  
Terre Australe. Il disoit trois choses notables si elles  
eussent esté vrayes. Mais il est certain que la terre cō-  
ueni'nt la mer est ronde, ainsi que Dieu l'a prudem-  
ment au commencement formée: car autrement le  
Soleil ne la pourroit enluminer de sa clarté cōme il  
faict tous les iours tournoyant à l'entour. Le secōd  
point est aussi peu credible, q' Paria soit plus haute  
qu'Espagne, car en vne figure rōde il n'y a point de  
point plus hault que l'autre, encor' que vous la  
tourniez de quelque costé que vo' voudrez. Et si le

monde est rond, il est d'oc par tout esgal, & partant nostre Espagne est aussi pres du ciel que Paria, il est bien vray qu'elle n'est pas si directement sous le Soleil. Plusieurs hommes ignares, & sans lettres ont suivy l'opinion de Colomb, & pensoient veritablement qu'ils allassent d'Espagne aux Indes contre mont, & qu'ils en venoient tirât contre bas. Quand au tiers poinct que Paria estoit le paradis terrestre ie croy bien qu'à la verité il luy estoit aduis que ce pays estoit vn paradis, attendu la grande necessité en laquelle il s'estoit veu, & la grâde affection qu'il avoit de rencontrer terre: & qui ne l'eust reputé pour paradis; sortant d'un si eminent danger. Aucun n'a esté si hardy de marquer ce paradis en vn certain lieu. S. Augustin sur Genese dit que toute la terre est le paradis de plaisir. Plusieurs autres ont esté de son aduis. Mais cela n'est qu'interpreter le sens de l'escriture au pied de la lettre. Autres prennent ce paradis par vne allegorie pour l'Eglise, autres pour le ciel, & autres pour la gloire. Or pour reuenir au voyage de Colomb, il nomma l'entree du goulfe de Paria Dragon, par-ce que ceste emboucheure luy representoit vn Dragon, & par-ce qu'il pensa estre submergé, & englouty à ceste entree où le courant est fort, & vehement. La mer en cest endroit comence à croistre iusques au destroidt Magelanicque, & croist bien peu en tous les autres pays que nous auons descris cy dessus. Le terroir, la temperature, & fertilité de Paria est semblable à celle de Cumana. Les coustumes aussi, & la religion sont de mesme, ce qui sera cause que ie n'en diray icy autre chose. L'an 1530. Antoine Sedeguo

en alla avec deux carauelles & septante Espagnols  
la Trinité pour en estre gouuerneur , & Adelan-  
do, mais il mourut miserablement. Apres sa mort  
on y enuoya Hierosme Artal de Sarragoce avec cét  
centé Espagnols pour gouuerner ce pays , & pour  
peupler. Il peupla à Cumana, à S. Michel de Neue  
, & en autres lieux. Christofle Colomb costoya  
tout ce qui est depuis Paria iusq's au cap de la Voile,  
et descouurit Cubagua, l'Isle des perles qui le meit  
en mauuaise reputatiō à la court. Ce descouuremēt  
fut le premier, qui fut fait des terres fermes.

*Le descouurement que feit Vincent Yanes Pinzon.*

*Chap. 85.*

Il me souuient auoir cy dessus recité comme avec  
les nouuelles du descouurement des perles qu'a-  
uoit fait Colomb, vne auarice aussi tost entra au  
cœur de plusieurs, qui leur donna courage de tra-  
uerfer tant de mers pour satisfaire à leur cōuoitise.  
Mais comme on dict en Espagne, ils y alerent avec  
raison, & en reuindrent tousez. Entre ceux-cy  
eurent Vincent Yanes Pinzon , & Arias Pinzon  
son nepueu , qui meirent sus quatre carauelles à  
leurs despens. Ils les equipperent à Palos, lieu de  
leur naissance, & les pourueurent de gens, d'artil-  
lerie, de viures, & de marchandises pour changer.  
Ils pouuoient faire ceste despence aisément, par ce  
qu'ils s'estoient enrichiz aux voyages qu'ils auoient  
faits avec Colomb. Ils eurent permission du Roy  
Catholique pour descouurir, & eschànger en lieu  
où Christofle Colomb n'eust point esté. Ils par-  
tirent donc du port de Palos le 13. de Nouembre  
l'an 1499. pensans bien apporter force perles, or,



ioyaux, & plusieurs autres choses riches. Il tira l'isle de Sainct Iaques, qui est pres le cap Verd, & de là, sçachât que Colób n'auoit trauerfé la Zone torride, & qu'il en auoit seulement approché, se met à la trauerfer, & vint surgir pres vn cap qu'il furnôma de S. Augustin. Ces descouureurs saulterent en terre à la fin de Ianuier, & là se refreschirent d'eau, & se pourueurēt de bois, & remarquerēt la haulteur du soleil. Ils escriuirent leurs noms, & le iour qu'ils arriuerent, aux arbres & rochers, & en signe de possession ils y marquerēt aussi les nōs du Roy & de la Roine. Ce premier iour ils furēt vn peu estōnez de n'auoir trouué personne pour sçauoir quel estoit le lāgage du pays, & quelle richesse y auoit. La nuit d'apres ils veirent quelques feux, nō loin d'eux: du grād matin ils s'y en allerent, & voulurēt faire quelques eschanges avec ceux, qui estoient à l'entour de ces feux. Mais ces Indiens ne voulurēt accepter telle traficque, ains vouloient plustost cōbattre avec leurs arcs, & lāces: Les nostres aussi refusoient venir aux mains, par ce qu'ils estoient estonnez de la grādeur de leurs ennemis, qui surpassoient en haulteur les plus grands Alemans, & estoient d'vne moitié plus hauts qu'eux, ainsi que les Pinzons ont rapporté. Cela les feit desloger, & allerēt surgir en vn fleuve, qui n'auoit pas le fond assez creuz, au dessus duquel sur vne colline ils auoient apperceu des Indiens. Ils sortirent en terre avecques les barques & vn Espagnol s'auança, qui ietta au deuant d'eux vne sonnette pour les attirer, les Indiens, qui estoient bien armez ietterent vn boys doré, & comme l'Espagnols s'abbaissoit pour le ramasser, quelques vns

de leur troupe, coururent au deuant pour luy trancher chemin, & l'arrester: les autres Espagnols accoururent incontinent pour secourir leur compagnon, & ainssi se commença vne meslée, ou huiët Espagnols furent tuez, & furent poursuiuis iusques en leurs nauires par ces Indiens, qui mesmes avec vn courage, & hardiesse grande, s'estoient iettez dedans le fleuue pour combattre, & rompirent vn esquinif. Il pleut à Dieu qu'ils n'auoient point de poisó: car s'ils eussent eu leurs flesches enuenimees, comme ont les Caribes, tous ceux, qui furent blesez eussent demeurez morts. Vincent Yanes Pinzó cogneut lors quelle difference il y a entre combattre, ou manier vn tymon. En vn autre fleuue nommé Mariatamba ils prindrent trente six Indiés, & coururent toute la coste iusques au goulfe de Paria. Ils touchèrent le cap Premier, l'Angle de Sainct Luc, pays de Humos. Ils passerent par le fleuue de Magnon, d'Oreillan, par le fleuue doux, & autres lieux. Ils employèrent dix moys à aller, & venir. Ils perdirent deux carauelles avecques tous ceux, qui estoient dedans, ils amenerent vingt esclaves, trois mille liures de bresil, & de Sandal, & grand nombre de ioncs, qui sont estimez en Espagne, grande quantité de gluz blanche, des escorces de certains arbres, qui ressemblent à la canelle, & apporterent une peau de vne beste, qui porte ces faons en vne poche qu'elle a en l'estomach, & quand ils furent triuez, ils racomptoyent pour vne chose bien merueilleuse d'un arbre que seize hommes n'eussent peu embrasser.

**L**E fleuve d'Oreillan, s'il est tel qu'on le dict, est le plus grand des Indes, & de tout le monde encor qu'on y mette le Nil. Aucuns l'appellēt mē douce, autres disent que c'est vne branche du fleuve de Maragnon, qui prend sa source à Quito près de Mullubamba, & entre en la mer iusques à 1200 mil de Cubagua, mais ceste opinion n'est pas bien encore asseurée, & pour ceste cause nous y mettrō difference. Ce fleuve doncq prend tousiours son cours quasi dessous l'Equinoxial, & s'estend en longueur six mille mil, & plus, selō le recit d'Oreillā, & de ses cōpagnōs, par ce qu'il fait plusieurs cōtours & destours, coulant en façon de serpēt. Car du lieu d'oū il sourd iusques à la mer il n'y a que 2800. mil il faict grand nombre d'Isles. La maree monte cōtre mont plus 400. mil, avec laquelle les poissons nommez Manatis, Bufeos & autres montent loing de la mer plus de 1200. mille, il peult estre qu'il croist en certain temps comme fait le Nil, & le fleuve d'Argent, mais cela n'est pas encore descouvert, par-ce qu'il n'est pas encore peuplé. Je pense qu'aucune personne n'a tant nauigué sur fleuve quel qu'il soit qu'a faict François d'Oreillan sur cestuy cy. Et croy qu'il n'y a grand fleuve, duquel l'origine, & l'entree en mer ait esté cogneuë plustost que de cestuy cy, tellement que la source à esté aussi tost descouverte que l'emboucheure. Les Pinzōs l'ont descouvert l'an 1500. Oreillan la couru quarante & trois ans depuis ce qui luy aduint par vn hazard tel. Il s'en alloit en la compagnie de Gonzalle Pizarre à la conqueste, qu'on a surnommée de la canelle,



de laquelle nous traicterons cy apres. Vn iour pour tirer quelques prouisiôs d'une isle de ce fleuve il se ietta dedans vn brigantin, & quelques Canoas, ou barquerolles du pays avec cinquante Espagnols, & ayant nauigé quelques iours, se voyant loing, & escarté de son Capitaine, se laissa couler aual le fleuue emportât avec soy de l'or, & esmeraudes, & autres richesses, desquelles on s'estoit reposé sur luy, s'excusant toutesfois sur le courant de l'eau, qui l'emmenoit d'un destroiect, où il s'estoit trouué, & qu'il ne pouuoit remonter. Des Canoas il feit vn autre brigantin, & se desobligeant soymesme, & tous ses compagnons du sermēt qu'ils auoient faict à Gonzalle fut esleu chef, & capitane, & voulant essayer la fortune, s'arresta en ceste entrepryse de vouloir scauoir quelle estoit la richesse de ce fleuve, & où il prenoit sa fin, ce qu'il executa tellement, qu'il entra en la mer suyuât tousiours le fleuve. Mais il ne peut passer tant de pays sain, & entier. Il perdit vn œil en combattant contre les Indiens. Pour conclusion il vint en Espagne, & presenta au conseil des Indes, qui pour lors estoit à Valladolid, vne longue narration de son voyage, laquelle ainsi qu'on a sceu depuis, ne conceuoit que des mengeries. Il demanda la conqueste de ce fleuve, qui luy fut donnee avec le tiltre de Adelantado. Il despendit incontinent l'or, & les esmeraudes qu'il auoit apporté, & quand se vint à retourner avec vne armee, il n'auoit plus de pouuoir, par-ce qu'il estoit pauvre. Se voyāt en cest estat, cherchant les moyens pour recouurer argent, il se marie, & emprunte des deniers de ceux, qui vouloient aller avecques luy, leur promettant des

charges, & offices en son armee, & en son gouuernement. Il employa quelques annees à chercher ces moyens, & à faire ses apprests: à la fin il assemble cinquens hommes en la ville de Seuille, & meit la voile au vêt. Mais il fut preueniu de mort sur la mer & puis ses gens & vaisseaux s'escarterent deça delà & ainsi demeura ceste fameuse cōqueste qu'on surnommoit des Amazones, parce qu'entre toutes les nouuelles, ou menteries qu'il racomproit du pays, où il auoit esté, il disoit qu'il auoit veu sur ce fleuve des Amazones, avec lesquelles il auoit combattu qu'elles manioient tousiours les armes, & donoïent les combats, que elles se brusloient, ou couppoient la mammelle droicte pour tirer de l'arc, qu'elles tucioient, ou confinoient en prison les enfans males qu'elles procreoient, qu'elles estoient sans hommes ou mariz. Quant à ce qu'il disoit de ces femmes, qui combattoient, ce n'estoit pas grand merueille, par-ce qu'en Paria qui n'est pas loing de là & en plusieurs autres lieux des Indes les femmes ont ceste coustume, mais tout le reste estoit faux: car on les voit aussi bien tirer de l'arc avec leurs mammelles que les hommes, & toutes les Indiennes sont si adonnees à leur plaisir charnel qu'il est incroyable qu'elles se puissent contenir sans la compagnie des hommes. Aussi tous ceux, qui apres Oreillan ont parlé de ceste baye des Amazones, n'ont rien veu de tout cecy, & croy qu'on n'en verra iamais rien. Ce fleuve toutesfois comme les premiers non volontiers demeurent, a esté surnommé de puis, & marquéés cartes marines au nom des Amazones.

*Du Fleuve de Maragnon. Chap. 87.*

CE fleuve est trois degrez par dela l'Equinoxial: il a de largeur soixante mil, il enuironne plusieurs isles fort peuplees, où on trouue grande quantité d'encēs fort bon, & plus grenellé, & mieuxourny que celuy d'Arabie. Les habitans font cuire leur pain avec du baume, ou pour le moins avec vne liqueur, qui luy ressemble fort. On a trouué en ce fleuve des pierres fines, & vne esmeraude aussi large que la paulme de la main, fine au possible: les Indîes disent, qu'il y en a des rochers en contremôt de fleuve, on y a trouué aussi des apparences d'or, & d'autres richesses: Ils font leur breuuage de plusieurs choses, & entre autres, de dattes qui sont aussi grandes & grosses que coings. Ils portent des pendans à leurs oreilles, & trois ou quatre anneaux à leurs leures: & encor<sup>e</sup> qu'ils n'y mettēt des anneaux, ils ne laissent pas à les percer, estimans que ce soit vne grande beauté. Ils couchent dedans des lits qu'ils pendent en hault, & ne dorment point sur terre. Ces lits ne sont qu'une couuerture faicte en façon de rets, laquelle ils attachent à deux panx ou arbres, & n'ont autre chose pour les couvrir. Ceste façon de coucher est generale par toutes les Indes, depuis le Nom de Dieu iusques au destroict Magelanique. Le long de ce fleuve est subiect à des mechantes mouches, & Niguas, qui font perdre les pieds aux personnes quand elles y entrent, si on ne les tire bien tost dehors, cōme i'ay escript en vn autre chapitre. Aucuns disent, cōme i'ay recité à l'autre chapitre, que ce fleuve & celuy d'Oreillan ne sont qu'un, & qu'il prend sa source au Royaume



de Peru. Plusieurs Espagnols sont entrez en ce fleuve depuis qu'il fut decouvert par Vincent Pinzon l'an 1499. encor' qu'il n'y ayent peuplé. L'an 1531. Diego de Ordas, qui auoit esté capitaine sous Ferdinand Cortés en la conqueste de la nouuelle Espagne, y fut enuoyé pour en estre gouuerneur, & Adelantado: mais il n'arriua point iusques là, parce qu'il mourut sur mer, où son corps fut ietté apres. Il menoit en trois nauires six cens Espagnols, & trente cinq cheuaux. Apres on y enuoya l'an 1534. Hierome Artal auéccent trente soldats, il n'arriua point encor' là; car il demeura à Paria, & s'employa à peupler saint Michel de Néueri, & autres lieux, comme i'ay desia dit.

*Le cap de saint Augustin. Chap. 88.*

**C**E cap est situé 8. degrez & demy par delà la ligne Equinoxiale. Vincép Yanes Pinzon le decouurit l'an 1500. au mois de Iauier avec quatre carauelles qu'il auoit equipées au port de Palos: deux mois deuant. Les Pinzoñs ont esté grands decouureurs; & ont par plusieurs fois voyagé aux Indes. Mesme Americ Vespuce Florentin les remarque pour tels. Ideluy fut en ce mesme cap, & le nomma saint Augustin l'an 1501. ayant trois carauelles que luy donna dom Emanuel Roy de Portugal, qui l'enuoyoit pour chercher en ce quartier quelque passage pour gagner les Molucques. De ce cap il nauigua iusques à 40. degrez par delà l'Equinoxial. Plusieurs reprennent, & blasment les cartes marines de cest Ameri, cōme on peut voir en quelques Ptolemées imprimees à Lyon en France. Je croy qu'il a nauigué beaucoup: mais ie m'assure que

Vincent Pinzon, & Iean Diaz de Solis l'ont outre-  
passé. Je ne parle point de Christofle Colomb, ny de  
Ferdinand Magellan : car vn chacun sçait ce qu'ils  
ont descouuert. Je parle encores moins de Sebastie  
Mauoto, & de Gaspar Cortés Reales, desquels le  
premier estoit Italien, & l'autre Portugais, & si pas  
vn de ces deux n'entreprint ces voyages pour nos  
Rois d'Espagne. Mais il faut reuenir à nostre cap.  
Tous comptent depuis Maragnon iusques à ce  
cap 2000. mil, autres y en adioustant. En ceste coste  
est la pointe de Humos, par où passe la raye, qui de-  
note la diuision qui fut faite des Indes entre les Es-  
pagnols & Portugais: laquelle est vn degré & demy  
par delà l'Equinoxial, & est cinq degrez loing du  
cap Premier, qui ainsi a esté nommé, parce qu'il sem-  
ble premier à ceux qui vont par delà. On n'a point  
trouué en ce pays pour le peu d'apparoissance d'or,  
ou d'argent. Je croy toutesfois qu'il ne soit pas si  
sterile, comme on le fait, attendu qu'il est situé sous  
un bon air, & de bonne temperature. Ils laisserent  
encores ce pays, par ce qu'il appartenoit au Roy de  
Portugal suyuant la diuision, de laquelle nous auons  
parlé plus amplement en vn autre lieu.

*fleuve de la Plata, autrement dit de l'Argent. Chap. 89.*

DU V cap de S. Augustin, qui est à huit degrez de  
l'Equinoxial, on cõpte 2800. mil, de coste ius-  
ques au fleuve de la Plata. Americ dit qu'il s'en alla  
par le commandement de Dom Emanuel Roy  
de Portugal l'an 1501. pour chercher passage plus  
ourt pour aller aux Molucques, & à l'espicerie. Iean  
Diaz de Solis, natif de Lebrixa, costoya toute ceste  
coste de mil en mil, l'an 1512. à ses propres despens.

Il estoit grād Pilote du Roy. Il leua vne permissio  
 de son maistre, & se mit sur mer suyuant la route  
 de Pinzon. Il arriua au cap de Saint Augustin, & d  
 là print le chemin de Midy, & costoyant tousiours  
 la terre, se trouua à quarante degrez, & là il attach  
 des croix aux arbres, qui sont fort grands & hau  
 en ce quartier là, & puis arriua à vn grand fleuu  
 que les habitans appellent Parauaguazu, c'est à d  
 re mer, où grāde eau. Il apperceut en iceluy quelq  
 monstre d'or, & le surnomma de son nom: le pay  
 luy sembloit beau & bon, & les habitans de me  
 me: il y veid force bresil, & puis s'en retourna e  
 Espagne, où il feit recit au Roy de tout ce qu'il a  
 uoit descouuert, & demanda la conqueste & gou  
 uernement de ce fleuue: laquelle luy estant accor  
 dee, il arma trois nauires à Lepe, & mit dedans  
 bon nombre d'hommes pour guerroyer, & peu  
 pler. Il s'en retourna au mois de Septembre l'an  
 1515. par la mesme route qu'il auoit tenue. Estan  
 arriué il se met en terre avec cinquante Espagnols  
 pésant que les Indiens le receuroient en paix, com  
 me à l'autre fois, & comme mesme ils en faisoient  
 encores le semblant. Mais il fut trompé: car sortan  
 de la barque il fut assailly par des Indiens, qui se  
 stoient embusquez dedans vn bois, & fut tué, &  
 mangé avec tous les autres Espagnols qui s'estoient  
 mis en terre: la barque mesme fut mise en pieces.  
 Les autres qui estoient aux nauires contemploient  
 le conflict, & feirent leuer les voiles, & les ancre  
 sans auoir la hardiesse de venger la mort de leur ca  
 pitaine. Ils se chargerent de bresil & de gluz blan  
 che, & s'en retournerent en Espagne tous honteux



perdus. Sebastien Gauoto allant aux Molucques  
alla par ce fleuve l'an 1526. avec quatre caravelles,  
deux cens cinquante Espagnols. L'Empereur le  
fournit de vaisseaux, & d'artillerie, & les marchans  
autres personnes qui allerent avec luy, luy don-  
nerent ainsi qu'on dit, mille ducats, à la charge qu'il  
separtiroit à vn chacun le gain & profit au pro rata.  
De ces deniers, il pourueut son armee de victuail-  
les, & de merceries pour changer aux Indiens. Il ar-  
riua en fin à ce fleuve, & par le chemin il rencontra  
un nauire François, qui negocioit avec les Indiens  
du goulfe de tous les Saints. Estât entré en ce fleu-  
ve il feit flotter son armee contremont 160. mil, &  
arriua au port de S. Sauueur, qui est assis sur vn au-  
tre fleuve, qui entre dedans cestuy-cy. Les Indiens  
y tuerēt deux Espagnols, & ne les voulurent man-  
ger, disans qu'ils estoient soldats, & que ils auoient  
cōsua esprouué en la personne de Solis, & de ses cō-  
gnons quelle estoit leur chair. Gauoto se partit  
de là sans faire aucune chose digne de memoire, &  
en retourna en Espagne tout fâché. Ce ne fut pas  
tant par sa faute, ainsi qu'on dit, comme par celle de  
ses soldats. Apres cestuy-cy dom Pierre de Men-  
doza, voisin de Guadix, alla à ce fleuve l'an 1535.  
avec douze nauires, & deux mille hommes. Ce fut  
le plus grand nombre d'hommes, & de vaisseaux  
que capitaine eust mené aux Indes. Il partit mala-  
de, & retournant par deçà à cause de sa maladie il  
mourut sur mer, l'an 1541. on y enuoya pour gou-  
verneur, & Adelantado Alvaro Nugnez Cabeza de  
aca natif de Xerez : c'estoit celuy, qui autresfois  
army les Indiens auoit fait des miracles comme

i'ay dit en vn autre lieu. Il mena quatre cens Espagnols soldats, & quarante six de cheual: il eust pe faire quelque chose de bon, mais il ne sceut se gouuerner avec les Espagnols que Dom Pierre Mandoze auoit laissez là, & encor moins avec les Indiens, tellement qu'il fut enuoyé prisonnier en Espagne avec vne information de toutes ses actions. Ceux qui le menoient estant arriuez demander vn autre gouuerneur, on leur donna Iean de Sanabria de Medellin, lequel s'obligea de mener avec soy à ses despens trois cens hommes mariez, quant pour eux que pour leurs femmes & enfans, lui auoient promis sept ducats & demy pour homme. Mais il mourut à Seuille dressant son equippage & le Conseil des Indes commanda que son fils continuast l'entreprinse. Plusieurs font cas de ce gouuernement par ce qu'il y ajà beaucoup d'Espagnols demeurans là, & accoustumez à l'air, qui sçeuient fort bien la langue du pays, & ont basti vne ville, qui contient deux mille maisons, en laquelle demeurent avec les Espagnols grand nombre d'Indiens & Indiennes, qui se sont faits Chrestiens. Elle est assise à quatre cens mil de la mer sur ce fleuve vers le Midy en vn pays nommé Quirandies, où les hommes sont grands comme Geans, & si legiers à la course, qu'ils prennent avec la main les cheureux: ils vivent cent cinquante ans. Tous les habitans de ce fleuve mangent chair humaine, & vont tous nus. Mais nos Espagnols depuis qu'ils ont eue vsé leurs chemises & accoustremens, se sont vestus de peaux de cheures conroyez avec gresse de poisson: ils ne mangent quasi que du poisson, duquel i

nt grande quantité, & est fort gras. C'est la principale viande des Indiens encor' qu'ils prennent à chasser des cheureaux, sangliers, moutons comme ceux du Peru, & autres bestes. Ils sont grands guerriers, & ont accoustumé de porter à la guerre vn os pommeau attaché à vne longue, & grosse corde, lequel ils iettent sur leur ennemy ou au col, ou aux iambes avec telle dexterité qu'ils ne faillent à entortiller de ceste corde, & puis avec vne force grande le tirent à eux, & puis le sacrifient à leurs dieux, & le mangent. Le pays est tres-fertile, ainsi que Sebastien Gauoto essaya, ayant semé au mois de Septembre cinquâte & deux grains de froment, & il en rapporterent au mois de Decembre cinquante mille. Il est aussi fort sain combien qu'au commencement les Espagnols y furent malades, mais on n'en dône la cause au poisson, duquel ils se faisoient plus que d'autre chose: si est-ce toutes-foies que depuis ils s'engraissoient & proffitoient de la mesme viande. Il y a en ce fleuve des poissons, les vns ressemblans entierement des porcs, les autres des hommes. Il y a aussi sur terre des serpens qu'on nôme sonnettes, par-ce qu'ils rendent vn son en maniant. On y trouue pareillemēt de l'argent, des perles, & autres ioyaux. Ce fleuve a esté nommé Tula, & de Solis, en memoire de ceux, qui l'ont decouvert: il contient en largeur cent mil, car on compte autant du cap de sainte Marie iusques au cap Blanc, qui tous deux sont à trente cinq degrez de l'Equinoxial vn peu plus, ou moins. Il fait plusieurs isles, il croist comme le Nil, & pense que soit en vn mesme temps; il prend sa source au



Royaume du Peru, & s'enfle par le moyen des fleuves, qui entrent dedans, nommez Auançai, Vilcas Purina, & Xauxa, qui ont leur source en Bombo qui est vn pays haut. Les Espagnols, qui habitent sur ce fleuve l'ont couru contremont si auant, que plusieurs sont arriuez au Peru, cherchans les mines de Potosi.

*Le port de Pattos.*

*Chap. 90.*

**C**E seroit vne chose trop longue, & prolixie de vouloir reciter par le menu les fleuves, les ports, les poinctes qui sont depuis le cap de saint Augustin iusques au fleuve de l'Argent, & par ailleurs je me contenteray d'escire seulement les noms pour remarquer la coste. On voyoit donc comme en vn grand goulfe esgal le goulfe de tous les Saints, le cap des Basses, qui est à dixhuiet degrez, le cap Friqui qui est quasi comme vne isle ayant 280. mil de tour la pointe du bon Abrigo, par où passe le tropique de Capricorne, & la ligne & raye de la diuision, laquelle nous auons cy dessus parlé, qui est vne chose à noter. Le Roy de Portugal a, selonc nostre copie en ce quartier, pres de 1500. mil de pays à compter de la Tramótane à Midy, & pres de cinq cens quarvingts mil de Leuant en ponent, & plus de deux cent huiet ceus mil de coste de mer. Tout ce pays est chargé de bresil, mesme on y trouue des perles, selonc qu'aucuns recitent. Les habitans sont de grande corpulēce, & d'vn mesme courage, ils mēgent chascun humaine. Quant au port de Pattos il est situé à vingt huiet degrez, & a au deuāt vne isle nommee sainte Catherine. Noz gens trouuerēt en ceste isle des oiseaux noirs sans plume, ayans le bec de corbeau.

stans fort gras, s'engraissans ainsi du poisson qu'ils mangent. L'an 1538. Alphóse de Cabrera, qui estoit party pour aller au fleuve de l'Argent, & seruir là de Contrerolleur pour l'Empereur, se trouua en ce port, où il trouua trois Espagnols qui entendoient, & parloient disertement la langue du pays. Ceux-cy se voyoient perdus au tēps que Sebastien Gauoto vint en ce quartier. Vn peu apres frere Bernard d'Armenta, qui estoit commissaire, & autres quatre cordeliers commencerent à prescher la foy de Iesus Christ, faisant de ces trois Espagnols pour se faire entendre, & bien profiterent en ce peu de tēps qu'ils baptizerent, & marierēt à nostre mode grād nombre d'Indiens. Ils cheminerent par le pays en plusieurs endroits preschans, & conuertissans le peuple, estans humainemēt receuz par tout, où ils vouloient aller, par-ce que trois ou quatre ans deuantvn saint Indien nommé Origuara auoit couru par tout ce pays preschant, ou biē annonçāt cōme en peu de tēps arriueroyēt en ce pays des Chrestiens pour les prescher, & que s'ils vouloyēt biē faire, ils s'apprestassent à recevoir leur loy, & leur religiō, qui estoit sainte, & que ils dōnassent congé à tant de femmes, qu'ils auoient entre lesquelles ils auoient mesme leurs seurs, & parentes, & qu'ils s'abstinsent des vices, qui leurs estoient coustumiers. Et afin que telles remonstrances, & aduertissemens demeurassent en la memoire de ces peuples, il en composa des rythmes, & chansons qu'encor' aujourd'huy on chāte par les rues & maisons en la louange de l'innocēce de cest Indien. Il conseilla en outre de bien traicter les Chrestiens, & s'en alla du pays en lieu, d'où depuis on n'eut

nouvelles de luy. A raison de telles admonitions ce peuple fut aussitost enclin à receuoir la parolle de Dieu, & à se baptiser. Mesme deuant la venue de ces religieux, ils auoient porté grand honneur aux Espagnols, qui s'enfuyas d'une meslee, qu'ils auoient eue avec les Indiens du fleuve de l'Argent, s'estoient retirez à sauueté en ce pays. Ils leurs nettoyoient le chemin, leurs presentoient à manger, leur donnoient des pennaches, & offroiēt de l'encens comme à leurs dieux.

## LIVRE TROISIEME DE L'HISTOIRE GENERALE des Indes.

*La negociation de Magellan sur l'espicerie.*  
Chap. 91.



Erдинand Magellan, & Ruy Falero vindrēt de Portugal en Castille pour traicter au Cōseil des Indes d'une affaire, qui estoit telle, que moyennant quelque bon party, ils s'offroiēt de descouurer une nauigatiō aux isles des Molucques, qui produisent les espices, par vn nouveau chemin plus court que n'est celuy des Portugays passans par Calecut, Mataca, & Sina. Le Cardinal frere François de Zisueros Gouverneur de Castille, & ceux du Conseil des Indes leur rendirent graces pour vne si bonne volunté, & vn tel aduis, & leur donnerent esperance qu'ils seroient bien re-



ceuz par le Roy Dom Charles quand il seroit arri-  
ué de Flandre, & qu'aussi tost ils seroient despes-  
chez. Auec ceste responce ils attendirent la venue  
du Roy, & cependant ils feirent entendre ample-  
ment leur entreprinse à l'Euesque Roderic de Fon-  
teque President des Indes, & aux Auditeurs. Ruy  
Severo estoit bon Cosmographe, & bien verifié es let-  
tres humaines, & Magellan estoit pilote fort expert  
& hardy, il disoit & asseuroit que par la coste du  
Bresil, & par le fleuve de l'Argent on trouueroit vn  
passage pour aller aux isles des espices, qui seroit  
plus court, que d'aller par le cap de Bonne-esperâ-  
nce, & que pour le moins il ne failloit point tirer ius-  
ques à septante degrez comme marquoit la carte  
marine, cōposée par Martin de Boheme, qui estoit  
par deuers le Roy de Portugal. Ceste carte toutes-  
fois ne marquoit aucun passage tel qu'ils donnoient  
entendre, encor qu'elle designast bien les Molu-  
cques selon leur situation, si elle ne mettoit pour  
passage le fleuve de l'Argent, ou quelqu'autre grād  
fleuve de ceste coste. Magellan monstroient encore  
vne lettre missiue de François Serran Portugais  
son amy, & parent, datée des Molucques, par laquel-  
le il le prioit qu'il s'en allast par delà s'il vouloit in-  
continent deuenir riche, & l'aduertissoit comme il  
estoit venu de l'Indie à Iaua, où il s'estoit marié, &  
depuis qu'il estoit venu en ces Molucques pour la  
negociation de l'espicerie. Il auoit aussi pour lors  
par deuers luy le discours du voyage de Louis Ber-  
nardin Boulongnois, qui d'Italie apres auoir passé  
toute la Grece, l'Egypte, l'Arabie, Perse, Calcut,  
estoit allé à Bandan, Borney, Bacian, Tidore, & au-

tres isles des espices, qui sont sous l'Equinoxial, bien loing de Malaca, Samotra, Ciantan, & la coste de Sina. Il auoit encor' avec luy vn esclaué qu'il auoit autres-fois amené de Malaca, lequel on appelle Héry de Malaca, & si auoit vne femme aussi esclauée, qui estoit natifue de Samotra, qu'il auoit eue aussi à Malaca, ceste femme entendoit beaucoup de langage de ces isles. Il imaginoit aussi d'autres choses pour estre plustost creu, & faisans des considérations telles, que ce pays deuoit tourner vers le Ponent, comme le cap de Bonne-esperance tourne vers le Leuant, puis que ja Jean de Solis auoit flotté par là iusques à quarante degrez par de là l'Equinoxial, leuant la prouë vn peu vers le Ponët: & s'il seuroit en outre qu'au cas qu'il ne trouueroit passage en ceste endroit, costoyant toute la coste, viendroient à surgir à vn cap, qui respondroit à celui de Bonne-esperance, & que là il descouueroit de grands pays, & le chemin de l'espicerie. Ceste navigation estoit tres-longue, tresdangereuse, & périlleuse, & de grands coups: plusieurs ne la pouuoient comprendre, autres n'en croyoient rien du tout, la plus grand part toutesfois y adioustoit foy, comme prouenante de l'esprit d'vn qui auoit demeuré sept ans en l'Indie, où se fait la traicte des espiceries. Il y auoit vne autre raison qui incitoit les cœurs de personnes à les croire, encor' qu'il n'y eust pas grande assurance de verité: c'estoit qu'encor' qu'ils fussent Portugais, ils disoient neantmoins que Samotra, Malaca, & autre pays plus oriëntaux, où on traffiquoit & estoient assises les foires de l'espicerie, appartenoient au Roy de Castille, comme estans situez au dedans

de la portion qui luy estoit escheuë par la diuision, de laquelle nous auons parlé cy dessus, & que la ligne, ou raye deuoit passer plus de trois cens soixâte lieues vers le Ponët, loing des isles du Cap Verd ou Azores. Ils asseuroient d'auantage que les Moluques n'estoient pas fort loing de Panama, & du goulfe de S. Michel que descouurit Vasco Nugnez de Valboa. Ils disoient encore qu'en ces pays & isles, qui appartenoient au Roy de Castille on y trouuoit les mines & le sablon d'or, & des perles, & ioyaux, outre la canelle, girofles, poiure, noix muscades, gyngébre, rheubarbe, sandal, cāphre, ambre, musc, & plusieurs autres marchandises de tres-grand pris, tant pour la medecine, que pour le goust, & plaisir des personnes. Le Roy Dó Charles, qui n'estoit pas encor' Empereur, estant arriué en Espagné, ceux du Conseil des Indes, apres auoir bien consideré toutes ces choses luy conseillerent de mettre à execution ce que ces Portugais propoisoient. Et ainsi pour leur donner meilleur courage, le Roy les feit Cheualiers de l'ordre de S. Iaques, avec la Croix, & leur donna les gens desquels ils auoiët besoing, autant de vaisseaux qu'ils demandoient, non-obstant que les Ambassadeurs du Roy de Portugal luy dirent plusieurs meschancetez d'eux, comme estans desloiaux, & traistres à leur Roy, & qu'ils le tromperoiënt. Mais les autres s'excusèrent amplement, & contenterent le Roy, se compleignās du Roy de Portugal. Il est biē vray qu'ils promeirent à ces Ambassadeur de n'aller aux Molucques par la voye que tenoient les nauires de leur Roy, ce qui contenta vn peu le Roy de Portugal, qui estimoit qu'ils ne



trouueroyent iamais passage ny autre nauigation pour aller aux especes que celle par où les siens passeroient. En fin, ils firent despescher les provisions, & lettres parentes de leurs charges à Barcelone, & de là s'en allerent à Seuille, où Magellan se maria avec vne fille de Duardo Barbosa Portugais Chastelain des Atarazanes, & Ruy Falero deuint fol & incensé par-ce que perpetuellement il pensoit à son entreprinse, laquelle il croioit ne pouuoir sortir effect, & là dessus se tourmentoit de ne pouuoir accomplir ce qu'il auoit promis. Autres disent que ceste folie luy aduint d'une pure melancholie qu'il eut pensant à sa desloyauté, & à la trahison qu'il commettoit contre son Roy. Cela fut cause qu'il n'alla aux Molucques.

*Du destroiët de Magellan. Chap. 92.*

**C**Eux qui ont la charge de la maison de la negociation des Indes, equipperent cinq nauires, & les pourueurent de biscuit, de farine, de vin, de huyle, de fromage, de iambons & autres choses propres à manger, & d'armes, & de merceries, & enrollerent deux cens soldats : Le tout au despens du Roy. Avec vn tel aprest Ferdinand de Magellan partit de Seuille, & du port de S. Lucar de Barraameda au mois d'Aoust, 1519. quasi trois ans apres qu'il fut venu de Portugal en Espagne pour negotier ceste entreprinse. Il mena deux cens trête-sept hommes, tant soldats, que mariniers, entre lesquels y en auoit quelques vns Portugais. Le nauire Capitaine se nommoit la Trinité, les autres auoient ces noms, Victoire, S. Antoine, la Conception, & S. Iuques. Jean Serran seruoit de grand Pilote à cest

armée, c'estoit vn marinier bien entendu, expert, & fort exercité en son art. De S. Lucar, donc, Magellã s'en alla à Tenerife, qui est des Canaries, & de là aux Isles du cap Verd, & puis au cap de S. Augustin, prenant son chemin entre Midy & Ponent: parce que son intention estoit de suyure ceste coste iusques à tant qu'il rencontrast vn passage, ou qu'il en veid le bout, costoyant tousiours la terre de pres. Ils s'arrestèrent beaucoup de iours és pays qui sont situez à vingtdeux & vingt trois degrez outrel'Equino-  
xial, mangeans en ce payslà des cannes de miel, desquelles on fait le sucre, & des bestes que les Indies appellent Autas, qui ressemblent à des vaches. La meilleure chose qu'ils peurent tirer de ce pays en contre eschange furent des perroquets. Ces habitants mangent d'un pain fait d'un bois gratté, & de la chair humaine. Ils se vestent d'accoustremens faits de plumes ayans de grandes queue's, ou bien ils vont nuds. Ils se percent les naseaux, les leures de dessous, & les oreilles pour porter des ioyaux & autres choses tailles en os. Ils se peignent tout le corps, les hommes ne portent point de barbe, & les femmes n'ont sur elles aucun poil, parce qu'elles l'arrachent avec vn certain art. Ils couchent en leurs Hamacques (ainsi appellent-ils leurs lits) cinq à cinq, & mesme dix à dix avec leurs femmes: ce que ils font, tant par leur coustume ancienne, que pour entretenir leur fraternele amitié: ils ont accoustumé de vèdre leurs fils. Les femmes suiuent leurs maris chargees de pain & de fleches: les enfans portent des rets, & filets. A la fin de Mars, nos gens arriuent en vne plage qui est à 40. degrez, où ils hyuernerent

les cinq mois ensuiuâs iusques en Aoust, parce que le soleil ne faisoit pour lors son cours par là, le froid, la glace, & les neges regnent en ce quartier durant ce temps. Ce pendât aucuns Espagnols allerēt voir quel pays c'estoit, & porterēt des miroiers, sonnettes, & autres choses pour changer. Les Indiens vindrēt sur la marine esmerueillez de veoir des vaisseaux si grands, & des hommes si petits: ils mettoient & estoient par dedans leur gosier vne fleche pour estimer nos gens ainsi qu'ils demonstroient: Aucuns disoient qu'ils ont accoustumé de faire ainsi voulâs voir mir quâd ils sont trop saouls. Ils auoient leurs cheveux taillez en couronne comme ceux des prestres & entortillez avec vn cordon de fil, auquel mesme ils attachent leurs fleches quand ils vont à la chasse ou à la guerre. Ils auoient des souliers de pasteurs & estoient vestus de peaux d'animaux. Si vous considerez tels accoustremens en la personne de quel que geant, tels cōme sont ceux cy, vous direz qu'ils la rendent plus formidable, & admirable, comme aussi à la verité ils rendoient ces habitans. Ils commencerent avec signes (car le parler ne seruoit de rien) de s'accoster l'un l'autre: Nos gēs les inuitoient de venir veoir les nauires, & eux inuitoient nos gēs à leur maisons. En fin sept arquebouziers allerent iusques à six mil dedans le pays en vne maison couuerte de peaux, & qui estoit au milieu d'un bois fort espais. Ceste maison estoit partie en deux, l'une pour les hōmes, & l'autre pour les femms, & enfans. Ils vindrēt en icelle cinq gēs, & 13. fēmes, & enfāns tous plus noirs que ne requeroit la fragilité du pays. Ils donnerent pour soupper à nos gens vne Anta ma



ostie, ou bien vn asne sauuage sans leur donner à boire vne goutte, & puis leur donnerent à chacun vne plisse pour coucher, & se rangerēt à l'entour du feu sans dormir toutesfois, ayās peur les vns des autres. Au matin noz gens les prierent fort qu'ils vins- sent avec eux voir les nauires, & saluer le Capitaine, & n'en voulans rien faire, ils les prindrent pour les mener par force, afin que Magellan les veid. Les In- diens faschez de telle hardiesse, faisans semblant de vouloir marcher, entrerēt dedans le logis des fem- mes. & vn peu apres sortirent, ayās les visages vilai- nemēt depeinct de plusieurs couleurs, & estās cou- uers de plumes estrāges iusques à my iābe avec vne fiertē manioiēt leurs arcs, & leurs flesches menaçās les Espagnols s'ils ne s'en alloient de leur maison. Noz gēs pour les espouuēter deslacherent par haut vne harquebouze. Ces geans alors demāderēt paix, estōnez d'vn tel bruit, & de la flāme. Et par ce moyē trois d'entr'eux vindrēt avec les Espagnols. Ils che- minoient si à grand pas, que les nostres ne les pou- uoient suiure, encor' il y en eut deux qui eschaperēt faisant semblant de vouloir aller tuer vne beste, qui païssoit pres le chemin. Mais l'autre qui ne peut es- chapper, fut menē deuāt Magellā, qui le traicta dou- cement, afin qu'il print noz gens en amitiē. Cest In- dien print plusieurs qu'on luy presenta, avec vn visage toutesfois triste, il beut bien du vin, & eut peur de se veoir dedans vn mirouër qu'on luy don- na: on voulut esprouuer quelle force il auoit, huit Espagnols ne le peurent lier. On l'enchaina, mais depuis il ne feit que crier, & pleurer, & par vn despit grand ne voulut plus manger, & ainsi

mourut. On en print la mesure pour la porter en Espagne, puis qu'on ne pouuoit y porter le corps: il auoit onze palmes de hauteur, on dit qu'il y en qui en ont treize, qui est vne hauteur tres-grande. Ils ont les pieds fort difformes, pour laquelle cause on les appelle Paragonis, ils parlent du gosier: ils mangent beaucoup, selon leur corpulence, & à raison de la température de l'air: ils sont mal vestus pour viure en vn pays si froid, ils lient leur membre en dedans par entre les fesses: ils teindēt leurs cheueux de blanc, par-ce que ceste couleur leur plaist: ils se frottēt les yeux, & se peindēt le visage de iaune, marquans en chascue iouē vn cœur: finalement ils sont accoustrez, & parez d'une telle sorte que vous ne diriez pas que ce fussent hommes. Ils sont adextres à tirer de l'arc, ils ne font que chasser: ils prennent à leur chasse des autruches, des regnards, des cheures sauvages, qui sont fort grandes, & autres bestes. Magellan sortit en terre, & feit cāper ses gens: Mais par-ce qu'il n'y auoit aucunes villes ny personnes, qui pour le moins comparussent en ce quartier: ils tomberēt tous en vn piteux estat, endurans si grand froid, & telle famine qu'aucuns en moururent. Magellan mettoit vne reigle estroicte aux viures, à fin que le pain ne defaillist point, voyant le defect, la necessité, & le danger, & que les neiges, & le mauuais temps duroient tousiours. Les Capitaines de l'armee, & plusieurs autres le prierent qu'il voulust retourner en Espagne, & qu'ils ne les feit point mourir là tous si miserablement, cherchans ce qui n'estoit point, & qu'il se contentast d'estre venu en lieu où iamais espagnol n'auoit mis le pied. Magel-

an leur feit responce que ce leur seroit vne grande  
onte de s'en retourner pour si peu de trauail, de la  
aim & du froid qu'ils auoient enduré, sans veoir  
e passage qu'il cerchoit, ou la fin de ceste coste, &  
ue le froid se passeroit bien tost, & remediroit à  
faim par vn bon ordre qu'il y dōneroit, & qu'on  
pouuoit reprimer par la pesche, & par la chasse:  
qu'ils prinsrent courage d'endurer encor le trauail  
de la mer pour quelques iours, que le Printemps  
eroit bien tost, qu'ils pouuoient flotter aisément  
usques à septante cinq degrez, puis qu'on nauigue  
n Escosse, Noruegue, & Islāde, & que mesme Ame-  
ic Vespuce estoitjà paruenue iusques à là, & au cas  
qu'il ne trouueroit en ce degré ce que tant il desi-  
oit, qu'il s'en retourneroit. Nonobstant, toutes-  
ois telles remonstrances, la plus grand part iettans  
armes & souspirs, le requirent vne & plusieurs fois  
que sans aller plus auant il rebroustast chemin.  
Mais Magellan entrant en grande colere, & grin-  
sant les dents comme vn homme courageux, & de  
honneur, en feit prédre quelques vns qu'il feit cha-  
tier: Ce qui anima d'auantage les soldats cōtre luy,  
disans que ce Portugais les menoit à la mort pour  
entrer en grace avec son Roy. Avec vn si mauuais  
accord ils s'embarquerent tous avec Magellan, &  
des cinq nauires il y en auoit trois qui ne vouloiēt  
point obeir, ce qui luy donnoit vne grand' peur  
qu'ils ne l'assaillissent, ou luy feissent quelque mal.  
Estant en telle peine, vn de ces trois vaisseaux re-  
poussé par les flots de la mer vers la riue, sans que  
es mariniers y prinsrent garde, parce qu'il estoit  
nuict, & qu'il estoit desencré, vint se ietter sur le



sien, au moyen dequoy il se saisit incontinent d'une  
 grand peur, mais aussi tost il cogneut la faute. Il ar-  
 resta ce nauire sans coup frapper, & sans s'esmou-  
 uoir. Les autres deux voyans cestuy-cy en l'obeis-  
 sance du capitaine, se vindrent aussi rengier vers luy.  
 Il feit pendre Loys de Mendoza, & Gaspar Casado,  
 & quelques autres, & meit, & laissa sur terre Jean  
 de Carthagene, & vn Prestre, qui excitoit vn cha-  
 cun à discorde, leur laissant seulement leurs espees,  
 & vn petit sac plein de biscuit, afin qu'ils mourus-  
 sent là, ou qu'ils fussent mangez des Indiens, publians  
 qu'ils auoient voulu le tuer. Tel chastiement cruel,  
 & inhumain adoucit les cœurs des autres, & puis  
 Magellan partit de ce lieu, qu'il nomma S. Iulien, le  
 iour de S. Barthelemy, & cōtemplant attentiuement  
 tous les destours des plages qu'il rencontroit pour  
 voir si ce n'estoient point quelques passages, il tar-  
 doit beaucoup en chaque quartier, où il arrinoit, &  
 vn iour estant vis à vis de la pointe de S. Croix vint  
 en vn instāt s'esleuer vn tourbillon de vent, qui em-  
 mena sur des roches le plus petit vaisseau des cinq,  
 ou il fut brisé & mis en pieces, les hommes toute-  
 fois, & tout ce qui estoit dedans fut sauué. Magellan  
 eut de rechef vne grand peur, & perdoit son sens, &  
 son esprit, comme celuy qui s'en alloit perir: le ciel  
 estoit troublé, l'air remply de tonnerres & tempe-  
 stes, la mer enflée, la terre glacée: si est-ce qu'avec  
 tout cela il ne laissa à courir cent vingt mil, & arriva  
 à vn cap qu'il surnomma des Vierges, par ce que  
 c'estoit le iour de S. Vrsule. Il mesura à la hauteur du  
 Soleil, & se trouua à cinquante deux degrez & de-  
 my de l'Equinoxial, & estoit pour lors six heures de  
 nuict

uiet, ou la minuiet. Cest endroit luy sembla estre  
ne grande descente ou courante d'eaux, & pen-  
ant que ce fust le destroit qu'il cherchoit, enuoya les  
autres pour s'en informer plus au vray, & leur cõ-  
manda que dedans cinq iours ils retournassent en  
le mēme lieu. Les deux reuindrent, & comme la  
troisieme, nommee S. Antoine tardoit trop, les au-  
tres feirent voile: Mais estant puis apres de retour  
en ce lieu des Vierges, & ne trouuant les autres, Al-  
varo de Meschita qui en estoit capitaine, & Estien-  
ne Gomez Pilote, feirent delascher l'artillerie, &  
firent des feux pour sçauoir des nouuelles de leurs  
compagnons, & attendirent quelques iours. Alua-  
ro vouloit entrer au destroit, disant que son oncle  
Magellan auoit prins ce chemin: Mais Gomez &  
Aluasi la plus part vouloient retourner en Espagne,  
et sur ce different il donna vn coup d'espee à Mes-  
chita & le mit prisonnier, le chargeant d'auoir  
conseillé Magellan d'exercer telle cruauté sur Car-  
mene, & sur le Prestre, & qu'il estoit cause de la  
mort d'autres Castillans, & puis feit voile en Espa-  
gne. Ils emportoient avec eux deux geans qui mou-  
rurent sur mer. Ils arriuerent en Espagne huit mois  
apres qu'ils se furent departis d'avec Magellan, qui  
pendant tarda beaucoup à passer le destroit:  
Mais quand il eut veu l'autre cap, il rendit infinies  
graces à Dieu, & ne se pouuoit contenir de ioye  
d'auoir trouué vn passage pour aller en la mer de  
S. Iudy, par laquelle il croyoit bien tost gaigner les  
Solucques, & là dessus festimoit l'hōme le mieux  
fortuné qui eust iamais esté: il s'imaginoit des gran-  
des richesses, il attēdoit receuoir des graces infinies

du Roy dom Charles pour vn seruice si remarquable. Ce destroit a de long 440. mil, aucuns en comptent 520. il va de Leuât en Ponent, & ses deux emboucheures sont en vne mesme hauteur de 52. degrez & demy, il a en largeur huit mil, & en aucuns endroits d'auantage: il est fort profond, il croist plu qu'il ne diminue, & court vers le Midy: il est couuert de plusieurs isles, & est garnie de bons ports ces deux costes sont tres hautes, reuestues de hauts rochers. La terre & le pays est sterile, parce qu'il n'y a aucun grain, & le froid & les neiges durent quasiment tout l'an. Il y en a aucuns, qui disent qu'en certains endroits on a veu de la neige de couleur celeste mais ce n'est que moquerie, ou bien l'erreur peut estre venu de quelque terre qu'on a veu de ceste couleur. On voit ce pays couuert de grands arbres de cedres hauts, & de certains arbres qui portent vn fruit ressemblât à des noisettes. Il y a des Autruches & autres grands oiseaux, plusieurs autres estrange animaux. La mer est fertile en sardines, & arôdelle de mer, qui vollent, & se magent l'un l'autre. On y veoit aussi force loups marins, de la peau desquel les habitâs se vestêt: des baleines, des os desquel les ils font des barques. Ils en font aussi d'escorces d'arbres, & les calfeutrent avec de la fiente d'Antas.

*La mort de Magellan. Chap. 93.*

**A** Pres que Magellan eust passé le destroit, il feint tourner les prouës à main droite, & tira son chemin quasi par derriere le Soleil, pour reprendre l'Equinoxial: parce que dessous iceluy sont situees les Molucques qu'il cerchoit. Il fut quarante iours & plus sans voir terre. Durant ce temps il eut grand



de pain, & d'eau : ils ne mangeoient que par mesure, & chacun n'auoient qu'une once de pain : ils beuuoient l'eau se bouchant le nez, à cause de la puanteur, & faisoient cuire leur ris avec l'eau de la mer. Avec tout cela il leur vint encor' un autre mal : aux machoires qui leur vindrent enflées, il en mourut vingt, & en demeura autant de malades. Ils descendirent tous tristes à merueilles, & plus mal contents qu'ils n'estoient deuant qu'ils eussent trouué le détroit. Avec telle misere ils arriuerent à l'autre tropique, & à certaines isles, qui leur firent perdre entièrement courage, & les nommerent mal-heureuses, par-ce qu'elles estoient toutes desertes, sans qu'aucun y habitast, & sans y trouuer prouision aucune. Ils passerent l'Equinoxial, & puis arriuerent à Magagua, qu'ils nommerent l'isle de Bon-Signe, où ils se repeurent abondamment. Ceste isle est à onze degrez, ils y trouuerent du corail blanc. Apres ils rencontrerent tant d'isles ensemble qu'ils les nommerent mer Archipelago, mais ils donnerent un nom particulier aux premiers, les surnommant les isles des Larrons, par-ce que les habitans desrobent aussi subtilement, comme font les Bohemiens, ou Égyptiens, entre tous : aussi ils disoient qu'ils estoient descendus d'Égypte, ainsi qu'il donnoit à entendre ceste esclaue qui avoit Magellan, qui bien les entendoit. Les hommes de ceste isle s'estudient à auoir les cheveux longs jusques au nombril, & les dents noires, ou rouges, & les femmes les portent jusques au talon, & les lient à l'entour de leurs corps en forme de ceinture. Ils portent des chapeaux hauts esleuez, faits de feuilles de palme, & les brayes de mesme. Pour conclu-

sion noz gés d'isle en isle arriuerét à Zebut, que les  
 autres appellét Subo. Magellá fait tédre vne ensei-  
 gne de paix, & pour móstrer l'obeissance, il fait tire  
 quelques pieces d'artillerie, & enuoya par deuers  
 Roy de ceste isle ses Ambassadeurs avec vn present  
 & autres choses pour changer. Hamabar (ainsi s'ap-  
 pelloit le Roy) print grand plaisir de son arriuee, &  
 luy enuoya dire qu'il sortist dehors à la bõne heu-  
 re. Magellan, donc, faillit en terre, & fait sortir de  
 ses vaisseaux bon nombre d'hõmes, avec quelques  
 mercerie. Ils dresserent sur la greue vn grand raudi-  
 avec les voiles des nauires, & force rameaux pour  
 chanter la Messe solennellemét, par-ce que c'estoit  
 le iour de la resurrection de Iesus Christ. Le Roy  
 bien accompagné, y assista, escoutant attentiuemét  
 & y prenant grand plaisir. La Messe dicté, noz gen-  
 armerét vn hõme depuis la teste iusques aux pieds,  
 & puis frapportoient dessus avec leus espees, & ha-  
 lebardes, afin de monstrier que ny le fer, ny force  
 aucune n'estoit assez suffisante contr'eux. Les habi-  
 tans s'en esmerueilloient assez, mais non pas tant  
 comme les nostres pensoient. Magellan donna  
 Hamabar vne robbe longue de foye violette, &  
 iaune, vn bonnet teinct en graine, deux verres, &  
 quelques couronnes de mesme matiere. Il donna  
 aussi à vn sien nepueu, & heritier vn bonnet, vn  
 custode, & vne couppe de verre qu'il estima gran-  
 dement, pensant que ce fust quelque chose bien fi-  
 ne. Il leur fait quelques admonitions touchant la  
 religion par le moyen de son esclau Henry, qui  
 seruoit de truchemét, & confirma l'amitié en com-  
 mencee touchant dedans la main du Roy, & beu-

uant à luy . Hamabar feit le semblable , & feit pre-  
ent de ris, de mil, figues, melons, miel, sucre, gyn-  
embre, pain, du breuuage faict avec du ris, quatre  
orceaux, cheures, poulles, & autres choses pour  
nanger, & force fruit, qui n'a son pareil en Espa-  
gne, & luy donna aduertissement des Molucques  
& de l'espicerie . Puis le pria à disner, & fut le ban-  
quet solennel . L'amitié, par telle familiere conuer-  
ation, fut telle entr'eux, que Hamabar voulut estre  
baptizé avec plus de huit cens personnes. Il fut nôm-  
mé Charles côme l'Empereur, la Roynes fut nom-  
mée Ieanne, la princesse Catherine, & le nepueu, &  
heritier Ferdinand. Magellan guarit vne autre nep-  
ueu du Roy de la fiebure, qui le tenoit il y auoit ja  
deux ans, encor' aucuns disent qu'il estoit muet, &  
que pour ce miracle tous les habitans de Zebut se  
baptiserent, & huit cés autres, qui estoient de l'isle  
de Masana. Le Seigneur de laquelle fut nommé Iean,  
& sa femme Isabelle, & vn More, qui alloit & ve-  
noit en Calcut, fut nommé Christoffe . Ce More  
certifia, & assura d'auantage Hamabar de la puis-  
sance de l'Empereur dom Charles Roy d'Espagne,  
& que c'estoit luy qui estoit Roy de Portugal . Ha-  
mabar enuoya messagers aux Isles circonuoisines  
à la requeste de Magellan, les priant qu'ils vinssent  
prendre amitié avec des hommes si bons, & si par-  
faicts comme estoient ces Chrestiens . Ils vindrent  
quelques vns des petites isles prochaines pour voir  
le nepueu du Roy guaray, & pour veoir celuy qui  
l'auoit guaray avec des paroles seulemēt, & de l'eau,  
reputans cela à vn grand miracle, & s'offrirent au  
Roy d'Espagne. Mais ceux de Mautan, qui est vne



autre isle à seize mil de Zebut ne voulurent venir,  
 ou n'oserent pour l'amour de Cilapulapo leur Sei-  
 gneur, auquel Magellã auoit enuoyé pour le prier,  
 & sommer qu'il vint, ou qu'il enuoyast quelqu'un  
 pour recongnoistre en son nom l'Empereur pour  
 son souuerain Seigneur, & qu'il enuoyast quelques  
 espiceries, & victuailles. Cilapulapo respôdit, qu'il  
 n'obeïroit à celuy qu'il n'auoit iamais veu, ny moi-  
 à Humabar: mais afin qu'on ne l'estimast reculé de  
 toute humanité, il luy enuoyoit ce peu de cheures  
 & pourceaux qu'il demandoit, Magellan pensans  
 perdre sa reputation fil laissoit ainsi Cilapulapo,  
 passa avec quarante soldats en Mautan, où apres  
 quelques approches faictes, il brusla Bulaya petite  
 forteresse des Mores. Les habitãs voyât tel exploit  
 eurent peur d'une plus grande vengeance, & pour  
 ceste cause, en cachette & en secret, enuoyerent à  
 Magellan quelque nombre de cheures, le prians  
 qu'il leur pardonnast, puis qu'ils ne pouuoient fai-  
 re d'auantage à cause de Cilapulapo, qui contredi-  
 soit au traicté de la paix, & qu'il tournast ses armes  
 contre luy, ou bien qu'il leur enuoyast quelques  
 Espagnols bien armez, qui feissent resistance à son  
 ennemy, & que sans faute ils luy liureroient l'isle.  
 Magellan ne se doutant point de la tromperie, &  
 d'une telle ruse, s'en retourna, & reuint la nuit  
 avec soixante soldats en bon ordre dedans trois bar-  
 ques, il amenoit aussi Hamabar qui auoit trête bar-  
 ques pleines de ses subiects. Il eust bien voulu com-  
 battre incontinent, mais par-ce qu'il s'estoit obligé  
 deuant à Cilapulapo, par vn traicté qu'ils auoient  
 faict ensemble, de se defier l'un l'autre deuant que

venir aux mains, si d'adventure ils venoient à auoir  
quelque guerre ensemble, il luy enuoya dire par  
Christofle le more, s'il vouloit estre amy ou enne-  
my. Mais Cilapulapo luy feit vne responce hardie,  
& pleine d'iniures, & aussi tost fait sortir trois mille  
hommes en campagne les regeant en trois esqua-  
drons, & s'approcha de l'eau se tirant à costé pour  
auoir l'artillerie qui tiroit, en la scopterie des arc-  
buziers. Magellan ce pendant sort de ses barques  
avec cinquante soldats, se iettant en l'eau iusques au  
genouil, par ce que les barques ne pouuoient ap-  
procher pres terre, à raison que la riue estoit toute  
pierreuse, & puis alla charger sur les ennemys, mais  
aussi tost qu'il les veid arrestez, & sans se mouuoir  
l'attendas de pied-coy, & qu'ils n'auoiét receu au-  
cun dōmage de son artillerie, & de l'arcbuzerie, il se  
iugea incontinent perdu, & eust tourné le dos si la  
monte ne l'eust retenu. Son iugement ne le trompa  
point: car combattant il voyoit la perte des siens, il  
leur commanda de se retirer. Les Mautanois com-  
battoient vaillāment, ils tuerent aucuns Zebutins,  
& huit Espagnols avec Magellan, & en blecerent  
vingt, desq̃ls la plus part estoient frappez avec flet-  
ches enuenuimees aux iambes par ce qu'ils ne tiroiét  
qu'en ceste partie, qu'ils voioiét desarmee. Magellā  
fut tué d'un coup de fletche qu'on luy tira au visage  
apres auoir perdu sa salade qu'ō luy auoit fait tō-  
uer à coups de pierre, & de picq̃. Il fut aussi frappé en  
la iābe, & eut encor' vn coup de picque depuis qu'il  
fut par terre, qui le perçoit tout outre. Voila cōmēt  
Magellan meit fin à sa vie, & à son entreprinse si  
braue, & si glorieuse sans iouir du bien qu'il denoit

esperer des trauaux, qui luy auoient tât cousté, ceste rencontre fut le vingtseptiesme iour d'Auril l'an 1521. Apres la mort de Magellâ les Espagnols esleurent pour leur Capitaine Iean Serran grand pilot de l'armee, & avec luy, selon aucuns, Barbosa. Ce Barbosa s'efforça par tous moyens d'auoir le corps de Magellan son gendre, mais ils ne voulurent le bailler encor moins le monstrier. Car ils vouloient le garder pour seruir de memoire à la posterité. Ce fut vn mauuais augure pour ce que depuis aduint, s'ils l'eussent bien entendu. Nos gens s'amusoient à changer avec les habitans quelques merceries à de l'or, du sucre, du gyngembre, de la chair, du pain, & autres choses pour aller aux Molucques, & ce pendant les blecez se guarissoient, & fondonient les moyens de conquerir Mautan. Et côme pour l'une & l'autre entreprinse l'esclaue Henry estoit necesfaire, ils le pressoient de se leuer, mais estât blecé de vne fleche enuenimee il ne pouuoit se leuer pour la grande douleur qu'il sentoit, ou bien ne vouloit selon qu'aucuns pésoient. Serran se tempestoit contre luy, Barbosa le menaçoit, aussi faisoit dame Beatrix sa maistresse femme de Magellâ, en fin ou pour l'amour des menaces & iniures, ou pour auoir liberté il parla en secret avec Hamabar, & le cōseilla s'il vouloit demeurer seigneur de Zebut de tuer les Espagnols, disant q̄ c'estoient gens auares, & qu'ils vouloient avec son secours, & ayde faire la guerre à Cilapulapo & q̄ puis apres ils vsurperoiēt encore son isle, faisans ainsi par tout où ils auoient entree. Hamabar le creut, & incontînēt inuita à disner Serran, & tous les autres, qui y voudroiēt aller, disant



ui luy vouloit bailler vn presét pour l'Empereur, uis qu'ils s'en vouloient aller. Ainsi Sarran & trête (espagnols s'en allerent à la bonne foy au palais du Roy, sans pëser à aucū mal, & estās tous au meillieu du dīner ils furent tuez à coups de picques, & d'escie excepté Serran, qui s'estoit sauué. On arresta tous les autres, qui estoient parmy l'Isle, & d'iceux en eut huit depuis venduz à la Sina, & meit on sur terre les croix, & les images que Magellā auoit dict dresser sans auoir esgard au Baptême qu'ils auoyent receu, & moins à la promesse qu'ils auoient faite.

*De l'Isle de Zebut. Chap. 94.*

L'Isle de Zebut est grande riche & abondante en toutes choses, elle est destournée de l'Equinoial dix degrez vers nous: elle produict de l'or, du sucre & du gyngembre, ils ont des porcellaines blanches qui ne peuuent endurer aucun venin. Ils ont de l'argille qu'ils font recuire de cinquante ans à cinquante ans, & aucunes fois d'auantage. Les habitants de ceste isle vont nuds, pour la plus part ils oignent le corps, & les cheueux avec de l'huile de coco, & s'estudient à auoir la bouche, & les dents rouges, & pour les faire rougir, ils machent d'une ceca, qui est vn fruit ressemblant à vne poire, & des fueilles de Iassemin, & d'autres herbes. La Roie portoit vne robbe lōgue de toile blanche, & vn chapeau de palme, sur leq̃l elle auoit vn hault diamant du mesme estoffe, ayans la bouche, & les dents rouges, ce q̃ ne luy feoit pas mal: Le Roy Hamabar vestoit de toile de cottō, & auoit en teste vne coiffe blanche ouuree, il auoit vne courōne passée en son col,

& portoit des pendans d'or enrichiz de perles, & de pierres fines. Il iouoit d'un instrument faict comme vn lut, qui auoit les cordes faictes de cûiure, & beuuoit dedans vn vase de porcelaine avec vn câne, qui estoit vne chose qui aprestoit à rire à nos gens. Ils ont en ceste isle de l'orge, du mil, du Pannic, & du riz. Ils mangent du pain faict de Palmes grattees. Ils font vne sorte de breuage avec du riz qui est blanc, & clair, & qui enyure aussi bien que le vin. Ils perçent encor les Palmiers, & autres arbres pour boire ce qui en destille. Il y a en ceste isle vn fruit qu'ils appellent Cocos, qui est comme vn melon estant plus long que gros, il est enuelpé dedas plusieurs petites pellicules aussi delices que celles, qui enuironent le noyau d'une datte: ils font du fil de ces pellicules aussi bon, & aussi fort que s'il estoit faict de chanure. Ce fruit à l'escorce comme vne courge seiche, mais bien plus dure, laquelle estant bruslee, & mise en poudre sert de medecine: Sa chair ressemble à du beurre estant ainsi blanche, & molle, & est tressauoureuse. & cordiale. Ce fruit leur sert en plusieurs façons, s'ils en veulent auoir d'huile, ils remuent, & tournent sans dessus dessous par plusieurs fois, & puis le laissent reposer quelqs iours, la chair se tourne en vne liqueur comme huile fort douce, & salutaire, avec laquelle ils s'oingnēt souuent. S'ils le mettent dans l'eau, ceste chair se conuertist en sucre. S'ils le laissent au Soleil, elle se tournera en vinaigre. L'arbre est quasi comme la palme, & porte son fruit comme vne grappe de raisin. Ils font vn trou au pied d'une feuille, & recueillent songneusement en vne canne

rosse cōme la cuiſſe : la liqueur qui en diſtille, c'eſt un breuuage fort plaifant, & gratieux treſſain, & tant eſtimé entr'eux, comme eſt le bon vin entre tous autres. Il y a en ceſte iſle des poiſſons qui vont, & de certains petits oiſeaux, qu'ils appellent aganes, leſquels ſe iettent dedans la bouche de la baleine, & ſe laiſſent deuorer, & ſe ſentans dedans y mangent le cœur, & ainſi la font mourir: ils ont des dents dedans le bec, ou pour le moins choſe qui leur reſſemble, ils ſont bons à manger.

*Du Syripada Roy de Borney. Chap. 95.*

Ceux qui eſtoient reſtéz dedans les vaiſſeaux, quand ils entendirent le maſſacre qu'on auoit fait de leurs compagnons, leuerent les ancrs, & les voiles, & ſ'en allerent de là ſans prendre Iean Erran, qui crioit apres eux à la riue de la mer, ne voulans retourner vers terre, de peur de ſentir ſur eux vne ſemblable trahiſon, encor' que ce fuſt leur capitaine & pilote, qui demeuraſt. Ainſi ces pauvres ſoldats, & mariniers dolens, & melancolicques ſe departirent pleurans & ſe compleignans de leur infortune, eſtans accompaignez d'une peur de tomber en quelque autre plus grand accident, & malheur. Ils n'eſtoient en tout que cent & quinze, tellement que ce nombre n'eſtoit ſuffiſant pour gouuerner, & deffendre trois nauires. Ils s'arreſterent incontinent en Cohol, & là bruſlerent vn de leurs nauires, & racouſtrèrent les deux autres. Ceſſant ils s'approcherēt de l'Equinoxial par ce que l'on diſoit que ſous iceluy eſtoient ſituées les Moluques. Ils aborderent à pluſieurs iſles de Nègres, & en paſſant par Calennado prindrēt l'alliâce



avec Calanar Roy de ceste isle qui la cōfirma en ceste façon: il tira du sang de sa main gauche, & s'en toucha la face, & la lague. Ils ont ceste façō en toutes ces isles, & pays. De Galénado ils vinrēt surgir Borney, qui est à cinq degrez, i'entēds le port où ils arriuerent: car l'autre bout de l'Isle est sous l'Equinoxial. Deuāt qu'arriuer ils feirēt signe tel que doiuent faire ceux, qui demandent paix, & demāderēt permission d'entrer dedans le port, & descēdre en terre. Ils vinrēt à nos vaisseaux certains gētilshōmes dedans des barques, qui auoient les proues, & les pouppes dorees, embellies de beaux estendars, & pēnaches, & auoiēt des tabourins, & fleutes, qui ne iouoiēt pas mal, il faisoit certainement bon voir tel apparat. Quand ils furent arriuez, ils embrasserent les nostres, & puis leur dōnerēt quatre cheures avec force pouilles, six vaisseaux d'un brēuage tres-gētil fait de riz, six vaisseaux de cānes de sucre, & vn grād pot de terre plein d'areca, & de fleurs de l'assemin, & de orēgers pour colorer la bouche, & la faire deuenir rouge. Il en vint incōtinent d'autres, qui apporterent des œufs, du miel, de la conserue, & plusieurs autres choses, & dirēt à nos gēs que leur Roy, & Seigneur Siripada prēdroit grād plaisir qu'ils descēdisent en terre pour changer leurs marchandises, & pour se fournir d'eau, & de boys, & de tout ce qui leur seroit necessaire. Huit Espagnols allerent avec ceux cy baiser la main du Roy, & luy presenterēt vne robbe de velours verd, vn bōnet teinct en greine, trois aulnes & demye de drap rouge, vne coupe de verre couuerte, vn escrutoire garny de tout ce qu'il luy faut, & cinq guitermes faictes seulemēt de

arte. Ils presenterent à la Royne des escarpins faits  
la Valentienne, vne coupe de verre pleines d'es-  
uilles de Cordube, & deux aulnes & vn tiers de  
rap iaulne: ils donnerent au gouuerneur vne tasse  
d'argent, deux aulnes & vn tiers de drap rouge, &  
un bonnet. Ils porterent aussi plusieurs autres cho-  
ses, qu'ils donnerent à quelques vns de la court. Ils  
supperent, & coucherent sur des matelats de cot-  
on en la maison du gouuerneur deuant que veoir  
le Roy, par ce qu'ils arriuerent tard. Le lendemain  
on les mena au palais, douze soldats mōtez sur des  
cheuals marchōient deuant, & les rues estoiet plei-  
nes d'hōmes armez avec espees, picques, & targes.  
Ils monterent à la grand salle, où il y auoit grād nō-  
bre de gentils-hōmes vestus de robbes de soye de  
couleur, portans force anneaux d'or avec pierres fi-  
nes, & des poignards enrichiz d'or, de perles &  
joyaux. Ils s'affirent là sur vn tapiz, & apres auoir e-  
té la lōg tēps, il vint vn quidam par deuers eux, qui  
leur dit qu'ils ne pouuoient entrer ny parler au Roy  
mais qu'ils luy disent ce qu'ils vouloient. Les Espa-  
gnols luy feirent entendre le mieux qu'ils peurēt, &  
puis cestuy cy le dit à vn autre, & cet autre à vn tiers  
qui le dit par vne sarbatane a trauers vn treillis à vn,  
qui estoit dedans la salle du Roy, lequel avec vne  
grande reuerence rapporta au Roy l'ambassade de  
ces gens, qui estoient bien ennuyez de telles cere-  
monies, attendu mesme que les Espagnols sōt cou-  
tumieremēt fort coleres, & la pl<sup>o</sup> part d'ētreux ne  
pouuoiet cōtenir de rire. Siripada cōmāda qu'on  
les feist approcher de sa chambre. Ils passerēt par v-  
ne autre salle quarree tendue de tapisserie de soye

où les fenestres estoient somptueusement couuertes de tappiz pour s'appuyer dessus. En icelle y auoit trois cens hommes, qui estoient debout, ayans chacun vne espee, ceux cy estoient pour la garde du Roy. De ceste salle ils approcherent pres vn grand treillis, qui respondoit dedans la salle du Roy : à trauers lequel ils virent dîner le Roy avec certaines femmes, & avec son fils. Il estoit seruy seulement par des femmes, & n'y auoit dedans ceste salle autre homme que le Roy, son fils, & vn autre qui estoit debout, qui estoit celuy, qui rapportoit au Roy ce qu'on luy vouloit faire entendre. Noz Espagnols voyans vne si grand maiesté, tant de richesses, & apparat, n'osoient esleuer les yeux hors de terre, & se trouuans tous hôteux d'auoir apporté vn present, si vil, & de si petite valeur disoient bas entr'eux: quelle difference il y a entre ceste nation, & celle des Indes? & prioient Dieu qu'il les voulust ôster de là sans receuoir aucun mal. Pour cōclusion, estans venuz ainsi pres de ce treillis, ils feirent trois reuerences esleuans leurs mains par dessus la teste tous ensemble, par ce qu'on leur auoit ainsi commandé, ils feirent leur ambassade de la part de l'Empereur, tant pour auoir paix avec luy, que pour auoir viures, & moyen de negotier ensemble. Le Roy respondit à celuy, qui luy rapportoit les parolles des Espagnols qu'on leur feit, & qu'on leur donnast tout ce qu'ils demandoient, & fesmueruilla de la nauigation si longue qu'auoient faicte noz gens avec leurs vaisseaux. Alors ils descouurirent leur present, non sans rougir de honte pour auoir veu tant d'or, d'argent, de soyes, & autres richesses, & sumptuositez en ce



palais, & sur la table du Roy, & puis s'en retournent rapportans chacun vne piece de toile d'or, qu'on leur auoit mise sur l'espaule gauche par vne ceremonie qu'ils ont en ce pays. On leur appresta une colation de cannelle, & cloux de girofle confits, & les ramena-on à cheual en la maison du gouuerneur, qui les festoya deux nuits, avec vn apparat non moins esmerueillable que magnifique. On leur porta du Palais douze plats, & escuelles de Porcelaine plaine de fruits & viandes: mais la sumptuosité du gouuerneur ne sembloit point enrichie pour cela. La table fut couuerte de trente plats & plus, & y auoit trente vases plains de breuuage fait de riz, qu'ils distillent en certains petits vaisseaux: toute la chair estoit rostie, ou mise en paste. Les saues estoient accoustrees les vnes avec de l'espice, les autres avec vinaigre, autres avec citrons, toutes avec succe, il y auoit encor' des poissons tres delicates que nos gens ne cognoissoient point, aussi peu de cognoissance auoient-ils des fruits qu'on leur presenta en grande quantité: entre iceux toutesfois ils recogneurent des figes longues. Il y auoit pour esclairer des lampes & des grans chandeliers d'argent avec des flambeaux de cire. Tout le seruice fut fait en or, argent, & porcelaine, & les seruans estoient en ordre, & proprement vestus selon leur façon. Les Espagnols rapportoiēt, qu'ils ne pensoiēt pouoir estre Roy, qui fust mieux seruy que ce gouuerneur. Pour reuenir à la flotte, ils passerent la ville sur des Elefans, & veirent parmy la ville plusieurs choses notables, qui seroient trop longues à rapporter. Le Roy leur donna deux sommes d'espicerie

tant que pouuoient porter deux Elefans, & for-  
 viures, & le gouuerneur les informa amplemen-  
 des Molucques, & leur dit qu'ils les auoient laiffées  
 en arriere vers le Leuant. Voila ce qui aduint à  
 gens. Quant à ceste isle elle est fort grande & rich-  
 selon qu'auz entendu, elle ne porte point de grain  
 de vin, ny de moutons. Au contraire elle est for-  
 abondante en riz, sucre, cheures, porceaux, cha-  
 meaux, buffles & elefans, elle porte la cannelle, le  
 gyngembre, le canfre, qui est vne gomme d'un ar-  
 bre nommé Copei, les mirabolans, & autres me-  
 decines. Il y a certains arbres, desquels les fueille-  
 rôbantes en terre se tournent en vers. Les habitan-  
 vont cōmunément quasi tous nuds, ils portent tou-  
 des coiffes de cotton. Les Mores sont circoncis, &  
 les Gentils pissent en s'accroupissant cōme les fem-  
 mes, les Mores sont Mahometistes, & les Gentils  
 idolatres. Ces deux religions sont quasi espendue  
 par tout l'Orient. Ils se baignent fort souuent, ils se  
 nettoient le derriere avec la main gauche, reseruās  
 ce disent-ils, la main droite pour la bouche: ils es-  
 criuent dedans l'escorce d'arbre, comme les Tartar-  
 res, qui ont couru iusques icy. Ils estiment grande-  
 ment le verre, la toile, la laine, & le fer pour faire  
 des clefs, & serrures, les armes, l'argent vif pour s'en  
 frotter, & les medecines. Ils ne desrobent poin-  
 ny ne tuent, iamais ne refusent leur amitié à ceux  
 qui la demandent: ils combattent peu souuent, ils  
 abhorrent le Roy, qui est guerrier, & pour ceste  
 cause le mettent au premier ranc de la bataille. Il  
 ne sort iamais, si ce n'est pour aller à la chasse, où à  
 la guerre, personne ne parle à luy si ce n'est par sar-  
 batane

atane excepté sa femme, & ses enfans. Ceux qui  
dolatrent, pensent qu'en ce monde il n'y a rien  
que naistre & mourir, qui est vne pauvre bestise. La  
ville ou demeure le Roy a vn grand circuit, & est  
toute dedans la mer: les maisons ne sont que de  
poix excepté le Palais, quelques temples & mai-  
sons des Seigneurs.

*L'entree de nos gens es isles des Molucques. Chap. 96.*

Nos Espagnols partirét de Borney bien ioyeux  
du bon traitement qu'ils auoient là receu, &  
pour estre ià pres des Molucques qu'ils cerchoient  
avec vn si grand traual. Ils arriuerent à Cimbubon  
& s'arrestèrent en ceste isle plus d'un mois, racou-  
trés là vn de leurs nauires, au lieu de poix ils se fer-  
oient de glu, & trouuerent là des cocodrilles, &  
plusieurs poissons estranges, qui sont tous d'un os,  
ont sur l'eschine vne selle, ils ont grand ventre, &  
peau fort dure, & sans escailles, ils ont le groin de  
orceau, & ont deux os sur le front comme deux  
ornes droites, en somme ils ressemblent à vn mon-  
stre. Ils y trouuerét des huistres qui portent les per-  
les, ils y en trouuerent quelques vnes si grandes que  
leur chair pesoit vingt cinq liures, & en eurent vne  
qui en pesoit quarante quatre: mais elles n'estoient  
pour lors chargees de perles: ils demanderent com-  
ment deuoiennent estre grandes & grosses les perles de  
grâdes coquilles, on les assura qu'elles sont gros-  
ses comme œufs de pigeons, & mesme de poule, qui  
ont vne grosseur incredible, & qui n'a iamais esté  
euë. De Cimbubon nos gens furent à Saragan, où  
ils prindrent des pilotes pour les conduire aux isles  
des Molucques, ils entrèrent à Tidoré, qui est l'une



d'icelles: le huiſtieme iour de Nouëbre, l'an 1521. ils  
 deſlacherēt l'artillerie pour ſaluer la ville, ietterent  
 les ancrs, & armerēt les nauires. Almanſor Roy de  
 Tidore ayant ouy le bruit de l'artillerie vint en vne  
 barque voir que c'eſtoit, eſtāt ſeulement veſtu d'vne  
 chemiſe ouuree d'or avec l'eſguille, mais c'eſtoit vne  
 œuvre beaucoup plus riche pour la façon excellēte  
 que pour la matiere: il auoit encor' vn drap blāc de  
 ſoye ceint, qui pendoit iuſques à terre, & auoit les  
 pieds nuds: il auoit ſur la teſte vn voile de ſoye hau  
 eſſeüé en façon de mitre, il tourna avec ſa barque à  
 l'entour des nauires, & cōmanda aux mariniers qu'il  
 accouſtroient les cordes des ancrs, qu'ils deſcēdiſſent  
 dedans ſa barque, & leur dit qu'ils eſtoient les  
 bien venus, & pluſieurs autres bonnes parolles.  
 Puis il entra en vne des nauires, & ſe boucha le nez  
 pour l'odeur des faleures. Les Eſpagnols luy baiſe  
 rent la main, & luy donnerēt vne chaire de velours  
 cramoyſi, vne robbe de velours iaulne, vn ſaye de  
 faulſe toille d'or, deux aulnes & vn tiers d'eſcarlate  
 vne piece de damas iaulne, vne autre de toille, vn  
 ſeruiette piquee de ſoye, & d'or, deux coupes d'  
 verre, ſix chapelets de meſme, trois miroirs, douze  
 couſteaux, ſix paires de ciſeaux, & autāt de peignes.  
 Ils feirent preſent auſſi à vn ſien fils, qu'il auoit a  
 mené avec luy, d'vn bonnet, vn miroir, & de deux  
 couſteaux, & donnerent autres choſes à autres gen  
 tilshommes, & ſeruiteurs, qui auoiēt accompagnés  
 & ſuiuy le Roy. Ils feirent puis apres leur ambaffade  
 de de la part de l'Empereur, & demanderēt permis  
 ſiō de negotier en ſon iſle. Le Roy leur feit reſponſe  
 qu'ils eſtoient venus à la bōne heure, & qu'ils pou

oiét aussi facilement negotier parmy son isle, cōme  
ils estoient en pays del'Empereur, & que s'il y auoit  
aucun, qui les faschast, ils les tuassēt. Il demeura lōg  
tēps à contēpler vne bāniere, qui auoit les armes de  
l'Empereur: il demanda la figure de l'Empereur, &  
voulut qu'on luy mōstrast de la mōnoye, & especes  
d'or, les poix, & mesures qu'auoient noz gēs, & après  
auoir le tout bien consideré, il leur dit, cōme estant  
bien entendu, & versé en l'art d'Astrologie, qu'ils  
deuoient venir en ce pays par le commandement de  
l'Empereur des Chrestiens pour chercher l'espicerie,  
qui croist en ces Isles, & que, puis qu'ils estoient ve-  
nus, ils s'en chargeassent cōme ils voudroient, estāt,  
se rendant amy de l'Empereur, & puis print cōgé  
d'eux, sousleuant vn peu sa mittre, & les embras-  
sant. Aucuns disent qu'il ne sçauoit point ce qu'il di-  
oit par science d'Astrologie, mais qu'il auoit songé  
aux ans deuant, qu'il voyoit venir par la mer cer-  
tains vaisseaux, & hōmes, qui ressembloient en tout à  
des Espagnols, pour subiuguer ces isles, & estre Sei-  
gneurs de la negociatiō des espices. Quāt à moy, ie  
sçay, qu'il ne disoit cela, que par coniecture, sçachāt  
traieste qu'en faisoient les Portugais à Calecut,  
Malaca, Samotra, & à la coste de la Sina. Les nostres  
yres descēdirēt en terre, pour auoir des espices par  
hāge, & pour voir les arbres, qui les produisent.  
Ils furent plus de cinq mois à Tidore cōuersans pai-  
ablement, & amiablement avec les habitans. Il vint  
vn nepueu d'Almansor nommé Corala Seigneur  
Terrenat, qui se meit sous la puissance de l'Em-  
pereur. Cestuy-cy, qu'encor' aucuns appellēt Colā,  
dit en sa maison quatre cēs femmes, qui estoient

veritablement gentiles & de loy, & de leurs personnes. Il en auoit encor' cent, qui luy seruoient de pages, il y vint encor' vn autre nommé Luz, Roy de Gilolo grād amy d'Almanfor, cestuy auoit six cens fils, si on ne s'abuse au compte: car cōme on dit autant peut-on faire valoir huiēt comme octante. Si n'est-il pas impossible toutesfois d'auoir tant d'enfans, si on peut auoir tāt de femmes. Plusieurs autres Seigneurs vindrent encor' par les prieres d'Almanfor, pour offrir leur amitié, & se faire tributaires du Roy d'Espagne Dom Charles Empereur. Almansor auoit vingt-six fils, & filles, & deux cens femmes quand il estoit à son soupper il cōmandoit que celui le qu'il vouloit, allast se coucher en son lit. Il faisoit bien du ialoux, ou le faisoit pour le respect des Espagnols, qui pour tromper vne femme font de grandes admirations, iettent des souspirs, & se feignent amoureux au possible. Vne partie des habitās portent des brayes, les autres sont tous nuds. Almanfor iura sur son Alcoran qu'il demeureroit tousiours amy de l'Empereur Roy d'Espagne, & accorda qu'en toutes & quātesfois que les Espagnols aborderoient en son Royaume, il bailleroit vne somme de clou de girofle en contre-eschange de dixhuiēt aulnes de toille, douze aulnes de drap rouge, & quatre d'iaulne, & les autres espices selon ce prix. On trouua en ceste isle certains petits oyseaux qu'ils appellent Mamucos, lesquels ont moins de chair que le corbeau ne demonstre, ils ont les iambes longues d'vne paille, la teste menuë, le bec fort long, ils ont un plumage d'vne couleur singulierement belle, ils n'ont point d'aisles, aussi ne volent ils point, mais



ont portez par l'air estans legers, & ayans les plumes si subtiles, qu'il n'est possible de plus: iamaïs on ne les voit sur terre que morts, ils ne se corrompent ny ne se pourrissent aucunemét: on ne sçait d'où ils sortét, ny où ils s'esleuēt, ny de quoy ils se nourrisser. Les Mores, qui sont Mahometistes croyēt qu'ils font leur nid en Paradis, par-ce que leur Alcoran leur cōpte des fables pareilles, & encor' moins vray semblables que ceste cy. Nous autres nous pensons qu'ils se nourrissent, & maintiennent de la rosee, & des fleurs des espices. Mais soit q̄ ce soit, il est pour le moins tout certain qu'ils ne se corrompēt aucunement. Les Espagnols ferrēt soigneusemēt les plumes pour en faire des excellēs pēnaches, & les Mouchiens s'en seruent pour guarir les playes.

*Des cloux de girofle, cannelle, & autres espices. Cha. 97.*

Les isles que cōmunemēt nous appellōs Moluques sont appellees par les habitans Molucos, elles sont en grand nombre, mais toutes petites, & non gueres distātes les vnes des autres. Entr'autres on nomme Tidoré, Terrenate, Mate, Matil, & Macien: Elles sont situées dessous, & aux environs de l'Equinoxial, & à plus de cent soixāte degrez de nostre Espagne. Aucuns disent que l'isle de Zebut en est loing 180. & que par telle supputation elle faict & marque le milieu du chemin du monde, si vous suiuez la route du Soleil cōme feirēt ces Espagnols. Toutes ces isles produisent les cloux de girofle, la cannelle, le gyngembre, & noix muscates, mais chascque isle ne produit pas ces espices esgallement: car l'une porte plus de cloux que l'autre, & une autre plus de gyngēbre. Matil fournit plus de cannelle

que d'autres espices. La cannelle vient d'un arbre qui ressemble fort au grenadier, l'escorce se fend, & se creue par la force du Soleil, puis on l'arrache, & la netoye-on au Soleil. On tire de l'eau des fleurs de cest arbre, qui est bien plus excellente que celle qu'on fait de fleurs d'orenges, ou citrons: il y a force cloux en Tidoré, Mate, & Terrenate, autrement Terrate où mourut Iean Serran amy de Magellan, & Capitaine de Corala sept mois deuant qu'arriuaissent ces deux vaisseaux. L'arbre, qui nous produit les cloux est grand, & gros, il a la feuille cōme celle de laurier, & l'escorce comme celle d'un oliuier. Il porte ses cloux par grappes cōme fait le lierre, ou l'espine-vinette: au commencement ils sont verds, & puis incontinent ils deuiennēt blancs, & en se meurissant ils rougissent, & estans secs ils semblēt noirs. Quand on les a cueillis on les laue dedans l'eau de mer, & puis on les garde dedans les magazins. Cest arbre demāde les colines, & engendre au dessus de luy vne & plusieurs fois vne petite nuē, qui l'environne. Si on le plante en des valees, il ne profite point, pour le moins il ne porte aucun fruit, encores moins si on le met en vne plaine: & pour ceste cause c'est vne chose vaine de pēser en apporter du plan par deçà en Espagne, comme aucuns s'imaginoient, encores qu'il y fait chault. Le gyngembre est vne racine, qui ressemble à la garance ou safran. On en pourroit possible bien trāsplanter par deçà: l'arbre, qui porte les noix muscates ressemble au roure, aussi porte-il ses noix comme du gland, ou comme ces dattes, qui ont du mastic.

*Du fameux nauire nommé victoire. Chap. 98.*

NOz Espagnols ayans leurs vaisseaux pleins de cloux de girofle, & autres especes meinent ordre à leur departemēt pour retourner en Espagne, & receurent les lettres & presens qu'Almanfor & autres seigneurs enuoyoiēt à l'empereur Roy d'Espagne. Almanfor les pria qu'à leur retour ils amenassent bon nombre d'Espagnols pour venger la mort de son pere, & pour enseigner en ce pays les coustumes Espagnolles & instruire vn chacun en la religiō Chrestienne. Noz gens ne peurēt auoir plus ample informatiō de ces Isles, à faute d'vn truchemēt, encor qu'ils feissent leur deuoir de visiter presque toutes les Isles pour les attirer à la deuotion de l'Empereur, & pour sçauoir si les vaisseaux des Portugais flottoient iusques icy. Ils entendirent vn qui rencontrèrent à Bandan, nommé Pierre Alonso, comme vne carauelle Portugaise auoit esté iusques là ou par eschange d'autre marchandise elle estoit chargée de cloux de girofle. Ils partirent onques de Tidoré forioyeux tant pour le descouuement qu'ils auoient fait de ces Isles, que pour la charge qu'ils auoient faicte de cloux de girofle, & autres especeries. Ils porterent encor pour l'Empereur des especes du pays & des Mamucos, des perroquets rouges & blancs, qui ne sont point apres à parler, du miel d'abeilles, qui pour estre fort petites sont appellees mousches. La carauelle capitaine nommée la Trinité tiroit grande quantité d'eau. Ils accorderent ensemble que Iehan Sebastien de Cauo natif de la ville de Guetaria, qui est la prouince de Biscaye s'en iroit en Espagne dedans le vaisseau nommé Victoire, duquel il estoit pilote, par



le chemin que font les Portugais, & que la Trinité estant rabillée, & calfeutree de peur d'autre inconvenient prédroit vne nauigatiō plus courte, & plus seure passant seulemēt par les terres de l'Empereur, & s'en iroit surgir à Panama, ou prendre port en l'isthme de la nouuelle Espagne. Cest accord fait Iean Sebastien partit de Tidoré le trezieme d'Auril avec soixante cōpagnons, entre lesquels y en auoit quelques vns de Tidoré. Il passa par plusieurs isles. Comme il prenoit du sandal blanc à Timor, il s'esleua vntumulte avec les habitans, ou on vint aux mains, & en fut tué quelques vns de nos gens. De là ils furent à Eude, où ils se chargerent d'auantage de canelle, puis passerent pres de Samorra tirans droit au cap de Bonne-esperance, lequel ils doublerent, & arriuerent à Sainct Iacques, qui est vne des isles du cap verd. Le capitaine feit descendre dedans l'esquif treize cōpagnons pour aller puiser de l'eau qui luy defailloit, & pour acheter de la chair, & du pain, & louer des negres pour oster la sentine de l'eau, parce que la nauire tiroitja de l'eau, & n'estoit restez des soixante cōpagnons, que trente vn, desquels la plus part estoient encor' malades. Le capitaine Portugais, qui estoit là, arresta prisonnier ces treize voulant sçauoir où ils s'estoient chargez de ces espiceries, par ce qu'ils luy auoient dit qu'ils vouloient payer en cloux de girofle ce qu'ils acheteroient, & arresta aussi l'esquif, & encore en vouloit autant faire du nauire: mais le pilote vaillant, & accort feit aussi tost leuer les ancrs, & les voyles, & en peu de iours arriua à S. Lucar de Barrameda le sixiesme iour de Septembre l'an 1522. avec dix-

qu'ict Espagnols seulement les plus defaiçts , & rō-  
us qu'il estoit possible. Les treize qui furent arre-  
tez à saint Iacques , furent incontinent deliurez  
par le commandement du Roy de Portugal. Outre  
ce que nous auons recité, ils comptoient encore de  
leur nauigation cōme ils auoient obserué, que iet-  
tans dedans la mer vn corps d'vn Chrestien, il flot-  
toit sur les reins, & iettans celuy d'vn Gentil , il na-  
geoit sur le ventre, & comme il leur auoit esté plu-  
sieurs fois aduis que le Soleil , & la Lune faisoient  
par de là leur tour au contraire de celuy qu'ils font  
ici çà. Telle opinion leur procedoit, par ce qu'ils  
nettoient tousiours l'esguille vers le Midy. Car il  
est tout certain que ceux qui viuēt à trente degrez  
au delà l'Equinoxe voyent le Soleil leuer à main  
droicte pourueu qu'ils regardent la Tramontane.  
Ils employèrent à aller , & reuenir trois ans moins  
quatorze iours , ils faillirent à leur compte , & par  
ce moyen il aduint qu'ils mangerent de la chair à vn  
Vendredi, & celebrerent Pasque le Lundy. La faul-  
te aduint de ce qu'ils ne compterent point le bissex-  
te, combien qu'il y en ait aucuns , qui philosophent  
dessus, mais ils errent plus que les mariniers. Ils  
firent plus de 10000. lieuës , & selon leur compte  
plus de 14000. qui reuiennent ( à prendre quatre  
mil pour vne lieuë selon les mariniers Espagnols,  
& non à prendre cinq mil comme font les mari-  
niers Italiens ) à 56000. mil. On feroit bien le  
voyage plus court, qui feroit sa route droicte. Mais  
ils furent contrainçts faire plusieurs tours : ils pas-  
serent six fois par dessus la Zone torride sans se  
crasser contre l'opinion des anciens. Ils demeure-

rent cinq mois à Tidoré, où demeurent les Antipodes de Guinée, & par cela on preuue contre les anciens que tous les Antipodes peuuent communiquer ensemble. Ils perdirent de veue la Tramontane, si se gouuernoient ils tousiours par son moyé par ce que l'esguille, ou calamite estant mesme à quarante degrez vers le Midy ne laissoit non plus la regarder que si elle eust esté en la mer Mediteranee: il est bien vray qu'aucuns disent qu'elle perdy vn peu de sa vertu. Pres le Midy ou Pole Antartique ils voioient tousiours vne petite nuë blanche, & quatre estoilles en croix, & trois autres aupres, qui ressemblent à nostre Septentrion. Ces estoilles denotent l'autre effueil du ciel, lequel on appelle Midy. La nauigation que feirent les vaisseaux de Salomon estoit grâde, mais celle des nauires de l'Empereur Dom Charles est beaucoup plus grande. Le nauire de Iason nommé Argos tant reclamé des Poëtes, & Historiés feit peu en comparaisón de ce vaisseau, qui deuroit estre mis pour triomphe, & memoire en l'arsenac de Seuille. Les trauaux, & dangers d'Vlysses ne furent rien au respect de ceux de Iean Sebastien: aussi il meit en ses armes la figure du monde, & autour ces parolles, *Primus circundasti me*, c'est à dire, tu m'as le premier enuironné, ce qui est bien cõforme à sa nauigation. Telles armes seruiront d'vn grãd trophée à la posterité, aussi à la verité il tourna tout le monde.

*Du differrent qui est entre les Espagnols, & Portugais pour le traffic de l'espicserie. Chap. 99.*

**L**Empereur receut vn contentement, & vn plaisir nonpareil quand il eut entédu que ses gen-



oient descouuert les Molucques, & isles des espi-  
es, & qu'on y pouuoit aller par ses pays mesmes  
ns porter preiudice aux Portugais, & aussi de ce  
u'on luy rapporta qu'Almāsor, Luzfu, Coralla, &  
autres seigneurs de l'espicerie s'estoient réduz ses a-  
is, & tributaires. Il rendit infinies graces à Ieā Se-  
astiē pour les trauaux, qu'il auoit soufferts, & pour  
s seruices qui luy auoit faits, & luy dōna des pre-  
ns en estreine d'vne bōne nouuelle, qui luy auoit  
portée: c'est que ces Molucques, & autres isles  
cor'plus riches, & plus grandes estoient situées  
la part que le Pape luy auoit distribuée par sa bul  
Ces nouuelles sceuës par tout, le different qui ja  
oit esté meū pour le départemēt qu'auoit fait le  
pe des Indes, & du nouueau monde, se renouel-  
entre les Portugais par la venuë de Sebastien de  
auo ; qui encor' soustenoit que iamais Portugais  
estoit iusques huy entré en ces isles: Ceux du  
nseil des Indes suaderent aussi tost à l'Empereur  
il feist continuer la nauigation, & trafic de l'e-  
cerie, puis qu'il estoit sien, & qu'on auoit trouué  
ssage par ses Indes, luy remonstrans que ce seroit  
moyen pour receuoir de grands deniers, & s'as-  
urer d'vn reuenu inestimable, que ses royaumes,  
subiects auecques cela s'enrichissoient sans faire  
ande despenſe. Comme ce conseil estoit vray,  
ssi le trouua il bon, & commanda de continuer  
trafic. Quand Dom Iehan Roy de Portugal  
t entendu la determination de l'Empereur, &  
soing qu'en prenoient ceux de son conseil, &  
ant ouy le rapport qu'auoient fait Iean Sebastien  
nt de son chemin que de tout ce qu'il auoit veu,

il s'enfloit d'un despit grand, maugreoit, & enrageoit, & tous les siens vouloient, comme on dit, ravir le ciel à belles mains, s'asseurans bien de perdre ce traffic, & commerce si les Castillans yne foison l'entreprenoient. Pour ceste cause le Roy de Portugal supplia l'Empereur qu'il n'enuoyast aucune armee aux Molucques que premierement on n'eust aduisé, & cōclud, à qui elles appartenoyent, & qu'il ne voulust luy faire ce tort de luy oster ceste negotiation, ny donner occasion aux Castillans, & Portugais de s'entretuer en ces Isles quand les armees se rencontreroient les unes les autres. L'Empereur encor' qu'il veid bien que ce n'estoit que pour dilayer, voulust qu'on y aduísast, & que le tout fust resolu par iustice pour iustifier d'avantage sa cause. Et ainsi tous deux furēt d'accord que le tout seroit verifié par hommes entenduz en la Cosmographie & par pilotes experts, promettans auoir pour agreable, & garder ce, qui seroit ordonné par ceux, qui pour ce faict seroient nommez, & outre la promesse faicte par escrit ils le iurerent encor'.

*Departement des Indes, & du nouveau monde entre les Espagnols, & portugais. Chap. 100.*

Ceste affaire des espiceries estoit de grande importance pour la grande richesse, qui s'en suivroit. Pour decider le different, qui s'en estoit meue, il estoit necessaire de mesurer le nouveau monde des Indes, & pour ce fait il failloit auoir des personnes doctes, & bien versez tant en la navigation qu'en la science de Cosmographie, & es mathematiques. L'Empereur pour son regard nomma pour iuges le docteur Acugna, qui estoit de son conseil.

royal, le docteur Barrientos, qui estoit du conseil  
des ordres, le docteur Pierre Manuêlo Auditeur de  
la Chancellerie de Valladolid. Ceux-cy estoient  
nommez pour adiuger la possession, & pour vider  
le fond, & la propriété, il nomma Dom Ferdinand  
Colôb fils de Christophle, le docteur Sácio Salaya,  
Pierre ruiz de Villegas, le moyne Thomas Durand,  
Almô d'Alcazana, & Iean Sebastien de Cauo. Il feit  
son aduocat en ceste cause Iean Roderiguez de Pi-  
er, & sô procureur fiscal, le docteur Riuera, & pour  
secrétaire il esleut Barthelemy Ruic de Castagneda,  
et commanda que Sebastien Gauoto, Estienne Go-  
mez, & Nugno Rihero, pilotes tres excellés, & mai-  
res à faire cartes marines, seruissent pour produire  
globes, mappemondes & autres instrumens neces-  
saires pour la declaration de la situatiô des Moluc-  
ques. Ceux-cy ne deuoient entrer en l'assemblée, fils  
estoit appellez. Tous ces deleguez & autres s'en-  
allerent à la ville de Vadajoz, & les Portugais vin-  
rent à Elbes en aussi grand nombre, & plus: parce  
qu'ils auoient deux Aduocats, & deux Procureurs:  
les principaux estoient le Docteur Alfonse d'Azene-  
lo Cotino, Didáço Lopez de Sequira Almotacen,  
qui auoit esté gouverneur en Indes, Pierre Alfonse  
l'Aguiar, Fráçois de Melo Prestre, Simon de Tau-  
marie ne sçay les noms des autres. Auant qu'ils s'as-  
semblassent, & qu'ils se veissent, les Portugais de-  
meurerent à Elbes, & les Espagnols à Vadajoz: ce  
pendant ils emploient le temps à plusieurs ceremo-  
nies pour sçauoir où se feroit la premiere veuë où  
ils s'assembleroient, & qui parleroit le premier, par  
ce que les Portugais s'arrestét fort sur tels petits dif-



ferens, cōme si leur autorité & grandeur en de-  
 doient. A la fin ils s'accorderent de se voir & se sa-  
 luer à Caya, qui est vn ruisseau qui sert de borne aux  
 Royaumes de Castille, & de Portugal, & est au mi-  
 lieu du chemin de Vadajoz à Elbes. Depuis ils s'as-  
 sembloiēt vn iour à Vadajoz, & l'autre iour à Elbes.  
 Ils prindrent le sermēt les vns des autres, & vn cha-  
 cun promit de dire verité, & iuger en toute equité.  
 Les Portugais recuserent Simon d'Alcazana, parce  
 qu'il estoit Portugais, & frere Thomas Durād, par-  
 ce qu'il auoit esté prescheur du Roy de Portugal.  
 Simon fut par sentence osté de la compagnie, & au  
 lieu d'iceluy, M. Antoine d'Alcaraz entra mais pour  
 casser le moyne on ne trouua cause aucune suffisante.  
 Ils furent plusieurs iours à cōtempler les globes,  
 & cartes marines, & rapports des pilotes, & comme  
 chascune partie proposoit ses raisons : les Portugais  
 disoient que les Molucques & autres isles des espi-  
 ces estoient de leur conqueste, & estoient situees  
 dedans la part qui leur estoit escheuē, & qu'ils y es-  
 toient allez, & en auoient prins possession beaucoup  
 deuant que Iean Sebastien les veid, & que la raye se  
 deuoit mettre sur l'isle de Bon-Regard, ou sur celle  
 du Sel, qui sont les plus Orientales de celles du cap  
 Verd, & non sur celle de saint Antoine, qui est plus  
 Occidentale, & est separee loing des autres 360. mil,  
 mais l'un & l'autre estoit du tout faux. Ils cogneu-  
 rent alors la faute qu'ils auoient faite de demander  
 que la raye fust mise plus vers le Ponent des isles  
 du cap Verd enuiron 1480. mil, & de ne s'accor-  
 der à la diuision que vouloit faire le Pape, qui ne  
 iettoit la raye vers le Ponent desdites isles qu'en-

ron 400. mil. Quant aux Espagnols ils disoient remonstroient que non seulement Borney, Gilolo, Zebut, & Tidoré avec les autres Molucques, mais aussi Samotra, Malaca, & vne grande part de la coste de la Sina, estoient de Castille, & de leur conqueste, par ce que Magellan, & Iean Sebastien furent les premiers Chrestiens, qui les maistriserét, & acquirent au nom de l'Empereur, ainsi qu'il se verifie par les lettres, & presens d'Almansor: & encor' que les Portugais y eussent esté les premiers, il est certain que ce fut depuis la donation du Pape, & si les Espagnols en estoient contens: car ainsi, comme ainsi les Molucques, & l'espicerie, appartiennent tousiours au Royaume de Castille: & si y a-voit d'avantage, c'est que par ce moyen les isles du cap Verd tomboient encor' en la possession des Espagnols, puis que mettant la raye sur Bon-Regard, les demeuroient au dedans de la partie qu'eux mesmes adiugeoient à l'Empereur. Ils furent bien deux mois sans pouvoir prédre aucune resolution, sur ce que les Portugais dilayoiét le plus qu'ils pouvoient en ceste affaire, refusans de donner sentence, & menans des excuses & raisons froides pour rompre ceste assemblee sans donner aucune cōclusion, & si il leur estoit necessaire de faire ainsi. Les Iuges Espagnols qui estoient commis pour la propriété, marquerét la raye par le meillieu du globe à 1480. mil de S. Antoine, qui est l'isle la plus Occidentale de celles du cap Verd, suyuant la capitulation qui avoit esté faite entre les rois Catholiques, & les rois de Portugal, & là dessus pronôcerent sur le port de

Caya vne sentence, donnans toutesfois delay au autres iusques au mois de May 1524. Les Portugais ne pouuoient empescher ceste sentēce, aussi ne voloient-ils l'approuuer encor' qu'elle fust iuste, disant que le proces n'estoit encor' entier & parfait, pour estre en estat d'estre iugé, & se departirent avec menaces de faire mourir tous les Castillans qu'ils trouueroient aux Molucques. Ces menaces n'estoient point iettees à l'estourdy. Car ils scauoient desirer bien comme les leurs auoient arresté le nauire de la Trinité, & prins prisonniers tous ceux qui estoient dedans. Les nostres s'en retournerent à la Cour, où ils feirent entendre à l'Empereur tout ce qu'on auoit fait, & luy môstrerent la marque qu'ils auoient faite sur le globe. Suyuant ceste declaration se marquent & se doyuent marquer tous les globes, & les mappemondes, que font les bons Cosmographes, & ainsi la ligne doit passer vn peu plus ou moins par la pointe de Humos, & du bon Abrigo, comme aussi i'ay desia dit en vn autre lieu, & par ce moyen il sera tres-euident que les isles de l'espicserie, & mesme l'isle de Samotra appartient à la couronne de Castille. Aussi par tel departement il est certain que le Roy de Portugal est seigneur du pays de Bresil, où est le cap de saint Augustin, lequel s'estend depuis la pointe de Humos, iusques à celle du bon Abrigo, & contient de coste 3200. mil, tirant de la Tramontane au Midy, & de Leuant en Ponant on racompte de largeur 800. mil. Auant que finir ce Chapitre, ie reciteray pour resiouir le Lecteur ce qui aduint sur ce fait aux Portugalois. Comme François de Melo, Diego Lopez de Sequeira & au



es venoient à ceste assemblée, & passoient la ri-  
 uere de Guadiana, vn petit enfant qui gardoit du  
 ange que sa mere auoit lauë & là estendu pour se-  
 ner, leur demanda s'ils estoient ceux qui deuoient  
 enir pour departir le monde avec l'Empereur, &  
 comme ils luy respondirent qu'ouy, il leua le der-  
 ere de sa chemise, & leur monstra ses fesses, leur  
 fant, mettez la ligne par le meilleu de ce lieu. Ce-  
 fut incontinent diuulgué par tout & en la ville de  
 adajoz, & mesme en l'assemblée de ces messieurs:  
 es Portugais en estoient scandalisez, mais les au-  
 es n'en faisoient que rire. J'ay eu grande fami-  
 arité avec Pierre Ruiz de Villiegas, natif de Bur-  
 os, qui aujourd'huy de tous ceux de ceste assem-  
 lee est resté seul, avec Gauoto, qui, & de sang, &  
 eurs, est veritablement noble, fort, curieux, ou-  
 ert & deuot, qui aime grandement à garder l'anti-  
 uité, portant tousiours barbe longue, & les che-  
 ux de mesme: il est fort docte és Mathematiques,  
 grand Cosmographe, & fort bien entendu és af-  
 aires d'Espagne, tant du temps passé, que du pre-  
 nt.

*La cause pour laquelle les Indes furent departies.*

*Chap. 101.*

Es Espagnols & Portugais auoient grandemēt  
 cōtesté ensemble pour la mine d'or, qui auoit  
 été descouuerte en Guinée l'an 1472. du temps  
 d'Alphonse cinquieme regnoit en Portugal. Ce  
 fferent ne s'estoit point esmeu pour des nefles  
 omme on dit. Car c'estoit vn trafic tres riche, &  
 pulent, par ce que les Negres pour choses de peti-  
 valeur bailloient en eschange de l'or à pleines

mains. Il y auoit encor' entre ces deux Rois vne au-  
 tre occasion de quereller, c'estoit à raison du Roy  
 aume de Castille, lequel le Royde Portugal preten-  
 doit estre sien, à cause de sa femme Ieanne, qui  
 vne femme si excellente en son temps, que la poste-  
 rité en collaudera tousiours le nom. Mais ces qu-  
 relles prindrent fin par la bataille que gaigna Fer-  
 dinand Roy de Castille contre ce Roy Alphonse  
 Temulos pres la ville de Toro. Et quant à la mine  
 de Guinee il la quitta, ayment mieux guerroyer les  
 Mores de Granade, que trafiquer avec les Negres  
 de Guinee. Ainsi le Roy de Portugal demeura se-  
 gneur de ceste mine, & de tout ce qu'il pourroit co-  
 querir en l'Afrique au de là du destroit de Gibra-  
 tar, sur la grand mer. Ce qui estoit raisonnable: car  
 le commencement de ces cōquestes, fut par l'infan-  
 Dom Henry de Portugal, fils du Roy Dom Iean  
 Bastard, & maistre de l'ordre des Cheualiers d'Aui-  
 Le Pape Alexandre 6. Valentinois, ayant entëdu les  
 descouuremens faits de nouuelles terres par ces  
 deux Roys, & les differens qui s'estoient meuz en-  
 tr'eux pour la domination d'icelles de son propre  
 moueement, & de sa pure volonté donna aux Roys  
 de Castille, les Indes, & aux Rois de Portugal tout  
 la coste d'Afrique, à la charge de conuertir les ido-  
 latres & Gentils à la foy de Iesus Christ. Et afin qu'  
 l'un n'entreprint rien sur l'autre, commāda de tirer  
 sur le globe vne ligne tombante de la Tramontan-  
 au Midy, qui passeroit vers le Ponent plus de 400  
 mil loing del'vne des isles du cap Verd, afin qu'elle  
 ne touchast point sur l'Afrique, qui appartenoit au  
 Roy de Portugal. Ceste ligne trāchoit en deux tou-

le monde, & seruoit de borne aux côquestes de ces deux Roys. La partie qui estoit par de là la ligne estoit aux Espagnols, & celle de deçà aux Portugais. Quand le Roy de Portugal D<sup>o</sup> Ieã, secôd de ce nom eut leu la bulle & donatiô du Pape, encor' q<sup>'</sup> ses Ambassadeurs eussent supplié sa saincteté de faire ainsi, si est-ce neantmoins qu'il ne se peut contenir d'entrer en colere, & se tempester pour telle diuision, se complaignât des Roys Catholiques qui couppoiet par là chemin à ses côquestes, victoires, & richesses. Il appella de ceste bulle, & demanda qu'outre les 400. mil, la ligne fut mise plus vers le Ponêt à 1200. mil, & aussi tost depescha des vaisseaux avec Pilotes, & Cosmographes experts pour costoyer, si estoit possible, route l'Afrique. Les Roys Catholiques Isabelle, & Ferdinand ayans le cœur genereux, ne feirêt semblant aucun de telles plainctes: mais se proposerent, par-ce qu'il estoit leur parent, & qu'ils auoiet plus d'enuie de le conseruer que de le ruiner, de luy complaire, & accorder ce qu'il demandoit: & pour ceste cause enuoyerent à leurs Ambassadeurs memoires pour en dresser vn accord deuât le Pape, accordans qu'outre les 400. mil, la ligne seroit mise plus vers Ponêt à 1080. mil. Cecy fut depuis cõfirmé en la ville de Tordesiglias le 7. de Iuin, l'an 1494. Nos Roys pêsans perdre du pays par l'ôctroy qu'ils auoient faict de ces 1080. mil, gaignerent au contraire les Molucques, & plusieurs autres isles tres-riches, & le Roy de Portugal par sa demande se rompa, ou fut deceu par les siens mesmes, qui ne gauoient pas encor' où estoient situees les isles des espiceries. Car il luy eust mieux vallu que ces 1080.



mil, luy eussent esté retranchees vers le Leuant tirant pres le Cap Verd : & encor' avec tout cela ie doute si les Molucques se füssét trouuees en sa partie selon que comptent, & mesurent les pilotes, & Cosmographes. Voila commét ces Roys pour obuier à tous differens departirent entr'eux les Indes, avec l'autorité du Pape.

*La seconde navigation aux Molucques.*

*Chap. 102.*

**A** Pres que l'assemblée de Vadajoz eust esté résolue, comme nous auons dict, & qu'on eust déclaré où se deuoit mettre la ligne, qui separoit les Portugais des Espagnols, l'Empereur feit dresser deux armées pour enuoyer aux Molucques l'une apres l'autre. Il enuoya semblablement Estienne Gomez avec vn nauire pour chercher vn destroit en la coste de Baccaleos, & de rabeur, qu'il promettoit trouuer, & qu'il disoit estre plus court chemin pour aller aux espices, ainsi que nous auons recité en ce lieu. Il commanda aussi que la maison de ce trafic seroit establee à Corugna, encor' que la ville de Seuille sy opposast, par-ce que c'estoit vn bon port & tres-apropos aux vaisseaux qui reuenoient des Indes pour estre incontinent deschargez, à raison qu'il est plus pres de Flandre, d'Alemagne, & autres pays Septétrionaux, qui mangent force espices. On depescha donc à Corugna aux despens de l'Empereur sept nauires qu'on feit venir de Biscaye, & les chargea-on de plusieurs marchādises, cōme de toiles, de draps, de merceries, d'armes, & d'artillerie. L'Empereur nomma Garzi l'offre de Loaisa cheualier de l'ordre de S. lean, natif de la ville Realle, Ca-

pitaine general de ceste armee, & luy donna quatre cens cinquante Espagnols, desquels estoient Capitaines Dom Roderic de Acugna, Dom George Manricho, Pierres de Vera, François Hozes de Cordube, & Gueuara, & enuoya pour grand Pilote, & lieutenant du general Sebastien de Cauo. Le Cheualier Loaisa feist le serment entre les mains du Conte Dom Henand d'Andrada Gouverneur du Royaume de Galice, & les autres Capitaines le feirent entre les mains de Loaisa, & chasque soldat entre les mains de son Capitaine, & puis on beneit l'estendart Royal. Cela faict ils leuerēt les voiles avec vne allegresse grande, & partirent au mois de Septembre l'an 1525. Ils passerent le destroiēt de Magellan tous ensemble: mais aussi tost ils se desbanderent, & se diuiserent. Le plus petit vaisseau nommé Pataca, ou Pataxa vint surgir en la nouuelle Espagne, autres se perdirent par vne tempeste. Le General mourut sur mer au mois de Iuillet, & le mois de Ianuier ensuiuant 1527. son vaisseau nommé Victoire arriua à Tidoré, ou le Roy Raxamira, qui pour lors regnoit, receut courtoisement les Espagnols, à fin qu'ils luy donnassent secours contre les Portugais, qui luy faisoient la guerre. Ferdinand de la Torre natif de Burgos feit incontinent bastir vne forteresse en Gilolo ayant avec soy cent cinquante Espagnols. Dom George Manricho vint prendre port en l'isle de Viceya: Le Roy de ceste isle nommé Cotoneo feignant estre amy entra en son vaisseau avec quelque nombre de ses gens, & là le tua avec son frere Dom Diego les naurāt avec glaiues empoisonnez, & arresta tous les autres Espa-

gnols prisonniers. En Candiga vn autre vaisseau se perdit. En fin tous noz gés tōberent entre les mains de ces insulans, & des Portugais, desquels pour lors estoit Capitaine Garzia Enriquez de Euora, qui faisoit la guerre de Terrenate, où il auoit vn fort, à Raxamira, & aux autres, qui ne se vouloient rendre au Roy de Portugal, ny moins luy donner des espices. Noz gés sceurent là cōme le vaisseau de Magellan nommé la Trinité, qui estoit demeuré à Tidoré pour le racoustrer auoit pris la route de la nouuelle Espagne, & cōme cinq moys apres qu'il fut party, il fut reiecté par vents contraires à Tidoré, mesme le Capitaine d'iceluy se nōmoit Spinosa. Quand il fut ainsi reiecté, il trouua en ceste isle cinq vaisseaux Portugalois sous Antoine de Britto, qui luy enleua de son vaisseau iusques mille quintaux de cloux de girofle. Il veid là Gonzallo de Campos, Louys de Moline, & trois ou quatre autres qui estoient demourez avec Almanfor. Ce Britto enuoya prisonniers à Malaca quarâte-huict Espagnols, & demoura à Tarrenate pour bastir vne fōrteresse. Ce fut vn acte qui meritoit biē estre chastié en Portugal, quād on le sceut en Castille.

*D'autres Espagnols, qui ont cherché l'espicerie.*

*Chap. 103.*

L'An 1528. Ferdinand Cortés par le commandement de l'Empereur enuoya de la nouuelle Espagne Aluaro de Sajauedra Ceron avec cent hommes, & deux vaisseaux pour chercher les Molucques, & autres isles, qui portoient les espices, & autres richesses, & aussi pour trouuer vn passage plus court que celuy de Magellan, esperant en ou-



rencontrer des pays, ou isles tresriches, mais  
jusques à present que ie sache on n'a rien descou-  
vert de ce qu'il s'imaginoit. Vn long temps apres  
l'an 1542. Dom Antoine de Mendoza Viceroy de  
Mexicque, enuoya le capitaine Villalobos du port  
de la Natiuité, qui est en la nouvelle Espagne. Ce-  
luy-cy descouvrit des Isles qu'il surnomma de Co-  
lumbal, où il feit ses besongnes: de la s'en alla à Min-  
danao, où auoit esté aussi Sejauedra Ceron, & puis  
à Tidoré, & à Gilolo, ou il fut bien receu des  
Roys, qui aimoient mieux les Espagnols que les  
Portugais. Il perdit là par tempeste ses vaisseaux, &  
ses gens tomberent entre les mains des Portugais.  
En ce mesme temps Bernard de la Torre natif de  
Granade s'en retournant à la nouvelle Espagne re-  
contra vn pays, qui duroit 2000. mil pres de l'Equi-  
nozial des Negres, & apres des isles des blancs: Se-  
bastien Gauoto l'an 1526. quand il retourna du fleu-  
ve del' Argent comme i'ay desia dict, pensoit en ce  
voyage aller aux Molucques, & de là porter les es-  
pices à Panama, ou à Nicaragua Deuant cestuy cy  
l'an mil cinq cens vn, Americ Vespuce par le com-  
mandement du Roy de Portugal alla chercher les  
Molucques avecques quatre carauelles, ce fut  
lors qu'il descouvrit le cap de saint Augustin. Mais  
il n'arriua iamais où il pretendoit, mesme il ne par-  
vint pas iusques au fleuve de la Plata. L'an 1534.  
Symon d'Alcazana alla aux Molucques avec deux  
cents quarante Espagnols, mais il ne sceut se com-  
porter avec les siens, ny les gouverner, & ainsi fut  
massacré à coups de poingnard par douze de ses co-  
pagnons au cap de S. Dominicque, qui est quasi à

l'entree du destroiët de Magellan. L'annee suiuant Dom Guiterrez de Vargas Euesque de Plaisance par le conseil de son cousin Dom Antoine, & pensant s'enrichir plus que les autres, y enuoya des nauires, mais ils se perdirent tous auant qu'y arriuer. Il y en eut vn, qui outrepassa le destroiët, & vint surgir à Arequipa. Ce fut le premier qui attesta, & donna asseurance de la coste, qui est depuis le destroiët iusques à Arequipa du Peru. Il y en eut encor d'autres, qui se hazarderët d'aller chercher ces isles par la Tramontane, entre autres Gaspar Cortes Reales, Sebastien Gauato, & Estienne Gomez ainsi que nous auons recité cy dessus.

*Des passages qu'on pourroit essayer pour aller en plus brief temps aux Molucques. Chap. 104.*

**C**omme ie discourois vn iour avec persónages qui auoient long tēps hanté les Indes, & avec autres Cosmographes de la longue & penible nauigation, qui se fait d'Espagne aux Molucques par le destroiët de Magellā, nous descourismes vn bon passage, encor qu'il fust de coust, lequel non seulement seroit profitable, ains aussi apporteroit grand hōneur à celuy, qui le feroit faire. Ce passage se deueroit faire en la terre ferme des Indes couppāt la terre d'une mer à l'autre en l'un de ces quatre endroits, ou par le fleue des Lesards, ou Cocodrilles, qui est en la coste du Nō de Dieu, & prēd sa source à Cagre, qui n'est qu'à douze mil de Panama par où les chariots passent ordinairement. L'autre endroit est par le fleue de Xeguator, qui entre dedās le lac de Nicaragua, par lequel entrēt, & sortent fort grand nombre de barques, & le lac n'est pas plus de douze mil

oin de la mer. Par lequel que vous voudrez de ces  
fleuves, le passage est desia à demy fait. Il y a encor  
un autre fleuve de la vraye Croix à Tecoantepec,  
par lequel ceux de la nouvelle Espagne font passer  
les barques d'une mer en l'autre. Du Nom de Dieu  
jusques à Panama on compte 51. mil, & du goulfre  
de Vraba jusques à celuy de S. Michel 75. ce sont les  
deux autres endroicts, & les plus difficiles à ouvrir  
pour les haultes montaignes, qui sont entre-deux. Il  
y a toutesfois des mains, qui les pourroient tren-  
cher, & en venir à bout. Qu'on me donne des gens  
pour besongner, & ie les rédray faicts. Le courage  
ne defaict point quand les deniers ne defaillent: &  
ne sçauroient defaillir, par ce que les Indes, à la co-  
modité desquelles se feroient ces passages fourni-  
ront de deniers. Cecy se monstre impossible, mais  
pour vne nauigatiō des espiceries, pour la richesse  
des Indes, & pour vn Roy d'Espagne, il est possi-  
ble. Il sembloit impossible, cōme à la verité il estoit  
de pouoir abreger cent mil de tour de mer qu'on  
compte de Brindezze à la Vellone, si est-ce toutes-  
foys que Pirrhe & Marc Varron l'essayerent pour  
aller par terre de Italie en Grece. Nicanor aussi  
commença bien à ouvrir plus de 300. mil de pays,  
sans compter les fleuves pour trouver les moyens  
de faire transporter tousiours par eau les espices, &  
autres marchandises de la mer Caspic à la mer Ma-  
jeur, autremēt dicte Ponticque, qui tombe à Con-  
stantinople: ce qu'il eust acheué comme il est vray-  
semblable si Ptolomee Ceran ne l'eust tué. Pour le  
traffice de mesmes espices Nicocles, Sesoistre, Daric,  
Ptolomee, & autres Roys ont essayé de ioindre la



mer rouge au Nil faifâs faire ouuerture avec le fer, affin qu'on amena de la grād mer Oceane en la mer Mediterranee toutes les marchandises de Leuant fans changer de vaisseaux. Ceste entreprise eust est par eux executee, & acheuee s'ils n'eussent eu peur que la mer eust inondé toute l'Egypte, ou qu'elle eust creué & emmené les digues & leuees, qui contiennent le Nil, & que par-ce moyen elle n'eust aussi englouty le fleuue, sans lequel l'Egypte ne vaudroit pas l'Arabie deserte. Si ce passage que nous auons remarqué se faisoit, on abregeroit ceste navigation des trois parts, & ceux, qui y iroient aux Molucques partans des Canaries suiuiroient tousiours le Zodiaque, & vne route en laquelle ils n'endure roient aucunes froidures, & si passeroient tousiours par les mers, & pays, qui appartiennent au Roy d'Espagne sans approcher des terres de leurs ennemis. Ce passage seruiroit mesme grandement à nos Indes, par-ce que les mesmes nauires, qui partiroient d'Espagne, passeroiēt par le Peru, & autres Prouinces, & en ce faisant on euiteroit de grādes despēses, & se soullageroit on de infinis trauaux, & dangers.

*Comme l'Espicerie fut engagée. Chap. 105.*

**L**E Roy de Portugal Dom Iean, troisieme de ce nom, ayant entēdu que les Cosmographes Espagnols auoiēt marqué la rāye de leur departemēt par où nous auons dict, & voyant qu'il ne pouuoit nyer la verité de ce faict, eut peur de perdre ceste negociation des espices, pour ceste cause il supplia l'Empereur de n'euoyer point aux Molucqs Geofroy de Loaisa, ny Sebastie Gauoto, afin que les Espagnols ne s'affrindassēt point apres ceste negocia-

des espiceries, & qu'aussi ils ne veissent point, n'entendissent les maux qu'auoiēt faiēt les Portugais à ceux de Magellan en ces Isles. Il couuroit, balliot le mieux qu'il pouuoit le faiēt des siens, & offroit de payer la despēce de ces deux armées, mais il ne peut obtenir ce qu'il demandoit, par ce que l'Empereur estoit biē informé de tout. Vn peu de temps apres l'Empereur espousa Dame Isabelle de ce Roy de Portugal: & ce Roy reciproquement espousa dame Catherine seur de l'Empereur. Ces telles alliāces le negoce de l'espicerie se refroidit vn peu, & le Roy de Portugal poursuiuoit tousiours sa requeste offrant de beaux partis. L'Empereur sceut d'vn Biscaïn, qui auoit suiui Magellan, ce que les Portugais auoiēt faiēt aux Espagnols à Tindia, ce qui l'irrita grandement, & feit confronter vn soldat aux Ambassadeurs de Portugal, qui le venoient hardiment: l'vn d'eux estoit capitaine general & gouuerneur en l'Indie quand les Portugais constituerent prisonniers les Espagnols à Tindia & desroberent le clou de girofle, la canelle, & ces marchandises qu'ils auoiēt dedās le vaisseau la Trinité. Mais comme le Roy denioit fort cestuy, & qu'il n'estoit autrement verifié, estant l'Empereur d'autre part necessiteux, voulant neātmoins faire vn grand apparat pour aller en Italie se faire couronner, il engagea l'an 1529. les Molucques, & le trafic de l'espicerie pour la sōme de 350000. rats d'or sans adiouster à l'obligatiō aucun tēps, & neurāt le proces en mesme estat qu'il estoit demeure au Pōt de Caia. Le Roy de Portugal chastia docteur Azenedo de ce qu'il auoit promis les

deniers sans terminer autrement l'obligation. Ce  
 engagement fut fait en cachette, & en secret con-  
 tre la volonté des Espagnols, ausquels l'Empereur  
 se rapportoit de cest affaire, par-ce que c'estoit  
 personnages, qui entendoient bien le profit, & la  
 chesse de ceste negociation, qui pouuoient tous  
 ans, ou bien, qui pouuoient en deux, quatre, ou  
 voyages rendre plus de deniers que n'en bailloit  
 Roy de Portugal. Pierre Ruiz de Villegas estât ap-  
 pellé par deux fois à ce contract, l'une en la ville  
 Grenade, & l'autre à Madril disoit qu'il estoit plus  
 expedient engager la prouince de Stremadura,  
 la Serena, ou plus grand pays, que les Molu-  
 ques. Samotra, Malaca, & autres riuieres Oriëntales  
 tres-riches, qui n'auoient pas encor' esté bien de-  
 couuertes, à cause que ces Prouinces se pouuoient  
 avec le temps rachapter, ou par alliance se reco-  
 uirer, mais que les autres n'estoient si faciles à re-  
 uoir, par-ce qu'elles estoient situees bien loing  
 nous. Pour conclusion l'Empereur ne considéra  
 pas bien ce qu'il engageoit, & encor' moins le Roy  
 de Portugal sçauoit ce qu'il prenoit. On a plusieurs  
 fois depuis dict à l'Empereur qu'il desengageroit  
 ces isles, puis que par le gain de peu d'annees  
 pouuoit recueillir plus que n'auoit baillé le Roy  
 de Portugal, & mesme l'an 1548. les procureurs  
 la Diette se trouuans à Valladolid voulurent de-  
 mander à l'Empereur, qu'il donnast à ferme por-  
 trois ans au Royaume ce trafic des espices à  
 charge qu'ils rembourceroient le Roy de Portugal  
 des 350000. ducats qu'il auoit baillez, & qu'ils de-  
 chargeroient toutes les espices au port de la Cor



a, comme sa maiesté auoit commandé au commencement, & les trois ans expirez sa maiesté les continueroit, ou bien en iouïroit comme elle vouloit: mais elle commāda de Flandres, où pour lors estoit, qu'on ne parlast aucunement de cest affaire, ce qui rendit beaucoup de gens estonnez.

*Comme les Portugais ont eu le trafic des espiceries.*

*Chap. 106.*

Es Portugais faisans la guerre aux Mores du Royaume de Fez en Barbarie, commencerent à s'ostoyer, & guerroyer les frontieres de l'Afrique, es le destroit de Gibaltar vers la mer Oceane, & voyans que la guerre les fauorisoit, s'employèrent pour suyure continuellemēt leur entreprinse, seulement Dom Henry fils du Roy, Dom Iean le Cardinal: & premierement descourirent en la Guinée la mine d'or, & commencerent à trafiquer avec les Negres, l'an 1475. Ce fut du tēps du Roy Dom Alphonse cinquiēme du nom. Cestuy-cy voyant que ces armées flottoient par ceste mer sans aucune rade, se delibera d'enuoyer vne armée à la mer rouge, & emporter le trafic de l'espicerie. Mais de peur que dresser ses vaisseaux, pour estre mieux acerré il enuoya l'an 1487. Pierre de Conillan, & Alphonse de Payua par terre en Leuant pour sçavoir où estoient situez les pays, desquels on apportoit les espices & medecines, qui venoient de l'Inde en la mer Mediterrancee par la mer rouge. Il enuoya ces deux-cy, parce qu'ils entendoient, & parloient fort bien la langue Arabe, se desiant du rapport que luy auoient fait d'autres qu'il auoit auoyez ignorans ceste langue. Il leur feit compter

argent, & leur donna lettres de Creance, & vne c  
 te, fuyuant laquelle ils se deuoient gouuerner,  
 quelle auoit esté extraite d'une mappemonde  
 Martin de Boheme par le docteur Calzadiglia El  
 que de Viseo, & le docteur Roderic, par maistr  
 Moyse, & Pierre de Alcazana: il leur donna vn m  
 moire qui auoit esté à Christofle Colomb. Ils s  
 allerent en Hierusalem, & au Caire, & de là à Aden  
 à Ormuz, à Calecut, & autres riches villes, & foir  
 tant d'Ethiopie, Arabie, Perse, qu'Indie. Pay  
 mourut incontinent allant par le costé qu'il au  
 pris, & Conillā ne peut reuenir, parce que le Pre  
 Iean le retint en sa Cour, mais escriuit au Roy to  
 ce qu'il auoit entendu. Rabi Abraham, & Ioseph  
 Lamego allerent en Perse, & enuoyerent nouuell  
 au Roy du trafic des espiceries. Il les feit retourne  
 pour chercher Conillan. Ils rapporterent ses lett  
 & tous ses aduertissemens. Le Roy Dom Iean f  
 cond du nom, qui auoit succedé à Alfonse, rece  
 ces lettres, & l'an 1494. enuoya ses carauelles a  
 mees pour chercher l'espicerie, mais elles ne pass  
 rent point le cap de Bonne-esperance. L'an 1497  
 Vasco de Gama le passa, & arriua à Calecut, qui e  
 vne ville, où se fait tresgrand trafic d'espiceries,  
 de medecines, qui estoit ce qu'ils cerchoiēt. Il cha  
 gea ses vaisseaux de ces marchandises à bon prix,  
 rapporta nouuelles avec grande admiration de  
 grandeur & richesse de ceste ville, & du grād nom  
 bre de nauires, qui estoient au port. Il disoit y en a  
 uoir veu quinze cens, qui tous estoient là arriue  
 pour le trafic de ces especes, mais il racomptoit qu  
 ils estoient petits, & qu'il n'estoient point propres

faire nauigations, fils n'auoient le vent droit en poupe, ny suffisans pour cōbattre contre nos vaisseaux. Ce qui donna occasion au Portugais de s'enhardir iusques là, que de entreprendre ceste negociation: il adioustoit encores qu'ils n'auoient point d'absence de la calamite, & qu'ils n'auoient point de bonnes ancrs, ny voiles au respect des nostres. L'an 1500. le Roy dom Emanuel enuoya douze carauelles à Calecut sous la charge de Pierre Aluarez, d'où il rapporta en la ville de Lisbonne ceste negociation & depuis acquist Malaca estendant sa nauigation, iusques à la coste de la Sina. Le Roy Dom Iean son fils a grandement amplifié ces nauigations. Voila comment le traict des espiceries a esté apporté en Portugal, & comme par ce moyen a esté renouuellee, & mise à sus la nauigation qu'anciennement les Espagnols exerçoient en Ethiopie, Arabie, Perse, & autres villes d'Asie pour le fait de marchandise, & principalement, ainsi que ie croy, pour les espices, & medecines.

*Les Rois & nations, qui ont iouy du trafic des espiceries.*

*Chap. 107.*

Les Espagnols anciennement apportoiēt par deçà, non pas en si grande quantité comme ils ont auioird'huy, les espiceries, & medecines de la mer rouge, Arabique, & Gagentique, portans par de là marchandises de nostre Espagne. Les Egyptiens ont iouy longuement de la negociation de ces espices, odeurs, medecines, & drogues Orientales, les achetans des Arabes, Perses, Indiens, & autres peuples del'Asie, & les vendans aux Scythes, Allemands, Italiens, François, Grecs, Mores,



& autres peuples de l'Europe. Ce trafic valloit tous les ans au Roy Ptolomee Auletes, pere de Cleopatra, donze talens, ainsi qu'escriit Strabon, qui valient sept millions de nostre monnoye. Les Romains avec le Royaume se saisirent de ceste negociation qui depuis leur vallut beaucoup d'avantage : mais elle declina entre leurs mains avec leur Empire, & à la fin la perdirent: depuis les marchans, qui pour gagner courent la mer, & la terre, apporterent ce trafic à Capha, & en quelques autres villes de Tanais : mais le travail, & la despenſe estoient fort grands, parce qu'il falloit apporter ces especes par le fleuve d'Inde au fleuve Oxo traufferſant Bactrie qui estoit anciennement Bactriane, & d'Oxo, qu'aujourd'huy on appelle Camu : par chameaux les falloit transporter en la mer Caspie, & de là on les distribuoit en plusieurs lieux, mais la plus grande quantité venoit à Citraca, qui est située sur le fleuve de Rha, appellé pour le present Volga, & ceux, qui venoient estoient Armeniens, Medes, Parthes, Persiens, & autres nations. De Citraca le long du fleuve de Volga on les conduisoit en Tartarie, qui auparavant s'appelloit Scythie, & puis de là on les apportoit par ſommes de cheuaux à Capha, que les anciens nommoient Theodosia, & en autres ports pres de Tanais, où les alloient enlever les Alemans, Latins, Grecs, Mores, & autres nations de nostre Europe: encor' n'y a pas long temps que les Venitiens, Geneuois, & autres Chrestiens y alloient pour ce mesme trafic. Depuis de ceste mer Caspie on les apportoit à Trebizonde, les faisant descendre par le fleuve de Phasis, en la mer Ponticque : Mais ce

traicte

raict s'est perdu avec l'Empire que les Turcs ont  
uiné. Il n'y a encores guerres, & mesme cela ce con-  
ue pour le present, qu'on les apportoit par con-  
emont le fleuve d'Euphrates, qui tombe en la mer  
erficque, & de là on les chargeoit sur des som-  
iers, qui les amenoient à Damas, Alepe, Barut, &  
autres ports de la mer Mediterranee. Les Souldans  
u Cayre ont autresfois ramené les espices en la  
mer rouge, & à Alexandrie par le moyen du Nil,  
omme par le passé: mais non pas en si grâde abon-  
ance. Les Rois de Portugal iouïssent maintenant  
e ceste negociation par la maniere que vous auez  
entendue, & en ont estably le siege à Lisbonne, & à  
nuers, non sans l'enuie de plusieurs meschâs aua-  
cieux, qui ont importuné le Turc, & autres Rois  
leur enleuer ceste richesse, & leur donner em-  
eschement: mais avec l'ayde de Dieu, ils n'ont peu  
enir à bout de leur attente. Paul Centurion Ge-  
uois s'en alla expres à Moscouie l'an 1520. pour  
ersuader au Roy Basile qu'il entreprint ceste ne-  
ociation, luy promettant de grandissimes gaings  
ec peu de despenſe: mais le Roy ne voulut seule-  
ent l'essayer, c'estoit bien loing de faire ce que  
utre disoit, ayant entendu les longs & penibles  
oyages qu'il conuenoit faire. Car il falloit ame-  
r premierement ceste marchandise par la riuere  
Inde en Bate, & de là sur des chameaux la trans-  
porter sur le fleuve de Camu, & par ce fleuve la  
nduire à Estraua, & puis à Citraca, qui sont tous  
uez aux deux extremitez de la mer Caspie: de Ci-  
aca les falloit amener par le fleuve Vloga dedans  
grand fleuve Occa, & de ce fleuve entrer dedans

celuy de Moscouie. Et la grand peine, qui estoit cecy, c'est qu'il falloit tousiours monter contre mont par les plus grâds fleuves, qui sont Inde, Voïga, & Occa. Et apres estre entré dedans le fleuve Moscouu, on descendoit iusques à la ville de Moscouie, & de là les falloit porter par son pays à la mer Germanique, & Venedique, où sont situees Riballie, Rigue, Dantzic, Rostoc, & Lubec, qui sont villes de Liuonie, Polonie, Frisie, & Saxogne, où demeurent des peuples, qui consomment fort de telle marchandise en leur viure. Les espices qu'on apportoieroit par ceste voye seroient bien plustost corrompues & esuentees, que non pas celles, qui viennent par les carauelles de Portugal, qui ne sont aucunement maniees depuis qu'elles sont chargees en l'Indie iusques à ce qu'elles soient arriuees en Lisbonne. Je ne dis pas cecy sans cause: car ce Geneuois vouloit faire accroire le contraire. Solyman le grand seigneur a mis peine aussi de chasser les Portugais hors d'Arabie, & de l'Indie, pour se saisir de ce bon traficque: mais il n'a peu encor, que par mesme moyen il se soit efforcé d'endommager les Perses, & d'estendre ses armes, & son nom en ces quartiers pour les intimider. Il y enuoya Solyman eunuque Bassa, qui de la mer Mediterrancee feit passer par le Nil ses galeres iusques aupres du Cayre, & de là par chameaux les feit transporter par pieces en la mer Rouge, & l'an 1537. avec son armee assiegea la ville de Dio, pres le fleuve d'Inde, & la batist furieusement, mais ne la peut prendre: parce que les Portugais la defendirent valeureusement, faisant merueilles par mer, & par terre. Ce Bassa estoit peureux



c d'un petit courage , mais au lieu trescruel. Il  
orta en Constantinople à son retour les oreil-  
s, & les nez des Portugais , qu'il auoit tuez, pen-  
nt se monstrier par là vaillant, & courageux, ce  
e fut qu'un œuure, & un acte digne d'une beste  
rute.

## IVRE QUATRIEME DE L'HISTOIRE GE- nerale des Indes.

*Comme le grand Royaume du Peru fut descouvert.*

*Chap. 108.*



DE 5200. mil, qui sont de coste en  
coste depuis le destroit de Ma-  
gellan iusques au fleuve du Pe-  
ru, il y en a 2000. qui sont à com-  
pter depuis le destroit iusques à  
Cirinara, où Chili, qui ont esté  
descouuers par vne galiote de  
m Gutierez de Vargas Euefque de Plaisance en  
pagne l'an 1544. Les autres mil ont esté par plu-  
sieurs anneés descouuers par François Pizarre, Diego  
Almagro, & par leurs Capitaines, & soldats. Pour  
scrire ce descouurement, & ces côquestes i'eusse  
n voulu suiure l'ordre que i'ay obserué iusques

icy parlant des guerres, qui ont esté faictes en  
 pays en chascque coste, & contree, gardant l'ordi  
 de Geographie: mais pour ne repeter point v  
 chose plusieurs fois ie laisse maintenant ce style,  
 prens l'ordre d'un Historiographe. Je dis doncqu  
 qu'estant Pedrarias d'Auila gouverneur de Castil  
 de l'Or, & residât pour lors à Panama, il y eut que  
 ques habitans de ceste ville auares, ou bien conuo  
 teux de chercher, & descourir nouueaux pays, de  
 quels aucuns vouloient aller vers le Leuât au fle  
 ue du Peru, pour descourir les regions, qui sont  
 tues sous l'Equinoxial, s'imaginans de grand  
 richesses: les autres vouloient aller vers le Pone  
 au pays de Nicaragua, qui auoit bruit d'estre rich  
 & d'estre embelly de beaux iardins garnis de bo  
 fruiçts, ainsi qu'auoit rapporté Vasco Nugnez  
 Valuo, qui pour ce mesme faict auoit dressé qu  
 tre nauires. Pedrarias tendoit plus à Nicaragua q  
 vers l'Orient, & y enuoya ces quatre nauires, co  
 me nous dirós cy apres. Diego d'Almagro, & Fra  
 coys Pizarre, qui estoient riches, & qui estoient  
 premiers habitans de ce pays s'associerét avec He  
 nand Luche Seigneur de la Tauoga maistre d'  
 colle, qui est vne dignité en l'Eglise de la ville  
 Panama, c'estoit vn prebstre riche, lequel pour  
 ste cause on surnomme depuis Pazzo, c'est à d  
 fol, & insensé, par-ce qu'il ne peut se contenir  
 ses richesses. Ces trois iurerent de ne se departir  
 leur societé pour quelque despense, qu'il conui  
 droit faire, ny pour perte quelconque, qui po  
 roit aduenir, & qu'ils departiroient esgalement  
 gain, les richesses, & pays qu'ils descouueroient

conquesteroient tous ensemble, ou à part. Aucuns  
dirent que Pedrarias d'Avila entra en ceste société,  
mais qu'il en sortit deuant qu'on eust rié entrepris,  
pour les mauuaises nouuelles que luy apporta vn  
de ses Capitaines nommé François Vezerra, des  
pays, qui sont sous la ligne. Ceste société ainsi  
conclüe s'accorderent que François Pizarre iroit  
descourir pays, & que Hernand Luche demeure-  
roit pour auoir le soing des biens, & possessions  
vn chacun, & que Diego d'Almagro auroit la  
charge de fournir de soldats, d'armes, & de mu-  
nitions, & autres choses requises pour Pizarre en  
quelque contree qu'il fust, & qu'il pourroit aussi  
faire quelques conquestes selon que les moyens &  
occasions se presenteroient. François Pizarre donc-  
ques, & Diego d'Almagro partirent avec le congé  
du Gouverneur Pedrarias, comme aucuns veulent  
dire, l'an 1525. Pizarre partit le premier avec 114.  
hommes en vn vaisseau: il flotta iusques à 400. mil,  
& voulant prendre terre il fut assailly par les habi-  
tans, & blecé en sept endroits de son corps de coups  
de fleches: ce qu'il le feit retourner à Cianciana,  
qui est pres de Panama. Almagro, qui estoit de-  
meuré derriere pour auoir vn vaisseau s'en alla avec  
70. Espagnols en vn fleuve, qu'il surnomma saint  
Jean, où il eut deux mille pesans d'or: il meit pied à  
terre, & par quelques signes il eut cognoissance  
que les Espagnols auoient ja esté là, & puis s'en alla  
au lieu où fut blecé Pizarre, où il receut vne aussi  
mauuaise aduenture que son compagnon: car en  
combattant il eut vn œil poché, & par despit brusla  
leur ville, & s'en retourna à Panama, pensant que



Pizarre eust aussi fait là sa retraicte: mais ayant entendu qu'il estoit à Cianciama, il s'y en alla au tost pour aduifer ensemblément du retour qu'ils deuoient faire au pays qu'ils auoient descouuert par-ce que le pays estoit beau, & enrichy de mines d'or. Ils rassemblerent là iusques à deux cens Espagnols, & quelques Indiens de seruice. Ils s'embarquerent tous en leurs deux vaisseaux, & en trois grandes Canoas qu'ils feirent faire, ils flotterent avec grande peine, & trauail, & non sans grand danger des courantes, qui regnent en ce quartier là, à cause du vent de Midy, qui quasi continuellement souffle per ces riuieres. Mais à la fin ils prirent terre en vne coste presque toute submergee, estant couuerte de fleues, & paluz, & si aqueuse, & fangeuse qu'il estoit quasi impossible pour ceux, qui mettoient le pied à terre de se sauuer. Les habitans de ce pays viuent sur les arbres, ce sont gens guerriers, & courageux, aussi defendirent-ils brauement leurs pays, & tuerent grand nombre d'Espagnols. Ils accouroient à si grande affluence avec leurs armes, que la riue estoit toute couuerte d'eux. Ils crioient apres noz gens, les appellans enfans de l'escume de la mer, gens sans pere, hommes sans repos, qui ne se peuent arrester en aucun lieu pour cultiuer la terre pour auoir à manger. Ils disoient en outre qu'ils ne vouloient receuoir en leurs pays de personnes, qui eussent du poil au visage, ne qui fussent si bragards, & si mignons, afin qu'ils ne corrompissent point leurs saintes, & anciennes coutumes. Ces habitans estoient idolatres, & fort addonnez à la Sodomie, qui estoit cause qu'ils trai-

toient mal leurs femmes. Ils sont laid de visage, yans le nez outrageusement grand, & sont mal gracieux en leur parler, parlans du gosier. Les femmes portent sur leurs testes de cœuurechefs, & bandesolles de cotton, & des aneaux. Les hommes vestêt une camisole si courte qu'elle ne couure pas leurs parties honteuses, ils portent leurs cheueux comme ont les moynes, sinon qu'ils couppent entierement tous les cheueux de deuant, & ceux de derriere, laissant croistre ceux des costez: ils portent en leur nez, & oreilles des esmeraudes, Turquoises & autres pierres blanches, & rouges avec filets d'or. Pizarre, & Almagro desiroient conquerir ce pays pour l'aparerce qu'il voyoit d'or, & de ioyaux: mais la faim, & la guerre leur ayant faict perdre beaucoup de leurs gens, ne pouuoient en venir à bout sans nouveau secours. Almagro s'en retourna à Panama pour querir quatre vingts Espagnols, par le moyē desquels & de quelques prouisions qu'il apporta il eut reprendre courage à ces pauvres fameliques, & quasi mors de faim, qui estoient restez. Ils s'estoient maintenuz plusieurs iours avec des dattes ameres, & avec du poisson, & avec vn fruit, qu'ils appellent manglari, qui est sans suc, & faueur, & si on ne le garde aucunement, il est amer, & salé. Ces arbres naissent sur la mer, & mesme dedans la mer, & en terre salee: le fruit est gros, & à la fueille petite & verte au possible, ils sont fort haults, droicts & forts, & pour ceste cause on en faict des arbres de nauires.

*Continuation du descouurement du Peru.*

*Chap. 109.*

z iij

**L**es Espagnols estoient si flagues, & si desperdu  
 parmy ces manglari, & se sentoient si foibles a  
 prix des habitans de ce pays, que mesme avec ce  
 quatre vingts soldats, qui estoient freschement ve  
 nuz, ils n'osoient leur faire la guerre, ains trouue  
 rent plus expedient pour eux de desloger inconti  
 nent, & se retirer à Catamez, qui est vn pays, qu  
 au lieu de manglari, est bien pourueu de bon maiz  
 & d'autres prouisions: aussi il restaura la vie à plu  
 sieurs, & fut cause de donner grande resiouissance  
 à toute l'armee, par ce que les habitans de là auoien  
 leur visages tous macquerez d'or, cestant telle leur  
 coustume de se percer le visage en plusieurs en  
 droits, & mettre dedās les trous des grains d'or, ou  
 des turquoises, ou esmeraudes fines. Pizarre, & Al  
 magro voyans si bon pays pensoient veoir la fin de  
 leurs trauaux, & se faire les plus riches Espagnols de  
 tous ceux, qui eussent iamais esté en ces Indes, & ne  
 se pouuoient contenir pour le grand aise qu'eux, &  
 les leurs auoient. Mais ceste resiouissance ne dura  
 gueres, & fut abbatue par vne grande multitude  
 d'Indiens armez, qui sortirent contre eux, ils n'ose  
 rent les soustenir, ny moins les attendre. Parquoy  
 s'accorderent qu'Almagro retourneroit à Panama  
 pour leuer gens, & Pizarre l'attendroit en l'Isle du  
 Coq. Tous les Espagnols estoient en si grande  
 frayeur, & si mal contens, qu'ils ne songeoiet tous  
 qu'à retourner à Panama, renians le Peru, & toute  
 la richesse de l'Equinoxial, & eussent bien volu re  
 tourner avec Almagro. Mais on n'en voulut laisser  
 aller aucun que ceux qu'Almagro auoit choisis  
 pour mener avec soy, & ne voulut-on qu'aucun de



ceux, qui restoient, escriuit à leurs amis, afin que par leurs lettres ils ne donnassent point de mauuais ouïct à ce pays, & que par ce moyé ils ne destourbassent le cœur de ceux, qui voudroïent y venir pour donner secours. Mais on ne peut celer aux habitans de Panama les traux, & les aduersitez, qui estoient venues à nos gés en ce pays, par ce qu'il fut impossible d'empescher que quelques lettres ne se desrobassent, par lesquelles aucuns se plaignoient aigrement des traux excessifs qu'on leur faisoit endurer par delà. Entr'autres on marque Sarauia de Rusiglio, qui escriuit ces nouuelles à Pasqual Angoya, & enuoya ses lettres (ausquelles plusieurs estoient sous-signé) cachees dedans vne balle de cotton, feignant luy enuoyer ce cotton, pour luy faire vne mante, par ce qu'il estoit nud, ayant ja commé tous ses habillemens. Autres disent que fut Antoine Quadrado, qui escriuit ces lettres, & qu'elles estoient signees de quarante, & qui les enuoyoit à Pierre de Los rios. Ces lettres contenoient un long discours de tous les maux & traux, qu'ils estoient souffers en ce descouurement, & combien il y auoit de soldats miserablement morts, & comme les capitaines par force les empeschoient de retourner. La conclusion de la lettre estoit qu'ils prioient le gouverneur commandast, qu'on ne les retint plus en ce lieu par force, & au bas de la lettre ils firent ces vers.

*Nous tous vous prions, Monsieur nostre gouverneur,  
Que vueillez le tout soingneusement esplucher,  
Et croire que vers vous s'en va un amasseur,  
Pendant que par deçà nous reste le boucher.*

Pour lors estoit venu à Panama pour Gouverneur, quand Almagro y arriua, Pierre de Los-Rios, lequel donna charge à vn sien domestique nommé Tafur d'aller où estoit Pizarre, & luy commander sur griesues peines, qu'il eust à laisser reuenir librement ceux qui estoient avec luy. Aussi-tost que ceux qui estoient avec Almagro prestà retourner, eurent entendu la volonté du gouverneur, s'escarterent tous, & abandonnerent leur capitaine : autant en firent les soldats de Pizarre, excepté Barthelem Ruiz de Moguer son pilote, & autres douze, entre lesquels estoit Pierre de Candie Grec, natif de cest Isle. On ne pourroit dire quels desplaisirs receut Pizarre en ce faict : il promeit monts & merueilles à ceux qui resterent avec luy, les louant come bons fidelles, & constans amis. Se voyant ainsi en si petit nombre, se retira en vne Isle toute depeuplee loing de terre 24. mil, & l'appella Gorgone. Il y auoit en icelle force fontaines, & ruisseaux d'vne eau belle, & claire, de laquelle ils se sustenterent sans aucun pain, mangeans au lieu des cigalles de terre & de mer, des serpens grands, & tout ce qu'ils pouuoient pescher, iusques à ce que le vaisseau d'Almagro fust reuenu de Panama, qui les rafreschist, de gens, & de viures. Aussi tost que ce vaisseau f'arriué, Pizarre s'en alla à Motupec, qui est pres Tangarara, & de là s'en alla au fleuue de Cira, où print quelques bestes sauuages pour manger, quelques hommes pour se seruir de truchement parmy le peuple qu'ils appellent Pohecios : Il f'ut puis apres descendre à terre Pierre de Candie à Tbez pour veoir le pays. Il reuint tout esmeruei

des richesses, qu'il auoit veuës en la maison d'Atabalipa: qui fut vne nouuelle, qui resiouir grandement toute la compagnie. Pizarre voyant qu'il auoit descouuert vn pays, & vne richesse tel qu'il desiroit, se retira incontinent à Panama, pour de là s'en retourner en Espagne demander à l'Empereur le gouuernement du Peru. Deux Espagnols demeurèrent en ce pays, ie ne sçay si ce fut par le commandement de Pizarre, à fin qu'ils apprinsent la langue, & les secrets du pays, ou bien si aurice les y etint: mais ie sçay fort bien qu'ils furent tuez, & mangez par ces Indiens. François Pizarre fut plus de trois ans à faire ce descouurement, non sans enurer de grands traux, & se mettre en des dangers perilleux, endurant faim, & encor' au bout de tout cela receuant des broquarts, & mocqueries.

*Comme François Pizarre fut faict Gouverneur du Peru.*

*Chap. 110.*

Pizarre estant arriué à Panama communiqua à Almagro, & Luché, la bonté, & richesse de Tóbez, & du fleuve de Cira. Ils furent tres-aises de cene nouuelle, & luy donnerent, pour fournir aux ais de son voyage, mil pesans d'or. Ils empruntent vne bonne partie de ceste somme: car encore que ces trois fussent les plus riches habitans de cene ville, si deuindrent ils pauvres pour les grandes dépenses qu'ils auoient faictes durant ces trois ans de descouurement du Peru. Pizarre estant venu en Espagne presenta au conseil des Indes le rapport de tout ce qu'il auoit descouuert, & demanda le gouuernement du Royaume du Peru, remonstrant des dépenses qu'il auoit faites. L'Empereur l'esleut



Adelantado, & Capitaine general, & Gouverneur du Peru, & de la nouuelle Castille, vsant de ce nom afin qu'il nommast de ce nom toutes les terres qu'il descouueroit. Pizarre p<sup>r</sup>meit à l'Empereur luy de courir de grands Royaumes, & richesses pour le tiltres qu'il luy donnoit. Il faisoit ces richesses plus grâdes qu'il ne sçauoit, encor qu'il ne les amplifiast pas tant comme à la verité elles estoient, afin qu'il attirast d'auantage de g<sup>e</sup>s avec soy. Il s'ébarqua pour s'en retourner, acôpagné de quatre de ses freres qui estoient Ferdinád, Iean, Gózalle, & Fráçois, Martin d'Alcátara frere de mere: Ferdinád estoit seul legitime, Gózalle, & Iean estoient freres d'une autre mere. Ces Pizares entrerét à Panama en grád' p<sup>o</sup>p<sup>e</sup>. Mais ils ne furent guere bié receux d'Almagro, qui se cōplaignoit fort de Pizarre, de ce qu'estant son amy intime, il l'auoit exclus, & priué des honneurs & tiltres, qu'il auoit prins pour luy seul, ce qu'il ne deuoit pas faire, attendu qu'ils auoient esté cōpagnons en despence, & que pour ceste cause ils deuoient aussi estre compagnons au gain, entre lequel il estimoit l'honneur, duquel il se voyoit priué, puis qu'il ne luy restoit lieu où commander, ny à gouverner. Et encores ce qui le faschoit le plus, estoit que Pizarre n'auoit point recité à l'Empereur, comme en ceste execution il auoit perdu v<sup>e</sup>u<sup>e</sup>il, & consommé la plus-part de son bien, & fourny la plus grand' part des deniers, qu'auoient esté despendus en ceste entreprinse: & quant à luy il disoit, qu'il ayroit mieux l'honneur, que les deniers. François Pizarre se deschargeoit le mieux qu'il pouoit, disant, que l'Empereur auoit vo

u à luy seul departir tels honneurs, & que mesme  
l ne l'auoit point voulu faire grand Preuost de  
Combez encores qu'il l'en eust supplié, & au reste  
l promettoit de luy moyenner vn autre gouuernement  
au mesme pays, & renoncer à son profit, à l'estat  
d'Adelantado, & luy promettoit ne se departir  
de la societé qu'ils auoient faite ensemble, & luy  
demonstroit que demeurans compagnons comme  
deuant il estoit luy mesme gouuerneur, & que par  
ce moyen il pouuoit commander & disposer de  
tout à son plaisir. Mais Almagro ne pouuoit s'ap-  
paiser auec tout cela, tant estoit grand le courroux,  
& la haine qu'il pensoit auoir conceuë auec vne iu-  
ste occasion, & estimoit le dire de Pizarre n'estre  
que des pures paroles simples, & sans effet. Le peu  
de bien, qui estoit resté de leur societé, estoit entre  
les mains, & n'en vouloit rié departir à Pizarre, qui  
estoit cause que luy, & ses freres, qui faisoient gran-  
de despée, & auoient peu de deniers estoient tom-  
bez en grâde necessité. Ferdinand Pizarre qui estoit  
l'aîné de tous, ne pouuoit endurer patiemment ce-  
cy, & en donnoit toute la coulpe à Almagro, re-  
prenant le Gouverneur son frere de ce qu'il en en-  
duroit tant, & irritant ses autres freres, & plusieurs  
autres contre luy. De là sourdist vne perpetuelle  
haine entre Almagro, & Ferdinand Pizarre, & non  
contre ses autres freres, qui estoient doux, traicta-  
bles, amiables. François Pizarre desiroit grande-  
ment retourner en grace auec Almagro: parce que  
sans luy il ne pouuoit aller en son gouuernement  
si tost, ne si honorablement, ny auec telle esperance  
d'y profiter, comme il eut bien voulu. Il cercha les

moyens pour se recôcilier: plusieurs s'entremeiren  
 faire l'accord, principalement ceux qui estoient fref  
 chement venus d'Espagne, qui auoient desia man  
 gé tout iusques à leur cappe. A la fin ils s'accorde  
 rent par le moyen d'Antoine de la Gama iuge d  
 residence. Almagro donna sept cens pesans d'or, &  
 les armes, & viures qu'il auoit, & Pizarre feit voil  
 avec le plus de soldats, & de cheuaux qu'il peu  
 amasser en deux vaisseaux. Il eut des vents contrai  
 res deuant qu'arriuer à Tombez. Il desbarqua en l  
 terre du Peru, de laquelle ont prins nom ces gran  
 des, & tresriches Prouinces, qui sont situees en c  
 quartier là, qui depuis ont esté descouuertes, & cô  
 quises. Celuy qui premier eut nouuelles du fleuue  
 du Peru, s'appelloit François Vezerra, capitaine de  
 Pedrarias d'Auila. Il apprint les nouuelles quan  
 partant de Comagre, avec cent cinquante Espa  
 gnols, il arriua à la pointe de Puguas. Mais il ne  
 voulut autrement s'en approcher, parce qu'on luy  
 dist que le pays du Peru estoit rude, & que les habi  
 tans estoient belliqueux. Aucuns disent que Valuo  
 eut le premier aduertissement comme ce pays du  
 Peru estoit bien garny d'or, & d'esmeraudes: soit  
 que ce soit, si est-il bien certain qu'il y auoit desia  
 grand bruit du Peru à Panama, quand Pizarre, & Al  
 magro firent l'entreprinse d'y aller. Le pays, où Pi  
 zarre descendit, estoit si mauuais qu'il ne voulut  
 demeurer là. Il se mit à suyure la coste par terre:  
 mais elle estoit si aspre que les hommes se gastoient  
 & rompoient les pieds à marcher, & les cheuaux  
 se defferroient, & qui pis est, plusieurs qui ne sça  
 uoient pas nager, se noyoient en passant des fleu-



es, qui sont fort frequens en ce pays: par ce que  
our lors ils estoient fort enflez. Pizarre, ainsi que  
n dit, faisoit en cela office de bon capitaine: car  
y mesme passoit sur ses espaules ceux qui estoient  
malades, qui n'estoient pas en petit nombre, par ce  
u'avec le changement d'air, vne bonne partie de  
troupe estoit deuenue malade, ioint aussi qu'ils  
aduroient la faim. Cheminans en ceste sorte ils ar-  
uerent à Coaché, qui est vne ville riche, & bien  
ourueüe, où ils se rafreschirent, & eurent bonne  
uantité d'or, & des esmeraudes, desquelles ils en  
mpirent quelque vnes pour essayer si elles estoiet  
es: car ils trouuoient plusieurs pierres fausses de  
mblable couleur. A peine auoiet-ils mis fin à leurs  
alheurs, qu'ad il leur aduint vn nouveau & vilain  
al, qu'ils appelloiet des poireaux. Ce mal ainsi que  
es tourmentoit, & leur faisoit vne douleur grâde,  
oit pire que le mal Frâçois. Ces poireaux leur ve-  
oiet sur les sourcils & paupieres, au nez, aux oreil-  
s, & en autres lieux du visage, & du corps, & for-  
oiet gros cōme noix, & pleins de sang: C'estoit vn  
al, auquel pour la nouueauté ils ne pouuoiet en-  
r' remedier. Se voyās si mal traitez, ils depitoient  
pays, & celuy qui les y auoient amenez. Mais ne  
ās avec qui retourner à Panama, ils supportoient  
ur fortune & calamité le mieux qu'ils pouuoient.  
zarre, encor' que pour l'amour de ceste maladie il  
it ses compagnōs mourir, ne voulut neantmoins  
andonner son entreprinse: ains enuoya vingt mil  
sans d'or à Almagro, afin qu'il luy enuoyast de  
nama, & de Nicaragua autāt de soldars, d'armes,  
euaux, & viures qu'il pourroit, & aussi afin q par

vn mesme moyen il donnaist aduertissement de la bonté & richesse de ce pays, qui autremét auoit v tresmauuais bruit. Il s'achemina encores depuis ce ste depesche iusques au Port Vieil, combattât quelquesfois auecques les Indîés, autresfois faisant bien ses besongnes par eschanges de ces petites denrées de merceries. Cependant Sebastian de Venalcaza & Iean Fernandez y arriuerēt, amenans auec eux du Nicaragua, gens & cheuaux, qui resiouirent grandement la compagnie, & donnerent grand secours pour pacifier la coste de ce Port Vieil.

*La guerre que feit François Pizarre en l'isle de la Puna.*

*Chap. 3.*

**L**Es truchemens de Pizarre, nommez Philippos & François, qui estoient natifs du pays de Pohocios, luy dirent qu'il y auoit là aupres l'isle de la Puna, tresriche & garnie d'hommes belliqueux. Pizarre se voyant auoir bon nombre d'Espagnols delibera d'y aller, & pour cest effet, commanda aux Indiens de faire deux grands vaisseaux, que nous appellons bacs, pour passer ses cheuaux, & ses gens. Ces bacs se font de cinq, sept ou neuf longues tringles legieres, à la forme de la main: par ce qu'il faut que le bois du milieu soit plus long que les autres pieces des costez, qui aussi doiuent estre plus courtes les vnes que les autres, ainsi que sont disposés les doigts de nostre main. Ces vaisseaux sont plats & volontiers attachez. On se sert ordinairement de tels vaisseaux pour passer de terre ferme en quelque isle. Les Indiens vouloient couper les cables de ces bacs pour noyer les Chrestiens, ainsi que rapporterent les truchemens, & pour ceste cause P

Pizarre cōmanda aux Espagnols qu'ils tinssent leurs  
espées desgainées pour donner peur aux Indiens.  
Pizarre fut honnestement & paisiblement receu  
par le gouverneur de ceste isle: mais vn peu de iours  
apres il delibera de massacrer tous les Espagnols,  
pour ce qu'ils faisoient à leurs femmes & à leurs  
biens. Ceste deliberation estant descouuerte par Pi-  
zarre, il le print incontinent sans faire aucun bruit.  
Ceux de l'isle faschez de voir leur gouverneur pri-  
onnier, assiegerēt l'ost des Chrestiens, menaçans de  
tuer s'ils ne leur rendoient leur gouverneur &  
leurs biens. Mais Pizarre ne s'estonnant aucunemēt  
de telles menaces feit rengier ses gens en bataille, &  
commanda à quelques cheuaux d'aller secourir les  
bacs que les Indiens assailloyent. Les Indiens com-  
attoiēt courageusement, & pour leur gouverneur  
pour leurs biens: mais ils furent vaincus avec leur  
grand pēte. Il y eut des leurs grād nombre de tuez  
beaucoup de blecez: il y eut quatre Espagnols  
ez & quelques vns blecez, entr'autres Ferdinand  
Pizarre, qui fut frappé au genoil. Ceste victoire ap-  
porta grand butin d'or, & d'autres biens à nos gens.  
Pizarre sur le champ departit ce butin entre ses cō-  
gnons, qui pour lors estoient là, afin que puis a-  
pres ceux qui venoient de Nicaragua, sous Ferdi-  
nand de Sotto, ne luy en demandassent point part.  
Pres ceste conquēste nos gens commencerent à  
omber malades, à cause de l'air de ce pays. Pour ce-  
cause, ioint aussi que les habitans de ceste isle  
retoiēt par le moyen de nos bacs qu'ils auoient  
gnez dedans des māglari sans faire paix ne guer-  
Pizarre conclud de se retirer à Tóbez, qui estoit



là auprès. Mais avant que d'écrire ce qui luy aduient là, il sera plus conuenable de ne passer ainsi légèrement de ceste isle, sans en dire quelque chose, attendu le mesme que Pizarre eut là les premières nouvelles du Roy Attabalipa. Ceste isle a 48. mil de tour, & est loin de Tombez autant. Elle estoit fort peuplée & bien garnie de bestes faulues, & de cheureuls. Les habitans s'adonnaient fort à pescher, & à chasser, ils estoient courageux, & tres adextres à la guerre & crains, & redoutez de leurs voisins. Ils cōbatoient avec des frondes, dards, haches d'argēt, & de bronze, & picques, qui au lieu de fer auoient au bout d'or. Ils se vestent de toiles de cotton teintes en diuerses couleurs. Les hommes au lieu de bonnet portent sur leur teste certaines choses, qui ressemblent à coiffes de fil de plusieurs couleurs. Ils portent aussi force anneaux, pendans, & autres ioyaux d'or, & de pierres fines, cōme aussi font les femmes. Ils auoient plusieurs vaisseaux d'or & d'argent pour leur menage. On trouua vne nouveauté assez inhumaine en ceste isle, c'est que le gouuerneur, comme estant jaloux faisoit couper les nez, & les membres, & mesmes les bras aux seruiteurs qui gardoient & seruoient ses femmes.

*La guerre de Tombez, & le peuplement de S. Michel de Tangarara. Chap. 112.*

**P**izarre trouua en l'isle de la Puna plus de six cent personnes de Tombez, qui estoient prisonniers, & à ce qu'on pouuoit veoir estoient du Roy Attabalipa, qui l'année de deuant auoit mis son armée sus, pour enleuer ceste isle hors de la puissance de son frere Guascar, & pour cest effet auoir

faict dresser grand nombre de bacs pour passer son grand exercite. Le Gouverneur, qui estoit là pour Guascar, Yuga, & Seigneur de tous ces Royaumes, feit mettre en armes tous les habitans de l'isle, & en meit vne bonne part dedans des bacs, & les feit aller à l'encontrè l'armee d'Attabalipa: il y eut vne porte, & roide bataille, en laquelle Guascar fut vainquer, par-ce que ses gens estoient plus adextres sur mer, que ses ennemis, & aussi à cause qu'Attabalipa fut fort nauré en vne cuisse en combattât, & fallut qu'il se retirast de la presse, & s'en allast à Caxamalca pour se faire pésar, & aussi pour ramasser ses gens, & en leuer de frais, pour les mener en la ville de Cuzco, où son frere Guascar auoit vne grande armee. Quand le Gouverneur de la Puna eust esté adverty de la retraicte de ses ennemis, il s'en alla à Combez, laquelle il saccagea. Ces dissensions, & discordes, qui estoient entre ces deux freres Seigneurs de tout ce pays, ne despleurent gueres à Pizarre, ny à ses compagnons: car ils voyoient bien que c'estoit vn moyen d'entrer plus auant en pays. Pour ceste cause Pizarre se delibera de gaigner la fidélité, & affection de quelqu'un: & trouuât plus à propos de le Roy Attabalipa pour luy gratifier, il enuoya Combez ces six cens prisonniers qui luy promettoient d'estre moyen pour estre bien venu & receu partout. Mais se voyans libres, posposèrent inconuenient leur promesse, & obligation à leur liberté, & quelques grandes persuasions inciterent le peuple contre luy. Pizarre ne pësant point à la trahison de ces cy, feit embarquer ses gens en ses nauires pour aller à Tôbez. Il enuoya deuant trois Espagnols avec

quelques Indiens dedans vn bac pour demander  
 paix, & entree. Ceux de Tombez receurēt ces Espa-  
 gnols en grande deuotion, & les meirent aussi toū-  
 entre les mains de leurs Prestres, afin qu'ils les sa-  
 crifiassent à vn certain idole du Soleil nommé Gua-  
 ca, pleurans non point par compassion, mais seule-  
 ment suiuant la coustume qu'ils ont de pleurer de-  
 uant cest idole Guaca: aussi Guaca en leur lāgue si-  
 gnifie plaincte, & gemissemēt, & Guay est vne voi-  
 des petis enfans, qui ne font gueres que de naistre.  
 Quand les nauires arriuerēt, il n'y auoit aucū bac  
 pour sortir en terre, car les Indiens les auoient tou-  
 tirez par deuers eux. Pizarre toutesfois les voyan-  
 en armes se ietta dedans vn bac qu'il auoit avec  
 ques six cheuaux seulement, par-ce que le lieu, ny le  
 temps ne permettoient d'en pouuoir mettre à terre  
 d'auantage, & mesme ces six cheuaux ne peuren-  
 toute la nuit prendre terre, & furent fort mouil-  
 lez, par-ce qu'il faisoit lors vne grande tempeste.  
 & comme ils approchoient de terre, le bac se tour-  
 na en arriere, ne sçachans le gouverner. Le iour en-  
 suiuant tous descendirent en terre à leur aise, sans  
 que les Indiens feissent autre chose que se mor-  
 strer, & enuoya-on les nauires pour apporter les  
 autres Espagnols, qui estoient restez en la Pun-  
 François Pizarre courut avecques quatre cheuaux  
 plus de six mille en pays sans pouuoir auoir com-  
 munication avec quelque Indien. Il mit le sieg-  
 deuant la ville de Tombez, & enuoya sa trompet-  
 au Capitaine de la ville, le priāt de faire paix en sen-  
 ble. Mais le Capitaine ne le voulut aucunement  
 ouyr, & ne faisoit que se moquer de nos gens, con-



estans barbus, & en petit nombre, & tous les iours faisoit des saillies sur nos Indiens, qui alloient au fourrage pour noz gés. Pizarre trouua moyen d'auoir quelques bacs, avec lesquels il passa la nuit le fleuve avec cinquâte cheuaux sans estre descouuert par ses ennemis, cheminans par chemins rudes, & par dedâs des espines, & à l'albe il arriua sur les ennemis qui estoient sans garde en leur fort, où il feit vn grand eschec, & par tout là à l'entour pour satisfaction des trois Espagnols, qu'ils auoient sacrifiez. Alors le Gouverneur vint requerir la paix, & se rendre amy, & feit vn grand present d'or, & d'argêt, & autres meubles de cotton, & de laine. Pizarre ayant acheué ceste guerre si tost, & si à son aduantage, feit peupler à saint Michel de Tangarara sur la riuie du fleuve de Cira. Il chercha vn port bon, & seur pour les nauires, & trouua celuy de Payta tel qu'il demandoit. Il departit l'or entre ses compagnons, & puis partit pour aller à Cazamalca chercher le Roy Attabalipa.

*La prise d' Attabalipa. Chap. 113.*

Pizarre voyant tant d'or, & d'argent par ce pays, creut aisémēt ce qu'on luy auoit dict de la grâdissime richesse du Roy Attabalipa. Ayant doncques mis ordre en la nouuelle ville S. Michel, partit pour aller en la Prouince de Cazamalca, & en passant attira à son amitié les peuples, qu'on appelle Pohecios, par le moyen de Philippes, & François ses truchemens, qui en estoient natifs, & sçauoient ja parler la langue Espagnole. Alors vindrēt certains Ambassadeurs de Guascar, pour demâder l'amitié, & faueur de Pizarre contre Attabalipa, qui avec vn

esprit tyrannique s'estoit rebellé, & vouloit vsurper le Royaume, promettant de grandes choses si vouloit receuoir leur maistre, & luy donner ayde. Nos Espagnols passerent vn pays depeuplé & desert, & sans eau qui duroit 60. mil, ce qui les trauail la grandement. Comme puis apres ils montoient la môtagne, ils récontrerét vn messager d'Attabalipa q. dit à Pizarre, qu'il s'en retournaist avec Dieu en son pays, dedâs ses nauires, & qui ne fait aucun mal à ses vassaux, & s'il aymoit ses déts, & ses yeux, qu'il se gardast bien d'emporter aucune chose, & s'il vouloit ainsi faire, qu'il le laisseroient aller en toute liberté avec l'or, & autres biens, qu'il auoit pilléz en autres pays que le sien: mais si au contraire il n'en vouloit rien faire, qu'il le tueroit, & tous les siens, & les despoilleroit. Pizarre luy fait responce, qu'il ne marchoit point pour faire trouble à aucû, encor' moins à vn si grâd Prince, & qu'il s'en retourneroit vers la mer, côme il luy cômâdoit, s'il n'estoit icy venu côme Ambassadeur du Pape, & de l'Emper. seigneurs du môde; & qu'il ne pouuoit, sans receuoir vne trop grâd honte, retourner sans le voir, & parler à luy, & qu'il auoit plusieurs choses à luy dire, tant de Dieu, que pour son hôneur, son bien, & son profit. Attabalipa entêdit bien par ceste respôce, que les Espagnols auoiét enuie de le voir, ou pour bié, ou pour mal: mais quoy que ce fust, il ne s'en donnoit pas grâd' peine, par-ce qu'ils estoient peu, & que Maïcabelica seigneur entre les Pohecios l'auoit aduertty que ces estrâgers barbus n'auoiét force aucune, ny aleine pour cheminer lôguemêt à pied, & qu'ils ne pouuoiet faillir vn fossé sans estre dessus, ou bien

ans estre attachez à certains Pacos, ainsi appelloiēt  
ls les cheuaux, & qu'ils portoient à leurs ceintures,  
certaines longue tablettes estroittes, & deliees, qui  
eluysoient, & estoiet quasi semblables à celles des-  
quelles vsent leurs femmes pour fillet. Maicabeli-  
a disoit cecy par- ce qu'il n'auoit encores esprouuē  
e taillant de nos espees, & estimoit d'auantage la  
prouesse des nobles & courageux Indiens. Mais les  
blecez de Tombez, quis'estoiet retirez en la court  
l'Attabalipa, chantoient bien vne autre chanson,  
& pour ceste cause Attabalipa renuoya vn autre  
messager pour sçauoir si ces barbus cheminoient,  
& pour dire à Pizarre que s'il aimoit bien sa vie,  
qu'il ne vint point à Caxamalca. Pizarre respondit  
qu'il ne laisseroit point l'entreprise qu'il auoit faite  
de le voir. Alors l'Indien luy donna vne paire d'es-  
carpins, & des poignards d'or pour mettre à sa cein-  
ture, afin qu'Attabalipa son seigneur le cogneut  
entre les autres, quand il arriueroit deuant luy. C'e-  
toit vn signe, ainsi qu'on peut croire, pour verita-  
blement remarquer Pizarre: mais aussi pour ne fail-  
lir à le prendre, & le mettre prisonnier, ou le tuer,  
sans toucher aux autres. Pizarre print ce present, &  
n'riāt dit qu'il en feroit ce qu'il disoit. En fin arriua  
uec son armee à Caxamalca, & à l'entree vn gētil-  
hōme Indien luy dit qu'il ne logea point iusques à  
e qu'Attabalipa luy eust commandé. Mais sans  
aire autre responce il ne laissa pas à se loger, & puis  
nuoya le Capitaine Ferdinand de Sotto, avec quel-  
ques cheuaux sous la conduite de Philippe le tru-  
chement pour visiter Attabalipa, qui estoit à trois  
nil de là à de bains, & luy dire cōme les Espagnols



estoyent ja arriuez, & qu'il donnaſt licence, & heur  
 certaine en laquelle Pizarre le pourroit venir voir  
 Le Capitaine Sotto par gentileſſe, & pour dōner  
 baſſement aux Indiens faiſoit touſiours voltige  
 ſon cheual iuſques à ce qu'il fut arriué bien pres d  
 la perſonne d'Attabalipa, qui ne ſe monſtra aucu  
 nement eſtonné, ny meſme ne fait ſigne aucun d  
 changement, encores qu'il ſautaſt vn peu d'eſcum  
 du cheual ſur ſon viſage: mais fait commandemen  
 de tuer ceux qui s'eſtoient fuis de deuant le cheual  
 choſe qui eſtonna les ſiens, & fait eſmerueiller le  
 noſtres: Ce Sotto deſcendit de ſon cheual, & fait  
 vne grande reuerence à Attabalipa, & luy dict c  
 pourquoy il eſtoit venu. Attabalipa ſe tint touſ  
 iours coy avec vne grauité Royale ſans ſe mouuo  
 aucunement. Il ne fait reſponce à Sotto: mais par  
 loit à vn gentilhomme, & ce gentilhomme rappor  
 toit ſes parolles à Philippes, qui les donnoit à en  
 tendre à Sotto: il diſoit qu'il eſtoit fort mal conté  
 de luy, de ce qu'il s'eſtoit approché ſi pres avec ſon  
 cheual, & que c'eſtoit vn acte d'une grande irreue  
 rence, conſideré la maieſté d'un ſi puiffant Roy  
 Ferdinand Pizarre vint vn peu apres, & apres auoir  
 fait la reuerence à Attabalipa luy tint propos de  
 prendre l'amitié de leur grand Capitaine. Attabal  
 pa pour reſponce à ſi long diſcours, deſquels auoir  
 vſé Ferdinand, dict en peu de parolles qu'il ſeroit  
 bon amy del'Empereur, & du Capitaine ſ'ils rēdoi  
 tout l'or, & l'argent, & autres biens qu'il auoir pri  
 ſur ſes vaſſaux, & amis, & ſ'il ſ'en vouloit bien toſ  
 retourner hors de ſon pays, & que le iour prochain  
 il ſeroit avec luy à Cazamalca pour mettre ordre à

on retour, & pour ſçauoir qui eſtoient le Pape & Empereur, qui de ſi loing pays luy enuoient les Ambaſſades. Ferdinand Pizarre ſ'en retourna tout ſtonné de la grandeur, & maieſté d'Attabalipa, & d'un grand nombre d'hômes d'armes, & de pauillons qui eſtoient en ſon camp, & meſme de la reſponſe qu'il auoit faiçte, qui n'eſtoit autre qu'une declaration de guerre. Pizarre feit quelques remôſtrances au Rois, par ce qu'il y en auoit quelques vns, qui auoient peur pour veoir ſi grand nôbre d'Indiens ſur eux, & preſts à combattre, & les feit prendre pourage pour ſouſtenir la bataille à l'exêple des victoires obtenues à Tombez, & à la Puna. Toute la nuit ce paſſa en cecy, & à ſ'armer, & dreſſer leurs neuvaux, & aſſeoir & bracquer l'artillerie droit à la porte du Tambo, par laquelle deuoit entrer Attabalipa. Côme il fut iour, François Pizarre mit quelques arquebuſiers en une petite tour de leurs idoles, qui cômendoit à la muraille. Ils departit encore en trois maiſons les capitaines, Ferdinand de Sotto, Chriſtophe de Venalcazar, & Ferdinand Pizarre, qui étoit ſon lieutenant general, & leur donna à chacun vingt cheuaux. Et quant à luy il ſe mit à une porte avec l'infanterie qui ſans les Indiens de ſerue pouuoient eſtre cent cinquante. Il commanda à aucun n'eût à parler, ny à tuer aucuns des gens d'Attabalipa que premierement on n'eût ouy tirer un coup de harquebouze, ou qu'on n'eût vu l'enſeigne dehors. Attabalipa encouragea les ſes, qui ne faiſoient que brauer & faire peu de compte des Chreſtiens, & penſoient bien en faire un ſacrifice ſollennel au Soleil, s'ils combattoient.

Il enuoya vn sien Capitaine nommé Ruminagu avec cinq mille soldats sur le chemin, par lequel les Espagnols estoient entrez en Caxamalca, à fin qu'ils vouloient fuir, ils fussent tous prins, ou taillés en pieces. Attabalipa fut quatre heures à faire trois mil, parce qu'il faisoit cheminer son armee avec plusieurs repoades de peur qu'elle se lassast. Il faisoit porter en vne liètiere d'or, parée par dedans de plumes de perroquets de diuerses couleurs, & estoit assis dedans vne basse chaire toute d'or sur riche couffin de laine garny de fort beaux, & précieux ioyaux. Il auoit sur le front vn grand floquet rouge de laine tres fine & deliée, qui luy couuroit les sourcils, & les iouës, c'estoit la marque Royale qu'ils auoient accoustumé de porter les Roys de Cuzco. Il menoit plus de trois cens estaffiers pour seulement seruir à porter sa liètiere, & pour ietter les pailles, & ordures hors le chemin, & pour chanter à deuant de sa personne. Il auoit aussi plusieurs seigneurs, qui pour la maiesté de sa Cour se faisoient pareillement porter en liètières, & dedans des porteroies. Il entra au Tábo de Caxamalca, & ne voyant aucuns cheuaux Espagnols, ny les gens de pied remuer, luy estoit aduis que c'estoit de peur. Lors il s'arresta, & dist à ses gens: Ces Chrestiens sont tous estonnez, il font à nous. Et commanda qu'on rua les Chrestiens, qui estoient dedans la tour. Alors son frere Vincet de Valuerde Jacobin ayant en sa main vne croix avec son breuiare, ou vne bible selon aucuns, s'approcha de luy, & luy feit la reuerence, luy donnant la benediction avec la croix, & luy dict: Excellent Seigneur il faut que sçachiez come Dieu



ni est vn en trinité a créé le monde de rien, & a  
armé l'homme de terre, l'appellant Adam, duquel  
ous sommes tous descenduz, comme il a peché  
ontre son Createur par inobedience, & comme  
ous sommes nez tous en ce peché, excepté Iesus  
hrist, qui estât vray Dieu est descédu du ciel pour  
istre de la vierge Marie, & rachepier le sang hu-  
ain de peché par sa mort, qu'il a soufferte en vne  
mblable croix, laquelle pour ceste cause nous a-  
orons. Comme il est ressuscité le troisieme iour,  
est remonté au ciel quarante iours apres, laissant  
rre pour son vicaire saint Pierre, & ses suc-  
sseurs qu'on appelle Papes, lesquels ont baillé ce-  
e foy au tref-puissant Roy d'Espagne Empereur  
s Romains, & Monarques du monde. Obeissez  
nc au Pape, & recepez la foy de Iesus Christ:  
e est sainte, & la vostre est faulse, & si ainsi vous  
etes, vous ferez fort bien. Mais si faietes au con-  
aire, sçachez que nous vous ferons la guerre, &  
e nous vous osterons, & romperons vos idoles,  
n que quictiez la deceuante religion de vos faux  
eux. Attabalipa tout enflambé fait respōce, qu'il  
voulait point estre tributaire puis qu'il estoit li-  
e, ny pēser qu'il y eust plus grād seigneur que luy.  
ais qu'il voulait bien estre amy de l'Empereur,  
le cognoistre: car ce deuoit estre vn grand Sei-  
neur, puis qu'il enuoyoit tāt d'armees par le mon-  
Et ne voulait point obeir au Pape puis qu'il dō-  
oit ce qui appartenait à autrui, ny moins laisser  
n Royaume paternel à celuy qu'il n'auoit iamais  
u. Et quāt à la religion il dict que la sienne estoit  
rt bonne, & qu'il se trouuoit bien avec icelle,

qu'il ne vouloit point, & aussi qu'il ne luy estoit possible de se faire mettre en dispute, & controuuerse vne chose de si long temps approuuee: & disoit en outre que Iesus Christ estoit mort, mais que le Soleil & la Lune ne mouroient point, & demandoit au moyen comme il scauoit que le Dieu des Chrestiens eust crée le monde. Frere Vincent luy respondit, que le liure le disoit, & en ce disant luy bailla son breuiere. Attabalipa le print, l'ouurit, le regarda de tous costez, & le fueillera, & disant, qu'il n'en disoit mot, le ietta en terre, frere Vincent ramassa son breuiere, & s'en alla à Pizarre criant: il a iecté en terre les Euangiles, vengeance Chrestiens, chargez dessus puis qu'il ne veut nostre amitié, ny recevoir nostre loy. Alors Pizarre commanda qu'on meist de hors l'enseigne, & qu'on deslascast l'artillerie aussi tost craignant que les Indiens s'auancassent trop auant. Voyans les hommes d'armes le signe qu'on leur auoit baillé au commencement, sortirent en toute furie par trois endroits pour rōpre la grosse troupe qui enuironnoit le Roy Attabalipa. Ils en tuèrent, & blecerent grand nombre. François Pizarro arriua sur ceste meslee avec ses gens de pied, lesquels firent grand eschec de leurs ennemis avec leurs espees ne frappans que de l'estoc: ils tiroient d'ordinaire à Attabalipa, qui tousiours estoit en sa liectiere, auant de le pouuoir prendre prisonnier, estimant vn chef acquerir par là vne grande gloire. Mais ils ne pouuoient le toucher, par ce qu'il estoit esleué haut en sa liectiere, & pour ceste cause tuoient ceux, qui la soustenoient, à fin de le faire tomber. Mais auant tost qu'il y auoit vn de ces porteurs mort, vn autre

tenoit sa place de peur que leur Seigneur ne tombast à terre. Pizarre voyant cela, le tira par la robe, & le feit cheoir en terre, & par ce moyen print fin à cette meslee. Il n'y eut aucun Indien qui combattit, ny encore que tous fussent armez, qui est vne chose notable. Ils ne combattirent point, par-ce qu'il ne leur fut point commandé, ou qu'ils n'apperceurent point le signe, duquel ils auoient ensemble conueu, à cause du tresgrand bruiet, & de l'assaut inopiné qu'on leur donna, ou bien, par-ce qu'ils s'entre-meslerent tous ensemble, pour la peur qu'ils eurent de ne se voir noz gés, & du tintamarre qu'en vn mesme temps ils ouyrent des trompettes, des arquebuzes, de l'artillerie, & des cheuaux, qui tous auoiét des sonnettes pour les espouuenter d'auantage. Par le moyen de tout cecy, & d'un tel bruiet, & d'un tel chameilliz tous s'enfuyrent sans se soucier d'auantage de leur Roy. L'un estoit son compaignon à terre pour escamper. Il y n'eut tant, qui se rangerent à vn costé, que pressés, ils ietterent par terre vn pan de mur pour eiter les coups de noz gens: mais ils furent suiuis par Ferdinand Pizarre avec les gens de chenel iusques à la muraille. Le general Ruminaguy s'enfuit des premiers aussi tost qu'il ouyt l'artillerie, estant desia tout effrayé de ce que present il auoit veu, comme ses gens auoient esté iectés par les nostres du haut en bas de la tour, qu'ils estoient allez assaillir: entre lesquels estoit celuy, qui deuoit donner le signal pour combattre. Il mourut beaucoup d'Indiens à la prise de l'Attabalipa, qui fut l'an 1533. au Tambo de Caxamalca, qui est vne grande place toute enfermée de murailles. Il y en mourut si grand nombre, par-ce



qu'ils ne se defendoyent point, & aussi que les ne-  
fres ne frapportoient que de l'estoc de leurs espee-  
craignans les rompre s'ils eussent frappé du taillan-  
Frere Vincent leur auoit baillé ce conseil. Les In-  
diens auoient des moriôs de bois doré avec beau-  
pennaches, ce qui donnoit vn beau lustre à leur ar-  
mee. Ils auoient des iuppons fort releuez en bous-  
des masses dorees, des picques longues, des fron-  
des, des arcs, des haches, & des halebardes d'argen-  
& de bronze, & mesme d'or, qui reluisoient à mer-  
ueilles. Il n'y eut aucun Espagnol blecé, excepté Frã-  
çois Pizarre, qui fut blecé en la main par vn de nos  
soldats, qui côme il prenoit Attabalipa, luy donna  
ce coup, pensant frapper Attabalipa. Et à l'occasion  
de ceste bleceure, aucuns disent qu'vn autre le print

*La grande rançon que promit Attabalipa pour estre  
deliuré de prison. Châp. 114.*

**L**Es Espagnols eurent assez de quoy se resiouir  
toute ceste nuit pour vne si grande victoire, &  
pour auoir vn tel prisonnier. Aussi auoient-ils be-  
soin de se reposer pour le traual qu'ils auoient  
enduré tout le iour sans auoir repeu aucunement.  
Le lendemain matin ils feirent vne course par la  
campagne: Ils trouuerent aux baings, & au camp  
d'Attabalipa cinq mille femmes, lesquelles encor  
qu'elles fussent tristes, & melancholiques, si receu-  
rent-elles plaisir avec les Chrestiens. Ils y trouue-  
rent encor grand nombre de bons paillons, for-  
ce habillemens à leur vsage, & vteniles de maison,  
de grands vaisseaux d'or & d'argent, & autres pie-  
ces de mesme matiere: entre lesquelles y en auoit  
vne qui, selon ce qu'on dit, pesoit deux cës soixante

pt liures d'or. En somme tout le mesnage. d'Attabalipa, qui fut là trouué, valloit cent mille ducats. Attabalipa deuint fort triste à cause de sa prison, & mesmement voyant qu'on le vouloit enchaîner. Il pria Pizarre de le vouloir bien traiter puis que la fortune vouloit qu'il fust tombé en tel desastre: & connoissant l'avarice qui commandoit à ces Espagnols, il leur dit qu'il leur bailleroit pour sa rançon autant d'or & d'argent en œuvre, qu'il en faudroit pour couvrir le plancher d'une grande sale, où il estoit prisonnier: & voyant que les Espagnols ne estoient presens tournoient leur visage, il luy estoit aduis qu'ils n'en vouloient rien croire, & luy promit derechef de leur fournir en brief temps tant de vaisseaux, & autres pieces d'or & d'argent, qu'il en empliroit la sale iusques à telle hauteur que y mesme marquât, haussant la main le plus haut qu'il peut, & feit marquer à ceste hauteur vne ligne tout autour de la sale, pourueu qu'ils ne rompiissent & applatissent les vases qu'il feroit apporter, iusques à tant qu'il y en eust iusques à la marque. Pizarre le reconforta, & luy promit qu'il seroit fort bien traité, & qu'il le mettroit en liberté aussi tost qu'il auroit fourny la rançon laquelle il promettoit. Sur ceste assurance Attabalipa despescha de gens pour amener de diuers lieux l'or & l'argët, & les pria de retourner le plus tost qu'ils pourroient, & desiroient sa liberté. Ainsi ces Indiens vinrent de toutes parts, chargez d'or & d'argent. Mais par ce que la sale estoit grande, & les charges petites, elle ne se remplissoit gueres, encor moins s'emplissent les yeux de nos Espagnols, non pas pour le

peu d'or qu'ils voyoient: mais par ce qu'il leur estoit  
 aduis qu'ils tardoient beaucoup à departir entr'eux  
 ces richesses: tellement que plusieurs ennuyez de  
 telle longueur, disoient qu'Attabalipa vsoit d'astu-  
 ce prolongeant le temps, afin de pouuoir cepen-  
 dant faire assembler tant de gens qu'ils fussent as-  
 forts pour massacrer les Chrestiens, où pour le deli-  
 liurer. Et sur ces propos aucuns furent d'aduis qu'il  
 estoit meilleur le tuer, & mesme on dit que la de-  
 fus ils l'eussent assommé n'eust esté le respect de  
 Ferdinand Pizarre. Attabalipa, qui de son costé n'es-  
 toit point assuré, s'imagina de peur ce que les au-  
 tres pourpensoient. Et pour ceste cause il dit à Pi-  
 zarre qu'il n'y auoit point d'occasion qu'il fust me-  
 content, encor' moins del'accuser, attendu que les  
 villes de Quito, Paciacama, & de Cuzco, desquel-  
 les il falloit apporter la plus grande de sa rançon, es-  
 toient fort loingtaine, & qu'ils ne se deuoient don-  
 ner peine: par ce que quand à luy il s'asseuroit, il  
 ainsi le deuoit il croire, qu'il n'y auoit aucun, qui  
 pressast plus sa deliurance que luy mesme, & si  
 vouloit scauoir cōme en son Royaume il n'y auoit  
 pas vn, qui s'assemblast que pour luy apporter de  
 l'or & de l'argent, qu'il y enuoyast par tout s'il luy  
 plaisoit, & mesme à Cuzco pour faire diligenter  
 gens d'auantage. Et comme il voyoit que nos Es-  
 pagnols qui y deuoient aller, ne se fioient point au  
 Indîes, qu'on leur bailloit pour les guider, il se prit  
 à rire, disant qu'ils auoient peur & se desioient de  
 parole: parce qu'il estoit prisonnier entre leurs  
 mains & mesme à la cadene. Nos gens s'esmeruei-  
 lerent de l'assurance de ce prisonnier, & eurent  
 qua



uasi honte de ce qu'il leur disoit: tellement que Ferdinand de Sotto, & Pierre de Varco se delibererent d'y aller plustost tous deux tout seuls. Ainsi oncques s'en allerent en la ville de Cuzco, qui estoit loing d'eux plus de deux cens lieues. Ils se faisoient porter dedans des portoirs, & alloient comme ont accoustumé de courir les courriers: parce que de certains lieux, en autre, ils changeoient de porteurs, par telle subtilité que mesme en courant, le portoir se bailloit à ceux du lieu qui la deuoient porter sur leurs espauls sans s'arrester vn pas: c'est de la maniere, de laquelle vsent les seigneurs de ces pays, quand ils veulent aller de pays en autre en diligence. Ils rencontrerent à quelques iournees de là Guascar Ynga, que Quisquiz & Calicucima capitaines d'Attabalipa amenoient prisonnier. Guascar s'en pria affectueusement de vouloir retourner avec luy: mais encor' que l'autre les en priaist assez, ils ne voulurent rien faire, pour l'enuie qu'ils auoient de veoir l'or de Cuzco. Cependant Ferdinand & Pierre s'en alla aussi avec quelques cheuaux iusques Paciacama, qui est loing de Caxamalca trois cens mil, pour faire aussi diligenter ceux qui auoient la charge d'apporter l'or & l'argent de là. Il rencontra sur le chemin pres de Guacínco Illescas, qui amenoit trois cens mil pesans d'or, & grande quantité d'argent pour fournir la rançon excessiue qu'auoit promis son frere Attabalipa. Il trouua vn grand trespas de tresor à Paciacama, & appaisa quelques Indiens qui estoient esleuez en armes. Il descouurit en ce voyage plusieurs secrets du pays, non sans vn grand auail, & ramena vne tresgrande somme d'or &

d'argent. Pour lors plusieurs ferrerēt leurs cheuau  
en ce voyage d'or & d'argent, parce qu'il s'y so  
moins, & aussi qu'ils auoient faute de fer. Par  
moyen on assembla vne quātité infinie d'or & d'ar  
gent à Caxamalca pour la rançon de Attabalipa.

*La mort de Guascar par le commandement de  
Attabalipa. Chap. 115.*

**Q**Vasi au mesme temps que fut ptins Attabal  
pa, où vn peu deuant, Quisquiz, & Calicuc  
ma prindrent Guascar souuerain seigneur de tou  
les Royaumes du Peru, comme nous compterō  
cy apres. Attabalipa pensoit au commencement  
qu'ils l'eussent tué, & se voyant prisonnier ne vou  
lut qu'il fut tué. Mais ayant eū la promesse de l'as  
seurance de sa vie, & de sa liberté, pour la ranço  
qu'il auoit promise à Pizarre, il changea de fantasie  
& la feit mettre à execution, quand il sçeut ce qu  
Guascar auoit dit au capitaine de Sotto, & à Pier  
de Varco, qui estoit en somme, qu'il les prioit de re  
tourner avec luy à Caxamalca, afin que ces capitai  
nes qui le menoiēt ne le tuassent point, apres auoir  
entendu la prison de leur maistre, de laquelle ius  
ques icy ils n'auoient encor' rien ouy, & que, s'il  
vouloient luy faire ce bien, que non seulement  
empliroit la sale iusques à la marque qu'Attabal  
pa auoit faite, mais qu'il l'empliroit toute iusque  
au feste des trefors de Guaynacapa son pere, qui e  
stoit trois fois plus que n'auoit offert son frere, qu  
ne pouuoit accomplir ce qu'il auoit promis sans  
piller les Temples du Soleil, & en somme leur cōp  
ta, comme il estoit vray seigneur de tous ses royau

mes, & que son frere n'en estoit qu'vsurpateur cō-  
me tyrant, & pour ceste cause auoit grand enuie de  
voir le Capitaine des Chrestiens pour le prier de le  
deliurer de tant de maux, & le remettre en liberté,  
& luy restituer ses biens, & Royaumes, par ce que  
son pere Guaynacapa luy auoit cōmandé comme il  
mouroit qu'il se monstast tousiours amy des gens  
blancs, & barbus, qui viendroient en ces pays, à rai-  
son qu'un iour ils deuoient estre Seigneurs de ces  
pays. Ce Guaynacapa auoit esté vn riche, & puis-  
sant seigneur, prudent, & bien aduisé. Car cognoissant  
que les Espagnols auoiēt fait en Castille de l'or,  
il preuoyoit bien ce qu'ils feroient, s'ils venoient  
par deçà. Atabalipa remachant souuēt tous ces dis-  
cours, qui estoient vrais, enuoya en secret par deuers  
les Capitaines Quisquiz, & Calicucima, & leur mā-  
nda qu'ils feissent mourir son frere Guascar. Et pour  
excuser telle mort, il dit à Pizarre qu'il estoit mort  
de fâcherie, & de melâcolie. Aucuns disent qu'Ata-  
balipa fut lōg temps triste, ne faisant que pleurer  
sans manger, & sans dire pourquoy, voulant fine-  
ment par là descouurir la volonté des Espagnols, &  
pour tromper Pizarre. En fin apres auoir esté plu-  
sieurs fois prié, il leur dit cōme Quisquiz auoit fait mou-  
rir Guascar son Seigneur, se prenāt là dessus à pleu-  
rer profondement en presence de tous, se deschar-  
geant au mieux qu'il pouuoit de ceste mort, & mes-  
me de la guerre qu'on luy auoit faicte, & de sa pri-  
son, disant, que ce qu'il en auoit faict, n'estoit que  
pour se deffendre de luy, qu'il luy vouloit oster le  
royaume de Quito, & qu'ils s'estoiēt accordez puis-  
ces, & que pour confirmer cest accord il le faisoit



venir. Pizarre le consola, & luy dist qu'il ne fut plus ainsi mélancolique, puis que la mort est si naturelle à tous, que telle fâcherie luy seruiroit de peu, qu'il s'informerait de la vérité du fait plus à plain cy après, & que luy même feroit faire la punition des malfaiçteurs. Attabalipa voyant que les Espagnols se soucioient si peu de la mort de Guascar, manda pour lors, comme aucuns disent, qu'on le tuast. Mais, soit come on voudra, il est tres certain qu'Attabalipa fait tuer son frere Guascar, & Ferdinand de Sotto, & Pierre de Varco sont coupables de sa mort, à cause qu'ils ne voulurent l'accompagner, & le mener à Caxamalca, puis qu'ils le rencontrèrent si pres, & que même l'autre les en prioit si affectueusement, & ne leur sert l'excuse de ce qu'ils disoient qu'ils estoient comme messagers, & pour ceste cause qu'ils ne pouuoient outrepasser le mandement de leur Gouverneur. Tous affermerent que s'ils l'eussent prins en leur sauuegarde, qu'Attabalipa ne l'eust iamais fait tuer, & si se feussent faicts vns autre bien. C'est que les Indiens n'eussent point caché l'or, ny l'argent, ioyaux, ny autres pierres precieuses qui estoient en la ville de Cuzco, & en plusieurs autres lieux, qui, selon le bruiçt, qui couroit des richesses de Guaynacapa, qui estoient entre les mains de Guascar, faisoient vne richesse sans comparaison bien plus grande que tout ce que les Espagnols eurent de ce pays, encor' que la rançon d'Attabalipa fut grande. Quand on tuoit Guascar il disoit: i'ay peu regné, mais mon traistre de frere regnera encor' moins, par-ce qu'on le tuera, comme il me fait mourir.

*Les guerres, & differens, qui ont esté entre Guascar, & Attabalipa.*

*Chap. 116.*

**G**uascar, qui en leur langue signifie cœur d'or, estoit fils aîné, & legitime de son pere Guaynacapa: son frere puisné fut Attabalipa, qui apres la mort de son pere eut par testament paternel la province de Quito, & Guascar eut la ville de Cuzco, & toutes les autres seigneuries de son pere, qui estoient fort grandes: il regna paisiblement quelque temps. Mais ceste paix ne luy dura gueres, parce qu'Attabalipa occupa, & se saisit de Tumbamba, Prouince tres-opulente à raison des mines d'or, qui sont en icelle. Elle est voisine de celle de Quito. Attabalipa disoit, qu'elle luy appartenoit à cause de son partage. Guascar estât bien informé de tout ce qu'auoit fait son frere, y enuoya en poste vn Gentil-homme pour le prier, qu'il n'eust point à gaster ainsi son pays, & qu'il luy rendit les Oreiones, & seruiteurs de son pere: & manda par le mesme Gentil-homme aux Canares, ainsi appellent-ils ceux de ce pays, qu'ils eussent à garder la foy, & obeissance, qu'ils luy auoient ja prestée. Le Gentil-homme retint les Canares en obeissance, & voyant ceux de Quito en armes, māda à Guascar son Seigneur que il luy enuoyast deux mille Oreiones pour reprimer & chastier les rebelles. Ces homes estant arriuez les Canares, les Ciapparras, & les Paltas, qui sont voisins, se ioignirent avec luy. Attabalipa estant aduertuy de l'armee, qui dressoit son frere, pour empescher qu'elle ne s'assemblast ainsi aisémēt, se mit incontinēt aux champs avec son armee: & estant pres de ses ennemis demanda bataille. Mais auant que la

demander, il pria qu'on luy laissast son pays libre, qui par le testamēt de son pere luy estoit aduenu, & comme on luy feit respōce que ces pays dont estoit question appartenoiēt à Guascar, comme estāt heritier vniuersel de Guaynacapa, il dōna la bataille, laquelle il perdit, & fut faict prisonnier au pont de Tumbamba comme il fuyoit. Aucuns disent que Guascar liura la bataille, laquelle dura trois iours, & en laquelle mourut grand nombre de personnes, tant d'une part que d'autre. Pour la prinse de Atabalipa les Oreiones de Cuzco feirent toute nuit, de grandes allegresses, & banquers, où ils s'enuyroient à qui mieux mieux. Ce pendant Atabalipa feit ouuerture à la muraille avec vn pic d'argent, & de bronze qu'une femme luy auoit donné, & s'enfuit en la ville de Quito, sans que ses ennemis s'en apperceurent aucunement. S'estant ainsi eschappé, il assembla ses subiects, leur feit vne longue herangue les persuadant de vouloir prendre la vengeance de l'iniure qu'on luy auoit faicte, & qu'ils ne deuoient douter de la guerre, attendu que le Soleil le voulant preseruer l'auoit conuertiy en serpent pour sortir de prison par vn trou, qui estoit en la chambre, où on le tenoit enfermē: & si luy auoit promis victoire, si ses gens vouloient entreprendre la guerre. Ils feirent responce qu'ils estoient tous prests à le suiure, soit qu'ils fussent esmeuz par le recit d'un tel miracle, soit qu'ils fussent à ce stimulez pour l'amitié qu'ils luy portoient. Mais soit que ce soit, si assembla-il vne grāde armee, avec laquelle il tira droit vers ses ennemis, & les surmonta plusieurs fois faisant tel carnage d'eux qu'encor



aujourd'huy on voit de grands monceaux des os-  
mens de ceux, qui moururent en ces dures ba-  
illes. Il meit alors au fil de l'espee soixante mille  
personnes des Canares, & ruina de fond en comble  
Tumbamba ville tresgrande, & tres-opulente avec  
une excellente beauté. Elle estoit situee sur trois  
rivers fleuves: par telle desconfiture il se feit craindre  
à vn chacun, & s'encouragea de vouloir estre Yn-  
ca de toutes les terres, qui auoient esté sous la puis-  
sance de son pere, & commença incontinent à fai-  
re la guerre sur le pays de son frere. Il ruinoit en-  
tierement, & tueoit tous ceux, qui se deffendoient,  
et au contraire il donoit de belles franchises à ceux  
qui le receuoient, & leur donnoit les despouilles  
des morts: aucuns pour l'amour de telle liberté, au-  
tes de peur de sa cruauté suiuiroient son party. Ain-  
si par tels moyens il conquesta iusques à Tombez,  
& Caxamalca sans rencontrer plus grande resi-  
stance que celle qu'il trouua en l'Isle de la Puna, où,  
comme nous auous desia recité, il fut blecé. Il en-  
uoya vne autre grande armee sous la conduicte  
de Quisquiz, & Calicucima capitaines sages, &  
saillans contre Guascar son frere, qui sortoit de la  
ville de Cuzco avecques vn bel exercite. Quand les  
deux armees se veirent pres l'vn de l'autre, les capi-  
taines d'Attabalipa voulans assaillir leurs ennemis  
par le flanc quitterent le grand chemin Royal, & se  
dirent à costoyer Guascar, qui s'entendoit peu  
de la faict de la guerre, s'escarta vn peu loing de son  
armee pour aller à la chasse, laissant ses gens al-  
ler deuant. Or comme il cheminoit tousiours  
sans enuoyer aucuns pour descouurir deuant, ny

sans considerer aucun danger ils se rencontra  
de l'armee de ses ennemis en vn lieu, d'où il ne pou  
uoit fuir. Il combattit avec huit cens hommes  
qu'il auoit seulement avec luy iusques à ce qu'il fu  
enuiroonné, & prins. A grand peine estoit il là arriu  
quand avec vne grâde furie toute son armee accou  
rut pour le secourir, il y auoit tant d'hommes en ce  
ste armee que facilement on l'eust suaué tuant tou  
ceux d'Attabalipa, si Calicucima, & Quisquis ne le  
eussent trompéz, disans, qu'ils se reindrent coys, au  
trement ils tucroient Guascar, & en feirent le sem  
blant. Alors ceux de Guascar eurent peur, & luy me  
me commanda qu'ils meissent les armés bas, & qu  
vingts seigneurs, où capitaines des principaux d  
l'armee veinssent par deuers luy à consulter pou  
trouuer les moyens de vider les differens, qui e  
stoient entre luy & son frere puis que ses capitain  
Quisquiz, & Calicucima le vouloient bien. Mais c  
n'estoit qu'une tromperie, laquelle aussi tost qu  
ces vingts seigneurs furent arriuez, ils executerent  
Car ils leurs feirent à tous trencher les testes, & di  
rent qu'ils en feroient autant à Guascar si vn chacu  
ne se retiroit en sa maison. Par telle ruse, cruauté, &  
menaces l'armee de Guascar fut rompuë, & luy de  
meura prisonnier seul en la puissance de Quisquiz  
& Calicucima, qui le tuerent puis après, comme  
nous auons dit, par le commandement d'Attaba  
lipa.

*Departement de l'or & argent d'Attabalipa.*

*Chap. 117.*

**Q**uelques iours apres qu'Attabalipa fut prins  
les Espagnols pressoient les chefs de departir

ses despouilles , & sa rançon encor' qu'il nel'eust  
fournie entiere cōme il auoit promis, par ce qu'un  
chacun voloit ja auoir sa part. Car ils craignoient  
que les Indiens se reuoltassent , & se vinssent ietter  
sur eux, & les tuer , ils ne vouloient point aussi ar-  
rẽdre qu'il vint d'autres Espagnols deuant qu'ils  
ussent ensemble departy ce gasteau. Pour ceste  
cause François Pizarre feit peler l'or, & l'argent a-  
pres qu'il fut fondu. On trouua en argent 252000.  
liures pesant, & en or 1326500. pesans, qui estoit vne  
richesse, qui iamais n'a esté depuis veüe ensemble.  
Il en appartenoit à l'Empereur pour son quint  
60000. pesans & à chasque homme de cheual  
1000. pesans d'or, & 670. liures d'argent, & à chas-  
que soldat 4550. pesans d'or, & 280. liures d'argent,  
& aux capitaines 3000. & 40000. pesans d'or. Fran-  
çois Pizarre en eut plus que pas vn , & comme ca-  
pitaine general il print sur toute la masse la table  
d'or qu'Attabalipa auoit en sa liçtiere laquelle pe-  
sant 25000 pesans d'or. Il n'y eut iamais soldats si  
riches en si peu de temps ny avec si peu de danger,  
n'y en eut iamais , qui iouerent si beau ieu que  
eux-cy. Il y en eut plusieurs, qui perdirẽt leur part  
aux dets, & aux cartes, & si encherirent toutes cho-  
ses pour la grãde quantité d'or qu'ils auoient. Vne  
pièce de chausses de drap valoient trẽte pesans d'or  
trẽux: vne paire de bottines autant , vne cappe  
de cuir en valoit cẽt, vn boccal de vin vingt, vn che-  
val valloit trois, quatre, & cinq mille ducats, auquel  
prix ils se vendoient bien puis apres par quelques  
annees. Outre ce qu'eurent les soldats, Pizarre, en-  
fin qu'il fust obligé, donna à vn chacun de ceux



qui depuis estoient venuz avec Almagro cinq cens ducats, à aucuns mille, afin qu'ils n'eussent point occasion de se mutiner: il n'y estoit point tenu, parce qu'Almagro & les siens, ainsi que quelques vns d'entr'eux auoient mandé, estoient icy arriuez avec l'intention de conquerir en ce pays pour eux mesmes seulement, sans vouloir mesler leurs fortunes avecques celles de Pizarre, ains au contraire voulant luy faire tout le mal, & desplaisir qu'ils pourroient. Mais Almagro feit pendre celuy, qui auoit escrites telles nouuelles. Estant arriué en ce pays il sceut la prison, & quelle estoit la richesse d'Attabalipa, & aussi tost s'en alla à Caxamalca, & seioingnit avec Pizarre pour auoir moitié au butin suiuant les capitulations de la societé qu'ils auoient faicte ensemble. Pizarre luy feit part de tout, & en ce faisant demeurent grands amis, il enuoya le quint, & tout le recit de ce qu'il auoit faict à l'Empereur par Ferdinand Pizarre son frere, avec lequel reuindrent en Espagne plusieurs soldats, riches de vingt, trente, & quarante mille ducats. En somme ils apporterent quasi tout l'or d'Attabalipa, & emplirent la maison de la negociation des Indes, qui est ordonnee à Seuille, de deniers, & tout le monde d'un grand bruit apportant à vn chacun vn grandissime desir d'auoir la fortune telle qu'ils auoient eüe.

*La mort d'Attabalipa. Chap. 118.*

**L**A mort d'Attabalipa ce pendant se filoit par le moyen, auquel moins on pensoit. Philippe truchement de nos gens s'enmouracha si auant d'vne des femmes d'Attabalipa qu'il eut affaire avec elle avec promesse de l'espouser si son Seigneur d'a

ture mourroit. Or pour cōtenter son desir, il vou-  
t mettre son entreprise à executiō à quelque prix  
ne ce fust, & pour ceste cause il dit à Pizarre, &  
x autres, cōme Attabalipa faisoit secrettemēt as-  
sembler ses gēs pour venir courir sur les Chrestiens,  
les tuer en surprinse, & par-ce moyen se deliuer.  
es nouvelles peu à peu furent sceuēs de tous les  
pagnols, qui les creurēt comme veritables, & au-  
ns disoient qu'ils tueroient Attabalipa pour seu-  
é de leurs vies, & de ces Royaumes. Autres di-  
ent qu'on l'enuoyast à l'Empereur, & qu'on ne  
st point vn Prince si grand, encor' qu'il y eust de  
aute, c'eust esté la vne meilleure resolution. Mais  
tesfois ils executerent l'autre à l'instance, à ce  
on dit, de ceux qu'Almagro auoit amenez avec  
, par-ce qu'ils disoient entre-eux, que tant que  
abalipa viuroit, ils n'auroient part à aucun or,  
qu'à ce qu'il eust remply la sale à la mesure qu'il  
it marquee pour sa rançon. En fin Pizarre deli-  
a de le tuer pour se deliurer de tous pensemens,  
yant aussi qu'iceluy estant mort, il auroit moins  
eine à conquerir le Royaume. Il luy fit son  
ces sur la mort de Guascar Roy souuerain de  
ces pays, & encores luy prouua comme il a-  
machiné la mort des Espagnols: mais ce fut  
la malice de Philippes qui interpretoit les pa-  
s des Indiens comme il luy plaisoit, par-ce qu'il  
uoit aucun Espagnol, qui les entendist. Atta-  
ba nioit tousiours fort & ferme, disant qu'il n'e-  
pas croyable qu'il eust voulu mettre à sus vne  
entreprise pour la garde qu'on faisoit sur luy  
s-foigneusement, attendu que mesmes estant

en liberté avec tous les gens il n'auoit peu escha-  
per. Il menaçoit Philippes, & prioit qu'on ne l'  
adiousta point de foy. Quand il entendit la sen-  
tence, & arrest donné contre luy, il se complaignit  
grandement de François Pizarre, qui le faisoit mou-  
rir non-obstant qu'il luy eust promis de le deliurer  
pour sa rançon, & le pria de le vouloir enuoyer en  
Espagne, & ne point souiller ses mains, & sa ren-  
mee du sang de celuy, qui iamais ne l'auoit offensé  
& qui au contraire l'auoit fait riche. Quand on  
mena pour estre executé, par le conseil de ceux, qui  
le consoloient, il demanda le baptisme par ce qu'a-  
utrement il eust esté bruslé tout vif. Apres auoir esté  
baptisé ils l'attachèrent à vn poteau, & l'estranglè-  
rent, & puis avec quelque magnificence l'enter-  
rent à nostre mode. Il est permis de reprendre,  
accuser ceux qui le feirét mourir puis que le temps  
& leurs pechez les ont chastiez. Car tous ceux, qui  
consulterent sur sa mort eurent mal'heureuse fin  
comme vous pourrez veoir par le progres de l'his-  
toire. Attabalipa mourut courageusement, & com-  
manda que son corps fust porté à la ville de Qui-  
to où ses predecesseurs du costé de sa mere estoient  
enterrez: s'il demanda le baptisme de bon cœur,  
l'estime heureux, & s'il eut repentance des meurtres  
qu'il auoit fait faire: il auoit le corps bien disposé  
il estoit sage, courageux, d'un cœur noble, & frain-  
dit il auoit plusieurs femmes, & laissa quelques enfans  
il vsurpa de fort grands pays sur son frere Guasco  
& ne voulut onc porter le Floquet rouge qu'il  
sceuist que son frere estoit prisonnier. Il ne cracha  
point en terre, mais vne de ses plus favorites re-



en sa main la salive. Les Indiens furent bien  
on nez de ce qu'ainsi tost on l'auoit faict mourir,  
louoient Guascar comme fils du Soleil, remettās  
memoire comme il auoit deuiné qu'en brief  
nps Attabalipa mourroit.

*La descente d'Attabalipa. Chap. 119.*

Es plus nobles hommes, plus riches, & plus  
puissans de tous les pays, qui sont au Peru sont  
Yngas, lesquels se font tousiours porter en li-  
ere, ils portent en leur oreilles certains ioyaux,  
n pas en forme de pendans, mais sont retrouffez  
dedans des oreilles par telle façon qu'ils les font  
istre, & eslargir, qui a esté cause que les nostres  
ont surnommez Oreiones, c'est à dire grandes  
illes. Ils sont yssus de Tiquicaca, qui est vn lac,  
n'est pas loing de la Prouince de Colao, & n'est  
à six vingts mil de la ville de Cuzco. Tiquicaca  
est dire Isle de plomb, & ce lac a esté ainsi appel-  
par-ce qu'entre plusieurs isles qu'il a habitees, il  
a vne, qui fournit du plomb, qu'ils appellent  
qui. Ce lac a de tour 240. mil, il reçoit dix, ou  
ize grands fleuues, & force ruisseaux, & les re-  
e tous par vn fleuue fort large, & creux, qui se  
rendre en vn autre lac loing de cestuy 240. mil  
s l'Orient, où il se perd non sans grande admi-  
on de celuy, qui y prendra garde. Le premier  
f Ynga qui tira de Tiquicaca des soldats se nō-  
it Zapalla, q signifie, Seul seigneur. Aucūns vieils  
iens disent qu'il s'appelloit Viracocia, qui veult  
e, Gresse de mer, & qu'il amena ses gens par la  
e. Pour conclusion, ils afferment que Zapalla  
celuy, qui peupla, & feit sa demeure Royale à

Cuzco d'où les Yngas puis apres commencerent subiuguer les pays circonoïlins, & autres Prouinces plus loingtaines, & establirent tousiours là leur siege, & la Cour de leur Royaume, & Empire. Ceux qui ont laisse à la posterité plus grand renom d'eux à cause de leurs proïesses & vertus, ont osté Topopanguy, & Guaynacapa pere ayeul, & bifayeul d'Attabalipa. Mais Guaynacapa a passé tous les autres : son nom s'interprete ieune riche. Apres qu'il eut conquis par force d'armes le Royaume de Quito, il se maria avec la Royne, de laquelle il eut Attabalipa, & Illescas, qui mourut à Quito. Il laissa son pays à Attabalipa, & son Empire & tresors de Cuzco à Guascar : il eut selon qu'aucuns veulent dire deux cens fils de plusieurs femmes. Son pays s'estendoit 3 1000. mil de pays.

*La Cour & richesse de Guaynacapa. Chap. 120.*

**L**es seigneurs Yngas residioient en la ville de Cuzco comme estant capitale de leur Empire. Mais Guaynacapa feit longuement sa demeure en la ville de Quito, pource qu'elle est situee en pays plaisant au possible, & aussi pour l'amour qu'il avoit acqise. Il auoit tousiours aupres de luy grand nombre d'Oreïones, gens de guerre, qui faisoient vne armee, c'estoit pour sa garde, & pour monstrier sa maiesté plus grande. Les gens qui estoient pour ceste garde portoient des escarpins, de grands pennaches, & autres marques d'hommes nobles, & privilegiez par sus les autres, pour leur expertise en guerre. Guaynacapa se seruoit des fils aînez, ou heritiers de tous les seigneurs de son Empire, qui estoient en grand nombre, & vn chacun se vestoit à

ode de son pays, par ce qu'un chacun ſçauoit d'où  
eſtoit venu. Cela eſtoit cauſe qu'on voyoit gran-  
diuerſité d'habits, de couleurs, & de façons de fai-  
en la Cour, ce qu'il l'honoroit & l'amplifioit à  
erueilles. Il auoit encore en ſa Cour pluſieurs grâs  
gneurs pour ſeruir de conſeil, ou pour monſtrer  
elle eſtoit la grauité & maieſté de ſa Cour. Ces  
gneurs encor qu'ils euſſent tous grande famille  
res eux, & grand train, ſi n'eſtoient-ils pas eſgaux  
aſſeoir, ny és autres honneurs: parce qu'aucuns  
cedoient les autres, autres ſe faiſoient porter en  
riere, autres en portoirs, autres alloient à pied.  
cuns ſe ſeioient ſur des ſieges hauts & grands,  
res ſur des ſieges plus bas, autres à terre, mais il  
oit que quelque perſonne que ce fuſt qui vint à  
Cour, qu'il ſe deſchauſaſt auant que entrer dedâs  
alais, & ſil vouloit parler à Guaynacapa il hauſ-  
les eſpaules, & baiſſoit la teſte, qui eſt vne cere-  
nie entre eux, pour monſtrer qu'ils ſont ſes vaſ-  
x. Auant que parler à luy ils faiſoient de grandes  
erences, avec vne humilité grande, & parloient  
y baiſſant la veuë contre terre de peur de le re-  
der. Il tenoit vne graue maieſté, ſes reſponces e-  
ent ſucceinctes, il prenoit ſon repas avecques  
grand apparat. Tous les vrenſiles de ſa maiſon,  
pour ſa table que pour la cuiſine, eſtoient d'or  
argent, & à faulte d'argent, il les faiſoit faire de  
nze, à fin qu'ils fuſſent plus forts. Il auoit en ſa  
erobbe des ſtatues d'or en boſſe, ſi grandes  
elles reſſembloient à des geans, & les figures e-  
ent tirées au viſ. Il auoit auſſi de pareille gran-  
toutes ſortes d'animaux de meſme matiere,



comme bestes terrestres, & oiseaux. Il auoit aussi les arbres & herbes que produisoit son pays, & tous les poissons qui se procreoient, tant en la mer qu'es eaux douces de son Royaume. Il n'estoit point de mesme des cordes, & plusieurs autres choses semblables, & panners, qu'il n'en eust d'or & d'argent. Il auoit mesme iusques à des esclats d'or & d'argent qui sembloient estre faits pour brusler. En somme il n'y auoit chose en son pays qu'il n'en eust la semblance faite ou d'or ou d'argent. Et mesme on dit en outre, que les Rois Yngas auoient vn iardin en vne isle pres celle de la Puna, où ils alloient se recreer quand ils vouloient prendre plaisir sur la mer là où toutes les choses qu'on scauroit mettre en vn iardin estoient d'or & d'argent, cōme herbes, fleurs & arbres, qui estoit vne inuention & vne grandeur qui depuis n'a iamais esté veüe. Outre tout ce qu dessus, il y auoit vne infinie quantité d'or & d'argent pour mettre en œuvre à Cuzco, qui se perdit par le mort de Guascar: parce que les Indiens la cachèrent voyans que les Espagnols la vouloient arrester, & enuoyer en Espagne. Plusieurs depuis en ça en ont cherché, mais n'en ont rien sçeu trouuer. Peut estre que le bruit est plus grand que la somme, comme bien qu'on l'appellast ieune riche, ce que veut dire le nom de Guaynacapa. Guascar fut heritier de toutes ces richesses, & de l'Empire, & ne se parla de luy comme d'Attabalipa, & possible à cause que il ne vint point en la puissance des Espagnols comme l'autre.

*La religion, & les Dieux des Rois Yngas, & d'autres gens. Chap. 121.*

Il y a en ce pays autant de sortes d'Idoles, comme la personne a des fonctions, & d'actions: tel-  
met que ie ne diray point qu'il y en ait seulement  
tant comme il y a de sortes de personnes. Vn  
acun adore ce qu'il luy plaist: mais c'est l'ordi-  
re à vn pescheur d'adorer vne flammette, ou  
quelqu'autre poisson: à vn chasseur de reuerer vn  
on, ou bien vn ours, ou vn renard, & semblables  
autres animaux, comme oiseaux, & autres choses.  
Le villageois adore l'eau, & la terre. Il est bien vray  
que tous generallement adorent pour leurs Dieux  
principaux le Soleil, la Lune, & la Terre, estimans  
celle soit mere de toutes choses, & le Soleil avec  
la Lune sa femme, createur de tout: aussi quand ils  
sont ils touchent la terre, & regardent le Soleil.  
Entre leurs Guacas (ainsi appellent-ils leurs Idoles)  
il n'auoit plusieurs qui tenoient des bastons, &  
qui estoient mitres pastorales, mais on ne sçait en-  
core la cause pourquoy. Les Indiens voyans l'E-  
sque mitré, demandoient si c'estoit le Guaca des  
prestiens. Les Temples, spécialement ceux du So-  
leil, sont fort amples, somptueux & enrichis au  
possible. Celuy de Paciacama, celuy de Collao, &  
celuy de Cuzco, & quelques autres estoient par dedans  
reuestus, & lambrisez de tables d'or, & d'ar-  
gent, & tout ce qui seruoit à ces Temples estoit de  
meisme estoffe: qui fut vne richesse non petite pour  
ceux qui subiuguèrent ce pays. Ils offroient à leurs  
Dieux des force fleurs, des herbes, des fruits, du pain,  
du vin, des parfums, & la figure faite d'or ou d'ar-  
gent de ce qu'ils leurs demandoient, ce qui estoit  
pour se d'ainsi enrichir leurs temples: ioint aussi que

leurs Idoles estoient d'or, & d'argēt, non toutesfe-  
 tous. Car il y en auoit beaucoup qui n'estoient qu'  
 de pierre, de croye, & de bois. Leurs Prestres se v-  
 stent de blanc, & hantent peu avec le peuple: ils  
 se marient point, & ieusnēt fort souuēt, mais auc-  
 ieusne ne passe huiēt iours, & ces ieusnes volōtie-  
 se font quand il faut semer, ou seyer, ou recueil-  
 l'or, ou faire guerre, ou bien quād ils veulent parl-  
 au diable. D'auantage quand c'est pour ce derni-  
 acte, aucuns se creuēt les yeux, ce que ie croy qu'  
 font de peur: car tous se bouchent la veuē quand  
 veulent parler à luy. Ils communiquent souuente-  
 fois avec luy pour rendre responce aux demand-  
 que les Seigneurs, & autres leur font. Quand ils en-  
 trent au temple pour parler à leur Idole, ils se pren-  
 nent à pleurer, & braire, (& c'est que veut dire  
 mot Guaca) & se traînent par terre iusques à leur  
 Idole, avec lequel ils parlent en langage incogneu  
 tout le peuple. Ils ne touchent point à leur Idole  
 qu'avec des linges fort blancs, & nets. Ils enterrent  
 dedans le temple vne partie des offrandes d'or, &  
 d'argēt. Ils sacrifient des hommes, des enfans, des  
 moutons, des oiseaux, & autres bestes sauuaiges que  
 les chasseurs offrent. Ils prennent bien garde au  
 cueur de la victime pour veoir si les signes du sacr-  
 fice sont bons, ou malheureux, car ils sont grand-  
 augures, & s'efforcent d'acquérir bruiēt d'estre des  
 saints deuineurs abusans le peuple. Quand ils font  
 tels sacrifices, ils s'escrient le plus qu'ils peuuent,  
 tout le iour, & la nuit ne font que se tourmenter  
 specialement quād ils sont en la campagne. Ils oir-  
 gnent la face de leur diable, & les portes du temple



avec le sang du sacrifice, & mesme en barbouillent  
 es tombes, & sepultures. Si le cœur, & les entrailles  
 demontrent quelque chose de bon, lors ils ballent,  
 & chantent avec toute gayeté: au contraire, s'il n'y a  
 rien de bon, ils sont tristes, & faschez au possible:  
 mais quoy que ce soit ils s'enyurent tousiours ioli-  
 ment. Ceux qui se trouuent en ceste feste bien sou-  
 uent sacrifient leurs propres enfans (ce que peu d'In-  
 diens font, encor' qu'ils soient cruels, & bestiaux en  
 leur religion) mais ne les mangent point, & au lieu  
 s'en font seicher, & les gardent dedans de grandes  
 vases d'argent. Il y a en ce pays des maisons grandes  
 & hautes pour les femmes, où elles sont enserrees, cō-  
 me en des monasteres, & les hommes, qui sont cō-  
 stamment pour les garder sont chastrez, & mesme on leur  
 coupe le nez & les leures pour en oster tout appe-  
 tit aux femmes. Ils tuent celle qui deuiet grosse, &  
 l'affaire avec vn homme, celuy qui l'a engrossie la  
 suit pour la poursuiure. En Paciacama ils la chastient plus  
 cruellement pour sauuer le fruct, & pendent par  
 les pieds celuy qui a eu affaire avec elle. Quelques  
 voyageurs ont depuis rapporté que ces femmes  
 estoient point vierges, encor' moins chastes. Mais  
 il est certain que la guerre corrompt beaucoup de  
 bonnes meurs. Ces femmes filoient, & tissoient des  
 robes de coton, & de laine pour les ldoles. Elles  
 courent le corps de leur cōpaigne morte, avec des  
 plumes de moutons blancs, & puis iettent en l'air la cen-  
 dre vers le Soleil.

*Opinion qu'ils ont touchant le deluge, & les premiers  
 hommes.*

*Chap.*

122.

C ij

**I**ls disent que deuers la partie de Septentrion vi-  
 2 En leur pays vn certain homme, qui s'appello  
 Con, lequel n'auoit point d'os, & cheminot leg-  
 rement, & avec vne grande viftesse, faisant par  
 vertu & seule parolle abbaïsser les montaignes,  
 haüsser les valles pour abbreger son chemin. Il  
 disoit fils du Soleil. Il remplit la terre d'hommes,  
 de femmes, qu'il crea, & leur donna grande abon-  
 dâce de fruiçts, du pain, & toutes autres choses ne-  
 cessaires à la vie humaine. Mais par-ce qu'aucun  
 l'irriterent, il changea depuis le bon terroir, qu'il  
 leur auoit donné, en sablons sterilles, comme est  
 pays qui est près la mer, & leur osta la pluye, telle-  
 ment qu'il n'a point pleu depuis en ces pays là: e-  
 meu toutesfois de quelque compassion, il leur lai-  
 sa quelques fleuues pour s'entretenir avec vn gran-  
 travail neantmoins. Apres cestuy-cy suruint Pa-  
 ciacama, qui estoit aussi fils du Soleil, & de la Lune.  
 Ce mot signifie createur. Ce Paciacama chassa Co-  
 & feit deuenir en forme de chats, tous les hommes  
 qu'il auoit creez, & puis en crea d'autres, qui sont  
 ceux, q sont pour le iourd'huy au pays, & les pou-  
 ueut de tout ce qu'ils ont maintenant. En recon-  
 pense d'vn tel bien ils le reputerent pour leur Dieu  
 & l'ont tousiours honoré pour tel en Paciacama  
 iusques à ce que les Chrestiens l'en ont chassé,  
 qui les estonna grandement, & s'esmerueillere-  
 fort. Le temple de Paciacama, qui estoit pres  
 Lima estoit fort renommé par tous ces pays, &  
 venoit-on en grande affluence de toutes parts, ra-  
 pour la deuotion qu'on y auoit, que pour les or-  
 cles qui sy rendoient. Car le diable s'apparoissoit

, & respondoit aux Prestres qui y residioient. Les Espagnols, qui furent là avec Ferdinand Pizarre apres la mort d'Attabalipa vollerét tout l'or, & l'argent, qui y estoit, qui fut vn riche butin. Depuis ces oracles & visions ont cessé par la presence de la Croix, & du saint Sacremēt, dequoy furent fort esmerueillez les Indiens. Ils racomptent en oultre comme en vn certain temps il cheut tant d'eau du ciel que toutes les campagnes furent submergees, & toutes les personnes noyees, exceptees celles, qui sauuerent dedás des creux, & cauernes des hautes montaignes, l'entree desquelles ils boucherent bien que l'eau n'y pouuoit entrer, s'estás premierement garnis de bonnes prouisions, & de grande quantité de bestail: & quand ils sentirent qu'il ne pouuoit plus, ils feirent sortir dehors deux chiens, voyans qu'ils estoient retournez nets, & mouillez, cogneurent par là que les eaux n'estoient point abaissees. Mais apres en feirent encor' sortir d'auantage, & lors aucuns reuindrēt fouillez, & pleins de fange, par là ils iugerent que l'eau estoit abaissee, & à lors sortirent de leurs creux pour repeupler la terre: mais ce ne fut pas sans grande peine, & travail, pour la peur qu'ils auoient de grands serpents, qui s'estoient engendrez de l'humidité, & liçon, qui estoit resté du deluge, & encor' au iourhuy on trouue quelques vns de ces serpens. En fin ils en tuerent vne grande partie, & vescurent depuis en plus grande seureté. Ils croient aussi la fin du monde, & disent qu'il precedera vne seicheresse compareille, & que lors le Soleil, & la Lune se perdront. Sur ceste opinion ils iettent de grands criz,



& pleurent ameremēt quand il aduient vne eclips  
principalement quand elle est du Soleil. Car lors  
pensent estre perduz avec tout le monde.

*La prinse de Cuzco, ville tres-riche. Chap. 123.*

**F**Rançois Pizarre s'estant bien informé de la r  
chelle, & de l'estat de Cuzco, & ayant entend  
que c'estoit la ville capitale des Roys Yngas, laill  
Caxamalca, & print son chemin droict à ceste ville  
marchant tousiours avec bon guet, & s'estant bie  
fourny de tout ce qui estoit necessaire à son camp  
Car ainsi luy conuenoit il faire, par ce que le Capitaine  
Quisquiz tenoit la campagne avec vne tres  
grande armée, qu'il auoit dressée du reste des gen  
d'Attabalipa, & de plusieurs autres. Il les rencontr  
à Xauxa, & sans combattre vint à Vilcas, ou Quis  
quiz, pensant bien tenir ses ennemis, & en faire  
son plaisir, par ce qu'il auoit les montagnes de son  
costé, qui luy fauorisoient, assaillir l'auantgarde qu  
menoit le Capitaine Sotto, il y eut six Espagnol  
tuez, & beaucoup de blecez, & ne s'en fallut guere  
que ceste auantgarde ne fust rompue, & mise en  
route. Mais la nuit suruint, qui les separa. Quis  
quiz feit sa retraicte au haut de la mōtagne ioyeu  
au possible. Ce pendant le Capitaine Sotto au lieu  
de dormir refeit son auantgarde avec des soldat  
qu'amenoit Almagro. A grand' peine le iour poin  
gnoit-il quand les Indiens estoient desia venuz aux  
mains. Almagro, qui pour ceste iournee auoit prin  
la charge de commander se retira en la plaine, pou  
mieux s'ayder de sa cavallerie, & pour faire de plu  
grandes executions sur les Indiens. Quisquiz n'en  
tendant point encor ceste astuce, & ne se doutant

aucunement du nouveau secours, qui estoit arriué,  
ensoit que les ennemys fuissent. Ainsi rompant  
out son ordre se meit à les suiure viuement. Mais  
cavalierie Espagnole serrée en groz ost tourna  
continent bride, & d'une grande furie donna sur  
Huácar, qui pour lors après auoir perdu grand  
nombre de ses gens fut contrainct fuir bien viste.  
pendant tel eschech Pizarre arriua avec tout le reste  
de l'armée & demeura là cinq iours pour voir quel-  
cours yssue prendroit ceste guerre. Comme il estoit là  
attendu, Mango frere d'Atabalipa se vint rendre  
luy. Il le receut humainement, & le feit Roy luy  
mettant sur la teste le petit floquet qu'ont accou-  
tumé porter les Roys Yngas. Il se meit puis après  
au chemin estant suiuy d'un fort grand nombre  
d'Indiens, qui iournellement arriuoient pour venir  
rendre seruite à leur nouveau Roy. Or comme il ap-  
prochoit de Cuzco il apperceut de grandes flâbes,  
ensant que ce fussent les habitans, qui bruslassent  
leurs maisons, à fin que les Chrestiens n'en eussent  
iouiſſance, enuoya incōtinent quelques cheuaux  
courir iusques à là, pour empescher ce feu. Mais tel-  
les flâbes ne seruoient que de signes que faisoient  
les habitans à quelques autres, qui estoient en em-  
buscade, lesquels ne faillirēt aussi tost de sortir con-  
tre ces gens de cheual, qui couroient droit à eux.  
Ils estoient en si grand nombre qu'ils feirent tour-  
ner dos à nos gēs. Mais là dessus Pizarre arriua, qui  
se coura noz fuiards, & cōbattit contre les Indiens si  
courageusemēt qu'il les meit en routte, & les feit  
quitter leurs armēs qu'ils iettoient pour estre plus  
legers à fuir. Ceux qui peurēt eschapper, gaignerēt

la ville, & se renfermerent dedās. La nuit estant venue, ceux qui entretenoiēt la guerre ne se fiās point aux Espagnols, prindrent ce qu'ils auoient le plus cher, & sortirent hors la ville. Le lendemain les Espagnols entrèrent en la ville de Cuzco sans aucun empeschement, & aussi tost aucuns commencerent à arracher les tables d'or, & d'argent, qui estoient au tēple, autres tiroient de terre les ioyaux & vases d'or, qui estoient dedās les tombeaux, autres enleuoient les idoles, qui estoient de mesmes matériaux, autres saccageoient les maisons des particuliers, & mesme le chasteau, qui estoit encor bien garny de l'argēt, & de l'or de Guaynacapa. En somme ils eurent de ceste ville, & du pays d'alentour plus grāde quātité d'or, & d'argent qu'ils n'auoient eue à Cazamalca pour la prinse d'Attabalipa. Mais par ce qu'ils estoient icy plus grād nombre de soldats qu'ils n'estoient pour lors, vn chascun n'en eut pas tant pour sa part, & ainsi ne furent gueres enrichiz pour ce coup. Il y a eu tel Espagnol, qui promenant par vn boys espez à trouué vn sepulchre tout d'argent, qui valloit plus de 65000. ducats: autres en ont trouué de moindre valeur. Ils ont rencontré grād nombre de tels tombeaux. Car les hommes riches de ce pays auoient accoustumé de se faire ainsi enterrer par la campagne pres de quelque idole. Nos gēs en outre traualloient fort à chercher les tresors renommez de Guaynacapa & des Roy anciens de Cuzco. Mais ny pour lors ny depuis ne s'en est peu rien trouuer. Encor ne se contentoient-ils de ce qu'ils auoient desia entre leurs mains, & tourmentoient ces pauures Indiens



les contraignât de changer, rechanger & brouiller tout leur mesnage pèsans trouuer quelque chose cachee, & si leur faisoient mille maux, & des cruau-  
ez grâdes pour leur faire declarer leurs sepulchres.

*La qualité & les coustumes de la ville de Cuzco.*

*Chap. 124.*

Cette ville est à plus de 17. degrez de l'Equinoxial en comptant vers le midi. Le pays est fort sçre & rude, le froid & les neiges y sont grandes. Ils font leurs maisons de grosses bricques quarrees & les couurent de bruiere qui vient en abondance par les môtaignes, auquel lieu la terre iette aussi de l'oymesme force naueaux, & lupins: les hômes vont nus testés se lians seulement les cheueux avec vne certaine bande. Ils se vestent d'vne chemise de laine, ou bien portent quelque chemise de toille sur eux. Les femmes portent de grandes cottes sans manches, & se ceignent par dessus de ceintures lances, & ont encor sur leurs espaules certains petits anteaux qu'elles attachent avec de grosses espin-  
es d'argêt ou de bronze, qui ont les testés larges, & esguisées, avec lesquelles elles coupent plusieurs choses. Ils mangent leur chair & leur poisson crud: ce qui toutesfois est plus particulier aux Oreionés, qui s'ouurent & aggrandissent les oreilles comme nous auons dit. Ceuy cy, qui sont proprement soldats, se marient avec autant de femmes qu'ils veulent, & mesme aucuns se marient avec leurs propres seurs. Ils chastient par mort les adulteres. Ils rachètent les yeux à vn lartō, qui est vn chastiment à son aduis qui luy est propre. En sōme ils gardent troictement la iustice en toutes choses & mesme

entre les grands. Les neùeux sont entr'eux heritiers & non les enfans: il n'y a que les Yngas, qui succedent à leurs peres, & auant que prendre le flocque ils ieusnent premierement. On enterre en ce pay les morts tant les patures que les Officiers mais avec peu de despence. Si cest vn soldat, on met sur sa fosse vne halebarde, ou vn morion: si c'est vn artisan, on y met vn marteau: si c'est vn chasseur, on y mettra vn arc, & des flesches. Mais on fait de grandes magnificences à la mort des Rois Yngas, & autres seigneurs. Ils font vne grãde fosse, ou vne voultte, qu'ils parēt de belles couuertures de cotton sur lesquelles ils attachent grand nombre de beaux ioyaux, armes, & pennaches: & mettent dedans ceste voultte des vaisseaux d'argent, & d'or, avec de l'eau, & du vin, & autres choses pour manger. Il y font encor' entrer quelques vnes de leurs femmes, qui estoient les plus fauorites, des pages, & autres seruiteurs qui leur seruoient, mais il n'y mettent ceux cy qu'en boys, & non en chair: & puis ils couurent le tout de terre, & ce pendant ne font que continuer à ietter de leurs vins dessus. Quand les Espagnols ouuroient ces sepulchres & iettoient les ossemens de ça delà, les Indiens les prioient de ne faire pas ainsi de peur qu'estans ainsi escartez ils ne peussent resusciter. Car ils croient la resurrectiõ des corps, & l'immortalité de l'ame.

*La conqueste de Quito* Chap. 125.

**L**E capitaine Ruminaguy, qui avec cinq mille hommes s'en estoit fuy de Caxamalca lors que Attabalipa fut prins, se retira droit à la ville de Quito, laquelle il feit incontĩnēt esleuer, & mettre

armes se persuadent que son Roy pouuoit estre mort. Estant la il feit plusieurs actes de tirā & pour estre empesché en sa tyrannie, il feit tuer Illescas, comme il alloit vers les enfans d'Attabalipa, son pere de pere, & de mere pour les prier de garder l'ayoute, d'entretenir paix, & obseruer iustice en ce royaume, & puis le feit escorcher, & de la peau en fit faire vn tabourin, chose que le diable ne feroit pas. Deux mille soldats Indiens deterrerēt le corps d'Attabalipa, & le porterent à Quito : Ruminaguy receut à Liribamba honorablement, & avec telle pompe, & magnificence, qu'on auoit accoustumé vser aux funerailles d'un si grand prince, & feit un banquet à ces soldats, où il les enyura tous, & puis les voyant ainsi assommez de vin les feit esgorger, disant qu'il les faisoit ainsi mourir à cause qu'ils auoient laissé tuer leur bon Roy Attabalipa. Après cela il assemble grand nombre de gens de guerre, & courut toute la Prouince de Tumebamba. Pizarre escriuit à Sebastien Venalcazar, qui estoit lieutenant à S. Michel qu'il marchast au deuant de Ruminaguy pour l'arrestér, & pour donner secours aux Canares, qui se plaignoient, & demandoient estre secouruz. Venalcazar fut aussi tost en campagne avec 200. Espagnols, & quatre vingts cheuaux, & autant d'Indiens de seruice qu'il pensoit estre nécessaires à son expedition. Durant ce temps bruit, qui couroit par tout le monde de la grande quantité d'or, qu'on trouuoit au Peru, il y passa tant d'Espagnols q peu s'en falut que toutes les autres villes & pays ne fussent depeuplees, come Panama, Nipaguá, Quahutemellá, Carthagene, & autres ter-



res, & isles: & tous venoient de bon cœur, & franche volonté principalement à ceste conqueste de ville de Quito: par-ce qu'on disoit qu'elle estoit aussi riche que celle de Cuzco, encores, qu'ils sceussent bien, qu'il leur conuenoit bien marcher plus de 400. mil deuant que d'y arriuer, & qu'il faillist combattre avec gens hardis & courageux. Ruminaguy ayant eu aduertissement de l'entreprinse de son ennemy, attendu les Espagnols sur la frontière de son pays avec douze mille hommes bien armés à leur mode, & fait au deuant de ses gens trâcher vn passage qu'il s'estoit proposé de garder, & le fit renforcer de barrières. Aussi tost que les Espagnols furent arriuez, les gens de pied assaillirent ce fort, & cependant ceux de cheual tournerent à l'entour, & en fin ils trouuerent vn passage, par lequel ils leur donnerent à doz si rudement, qu'en peu de temps ils rompirent leur bataillon, & en tuerent grand nombre. Il y eut en ceste meslée beaucoup d'Espagnols blecez, & quelques vns tuez, avec trois, ou quatre cheuaux, ausquels les Indiens coupperent incontinent les testes, & en faisoient des signes de grande resiouissance, estans plus aises de tuer vn de ces animaux, qui les poursuiuoit, & leur faisoit tant mal, que de tuer dix hommes. Aussi en signe de victoire quand ils tenoient vne teste de cheual, ils la mettoient tousiours en lieu eminent, où les Espagnols la pouuoient voir, entournee de belles fleurs & rameaux. Ruminaguy fit incontinent ressembler ses gens, & mettre en ordre, & les fit sortir en vne plaine liurant la bataille à nos gens pour essayer encores vn coup la fortune. Mais il s'abusa: car c

Il lieu il donna l'avantage aux gens de cheual, qui  
ors pouuoient plus aisémēt courir, & manier leurs  
cheuaux: aussi perdit-il encores là grand nombre de  
gens. Encores toutesfois son grand courage ne  
peut refroidir: il est bien vray qu'il n'osa plus cō-  
battre en champ de bataille, & moins approcher  
du lieu, où elle se peust donner. Vne nuit il feit fi-  
cher en terre en vne telle plaine grande quantité de  
picquets pointus par haut, & s'estant mis derriere  
il estoit contenance de vouloir encores combattre,  
fin que les Espagnols accourussent droit à luy, &  
que par ceste ruse leurs cheuaux se perdissent com-  
me entre des chausses trappes. Mais Venacalzar en  
fut aduerty par ses espions: ainsi tirant à costé euita  
les embusches. Alors les Indiens deuant qu'il arri-  
uast à eux se retirent en vne vallee, où ils feirent plu-  
sieurs fosses couuertes de feuilles & rameaux, pour  
faire tomber les cheuaux. Les Espagnols, qui en fu-  
rent incontinent aduertis, prindrent leur chemin  
par vn autre endroit, mais pour n'auoir trouué lieu  
commode, ne peurent combattre. Les Indiens fei-  
rent encores vne autre ruse. Sur le mesme chemin  
ils feirent vne infinité de trouz pas plus grands que  
la main, ou que le pied d'vn cheual, & se camperent  
sur ce chemin pour donner occasion aux Espagnols  
de picquer cōtre eux, & par ceste astuce faire bron-  
cher leurs cheuaux. Mais ils ne peurent par ceste  
ruse non plus que par les autres precedentes trom-  
per les Espagnols, & ainsi se retirerent à Quito, di-  
sant que ces barbus estoient aussi sages & aduisez  
que vaillans. Quand Rominaguy y fut arriué, il dit  
à ses femmes qu'elles se resioüissent, puis que les

Chrétiens venoient; avec lesquels elles se pourroient resioiuit, & se donner du bon temps. Quelques vnes, comme femmes, se prindrent à rire pensans possible à aucun mal: il feit decapiter toutes celles qui auoient ry: il feit brusler toute la grande robbe d'Attabalipa, qui estoit belle & opulente & puis abandonna la ville. Venalcazar entra Quitó avec son armee sans aucun empeschement. Mais il ne trouua la richesse si grande qu'on la faisoit, ce qui donna grand desplaisir à tous nos Espagnols. Ils deterrerent les morts, & trouuerent quelques tresors. Ce qu'estant rapporté à Ruminaguy entra en plus grande indignation contre nos gens qu'il n'auoit encore fait, & se repentit de n'auoir mis le feu à la ville auant que partir. La nuit il mena ses gens en ordre, & chemina vers la ville de Quitó où estant parueniu il feit mettre le feu en plusieurs lieux de la ville, & sans attendre le iour, ny les Espagnols, il s'en retourna incontinent.

*De Pierre d'Aluarado.*

*Chap. 126.*

**L**A richesse du Peru estant publiee par tout, le capitaine Pierre d'Aluarado obtint de l'Empereur permission d'aller descouurir, & peupler en cette prouince, pourueu que ce fut en lieu où les Espagnols n'eussent point encor' esté. Or deuant que d'aller il y enuoya Garzia Holguin avec deux nauires pour sçauoir comme le tout alloit par delà. Garzia reuint tout estonné des richesses de ce pays, & mesme pour le grand butin qui auoit esté fait par la prise d'Attabalipa louant le pays au possible, adiouta le bruit, qui couroit par delà des grandes richesses.



le Quito, & du Royaume de Cuzco, qui estoit pres  
le port Vieil. Aluarado pouffé de ceste bonne nou-  
uelle se delibera d'y aller en personne, & suyuant ce-  
ste deliberation l'an 1535. leua de son gouuernemēt  
plus de quatre cens Espagnols, qu'il meit dedans  
cinq nauires, avec bon nombre de cheuaux. Il arri-  
ua de nuit à Nicaragua, où il print par force deux  
grands vaisseaux, qu'on racoustroit pour mener gens,  
armes, & cheuaux à Pizarre. Ceux, qui deuoient al-  
ler dedans ces vaisseaux, furent bien aises d'aller a-  
vec luy deuant qu'attendre leurs compagnons. Par  
cette rencontre il se renforça de cent soldats, & de  
un grand nombre de cheuaux. Il arriua au port  
vieil, où il prit terre, & feit desbarquer tous ses gēs,  
& avec tout son equipage print le chemin de Qui-  
to. Il se trouua en vn pays descouuert plein de peti-  
ts monticules, où peu s'en fallut que tous ne mou-  
ussent de soif, si d'auenture ils n'eussent rencontré  
certaines grandes cannes pleines d'eau. Ils reme-  
noient à leur faim par le moyen de leurs cheuaux  
qu'ils tueoient, encor' qu'ils vallussent plus de mil  
lieues. Ils eurent puis apres vne grande tempeste,  
orage de cendre, qui sortoit du mont de Quito,  
se spandoit iusques à 240. mil en rond. Ceste  
montagne iette si grande flambe, & fait si grād bruit  
quand elle bout, qu'elle se veoid, & se fait ouyr à  
plus de 3000. mil, & ainsi qu'on dit elle estonne  
plus que ne fait le tonnerre. Or pour reuenir à nos  
francs, ils se feirent la plus part de leur chemin avec  
leurs mains: par ce que bien souuent ils rencon-  
troient des boscs espaiz à merueilles. Ils passe-  
rent en outre nō sans grand trauail des montagnes

toutes couuertes de neiges, s'esmerueillās de ce que neigeoit si fort sous l'Equinoxial. Avec les neiges le froid estoit si violent, qu'il y eut septante personnes geleees. Apres qu'ils eurent passé ces neiges remercièrent Dieu de ce qu'il les auoit deliurez de celles, & donnoient au diable la terre, & l'or, de quel toutesfois ils estoient si affamez. Ils trouverent par les chemins quelque quantité d'esmeraudes, qui les resioüirent autāt qu'ils estoient desesperez de veoir des personnes sacrifiez par les habitants du pays, qui sont idolatres, trescruels, & viuents comme Sodomites, parlent comme Mores, & se comportent comme Indiens.

*Comme Almagro alla chercher Pierre de Alvarado.*

*Chap. 127.*

**Q**u'Isquiz capitaine d'Attabalipa voyant que l'Empire des Rois Yngas tomboit en grande decadence, s'efforça de le remettre sus, autant qu'il luy fut possible: car il estoit en grande autorité entre les Oreiones. Il donna le flocquet à Paul de Guaynacapa, & ramassa grand nombre de soldats, qui estoient espars çà & là, pour la prinse de Cuzco, & les mena en la prouince de Condesuyu pour endommager les Chrestiens qui y estoient. Pizarre y enuoya le capitaine Sotto avec cinquante cheuaux. Mais auant qu'y arriuer, Quisquiz auant desia prins le chemin de Xauxa en intētion de massacrer par surprinse les Espagnols, qui y estoient en petit nombre, & enleuer le tresor qu'on leur auoit baillé en garde, & de fait il les assaillit. Mais Alfonso Riquelme se deffendit brauement avec ses soldats. Pizarre aussi tost qu'il en fut aduertý, depescha

na prôprement Diego d'Almagro avec bon nombre de cheuaux. Car il luy faschoit bien de perdre ceste grande somme d'or qu'il auoit laissée à Xauca avec si peu de garnison. Il chargea encor' Almagro, & apres auoir donné secours à ceux de Xauca, il enquist des nouuelles du capitaine Pierre d'Aluado qu'on disoit venir au Peru avec nombre de gens, & que sil estoit ainsi, qu'il l'empeschast de prendre terre, ou bien qu'il achetast l'armee qu'il auoit. Almagro estant ainsi depesché se ioignit avec le capitaine Sotto, & eux deux ensemble se meirent en campagne apres Quisquiz: apres ils s'en allerent vers Tóbez pour sçauoir si en ceste coste on n'auoit point ouy parler d'Aluarado & de son armee. Ils y eurent là cômme il auoit prins terre au Port Vieil. Almagro oyât ceste nouuelle s'en retourna à S. Michel pour renforcer son infanterie & sa cauallerie, & s'achemina vers Quito, où estant arriué, Venalzar se sousmeit à luy, & lors il cômença à camper, & subjuga plusieurs peuples de ce Royaume, desquels on n'auoit encore peu venir à bout. Il passa la riuere de Liribamba avec grand dâger, parce qu'elle estoit crüe bien haut, & les Indiens auoient bruslé le pont, & estoient encor' de l'autre costé du fleuve ennemis. Il vint aux mains avec eux, & les deffait & prit leur capitaine, qui luy dit cômme à deux iournees là y auoit 500. Chrestiens, qui auoient assiegé une forteresse appartenante au seigneur Zopozapa. Almagro y enuoya sept cheuaux pour sçauoir si le sire de cest Indien estoit veritable, afin d'y pourchasser, si c'estoit d'auenture Aluarado, ou quelque autre qui voulut vsurper ce pays. Aluarado arresta ces



sept auât-coueurs, & s'informa d'eux bien au lon  
 de tout ce que François Pizarre auoit fait, & faisoit  
 du grand amas d'or qu'il auoit, & de ses soldats, cō  
 bien d'Espagnols auoit Almagro: & puis les lai  
 aller, & s'approcha de l'armee d'Almagro en inter  
 tiō de le cōbattre, & de le chasser de là. Almagro e  
 estāt aduertey eut peur: & pour ne perdre ainsi sa vi  
 & son hōneur si on fust venu aux mains, par-ce qu'il  
 auoit la moitié moins de gēs que n'auoit Aluarado  
 fait cest accord de se retirer à Cuzco, & laisser là V  
 nalcazar en mesme autorité qu'il estoit. Philippil  
 de Pohecios, q d'ailleurs estoit mal-cōtent, se reti  
 vers Aluarado avec vn Indien Cacique, & luy de  
 counrit la deliberation d'Almagro, & luy conseil  
 fil auoit enuie de le faire son prisonnier, de charg  
 sur luy ceste nuit, par-ce qu'il trouuerait peu de r  
 sistance, & luy seruiroit de guide. Il s'offrit enco  
 luy, de faire tāt avec les Seigneurs, & Capitaines  
 pays, qu'ils se rendroient ses amis, & tributaires,  
 luy dit qu'il en auoit desia parlé avec ceux qu'A  
 magro tenoit captifs. Aluarado fut fort aise de c  
 nouuelles, feit marcher ses gens droit à Liribamb  
 avec les enseignes desployees, & cōme s'ils eussent  
 esté prests à cōbattre. Almagro, q sans sa grād' hō  
 ne pouuoit desloger, encouragea ses Espagnols,  
 les meit en deux esquadrons, attēdant son enne  
 entre certaines murailles pour se fortifier d'icell  
 & prēdre quelque aduantage. Ils estoient desia vi  
 vis l'un de l'autre, & prests à se forcer, quād plusie  
 d'une part, & d'autre commencerent à crier pa  
 paix. Alors tous s'arrestērent coys, & feirent tref  
 pour ce iour, & pour la nuit, afin que ce pēdant

deux Capitaines peussent se veoir, & parlementer ensemble. Le Docteur Caldere de Seuille print la charge de les accorder ainsi, que le Capitaine Aluaro donneroit toute son armee telle qu'il l'auoit mennee à Pizarre, & à Almagro pour cent mil peans d'or fin, & qu'il se retireroit hors de ce descouremét, & cōqueste, iurant de n'y retourner iamais tant qu'ils viuroient. Cest accord ne se publia pas pour lors, de peur de mutiner les soldats d'Aluaro, qui estoient haults à la main, fiers, & rogues, & eut courir le bruit, qu'ils festoient faicts amis, & cōagnés en tout, & qu'Aluaro deuoit poursuiure le descouurement par la mer, & Almagro par terre. Par ce moyen il n'y eut aucun tumulte. Aluaro accepta cest accord, par-ce qu'il ne voyoit point le pays si riche comme on luy auoit dit, & Almagro d'autre part gaigna beaucoup à luy donner si grãde somme de deniers pour auoir vne si belle armee, & pour euitier vne guerre ciuile.

*La mort de Quisquiz. Chap. 128.*

EN tout ce qui fut trouué en ceste conqueste, Almagro n'auoit pas dequoy payer les cent mille peans d'or qu'il auoit promis à Pierre d'Aluaro pour son armee, encor qu'il eust eu vn grand butin vn tēple, qui estoit tout reuestu par dedās d'argēt. Mais ie croy qu'il ne vouloit pas payer ceste sōme, sans le consentement de Pizarre, ou biē qu'il vouloit payer ce payemēt iusques à ce qu'il eust deuāt tiré Almagro en tel lieu, où il eust esté contraiect entretenir son accord. Ils s'en allerent tous deux ensemble à sainct Michel de Tāgarara. Aluaro laissa plusieurs de ses gēs pour peupler à Quito avec Venalea-

zar, & emmena avec soy la plus grãde partie, & les meilleurs hommes. Venalcazar endura de grãs travaux à ceste conqueste, à cause que le pays eist rude & mauuais, & les habitans belliqueux au possible. Il n'est pas mesmes les femmes, qui ne combattent avecques leurs mariz. Or Almagro, & Aluarado sceurent à Tumebamba que Quisquiz s'enfuyoit de deuant le Capitaine Sotto, & Iean, & Gonzale Pizarre, qui le poursuiuoient à cheual, & qui emmenoit avec soy vne grãde foulle de personnes de bestes, & plus de quinze mille soldats. Almagro n'en voulut rien croire, & ne voulut mener les Caranares, qui s'offroiẽt luy mettre ẽtre les mains Quisquiz avec toute son armee. En cheminãt tousiours ils rencontrerent à Ciapara Sotaurco, qui avecques deux mille combattans marchoit deuant pour decouurir le chemin à Quisquiz. Se Sotaurco fut decouvert, & prins, & enquis de l'armee de Quisquiz, dequ'il venoit vne grande iournee apres avec le fruit de la bataille, & qu'il auoit sous ses ailles, & derriere deux mille hommes de chascue costẽ pour rompre & masser les viures des enuironz selon leur vieille ordonnance de guerre. Almagro, & Aluarado feirent incontinent desloger en haste toute la cavallerie pour aborder Quisquiz, deuant qu'il en eust les nouvelles. Le chemin estoit si rude, & si pierreux que quasi tous les cheuaux furẽt deferrez, & furent contraints les ferrer à minuiẽt avec de la lumiere, sans auoir grand' peur d'estre chargez par les ennemis, ce pendant qu'ils estoient ainsi empeschez. Le iour d'apres ils arriuerẽt sur le soir à la veuẽ de l'armee de Quisquiz, qui les ayant apperceuz desl



ea incontinent par vn costé avecques ses femmes,  
& feit emporter avec soy tout son or, & puis tra-  
versa par vn autre chemin rude ayant avecques soy  
Guaypalcon frere d'Attabalipa. Guaypalcon se for-  
tiffa entre certains grâs rochers d'où il laissoit rou-  
ler de gros cailloux, qui endomageoient grâdemēt  
es nostres, mais il se retira ceste nuit, parce qu'il se  
voyoit sans aucune prouision. Quelques troupes  
de cheuaux coururent apres luy, mais ils ne le peu-  
rent rompre. Il se ioingnit avec Quisquiz, & s'en al-  
lerent ensemble à Quito, pensans qu'il n'y fut resté  
aucun Espagnol, par-ce qu'ils en voyoient tant de-  
uant eux. Mais ils rencontrerent Sebastien de Ve-  
lalcazar: alors les Capitaines conseillerent à Quis-  
quiz de demâder paix aux Espagnols, puis que c'e-  
toient gens inuincibles, & l'asseuroient qu'ils gar-  
deroient vne amitié entr'eux estants si gēs de bien:  
& luy remonstrent encor' de ne tenter plus la  
fortune, qui les poursuuoit si asprement. Au con-  
traire il les menaça de ce que par cela ils se decla-  
roient auoir peur, & commanda qu'on eust à le  
suiure. Ils repliquerēt qu'ils donnast donc la batail-  
le, puis que ce luy seroit vn hōneur, & vn repos plus  
grâd de mourir en cōbattant avec ses ennemis, que  
perir ainsi de faim par les desers. Quisquiz là des-  
sus se meit en colere, leur disant mille vilainies, iu-  
rant de chastier ceux, qui estoient autheurs de ce  
tumulte. Alors Guaypalcon luy lança vn coup de  
picque en l'estomach, & aussi tost plusieurs autres  
luy coururēt à sus avec haches & picques, & l'assom-  
merent. Voila comment fut deffait Quisquiz, qui  
entre les Oreiones auoit acquis par ses guerres la

reputation d'estre vn des vaillans Capitaines qui  
fust deuant luy.

*Aluarado donne son armee, & reçoit cent mille  
pesant d'or. Chap. 129.*

**A** Pres que Quisquiz se fut mis en fuite, noz Espagnols n'auoient guere cheminé quand ils rencontrèrent son arriere garde, qu'il auoit laissée pour defendre le passage d'une riuere. Aucuns d'entre eux s'arrestèrent sur la riuere pour empescher le passage, autres passerent la riuere, pensans surprendre noz gens à l'impourueu comme ils arriueroyent, & les charger aussi tost deuant qu'ils eussent le loisir de se mettre en ordre: mais pour euitier la furie des cheuaux ils furent contraints se sauuer, & se camper sur le hault d'un collicule roide & fascheux, & de là combattirent vaillamment avec l'aduantage qu'ils auoient: ils tuerent quelques cheuaux: car pour la difficulté du lieu on ne les pouuoit manier aisément. Ils blessèrent plusieurs Espagnols, entre autres Alfonso d'Aluarado de Burgos en une cuisse, & pour s'en fallut qu'ils ne tuerent Diego d'Almagro. Deuant que se retirer au plus haut des montaignes, ils bruslerent tout ce qu'ils ne peurent emporter, abandonnerent quinze mille moutons, & quatre mille personnes qu'ils emmenoyent par force. Ces moutons estoient au Soleil: car les temples du Soleil ont chacun au pays, où ils sont bastis, grande quantité de ces bestes, qui tousiours multiplient sans qu'aucun en ose tuer, sur peine de sacrilege & n'est seulement permis qu'aux Roys lors qu'ils veulent chasser, ou qu'ils font la guerre. Les Roys de Cuzco ont trouué ceste inuention pour auoir

tousiours de la chair en temps de guerre. Nos gens  
 se retirerent puis apres à saint Michel, d'où Aluara-  
 do manda à Guarzia Holguin, qui estoit encor au  
 port Vieil, de liurer les vaisseaux de son armee à Die-  
 go de More capitaine d'Almagro, qui pour lors feit  
 de grands presens, tant en deniers, armes, qu'en che-  
 vaux à ses soldats, & à ceux d'Aluarado. Il fonda,  
 suivant le mandement de Pizarre, la ville de Trusi-  
 glio, & y laissa pour lieutenant Michel d'Astelle, &  
 puis s'en vint tous à Paciacama, où François Pizar-  
 re receut honorablement Pierre d'Aluarado, & luy  
 paya contant cent mille pesans d'or, qu'Almagro a-  
 uoit promis. Il n'y eut point faute de quelques mes-  
 chans flagorneurs, qui conseillerent à Pizarre d'ar-  
 rester prisonnier Aluarado, & ne luy payer rié pour  
 estre entré avec main forte en son gouvernement,  
 & l'enuoyer en Espagne, & encor qu'il voulust luy  
 payer quelque chose, que c'estoit assez de luy don-  
 ner cinquante mil pesant d'or, puis que les vaisseaux  
 ne valloient pas d'auantage, entre lesquels mesme  
 y en auoit des siens. Pizarre ne voulut ouir ces bons  
 aduertissemens, ains au contraire donna à Aluara-  
 do plusieurs autres choses, & le laissa aller libremét  
 apres qu'il eut esté acerteiné que ses nauires estoient  
 à Saint Michel, & en la puissance de Diego de Mo-  
 re. Ainsi Aluarado se retira à Quahutemallan quasi  
 seul, & les siens demurerent au Peru, qui depuis  
 pour estre vaillans, & hardis parvinrent iusques à  
 estre des principaux du pays.

*Nouvelles capitulations entre Pizarre & Al-*  
*magro.*

*Chap. 130.*

D iij



**F**Rançois Pizarre fonda puis apres la ville de  
 Rois sur la riuere de Lima, qui est plaisante a  
 possible, & qui apporte à la ville vn grand refre-  
 chissement. Elle est situee à douze mil de Paciaca  
 & pres de la mer. Le iour des Rois l'an 1535. les ha-  
 bitans de Xauxa, par- ce que leur demeure n'estoit  
 si bonne, vindrent se loger en ceste ville : il enuoy  
 Diego d'Almagro avecques bon nombre d'Espa-  
 gnols pour gouverner la ville de Cuzco, & puis s'en  
 alla à Trusiglio pour departir les terres, & les In-  
 diens entre les habitans qu'on y auoit laissez pou  
 peupler. Diego d'Almagro estât en la ville de Cuz-  
 co eut lettres, par lesquelles on luy mandoit que  
 l'Empereur l'auoit faict Marechal du Peru, & luy  
 donnoit en gouuernement trois cents mille d'indi-  
 pays par de là l'estenduë du gouuernement de Pi-  
 zarre. Sur ces nouuelles, sans autrement attendre les  
 patentes de l'Empereur, voulut entreprendre ce  
 estat, & disant que Cuzco n'estoit point au dedans  
 du gouuernement de Pizarre & qu'elle deuoit  
 estre du sien, commença commé Gouverneur ab-  
 solu de departir les terres, & commander de pa-  
 soy renonçant aux commissions qu'il auoit de la  
 part de son compagnon, & amy. Il eut des con-  
 seillers assez pour ce faict, entre lesquels on mar-  
 que Ferdinand de Sotto. Pizarre ayant ouy ceste  
 nouuelle, despecha en haste Verdugo pour porter  
 nouuelle commission à Jean Pizarre, & pour re-  
 uoquer celle qu'auoit Almagro: Jean, & Gonzall  
 Pizarres avec la plus part du conseil s'opposeren  
 hardiment aux entreprinſes d'Almagro, qui pour  
 ceste cause ne peut pas executer ce qu'il vouloit

le pendant Pizarre arriua en poste, & pacifica le tout amiablement, & de nouueau Pizarre, & Almagro confirmerent par serment faict sur l'hostie contre leur societé, & amitié, & s'accorderēt qu'Almagro s'en iroit descouurir la coste, & pays, qui tendent vers le destroit de Magellan, par-ce que les Indiens asseuroient que le pays de Chili, qui estoit vers ce climat, estoit tres-riche, & opulent, & que si le pays se trouuoit bon & riche, qu'il pourroit en demander le gouuernement pour soy seul: mais si au contraire il se trouuoit ne valoir rien, qu'ils departiroient ensemble le gouuernement qu'auoit Pizarre, comme ils auoient faict les autres choses. C'estoit là vn bon accord s'il n'y eust eu de la comperie. Ils iurerent tous deux de n'estre iamais vn contre l'autre pour quelque bonne, ou mauuaise occasion que ce fust. Il y en a plusieurs, qui asserment qu'Almagro disoit, quand il iuroit, que Dieu abymast son corps & son ame s'il rompoit l'est accord, ne s'il approchoit cent mil pres de Cuzco, encor' que l'Empereur luy donnast. Autres disent qu'il ne dit autre chose sinon que Dieu abymast le corps, & l'ame de celuy, qui fauseroit son serment.

*L'entree que Diego d'Almagro feit en Chili.*

*Chap. 131.*

Almagro donc s'appareilla pour aller faire son descouurement de Chili, ainsi qu'il auoit esté accordé: il donna, & presta beaucoup de deniers à ceux, qui alloient avec luy, afin qu'ils se garnissent de meilleures armes, & cheuaux. Par ce moyē il assembla 530. Espagnols bons soldats, & de bō cœur

s'offrās de l'accompagner par tous pays loingta pour sa liberalité, ioinct aussi le bruit, qui cour des richesses de ce pays, qui allecha mesme plusieurs de laisser leurs maisons, & departemens pour aller avec luy, pensans se faire plus gras. D'auant Almagro laissa à Cuzco vn de ses gens nommé le Rada, pour leuer encor des soldats, & feit de loger deuant Iean Sajauedre de Seuille avec ces soldats; & partit apres avec 430. menant avec Paul, & Villoma grand prestre, Philippille, & plusieurs autres Indiens tant pour la guerre, que pour faire seruice, & pour porter la somme. Il sortit de Cuzco au moys d'Auril l'an 1535. Sajauedre recontra à Ciarcas certains Chilesiens, qui appportoient à Cuzco, sans sçauoir tout ce qui y estoit aduenü, leur tribut en tuilles d'or fin, qui pesoient cent cinquāte mille pesans d'or. Ce fut vn tresbon commencement s'il eust eu bonne yssue: il vouloit faire prisonnier le capitaine Gabriel de Roias, qui estoit là pour Pizarre: mais il s'en garda, & l'autre s'en reuint avec ses gens à Cuzco. Depuis Ciarcas iusques à Chili Almagro endura beaucoup de tourment pour la faim que pour le froid, & aussi qu'il falloir qu'il combattit avec hommes de grande corpulence, & fort adextres à tirer de l'arc. Plusieurs de ses gens, & de ses cheualx furent gelez en passant par certaines montagnes plaines de neiges, où encor il perdit son bagage. Il trouua des fleues, qui couroient le iour, & non la nuit, à raison que les neiges se fondent le iour à la chaleur du Soleil, & se congelent à la lueur de la Lune. Les habitans de Chili se vestent de peaux de loups marins: so



ands, & beaux, & vsent coustumierement de l'arc  
guerre, & pour la chasse. Le pays est fort peuplé  
est de mesme temperature que l'Andelouzie, pro  
nce d'Espagne. Ils sont en ce different que quand  
faict iour par dela, il faict nuit par deça: &  
ad ils ont leur esté, les Espagnols ont leur hyer.  
n somme nous pouuons dire qu'ils sont noz vrais  
ntipodes. Ils ont en ce pays force moutons sem  
ables à ceux de Cuzco, & des austruches que les  
pagnols tuent à force de cheuaux les poursuinés  
e poste en poste: car vn cheual seul n'y pourroit  
urnir à l'occasion que ces bestes trottent plus vi  
e qu'un cheual ne scauroit courir.

*Comme Ferdinand Pizarre retourna au Peru.*

*Chap. 132.*

VN peu apres qu'Almagro fut party pour aller  
à Chili, Ferdinand Pizarre arriua à Lima, autre  
ent dicté la ville des Roys, & apporta à François  
zarre le tiltre de Marquis des Atanillos, & à Die  
o d'Almagro le gouuernemēt du nouveau Roy  
ume de Toledé contenant 300. mil de pays, en  
omptant depuis les confins de la nouuelle Castil  
, qui estoit sous la iurisdiction de Pizarre, vers  
Midy, & le Leuant. Il requist vn chascun d'o  
ir à l'Empereur, qui demandoit toute la rançon  
u'auoit fourny Attabalipa, disant qu'elle luy ap  
partenoit comme à Roy, à cause que le prisonnier  
toit Roy. Ils feirent tous responce qu'ils auoient  
aillé à l'Empereur son Quint, qui de raison luy  
appartenoit. Peu s'en fallut qu'il ne s'esmeust vne  
angereuse mutinerie. Car ils remettoient deuant  
eurs yeulx comme en Espagne, & mesme en la

Cour du Roy, on les appelloit villains, qui ne meritoient pas auoir tant de richesses. Ce n'estoit pour lors qu'on auoit commencé de se moquer ainsi d'eux: mais beaucoup deuant on souloit parler d'eux. Et moy au contraire, ie dis que ceux qui ne vont point aux Idoles ne meritent pas iouyr du bié qu'ils tiennent. François Pizarre appaisa tout disant, que pour leurs verrus, & prouesses ils meritoient bié tout ce qu'ils auoient eu d'Attabalipa, iouyr d'autant de franchises, & préeminences que ceux, qui auoient donné secours au Roy d'Espagne Dom Pelage, & à autres Rois pour recouurer l'Espagne d'entre les mains des Mores Il dict à son frere qu'il cherchast autre voye pour fournir ce qu'il auoit promis à l'Empereur, puis que pas vn ne vouloit rien dōner, & que de sa part il leur vouloit encore moins oster ce qu'il leur auoit desja ordonné. Alors Ferdinand Pizarre print tāt pour cēt de tō l'or, & argent qu'on fondoit. Cela luy feit acquerir vne grande haine de tous, si ne desista-il pour toutant de son entreprise, ains passant outre s'en alla à la ville de Cuzco en faire autant, & s'efforça de gagner le cœur de Mango Ynga, pour tirer de luy quelque grande quantité d'or pour l'Empereur qui auoit despēdu beaucoup à son couronnement & à la ville de Vienne contre le Turc, & aussi à Tunis.

*La rebellion de Mango Ynga contre les Espagnols.*

*Chap. 133.*

**M**ango fils de Guaynacapa, auquel François Pizarre auoit donné le floquet à Vilcas, faillit

du vaillant, & de l'enflé qu'il ne deuoit: pour  
cette cause on le mit prisonnier en vne prison de  
la forteresse de Cuzco. Mais estant là detenu,  
mesme deuant qu'il y fut, il machina de tuer les  
Espagnols, & se faire Roy, comme auoit fait son  
pere. Il feit faire grande quantité d'armes secrette-  
ment, & feit semer grande abondance de maiz pour  
auoir par tout du pain à suffisance, pour entretenir  
la guerre qu'il vouloit encommencer. Il accorda  
avec son frere Paul, avec Villaoma, & Philippil, que  
tueroyent Diego d'Almagro, avec tous les siens,  
qui estoient aux Ciarças, & qu'ils en feroient le  
semblable à Pizarre, & à tous ceux qui estoient à  
Cuzco, & autres lieux. Il ne pouuoit route-  
ment executer sa deliberation, à cause de sa prison.  
Il pria Jean Pizarre, qui auoit la charge de conquie-  
re les prouinces de Colla, qu'il luy pleust le deli-  
urer auant que Ferdinand Pizarre arriuaist, luy pro-  
mettant prester toute fidelité & obeissance au gou-  
verneur. Estant en liberté, il se rendit fort familier  
à Ferdinand Pizarre, qui luy demandoit deniers pour  
laisser sortir de Cuzco à son plaisir, avec son a-  
uancement. Vn iour il demanda congé à Ferdinand Pi-  
zarre pour aller à vne feste solennelle qui se faisoit  
à Huinçay, & luy promit d'apporter de là vne statue  
d'or massiue, qui estoit faite au propre naturel, &  
selon la grandeur de son pere. Il s'y en alla en la sep-  
maine sainte, l'an 1536. mais quand il se veit libre à  
Huinçay, il se moquoit des Espagnols, & les despi-  
soit. Il assembla incontinent beaucoup de seigneurs  
& autres personnes, & conclurent ensemblement  
la rebellion qu'il auoit pourpensée. Il feit tuer des



Espagnols qui alloient aux mines, & tous les Indiens, qui les seruoient. Il enuoya vn capitain Cuzco avec vne bonne armee qui y entra si soudain, qu'il print le chasteau, sans que les Espagnols le peussent empescher, & soustint dedans six ou sept iours: au bout desquels les nostres le reprindrent combattans vaillamment. Aucuns de nos gens moururent en la reprinse, & entre autres, Iean Pizarro d'un coup de pierre qu'on luy donna la nuit ensuy-  
 te. Cependant suruint Mango qui assiegea la ville avec cent mille hommes, & y mit le feu, & la combattit tout le long que la Lune estoit pleine.

*Almagro print par force Cuzco, sur les Pizarres.*

*Chap. 134.*

**A**lmagro maniant la guerre à Chili, receut de Coyaco par Iean de Rada, les lettres patentes de l'Empereur, que Ferdinand Pizarre auoit appointees touchant son gouuernement. Ces lettres, encore que depuis luy ayent cousté la vie, luy apportèrent plus de contentement que tout l'or & l'argent qu'il auoit gaigné: car il estoit tres cupide d'honneur. Il entra en conseil avec ses capitaines, sur qu'y estoit besoin de faire: la resolution fut par l'avis de la plus grand part, qu'il falloit retourner à Cuzco, & s'en saisir, comme estant du gouuernement d'Almagro. Il y en eut plusieurs qui luy conseillerent qu'il peuplast où il estoit premierement, ou au Ciarcas, qui est vn pays tres opulent, & que cependant il enuoyast vers Pizarre pour scauoir son intention, & celle de la communauté de Cuzco: car il n'estoit pas raisonnable de perdre ainsi son amitié. Ceux qui inciterent le plus Almagro à telle en-

prinse, furēt Gomez d'Aluarado, & Roderic Or-  
ñez d'Oropesa son amy intime, & secret. Alma-  
gro, donc, cōclud de retourner à Cuzco, & en pren-  
le gouuernemēt par force, si les Pizarres ne luy  
alloient de bonne volonté: ioint aussi qu'on di-  
t que l'Ynga s'estoit mis en armes. Cela estāt pu-  
e, Paul & Villama ne trouuās gens, & ne voyans  
cune commodē occasion de tuer les Chrestiens,  
me ils auoient pourpensé, s'enfuirent du camp.  
magro enuoya apres Philippille, qui, à cause que  
participoit à la coniuration, s'en estoit fuy, & e-  
nt prins, fut mis en quatre quartiers, condemné  
ce qu'il ne l'en auoit point aduerty, & à cause  
il s'estoit vne autre fois retiré vers Pierre d'Al-  
rado à Liribamba. Ce traistre confessa à l'heure  
la mort, que faussement il auoit accusé son bon  
oy Attabalipa, pour plus seurement iouyr d'une  
ses femmes. Ce Philippille de Pohecios estoit vn  
eschant homme, tres leger, inconstant, menteur,  
rt cupide de changemens, & sitibond de nostre  
ng: il estoit peu Chrestien, encor qu'il fust bapti-  
Almagro endura autant à retourner, qu'il auoit  
it à aller. Ils veirent vne chose merueilleuse à leur  
tour: car au bout de quatre mois & demy, & d'a-  
antage, ils trouuerent les cheuaux qui moururent  
froid à l'aller, aussi frais, cōme s'ils n'eussent fait  
mourir à l'heure presente, & les corps des Es-  
agnols de mesme, qui estoient appuyez debout  
tre les roches, tenās encor les reines de leurs che-  
aux. Par les deserts Almagro feit pourueoir d'eau  
n cāp, par le moyē des grās moutōs de ce pays, qui  
portoiet dedās des peaux de cuir. Mesme plusieurs

Espagnols montoient dessus ces bestes, encor' que ce ne soient montures propres à leur colere. Quand les Almagristes furent arriuez à Cuzco, ils se firent attendre de la veoir, assiegee par les Indiens. Almagro traita incontinent de paix avec l'Ynga, disant, que comme gouuerneur, il luy pardonneroit si il leuoit le siege: mais si l'en vouloit rien faire qu'il le ruinerait entierement, & qu'il n'estoit venu pour autre occasion. Mango fit responce qu'il n'auoit bonne enuie de le veoir, & qu'il estoit bien aise de sa venue, & du gouuernement qu'il auoit. Almagro sans penser à autre malice s'en alla capituler de peur d'autre inconuenient, laissant son armee en garde à Iean de Sajauedre. Ferdinand Pizarre ayant entendu ces venues, sortit pour parler à Sajauedre, luy offrant cinquante mille castillans d'or si il vouloit rentrer avec luy dedans Cuzco: Sajauedre refusa ceste condition, & l'autre ne luy pouoit faire aucun desplaisir, par ce qu'il estoit bien accompagné. Ainsi Ferdinand s'en retourna tout fâché, & cōme n'attendans plus aucun secours. Mango d'autre part veid bien qu'il ne pouoit plus prendre Almagro, & ayant encor' moins d'esperance de prendre Cuzco, de peur d'estre prins, tant par les Pizarres, que par les Almagristes, il leua le siege, & se retira aux Andes qui sont des hautes montagnes au dessus de Guamanga. Almagro approcha son camp pres Cuzco les enseignes desployees, sommant les freres de François Pizarre de le recevoir incontinent en paix pour gouuerneur, suivant le vouloir de l'Empereur. Ferdinand Pizarre, qui commandoit à la ville, fit responce que sans la voir, il n'y pouoit rien dire.



né de François Pizarre gouverneur de ce pays, par le commandement duquel il estoit là, il ne pouoit, & qu'encor' moins deuoit-il pour son honneur, & sa conscience, le recevoir pour gouverneur: Mais s'il vouloit entrer priuement, & comme particulier, qu'il le logeroit tresbien avec toutes ses familles, & que cependant il aduertiroit son frere, qui estoit à la ville des Rois, de son arriuee, & de sa demande, & qu'il fasseroit que lors pour la bonne ancienne amitié qui estoit entr'eux deux, ils s'accorderoient en declarant les confins de chaque gouvernement, selon l'opinion des doctes Cosmographes. Almagro estimoit que ceste responce n'estoit que pour dilayer, tellement qu'il insista à sa demande, & voyant que Ferdinand resistoit: vne nuit, qui estoit fort obscure, entra en la ville, & entra par la maison, où les Pizarres, & ceux du conseil estoient fortifiez, & y mit le feu: parce qu'ils vouloient point se rendre. Mais, en fin, de peur d'estre bruslez se rendirent: Almagro mit Ferdinand, & Gonzalle Pizarres en prison, & autres qui gouvernoient, & les autres habitans dès le lendemain matin le receurent pour gouverneur. Aucuns disent qu'Almagro rompit les trefues qui auoient esté accordees iusques à ce que la responce de François Pizarre eut esté apportee. Autres disent qu'il n'eut point de trefues: car on ne le vouloit point recevoir que par force. Autres disent qu'il eut la faveur des habitans pour entrer. Mais parce que ce n'est point une partialité, chaque partie en compte à son aduantage. Il est pour le moins bien vray qu'Almagro entra par force, & qu'il y eust vn Espa-

gnol tué de chasque costé, & Almagro eust tué Ferdinand Pizarre suyuant la volonté quasi de tous ce n'eust esté Diego d'Auarado. La rebellion Ynga & ce commencement de guerre ciuile aduint l'1536. sans que François Pizarre en sceut rien.

*Comme plusieurs Espagnols, voulant secourir la ville de Cuzco, furent défaits par les Indiens.*

*Chap. 135.*

Pizarre estant aduerti comme l'Ynga s'estoit vuolté, eut grand peur, & mesme quand on luy dit qu'il auoit assiégué Cuzco. Il ne pouuoit croire au commencement qu'il fut vray, ny qu'il eust tant de gens, & là dessus y enuoya incontinent Diego Pizarre, avec septante Espagnols seulement : entre lesquels la plus part estoient à pied. Mais tous ceux furent assommez par les Indiens, à la descente du mont de Parcos, cent cinquante mil loing de Cuzco. Ils tuerent aussi avec bon nombre d'Espagnols le capitaine Morgonieto, qui menoit du secours. Quelques vns eschapperent par l'obscurité de la nuit, mais ils ne peurēt gagner Cuzco, ny retourner à la ville des Roys. Pizarre y enuoya encore Gonzalle de Tapia avec quatre vingts Espagnols : ceux-cy furent aussi tuez par les Indiens, qui les faillirent lors qu'ils estoient tous las du chemin. Il desirerent aussi à Xauxa le capitaine Gaete avec quarante Espagnols. Pizarre estoit fort estonné de ce que ses freres ne luy mandoient rien, ny les autres capitaines : alors songeant à ce qui estoit, enuoya quarante cheuaux sous la conduite de François Godoy pour luy apporter nouuelles de tout. C'estuy cy s'en reuint la queue entre les iâbes, com

dict, amenât avec soy deux de la compagnie du capitaine Guete, qui s'estoient sauuez à course de cheval. Ces deux racompterēt à Pizarre tout ce qui estoit advenu : ce qui estōna grandemēt Pizarre & le fut encore plus, quand il veid arriuer Diego Agüero qui s'enfuyoit, disant que tous les Indiens estoient reuoltez, & mis en armes, & qu'ils l'avoient voulu brusser, comme il estoit entre ses vassaux, & qu'une grāde armee le suiyoit pas à pas. Ce fut une nouvelle, qui meit toute la ville en une peur extrême, d'autant que pour lors elle estoit fort mal garnie d'Espagnols. Pizarre enuoya Pierre de Lerme de Burgos, avec septāte cheuaux, & bō nombre d'Indiens amis, & qui estoient des-jā Chrestiens, pour donner quelque empeschemēt aux ennemis, & qu'ils approchassent si pres de la ville des Rois, puis il sortist avec tout le reste d'Espagnols, qui estoient là. Pierre de Lerme feit bien son deuoir à combattre, & cōtraingnit les Indiens de se retirer en un petit fort au haut d'une mōtagne, & en ce lieu ils n'en eurent esté du tout vaincuz, si Pizarre n'eust point fait sonner la retraicte. En ceste rencontre, il y eut un Espagnol de cheual tué, & plusieurs autres blesez, & le Capitaine de Lerme eut les dēts rompues. Les Indiens rendirent de grandes graces au Soleil, & ce qu'ils auoient eschiappé vn peril si eminent, & firent des sacrifices magnifiques, & des offrandes riches, & puis passerēt leur cāp en une autre mōtagne pres la ville des Roys, & n'y auoit que la riuere estre-deux, où ils furēt dix iours escarmouchās continuellement avec les Espagnols seulement: car n'en vouloient point aux autres Indiens. Aussi



plusieurs Indiens Chrestiens, seruiteurs des Espagnols, alloient manger sur iour avec les ennemis & mesme combattoient avec eux cōtre leurs mestres, & s'en retournoient de nuit coucher en ville.

*Le secours qui vint de plusieurs parts, à François Pizarre.* Chap. 136.

Pizarre se voyant assiegé, & auoir perdu quatre cens Espagnols, & deux cens cheuaux, eut vne merueilleuse peur de furie, & du grand nombre d'Indiens, & encore pensoit qu'ils eussent tué Chili Diego d'Almagro, & ses freres en la ville de Cuzco. Il enuoya dire à Alphonse d'Aluaro qu'il laissast la conqueste des Ciaciapoias, & qu'il vint avecques ses gens le secourir. Il enuoya à la ville de Trusiglio vn nauire, afin que les femmes & enfans, se meissent dedans avec leurs biens, commandant aux hommes abandonner le ville, & se retirer en celle des Roys. Il depescha Diego d'Aluaro avec des vaisseaux pour aller à Panama, Nicaragua & Quahuremallan, & de là amener secours. Il escriuit aux isles de saint Dominique, & Cuba, & à tous les autres Gouverneurs des Indes, touchant le danger où il estoit. Alphonse de Puen Major, President & Euesque de S. Dominique, enuoya sous la charge de son frere Dom Diego, bon nombre d'Espagnols arquebuziers, qui ne faisoient qu'arriuer à Pierre de Veragua. Ferdinand Cortés enuoya de la nouvelle Espagne en vn nauire, Roderic de Grijalua avec forces armes, artillerie, & autres choses necessaires. Le Docteur Gaspar de Spinosa amena de Panama, du Nom de Dieu, & de terre ferme bon

up d'Espagnols. Diego d'Ayala reuint avec grãd  
mbre de gens, qu'il print à Nicaragua, & Qua-  
remallan. Il vint grand nombre d'hommes de  
sieurs parts, & par-ce moyen Pizarre eut en fin  
e belle armee, & eut plus d'arquebuziers que ia-  
is. Encores qu'il n'eust eu grand besoin de tant  
gens pour marcher contre les Indiens, si luy ser-  
ent-ils bien contre Diego d'Almagro, comme  
us dirons si apres, & ainsi il deuina bien à demã-  
tel secours, combien qu'aucuns pour lors repu-  
ent cela à pusillanimité.

*Les batailles que donna Alphonse d'Aluarado contre les  
Indiens, & en fut victorieux. Chap. 137.*

Vssi tost que le Capitaine Alphonse d'Aluara-  
do eut receu les lettres de Pizarre, par lesquelles  
il luy mandoit qu'il le vint secourir, il laissa sa  
nqueste des Ciaciapoias, encores qu'elle fut ja  
encommẽce, & s'en vint à la ville de Trusiglio,  
i estoit le droict chemin pour venir à celle des  
Roys. Il feit demeurer les habitãs qui auoient des-  
enuoyé leurs femmes, & leurs biens dehors, &  
uoloient se retirer vers Pizarre, abandonnans ce-  
ville. Il arriua puis apres à la ville des Roys, res-  
uissant vn chacun, par-ce que c'estoit le premier,  
i venoit au secours. Pizarre le feit son Capitaine  
neral, & en osta la charge à Pierre de Lerme, qui,  
our estre vaillãt, & s'estre biẽ portẽ en ces guerres,  
puta cela à son grand des-hõneur, & ne peut cõ-  
nir sa langue de parler vn peu trop auant. Le Ca-  
taine Aluarado se reposa quelques iours, & puis  
eit en ordre trois cẽs Espagnols, tant de pied, que  
cheual, pour deschasser les Indiens où ils estoient:

& se delibera de ne reposer iusques à ce qu'il le eust deffaict, ruinez, & contrainct de leuer le sieg de deuant Cuzco, ne sçachant encor' rien de ce qu'estoit suruenue entre les Espagnols de par dela. donna vne bataille pres de Paciacama avec Tizoy Capitaine general de Mango Ynga, & encor' dict on que Mango mesme y estoit. Ce fut vne iournee rude, & sanglante: car les Indiens combattoient comme victorieux, & les Espagnols pour vaincre Gomez de Tordoya de Barcarote que Pizarre l'enuoyoit le vint trouuer avec 200. Espagnols Xauca. De là ils marcherent sans aucun empeschement, iusques à Lumiriaca, & au pont de pierre, & là chargerent sur vn grand nombre d'Indiens, qui à ce passage pensoient bien tuer les Chrestiens, ou pour le moins les rōpre. Mais Aluarado, & ses compagnons, encor' qu'ils fussent enuironnez de tous costez, combattirēt de telle vigueur, qu'ils demurerent victorieux, & feirent vne grande boucherie des autres. Ces deux iournees cousterēt la vie à plusieurs Espagnols, & à grād nombre d'Indiens amis qui leur donnoient secours en ces guerres. De Lumiciaca iusques au pont d'Auançay, qui est à soixante mil: ils feirent plusieurs escarmouches, mais elles ne sont dignes d'estre recitees plus amplement. Là Aluarado entēdit les reuoltes, & tumultes de Cuzco, & l'emprisonnemēt de Ferdinād, & Gózalle Pizarre, & s'arresta là, iusques à ce qu'il eust nouveau commandemēt de Pizarre. Sur tel faict, puis que les Indiens, qui auoient assiegé Cuzco, s'estoient retirez, il fortifia ce pendant son camp, pour mieux se tenir sur ces gardes, contre Tizoyo, & Mango, qui



uroient là à l'étour, & aussi se deffiat d'Almagro.  
omme *Almagro* fait prisonnier le Capitane *Aluvarado*,  
& refusa le parti que luy offroient les *Pizarres*.

Chap. 138.

*Almagro* voyant qu'*Aluvarado* estoit en si bon  
nôbre de gens à *Auacay*, cōiectura qu'il estoit  
là, non pour autre occasion, que pour l'affail-  
à ceste cause il se meit en ordre. Et ce pendât en-  
ya par deuers luy pour le sômer, & requerir que  
ust à sortir hors de son gouuernement, ou bien,  
il luy obeist. *Aluvarado* arresta prisonnier *Diego*  
*Aluvarado*, avec autres huit *Espagnols*, qui auoit la  
arge de ceste sommation, ne faisant autre respôce  
ô, que ceste requeste se deuoit faire à *Frâçois Pi-*  
*erre*, & non à luy. *Almagro* voyant que ces gës ne  
uenoiët point, préd vn autre chemin avec son ar-  
ee, pour aller garder *Cuzco*, parce q il sçauoit bié  
il estoit loisible à *Aluvarado* d'aller par vn autre  
té à ceste ville là. Mais cōme il estoit sur tel de-  
rtement, il eut aduertissēmēt, & lettres cōme *Pier*  
*de Lerme* vouloit se retirer avec plus de 60. sol-  
ts de sô costé, pour vn desdain qu'il auoit conceu  
tre *Pizarre*, à raison qu'il luy auoit osté la charge  
capitaine general, & l'auoit dōnee à *Alfôse d'Al-*  
*rado*. *Aluvarado* estât de ce aduerti, le voulut arre-  
r prisonnier: mais il eschappa, & s'ēfuit du cāp sur  
minuit, portât sur soy les promessès de ses amis,  
ub-signees de leur main, n'ayât peu pour lors les  
ener avec soy, parce qu'ô le pressoit de trop pres.  
*Almagro* sçachât q *Gomez de Tordia*, & *Vigililua* &  
tres l'atēdoiët au Pôt, s'y achemina en haste telle  
ent qu'il y arriua à telle heure qu'il faisoit toute

nuict, & enuoya vne bonne partie des siens par  
fleuve, où estoient ceux, qui deuoient se renger  
son party. Le Capitaine Aluarado ayant apperceu  
les ennemis en son camp, commença à combattre  
faisant sonner l'alarme: mais ayant mis plusieurs  
ses gens à garder les passages, qui tendoient à son  
fort, & n'ayant gueres du reste de ses gens en ar-  
mes, par ce que les amis de Pierre de Lerme auoi-  
iecté dedans la riuiere leurs picques, il ne peut sou-  
stenir la charge de son ennemy, & fut prins sans auoir  
cune effusion de sang. Il n'y eut que Roderic Ordo-  
ñez blessé d'un coup de pierre, qui luy rompit les  
dents. Cela fait, Almagro rassembla son armee,  
s'en retourna à Cuzco. Tous ses gens estoient si br-  
ues, & hautains de ceste deffaiete, qu'ils se vantoient  
de ne laisser au Peru aucun Pizarre, & qu'ils en-  
uoyeroient François Pizarre gouverner les Mar-  
glaires de la coste. Almagro vsa de sa victoire cou-  
toisement, combien qu'on vueille dire qu'il traita  
mal ses prisonniers. François Pizarre, qui s'en allo-  
auec six cens Espagnols, pour leuer le siege de de-  
uant la ville de Cuzco, receut à Nasca les nouue-  
les de tout ce que nous auons dict cy dessus, & eut  
vn grandissime plaisir. Il s'en retourna à la ville  
des Roys pour se pourueoir, & se mettre en mei-  
leur equippage, s'il failloit d'auenture par vne ba-  
taille mettre fin à ses guerres ciuiles. Car il voyoit  
son compétiteur, & aduersaire, hardi & courageux  
& accompagné de grand nombre d'Espagnols. Com-  
pendant qu'il dresseoit son armee, il tascha à faire  
quelque accord par quelque bonne voye, disant  
qu'un meschât accord estoit encor meilleur qu'un

ataille heureuse, & prospere : & pour cest effect  
nuoya vers Almagro le docteur Gaspar de Spino-  
, qui les accorda en ceste façon qu'en premier lieu  
sussent amis & qu'Almagro deliurast de prison  
erdinand, & Gonzalle Pizarres, & Alphonse d'Al-  
arado, & qu'il demeurast gouverneur de Cuzco,  
usqu'à ce que l'Empereur eust limité les gouverne-  
ens de l'un & de l'autre. Mais le docteur de Spi-  
osa mourut en negotiant cest accord, pronosticât  
sa mort la destructiô, & perte de ces gouverneurs:  
ui fut cause qu'Almagro s'appuyant sur ses forces,  
refusa par le conseil de ceux qu'il auoit à l'entour de  
uy, ce parti, disant que c'estoit à luy de donner la  
oy ce pendant qu'il auoit l'heur par deuers luy, &  
on pas de la receuoir d'aucun. Il laissa Gabriel de  
oias pour garder Cuzco, & luy laissa en garde les  
risonniers: & quand à luy, menant avec soy Ferdi-  
nd Pizarre, s'en alla avec son armee, emportant  
avec soy le quint du reuenu de l'Empereur, sur la  
oste de la mer, où il bastit vne ville, & la peupla au  
edans de la iurisdiction de la ville des Roys, com-  
ne prenant possession d'icelle par ce moyen, & feit  
amper toute son armee à Cinca.

*Comme Almagro, & Pizarre se veirent à Mala, &  
parlemerent ensemble sur le fait d'accord.*

*Chap. 139.*

Pizarre ayant entédu tout ce que dessus, feit son-  
ner le tabourin en la ville des Roys, doubla la  
paye à ses soldats, & leur feit de grands aduantages,  
& par ce moyen assembla plus de sept cehs Espa-  
nols avec bô nôbre de cheuaux, & d'arquebuziers  
ui faisoient plus estimer son armee. Vne grande



partie de ces soldats estoient venuz là, estans appelez de plusieurs endroiçts pour secourir la ville de Cuzco contre les Indiens, & l'autre estoit de ceste mesme ville des Rois. Il feit capitaines des arquebuziers Nugno de Castro, & Pierre de Veragara qu'il auoit amené de Flandres, où il s'estoit marié, & des piquiers Diego de Urbina, & des cheuaux Diego de Roias, & Peranzures, & Diego de Mercadiglio, & pour sergét maieur il feit Antoine de Viglialua. Comme il estoit sur cest aprest, Gonzalle Pizarre, & Alfonse d'Aluarado arriuerent, lesquels il feit capitaines generaux, son frere de l'infanterie, & l'autre de la caualerie. Ces deux cy auoiét esté pris par Almagro. Mais estans mis prisonniers à Cuzco subornerent enuiron cinquante soldats de leur garde avec leur ayde sortirent de la prison, & puis osterent les cordes des cloches, affin qu'on ne sonnast point l'alarme pour courir apres eux, & s'enfuyrent avecques ces cinquante à course de cheual, amenans avecques eux prisonnier Gabriel de Roias. Pizarre publioit qu'il faisoit ceste assemblee pour se defendre seulement, comme estant prouoqué. Il voulut bien encore accorder par le conseil de plusieurs Almagro aussi de sa part fut content de tóber d'accord, & pour en venir à bout, enuoya cent procuration ample Dom Alfonse Enriquez. Diego de Mercado son facteur, & Iean de Cuzman, lesquels parlerent à Pizarre, qui remeit tout son differend en l'arbitre de François de Bouadiglia, Provincial de l'ordre de la Pieté, & eux aussi se rapporterent de tout à frere François Lufando. Ces deux resolurent qu'Almagro deliurast Ferdinand

Pizarre, & rendre la ville de Cuzco, que tous deux  
époussent leurs armées & enuoyassent leurs soldats  
aux nouuelles conquestes, & qu'ils escriussent à  
l'Empereur de leur différent & qu'ils se veissent, &  
parlassent ensemble à Mala entre la ville des Rois  
& celle de Cinca, n'estant chacun deux acôpaigné  
que de douze cheuaux, & que les deux religieux  
ussent presens. Almagro dict qu'il estoit bien aise  
de se voir avecques Pizarre, encore que la resolu-  
tion de ces deux moines luy semblast dure. Suiuant  
c'est accord avec douze cheuaux seulement, & de-  
uant que partir il commanda à son capitaine gene-  
ral Roderic Ordognez de se tenir prest avec son ar-  
mée, & s'il voyoit que Francoys Pizarre voulust fai-  
re quelque force, qu'il tuast Ferdinand son frere, le-  
quel pour ceste cause, il laissoit en sa puissance. Pi-  
zarre s'en alla au lieu deputé en mesme equipage.  
Almagro partant derriere tout son camp avecques Gonzalle  
son frere. Ce Gonzalle se cacha bien pres de Mala.  
Almagro commanda au capiraine Nugno de Castro de  
se cacher avec ses quarante arcubuziers dedans  
des hautes cannes, qui estoient pres le chemin par  
lequel Almagro deuoit passer. Si ceste entreprise fut  
faite avec la volonté de François, ou sans icelle,  
il n'est point à dire, car on n'en sçait rien. François Pizarre arri-  
ua le premier à Mala, & aussi tost qu'Almagro y fut  
arrivé ils s'embrasserent l'un l'autre, monstrans si-  
gnes de grande ioye, se gaudißans l'un l'autre avec  
des rolles de plaisir, mais deuât qu'ils vinsent à pour-  
suer de leurs affaires vn quidam de la cōpagnie  
de Pizarre s'approcha d'Almagro, & luy dit en l'o-  
reille qu'il se retirast incontinent de là autant qu'il

aymoit sa vie: Almagro montant aussi tost à cheue  
s'en partit, & s'en retourna sans parler aucun mo  
depuis. En s'en retournant, il apperçut l'embusc  
de ces arquebuziers, & lors creut que ce que l'aut  
luy auoit dict, estoit vray. Il se compleignoit gran  
dement de François Pizarre, & de ses freres, & tou  
les siens disoient que depuis Pilate en ça ne s'esto  
prononcee vne sentence plus iniuste. Pizarre, en  
cor' qu'on le conseillast de l'arrester prisonnier,  
laissa toutesfois aller, disant qu'il estoit venu sur  
parole, & se deschargea le plus qu'il peut, qu'il n'  
uoit point commadé à son frere de dresser vne tel  
embuscade, & qu'encor' moins auoit-il subor  
ses freres.

*La prinse d'Almagro. Chap. 140.*

**E**Ncor' que ceste veuë, & ces accollades eusse  
esté faictes en vain, & qu'elles eussent causé  
d'vne part que d'autre plus grande indignation,  
est-ce toutesfois qu'il n'y eut point faulte d'autr  
personnes qui incontinent sans passion aucu  
s'employeroient de les accorder. En fin Diego d'A  
uarado les accorda en ceste façon: qu'Almagro d  
liureroit Ferdinand Pizarre, & que François Piza  
re luy donneroit quelques vaisseaux, & vn po  
seur pour enuoyer librement en Espagne ce q  
bon luy sembleroit, qu'ils ne feissent rien l'un co  
tre l'autre iusques à ce qu'on eust receu nouue  
mandement de l'Empereur. Almagro suiuant c  
accord deliura aussi tost Ferdinand Pizarre sur  
serment, & sur sa parole, à la priere & requeste  
Capitaine Diego d'Aluarado, encor' qu'Ordogn  
l'empeschast fort, par-ce qu'il auoit conceu en l



prit vne meschante opinion du naturel selon de  
erdinand Pizarre, & mesme Almagro s'en repen-  
t, & l'eust bien voulu retenir. Mais c'estoit trop  
ard, & tous disoient que cestuy-cy renouelleroit  
outes les dissentions & renuerseroit tout sans des-  
s dessous. Ils ne furent point menteurs : car aussi-  
tost qu'il fut mis en liberté, on vid de grâds & nou-  
eaux remuemens. Mesme François Pizarre, n'al-  
loit point droitement en ces appointemens, par ce  
qu'ayant jà receu des lettres patentes de l'Empe-  
reur, par lesquelles il commandoit qu'un chacun  
eust à s'arrestier aux lieux de leur gouvernement  
sans entreprendre rien l'un sur l'autre, se voyant a-  
voir en liberté son frere ( par le conseil mesme du-  
quel il faisoit cecy) requist Almagro que suiuant ces  
lettres il eust à vider le pays qu'il auoit descou-  
uert, & peuplé, puisque ce nouueau mandement de  
l'Empereur estoit venu. Almagro fait responce, a-  
pres auoir leu ces patentes, qu'il accomplissoit le  
contenu d'icelles, en demeurant paisible à Cuzco,  
& autres villes que pour le present il possedoit sui-  
uant le commandement & volonté de l'Empereur  
portée par ces lettres, suyuant mesme lesquelles, il  
requeroit, protestoit, & prioit Pizarre qu'il le lais-  
sast demeurer en paix, & qu'il ne la broüillast en sa  
rouiissance. Pizarre repliquoit qu'apres auoir peu-  
plé & rendu paisible Cuzco, l'autre luy auoit en-  
leuee par force, & que ceste ville estoit en sa iuris-  
diction, & du gouvernement du nouueau Royau-  
me de Toledé, & que partant il luy laissast, & se re-  
tirast, & s'il n'en vouloit rié faire, qu'il l'en deschas-  
seroit sans autrement rompre le serment qu'il auoit

fait puis que le temps de l'appointement estoit fin  
 par le moyen du nouveau mandement qu'on auoit  
 apporté de l'Empereur. Almagro fut resolu en  
 premiere responce. Pizarre voyant cela fait ma-  
 cher tout son ost vers Cinca sous couleur de vou-  
 loir chasser seulement ses aduersaires de ce lieu, qui  
 notoirement estoit de son gouuernement, menant  
 pour son conseil, & pour capitaine son frere Ferd-  
 nand. Almagro ne voulant combattre préd le che-  
 min de Cuzco, & commande qu'on le suyue. Pour  
 abreger son chemin il passe, & traaverse de mauua-  
 passages, & s'arreste à Guaytara, qui est vne monta-  
 gne fort haute, roide, & aspre. Pizarre ayant plu-  
 grand nombre d'hommes, & meilleurs soldats le  
 poursuit viuement. Ferdinand avec les arquebu-  
 ziers gaigne de nuict ceste montagne ayant forcé le  
 passage. Almagro, qui pour lors estoit malade se  
 met en fuitte, & laisse derriere Ordognez avec com-  
 mandement de se retirer le mieux, & le plus sage-  
 ment qu'il pourroit sans combattre aucunement. Il  
 fait comme on luy auoit commandé, encores que  
 Christofle de Sotto, & autres disoient qu'il eust  
 mieux fait de liurer la bataille aux Pizarres, qui se  
 refroidirent en la montagne: parce que c'est vn ac-  
 cident ordinaire aux Espagnols, qui de nouveau e-  
 stans sortis des villes, & campagnes chaudes, & v-  
 de là aux môtagnes froides, & couuertes de neiges  
 se gellent & enfroidurent incontinent, tant est gran-  
 de la mutation, qui se fait en si peu de distance de  
 pays. Ce mal, qui aduint aussi aux Pizarres fut cause  
 que Almagro eut loisir de se retirer avecques tous  
 les gens à Cuzco, où il fait aussi tost rompre les

ports, faire battre des armes d'argent, & de bronze, faire fondre des arquebuzes, & autres canons: fait enuillailler, & munir la ville, & la fortifia de quelques fosses. Pizarre pour l'inconuenient, qui aduint à ses gens, comme i'ay dit, fut contraint de reprendre la plaine, & de là s'en alla en deux mois à la ville des Roys, sous pretexte de vouloir restablir, & remettre en leurs biens quelques habitans de là, & autres voisins, qui auoient esté pillés par Almagro, & de leur faire quelques nouueaux departemens pour leur donner moyen de plus aisément se rauoir, & ce pendant enuoya son camp deuant Cuzo sous la conduite de Ferdinand Pizarre, grand Preuost, estant son frere Gonzalle capitaine general. Ferdinand doncques s'en alla à Cuzco, par vn autre chemin, que celui qu'auoit tenu Almagro, & y arriua le vingtsixieme d'Auril 1538. Almagro voyant venir ses ennemis avec vne telle resolution, mit tous ceux qui estoient affectionnez au party de Pizarre, dedans deux fosses, où quelques vns se stouferent pour estre trop presseés, & enuoya au deuant Roderic Ordognez avec tous ses gens, & grand nombre d'Indiens: parce qu'il n'y pouuoit estre, estant deuenu trop foible à cause de sa maladie. Ordognez se campa sur le grand chemin Royal entre la ville, & les montagnes à la riue d'un petit lac, ou paluz, & fit asseoir son Artillerie en lieu propre, & rangea ses cheuaux en vn autre lieu sous les capitaines François de Ciaues. Vasco de Guevara, & leun Tello, & enuoya vers les montaignes grand nombre d'Indiens, accompagnez de quelques piétons Espagnols, qui deuoient donner secours à la



partie la plus foible, & qui seroit en danger : Ferdinand apres que la Messe fut dite se retira de la campagne marchant tousiours en ordre de bataille, avec deliberation d'aller prendre vn hurt, & coster qui commandoit à la ville, pensant que ses ennemis ne l'attendroient, ayant en son camp si grand nombre d'hommes comme il auoit : mais voyant qu'ils ne bougeoient, & ne s'esbranloient aucunement, & qu'ils faisoient contenance de ne vouloir refuser le choc, enuoya dire au capitaine Mercadaglio, qu'avec ses cheuaux il gaignast le dessus, ou bien qu'il tirast contre les Indiens de l'ennemy, ou qu'il se tint prest à donner secours en quelque endroit, & dit à ses Indiens qu'ils tirassent contre les autres Indiens, & ainsi se commença la bataille, qu'on surnomme des Salines, à deux mil de Cuzco. Les arquebuziers de Pierre de Vergara entrerent dedans le paluz, & desseirent & meirent en route vne compagnie de gens de cheual des ennemis, qui apportèrent vn grandissime detrimet au camp d'Ordognez. Lequel voyant le danger si eminent, feit à propos delascher vne piece d'artillerie qui tua cinq Espagnols, & intimida les autres. Mais Ferdinand le encourageoit avec belles paroles honestes, & selon les occasions qui se presentoient, & commanda aux arquebuziers de tirer contre les picquiers, qui auoiēt leurs picques enuenimees, qui par ce moyen furent ouuerts, & y eut plus de cinquante de leurs picques rompues, ce qui esbrâla fort la partie d'Almagro. Ordognez feit signe que tous choquassent ensemble pour rompre l'ennemy de force, mais comme les siens s'amusoient trop, il picqua deuant

auc

avec son esquadron seulement, tirant droict à Ferdinand, qui pour lors menoit le costé gauche de son camp avec le Capitaine Alphóse d'Aluarado: il enfonça avec sa lance deux Espagnols, & puis tira vne estocade contre vn seruiteur de Pizarre, pésant que ce fust le maistre, & luy meit l'estoc par la bouche. Ordognez faisoit merueilles de sa personne, mais cela dura peu, par-ce que, comme il couroit deuant tous autres de sa troupe, il fut frappé au frót d'un coup d'arquebuze, qui en fin luy feit perdre la force, & la veuë. Ferdinand, & Alphonse assaillirent les ennemys en flanc, & en ietterent par terre cinquante, & la plus grand' part avec les cheuaultx. Ce pendant que ceux-cy combattoient, les autres troupes d'Almagro chargerent par vn autre costé sur Gonzalle Pizarre, & ainsi tous ensemble combattirent, comme Espagnols brauement, & d'un grand courage. Mais les Pizarres furent les victorieux, & meruerent cruellement de leur victoire, reietans tous-fois la coulpe sur les vaincüz, qui au pont d'Ançay, encor' qu'ils fussent en petit nombre, neantmoins se vouloient venger, Ordognez estant reduict à si petit nombre, qu'il ne luy restoit plus à l'en-  
tour de luy que deux hommes de cheual, il vint à terre, qui le ietta en terre, & le tua. Le Capitaine Ruy Diaz print l'autre, & le monta en croupe derriere luy: mais vn autre luy donna vn coup de lance, dont il mourut sur le champ. Il y en eut ainsi beaucoup d'autres tuez apres n'auoir plus d'armes. Samaniego tua de nuit, & en son liét le Capitaine Pierre de Arme. les Capitaines qui moururent en combat furent, Mascofo, Salinas, Fernand Aluarado, &

tant d'Espagnols : que si les Indiens , comme ils uoient bien pourpensé , eussent donné sur le pied d'hommes qui restoit quasi tous blesez , ils eussent aisément venus à bout. Mais ils s'amuserent à despoiller les morts , & ceux qui estoient torbez en terre , les laissant aussi nuds comme quand ils nasquirent , & puis se ietterent sur les tentes pour les enleuer , & tout ce qui estoit dedas , n'estans gardées de personnes , parce que les vaincuz s'enfuyoient & les victorieux poursuioient. Almagro pour son indisposition ne se trouua point au combat , regardoit la bataille d'un lieu hault , & quand il vit les siens vaincuz , il se retira dedans la forteresse de Gonzalle Pizarre , & Alphonse d'Aluaro le poursuivirent , le prindrent , & le mirent prisonnier dans la mesme prison , en laquelle il les auoit mis.

*La mort d'Almagro. Chap. 141.*

**P**AR le moyen de ceste victoire , & de la prison d'Almagro aucuns s'enrichirent , & les autres s'appauurirent , par ce que telle est l'usage de la guerre , mesmement quand elle est ciuile , par laquelle elle se fait entre mesmes bourgeois , voisins , & parens. Ferdinand Pizarre se fit maistre de la ville de Cuzco sans contredit , non sans toutefois que quelque murmure : il fit presens seulement à quelques vns , parce qu'il luy estoit impossible de donner à tous , mais encor' ce qu'il donnoit estoit petit pris de ce qu'un chascun , qui auoit esté en la bataille , pretendoit. Et pour ceste cause voulant prevenir à quelque mutination qui se pourroit ensuiuir , il enuoya la plus grande part de ses soldats pour commander en plusieurs pays , esquels ils se peussent to



enrichir, & entre autres n'oublia à y enuoyer ceux qu'il pensoit fauoriser à Almagro, pour s'oster de tout danger. Ce pendant il feit instruire le proces contre Almagro, donnant à entendre, que ce qu'il en disoit, n'estoit que pour l'enuoyer prisonnier à la ville des Roys, & de là en Espagne, & que mesme il le constitueroit prisonnier avec luy: mais ayât entëdu que Messa, & plusieurs autres se deuoient trouuer sur le chemin pour l'enleuer quand on l'emmeneroit, pour se deliurer de tels rumeurs, soit qu'auparauant il en eust la volõté, il le iugea à mort. Les charges, & crimes, desquels on le chargeoit, estoient: qu'il estoit entré en la ville de Cuzco avec main forcée, qui fut cause de la mort de plusieurs Espagnols: qu'il auoit comploté avec Mango Ynga contre les Espagnols: que sans auoir puissance del'Empereur, auoit departy des terres à aucuns, & en auoit spoliés autres: qu'il auoit rompu les trefues, & faulx son serment: qu'il auoit osé resister à la iustice de l'Empereur à Auançay, & aux Salines. Il y auoit encore beaucoup d'autres causes que ie tais, parce qu'elles n'estoient pas si criminelles. Almagro fut touché griefuement au cœur par ceste sentence, & quelques paroles de tresgrande compassion, qui faisoient pleurer les yeux mesmes des plus durs. Il se presenta à l'Empereur: mais Ferdinand, encor' que plusieurs l'en prièrent, ne voulut acquiescer à l'appel. Almagro mesme le pria, que pour l'amour de Dieu il ne le feist point mourir, luy remõstrât cõme il auoit esté si rigoureux en son endroit lors, qu'il estoit en sa puissance: qu'il n'auoit voulu espãdre le sang de son parët, & amy: qu'en outre il considérast

côme il estoit cause que son frere trescher François Pizarre estoit parvenu à tel degré d'honneur, & telles richesses, qu'il eust pitié de sa vieillesse, de son imbecillité, & de sa maladie, qu'il reuouquast sa sentence par le moyē de l'appel, & qu'il le laissast vivre un peu de temps qu'il luy restoit, en quelque prison honeste, où il pourroit pleurer ses pechez. Ferdinand fut totalement dur à ces parolles, qui eussent fait plier vn cueur d'acier, & disoit qu'il s'esmerueilloit comme vn homme si courageux auoit tant de peur de mourir. Almagro repliqua que puis que Iesus Christ en auoit eu peur, qu'on ne deuoit trouuer estrange si il en auoit peur, mais qu'à la fin il se conforteroit sur le peu de iours que son aage aussi bien luy laissoit. Il fut longuement sans vouloir entendre à se confesser, pensant par là prolonger sa vie, puis que par autre moyen il ne pouuoit. Mais fin voyant que pitié aucune ne pouuoit trouuer place en cest homme si cruel, se cōfessa comme vn bon Chrestien, & fit courageusement son testament, laissant ses heritiers le Roy, & son fils Dom Diego. Il ne vouloit aucunement consentir à la sentence de peur de l'exécution. Ferdinand aussi ne vouloit encor moins admettre son appel, craignant qu'elle fust cassée par le conseil des Indes, & attendant que son frere François luy auoit mandé d'ainsi faire. A la fin Almagro aquiesça à la sentence avec courage grand, disant: qu'on me deliure de ceste prison, & que ce cruel, & second Neron se souleue sur mon sang. Il fut estranglé en la prison, par la prière de plusieurs, & puis on le decapita publiquement en la place de Cuzco l'an 1538. Plusieurs Espagnols

receurent vn grandissime desplaisir par sa mort, & leur feit grãd faulte. Apres le fils il n'y en eut point qui eust plus grand desplaisir de sa mort, que le Capitaine Diego d'Aluarado, qui festoit obligé de parole à luy, pour celuy qui l'auoit faict mourir, & auoit esté cause qu'il auoit deliuré de prison, & de mort Ferdinand, duquel toutefois iamais pour ce faict ne peut tirer aucune douceur encor' qu'il l'en priaist trefaffectueusement. Estant ainsi, non sans cause fasché, s'en alla incontinent en Espagne se plaindre de François Pizarre, & de ses freres, & redemãder la parole, & le sermēt qu'il luy auoit baillée, & aussi pour obtenir congé de l'Empereur de le desfier, & le combattre. Mais ce pendant qu'il poursuiuoit ceste affaire, il mourut à Valladolid, où pour lors estoit la Cour, & parce qu'il mourut en trois iours, aucuns veulēt dire qu'il fut empoisoné. Diego d'Almagro estoit natif d'Almagro, iamais on ne peut sçauoir à la verité, q fut son pere, encor' qu'on aye faict grande diligence. On disoit qu'il estoit prestre, il ne sçauoit lire, il estoit courageux, fort diligent, ayment sur tout l'honneur, & estre en reputation. il estoit tref-liberal, mais estoit accompagné d'une vaine gloire: car il vouloit qu'un chascun sçeust ce qu'il donnoit, & à cause de sa liberalité il estoit aimé des soldats: quelquefois il les chatoit aigrement, tantost avec paroles rigoureuses, tantost avec la main: il quitta à quelques debtours qu'il auoit, qui le suiurent en la prouince de Chili plus de cent mille ducats, rompant leurs obligations, & scedule: qui fut vne liberalité plustost digne d'un Prince q d'un soldat. Mais quand il mou-



rut, il n'y eut aucun, qui daignast mettre sous ses genouls vn drap pour receuoir sa teste, tellement qu'il sembla à sa mort aussi meschant qu'il auoit esté durant sa vie doux & gracieux, n'ayant iamais voulu faire mourir aucun, qui fut des Pizarres. Il ne fut iamais marié, mais eut vn fils d'une Indienne de Panama, qui eut vn mesme nom, & fut bien instruit, mais finit mal, comme nous dirons cy apres.

*Les conquestes, qui furent faictes depuis la mort  
d'Almagro. Chap. 142.*

**P**ierre de Valdiuia s'en alla avec bon nombre d'Espagnols continuer la conqueste de Chili. Quant qu'Almagro auoit encommencee, il peupla en ce pays, & commença à negotier avec les habitans Indiens, qui l'auoient receu paisiblement avec vne ruse, & finesse toutesfois. Car aussi tost qu'ils eurent recueilly leur grain, & leurs autres prouisions s'armerent, & chargerent sur les Chrestiens, & en tuerent quatorze, qui alloient dehors au fourrage. Valdiuia sort dehors pour donner secours, laissant en la ville la moitié de ses gens sous François de Villagran, & Alphonse de Monroy. Ce pendant huit mille Chilesiens viennent assaillir la ville, la voulant forcer, & contraignirent Villagran, & Monroy de sortir avec trente cheuaux seulement, & quelques gens de pied. Là fut combattu d'une part, & d'autre asprement depuis le matin iusques à ce que la nuit les eust separez. Tous deux estoient contents d'une telle bataille: les Indiens de ce qu'ils auoient rendu les nostres foibles par vn si long combat, & en auoient blessé beaucoup avec leurs

leches : les Espagnols aussi se resiouissoient de la grande boucherie qu'ils auoient faicte de ces Indiens. Ny pour cela toutesfois n'abandonerent-ils leurs armes, ains faisoient continuellement la guerre aux Espagnols, & ne leurs laissoient aucun Indien de seruice : tellement que noz gens estoient contraincts eux mesmes labourer la terre, semer, & faire toutes telles autres choses necessaires. Avec telle peine, & fatigue si ne laisserent-ils pourtant à descourir plusieurs pays le long de la coste de la mer, & par tels descouuremens entendirent qu'il y auoit bien pres de là vn Roy, nommé Leucengolma, qui mettoit ordinairement en bataille contre vn autre Roy son voisin, & ennemy, deux cens mille combattans, & que ce Leucengolma auoit vne Isle non trop loing de son pays, en laquelle y auoit vn tres-grand temple seruy par deux mille prestres, & qu'un peu plus auant estoit le Royaume des Amazones, desquelles la Royne s'appelloit Guanomilla, c'est à dire, ciel d'or, qui donnoit vn argument à quelques vns de penser que ce Royaume estoit opulent, & riche, mais toutesfois, puis qu'il estoit situé, comme on dit, à 40. degrez, qu'il n'estoit gueres pourueu d'or. Mais quant à moy ie croy que ce n'est qu'une fable controuuee à plaisir, puis que depuis le temps on n'a encor sceu veoir ces Amazones, ny aucun or de ce pays, encor moins Leucengolma, aussi peu son Isle qu'ils surnommoient de Salomon, pour sa grandissime richesse. En mesme temps que Valdiuia feit ceste conqueste, le capitaine Gomez d'Aluarado s'en alla cōquerir la prouince de Gua-

nuco, & François de Ciaues alla guerroyer les Con-  
 cinquiens, qui molestoient la ville de Trusiglio, &  
 les autres peuples de là à l'entour, qui auoient d'  
 coustume de porter tousiours en leur armee vn  
 drole, auquel ils offroient les despouilles de leur  
 ennemys, & mesme du sang des Chrestiens. Pierre  
 de Vergara s'en alla en Bracomorie, qui est vn pay  
 pres Quito vers la Tramôtane. Iean Perez de Ver-  
 gara s'en alla vers les Ciaciapoians, Alфонse de Me-  
 cadiglio à Mulubamba, & Pierre de Candie au des-  
 soubz de Collao. Mais cestuy-cy ne peut entrer au  
 pays, où il alloit pour la meschanceté du pays, ou  
 bien à cause de ses gens, desquels la plus part se mu-  
 tina l'un contre l'autre, par ce qu'il y en auoit au-  
 cuns amis d'Almagro, entre autres Messa, qui auoit  
 esté autrefois maistre de l'artillerie de Pizarre. A  
 cause de ce tumulte Ferdinand Pizarre fut con-  
 trainct y aller, il feit decapiter le capitaine Messa  
 comme autheur de la mutinerie, & aussi par ce qu'  
 il auoit mal parlé de luy, & de ses freres, & qu'il a-  
 uoit voulu deliurer Almagro si on l'eust mené à la  
 ville des Roys. Il donna les trois cens soldats de  
 Pierre de Candie au capitaine Peranzures, & l'en-  
 uoya au mesme pays. Voila cōment les Espagnols  
 pour lors se despartirent, & conquererent plus de  
 2200 mil de pays en longueur de Leuant en Pon-  
 nent avec vne admirable diligence, & promptitu-  
 de, non sans toutesfois endurer de grands traux,  
 & perte de plusieurs soldats. Ferdinand, & Gon-  
 zalle Pizarre subiuguerent alors Collao, qui est vn  
 pays fort abondant en or, aussi par dedans reuestent  
 ils leurs temples d'or depuis le hault iusques en



bas, & est bien pourueu de grands moutons, qui ressemblent toutesfois aux chameaux de la croix, aussi diriez vous que ce fussent plustost cerfs. Ceux qu'ils appellent Vacos, portent vne laine fort fine: ils peuvent porter sur le dos vne somme de cinquante à cent liures, & mesme ils portent les personnes, qui vont par pays, mais ils vont trop pesamment, chose possible contraire à l'impatiente cholere des Espagnols : quand ils se lassent, ils tournent la teste vers celuy, qui est monté dessus, & iettent vne eau puante, & s'ils se lassent par trop, ils se laissent tomber en terre, & ne se veulent leuer, encor qu'on les tuast à coup de bastons, iusques à ce qu'on les ayt deschargez entierement. Les habitans de Collan viuent plus de cent ans, ils ont faulte de may, & au lieu mangent certaines racines, qui ressemblent à des truffes, ils les appellent Papas. Ferdinand Pizarre de là s'en retourna en la ville de Cuzco, où il vit François son frere qu'il n'auoit encor veu depuis le temps qu'ils se veirent vn peu deuant qu'Almagro fut prisonnier. Ils communiquerent là ensemble de tout ce qu'ils auoient fait, & particulièrement des affaires du gouuernement : ils resolurent que Ferdinand pour tous deux iroit en Espagne prendre raison à l'Empereur de tout, portant le profit d'Almagro, & le reuenue des Quints Royaux, & le rapport de toutes les conquestes qu'ils auoient faites, & combien elles pouuoient fournir de reuenue. Leurs amis, qui sçauoient la verité de tout ce qui s'estoit passé, conseillerent à Ferdinand de ne pas aller en Espagne, disans qu'ils ne sçauoiēt en quel part, bonne ou mauuaise, l'Empereur prendroit

la mort d'Almagro, mesmement que le capitaine Diego d'Aluarado estoit allé en Cour pour se plaindre d'eux, & qu'ils pouuoient plus seurement, & mieux negotier leur affaire ne bougeât, qu'en Espagne. Ferdinand au contraire disoit que l'Empereur luy deuoit rendre grandes graces pour les infinis seruices qu'ils auoit faits à sa maiesté, & specialemēt pour auoir appaisé ce pays en chastiant par iustice celui qui l'auoit mis en trouble. A son departemēt il pria son frere François Pizarre qu'il ne se fiast à aucun Almagriste, nommément à ceux qui allerent avec luy à Chili, par ce qu'il les auoit trouuez fort constans en l'amour qu'ils auoient tousiours porté à Almagro, & l'admonesta de prédre garde qu'ils ne fussent iamais ensemble, par ce qu'ils le tueroiēt, comme il auoit sceu de cinq qu'il auoit trouuez ensemble, deliberans par quels moyens ils le pourroient tuer. Sur cela il print congé de son frere, & s'en vint en Espagne à la Cour avec vne grande pompe, monstrant vne grande richesse, mais il ne fut gueres là qu'aussi tost on ne le menast de Valladolid prisonnier à la forteresse de Medine du Châp. d'où il n'est point encor' sorti.

*L'entree que feit Gonzalle Pizarre au pays de la Canelle.*

*Chap. 143.*

**E**Ntre autres affaires, desquelles Ferdinād auoit charge de traitier avec l'Empereur, estoit d'impetrer le gouuernement de Quito pour son frere Gonzalle. Et sur vne assurance qu'auoit François Pizarre que l'Empereur ne le refuseroit point, il feit ledict Gonzalle gouuerneur de ladicte Prouince. Aussi tost qu'il eut ce gouuernement, il arma

les despens, & de ses cōpagnons 200. soldats Espagnols, & cent cheuaux pour s'y en aller, & de là gagner le pays, qu'ils surnommoient la Canelle. Ils emploierent à ceste despenſe iusques à cinquante mille caſtillans, deſquels ils emprunterent la plus grãd ſomme. En exploictãt ſon chemin il eut quelques rencontres avec les Indiens, & apres arriua à la ville de Quito, & là reforma quelques choſes, qui touchoient ſon gouuernement, & amassa des prouiſions pour ſon camp, il ſe fournit d'Indiens de ſeruiſe pour porter la ſomme, & autres choſes neceſſaires à ſes gens, & s'ë alla faire la cōqueſte de la Canelle, laiſſant à Quito pour ſon lieutenant Pierre de Puellès avec plus de 200. Eſpagnols. Il vena avec ſoy cent cinquante cheuaux avec 4000 Indiens, & faiſoit mener pour la prouiſion de ſon ap trois mille moutõs, vaches, & porceaux. Il chemina iusques à Quixos, qui eſt vers la Tramontane & eſt la derniere ville que Guaynacapa poſſedoit: il eut grand nōbre d'Indiens, qui comparurent deuant luy avec cōtenance de cōbattre, mais auſſi toſt eſuanouiſſoient. Ce pendant qu'il eſtoit là, il ſuruint vn grand tremblement de terre, qui engloutit plus de 60. maiſons, & la terre s'ouurit en pluſieurs lieux. Il aduint auſſi tant de tōnerres, & deſclairs, & grande abondance d'eau celeſte, & de greſle que les gens en eſtoient tous eſtonnez. Gonzalle puis apres paſſa certaines mōtagnes, où pluſieurs de ſes Indiens demeurerent gelez de froid, & encore oultre le froid, la famine les tourmẽtoit: il cōtinua ſon chemin en grande diligẽce iusques à Cumaco, qui eſt ſitué ſous vne mōtagne qui iette le feu à ſõ ſom-



#### 4. LIVRE DE L'HIST.

met. Ce lieu est bien pourueu de toutes prouisiôs: il demeura là deux mois, durant lesquels ne se passa iour qu'il ne pleut tellement que leurs habillemens deuindrēt quasi tous pourris d'humidité. En ce lieu de Cumaco, & à ses enuiron, qui est sous, ou bien pres de l'equinoxial, est la canelle qu'ils cherchoiēt. L'arbre, qui la porte, est grand, & a ses fueilles comme celle de laurier, & porte de petits goblets, comme sont ceux, qui couurent le gland. Ses fueilles, ses coupeaux, son escorce, & racine, & son fruit ont le goust de canelle, mais ces goblets sont les meilleurs. Il y a de grandes montaignes couuertes de ces arbres, & les habitans de ce pays en plantent grand nombre en leurs iardins, & cloz, & à l'entour de leurs maisons pour vendre ceste espicerie, de laquelle se faiēt grand trafic en ce pays. Les habitans vont tous nuds, & se lient leur membre avec vne corde, laquelle ils ceignent à l'entour du corps. Les femmes sont pareillement toutes nuës, sinon qu'elles couurent leur nature avec vn petit drapeau. De Cumaco ils s'en allerent à Coca, où ils reposerent cinquante iours, & prindrent amitié avecques le Seigneur de là. Ils suiuirent le courant de la riuere qui passe par là, & feirent bien cent cinquante mil de chemin sans trouuer pont ne passage: ils veirent comme ce fleuue faisoit vn sault de deux cens stades de haut avec vn tel bruiēt qu'il rendoit les personnes sourdes, ce qui estonna grandement nos gens. Ils trouuerent au dessus de ce sault vn canal faiēt de pierre large de vingts pieds, par lequel passoit ce fleuue, qui auoit bien en profondeur 200 autres stades. Les Espagnols feirent vn pont dessus

ce canal, & passerent de l'autre costé, par-ce qu'on leur disoit, que c'estoit vn meilleur pays. ils trouuerent quelque resistance en ce pays, mais de peu de vertu, & arriuerent à Guema ville pauvre, où les habitans ne mangent que fruits, herbes : entre lesquels y en a vn, qui a le goust d'vn aux. En fin ils arriuerent en vn pays, où les personnes estoient plus raisonnables, ils mangent du pain, & se vestent d'abits faits de toile de cotton, mais il pleuuoit si fort, & si continuellement, que nos gens ne pouuoient faire essuyer leur robbe. A laquelle occasion, & aussi par ce que ce pays estoit quasi tout couuert de paluz & marets, ils furent contraints faire vn brigantin, encores qu'ils n'en fussent ouuriers: mais la necessité les rendit maistres. Au lieu de poix, ils faisoient de resine, & au lieu d'estoupes, ils se seruoient de leurs vieilles chemises, & de cotton : & au lieu de fer, ils battoient les fers des cheuaux qu'ils auoient mangés, car telle estoit leur disette, & mesme furent contraints manger leurs chiens. Gonzalle Pizarre mit en son brigantin tout l'or, ioyaux, vestemens, & leurs merceries d'eschange, & en donna la charge à François d'Oregliane, avec quelques canoas, où estoient les malades, & quelques autres personnes saines, qui cherchoient des prouisions. Ils firent à leur aduis plus de huit cens mille de pays, Oregliane par eau, & Pizarre par terre, suiuant & costoyant tousiours l'eau, se faisans en plusieurs lieux faire voye par force de main, & de fer. Pizarre passoit souuent d'un costé & d'autre du fleuve, pour trouuer meilleur chemin, mais tousiours il faisoit arrester le brigantin, où il se repositoit. Or cō-

me en vn si grand pays ils ne trouuoïent aucune provision, ny richesses quelconques semblables à celles de Cuzco, Golao, Xaxa, & Paciacama, ils renioient de despit. Ils s'enquirēt, si l'y auoit point quelque bōne ville aual le fleuue qui fust bien pourueüe, où ils se peussēt repaistre. On leur dit qu'à dix soleils de là il y auoit vne fort bōne ville, & q' ils la recognoistroient à vn autre grād fleuue, qui au pied d'icelle entroit dedans cestui-cy. Suiuāt cest aduertissement, Gózalle enuoya Oregliane là pour en apporter des viures, ou que pour le moins il l'attendist là. Mais il ne retourna, ny attendit, ains passa outre comme nous auons recité en vn autre lieu. Ce pendāt Gonzalle chemina tousiours sans s'arrester en aucū lieu endurant de grādissimes trauaux, & pressé de famine. ayāt cuidé par plusieurs fois se noyer en passant des fleuues qu'il rencontroit: & estāt arriué au lieu, où ces deux grands fleuues se ioingnoïent, sans voir le brigantin, auquel gisoit toute leur esperance, & qui portoit tout leur biē, il pensa luy & tous les siens perdre tout entendement & deuenir fols, & insensiez: parce qu'ils n'auoient plus de pieds, ny de santé pour aller plus auant, & auoïent peur des chemins, & montagnes, par où ils auoient passé, où ils auoient perdu 50. de leurs compagnons, & grand nombre de leurs Indiens. En fin ils se resolurent de retourner à Quito prenans vn autre chemin à l'aduenture, lequel encor' qu'il fust fascheux, si est-ce neantmoins qu'il ne se trouua point si insupportable, comme celuy qu'ils auoient ja faict. Ils employerent à aller, & reuenir vn an & demy, ils feirēt 1200. mil de chemin, ils endurèrent des peines infinies, avec les



pluyes continues. Ils ne trouuerent point desel en la plus grand part des lieux où ils allerent. Ils ne requindrent pas cent Espagnols de plus de deux cens, qui y estoient allez, il ne retourna aucun Indien de tous ceux qu'ils auoient menez, encor' moins retourna il aucun cheual, & les maggerēt tous, mesme peu s'en faillut qu'ils ne mangerent les Espagnols, qui se mouroient, suiuant la coustume, qui est entre les peuples de ce grand fleuve. Quand ils arriuerent où estoient les Espagnols, ils baisoient la terre: ils entrerent à Quito tous nuds ayans les espauls & les pieds tous vlceres, afin qu'on veist quels ils estoient deuenus par ce voyage, tellement que ceux mesme qui encore auoient des collets, bonnets, & soulliers de cuir de cheure, à la façon des pasteurs, les auoient ostez à leur entree, pour se monstrier ainsi tous nuds. Ils estoient si debiles, si defigurez qu'ō ne les pouuoit cognoistre, & auoient l'estomach si gasté de manger peu, que non seulement le trop māger les molestoit, mais aussi se sentoient greuez d'un manger moderé.

*La mort de François Pizarre. Chap. 144.*

**A** Pres que François Pizarre fut de retour à la ville des Rois, il s'efforça d'attirer à son amitié Dom Diego d'Almagro, qui de sa part n'en vouloit aucunement, & n'en monstroient aucun signe: car tant par le conseil de Jean de Rada, à qui le pape l'auoit recommandé, que du sien propre il auoit résolu de se venger. Pizarre luy osta les Indiens qu'il auoit, afin qu'il n'eust plus le moyen d'entretenir, ny de fournir de provisions ceux de Chili, qui se rangeoient de son costé, pensant par là l'a-

pauvrit, & ainsi le reduire à telle necessité, qu'il fut contrainct venir soy-mesme à sa maison le prier de ce qui luy eust peu estre necessaire, & par telle voy rompre les assemblees & monopoles, qu'il eust peu faire cōtre luy. Mais luy, Jean de Rada, & ses autres amis, s'irriterent d'auantage de ceste façon de faire & porterent des armes en la maison de Dom Diego, tant qu'ils peurent en secret. On aduertit Pizarre de tout, mais il n'en feit cas, disant qu'ils auoient eu assez de fortunes, sans en chercher d'auantage. Vne nuit on attacha trois cordes au lieu patibulaire, qu'estoit au milieu de la place de la ville. l'un ne vis à vis de la maison de Pizarre, l'autre deuant la maison du Lieutenant, & Docteur Jean Velasquez, & la troisieme au deuant de celle du secretaire Antoine Piccado. Pizarre ne feit aucune inquisition de tout cela, ce qu'il haussa la hardiesse des Almagristes, en telle sorte, qu'ils s'assembloient de plus de six cens mil loing, pour deliberer avecques Dó Diego de la mort de Pizarre: car en eue trouuble les pescheurs font leur proffit. Ils ne vouloient pas le faire mourir, encor que sa mort fut ja cōiurée par entre-eux, que iusques à tant qu'ils eussent eue responce du Capitaine Diego d'Aluarado, lequel comme i'ay desia dict, estoit allé en Espagne pour accuser les trois freres Pizarre. Mais ils aduancerent leur entreprinse par la nouuelle qu'ils receurent, cōme le Docteur Vacca de Castro venu d'Espagne, & aussi qu'on leur dict que Pizarre les vouloit tous faire mourir. Si cela n'estoit veritable, c'estoit la malice d'aucuns, qui desirans la mort de Pizarre cachotent la main, de laquelle ils iettoient  
 pierre

Pierre. On donna encor' aduertissement à Pizarre comme sans doute aucuns ils vouloient le tuer, & que partât il se donnât garde. Il feit responce que les testes des autres garderoient la sienne, & qu'il ne vouloit point auoir autre garde, afin que Vacca de Castro ne dict point qu'il s'armast cōtre luy. Vn jour Iean de Rada accompagné de quatre soldats, s'en alla en la maison de Pizarre, pour sçauoir la verité de ce qu'y s'y faisoit. Il luy demanda pourquoy il vouloit faire mourir Dom Diego, & les siens, Pizarre luy iura qu'il n'auoit iamais pensé telle chose, & qu'encor' moins il l'eust voulu faire: mais qu'au contraire, on luy auoit dict que Dom Diego, & les siens, le vouloient tuer, & que plusieurs l'auoient certené que pour ce faire ils auoient acheté forces armes. Iean de Rada luy respondit que ce n'estoit pas beaucoup qu'ils achetassent des cuirasses, puis qu'il achetoit des lances. Ce fut vne responce trop braue & hardie, & vne pusillanimité, & imprudence trop grande à Pizarre, dequoy sur ces parolles, & pour plusieurs autres choses, il ne l'arresta prisonnier. Rada luy demāda permission pour Dom Diego de pouuoir se retirer de la ville, avec tous les siens. Pizarre, qui n'entendoit point ceste dissimulation, n'en feit aucun compte, & comme n'y pensant point, il s'amusoit à cueillir des citrons, estant tout lors en son iardin, & les donna à Rada luy disant, que c'estoient les premiers, qui estoient venus en ceste ville, & que s'il auoit necessité de quelque chose, qu'il y remedieroit, & la dessus donna congé à Rada, qui s'en alla aussi tost rapporter aux cōseillers tout ce qu'il auoit faict. Ils resolurent tous



de ruer Pizarre apres la Messe le iour de Saint Iean  
 Vn des coniurez descouurit toute l'entreprinse à  
 Alphonse de Heuao, chappellain de la grande E-  
 glise, qui la nuit communiqua le tout à Piccad  
 & à Pizarre, luy declarant entierement toute la tra-  
 hison, laquelle vn des coniurez luy auoit reuele  
 en secret, & que pour ceste cause de peur d'estre  
 recogneu, il s'estoit desguisé en cest habit d'hom-  
 me lay. Pizarre pour lors souppoit avecques ses  
 enfans, il se troubla aucunement à ceste nouuel-  
 le: mais vn peu apres, estant reuenu à soy, il dié  
 qu'il n'en croyoit rien: parce qu'un peu deuan  
 Iean de Rada l'estoit venu veoir, & que celuy qui  
 disoit auoir descouuert telle trahison, ne la met-  
 toit en auant que pour charger le dict de Rada d'v-  
 ne telle meschanceré. Si est ce toutesfois que pour  
 ceste affaire il enuoya querir Iean Velasquez son  
 lieutenant, qui n'y peut venir pour estre couché en  
 son liét malade, & pour ceste cause s'en alla par des-  
 uers luy, accompagné seulement d'Antoine Picca-  
 do, & de quelques pages qui portoient les torches.  
 Estant là, il dié au docteur qu'il remediait à ceste  
 affaire: l'autre luy fait responce qu'il pouuoit de-  
 meurer en seureté s'il vouloit, puis qu'il auoit en  
 main le glaiue de Iustice. Quant à moy ie m'esmer-  
 uille de Piccado, qui ne rechaufa autremét la froi-  
 dure du Gouverneur, & du lieutenant, pour mettre  
 ordre à vn danger si eminent. Pizarre ne s'en sou-  
 cioit, se fiant sur son lieutenant. Le iour de S. Iean  
 venu, il n'alla point à l'Eglise, de peur de ces coniur-  
 rez, qui auoiét deliberé de le massacrer à la Messe, &  
 ja fait chanter en sa maison. Le lieutenant François de

Ciaues & autres gentilshômes, apres la grãd' Messe  
en allerēt disner avec luy, & les autres en leurs mai-  
sons. Les coniuérateurs voyans que Pizarre n'estoit  
orty de sa maison pour aller à la Messe, penserent  
estre descouuers, & mesme d'estre prins s'ils n'ex-  
ecutoient bien tost ce qu'ils auoient deliberé. Entre  
ceux qui fauorisoïēt le party de Dom Diego. & qui  
pour lors estoient prests à executer, le plus grãd nô-  
re estoit de ceux de Chili, & y en auoit biē peu de  
ceux qui s'estoient offerts des autres endroiets, par-  
ce qu'ils ne vouloient point encor' se declarer ius-  
ques à ce qu'ils eussent veu quelle issue eust pris ce-  
te entreprinse que Jean de Rada vouloit mettre à  
ex. Ce Rada estant fort cault & rusé, & courageux  
eut ensemble choisit vnze soldats bien armez les-  
quels furent Martin de Vilua, Diego Médez, Chri-  
stophle de Sose, Martin Carillo, Arbolacie, Hinojeros  
Aruaez, Saint Millā, Porras, Velasquez, & François  
Gugnez: & cōme tous disnoïēt s'en allerēt droit où  
estoit Pizarre ayans leurs espees nues, & crians au  
milieu de la place: tue ce tyran, tue ce traistre,  
tu a faiēt mourir Vacca de Castro. Ils disoïēt cecy  
pour irriter le peuple. Pizarre oyant tel bruit, & tels  
s, cogneut alors ce qui estoit: il feit fermer la por-  
te de la sale, & dit à François de Ciaues qu'il la gardast  
avec vingt hōmes, qu'il auoit pour lors en sa mai-  
son, ce pendant qu'il y roit s'armer. Jean de Rada  
fit vn homme à la premiere porte de la ruē, qui  
deuoit charge de dire que Pizarre estoit desia mort,  
et que tous ceux de Chili vinssent plus hardie-  
ment luy donner secours, qui incontinent s'assem-  
blerēt iusques à deux cens. Ce pendant il monte en

haut avec ses dix autres compagnons, François  
 Ciaues luy ouure la porte, pēlans le retenir, & l'ap  
 fer tāt par sō autorité, que par belles paroles. Ma  
 eux pour entrer auant qu'on refermast la porte, luy  
 dōnerēt pour respōce vne estocade : il meit la ma  
 à l'espee, & disant ces mots : comment Seigneurs  
 amis : luy donnerent vn grand coup, qui luy fenc  
 la teste si auant, qu'il cheut mort iusques en bas d  
 degrez. Les autres voyans leur chef mort, se iett  
 rent par les fenestres dedās le iardin, & le Doct  
 Velasquez le premier, tenāt avec les dērs, le scept  
 de iustice, afin qu'il ne luy empeschast les main  
 Il en demeura seulement sept en la salle qui con  
 battirent, desquels deux furent blecez, & les cin  
 autres tuez. François Martin d'Alcantara, qui esto  
 frere de Pizarre, Vargas, & Scandon, pages, vn N  
 gre, & vn Espagnol seruiteur de Ciaues, defendi  
 la porte de la chambre où s'armoit Pizarre : les p  
 ges furent tuez. François Pizarre apres sortit fo  
 bien armé, avec vn courage inuincible, & semb  
 ble à vn César, & quand il eust veu qu'il n'estoit  
 sté seulement que François Martin, il luy dict au  
 parolles courageuses : Or sus, mō frere, chargeo  
 nous sommes tous deux seulement assez suffisa  
 pour combattre ces meschans traistres. Mais Fra  
 çois Martin ne dura gueres, & ainsi François Piz  
 re demeura seul, qui manioit son espee avec v  
 force de lyon, & si dextremēt, qu'il n'y auoit ho  
 me si vaillāt fust-il, qui osast s'approcher de luy.  
 de Rada en combattant poussa Naruaez, & co  
 me Pizarre s'auāçoit pour tuer ledict Naruaez,  
 estoit rōbé, tous l'assaillirent ensemble, & le po



suivirent iusques à la chambre, où il tomba d'un coup d'estocade qu'on luy donna en la gorge. Le vaillant Pizarre mourut, demandant confession, & faisant le signe de la croix, sans qu'aucun luy dit, Dieu te pardonne: Il mourut le 24. de Iuin 1541. Ce Pizarre estoit fils bastard de Gonzalle Pizarre, qui auoit esté Capitaine au Royaume de Navarre. Il nasquit en la ville de Trusiglio, & le porta on deuant la porte de l'Eglise. Il fut par quelques iours allaité d'une truie, n'ayât personne qui luy voulust donner de sô laiçt: depuis le pere le recogneut, & estât grâdelet l'ennoya garder ses porcs, & par ce moyē n'aprint aucunemēt à lire. Vn iour ses pourceaux s'esgarerēt, & les perdit, il n'osa retourner à la maison de peur, & s'en alla avec quelques passans à Seuille, & de là passa aux Indes. Il demeura quelque tēps à S. Dominique, & puis s'en alla à Vraba avec Alphonse de Hojeda, & avec Vasco Nugnez de Valuoā au descouuremēt de la mer de Midy, & depuis à Panama avec Pedrarias. Il descouurit, & conquist ce Royaume qu'on appelle Peru, aux despēs de la societē qu'il auoit faicte avec Diego d'Almagro, & Fernād Lucque. Il trouua, & eut plus d'or, & argēt qu'aucun Espagnol n'eust aux Indes, ny qu'aucun Capitaine eut iamais voiageāt par le mōde. Il n'estoit liberal, ny chiche, il n'estimoit point ce qu'il dōnoit: il auoit grād soing de ce qui appartenoit au Roy. Il estoit grand ioueur avec vn chacun, sans mettre differēce entre les bōs, & mauuais. Il ne s'habilloit pas opulemment, il est bien vray qu'il portoit souuēt vn manteau de martres que Ferdinand Cortēs luy auoit enuoyē. Il se plaisoit à porter des souliers blancs, & le chapeau

de meſme, imitât en cela le grâd Capitaine . Il n'en-  
tendoit pas bien comme il falloit commander e-  
paix: mais en guerre il gouvernoit fort bien ſes ſol-  
dats . Il eſtoit d'entendement gros, robuſte, cour-  
geux, vaillant, & honorable : mais avec tout cela,  
fut tref-negligent à garder ſa vie.

*Ce que ſeît Dom Diego d'Almagro, apres la mort  
de Pizarre.* Chap. 145.

**A**V bruiet qu'on tueoit le Gouverneur Pizarre  
ſes amis accoururent, & au bruiet qu'il eſtoit  
deſ-ja mort, les Almagriſtes venoiêt, tellemēt qu'il  
y eut vne groſſe meſlee, & tuerie entre ceux de Pi-  
zarre, & ceux d'Almagro : mais elle ne dura gueres  
car les homicides feirent incontînēt monter à che-  
ual Dom Diego, & le menerent par la ville, crieant  
qu'il n'y auoit point autre Gouverneur, ny meſme  
autre Roy que luy en Peru . Ils ſaccagerent la mai-  
ſon de Pizarre, qui eſtoit tref-riche, & celle d'An-  
roine Piccado, & de pluſieurs autres riches perſon-  
nes. Ils ſe ſaiſiſſoient de toutes les armes qu'auoient  
les habitâs, qui ne vouloiêt dire, Viue Dom Diego  
d'Almagro . Il eſt vray qu'il y en eut bien peu, qui  
oſerent contredire le vainqueur. Ils feirent en outre  
que les officiers du Roy, & du gouuernemēt receu-  
rēt pour Gouverneur Dom Diego iuſques à ce que  
l'Empereur eut commadé autre choſe. Ils pouuoient  
faire tout ce qu'ils vouloient, par-ce que Ferdinand  
Pizarre eſtoit en Eſpagne, & Gonzalle ſon frere au  
pays de la canelle, & ſi ils euſſent eſté tous deux  
preſens, ou l'un d'eux, ils n'euffent poſſible pas  
tué leur frere . Ce pendant le corps de François  
Pizarre giſoit là, ſans eſtre enterreé, & n'oyoit-on

en la ville que plainctes de femmes, qui auoient perdu leurs maris, ou qui estoient blecez, & nul n'osoit toucher au corps de Pizarre sans la volonté de Dom Diego, ou de ceux, qui l'auoient massacré. En fin par la permission de Dom Diego Iean de Babauo, & sa femme feirent enleuer par leurs esclauues Negres les corps de François Pizarre, & François Marin, & les feirent porter à l'Eglise, où ils furent enterrez, fournissans à leurs despens de luminaire, & de tout ce qu'on à accoustumé offrir à tel seruice. Ils tacherent aussi leurs enfans de peur qu'ils ne fussent tuez par telles personnes, qui desia s'estoient baingnez au sang de leurs peres. Dom Diego disposa du glauiue de iustice ainsi que bon luy sembla, & constitua prisonnier le docteur Velasquez, Antoine Picado, Diego d'Aguero, Guillaume Xuarez, le docteur Caruajal, Barrios, Herrera, & autres. Il feit son capitaine general Iean de Rada, & donna les charges de son armee, & places de capitaines à Garzia Aluarado, à Iean Tello, à vn autre François de Ciaues & à quelques autres. Il assembla bien iusques à 800. Espagnols. Il print tous les biens, & meubles de ceux, qui auoient esté tuez par les Indiens en ceste meslee, & de tous ses ennemis abais, & mesme le quint du Roy: Le tout faisoit une somme assez grande pour contenter les soldats, & capitaines. Il sourdit incontinent entre eux des dissensions pour le commandement, & voulerent tuer Iean de Rada, qui commandoit, & gouverner tout. Pour ce tumulte Dom Diego feit étrangler François de Ciaues, & en chastia plusieurs autres: il feit tracher la teste à Antoine d'Origuele,



qui vn peu deuant estoit venu d'Espagne , par-  
 qu'il auoit dit en la ville de Trusiglio que tous ce  
 gouuerneurs n'estoient que tyrans. Il escriuit p  
 tout à ce qu'on l'eust à receuoir pour gouuerneur  
 Plusieurs le receurēt pour la memoire de son pere  
 autres pour la peur. Mais le capitaine Alphonse d'Al  
 uarado, qui estoit avec cēt Espagnols à Ciacia poia  
 arresta prisonniers les messagers, qui luy apportoiē  
 telles lettres. Ce qu'ayant entēdu dō Diego, il des  
 pescha incōtinēt Garzia d'Aluarado pour aller pa  
 mer à Trusiglio, & à S. Michel, avec charge de se fa  
 sir des armes, & cheuaux des habitans, qui fauori  
 soient à Alphonse d'Aluarado , & que s'estant saisi  
 d'icelles il cheminaſt contre luy. Garzia print en l  
 ville d'Arequipa grand nombre d'or, & d'argent  
 que les habitans de saint Dominique y auoient, &  
 le dispersa à ses soldats. Il feist pendre Montnegre,  
 en meit plusieurs prisonniers : il osta la charge d  
 lieutenant qu'auoit Diego de More à Trusiglio , pa  
 ce qu'il aduertissoit de tout Alphonse d'Aluarado. Il  
 feist à S. Michel decapiter Villegas, François de Vo  
 median, & Alfōse de Cabrete grād maistre d'hoste  
 de Pizarre, qui avec les Espagnols de Gnanuco s'é  
 fuyoit de dō Diego, & Diego Mendez, qui s'en al  
 loit à la ville del'Argent avec vingt cheuaux. Il pr  
 en la ville de Porco 11070. liures d'argent affinē, &  
 persuada à dō Diego de prendre les mines, renenu  
 meubles, & autres biens de François, Ferdinand, &  
 Gonzalle Pizarres, qui estoient riches infinimēt, &  
 ceux de Peranzures, Diego de Roias, & d'autres.

*Ce qu'on feist en la ville de Cuzco contre Dom  
 Diego.*

*Chap. 146.*

¶ Vn des lettres que dom Diego auoit enuoyé par tout, Diego de Selus, Roderic, & François de Carauaiual preuosts de Cuzco vserent d'une astuce. Car ils requierent Dom Diego qu'il luy pleust, auant que le receuoir pour gouuerneur, leur enuoyer m<sup>es</sup>mes plus amples, & suffisans que n'estoiét ceux qu'ils auoient receuz, & ce pendant asssemblerent tous de tous les lieux circonuoisins. Gomez de Tordoya allant à la chasse entendit les nouuelles de la mort de Pizarre, & ce que demandoit Dom Diego. Lors il print son faulcon, & luy tordit le col, disant : il est maintenant vn temps plus propre à combattre qu'à chasser, & rentra dedans la ville de nuit, où il communiqua avec le conseil secret de ce qu'il pouuoit faire, & s'en alla deuant iour, où estoit Nugno de Castro, & aduertirent de leurs affaires Peranzures, qui demouroit à Ciarcas, & Pierre Alvarez, qui estoit empesché à la conqueste de Cioquiapo, & Diego de Rojas, qui estoit en la ville de Argent, & les habitans de Arequipa, & d'autres lieux. Ils manioient bien secrettement toutes ces affaires à Cuzco, parce qu'il y auoit en la ville beaucoup d'Almagristes, qui procuroient l'aduancement de dom Diego. Ils meirent donc ordre à leur fait sous le nom du Roy en ceste sorte. Ils firent capitaine, & grand Preuost Pierre Alvarez, & s'obligèrent de rendre les deniers du Roy, qu'ils prenoient pour soustenir la guerre, si l'Empereur ne les alouoit pour bien despendus. Pierre Alvarez feit Gomez de Tordoya son maistre de camp: pour capitaines de sa cauallerie il esleut Peranzures, & Garcilasso de la Vega, & pour l'Infanterie Nugno de Castro,

& donna l'estendard Royal à Martin de Robles. fait faire monstre generale, & trouua cent cinquante cheuaux, nonante arquebuziers, & plus de deux cens autres soldats. Quand ceux qui estoient du parti de Dom Diego veirent tel aprest, eurent grand peur, & y en eut plus de cinquante, qui s'enfuirent apres lesquels Nugno de castro, & Ferdinand Baciao coururent avec quelques arquebuziers, & les amenèrent prisonniers. Pierre Aluarez, qui estoit des-jà aduerti de l'intention de Dom Diego, sortit de la ville pour rassembler ceux, qui s'estoient tous espars de peur de Dó Diego, & pour se ioindre avec Alfonse d'Aluarado pour aller ensemble vers la ville des Roys donner la bataille à Dom Diego: car il s'assembleroit qu'approchant de son ennemy, plusieurs soldats de Dom Diego se retireroient de son costé. Dom Diego sçachant la venue de Pierre Aluarez enuoye deuant Garzia d'Aluarado, & puis par apres avec cent arquebuziers, 150. picquiers, & 300. cheuaux, avec vn grand nombre d'Indiens de seruice: & à fin qu'en son absence il n'y eut quelque rebellio en la ville, il feit sortir dehors les enfans de François Pizarre, & donna la question à Piccadore pour sçauoir où estoit le tresor de son maistre, & puis le tua. Il arriua à Xauxa, & s'arresta là, par ce que Iean de Rada tomba malade, dont il mourut. Il estoit venu iusques en ce lieu à cause qu'il auoit enuie de rōpre Aluarez deuant qu'il se peut ioindre avec Alfonse d'Aluarado, & avec Vacca de Castro, qui estoit desjà arriué en la ville de Quito, & auoit escrit à Hierome d'Aliaga, François de Barrio Nouo, & à frere Thomas de S. Martin Prouincial de là.



Du camp de Dom Diego se retirerent vers son enemy Gomez d'Aluarado, Guillaume Xuarez, de Caruajal, Diego de Agueró, Iean de Sajauedre, & plusieurs autres. Ceux-cy auoient esté mis prisonniers apres la mort de Pizarre. Ce pendant Pierre Aluarez luy print quelques espies, qui l'informerent de tout: il en feit pendre trois, & promeit trois mille ducats à vn autre pour espier diligemment tout ce que Dom Diego feroit, disant qu'il vouloit effaillir par vn certain chemin trauerfant, esgaré, plein de neiges, mais c'estoit vne ruse pour le deuoir. Dom Diego print cest espion, ayant soupçon de luy pour ce qu'il auoit trop demeuré, luy donna la question, & ayant confessé la verité, le feit pendre comme estant double. Aussi tost suiuant confession de cest espie, il faict tourner son camp, le faict mettre en ce chemin, trauerfant plein de neiges, où il demeura trois iours, endurant vn grand froid. Ce pendant Pierre Aluarez sans aucun empeschement passe, & se ioinct avec Alphonse d'Aluarado à Guarayz, qui est vne ville de Guayana. De là ils escriuent tous deux à Vacca de Castro, qu'il vint prendre la charge de l'armee, & du pais sur l'Empereur. Dom Diego suiuit Pierre Aluarez toute mil, mais ne le pouuant ioindre, il tourna vers Cuzco, pillant tout ce qu'il rencontroit.

*Comme Vacca de Castro s'en alla au Peru.*

*Chap. 147.*

Quand l'Empereur eut entendu les tumultes & guerres ciuilles du Peru, & la mort d'Alma- & de plusieurs autres Espagnols, il voulut sçavoir, qui en estoit cause, pour chastier les seditieux,

afin qu'apres vn chascū setint en paix, & en vnio  
 Pour cest effect il enuoya là avec mandemens,  
 lettres patentes bien amples le docteur Vacca  
 Castro natif de Maiorcque : & à fin qu'il eust me  
 leur courage d'entreprendre ce voyage il le feit  
 son conseil Royal, & luy donna l'habit de cheu  
 lier de S. Jacques, & luy feit autres graces, le to  
 par le moyé du Cardinal Garzia de Loaysa Arch  
 uesque de Seuille, & president des Indes, qui le f  
 uorisoit grandement pour l'amour du Comte  
 Siruelle son amy. Ainsi Vacca de Castro s'n alla  
 Peru. Il eut à Panama des tourmentes, qui le co  
 treignirent se ietter au port de Bonauenture  
 gouuernement de Venalcazar, vn pays desesperé  
 comme les Manglares où fut Pizarre. Il ne voul  
 ou ne peut de la aller par mer à Lima & print se  
 chemin à la ville de Quito, & peu s'en fallut q  
 par le chemin il ne mourust de faim, & de malad  
 Pierre de Puellas, par ce que Gonzalle Pizarre n  
 stoit encor' de retour de son voyage de la canel  
 le receut amiablement, & donna aduertissement  
 plusieurs de sa venue. Vacca de Castro reposa  
 ceste ville quelque temps, & ce pendāt fait ses pr  
 uisions, qui luy estoient necessaires. Il partit p  
 apres pour aller à la ville de Trusiglio prendre  
 charge de l'armee qu'auoient Pierre Aluarez,  
 Aluarado pour resister à dom Diego Quand il  
 riuā là il auoit avec luy plus de deux cēs Espagn  
 avec Pierre de Puellas. Laurent d'Aldene, Pierre  
 Vergara, Gomez de Tordoya, Garcilasso de la V  
 gue, & autres, qui se meirent du costé de l'Emp  
 reur. Il presenta ses lettres del'Empereur au Cōf

toute l'armée. Il fut receu pour Gouverneur, & ge du Peru. Il rendit tous les estats & offices du ouuernement à ceux, qui les luy remettoient en main. Autant en feit-il des enseignes, & compagnies, reseruant seulement l'estandard Royal pour luy. Il enuoya à Xauxa avec toute l'armée Pierre Aluarez qu'il auoit fait maistre de camp general, & laissa à Trusiglio pour son lieutenant Diego de More, & luy sen alla à la ville des Roys pour leuer deniers, & amasser des armes, afin de croistre son cap, & aussi pour leuer deniers pour payer ses soldats. Il emprunta des habitans cent mille pesans d'or, qui puis apres se payerent sur le reuenue de l'Empereur. Il laissa pour son lieutenant François de Barbo nouo de Sturie, & pour capitaine des vaisseaux choisit Jean Perez de Gueuare, leur commandant. Dom Diego reuenoit en ceste ville qu'ils s'embarquaient avec tous les habitans, & se iettaient en pleine mer: & puis sen alla prenant le chemin de Xauxa avec les soldats qu'il auoit leuez: entre lesquels y auoit bon nombre d'arquebuziers. Il emmenoit aussi avec soy grande quantité de poudre. Quand il fut arrivé, il feit faire la monstre, & trouua six cens Espagnols, autres disent neuf cens: il y auoit 170. arquebuziers, & 350. cheuaux. Il nomma pour Capitaines de la cauallerie le maistre de camp Pierre Aluarez, Alphóse d'Aluorado, Gomez d'Alarado, Pierre de Puellas. & autres, & feit Capitaines des arquebuziers Pierre de Vergara, Nugno de Castro, & Jean Perez de Gueuare, & feit grand portefaix François de Caruaial, par l'industrie, & conseil duquel il manioit ceste guerre. Sur ces entrefai-



etes on apporta lettres de Quito, comme Gonzal Pizarre estoit de retour, & vouloit venir voir Vacca de Castro : mais il luy escriuit aussi tost qu'il n'y vint point iusques à ce qu'il luy eust mandé, de peur qu'il fust cause de rompre les appointemens qu'on traictoit avec Dom Diego, ou de peur que les soldats ne l'eussent pour Capitaine general, & Gouverneur pour l'amour de son frere François Pizarre, l'amour duquel estoit encor' bien auant enraciné aux cœurs de la plus grand' part des Capitaines, & soldats.

*L'appareil de guerre que feit Dom Diego en la ville de Cuzco.*

*Chap. 148.*

**A**V temps que Dom Diego arriva à Cuzco, les habitans estoient en dissentiō, & pour l'amour d'icelle. Christofle Sotelle s'en estoit party, desja deuant, & n'estoit resté que Gomez, & Rojas, qui tenoit pour Vacca de Castro : mais à l'arrivée de Dom Diego personne ne se remua, & ainsi se faisoit paisiblement de la ville, où il feit incontinent faire de la poudre, foudre de l'artillerie, battre des armes de bronze, & d'argent, & donna tout ce qu'il peut à ses Capitaines, & soldats. Ce pendant il fesoit vne querelle entre Garzia d'Aluorado, & Christofle Sotelle. Garzia tua Christofle avec deux estocades, & puis voulut encor' tuer Dom Diego, & aller la ville, & se retirer à Chili avec ses amis. Pour venir à bout de ceste entreprinse plus aisément, & à son honneur il faict vne ruse. Il prie Dom Diego à venir dîner en sa maison, mais sçachant desja la trahison, il feignit d'estre malade ce iour là, & feit mettre secrettement en son arriere cham-

de Iean Balze, Diego Mendez, Alphonse de Saja-  
dre, Iean Tello, & quelques autres amis de So-  
le. Garzia d'Aluarado part de sa maison avec de  
amis pour aller querir Dom Diego, pensans l'a-  
mener chez soy, & ne voulut iamais retourner en-  
r que Martin Carille, & Saladel l'aduertissent de  
l'embusche qu'on luy auoit dressée. Il pria Dom  
Diego de venir dîner puis q l'heure estoit venue,  
que tout estoit prest. Le me sens tout mal disposé,  
seigneur Aluarado, dict Dó Diego, allós toutesfois.  
Leleua de son liét, & print sa cappe. Ceux d'Alua-  
do voyás qu'il s'acheminoit, sortét hors la cham-  
e, mais aussi tost qu'ils furent sortiz, vn quidam de  
Dom Diego ferma la porte, laissant dedans Garzia  
Aluarado tout seul, où il fut tué. Aucús disent que  
Dom Diego le frappa le premier. Ceste mort'estát  
gneuë, les soldats cōmencerent à se mouuoir: car  
uoit beaucoup d'amis: mais Dom Diego pacifia  
t incontinent. Il y en eut toutesfois quelques  
s qui se retirerent à Xauxa, il meit en ordre toute  
armee, qui montoit iusques à sept cens Espa-  
ols. Il y auoit 200. arquebuziers, & 250. cheuaux,  
e reste estoiet picquiers, & halebardiers, & tous  
oiet la cuirasse, ou iacque de maille, & les hōmes  
cheual auoiet quasi tous le corselet: C'estoient  
gens les mieux armez qu'eut oncques son pere,  
mesme Pizarre. Il estoit en outre bien munny de  
e artillerie, en laquelle il s'asseuroit grandemet.  
toit suiuy d'un grand nombre d'Indiens, sous  
onduicte de Paul, que son pere auoit fait Ynga  
Indiens. Il partit de Cuzco en grād triomphe, &  
arresta q iusques à ce qu'il fut arriué à Vilcas, q

est à 150. milloing de Cuzco. Il auoit pour son capitaine general Jean Balse, & pour maistre de camp Pierre d'Ognate, par ce que Jean de Rada estoit mort.

*La bataille de Ciupas, entre Vacca de Castro, & Dom Diego. Chap. 149.*

**V**acca de Castro s'en alla de Xauxa à grãde io-  
nee, avec toute son armee à Guamanga, pour  
entrer le premier en ceste ville, parce qu'il auoit  
aduertissement que les ennemis s'approchoient  
pour se mettre dedans. Guamanga est vne ville bien  
forte, pour estre sur vn haut, & enuironnee de hau-  
precipices, & estoit de grande importance pour  
donner la bataille. De là Vacca de Castro escriui-  
t à Dó Diego par Lope d'Ydiacaiz, & Diego de Me-  
cado qu'il luy pardonneroit tous les meurtres, vo-  
leries, courses, enuahissemens, & autres crimes qu'il  
auoit faicts, s'il vouloit consigner, & mettre en ses  
mains son armee, qu'il luy donneroit dix mil  
Indiens, où il voudroit, & qu'il ne poursuirait au-  
cun de ses amis. Diego luy fait responce qu'il fera  
tout ce qu'il luy mandoit, s'il luy donnoit le gou-  
uernement du nouveau Royaume de Toledé, & les  
mines, & departement d'Indiens qu'auoit eu son  
pere. Sur ce arriua à Guaraguaci vn prestre, qui dit  
à Dom Diego qu'il venoit de Panama, & que l'Em-  
pereur luy auoit pardonné, & l'auoit faict gou-  
neur du nouveau Royaume de Toledé, & que pour  
cette bonne nouuelle il luy donnast quelque chose  
pour remuneration. Il luy dict d'auantage que  
Vacca de Castro auoit peu d'Espagnols, encor' mal  
armez, & mal contens. Ces nouuelles encor' qu'e-



es fussent faulſes, & non creuës, ſi donnerent elles  
rand courage aux ſoldats. Durant auſſi qu'on trai-  
toit ceſt accord, quelques coureurs prindrent en la  
campagne Alphonſe Garzia deſguiſé en Indien, qui  
portoit des lettres de l'Empereur, & de vacca de Ca-  
ro à pluſieurs Capitaines, & Gentilshommes, par  
ſquelles ils leur promettoient de grandes choſes,  
ils vouloient ſe retirer deuers eux. Dom Diego  
eit pendre ce porteur de lettres, & ſe complaignit  
e Vacca de Caſtro, qui ſoubs couleur de faire vne  
aix ſubornoit ſes gens. Mais la conſtance, ou bien  
indignation fut grande de ſes ſoldats, deſquels n'y  
a eut pas vn qui l'abandonnaſt. Il eſcriuit des let-  
res aux capitaines, & ſoldats de l'Empereur plei-  
es de propos hautains & deſhonneſtes, leur re-  
onſtrant en outre qu'ils ne ſe fiſſent point à  
acca de Caſtro, encor' mois au Cardinal de Loai-  
qui l'auoit enuoyé, puis qu'il n'auoit aucune pro-  
ſion de l'Empereur: & ſil en auoit, qu'elle ne va-  
it rien pour eſtre contre les loix, parce qu'elle le  
iſoit gouuerneur au cas que Pizarre mouruſt.  
om Diego ſe fuſt rendu ſi on luy euſt pardonné  
ut, & que l'Empereur euſt ſigné ſa remiſſion, &  
ſſi qu'on luy euſt donné le gouuernement de ſon  
re, ainſi qu'on diſt. Mais depité, où ſe conſiant  
op ſur ſes forces, il publia la bataille en preſence  
Lope Ydiacaiz, & Mercado, & promeit à ſes  
ldats les biens, & les femmes des ennemis que  
tueroient. Ce fut vne promeſſe de tyran. Auſſi  
ſt il ſeit retirer plus loing de Vilcas ſon armée, &  
illerie, & ſ'alla planter ſur vn couſtau au pied de  
e haute montagne, à ſix mil loing de Guamanga.

Quand Vacca de Castro eut entendu la resolution de Dom Diego, & qu'il eust veu comme il auoit remué son camp, il se campa en vne plaine haute, nommée Ciupàs le 15. de Septembre. 1542. Les deux armées estoient bien pres l'une de l'autre, mais les cœurs estoient loing: parce que ceux de Dom Diego desiroient donner la bataille, & les autres reculoient, disans que Ferdinand Pizarre auoit esté arresté prisonnier pour auoir donné la bataille de Salines, encor' qu'il fut enuoié de l'Empereur pour chastier les autres. Vacca de Castro voyât les cœurs des siens refroidiz pour vne peur, leur feit vne belle harangue, les encourageât à la bataille: & afin qu'il combattissent de meilleure volonté, il condamna à mort Dom Diego d'Almagro, & tous ceux qui l'auoient fuiuoient. Il signa ceste sentence, & la feit publier. Le lendemain avec la volonté, & opinion d'v'chacun, il departit sa cavallerie en six escadrons, feist aduancer deuant Nugno de Castro avec 50. arquebuziers pour attaquer l'escarmouche, & luy avec vne grande peine monta avec le reste de l'armée sur vn lieu haut, où le Capitaine Martin de Valence braqua l'artillerie. Si Dó Diego eust desfendu ce passage, il les eust tous rompus, estans descontraints, pour gaigner ce coustau, marcher en desordre, & se presser. Il n'y auoit entre les deux armées qu'une petite vallee, & s'escarmouchoient desia legerement, se frappans seulement du plat de la langue. Dom Diego estoit campé en vn lieu aduantageuz, & tenoit ses gens en bon ordre, s'il ne l'eust changé. Il auoit son infanterie au meillieu, sa cavallerie aux ailes, & son artillerie deuant en vn

ongue plaine pour tirer à vifce cōtre ses ennemis,  
qui l'eussent voulu affronter. Il meit encor' à main  
droiſte Paul Ynga avecques ses Indiens garnis de  
poules, de dards, & de picques. Vacca de Castro  
it encor' vne longue harague aux siens, & se meit  
auant tous la lāce sur la cuisse, leur disant, qu'il fal-  
loit à ceste heure combattre, puis que Dom Diego  
voulloit manger. Ils luy respondirent tous que la  
cōtē, ny le courage ne leur manqueroient point,  
s'ils le prioient, & le forcerent de se tenir derriere, &  
il demeura à l'arrieregard avec trente chevaux,  
meit à main droiſte la moitié de sa cavallerie  
sous Alphonse d'Alvarado, & avecques l'estādard  
royal que portoit, Christofle de Barrientos, & les  
autres à main gauche sous Pierre Alvarez, & au-  
s. Capitaines, & au milieu fait ranger son ar-  
tilerie. Il commanda à Nugno de Castro, qu'il se  
tint à part avec cinquante arquebuziers, & qu'il dōt  
se courir au lieu qui en avoit besoing. Il estoit  
tard, & l'artillerie de Dō Diego tiroit furieu-  
sement, qui faisoit peur à plusieurs; un ieune garçon  
se garder d'icelle se cacha derriere vne gros-  
siere de roche; il le boulllet frappa contre, &  
il vōllut vñ esclat, qui le tua. Vacca de Ca-  
stelo eust bien voulu remettre la bataille au lende-  
main pour la nuict, qui s'approchoit: & plusieurs  
capitaines estoient de cest advis. Mais Alphonse  
d'Alvarado, & Nugno de Castro estoient d'opinion  
qu'il faillloit donner, encores qu'il conuint com-  
battre de nuict, disant, qu'en la dilayant les sol-  
s se refroidiroient, & passeroient du costé de  
Diego pensant qu'on la refuseroit de peur,



à raison que les ennemis se mōstroient en plus grand nombre. Il y auoit encor' vn autre incōuenient, qui les empeschoit de venir au combat, c'est qu'ils pouuoient aller droit & assaillir leur ennemy sans estre grandement offencez par l'artillerie. Mais François de Caruajal, & Alphōse d'Aluarado guiderent l'armee par vne vallee qu'ils trouuerēt à main gauche, par laquelle ils remonterent du costé de Dō Diego, sans auoir receu aucun detrimēt de l'artillerie, par-ce qu'elle passoit par dessus, & mesmes furent contraincts laisser la leur à cause de la monte qui estoit trop roide, & aussi que les canōniers n'estoient pas trop experts, comme ils le demonstrent en vne piece, qui tua cinq de leurs compagnons. Dō Diego se mit à marcher vers ses ennemis, sans rompre son ordre pour ne se mōstrer pour lascer ne refroidy. Il fut conseillé de faire ainsi par ses Capitaines. Mais ce conseil fut contre l'opinion de Pierre Xuarez sergent maieur, qui entendoit mieux la guerre que tous les autres: & on dit pour certain que s'il n'eust bougé, qu'il eust gagné la bataille. Mais il se vint mettre sur la croupe de la montee ne peut plus fayder de son artillerie. Les Indiens Paul Yngas commencerent à desbander leurs files, & lancer leurs dards iettans force cris. Nug de Castro mit ses arquebuziers au deuant, qui feirent retirer. Marticote vint donner secours aux Indiens, & ainsi commença l'escarmouche. Ce pendant les Esquadrons de Vacca de Castro gagnent le hault, & la plaine. L'artillerie tire contre eux & emporte vn rang de gens de pied, & les fait mourir. Mais les Capitaines les feirent incontine-

eserrer, & aduancer le pas, qui fut vn mauuais  
onseil, car ils eussent esté tous mis en pieces, si  
rançois de Carnajal qui gouuernoit ces Esqua-  
rons ne les eust retenuz iusques à ce que l'artil-  
lerie eust cessé de tirer. Durant ces escarmouches  
les arquebuziers de Dom Diego tuerent Pierre Al-  
aez, & blessèrent Gomez de Tordoya, qui tomba  
mort par terre. Pour laquelle chose, & pour le grãd  
schec que faisoit l'artillerie sur l'infanterie, le Ca-  
itaine Pierre de Vergara, qui estoit aussi blecé, cō-  
mença à crier apres la cauallerie qu'elle eust à don-  
ner dedans. Les trompettes, & clairons sonnerent  
alarme, & aussi tost la cauallerie descocha sur l'en-  
emy: Dom Diego avec vne grande furie picque à  
encontre, & à la premiere rencontre des lances,  
en tomba par terre beaucoup d'une part, & d'au-  
tre, & d'auantage encore quand on vint de plus  
pres aux mains avecques les haches, & espees. La  
bataille fut pour vn temps en grand doubte, sans  
pouoir dire de quel costé finclinoit la victoire,  
encore que l'infanterie de Vacca de Castro eust  
aiguë l'artillerie: aussi ceux de Dom Diego auoiēt  
mis à mort grand nombre de leurs ennemis, & a-  
uoient encor' deux cornettes entieres. Il faisoit des-  
nuict, & l'un & l'autre vouloit dormir la victoire  
à la main, & pour ceste cause le combat se rechau-  
auffa plus ardemment, & tous combattoient hardi-  
ement comme lions, ou pour mieux comme vray  
Espagnols, considerans que le vaincu deuoit per-  
dre la vie, l'honneur, les biens, le gouvernement  
du pays, & le vainqueur estre maistre de tout. Vac-  
ca de Castro avec ses trente cheuaux fonça vers la

main gauche de son ennemy, où il brauoit desia, se renoit comme vainqueur. Il se renouella encore là vne tierce bataille, où Vacca fut vainqueur encor qu'on luy eust tué le Capitaine Ximenez Mercado de Medine, & autres. Dom Diego voyant les siens vaincuz se ietta dedans ses ennemis, afin qu'en combattant on le tuaist, mais aucun ne le blessa, ou par-ce qu'il ne le cognoissoit point, ou à cause qu'il combattoit courageusement. A la fin il s'enfuit avec Diego Mendez, Iean Roderiguez Varra gan, Ieã de Guzman, & trois autres, & s'en alla vers la ville de Cuzco, où il arriva en cinq iours. Il restoit encore Christofle de Sose, & Martin de Viluoã, qui hardiment, où temerairement cryoient que c'estoient eux, qui auoient tué François Pizarre: ils furent mis en pieces combattans valeureusement: plusieurs furent sauuerent pour estre desia nuict, & autres prindrent les escharpes rouges des soldats de Vacca, qui gisoient morts. Les Indiens, qui comme gardans les armes attendoient l'issuë de la bataille, tuerent Iean Balfe, & vn Commâdeur de Rhodes, & plusieurs autres qui s'enfuyoient vers vn autre Ynga. Il mourut trois cens Espagnols de la part du Roy, & grand nombre de l'autre part, mais non pas tant. Ce fut vne bataille bien sanguinolente, & peu de Capitaines eschapperent vifs: par-ce qu'ils combattoient avec la plus grande constance du monde: il en demeura de blessés plus de quatre cens, la plus part desquels mourut ceste nuict de froid.

*La iustice que feit Vacca de Castro de Dom Diego d'Almagro, & de plusieurs autres.*

*Chap. 139.*



Vacca de Castro employa la plus grand part de la nuit à haranguer, & louer ses capitaines, & gentilshommes. Les plus grands venoient par devers luy le congratuler de ceste victoire qu'il auoit gaignee. A la verité tous meritoient d'estre louez, & luy d'estre esleué iusques au ciel. Ils saccagerent pres les tentes de Dom Diego, où ils trouuerent un nombre d'or, & d'argent, & tuerent tous ceux qu'ils y trouuerent. Aucun ne se desarma de peur d'une surprinse de l'ennemy : car ils ne scauoient pas bien s'il y en auoit de restez, & cômè ils s'en estoient mis. Ils endurent grand froid ceste nuit & faim, & auoient grande pitié, & compassion des cris & plainctes que faisoient les blesez se sentans mourir de froid, & estre despouilleez par les Indiens, lesquels mesme les acheuoient de tuer avec des masses, leur couppans les testes pour les despouiller. Mais le iour estant venu Vacca de Castro enuoya quelque cheuaux courir la campagne, fait habiller les blesez, & enterrer les morts. Il fait porter à Guamanga les corps de Pierre Aluarez, Gomez de Torroya, & de quelques autres. Il fait trainer le corps de Martin de Viluo, par ce qu'il auoit tué François Pizarre. On fait le semblable à Martin Carille, Argolancie, Hinojeros, Velasquez, & autres. Ils employerent ce iour à telles choses, & le lendemain s'arriuerent à Guamanga, où Vacca de Castro commença à chastier les Almagristes, qui estoient trins & blesez: on en recouura en ceste ville plus de 160. On bailla en garde leurs armes aux habitâs. Le docteur de Gama eut la charge de faire leurs procès, il fait en peu de iours leur arrest, & par iceluy on

meit en quatre quartiers les capitaines Iean Telo Diego de Hores, François Perez, Ieã Perez, Ieã Diã te, Marticote, Basille, Cardenas, Pierre Ognate maître de camp, & autres trente que ie ne nomme point pour euiter prolixité. Vacca en confina quelques vns, & pardonna aux autres. Il renuoya leurs maisons tous ceux, qui auoient departement d'Indiens, & charges de villes. Il enuoya le capitaine Pierre de Vergara peupler les Bracamores qu'il auoit ja subiuguez, & s'en alla à Cuzco, d'iceul peur que Dom Diego luy fust osté par quelque vns, qui luy vouloiét du bien. Dom Diego, qui s'en estoit fuy en ceste ville, pensant ramasser quelque forces, ne peut seulement assembler quatre personnes, ains au contraire son lieutenant Roderic de Salazar de Toledé, & Antoine Ruiz de Gueuare prest, & autres habitans le prindrent, & meirent prisonnier le voyans vaincu, & seul. Vacca de Castro luy feit trancher la teste, & feit pendre Iean Roderiguez, Varragan, & Henry portenseigne, & autres. Diego Mendez eschappa de la prison, & se retira vers vn Ynga, qui demeueroit aux montagnes, & fut depuis tué par les Indiens. Par la mort de Dó Diego le Royaume du Peru deuint aussi paisible qu'il estoit deuât qu'il suruint aucune inimitié entre son pere & Pizarre, & pouuoit Vacca de Castro gouverner tout en toute iustice, & equité, & commander tous les Espagnols sans aucun contredit. On louoit grandement l'esprit de Dom Diego, mais non par l'intention, ny le peu de respect qu'il eut du Roy. Car estant si ieune il vengea par le cōseil de Iean de Rada la mort de son pere, sans auoir voulu prendre

chose aucune des biens de Pizarre, encor' qu'il fut en grande necessité. Il sçauoit cōme il failloit conseruer ses amis, & gouuerner le peuple, qui volontiers le receuoit, encor' qu'aucunes fois il vst de rigueur, & permit quelque sac pour cōtenter les soldats: il combattit vaillamment, & mourut catholiquement. Il estoit fils d'une Indienne de Panama, & estoit plus vertueux que n'ont accoustumé d'estre tels enfans yssus d'Indienne, & Espagnols. Ce fut le premier, qui print les armes, & cōbattit contre son Roy. On s'esmerueille de la cōstante amitié que les siens luy portoient: car iamais ne l'abandonnerent iusques à ce qu'ils fussent du tout vaincus, encor' qu'on leur offrist pardon de tout le passé, tant a de force le premier amour, la premiere affection, les picques, & indignations qui s'impriment vne fois en l'esprit de l'homme. Apres ceste bataille il resta beaucoup de soldats, qui n'auoient gueres vaillant, & auoient encor' moins à faire. Vacca de Castro craignant qu'ils ne suscitassent de nouveau quelques tumultes semblables aux passez, tant pour preuenir à cest inconueniēt, qu'aussi pour conquerir, & conuertir les Indiens, enuoya plusieurs capitaines en diuers endroiets. Entre autres Diego de Rojas, Philippe Gutierrez de Madrid, & Nicolas d'Heredia, qui emmenerent avec eux grosse troupe de soldats. Il enuoya Monroy donner secours à Valdiuie, qui en auoit bon besoing à Chili, & Iean Perez de Gueuare à Mulubamba, qui est vne ville, & pays, qui ja estoient commencez à subiuguer. Ce pays est riche en mines d'or, & est situé entre les deux fleues de Maragnon, & de l'Ar-



gent, où pour mieux dire ces deux fleuves naissent en iceluy, lesquels en cest endroit nourriſſent certains poiſſons de la grandeur, & ſemblance d'un chien, & mordent les hommes comme vn chien. Les gens de ce pays vont tous nuds, vsent de l'arc mangent chair humaine. On dit que pres de là vers la Tramontane on veoid des chameaux, des coqs comme ceux de Mexicque, & du beſtail fourch plus petit que celuy du Peru, & qu'aussi là aupres ſont les Amazones d'Oregliane. Vacca de Caſtro enuoya querir Gonzalle Pizarre, & luy donna permission d'aller aux pays qu'il auoit peuplez, & au departement qu'on luy auoit donné des Ciarcas. Il distribua les Indiens, qui eſtoient vacquans par ceſte guerre: pluſieurs ſe pleignirent de ceſte distribution, à cauſe qu'ils n'y auoient point eu part. Il fei pluſieurs Ordónances au grand profit des Indiens qui pour lors commencerent à eſtre en repos, & cultiuer la terre: car par les guerres paſſees, ils auoient eſté fort mal traittez, & dit-on que durant ce temps il en mourut plus de 1500000. & plus de 1000. Eſpagnols. Vacca de Caſtro demeura en la ville de Cuzco vn an & demy, durant lequel temps on deſcouurit des mines d'or, & d'argent riches au poſſible.

*La viſitation du Conſeil des Indes. Chap. 151.*

**D**Es diſſentiós du Peru, deſquelles no<sup>s</sup> auós traicté cy deſſus, aduint qu'il faillut, pour y mettre meilleur ordre pour l'aduenir, qu'on fei vne recherche ſur le Conſeil des Indes, & y eſtablir nouuelles loix, qui furent neátmoins cauſe de la mort d'un grand nombre de perſonnes, & ſuſciteren

beaucoup de maux, non pas parce qu'elles estoient meschantes, mais à cause qu'elles estoient par trop rigoureuses, comme nous dirons. Le docteur Jean de Figueroe Auditeur du conseil Royal, fut cōmis pour faire ceste informatiō. Les Auditeurs de ce cōseil estoient le docteur Bertrand, le docteur Gutierrez Velasquez, le docteur Jean Vernal de Lugo, & le licentié Jean Xuarez de Caruajal Euesque de Lugo. Le procureur fiscal estoit le docteur Villalobos, le Secretaire Jean de Samagno, & le President Frere Garzia de Loaisa Cardinal, & Archeuesque de Seuille: L'Empereur ayant veu quelques informations, priua du conseil le docteur Bertrand, & l'Euesque de Lugo. L'Euesque demeura tousiours à la suite de la Cour, & de là à quatre, ou cinq ans, l'empereur le feit cōmissaire general de la Cruciade. Le docteur Bertrād se retira à nostre Dame de Graces de Medine des champs, où il auoit vne maison. Il remercioit Dieu de ce qu'il luy permettoit finir le reste de ses iours sans se meller d'affaires, sans jeux, & sans troubles. C'estoit vn homme subtil, & fort esolu: estant Aduocat il gaigna de grands salaires, & laissa ceste pratique pour entrer au conseil Royal, d'où depuis on l'osta. Je l'ay veu pleurer des disgraces, se plaignant de soy mesme, de ce qu'il auoit laissé son Aduocasserie pour tenir l'audience: il auoit fort aimé le jeu: sa femme, & ses enfans pouoyent aussi, qui le ruinerent. A toute personne le jeu ne vault rien, mesme à ceux, qui ont des fauendes, & qui maniēt les affaires d'vn Roy, & d'vn Roiaume. Le Cardinal ne fut pas aussi sans auoir vn alomniateur, qui par ce moyen pensoit succeder

en son estat de President. Mais il fut tousiours trou-  
ué net: il estoit aussi grandement fauorisé de l'Em-  
pereur, & estoit amy du secretaire François de los  
Couos, qui auoit la superintendance de tous les  
affaires du Royaume.

*Ceux qui feirent les loys & ordonnances des Indes.*

*Chap. 152.*

**L'**Empereur ayant entédu le desordre, qui estoit  
au Peru, & les mauuais traictemens qu'on fai-  
soit aux Indiens, voulut remedier à tout, comme  
Roy iuste & ialoux du seruice de Dieu, & de l'ad-  
uantage des hommes. Il commanda au docteur Fi-  
gueroe, qu'apres auoir prins le sermêt, il examinast  
les gouuerneurs, conquesteurs, & religieux, qui a-  
uoient esté aux Indes, tant sur la qualité des Indiens,  
que sur le traictement qu'on leur faisoit, & si l'opi-  
nion de quelques moynes estoit veritable, qui di-  
soient qu'il ne pouuoit conquerir ces pays. Il cher-  
cha en outre personnes de sçauoir, & de bõne con-  
science, qui feissent des loix pour bien, & saincte-  
ment gouverner les Indes. Il esleut le Cardinal fre-  
re Garzia de Loaisa, Sebastien Ramirez Euesque  
de Cuenca, & president de Valladolid, qui auoit es-  
té president à S. Dominique, & à Mexique, Dom  
Iean de Zuniga gouuerneur du ieune Prince Dom  
Philippe, & grand commandeur de Castille, le se-  
cretaire Couos grand commãdeur de Leon: Dom  
Garzia Manrique, comte d'Osrone, & president  
des ordres des Cheualiers, qui auoit de long temps  
manié les affaires de l'Indie en l'absence du Cardi-  
nal Loaisa: le Docteur Fernand de Gueuare, & le  
Docteur Iean de Figueroe, qui estoiet de la cham-



re du Roy, le Docteur Mercado auditeur du conseil Royal, le Docteur Vernal, le Docteur Gutierrez Velasquez, le Docteur Salmeron, le Docteur Gregoire Lopez, qui estoient auditeurs des Indes, & le Docteur Jacques d'Arteaga. Ils s'assembloient pour traiter & aduiser ensemble chez le Cardinal, & feirent, encor' que ce ne fut avec la volonté de tous, quarante loix, qu'ils appellerent Ordonnances, lesquelles l'Empereur signa de sa main à Barcelonne, le 20. de Novembre 1542.

*Les grandes esmotions qui aduindrent au Peru, à cause des Ordonnances.* Chap. 153.

**A**Vssi tost que les Ordonnances, & nouvelles Loix furent faites pour les Indes, ceux, qui de la estoient en Espagne, les enuoyerent en diuers quartiers de l'Indie à leurs amis, & furent cause de faire esnouuoir troubles par tout. La plus grande esmotion aduint au Peru, par-ce qu'il n'y auoit si petite ville en iceluy, qui n'eust eue copie des Ordonnances. Ils commencerent à sonner le toczin par tout, & s'assembler, se mettans en furie oyans lire telles Loix: aucuns se malcōtentoient de l'exécution d'icelles, autres renioient, & tous mauldissoient frere Bartelémy de la Case, qui les auoit procurees: les hommes ne mangeoient point de fache: les femmes, & les enfans ne faisoient que pleurer: les Indiens s'en-orgueilloient, qui estoit vne chose grādement à craindre. Tous les peuples escriuoient les vns aux autres, & consultoient de ce qui estoit à faire sur ces Ordonnances. Ils trouverent expedient d'enuoyer à l'Empereur quelque grand, & riche pesant d'or, pour la despence: qu'il

auoit faicte à l'entreprinse d'Alger, & à la guerre de  
Parpignan. Aucuns en escriuirent à Gonzalle Pi-  
zarre, autres à Vacca de Castro, qui trouuoient leur  
requeste bonne, pensans par ceste voye exclurre  
Blasco Nugnez, & demeurer seuls au gouuernement  
du Royaume. Ie ne dis pas eux deux tous seuls en-  
semble, mais chacun pensoit seulement pour soy.  
car s'ils y fussent demeurez seuls ensemble, c'eust  
esté encores pis. Tous les pays, donc, espulchoient  
entr'eux la vertu, force, & equité de ces nouvelles  
Loix, & avec personnes doctes, qui ja demouroient  
en ces pays, pour eux suiuant l'avis, en escrire au roy,  
& le remonstrer au Vice-Roy, qui venoit pour les  
exécuter. Il y eut aucuns de ces gens doctes, qui con-  
seillerent qu'ils ne tomberoient point en desobeis-  
sance, ny en crime aucun n'obeissant point en telles  
Ordonnances, & que c'estoit encor moins presen-  
ter requeste à l'encontre, disans qu'ils ne les rom-  
poient point, puis qu'ils ne les auoient iamais ac-  
cordees, encor moins obsernees, & qu'elles ne de-  
uoient point auoir lieu de Loix, & qu'elles n'obli-  
geoient, puis qu'elles auoient esté faictes sans le  
consentement de la communauté des Royaumes, qui  
a accoustumé donner authorité, & qu'encor moins  
l'Empereur pouuoit faire telles Loix, sans premier  
les auoir faict entendre à ceux, qui representoient  
tous les Royaumes du Peru. Ils disoient d'auantage  
que toutes ces Loix estoient iniustes, excepté celle  
qui defendoit qu'aucun peut charger les Indiens, &  
s'en seruir pour porter la somme, & celle qui com-  
mandoit de taxer les tributs, celle aussi qui vouloit  
qu'on chastiait ceux qui traicteroient mal & cruel-

ment les Indiens, & celle qui commadoit d'auoir  
ving de faire instruire les Indiens en la foy, & quel-  
ques autres, & qu'on auoit mal conseillé l'Empe-  
reur de signer les autres, qui ne meritent point d'e-  
tre appellees Loix, comme celle qui commandoit  
que les auditeurs, & officiers s'employassent cer-  
taines heures du iour à aduiser comme le reuenu de  
l'oy pourroit croistre, & celle qui nommoit pour  
resident le docteur Maldonado, & autres qui e-  
uoient plustost Instructiōs, que Loix, & ne sentoient  
en qu'inuention de Moynes. Par telles raisons vn  
chacun prenoit courage, & les Capitaines, princi-  
alement ceux qui s'estoient employez aux cōque-  
stes, & les soldats prenoient plus grande hardiesse  
à dresser requestes à l'encōtre de ces Ordonnāces,  
mesme y contredire. Il y auoit d'auantage, qui  
s'estendoient plus fiers, c'est qu'ils auoient deux par-  
ties de l'Empereur: par l'vne desquelles il leur donoit  
à leurs fēmes, & enfans les departemens qu'ils a-  
uoient, afin qu'ils se mariaffēt, cōmādant expressēmēt  
de marier: par l'autre il ne vouloit qu'aucun fust  
d'olié de ses Indiens, & de son departement, sans  
que le premier il fut appellé en iugemēt, & cōdemné.  
*Comme Blasco Nugnez Vela, & autres quatre Audi-  
teurs s'en allerent au Peru. Chap. 154.*

Pres q̄ les Loix & Ordonances pour les Indes  
leurēt esté faites, on cōseilla à l'Empereur d'en-  
uoyer avec icelles au Peru homes capables, & suf-  
fisans, parce qu'elles sembloient à la verité vn peu  
des, & que les Espagnols, qui estoient là, estoient  
accoustumez à remuemens, & nouueautez. Sa-  
uastē, qui cognoissoit biē cela, esleut & enuoya,



avec tiltre de Vice-Roy, & quarante ducats d'esta-  
 par iour, Blasco Nugnez Vela grand cheualier, &  
 Capitaine des gardes, homme hault à la main, &  
 tel qu'il faillloit pour executer entierement ces lo-  
 Il feist aussi vn Parlement au Peru, car deuant on re-  
 leuoit les appellations à Panama. Il nomma pour  
 Auditeurs le Docteur Diego de Cepede, de Tor-  
 desiglias, le Docteur Lifon de Tejada, le Docteur  
 Pierre Ortiz de Zarate, & le Docteur Pierre Alua-  
 rez. Et parce que depuis que le Peru auoit esté de-  
 couuert, on n'auoit point ouy les compres des O-  
 ficiers, il enuoya pour les ouir Augustin de Zarate  
 qui estoit secretaire du Conseil Royal. Ainsi, don-  
 Blasco Nugnez partit avec ces quatre Auditeurs,  
 arriva à la ville du Nom de Dieu le 10. de Ianuier  
 1544. Il trouua là Christophle de Barrientos, & au-  
 très du Peru, qui vouloient faire voile en Espagne  
 avec bonne quantité d'or, & d'argent. Il requist le  
 Preuosts q par l'authorité de iustice, qu'ils auoient  
 ils feissent arrester cest or, iusques à ce qu'il fut ve-  
 rifié d'où, & cōme ils l'auoiēt leuē. Car on luy auo-  
 dit qu'ils auoiēt vëdu des Indières, & qu'ils en auoi-  
 faict trauailler d'autres aux mines. Cecy fut cau-  
 de ce q s'esmeurent, & se pleignerēt les habitans,  
 ceux, à qui appartenoit l'or, tant pour leur dōmage  
 particulier, que par-ce qu'ils voyoient que Blasco  
 vouloit entreprēdre en vne ville, qui n'estoit point  
 de son gouuernement: & n'eust esté l'aduis des au-  
 diteurs, qui ne vouloient rien faire, qu'en leur iu-  
 risdiction, il eust tout confisqué suiuant les ordon-  
 nances qu'il portoit, faictes contre ceux, qui par  
 force faisoient trauailler aux mines les Indiens. D

il s'en alla à Panama, où il mit en liberté tous les Indiens du Peru qu'il peut recouurer, & les renvoya en leurs possessions: il y en eut aucuns qui se racheterent de peur d'estre renvoyez, disans que c'estoit leur meilleur d'avoir vn maistre, que d'estre libres: autres demurerent au port Vieil, où il feit débarquer tout l'or, qui estoit à ceux de la ville du Som de Dieu. Et afin q' les Espagnols de ces deux villes ne murmurassent plus, il dict qu'il vouloit pour le present seulement proceder à l'encontre de cacca de Castro, qui permettoit, & mesme commandoit qu'on feist travailler les Indiens aux mines, & pour ceste cause, luy & les quatre Auditeurs concorderent à tenir en surseance beaucoup de choses. Ce pendant ces quatre Auditeurs tombent malades, & sont retenuz au lict. Blasco Nugnez ne p'ut aller à partir sans les vouloir attendre, encor' qu'ils ne p'riassent, & le cōseillassent de n'aller seul, pour éviter les tumultes qu'il sçauoit ja estre esmeuz au Peru. Il arriua à Tombez le 4. de Mars. Il met en liberté tous les Indiens, & oste toutes les Indiennes que les Espagnols tenoient pour concubines, & commanda aux Indiens de ne donner aucun viure aux Espagnols sans payemēt, & qu'ils ne portassent plus sur leur dos la somme contre leur volonté. Cela donna aux Espagnols autant de desplaisir, & fâcherie, qu'il y eut de plaisir & allegresse aux Indiens. Entrant en la ville de saint Michel, il commanda à certains Espagnols qu'ils payassent les Indiens, qui avec eux estoient leurs hardes sur leur doz. Il feit là publier à cry public les Ordonnances. Il feit depeucher les Tambos, il donna liberté aux Indiens es-

clauës, & aux forſats: il taxa les impoſts: il oſta les Indiens, qui eſtoient ſoubs le departement qu'auoit eu Alphonſe Palomine, qui auoit eſté la Liſſe tenant du gouuerneur, & ce ſuiuant ces nouuelles Loix, où il eſtoit comprins particulièrement: pour ceste cauſe on ne le conuerſoit plus, & ne luy donnoit on à manger, comme s'il euſt eſté excommunié. Apres Blaſco Nugnez s'en alla, en ſortant de la ville, les femmes Eſpagnolles, ſe mocquäs, crioient apres luy, diſät qu'il menoit avec ſoy l'ire de Dieu & le maudiſſoient, & prioient que Dieu le feit bien toſt finir mal. Il diſoit qu'il feroit pendre en effigie ceux qui auoiēt appellé, ou preſenté requête contre ſes commandemens, ſignez ſeulement par ſon ſeruiteur, qui n'eſtoit notaire, ny ſecretaire du Roy. Les habitans de ceste ville ſe ſcandalifoient encor' plus de ſes paroles, & de ſa rudelle, que de ſes Ordonnances.

*Ce que feit Blaſco Nugnez avec ceux de Truſiglio.*

*Chap. 155.*

**B**laſco Nugnez entra avec vn grandiffime deſſein au plaiſir des Eſpagnols dedäs Truſiglio, où il feut publier les Ordonnances, taxer les tributs, mettre en liberté les Indiens, & defendre qu'aucun les peccotraindre à porter la ſomme ſur le dos, ſans payer. Il oſta auſſi à vn chacun les vaffaux, & les meit ſous le nom du Roy, ſuiuant ces Ordonnances. Le peuple, & Chapitre appella de ces nouuelles Loix, excepté de celle qui commandoit de taxer les tributs & impoſts, & de l'autre qui defendoit de contraindre les Indiens, les approuuans comme bonnes, & iuſtes. Blaſco ne voulut receuoir leur appel, ainſi



ordonna grosses peines contre les iuges, qui viendroient au cōtraire, disant qu'il auoit expres commandement de l'Empereur, pour les faire executer; sans ouyr aucun, & sans auoir esgard à aucun appel: mais leur disoit, que s'ils pensoient auoir raison de se plaindre, qu'ils se retirassent vers l'Empereur, & que luy-mesme escriroit que sa Maiesté auoit esté mal informee pour ordonner telles Loix. Les habitants ayans veu telle rigueur en cest homme, couuerer toutesfois de quelques bonnes paroles, cōmencerent à se despiter, iurer & blasphemer. Aucuns disoient, qu'ils laisseroient leurs femmes: & de faict, s'eussent abandonnées, si on ne les eust menacées de les spolier de tout ce qu'ils auoient. Autres disoient qu'il leur estoit meilleur n'auoir ne femmes, ny enfants, si on leur ostoit les esclaves, qui les nourrissoient par le traual qu'ils faisoient aux mines, au labour des terres, & autres œures. Autres demandoient qu'il leur payast les esclaves qu'il leur ostoit; mais qu'ils les auoiēt achetez mesmes du Quint du Roy, comme il apparoiſſoit par les marques, qu'ils auoient au frōt, qui estoient du Roy. Autres disoient qu'ils prenoiēt leurs trauaux & seruices pour playes & maux, si en leur vieillesse ils n'auoient, qui les nourrisſent. Ceux-cy monstroient leurs dents cheues, pour auoir mangé du maiz roſty, en la conquēte du Peru. Autres monstroient les blessures qu'ils auoient receuës: autres les dentees que les crocodiles leur auoient donnees. Ceux qui auoient entrepris les conquestes, se complaignoient de ce qu'apres auoir despendu tout leur patrimoine, sans gagner leur sang, pour acquerir le Royaume

du Peru à l'Empereur, on leur ôstoit ce peu de vassaux, que luy mesme leur auoit donné de grace. Les soldats disoient qu'il en failloit chercher d'autres, on vouloit faire d'autres côquestes, puis qu'on leur ôstoit l'esperance de tenir vassaux, & qu'ils s'employeroient plustost à volder tout ce qu'ils pouuroient. Les Lieutenans & Officiers du Roy se sentoient greuez grandement de ce qu'on les priuoit de leurs departemens, sans auoir mal traitté les Indiens, puis qu'ils ne les auoiét point pour raison de leurs estats : mais seulemât en remuneratiô de leurs peines, & seruices. Les Prestres mesme, & les Moines, se plaignoient, disans qu'ils ne pourroient subsister, encor' moins seruir à l'Eglise, si on leur ôstoit le peuple qu'on leur auoit donné. Celuy, qui fut plus hardy, & eut moins de respect du Vice-Roy, & du Roy mesme, fut frere Pierre Mugnoz disant que sa Maiesté payoit mal ceux qui l'auoient si bien serui, & que ces Loix sentoient plus son interest, & profit particulier qu'aucune sainteté, puis qu'il retiroit les esclaves, qu'il auoit venduz, faire rendre les deniers, & de ce qu'il prenoit les terres pour le Roy, les ostât aux Monasteres, Eglises, Hospitalaux, & à ceux qui par leurs conquestes estoient cause de ce profit : & ce qui estoit pis, qu'il imposoit double tribut, & seruice aux Indiens, qu'il mettoit sous le nom de l'Empereur, dequoy eux mesmes n'estoient pas trop contens. Le Vice-Roy voulut grand mal à ce Moyne, & luy aussi luy en voulut iusques à la mort, par-ce qu'une fois de nuit il le fauoit battu en la ville de Malaga en Espagne, où il en estoit Gouverneur.

*Le serment de Blasco Nugnez, & de l'emprisonnement  
de Vacca de Castro. Chap. 156.*

Vacca de Castro ayant veu à Cuzco, où pour lors il demeueroit, les Ordonnances, se meit en ordre pour aller en la ville des Roys receuoir Blasco Nugnez, mais bien accompagné de bon nombre d'Espagnols : ce qui feit douter de sa volonté. Pour ceste cause les Citoyens de la ville des Roys, ayans entendu qu'il venoit avec main forte, luy manderent qu'il ne s'approchast point plus pres, puis que le Gouverneur n'y estoit point encor' venu : car ils auoient peur d'estre par luy chastiez de ce que quelque temps deuant ils n'auoient voulu receuoir vn Lieutenant qu'il leur enuoyoit. Quelques particuliers escriuirent aussi à Blasco Nugnez, qu'il se hastast pour entrer en la ville deuant Vacca de Castro, de peur que s'il retardoit trop, on ne le receut possible point en ce gouvernement. Vacca de Castro scachant la volonté des habitans, laissa les armes, & quasi tous ceux, desquels il f'estoit accompagné. Il fut conseillé des siens, de s'en retourner à Cuzco, & tenir la ville pour le Roy, appellant de l'execution des Ordonnances : mais iamais ne vout. Il arriua à Lima, où il trouua les habitans en voutes diuerses : les vns vouloient le Vice-Roy, autres non. Gaspar Roderiguez voyant approcher Blasco Nugnez, laissa Vacca de Castro, & se retira à Cuzco, ramenant avec soy force habitans de ceste ville, & les armes que Vacca auoit fait laisser en chemin, pour defendre ceste ville comme on pourroit. Blasco Nugnez partit de la ville de Trusiglio en grande furie. Il arriua au Tambo, qu'on nomme



la Barrança, où il ne trouua que mäger, mais trouua seulement vn mot escrit, qui disoit, celui qui viendra m'oster mon bien, qu'il se garde fil eist sage, il pourra perdre la vie. Il festonna de ceste escriture & demanda si on scauoit qui l'auoit escrit. On luy dict, qu'vn peu deuant y estoient venus quelques meschâs avec Xuarez de Caruajal facteur du Roy. A ce Tambo arriua Gomez Perez avec lettres de Ynga Mango, & de Diego Mendez, & autres fins Espagnols du party de Dom Diego d'Almagro, par lesquelles ils demandoient congé, & sauf-conduict de venir vers Blasco Nugnez, avec Mango Ynga. Il leur pardonna tout le passé, afin que plus volontiers ils veinssent. Mais ils furent tuez par l'ignorance de Gomez mesme. Ils souloient iouer ensemble avec Mango Ynga à vn certain ieu du pays auquel Gomez Perez auoit accoustumé de tromper. Quand il fut de retour, ils se meirent tous à iouer & comme Gomez trompoit, Mango dict à vn sien domestique, qu'il le tuast la premiere fois qu'il le verroit tromper. Vne Indienne aduertit Gomez de ce que Mango auoit dict à son seruiteur. Gomez sans considerer plus auant, donne vn coup d'estoc en la poiëtrine à Mango. Quand les Indiens veirent leur Seigneur mort, ils tuerent Gomez, & tous les autres Espagnols, & prindrent pour Ynga le fils du defunct, avec lequel ils se sont retirez en certaines montaignes hautes, & rudes sans plus vouloir l'amitié des Chrestiens. Or, pour reuenir d'où i'estois fort, Blasco Nugnez auant qu'arriuer à Lima sceut comme ceux de ceste ville auoient deliberé de ne luy donner entree, si premier il ne leur accordoit

appel qu'ils interieſtoient ſur ces Ordonnances, ſurât qu'il ne les mettroit à executiō, & ſ'il ne vouloit faire leur deliberation, qu'ils l'enuoyeroiēt lié, & garrotté hors le Peru. Il ſceut d'auantage comme nous eſtoient enſlambez contre luy de ce qu'il faiſoit ainſi executer de faiſt ces Ordōnāces, & qu'ils liſoient mille maux de luy. Il enuoya deuant Diego l'Aguero regent de la meſme ville pour appaiſer la cholere des citoyens, diſant que Nugnez auoit du tout changé ſa fureur en douceur pour auoir veu à l'œil le dommage, & le meſcontentement qu'vn chaſcun auoit de l'executiō de ces nouuelles Loix. Auant, donc, que Blaſco Nugnez entraſt en ceſte ville de Lima, autrement ſur-nommee des Roys, le facteur Guillaume Xuarez au nom de tous print le ſerment de luy qu'il garderoit les priuileges, franchiſes, & graces que ceux qui auoient conquis & peuplé le Peru, auoient de l'Empereur, & qu'il ſequieſceroit à l'appel, qu'ils propoſoient ſur l'execution des Ordonnances. Il iura de faire tout ce qui ſeroit au ſeruice de l'Empereur, & à la conſervation de ces Royaumes, habitans, & Eſpagnols. Ceux, qui eſtoient preſens, dirent incontinent qu'il auoit iuré avec vne fineſſe, entendant l'execution des Ordonnances eſtre pour le bien des Indiens, & pour le ſeruice de l'Empereur. Il entra en ceſte ville avec vn grand ſilence, & faſcheux de tout le peuple. Iamais ne fut vn homme en ſi grand horreur ny ſi hay que ceſtuy cy, en quelque ville, où il arriuaſt pour porter ces Loix : leſquelles il publia publiquement ſur peine de banniſſement, & commença à les executer, encores qu'on

le priaſt de n'en rien faire, de peur que le Eſpagnol ſe reuoltaffent, & vouliſſent cōſeruer leurs departemēs. Mais il feit le ſourd à tout ce qu'on luy diſoit pour faire la volonté & commandement de l'Empereur. Il voulut ſçauoir la volonté de Vacca de Caſtro, qui s'entendoit avec Gonzalle Pizarre, & qui eſtoient ceux, & cōbien ils pouuoient eſtre, qui ſe manifeſtoient contraires aux Ordonnances. Il apaiſa les Indiens, qui ſe mutinoient, & ſe vouloient rebeller ſans plus cultiuer leurs terres, & les enſeigner. Il mit en priſon Vacca de Caſtro, diſant qu'il auoit ſigné des lettres de quelque departement comme gouuerneur, lors qu'il eſtoit ja arriué au Perou, & qu'il incitoit le peuple à parler mal des Ordonnances, & qu'il auoit laiſſé retourner à Cuzco Galvan par Roderiguez, & autres. Il aduint incontinent un grand murmure, & diſſention pour l'emprisonnement de Vacca de Caſtro, de Dom Louys de Cambrere, & autres qu'il print avec luy.

*Ce que feit Gonzalle Pizarre à Cuzco contre les Ordonnances. Chap. 157.*

Plusieurs Capitaines des conqueſtes du Perou eſcriuiſſent tant de lettres à Gōzalle Pizarre, qu'il le reſueillerent de là où il eſtoit en la Prouince de Ciarcas, & le firent venir en la ville de Cuzco de puis q̄ Vacca de Caſtro en fut party pour aller à la ville des Roys. Quand il y fut, pluſieurs ſe vindrēt régler vers luy, par ce qu'ils auoient peur d'eſtre priuez de leurs vaffaux, & de leurs eſclaues. Plusieures autres auſſi y venoient, qui ne demandoient que de nouuellerez pour s'enrichir. Tous le prièrent qu'il ſ'oppoſaſt aux Ordonnances qu'auoit apporté



Blasco Nugnez, & qu'il executoit sans aucun respect. Qu'il en appellast, & que mesme il les empeschast par force, s'il en estoit besoin: que pour ce fait ils le prenoient tous des-là pour capitaine, ils le defendroient, & le suiuroient. Pizarre pour les prouuer, ou pour se iustifier leur dict, qu'il ne luy commandassent point telle chose. Car de contredire aux ordonnances, encore que ce fust par requeste, c'estoit contredire à l'Empereur qui vouloit resoluement qu'elles fussent executées, & qu'ils considéraissent bien comme legierement les guerres se commençoient, comme leurs cours estoit penible, & dur à entretenir, comme leur fin estoit tousiours douteuse, & que pour chose aucune, il ne vouloit s'accorder à eux contre le seruicé qu'il deuoit à son Roy, & qu'il ne vouloit receuoir la charge d'estre Procureur pour eux en ceste affaire, encores moins d'en estre Capitaine. Alors tous pour luy persuader, luy alleguerent plusieurs choses pour la justification de leur entreprinse. Aucuns disoient que puis que la conqueste des Indes leur estoit perdue, ils pouuoient à bon droit retenir pour esclaves les Indiens qu'ils auroient prins en guerre. Les autres disoient que l'Empereur ne pouuoit oter les vassaux qu'une fois il leur auoit donnez, spécialement durant le temps de la donation: parce qu'il en auoit donné à plusieurs comme pour tout, afin que plustost il se mariaissent. Autres disoient qu'ils pouuoient deffendre par armes leurs vassaux, & leurs priuileges avec vne impunité telle qu'est celle, avec laquelle les nobles Seigneurs; qui ont fief en Espagne, defendent leur liberté, qui

leur a esté octroyee pour auoir donné secours , & aide à leurs Roys pour oster les Royaumes de la puissance, & tyrannie des Mores, puis qu'aussi eux s'estoiēt employez à cōquerir les Royaumes du Péru, & les arracher des mains des idolatres , & que pour recompense de leurs traueux, on leur auoit donné, comme aux autres, ces vassaux , & priuileges. Finablement tous disoient qu'ils ne meritoient aucune peine procedans par voye de requeste, ou d'appel de l'execution. Plusieurs passoient outre, & disoient qu'ils estoient iustement exempts de toute peine, encor' qu'ils contredissent à ces Ordonnances, puis qu'auparauāt on ne les auoit point obligez d'y prester leur consentement, ny de les receuoir pour Loix. Il ny eust pas faute de quelqu'un qui dict, qui c'estoit vne chose difficile & vn cōseil enragé de faire la guerre à son Roy sous couleur de defendre son bié, & proposer telles choses, qui n'estoient point de leur art, encor' moins de la fidelité qu'ils deuoient. Mais en fin ils proffiterent peu vouloir gaigner, & practiquer celuy, qui ne vouloit point escouter, par ce qu'ils disoient non seulement ce, qui en quelque chose touchoit leur faueur, mais aussi parloient comme soldats, disās au Roy de l'Empereur leur Roy, & Seigneur pēsāns luy tendre le bras, & l'espouuenter par brauades. Ils disoient en outre que Blasco Nugnez estoit trop terrible, qu'il estoit grand ennemy des riches, qu'il estoit Almagriste, qui auoit faict pendre vn prestre à Tombez, & faict mettre en quatre quartiers vn seruiteur de Gonzalle Pizarre, par ce qu'il alloit contre Diego d'Almagro, qui auoit expres comma

lement de tuer Pizarre, & de punir tous ceux, qui auoient esté avec luy en la bataille des Salines. Pour conclusion, ils disoient qu'il estoit de meschant naturel, qu'il deffendoit de boire vin, manger des escaves, & du sucre, de se vestir de soye, de se faire porter en portoirs. En fin, avec toutes ces choses parties feinctes, parties vrayes, Gonzalle Pizarre se consentit à estre leur Capitaine general, & Procureur, pensant comme il desiroit entrer par la manche, & sortir par le collet. Le Chapitre, c'est à dire la Communauté de Cuzco, qui est chef du Peru, l'esleut pour Procureur general, & les autres Chapitres de Guamangua de l'Argent, & d'autres lieux, & les soldats l'esleurent pour Capitaine, luy donnans toute procuration fort ample. Pizarre iura de garder & faire tout ce que portoit sa procuration. Il mena l'enseigne au vent, faict sonner le tabourin, prend le tresor de la maison du Roy: & par ce qu'il y auoit en ceste ville bonne quantité d'armes de la bataille de Ciupas, il arma incontinent iusques à quatre cens hommes de cheual, & de pied. Plusieurs se scandalizerent de cela, & ceux, qui manioient les affaires du gouuernement de la ville se repentirent de ce qu'ils auoient faict, voyans Gonzalle Pizarre prendre la main entiere, luy ayans donné seulement le poigt. Mais ils ne reuocquerent le mandement que s'auoient ja donné, encor' que plusieurs secrettement protesterent du mandement qu'on luy auoit donné, entre lesquels furent Altaminaro Maldonado, & Garcilasso de la Vega.

*L'appareil de guerre que feit Blasco Nugnez vela.*

*Chap. 158.*



**B**lasco Nugnez voyant le peuple de la ville de  
 Rois esmeu par ce qu'il ne vouloit acquiescer  
 leur appel, & de ce qu'il auoit mis prisonnier Vaca  
 de Castro, & autres, leua cinquante arq̄buziers  
 pout sa garde, & en feit capitaine Diego d'Vrb  
 ne. Apres ayant entendu les assemblees, qui se fai  
 soient à Cuzcō, y enuoya le Prouincial frere Tho  
 mas de S. Martin, & apres luy F. Hierosme de Loay  
 sa premier Euesque, & Archeuesque de la ville de  
 Roys, pour asscurer Pizarre, que il n'auoit appor  
 d'Espagne aucunes lettres patentes à son detrimē  
 mais au contraire qu'il sçauoit bien que sa maiest  
 auoit bonne enuie de luy gratifier en tout. & p  
 tout, pour les seruices qu'il luy auoit faicts, & po  
 les traux qu'il auoit soufferts pour accroistre  
 gloire de sa renommee, & que partant il le prio  
 de ne le troubler en son gouuernement, & de ne  
 vouloir mesler en ces brouilleries: qu'il vint  
 toute liberte, & comme amy domestique le ve  
 & qu'ils parleroient ensemble de ces affaires. Gon  
 zalle ne vouloit point laisser entrer l'Euesque, e  
 cor moins luy donner audience apres qu'il fut e  
 tré. Ains au lieu d'entendre au cōseil de l'Euesqu  
 procura d'estre esleu gouuerneur. Ce qu'ayant o  
 tenu, il enuoya incontinent à Guamangua vin  
 pieces d'artillerie, & meit ordre à tout ce qui esto  
 besoing pour la guerre. Quand Blasco eut oy  
 mauuaise intention de Gonzalle, & que le peup  
 cōmençoit ja à auoir peur, il feit assembler ses ge  
 qui se trouuerent iusques à mille, par ce que les  
 magristes se ioingnirēt de son costé, & autres pe  
 ples specialement les Septentrionaux. Il feit fa

monstre à son armee, & paya vn chacun. Il feit tout cecy avec la volonté de tous, & par l'aduis des Auiditeurs, & officiers du Roy, qui soubfignerent à la guerre au liure des Resolutiōs. Il feit capitaine general son frere Vela Nugnez, & François Louis de Alcantara grand port-enseigne, & pour capitaines de la cauallerie, il feit Dom Alphonse de Grandmont, & Diego de Cueto son cousin, & capitaines de l'Infanterie Paul de Meneses, Martin de Róbles, & Gonzalle Diez, & esleut pour maistre de camp Diego d'Urbine, qui auoit 50. arquebuziers. En ceste armee y auoit 200. cheuaux, & bien autant d'arquebuziers. La ville des Roys estoit bien munie & fortifiee, & en estat de soustenir vaillamment l'ennemy. Blasco haulsa la paie aux soldats. Il despensit tous les reuenus du Roy, & tout l'or que Vacca de Castro auoit prest pour enuoyer en Espagne: encor' emprunta il des marchans grand nombre de deniers. Durāt qu'il dresseoit ainsi son equipage, Alphonse de Caceres, & Hierosme de la Serne arriuerent en deux vaisseaux d'Arrequipa. La Serne venoit de la ville de Cuzco, & s'estoit embarqué à Arequipa. Gaspar Roderiguez l'auoit enuoyé à Blasco Nugnez pour l'aduertir de tout ce qu'il se faisoit par delà, & pour rapporter de luy vn mandement de tuer Gonzalle, ou de l'arrester prisonnier, par ce que le moyen s'offroit bié aisé pour ce faire: Roderiguez par le moyen de ses amis auoit persuadé à Caceres de se retirer avec ces deux vaisseaux vers le party du Vice-Roy, & nō avec Pizarre comme il vouloit. Blasco fut fort aisé de leur venue, & bien marri d'ouir dire que Gonzalle estoit si

muny d'armes & d'artillerie, & qu'il auoit le peuple de ce quartier si fauorable. Il suspendit les Ordonnances pour deux ans, & iusques à ce que l'Empereur eust commandé autre chose faisant des protestatiōs, qui furēt escrites au liure des Resolutiōs comme la suspension estoit faicte par force, & que l'execution de ces Ordonnances estoit à tous trop odieuse pour pacifier le Royaume. Il feit des proscripciōs cōtre Gonzalle faisant publier qu'il estoit permis à vn chacun de le tuer impunement, & tous ceux qui le suiuoient, promettant à ceux, qui le tueroient, leurs biens, & les departemens, qu'ils auoient: chose qui irrita d'auantage ceux de Cuzco & qui mesme ne pleut gueres aux habitās de Lima. Suiuāt sa proscription il distribua incontīnēt quelques departemens, qui appartenoiēt à ceux qui se estoient retirez vers Pizarre. Il disoit publicquement que tous estoient traistres, excepté ceux de Chili, & qu'il les faillloit chastier tous. Il cōmanda à ses gens de tuer Diego d'Urbine, & Martin Robles, quand ils viendroient à sa maison, s'il leur faisoit signe de doigt: mais par-ce que Robles, qui estoit biē aduise, & cault par son beau parler l'auoit addoucy, il ne feit point le signe, & ainsi ne furent point tuez. Il leur dict à eux mesme ce qu'il auoit proposē, n'pouuant rien tenir secret: qui fut cause qu'eux, & quelques autres n'osoiēt se retirer la nuit en leurs maisons pour reposer.

*La mort du facteur Guillaume Xuarez de Caruajal.*

*Chap. 159.*

**B**lasco Nugnez ayāt peur que ses affaires succedassent mal à cause du grand nombre d'hom



nes, qu'auoit Gonzalle Pizarre, enuoya en diuers lieux de ses gens pour leuer des Espagnols, comme Hernád d'Aluarado à la ville de Trufiglio, & Villieras à Guanuco. Il vint de diuers lieux bon nombre d'hommes, & entr'autres Gonzalle Dias de Pinere, qui amena de bons hommes de Quito, & Pierre de Puellas de Guanuco, d'où il estoit gouuerneur, qui emmena avec soy quinze de ses amis, entr'autres François de Spinosa. De Ciaciapoias vint Gomez de Solis, de Caceres avec Diego Boniface, Vilalobos & autres braues hommes. Avec tout cela, cest ce que Blasco Nugnez se deffioit de donner bataille, & ne pouuoit s'asseurer de la gagner. Il eut encor' plus grande frayeur, & n'osoit mettre son armee aux champs. Il feit clorre toutes les entrees de la ville, laissant seulement des canonnières. Cela fut cause de faire perdre le courage à tous les gens, & aux habitans, & depuis ne fut tant estimé comme deuât. Vn peu deuant cecy (ce qui luy seroit bien d'excuse) Louis Garzia de S. Mamer, qui estoit Courtier à Xauxa, luy apporta certaines lettres escrites en chiffres du Docteur Benoist de Carajal pour le facteur Xuarez son frere. Ce chiffre luy donna du soupçon, mesme qu'il y auoit ja quelque temps qu'il auoit conceu vne hayne contre ce facteur. Il monstra ces lettres aux Auditeurs demandant s'il pouuoit le tuer: ils luy responderent que non, sans sçauoir premierement le contenu des lettres, & pour en sçauoir la verité, l'enuoyerent querir, il vint aussi tost, il ne changea aucunement de contenance pour tout ce qu'on luy dict, encore que les menaces, desquelles on vsoit en son endroit,

fussent assez hautaines. Il leur la lettre, & le docteur Iean Aluarez meit en escrit sommairement le contenu, qui estoit des armes, des gens, & de l'intention qu'auoit Pizarre: qui, & combien y auoit de mal contens avec luy, & que quant à luy il viendroient incontinent offrir son seruice au Vice-Roy, auant tost qu'il pourroit partir sans danger de sa personne, ainsi comme le mesme facteur luy mandoit. Benois enuoya vn peu apres le contrechifre, & trouua on estre vray ce que le facteur auoit leu: & suiuant ceste lettre le docteur Caruajal vint à Lima deux ou trois iours apres que Blasco Nugnez fut prisonnier sans auoir rien entendu de la mort du facteur. A quelques iours de là Gonzalle Diaz s'en fuyoit vers Pizarre, aussi feirent Hierosmes de Caruajal, & Escobedo neueux du facteur, avec Diego de Caruajal le braue, qui tous demeuroient en la maison du facteur, & furent cause de sa mort. Autres aussi s'en allerent avec eux, comme Balthasar de Castille, Pierre de Caruajal, & Royas d'Antecher, Gaspar Mexia de Meride, Pierre Martin de Sicile, Roderic de Salaza, & le bossu de Toledé, & plusieurs autres bons soldats, qui feirent grand' faulte à l'armee. Le Vice-roy ayant entendu comme ceux cy s'estoient retirez, fut fort fasché, & entra en grand cholere, mesme à cause qu'ils estoient partis de la maison du facteur, & en la compaignee de ses neueux. Il enuoya apres eux le capitaine Dom Alphé se de Grand-mont avec cinquante cheuaux, qui fut prins par ceux qu'il vouloit prendre: mais ce fut par la meschanceté des siens. Il enuoya querir le facteur ceste mesme nuit, & estant venu luy dit

Quel

Quelle trahison est-ce cy? Aucuns disent qu'il luy  
lit: En la malheure soyez vous venu traistre. Le fa-  
cteur luy feit responce: Je suis aussi bon seruiteur  
du Roy què vous, & autres paroles. Le Vice-Roy  
estoit en colere repliqua: Ne sont-ce pas trahisons,  
& vilenies d'enuoyer ses nepueux avec tant de bons  
soldats à Pizarre? d'escrire au Tambo tout ce que  
vous sçaez? & n'auoir point voulu bailler montue-  
re à Balthasar de Loaysa pour porter mes pacquets  
à la ville de Cuzco? & puis vostre frere le docteur  
leur iustifier la cause de Gonzalle Pizarre: n'a-on  
pas priué du conseil des Indes l'Euesque vostre frere  
pour semblables choses? Apres cela comme le fa-  
cteur repliquoit pour se descharger, Blasco luy dô-  
na deux coups de poignard, crians tuez-le, tuez-le.  
Les gens estans venus, aussi tost l'acheuerēt de tuer,  
aucuns toutesfois iettoient leurs cappes sur luy, a-  
fin qu'on ne le blessast point. Il feit mettre les corps  
dedans vne gallerie basse. Alphonse de Castro lieu-  
tenant d'Aguzail pour Vela Nugnez le feit enter-  
rer, & luy donna vn tombeau, sur lequel estoit gra-  
ue sa pourtraicture. Ceste histoire m'a esté ainsi re-  
contee par Laurent Mexia de Figueroc, Laurent d'E-  
spignano, Riba de Veyra, & autres gentils-hom-  
mes qui s'y trouuerent presens, encores que Blasco  
Nugnez iurast qu'il ne l'auoit touché, & qu'il ne  
vuloit point qu'il mourust. La mort du facteur fut  
cause de grand tumulte, par ce que c'estoit vn hom-  
me de grande reputation. Elle fut cause aussi d'in-  
quieter les habitans si fort qu'ils n'osoient de nuict  
meurer en leurs maisons. Blasco Nugnez sentant  
conscience, disoit souuent aux Auditeurs, & à



plusieurs autres que la mort du facteur deuoit estre cause de la sienne, cognoissant la faute qu'il auoit faite.

*Comme le Vice-Roy Blasco Nugnez Vela fut mis prisonnier. Chap. 160.*

**O**N murmuroit fort à Lima pour la mort du facteur, disant que chascun fois qu'il plaisoit au Vice-roy il tueoit qui bon luy sembloit, & tous disoient Pizarre. Blasco Nugnez oyoit bien tout, & estoit en grande peine. A ceste cause pour n'estre plus en vn lieu, où il estoit si mal voulu, delibera d'en aller à la ville de Trusiglio avec le parlement & les finances du Roy. Pour amener les biens, & les femmes il feit equipper deux ou trois vaisseaux, de quels il feit capitaine Hierome de Zurbaram Biscain. Il feit armer aussi ces vaisseaux pour garder de coste, à cause qu'on disoit que Pizarre armoit de nauires à Arequipa pour commâder sur la mer, en estre maistre. Il meit en ces vaisseaux le docteur Vacca de Castro, & les enfans du Marquis d'Ormaizcois Pizarre avec Dom Antoine de Riuiere, qui auoit en charge avec sa femme dame Agnes, & d'Ormaizcois tout le reste en garde à Diego Aluarez. Il communiqua aux Auditeurs trois iours apres la mort du facteur de son entreprise, leur persuadant d'aller à Trusiglio, amenant leurs femmes, & tout l'or, & le fer qu'il auoit. Il amenoit les femmes pour obliger les maris à les suyure, & emportoit l'or & l'argent pour entretenir son camp: & le fer, afin qu'il ne bast entre les mains de Pizarre, qui en auoit fait tant pour ferrer ses cheuaux, que pour faire des quebuzes. Les Auditeurs ne trouuerent pas sa de

beration bõne disans, qu'ils ne partiroient point, & qu'encor' moins pouuoient ils sortir de la ville des Roys, par-ce que l'Empereur leur auoit ainsi commandé par les ordonnances dernieres, & aussi afin qu'ils ne dõnassent point à cõgnoistre qu'ils eussent peur de Gõzalle, qui estoit encor' à plus de 200. mil loing de là, & que par ce moyen ils feissent perdre courage aux habitans, & à ceux qui estoient là pour faire seruice à l'Empereur. Par telles raisons & autres qu'ils luy dirent, il leur promet de ne bouger. Mais apres qu'ils furent sortis de sa maison, il enuoya querir les officiers du Roy, & les Capitaines de l'armee, Alphonse Riquelme Thresorier, Jean de Carceres maistre des comptes, Garzia de Sanzello Contrerolleur, Diego Aluarez, Vela Nugnez, Dom Alphonse de Grand mont, Diego d'Vrbine, Paul Meneses, Martin de Robles, Hierosme de la Perne, qui auoit l'enseigne de Gõzalle Dias, & Pierre de Vergara, qui n'auoit point encor' de compagnie. Il leur declara son intention, & les causes, & raisons qui le mouuoient de laisser la ville des Roys, & se retirer en la ville de Trusiglio, & leur commanda d'estre prests pour le lendemain, par-ce que sans doute il sen vouloit aller par mer, emmenant avec soy les femmes, & les biens. Vela Nugnez conuiroit par terre le reste des soldats. Il n'y eut aucun d'eux qui luy contredit, estans tous garnys de peu de cœur. S'ils luy eussent resisté comme feirent les Auditeurs, il ne se fut pas resolu si promptement, & eussent esté cause qu'il n'eust pas esté arresté prisonnier, & encor' moins l'eut-on depuis tué. Ils allerent toutesfois en aduertir les Auditeurs, lesquels

fasssemblerent en la maison du docteur Cepeda, &  
 apres auoir bien consulté de cest affaire, resolurent  
 de ne partir point de là, & de ne laisser point sortir  
 les habitans, croyans que Pizarre n'auoit point l'es-  
 prit si malin, comme depuis il le demôstra. Ils dres-  
 serent vne requeste pour le Vice-Roy, afin qu'il ne  
 s'en allast point, & feirent des lettres qu'ils feirent  
 publier, par lesquelles ils deffendoient aux habitans  
 de ne laisser embarquer leurs femmes, croyans qu'ils  
 demeurans tous en la ville des Roys, le Vice-Roy  
 se voyant seul de son opinion, seroit contrainct de  
 s'en retourner en Espagne rendre cōpte de sa char-  
 ge à l'Empereur, & que Gonzalle Pizarre romproit  
 puis apres son armee en luy accordant la requeste  
 qu'il presentoit contre les Ordoñances: Mais si le  
 Vice-Roy ne vouloit rien faire de leur conseil, qu'ils  
 facilement ils l'arresteroient prisonnier, ou le fe-  
 roient mourir, & puis resteroient seuls avec le ma-  
 niement de toutes choses. Cepeda, & Diego Alua-  
 rez meirent ce conseil en auant: Azenedo le me-  
 par escrit, & Bernard de saint Pierre, qui estoit  
 Chancelier le scella avec les deux sceaux, & fut signé  
 par Tejada, qui se renga de leur opinion: ils estoient  
 tous amis, & natifs de la ville de Logrogne. Les  
 Auditeurs passerent tout le iour en ceste affaire,  
 pendant q le Vice-Roy faisoit charger ses nauires,  
 mettre en ordre sa caualerie: Cepeda toute la nuit  
 fit provision d'armes, & de viures avec douze  
 ses amis & seruiteurs. Tejada, qui auoit peur, d'auoir  
 mãda pour vn autre affaire au Vice-Roy douze a-  
 quebuziers: & le lendemain matin les Auditeurs  
 rassemblèrent en la maison de Cepeda, & com-



il y auoit plus d'apparence de munitions que d'audiēce en ceste maison, vn des arquebuziers de Tejada courut dire au Vice-Roy que les Auditeurs s'armoient contre luy. Sur ceste nouuelle Blasco se leue aussi tost, & faiēt sonner l'alarme par la ville. Vela Nugnez, Meneses, & la Serne avec leurs compagnies de gens de pied, & François Louys d'Alcātara avec sa caualerie viennēt à sa maison, de façon qu'en peu d'heure s'assemblerent plus de 400. Espagnols des principaux, & bien armez. Aucuns d'iceux ne trouuans pas bon les façons de faire du Vice-Roy, & sa demeure au Peru, le prierēt qu'il rétrast dedans sa maison, & qu'il ne se meit en danger. Blasco sans considerer plus auant se retira dedans sa maison avecques cinquāte cheuaux, ce qu'il ne deuoit pas faire. Aucuns furent bien aises de ceste retraicte, autres perdirent courage. Il est certain que s'il ne se fust retiré en sa maison (qui fut vn signe de grande couardise) il n'eust esté prisonnier, parce que sa presence eust donné courage à ses gens, & les eust retenuz. Vela Nugnez estoit demeuré dehors avec son esquadron attendant ce qu'il aduendroit. Ce pendant il sembloit que toute la ville deust fondre pour les plainctes, & pleurs accompagnées de haults cris que iettoient les femmes. Les Auditeurs qui n'auoient pas trente hommes se voyoient perdus, & neantmoins firent publier la deffence que nous auons dicte. Estants en si pauvre estat, François de Scobar leur dit alors: sortons dehors en la ruë, & mourons combattans comme hommes de bien, & non point enfermez icy comme poulles. Avecques vn si noble courage

les Auditeurs faillirent dehors, & marcherēt droit vers la place. Martin de Robles, & Pierre de Vergara se iettent incontinent du costé des Auditeurs, ou pour n'aller point avec le Vice-Roy, ou pour obeïr à ce que les Auditeurs auoient faict publier, ou parce que, comme on dit, ils estoient d'accord avec eux. Il y en eut aussi plusieurs tant de pied, que de cheual, qui les suiurent crians liberté, pour attirer le peuple. Ils commencerent à tirer quelques coups d'arquebuzes l'un contre l'autre, du bout de la rue en la place. Vela Nugnez les attaquoit de pres, & en print quelques vns. Ramitez le hardy, enseigne de Martin de Robles, pouffe d'une grande hardiesse, & plante son enseigne au milieu de la place. Le Capitaine Vergara avec son espee, & rondelle passe bien auant. Les Capitaines du Vice-Roy se retirent en sa maison, & la plus part des soldats se mettēt du costé des Auditeurs, qui estoient à la porte de l'Eglise. Il n'y eut pas tant de sang espendu comme on pensoit. On iettoit la faulte sur les Capitaines, qui s'en estoient fuyz, n'ayants pas grande volonté de combattre. Autres disoient que la faulte estoit des soldats, & habitans, qui tournoient leurs piques, & arquebuzes derriere eux. Ils assaillirēt la maison de Blasco, qui se defendoit courageusement. Aucuns ne luy vouloient faire mal, autres n'auoient pas grand' enuie de luy pardonner, comme tresbien ils demōstroient, disans ce mot de la passion: Son sang soit sur nous, & sur nos enfans, & autres telles paroles autant vrayes que plaisantes. Bonauenture Bertrand, & autres disoient au combat qu'ils se gardoiēt pour ce iour-là. Antoine Robles entra seul en

la maison, & feit ouurir les portes, disât au Viceroy qu'il se rendit: lequel voiant qu'il ne pouuoit faire autre chose, se rendit à Martin de Robles, Pierre de Vergara, Laurent de Aldene, & Hierosme d'Aliaga, les prians qu'ils le menassent à l'Auditeur Cepeda. Aucuns disent qu'il ayroit mieux mourir que se rendre, mais qu'il se rendit à la priere de quelques religieux, & gentils-hommes, qui l'assurerent de n'auoir aucun mal, s'il s'en alloit hors le Peru. Aucuns de ceux qui menoient Blasco Nugnez disoient en allant Viue le Roy, tue moy donc disoit Blasco. Alors Pardanes seruiteur du facteur Guillaume Xuarez chargea son arquebuze pour le tuer, & l'eust tué si la poudre eut prins feu. On luy feit plusieurs telles mocqueries ce pendant qu'on le menoit. Quand il se veid deuant les Auditeurs qui estoient bien accompagnés, il se changea du tout, & dit, prenez garde seigneur Cepeda qu'on ne me tue. Cepeda luy feit responce qu'il n'eust point de peur, & qu'on ne luy toucheroit non plus à sa vie qu'à la sienne propre. Ainsi on le mena en la maison de Cepeda, ou on luy donna seure garde, on dit toutesfois qu'on ne luy osta point ses armes.

*Comme les Auditeurs departirent entr'eux les affaires.* Chap. 161.

Les Auditeurs demonstroient à Blasco vne grande fascherie à l'occasion de son emprisonnement proferans des mots plains de douleur, s'ils estoient point feints, se complaignans de la fortune, qui luy estoit aduenue, & iuroient qu'ils l'auoient point esté cause de sa prinse, & que moins l'auoient ils commandé. Ils ne sçauoient,



ce disoient ils, cōtre quel arbre plus s'appuyer, puis qu'ils ne l'auoient plus : ils iettoient autres telle plaintes, mais ils ne parloient point de sa deliurance, ains au contraire. Cepeda luy dit en presence d'Alfonse Riquelme, Martin de Robles, & autres, ie vous iure Monsieur que ma pensee ne fut iamais de vous faire prendre, mais puis que vous estes prins, sçachez qu'il fault pour nostre deuoir, que nous vous enuoyons vers l'Empereur avecques les informations de tout ce qui s'est fait : & si essayez de faire quelque tumulte, & inciter le peuple, où faire quelque autre remuement, tenez pout tout certain que ie vous bailleray de ce poingnard dans le sein, encore que ie sçache bien que c'est ma ruine. Si au contraire vous voulez demeurer en repos, ie vous seruirois à genoux, & en vous offrant tout mon bien, & ma personne, vous donneroies ce qui est vostre. Blasco luy respondit : par le vray Dieu ie vous tiens pour homme de bien, comme ie vous ay tousiours estimé, & non ces autres, qui ayant entre eux tissū ceste trahison, la pleureront en fin avecques moy : & le pria de vendre tout ce qu'il auoit, qui valloit bonne somme de deniers, pour faire sa despense en chemin. Diego d'Aguero, & les autres luy dirent des choses, qui ne luy pleurent gueres. Mais laissant cela ie dis que les Auditeurs pour despescher en plus grande diligence les affaires publiques, & aussi pour embrasser tous departirent entre-eux les charges en ceste façon : Le docteur Cepeda comme plus capable auoit le maniement des choses, qui touchent le gouvernement, & la guerre: pour ceste cause aucuns disoient

qu'il s'appelloit presidēt, gouverneur, & capitaine: Tejada, & Xarate auoient l'administation de la iustice, & Iean Aluarez auoit la charge de faire les despeschés qu'il conuenoit enuoyer en Espagne, & de faire les informations cōtre le Vice-Roy. Apres cela Iean Aluarez mena Blasco à la mer pour l'embarquer dedans vn vaisseau, & se saisir des nauires, qui estoient au port, & les retenir soubs sa main, afin qu'aucun n'enuoyast en Espagne des nouuelles deuant eux. Ils menerent aussi Vela Nugnez, qui ne pouuant entrer pour la presse en la maison de son frere, s'estoit sauué en l'Eglise de. S. Dominique, mais il ne reuint pas, & trouua moyen de se cacher dedans les vaisseaux, où il fut prins. Le Vice-Roy dōna à Iean Aluarez vne esmeraude de grand pris, qu'il luy auoit demandee, par ce qu'il sçauoit qu'il auoit la charge de le mener en Espagne. Cuebo, & Zurbanan meirent en liberté les enfans du marquis Dom François Pizarre, avec tous les autres prisonniers, excepté Vacca de Castro, qui ne voulut sortir, mais ils ne voulurent receuoir le Vice-Roy, encor moins bailler leurs nauires, ainsi comme ils auoient ensemble eux deux machiné. On croit apres eux qu'ils eussent à les bailler, où bien qu'on tueroit le Vice-Roy. On fit tant que Zurbanan vint avec son batteau bien muni d'hommes & d'artillerie, & demanda ce qu'ils vouloient, & luy dirēt qu'ils vouloient ses nauires, où la mort de Blasco. Il leur dit qu'il n'en feroit riē, mais qu'ils eussent du Vice-Roy ce qu'ils voudroient, & aussi est tirant vn coup d'artillerie, & quelques arquebuzades retourne à ses vaisseaux. Les soldats de ce

batteau delaschans les arquebuzades crioient mil  
 le villaines contre Blasco, disans: O le meschar  
 homme, qui nous a apporté des loix semblables  
 soy, il a merité ce qu'il souffre, & encor'pis: s'il fu  
 venu sans ceste commission on l'eust adoré: ja l  
 patrie est deliuree puis que le tirant est prins. On l  
 ramena à l'Auditeur Cepeda, en la maison duquel  
 on le tenoit sans armes avec garde sous la charge  
 du docteur Nigno. Il mangeoit avec Cepeda, &  
 couchoit en son liect. Ayant peur d'estre empoison  
 né il dit à Cepeda la premiere fois qu'ils magerent  
 ensemble en presence de Christophle de Barriento  
 Martin de Robles, le docteur Nigno, & d'autres.  
 Puis-je manger seurement avec vous seigneur Ce  
 peda: prenez garde que vous estes gentil'homme.  
 L'autre luy fait responce: Comment Mōsieur pen  
 sez vous que ie sois de si peu de courage, que, si i'a  
 uois enuie de vous faire mourir, ie cherchasse vn  
 voye occulte, & cachee pour ce faire: vous pouuez  
 mager avec Madame Brianga d'Acugual (qui estoit  
 sa femme) & afin que vous le croyez, ie vous feray  
 l'essay de tout. Depuis tant qu'il fut là prisonnier  
 Cepeda fait tousiours cest essay. Vn iour frere Ga  
 par de Caruaial le fut veoir, & luy dit qu'il se con  
 fessast, & que les Auditeurs l'auoient ainsi cōman  
 dé: il demanda si Cepeda auoit esté present quand  
 on luy donna ceste charge. Le moyne dit que non  
 & que c'estoit seulement par le commandement  
 des trois autres. Il fit appeller Cepeda, auquel il  
 pleignit aigrement des autres. Cepeda le reconfor  
 ta, & l'assura, disant qu'aucun n'auoit l'autorité  
 de faire ce commandement que luy. Il disoit ce



pour raison du departemēt des affaires qu'ils auoiēt  
entre-eux. Alors Blasco Nugnez l'embrassa , &  
baisa en presence du mesme religieux.

*Comme les Auditeurs seirent embarquer le Vice-Roy.*

*pour l'enuoyer en Espagne. Chap. 162.*

A Vec le Vice-Roy on print aussi plusieurs Espa  
gnols, comme Dom Alfonse de Grandmont,  
Jual de Meneses, Hierosime de la Serne, & autres.  
Les prisonniers vouloient faire vn tumulte pour  
sortir de la prison, & puis deliurer le Vice-Roy. Les  
Auditeurs en furent aduertis, & y donnerēt ordre.  
Il y auoit plusieurs de Chili, qui importunoient les  
Auditeurs pour tuer le Vice-Roy. Cepeda print les  
plus coupables pour demonstrier qu'il ne le vou  
loit tuer, mais ils les mit incontinent en libertē  
pour peur que Pizarre, quand il seroit venu, ne s'en  
angeast, par ce qu'ils estoient ses grands amys, en  
fin mesme donna il escorte à Iean de Guzman, Sa  
medre, & autres comme ils passioient. Les affaires  
portoient mal en la ville des Roys par l'empr  
isonnement de Blasco Nugnez, & au bruit de la ve  
ue de Gonzalle Pizarre, par ce qu'aucuns vou  
loient que Pizarre vint, autres non. Plusieurs vou  
loient tuer, ou enuoyer dehors la ville le Vice-Roy,  
autres le vouloient deliurer. Il y auoit mesme au  
cuns des Auditeurs, qui le vouloient mettre hors  
de prison. Blasco sur ces diuersitez d'opinions auoit  
peu de sa vie, & ses soupairs n'estoient qu'apres  
l'Espagne. Les Auditeurs ne scauoient que faire,  
seulement trois, qui ne se soucioient gueres de  
la mort du Vice-Roy. Mais en fin ils delibererēt de  
l'enuoyer en Espagne, suivant leur premier aduis,

se confians sur leur dexterité de pouuoir si bien ordonner de toutes les affaires que l'Empereur se tie droit pour bien, & prudemment seruy d'eux: auquel le Vice-Roy estoit luy mesme cause de son emprisonnement suiuant l'information qu'ils enuoioient. Ils delibererent, qui auroit la charge de mener ou le Docteur Roderic Nigno, ou Antonio de Robles, ou bien Hierosme d'Aliaga habitans la ville des Roys. Mais le docteur Cepeda voulut qu'il fut mené par l'Auditeur Iean Aluarez, qui reputoit estre son amy, & aussi qu'il estoit plus libre pour sçauoir parler & bien informer au loysir de l'Empereur. Les deux autres Auditeurs luy contredirent hardiment, & le docteur Xarate luy dit en la presence des Auditeurs, d'Alphóse Riquelme, le Roy de Carceres, & de Garzia de Sanzedo qui estoient au conseil, qu'il fasseroit trop legerement, & qu'il ne cognoissoit point comme luy Iean Aluarez, qu'il le deuoit vëdre, & trahir. Aluarez se complaignant la dessus, Xarate repliqua: Je iure que vous le vendrez, & si vous ne demeurez icy, Cepeda deuroit mener luy mesme. Comme ils estoient de ceste opínion, Aguirre grand amy du facteur Guillaume Xuaréz arriua à Lima, & dit beaucoup de meschantes parolles au Vice-Roy, lequel sentoit que le docteur Benoist Catuajal arriueroit, eut grand peur qu'on le tuast, & pour ceste cause, ainsi qu'il dit, il pria instamment Cepeda qu'il l'enuoyast en Espagne. Cepeda, qui ne demandoit pas autre chose se l'enuoya en l'Isle, qui est vis à vis de Lima, commandant au docteur Nigno y prendre songne de garde avec certains habitans de la ville. Quand I

o Nugnez veid qu'on l'embarquoit, il dit à Simon Alcate notaire, qu'il feit acte, comme ses propres auditeurs l'enuoyent en vne isle deserte, dedans une barquerolle faite seulement de ioncs, afin que le senfondrast, & le noyast, & qu'ils le mettoient hors des terres du Roy pour le donner à Gonzalle Zarre. Cepeda commanda au mesme notaire que l'escriuit comme on amenoit le Vice-Roy suyuant qu'il auoit requis, de peur que ses ennemis le tuassent pour les choses qu'il auoit faites, & comme ces marques de paille estoient vaisseaux, desquels on estoit accoustumé vser au pays, & comme Jean de las frere de Ferdinand Valdes President du conseil Royal de Castille, le docteur Nigno, & plusieurs autres habitans de Lima alloient avec luy. Ainsi fut amené en ceste isle, ou on le tint plus de huit iours. Cepeda estoit en grand peine, par ce qu'il n'auoit pas de nauires pour l'enuoyer en Espagne, & aussi de peur qu'il n'estoit pas maistre de la mer. Il auoit peur que Zurbanan, Cueto, & Vela Nugnez ne vinssent lever le Vice-Roy de ceste isle, & apres auoir rassemblée des gens ne le vinssent tuer. Il donna charge au capitaine Pieire de Vergara qu'avec cinquante bons soldats, il raschast à prendre les nauires de Zurbanan, qui estoient à Gaurá; cinquante quatre mil liengs de Lima. Vergara choisit cinquante soldats, & vouloit avec les barques prendre son chemin, mais Hierome Zurbanan les auoit toutes bruslées. Il s'en retourna sans rien faire, ou parce qu'il n'auoit pas trouué ce qu'il pensoit, ou qu'il ne scauoit quel autre chemin il pourroit prendre, ou à cause qu'il auoit cinq nauires à combattre, disant



qu'il ne trouuoit personne qui voulut aller avec  
à ceste entreprinse. Cepeda feit porter en ces cha-  
rettes des aiz, & autres matieres de la maison de Co-  
zia de Sanzedo. Il feit incontinent faire des barques  
& cōmanda à son maistre de camp, Antoine de Ro-  
bles, qu'il enuoyast des soldats pour prendre les na-  
uires. Le soir comme Cepeda souppoit, Antoine de  
Robles luy dit qu'il ne pouuoit trouuer de soldats  
qui voussissent aller à vne entreprinse si hazardeuse  
& dangereuse. Cepeda respondit qu'il n'y auoit grand  
grand peine de se saisir de cinq vaisseaux, dedans  
lesquels y auoit 300000. ducats de Vacca de Castro,  
du Vice-Roy, & d'autres, qui n'estoient gardés  
que par vingt hommes: mais qu'il trouueroit d'au-  
iroit, & qu'il n'y en iroit aucuns que ceux qu'il vo-  
loit enrichir. Au bruit de tant de ducats, il se trou-  
incontinent plus de cinquante soldats, qui s'offri-  
à y aller. Cepeda alors donna la charge à Gar-  
d'Alfaro, qui estoit homme expérimenté, & adre-  
sur la mer. Il s'en alla à Gaura. avec vingt quatre  
pagnons seulement: par ce que les barques n'en pou-  
uoient porter d'auantage, & arriuant de nuit se cō-  
cha entre certains petits rochers en attendant  
autres compagnons, qui alloient par terre, qui  
estoient cōduits par Bonauenture Bertrand, seigneur  
de Gaura, & par Dom Jean de Mendozze. Ils firent  
signe à ceux qui estoient dedans les nauires, lesquel-  
penserēt que ce fussent quelques vns de leurs amis  
& Vela Nugnez avec la plus grand part des soldats  
qu'il eust, sortit en deux barques pour les receuoir  
mais aussi tost qu'il passa par ces rochers, Gar-  
d'Alfaro le ioignit de telle sorte qu'il fut cōtra-

rendre pour sauuer sa vie, encor' qu'il feist son devoir pour se defendre. Il y eut vn Biscain nommé Inga, qui feist tout ce qu'il luy fut possible pour defendre la barque qu'il conduisoit. Ainsi par la prise de Nugnez Alfaro print quatre vaisseaux. Il ne eust auoir le cinquiesme, par ce qu'yn peu deuant urbanam l'auoit amené. Cela executé, on mena le Vice-Roy à Gaura, & le meit-on dedans vn de ces vaisseaux avec bonnes munitions. Le docteur Aluarez sy en alla incontinent pour le garder, & pour le mener en Espagne avec amples informations. On y donna pour ce voyage 6000. ducats, prins sur les habitans de Lima, & les gages entieres d'yn an. avec cela, & quelques autres choses qu'il vendit, il eut iusques à 10000. castillans d'or, qui estoit vne cheffe, laquelle iamais il ne pensa auoir. On donna encor' aux soldats & mariniers deux mille ducats, afin qu'ils ne partissent point malcontens. Voie comment fut prins & chassé le Vice Roy Blasco Nugnez Vela, sept mois apres qu'il fut arriué au Pe-

*Ce que feist Cepeda depuis la prise du Vice-roy.*

*Chap. 163.*

Visti tost que le Vice-Roy fut prins, les Auditeurs, comme nous auons desia dit, departirent eux les affaires. Cepeda, qui gouernoit, feist rompre toutes les barrieres, & canonieres qu'auoit fait faire Blasco, paya les soldats, cōfirma à chaque habitant le departement qu'il auoit, & feist fondre des arquebuzes, & faire prouisiō d'autres armes. Il ma pour capitaines de l'infanterie Paul Meneses,

Martin de Robles, Matthieu Ramirez, Emmanuel Statio, & Hierome d'Alga pour les gens de cheua  
 & pour maistre de camp Antoine de Robles, & Bernaüenture Bertrand pour sergent major. Il dep  
 cha deux lettres par l'aduis des autres Auditeurs  
 officiers du Roy, par lesquelles il commandoit  
 Gonzalle Pizarre de donner congé à ses soldats,  
 rompre son armee sur peine d'estre declaré traistr  
 fil vouloit venir à la ville des Rois, qu'il seroit le b  
 receu, & si ne vouloit venir, qu'il enuoyast des pr  
 cureurs pour luy, avec amples instructions po  
 presenter sa requeste contre les ordonnances, p  
 ce que le parlement luy donneroit audience, & l  
 feroit iustice, puis que le Vice-roy, duquel il au  
 peur, ny estoit plus. Il en enuoya vne part par La  
 rént d'Aldene, lequel la mangea en chemin deua  
 que la presenter, par ce que si l'eust presentee  
 l'armee de Pizarre, où gardée en son sein, François  
 de Caruajal maistre de camp l'eust pendu, & en  
 re le voulut-il pendre, sans Pizarre qui le secour  
 par ce qu'ils estoient amis, & auoient esté ense  
 ble prisonniers d'Almagro. L'autre fut enuoyee p  
 Augustin de Xarate superintendant des comptes  
 Roy, ayant pour compagnon Dom Antoine de F  
 niere, amy & cousin de Pizarre, parce qu'il auoit  
 pouse dame Agnez vesue de François Martin, fr  
 de mere du Marquis François Pizarre. Quand  
 lettres arriuerent, Pizarre auoit desia fait mou  
 Philippe Gutierrez, & pour ceste cause n'osa, où  
 se voulut fier aux Auditeurs, ny se deffaire de  
 gens. Il enuoya Hierome de Villegas au deuant  
 Xarate pour le retenir, & luy faire peur, afin q  
 qua



quand il arriueroit au camp il n'osast faire autre chose que ce que luy & ses capitaines voudroient: & pour ceste ruse Xarate ne peut faire autre diligence, ny rapporter autre chose que ce que les autres y auoient dit eux-mesmes: qui estoit que les Auditeurs feirent Gonzalle gouverneur, où autrement les tueroit, & les feroit tous mourir.

*Comme Gonzalle Pizarre se fait gouverneur du*

*Peru.*

*Chap. 163.*

**D**Vrant le temps que ce, que nous auons dit de Blasco Nugnez, & des Auditeurs, aduint en la ville des Rois, Gonzalle Pizarre se preparoit en la ville de Cuzco, & donnoit ordre à tout ce qui luy estoit necessaire pour vne guerre. Il partit pour aller chercher le Vice-Roy, publiant neantmoins qu'il en alloit pour presenter requeste contre l'execution des nouuelles loix, comme Procureur general du Peru. Mais son cœur couuoit autre chose, & le declaroit assez par les soldats, gens de guerre, & artillerie qu'il menoit, & pour n'auoir voulu accepter les offres que le Vice-roy luy auoit faites, & que Prouincial luy auoit proposees, desquelles l'une estoit que pour acquiescer à l'appel de l'execution des ordonnances on fait vn riche present à l'Empereur, & l'autre qu'on payast les despens que l'Empereur auoit ja faits pour la publication de ces ordonnances. De Xaquixaguana aucuns se retirerent à parti de Pizarre, comme Gabriel de Roias, Pierdu Barc, Martin de Florence, Iean de Sajauedre, Oderic Nugnez, & autres. Mais quand ils arriuerent à la ville des Rois, le Vice-roy estoit desia pris. y eut vne grand esmotion parmy le camp de Pi-

L

zarre pour la retraite qu'auoient fait ceux-cy, par ce qu'ils estoient des principaux: Pizarre meisme eut grand peur, & cela le feit retourner à la ville de Cuzco pour se renforcer d'hommes, & pour payer ses gens, & pour ce faire print l'argent, & les chevaux des habitans qui estoient demeurez. Il y laissa pour son lieutenant Diego Maldonado, & puis s'en chemina vers la ville des Rois. Il rencontra Pierre de Puelle, & Gomez de Solis, lesquels luy donnerent grand courage, & esperance de bonne issue avec le bon nombre d'hommes qu'ils menoiere. Il veid les depeſches du Vice-Roy que portoit Barthassar de Loaisa Prestre de Madril, Gaspar Roderiguez, & autres, qui auoient esté detrouſſez par les Caruajals en s'enfuyans de la ville des Rois. Loaisa estoit venu par deuers le Vice-Roy pour auoir pardon pour plusieurs, qui vouloient bien se retirer vers le party du Vice-Roy: mais autrement ne pouuoient, ayās peur d'estre punis, & aussi pour l'aduerſité du chemin que tenoiēt ses ennemis, & quels ſoldats, & intention auoit Pizarre. Le Vice-Roy luy auoit donné ce pardon pour tous en general, excepté Pizarre, François de Caruajal, le docteur Benoist Caruajal, & autres semblables. Gonzalle voyant ce pardon, se despit grandement, & son maistre camp aussi, qui par vn despit feirent estrangler Gaspar Roderiguez, Philippe Guitierrez, & Arias Maldonado, par ce qu'ils enuoyoient des lettres au Vice-Roy. Ce fut là le commencement de la tyrannie & cruauté de Gonzalle Pizarre. Il feit brusler des Caciques pres de Parcos, & print iusques à 800

adiens pour se seruir à porter la somme, & à faire  
autre chose de seruice. Il en demeura bien peu en  
de ce grand nombre, pour le trop grand travail  
qu'on leur faisoit supporter. Il espouuenta Xarate,  
Laurent d'Aldene comme nous disions tantost,  
menaçâ les Auditeurs fils ne le faisoient Gou-  
rneur. Qui estoit vne chose fort contraire au ser-  
ment, qu'un peu deuant il leur auoit faict par le  
provincial F. Thomas de Sainct Martin, accompa-  
né de son Chappellain mesme nommé Diego Mar-  
tin, par lequel il iuroit & protestoit que sa volonté  
celle des siens estoit seulemēt d'appeller de l'ex-  
écution des nouuelles Loix, & obeyr aux Auditeurs  
me à ses superieurs, ne voulāt autre chose qu'in-  
former l'Empereur, de tout ce qui importoit à sa  
santé, luy recitant la verité de tout ce qui estoit  
aduenü, depuis l'entree de Blasco au Peru. Et neāt-  
moins si l'Empereur commandoit de garder, &  
excuter ses Ordonnances, protestoit d'ainsi le fai-  
re en toute modestie, & ciuilité, encorē qu'il veid  
le pays se perdre, & les Espagnols se ruiner par ce-  
la, & disoit qu'il auoit seulemēt peur du Vice-Roy,  
pour estre vn homme trop rigoureux, & à cause  
qu'il fauorisoit les Almagristes. Plusieurs disoient  
que ce serment n'estoit qu'une tromperie. En  
ce Pizarre arriva pres la ville des Roys, & assiegea son  
camp à deux mille pres de la ville, comme s'il l'eust  
eu à assieger, & combattre. Il demanda le gou-  
uernement, menaçant autrement les habitans. La  
plus part estoient d'aduiz de luy accorder, ayans  
peur de la mort, ou du sac, ou par ce qu'ils desiroiēt  
ce moyen deschaffer du tout ces Ordonnances



nouuelles. Cepeda vouloit donner la bataille, pu-  
 que ses astuces ne luy seruoient plus de rien, & au-  
 qu'il voyoit le Vice-Roy en liberté: il en requist  
 soldats, & Capitaines. Mais ils feirēt responſe qu'ils  
 ne pouuoient, par-ce qu'il y auoit pluſieurs de  
 gens, qui ſ'eſtoient retirez vers Pizarre, & auſſi qu'il  
 n'eſtoit pas expedient pour le ſeruice du Roy, e-  
 core moins pour la ſeurté de la ville, à raiſon de  
 grande tuerie, qui ſe pourroit faire. Là deſſus Fra-  
 çois de Caruajal entre de nuiſt en la ville, ſans au-  
 cune capitulation, il prend Martin de Floren-  
 Pierre du Barc, & Iean de Sajauedre, & les per-  
 par-ce qu'ils ſ'en eſtoient fuiſ de Pizarre, & au-  
 pour auoir leurs biens, & leurs departemens, qui  
 eſtoient bons & riches: & dict qu'il feroit le ſer-  
 uice à tous ceux qui ne voudroiēt receuoir Gon-  
 zalle Pizarre pour Gouverneur. Ceſte cruauté de-  
 na grand eſpouuentement à pluſieurs: en meſme  
 ſieurs en ſouppçon: elle feit ſouhaitter à autres  
 Vice-Roy Blaſco. En fin tous dirent qu'ils re-  
 ueroient Pizarre pour Gouverneur. Le docteur Ce-  
 peda ne le vouloit point, ayant touſiours enui-  
 demeurer ſeul au gouuernement, & auſſi qu'il  
 ſcauoit comme Pizarre le traiteroit. Mais ne pou-  
 uant l'oſſencer, ny luy nuire, ny meſme luy re-  
 ſiſter, & ayant plus de peur du Vice-Roy, qui eſt  
 deſia en liberté, que de pas vn autre: fut de l'ac-  
 de tous les autres. Adonc Gonzalle entra en la vi-  
 en ordonnance de guerre avec plus de ſix cens  
 pagnols bien armez, faiſant marcher deuant ſon  
 tillerie avec plus de 10000. Indiens. Il feit arre-  
 ſon artillerie en la place, & là avec tous ſes g-

it alte, & puis enuoya querir les Auditeurs, auxquels il presenta vne requeste signee par Diego Cénno, & de tous les Procureurs du Peru, qui le suyoient, par laquelle ils demandoient qu'ils feissent Gonzalle Gouverneur, puis que le seruice du Roy, le repos des Espagnols, & le bien public des Indes requeroit. Alors ils luy donnerét lettres de Gouverneur, seellees du seel Royal, & en feirét d'autres dressantes aux cōmunautéz & chapitres des villes pour le receuoir, & luy obeïr, par le cōseil des officiers du Roy, des Euesques de Quito, Cuzco, & des Roys, & du Prouincial des Iacobins. Et puis prirent le serment de luy qu'il laisseroit le gouuernement quand l'Empereur l'auroit commadé, & que quand il exerceroit ceste charge bié & fidellemēt en seruice de Dieu, & du Roy, & au profit des Indes, & Espagnols, selon la forme des Loix, & statuts Royaux, Pizarre iura tout cela, & en donna asseurance, en presence de Hierosme d'Aliaga, que les Auditeurs Cepeda, & Xarate, protesterét de ceste nomination, & election, disans ce qu'ils en auoient fait, estoit de peur, & ainsi le redigerét par escrit au liure des resolutions. Tejada dit qu'il l'auoit esleu de sa propre volonteé, & non par force, disant cela, parce qu'il auoit peur qu'on le tuast s'il disoit autrement. Aucuns toutesfois ont eu soupçon que ces Auditeurs parloient en secret avecques Pizarre, & que tout ce qu'ils faisoïēt avecques leurs protestations estoit que feintise.

*Ce que Pizarre feit estant Gouverneur. Chap. 165.*

Gonzalle Pizarre pouruoyoit aux offices, & despeschoit les affaires par le moyé, & sous le

nom du Parlemét. Mais il auoit tousiours soupçon sur Cepeda, par-ce qu'il estimoit que la prise du Vice-Roy auoit esté faite de propos deliberé, pour brasser & executer quelque trahison, puis qu'il estoit en liberté, & amassoit gés à Tóbez avec l'Auditeur Ieá Aluarez. Ioinct aussi que Ieá de Salás, le docteur Nigno, & autres pour luy congratuler, luy disoient que Cepeda estoit cault, fin, bié entédant, & hardy, qu'il failloit qu'il s'en donast garde, ou bié lors qu'il le moins il y penseroit, il le prendroit, ou le tueroit, qu'il n'auoit pas tant leué ses gens contre le Vice-Roy qu'il auoit ja prisonnier, que pour ce faire, & que mesme il auoit voulu vn peu deuant luy liure la bataille. Aussi disoient-ils que de tous les Capitaines, qui estoient au Peru, il n'y en auoit point qui entendit mieux la guerre que luy, & comme il failloit gouverner. D'auantage on dit que François Caruajal, qui possédoit entieremét le gouuernement, & autres Capitaines delibererent de massacrer les Auditeurs, & particulièrement Cepeda. Toutesfois Pizarre ayant peur de quelque inuenient leur dit, qu'il reputoit Cepeda pour son amy, & que les autres ne valoient rien, mais qu'à la premiere consultation qu'il feroit, il luy demanderoit son avis de quelque chose, qui luy toucheroit & à eux aussi. & s'il respondoit à son goust, qu'ils s'assassent à luy, sinon, qu'ils le tuassent. Cepeda fut aduertty par Christofle de Vargas, & Antoine de Riuiera cousin de Pizarre, tellement qu'en ce conseil il ne dict chose, qui ne fut à leur souhait, & en tous autres lieux. Par-ce moyen il eut la grace de Gouverneur, telle qu'il luy commandoit, & ne fai-



oit ce qu'il vouloit. Soubs vn tel heur il acquist  
 10000. ducats de reuenu par an. Pizarre ne se  
 ouuernoit pas fort bien pour contenter ses sol-  
 ats , qui fut cause que Ynigo Cardo, Pierre An-  
 dine, Pierre Vello , Iean de Rosas, & autres se re-  
 rerent auecques vne barcque vers le Vice-Roy,  
 qui amassoit gens à Tombéz. Ceux-cy furent cause  
 ue François de Caruajal estráglá le capitaine Die-  
 go de Gumiel de nuit en sa maison , & puis le tira  
 ehors pour luy couper la teste , disant qu'il don-  
 eroit exemple aux autres, & luy meit sous les pieds  
 n escriteau , qui l'accusoit d'auoir esté mutin. La  
 ause de sa mort estoit qu'il auoit parlé trop libre-  
 ment contre le gouuerneur , & le maistre de camp,  
 z auoit chastié vn soldat, qui entrant en la ville des  
 loys auoit tué auecques vn coup d'arquebuze  
 our son passeremps vn seigneur Indien, qui estoit,  
 n vne fenestre du logis de Diego de Aguero  
 our voir passer l'entree de Pizarre. Pizarre prit  
 10000. ducats de la maison du Roy auec la permis-  
 on des Auditeurs , officiers du Roy , & capitaines  
 our payer ses soldats , disant qu'il les rendroit  
 e son reuenu , & pour les retenir en obeyssance.  
 ncores dict on qu'il leua vne emprunt sur ceux,  
 ui auoient des Indiens, pour soustenir l'armée. Il  
 ourneut aux places ceux desquels il se fioit, com-  
 e Alphonse de Toro, qu'il enuoya à Cuzco, Fran-  
 ois d'Almandras aux Ciarcas, Pierre de Fuente , à  
 requippa, Fernand d'Aluarado à Trusiglio , Hie-  
 osme de Villegas à Piura , Gonzalle Diaz à Qui-  
 o, & autres en d'autres lieux. Mais tous ceux cy en  
 allant feirent par les chemins de grandes volleries,

& assassins. Il arma le nauire, où estoit prisonnier Vacca de Castro pour l'enuoyer à Tombez contre le Vice-Roy. Mais Vacca de Castro feit voile droit à Panama, & de là escriuit à Pizarre, par vn nomm Hurtado, comme il auoit mal faict de se faire Gouverneur, & d'auoir tourmenté ses seruiteurs Bouadiglia, & Perez, pour luy enseigner vn tresor qui n'estoit point. Pizarre retira encores de toutes les villes qu'il peut, des procurations, par lesquelles elles constituoient leurs Procureurs les Docteurs Tejada, & François Maldonado, lesquelles il enuoioit vers l'Empereur pour faire reuoker les Ordonnances, & pour le confirmer en estat de Gouverneur, & aussi pour informer sa Maiesté comme tout ce qui estoit adueni en ces Royaumes auoit esté par la faute du Vice-Roy.

*Comme Blasco Nugnez se deliura de prison & de ce qu'il feit depuis.* Chap. 166.

L'Auditeur Iean Aluarez, qui, come nous auons cy dessus recité, auoit prins la charge de mener prisonnier en Espagne le Vice-Roy, le mit en liberté à Gaura, ensemble Vela Nugnez, & Diego de Cueto. Il luy pardonna pour gaigner la grace du Roy, & par ce qu'il estoit desja riche il pésoit gaigner encores avec luy, comme avec vne teste de loup. Blasco Nugnez se voyant en liberté, pensoit iouir d'vn souverain bien, & auoir ce qu'il souhaitoit le plus. Mais apres il s'en repêtit plusieurs fois disant que Iean Aluarez l'auoit ruiné par sa deliurance, par ce que s'il eust mené en Espagne, l'Empereur se fut tenu pour bien seruy de luy, & le Peru fut demeuré en paix, par ce que Cepeda se fut ac-

cordé avec Pizarre d'une autre façon si on n'eust deluré le Viceroy, & Pizarre fut demeuré seruiteur du Roy, si le Vice-Roy fut allé en Espagne, de façon que la liberté du Viceroy n'apporta que mal à tous, & plus à luy mesme qu'à pas un autre, & apres luy à Iean Alvarez, qui mourut pour ce faict. Le mal fut veu par le progres. Il est bien vray que le commencement, & l'intention estoit bonne. Le Viceroy donc se voyant libre s'en alla à Tombez, où il leua gens, & fit un nouveau Parlement, appellans tous les peuples circonuoisins. Il print tous les deniers du Roy, & des marchans qu'il peut, tant à Tombez qu'au port Vieil, Piura, Guayaquil, & autres lieux. Enuoya parce mesme faict Vela Nunez à Chita, qui se comporta mal avec ses gens par le chemin, & Bracamore son compagnon perdit un soldat. Il enuoya Iean de Cuzman à Panama pour leuer gens, & cheuaux. Il enuoya en Espagne Diego Alvarez avec une lettre à l'Empereur, qui contenoit tout ce qui estoit passé entre luy, & les Auditeurs, & Gonzalle Pizarre iusques à l'heure presente. Plusieurs l'allerent trouver au bruit de sa deliurance, & des gens qu'il amassoit, autres y allerent pour auoir esté appelez. Diego de Ocampo s'y en alla de Quito avec bon nombre d'hommes, Dom Alfonse de Grandmôt avec ceux, qui s'enfuoient de Pizarre, & Gonzalle Pereira avec ceux, qui estoient es Bracamores. Ce dernier fut assailly de nuit par Hierosme de Villegas, Gonzalle Diaz de Pinere, & Fenand d'Alvarado, qui le prindrent, & le pendirent emmenans prisonniers ces Bracamores. Ceste prinse estonna ceux de Tombez, qui



eurent encor grand peur par la venue inopinée de Fernand Bacicao, qui les assaillit par mer plus par vne grande hardiesse, que pour le nombre d'hommes qu'il eust. Pour ceste cause Blasco Nugnez s'enfuit, & aussi qu'il se devoit de ceux, qui estoient à l'entour de luy, par ce que quelques vns d'entre eux luy auoient fait, & faisoient tous les iours des traicts, qui estoient doubles. Il arriua à Quito fort trauaillé, par ce que par plus de 3000. mil de chemin, qui est depuis Tombez iusques là, il n'auoit trouué que manger. Mais il fut là bien receu, & pourueu de deniers, armes & cheuaux. A ceste cause il promet de n'exécuter les Ordonnances. Il feit foudre des arquebuzes, & battre de la pouldre. Il enuoya querir Sebastien de Venalcazar, & Iean Caurera, qui luy amenerent grand nombre d'Espagnols, de façon qu'il assembla en peu de temps plus de 400. Espagnols, & force gens de cheual. Il feit Vela Nugnez son frere general, Diego de Ocampo, & Dom Alphonse de Grandmont capitaines de la canallerie, & Iean Perez de Gueuare, Hierosme de la Serue, & François Hernandez J'Aldenes capitaines de l'infanterie, & feit Roderic de Ocampo maistre de camp. Là dessus arriuerent à Quito certains soldats de Pizarre, qui dirent à Blasco, comme Pizarre estoit mal voulu de tous ceux de Lima, & que s'il alloit là, verroit la plus grand part de l'armée de Pizarre se retirer par deuers luy. Pour dire vray au commencement que Pizarre entra au gouuernemēt, il estoit ainsi que ces soldats disoient: mais pour l'heure presente c'estoit bien au contraire. Blasco Nugnez les creut, & voulant esprouer

la fortune, marcha vers la ville des Roys à grandes iournees. Il sceut comme Hierosme de Villegas, Fernand d'Aluarado, & Gonzalle Diaz Capitaines de Pizarre estoient és mótaignes de Piura avec force gens, mais non pas ensemble. Il feit marcher ses gens toute la nuit, & les feit approcher si doucement qu'ils ne furent descouuers, & le matin à l'aube du iour assaillir les autres à l'impourueu, les deffeit, & rompit aisément. Il usa de clemence enuers les soldats pour acquerir bon bruit, & gagner l'amour des autres. Il leur rendit leurs biens, leurs armes & cheuaux, à la charge de porter les armes pour luy. Il fut bien aise de ceste defaicté, & tous les siens en estoient plus fiers, & orgueilleux, qui est vn vice qu'apporte la guerre. Il entra puis apres à saint Michel, où il feit faire iustice de quelques Pizarristes, mais n'osa en faire des siens encor' qu'ils eussent vilainemét saccagé la ville. Il se renforça là d'armes, & feit faire des cuirasses de peaux de beufs, & assembla d'auantage de soldats, tellemét qu'il pouuoit lors se defendre de son ennemy, & l'assaillir.

*Ce que Fernand Bacicao feit sur mer. Chap. 167.*

Gonzalle Pizarre ne se pensoit pas bien asseuré voyant Blasco Nugnez Vela en liberté assembler gens, & armes à Tombez, & pour s'asseurer du Parlement, duquel il auoit tousiours peur, aduisa comme il pourroit le rompre, & le rompit par ce moyen. Il enuoya en Espagne le docteur Alison de Tejada sous couleur d'auoir esté esleu procureur, & à fin qu'il y allast, il luy donna 5500. castillans d'or, & le departement de Mesa citoyen de Cuzco, qui estoit avec Blasco Nugnez. Il maria son

frere de mere nommé Blaise de Sotto avec damoiselle Anne de Salazar fille du docteur Xarate pour l'attirer de son party, encor qu'il n'eust pas grand peur de luy, parce qu'il estoit debile & malade: quand à Cepada, il le menoit tousiours avec soy. Pizarre voulut encor estre maistre de la mer, pour asséurer la terre, & par ce qu'il n'auoit aucuns grâds vaisseaux qui fussent à luy, encor moins des particuliers, il arma seulement deux brigantins avec 50. bons soldats, & en feit capitaine Fernand Bacicao, homme vaillant, & hardy, & tel que d'entre mille hommes on n'eust sceu trouuer vn plus volontaire à faire tout ce qu'on eust voulu, que luy. C'estoit vn homme vilainement nay, de meschantes meurs, ruffien, audacieux, blasphemateur, & qui s'estoit donné au diable, comme luy mesme confessoit: il n'aymoit que meschante canaille, il estoit grand mutin, bô larron, & voleur tant pour soy que pour autre, ne faisant difference entre amys, & ennemis. Voyla comme on depeinct Bacicao. Au reste comme Capitaine tref-hardy, & courageux feit vne belle acte: car partant de Lima avec ces deux brigantins & 50. soldats seulement entra en Panama, ou il y auoit vingt-huict nauires, & 400. soldats. De là s'en reuint à Trusiglio, où il pillà trois nauires, puis à Tombez, où il mit à terre cent hommes, qui donnerent l'assault à la ville si courageusement qu'ils feirent fuir le Viceroy, qui auoit deux foys plus de gens q' luy, & mieux armez. Le Viceroy pésoit que Bacicao eut 300. soldats, & se desioit de quelques vns des siens, lesquels il feit puis apres mourir. Bacicao pillà la ville, & ne tua personne, mais on dict



qu'il auoit charge de tuer le Vice-Roy. Il print à Alphonse de S. Pierre natif de Medellin 8000. pefans d'or. Il print vn nauire, & Bartelemy Perez, qui en estoit Capitaine pour le Vice-Roy. Il pillà à Guayaquil tout le bié du docteur Iean Aluarez, qui se sauua par vne bõne fuite. Il fut courir au port Vieil, où il arresta tous les nauires, qui y estoient, saccagea la ville, & deliura de prison Iean d'Almos, & ses freres, print Santillan, lieutenant de Blasco. Il assailloit tous ceux, qui ne luy vouloient donner prouisions & luy obeyr. Il estoit si cruel qu'un chacun auoit peur de luy. Ils eurent grand' peur de luy à Panama, par-ce que Iean de Lanes, qui fuyoit deuant luy leur racompra ses cruautez, & encore ne les sçauoit-il pas toutes. Iean de Guzman, qui leuoit là gens pour le Vice-Roy, & plusieurs autres ne vouloient pas le receuoir au port, mais les habitans, & marchans ne vouloient pas se mettre en armes de peur de perdre leurs marchádises qu'ils auoient là, & au Peru. Cependant qu'ils estoient sur ce different, Bacicao leur enuoya dire, qu'il ne vouloit que mettre en terre les Procureurs du Peru, qui alloiét vers l'Empereur, & qu'aussi tost il s'en retourneroit sans leur faire aucun dõmage. Pierre de Casaos, qui gouernoit la ville feit réponse, qu'ils ne vouloiét empêcher le passage aux Procureurs, ny dõner occasion d'esmouoir la guerre en ceste ville. Ieã de Guzmã entendant cela, s'en alla vistement dedans vn brigantin, & Iean de Lanes en son vaisseau voyant approcher Bacicao, lequel entra dedans le port auëc six, ou sept nauires, en l'une desquelles estoit pendu aux antennes Pierre Gallego de Senille, par-ce qu'il

n'auoit calé la voile, quand on luy cria, Viue Pizarre, & encor' tua deux hommes en combattant son vaisseau. Il se fit maistre de vingt nauires, qui estoient là. Vne bonne partie des habitans s'enfuirent, voyans tels commencemens. Il mit en terre ses soldats, & entra à Panama marchant en ordonnance de guerre avec tabourins, & fifres. François de Torres comme, il regardoit par sa fenestre ceste monstre, il eut vn bras percé d'une arquebuzade, par ce moyen Bacicao se fit maistre de l'artillerie, & attira à soy les soldats, que Iean de Guzman auoit leuez, leur donnant bouche franche aux despens de la ville, & leur offrant passage iusques au Peru, sans qu'il leur coustast rien. Ainsi il eut en peu de temps plus de 400 soldats, & 28. nauires. Il prenoit l'argent, & les meubles à tels habitans, & marchans qu'il luy plaisoit. Il vendoit les congez pour aller au Peru. Il prenoit ses prouisions à sa discretion. En somme, il faisoit toutes choses, qui n'appartenoient qu'à vn Capitaine de tyrannie. Le Docteur Tejada, qui voyoit ces beaux actes, & François Maldonado s'en allerent à la ville du Nom de Dieu, & de là feirent voile en Espagne: Mais Tejada mourut deuant qu'y arriuer. Plusieurs de la compagnie mesme de Bacicao, voyans ses façons de faire si dissoluës, & dommageables à tout le public, delibererent de le tuer. Bartelemy Perez pour en auoir l'honneur, ou par-ce qu'il l'auoit voulu faire pèdre à Tombez se voulut aduâcer des premiers, & pour ce faire s'associa avec le Capitaine Antoine Fernad, & le port'enseigne Caxero: ces deux n'estans assez hardiz, requist encor' vn nommé Marmolcio;

qui descouurit tout le secret. Quand Bacicao le sceut, il les feit decapiter tous trois le mesme iour qu'ils le deuoient tuer, & encor' eust aussi fait decapiter Dom Louys de Toledé, Dom Pierre de Cabrere, Christofle de Pegne, Fernand Mexia, & autres, qu'il trouuoit chargez, s'ils ne s'en fussent fuis. Apres cela il s'en retourna au Peru au bout de quatre mois qu'il n'auoit bougé de Panama aux despens, & perte des habitás. Il print port à Guayaquil, où il se mit à terre avec 400. hommes pour aller contre le Vice-Roy suiuant des lettres qu'il receut de Pizarre.

*Comme Gonzalle Pizarre donna la chasse à Blasco, Nugnez Vela. Chap. 168.*

**A** Pres que Bacicao fut party, Gonzalle delibera de marcher eótre le Vice-Roy, par ce que c'estoit l'importáce de sa vie, où la fin de Blasco. Il mit des lieutenans par toutes les villes, afin qu'elles tinssent pour luy, & manda aux principaux habitans de chasque ville de le suiure, pour les mettre en la bourbe avec luy. Ceux qui partirent à ce mandement furent Pizarre de Hinoiose, Christofle Pizarre, Iean d'Acoste, Paul de Meneses, Oregliane & autres habitans des Ciarcas. De Guamanga vint Vasca Xuarez, Garcí Martines, Garay, & Sose. D'Arequippa partit Lucas Martinez, avec d'autres: de Cuzco deslogerent Diego Maldonado le Riche, Pierre de Los-Rios, François de Caruajal, qui estoit maistre de camp, Garcilasso de la Vega, Martin de Robles, Iean de Siluere, Benoist de Caruajal, Garzia de Herezuelo, Iean Diez, Antoine de Quignones, Porras, & plusieurs autres de Lima,



Ganuco, Ciaciapoias, & d'autres villes. Pierre Nugnez moyne fort bon arquebuzier, duquel nous auons ja parlé en autre lieu, vint à la ville des Rois sollicitant vn chacun de prendre le party de Pizarre apportant la nouuelle de la defaite des Bracamore que menoit Gonzalle Pereira pour le Vice-roy par Fernand d'Aluarado, Gonzalle Dias, & Hierome de Villegas. Pizarre ayant entendu ces nouuelles deslogea incontinent, laissant pour lieutenant à Lima Laurét d'Aldene. Il s'en alla par mer iusques à Sainte, en vn brigantin avec les docteur Cepeda, Niagno, Leon, Caruajal, & Gueuare, & avec Pierre de Hinoiose, Blaise de Sotto, & quelques seruiteurs domestiques. Le mesme iour qu'il arriua à Trufigliio, Diego Velasquez natif d'Auile y arriua aussi apportant la nouuelle que Blasco Nugnez auoit rompu Gonzalle Dias, Fernad d'Aluarado, & Hierome de Villegas pres de Piura, & qu'il auoit prins la plus part des soldats: que Gonzalle Dias errant dans les montagnes estoit depuis mort de faim, & qu'Aluarado auoit esté tué par les Indiens, comme il fuyoit de ceste defaite. Cela despleut grandement à Pizarre, voyant que par ce moyen les forces, & la reputation du Vice-roy croissoient. Il assembla en conseil ses gens, & capitaines plus experimentez pour sçauoir ce qui estoit besoin de faire. Ils arrestèrent de marcher droit vers le Vice-roy, qui estoit à S. Michel, nonobstant le peu de gens, qu'ils auoient. Et afin qu'ils ne fussent descouverts, ils enuoyerent deuant le capitaine Iean Alphonse Palomin avec douze bons soldats, pour se tenir sur le chemin, & prendre garde aux passans. Il y auoit plusieurs ri-  
ches,

hes, qui de peur disoient que c'estoit vne grande  
olie d'aller assaillir Blasco avec si peu d'hommes,  
qu'il estoit plus seur d'enuoyer premierement  
uerir Bacicao. Mais François de Caruajal, qui ar-  
ua le lendemain, confirma tout ce qui auoit esté  
solu. Comme ils partoient de Trusiglio, Gomez  
Aluarado, & Jean de Sajauedre se vindrent ioin-  
re à eux avec les soldats qu'ils amenoient de Ga-  
uco, de Ciaciapojas, & du Leuant. Pizarre enuoya  
e Motupe Ica d'Acoste avec vingt quatre cheuaux,  
ens d'assurance par le chemin des Xagüejes, qui  
est le grand chemin Royal, mais sans eau, & luy à-  
ec toute l'armee s'en alla par Ceran, qui est vn au-  
e chemin pour aller à Piura vers les montaignes,  
ce faisoit-il, afin que Blasco Nugnez, voyant Jean  
Acoste, pensast que toute l'armee suiuiſt. Mais ce-  
eruse fut desconuerte par vn Yanacona Indien,  
i estoit à Jean Ruuio, qui suiuiſoit Acoste. Cest In-  
en fut prins par l'ennemy cōme il trauersoit pour  
igner Piura, & dit tout ce que faisoit Pizarre. Bla-  
o eut si grand peur qu'il s'enfuit à Quito par le  
emin de Caxas. Alors les citoyēs de saint Michel  
i s'estoient retirez aux montaignes, se ietterent  
r luy, & arresterent la plus grand part de son ba-  
ge, disans qu'ils se payoient du sac qu'il auoit fait  
leur ville. Pizarre dist ceste nuit à François de  
aruajal en presence de Hinoiose, & Cepeda, qu'il  
ouloit enuoyer apres le Vice-Roy Jean de Aco-  
e avec 80. bons harcquebuziers, & en demanda  
n aduis. Caruajal luy dit qu'il trouuoit cest aduis  
bon, qu'il l'eust voulu faire: & comme Pizarre luy  
madoit comment il pensoit l'executer, il respon-

dit, que vostre seigneurie me le die ( qui estoit sa façon de parler ) ie les vous prendray tous comme dans vn rets. Alors Pizarre luy dit, qu'il auoit gagné le ieu, s'il le pouuoit ioindre, & pourtant qu'il cheminaist toute nuict, par ce que s'il pouuoit tuer les ennemis sans sentinelles, il en pourroit tuer autant qu'il voudroit, & s'il les rencontroit dedans les montagnes, qu'il s'efforçast de les arrester aux passages estroicts iusques au iour. Adoncques François de Caruajal se mit en chemin avec plus de 50. cheuaux, & à trois heures de nuict se ioignit aux ennemis, qui dormoient si profondement avec si peu de soucy de leurs vies, que certainement il les eust tous tuez, ou prins, s'il eust voulu : mais il ne vouloit pas mettre fin à la guerre, voulant tousiours l'entretenir, pour par le moyen d'icelle pouuoir commander. Il feit donner l'alarme par vn trompette qu'il auoit mené contre l'aduis de tous les siens, qui le vouloient tuer, si les ennemys ne se fussent incontinent esueillez. Blasco Nugnez sentit bien le murmure, qui estoit entre ses ennemis : mais il disoit que c'estoit vne astuce de Caruajal. Si se met en defense comme vn homme vaillant, prenant avecques luy pres de soy son cousin Sancio, Sancies de Auile, Figueroc de Zamore, qui estoient personnages bellicieux. Mais voyant que ses aduersaires se retiroient sagement, il n'osa les poursuiure, craignant vne embuscade, & aimât mieux se retirer aussi docilement marchant en ordre. Quand Caruajal vit son ennemy retiré, il en surprint quelques soldats qui estoient paresseux à se retirer, lesquels il feit pendre, & attendit là son armee. Les siens parloient fo-



nal de luy, de ce qu'il n'auoit cōbattu le Vice-Roy,  
& par sur tout Pizarre mesme, qui luy vouloit fai-  
re trancher la teste, n'eust esté le docteur Cepeda, &  
enoist de Caruajal, qui requirer pour luy. Pizarre  
commanda au docteur Caruajal de poursuire le  
Vice-Roy avec deux cēs hōmes, par-ce que c'estoit  
son grand ennemy, & s'asseuroit que cestuy-cy fe-  
roit son deuoir. Le docteur fut fort ioyeux de ceste  
charge, tant par-ce qu'il se voyoit par là rentré en la  
bonne grace de Pizarre, que pour venger la mort  
du facteur son frere, & aussi pour se vèger soy-mes-  
me, par-çe que Blasco luy auoit osté le departtemēt  
qu'il auoit des Indiens, & luy auoit mis la corde au  
col, commandant qu'il se confessast. Il demanda à  
François de Caruajal, vn bel estoc qu'il auoit, & iura  
qu'il en tueroit le Vice-Roy, sil le pouuoit rencon-  
ter. Il feit vn long, & rude chemin, & deuant qu'ar-  
riuer à Ayabaca, qui est à 42. mil de Caxas, il print  
beaucoup de soldats du Vice-Roy, qui lors eschap-  
a avec 70. soldats seulemēt. Le maistre de cāp Car-  
uajal pendit à Ayacaba Mōtoye, qui portoit lettres  
du Vice-Roy à Pizarre, & Raphaël Vela Mulat pa-  
rent de Nugnez, & autres trois: & là Pizarre leut les  
lettres de Blasco publiquemēt: la somme estoit qu'il  
rembourast, & l'Empereur des frais qu'il auoit  
fiect, tant à ses despens, qu'à ceux du Roy, & de  
quelques particuliers, & que puis il sen retourne-  
rit en Espagne. Pour cela, & pour quelques au-  
tres causes portees par les mesmes lettres, il com-  
manda de tuer Montoye. Il enuoya encor' apres  
Blasco Iean d'Acoste avec 60. cheuaux legiers, afin  
qu'il le poursuuiuit plus diligēmēt. Blasco gaigna en

grand' haste Tumbamba endurent autant de travail & de faim qu'il auoit de peur. Il tua Hierosme de la Serne, & Gaspar ses Capitaines, ayant soupçon qu'ils communiquoient par lettres avec Pizarre. Ce qui estoit neantmoins faux. Car Pizarre ne receut iamais aucunes lettres d'eux durant ceste dernière guerre. Il feit encor' tuer pour mesme soupçon Roderic d'Ocampo son maistre de camp, qui selon l'opinion de tous, n'estoit coupable aucunement, & qui ne meritoit telle fin l'ayant nourry, & tousiours fuiuy. Estant arriué à Quito, il commanda au docteur Alvarez, qu'il feit pendre Gomez Statio, & Aluarado de Caruajal habitans de Guayaquil, parce qu'ils auoient coniuré de le tuer: ce qu'ils eussent executé, par-ce que c'estoient hommes vaillans, & hardis, & n'auoient pas faite de la faueur de plusieurs. Mais Sarmento cousin de Gomez descouurit la trahison. Ce Gomez, sans cela, meritoit bien telle, ou plus rigoureuse punition. Car il se retira Tombez vers Bacicao, & voyant qu'il auoit peu d'hommes, & que mesme ce n'estoient que meschâtes canailles, s'en retourna vers le Vice-Roy disant, qu'il n'estoit allé là que pour pourueoir à ses cheuaux, qui y estoient. Quand le Vice-Roy sceut que Bacicao s'estoit ioinct à Pizarre à Muliambato, & qu'ils prenoient le chemin de Quito pour le poursuivre, s'en alla à Pasto, qui est à 120. mil de Quito en la prouince de Popajan, croyant qu'ils ne passeroient point plus outre, & ne le poursuivroient plus. Mais Pizarre le deceut de son opinion. Car s'en alla avec son armee à Pasto, d'où estoit descendu party Blasco pour aller à Popajan avec peu de gens.

Il enuoya le docteur Caruajal pour le poursuiure. François de Caruajal auoit grand' enuie d'y aller, pour corriger la faute de l'autre fois. Le docteur s'en reuint avec quelques prisonniers, & bestail, qu'il auoit prins sur le Vice-Roy. Sur cela Pizarre s'en retourne à la ville de Quito, apres auoir poursuiuy Blasco Nugnez par tout le Peru. En ce temps mesme Blasco cuida estre tué par vn nommé Oliuere, qui auoit esté son page, & ce par le subornement de Pizarre, ainsi qu'on dict. Mais ce page n'estant encor' assez aduise, ny hardy se descouurit à Diego d'Ocampo pour luy aider à executer ceste entreprinse, disant, que par ce moyen il se vengeroit aussi de la mort de son oncle Roderic d'Ocampo. Le Vice-Roy le feit mourir, encore qu'il luy pmeit de tuer Gonzalle Pizarre.

*Ce que feit Pierre de Hinoiose avec son armee.*

*Chap.*

169.

**L**Es plainctes qu'on faisoit iournellement à Pizarre pour les meurtres, & vrolleries faictes par Bacicao estoient si grandes, qu'il fut cōtrainct y mettre ordre: & pour ce faire assembla le conseil, où il fut arresté qu'il failloit enuoyer vn autre Capitaine nommé de bien pour y satisfaire, ou en rendant leurs biens, ou bien les payer des deniers de Pizarre mesme. La plus grande difficulté, qui aduint là dessus fut à nommer celuy, qui auroit ceste charge. Pizarre, & la plus grand' part vouloient que Pierre de Hinoiose homme de bien, & vaillant de sa personne, y allast. Mais François de Caruajal, & Gueuare Capitaines d'arquebuziers & Bacicao mesme, qui auoit la faueur de la plus grand' part des soldats, & des



principaux, vouloiēt que Bacicao y retournast. Là vous voyez que Pizarre ne faisoit pas à chascun fois tout ce qu'il vouloit, mais seulement ce qu'il pouuoit. Il dict à Martin de Robles, & Pierre de Puellas, qui auoient soubz eux la plus grand' part des soldats, & qui n'aymoient gueres Caruajal, & Bacicao, qu'au premier cōseil ils fussent de son opinion, & de celle de Cepeda, qui estoit que Bacicao n'y deuoit point aller. Cepeda ayant eu leur parole, & estant asseuré qu'ils seroient de son aduis, remonstra par bonnes raisons, qu'il n'estoit pas bon que Bacicao y retournast, mais qu'il estoit meilleur que ce fust Hinojose, & ainsi fut esleu. Bacicao, qui s'estoit trouué à toutes ces deliberations, ne dict mot, mais Caruajal dict seulemēt qu'il ne s'en soucioit point. Pierre de Hinojose print l'armee pour aller à Panama, & payer ce que Bacicao auoit enleué, & aussi pour empescher que tout le long de la coste deux vaisseaux ne se peussent assembler, parce qu'ils tenoient pour tout certain, & aussi estoit ainsi, qu'estans maistres de la mer, ils seroient aussi maistres de tout le pays. Arriuant au port de Bonaventure, il print Vela Nugnez, qui leuoit gens pour son frere, & plusieurs autres: il recourrit vn des enfans de Gonzalle Pizarre qu'ils tenoient là prisonnier, & si eut 20000. castillans d'or, avec lesquels ils acheptoiēt cheuaux, & armes pour le Vice-Roy. Deuant qu'arriuer à Panama, il enuoya vne lettre par Roderic de Caruajal à la communauté de la ville, par laquelle il madoit quelle estoit son intention. Mais ils ne le voulurent croire. Jean de Lanes, Jean Fernandez de Rebelledo, Jean Vendrel Ca

alan, Balthasar Diez, Arias d'Azeuedo, & Mugnos  
l'Auile citoyens de la ville enuoyerent incontinent  
querir Pierre de Casaos, & luy manderent qu'il a-  
menast gens de la ville du Nom de Dieu, où pour  
ors il estoit. Il vint, & se meit en defense avec les  
soldats qu'il auoit amenez, & avec ceux de la ville,  
& lors feirét respôse à Hinojose qu'apres auoir esté  
insi mal traictez par Bacicao, ils ne vouloiét le re-  
cevoir avec tous ses gens, mais laissant à l'ancre ses  
vaisseaux en l'Isle de Tauoga, & venant seulement  
accompagné de 40. hommes, qu'ils le receuroient,  
& traicteroient honnestement iusques à ce qu'il  
eust satisfaiët aux meurtres, & volleries faictes par  
Baciaco. Hinojose ne voulant accepter ceste con-  
ditiô, se feit maistre de tous les nauïres, qui estoient  
au port, & requist. ceux de la ville. par vn moyne  
qu'ils le receurent en paix, puis qu'il venoit pour  
leur bien faire, & non pour les mal traicter. Eux se  
confians au moyne, demanderent des gentils-hom-  
mes, & gens d'honneur, avec lesquels ils peussent  
negocier de cest affaire. Il leur enuoya Paul de Me-  
nefes, & le mesme Roderic de Caruajal: mais luy  
estât d'aduis qu'ils demeuroient trop à reuenir, s'ad-  
uança vers la ville, & les rencontra. Il sçeut par eux  
comme ceux de Panama se mettoient en armes. Il  
desbarqua à trois mil au desoubs de la ville, & meit  
tous ses gens à terre les faisant marcher en esqua-  
dron contre la ville, & se faisant costoyer le long  
de la marine par ces barques, dedans lesquelles e-  
toit son artillerie. Pierre de Casaos, Iean de Lanes  
& autres Capitaines feirent sortir leurs soldats, &  
artillerie contre Hinojose, & comme ils s'appro-

cherent pres l'un de l'autre se rangerent tous en bataille. Les Panamiens estoient en plus grand nombre, mais Hinoiose auoit plus d'arquebuziers, & auoit l'aduantage pour la situation du lieu, & pour la commodité de ses barques: ja les bataillons se vouloient attaquer quand Dó Pierre de Cabreré, & André d'Areyza crierent Paix, paix. Ils allerent demander trefues à Hinoiose à fin que ce pendant on peust trouuer quelque bone issue pour cest affaire. L'accord fut tel q' Hinoiose enuoyroit ses vaisseaux, & tous ses soldats à Tauoga, qu'il entreroit en la ville avec 50. soldats seulement. Hinoiosa feit seló cet accord, & le lendemain entra avec le contentement de tous, & commença à traicter de l'affaire, pour laquelle il estoit allé là. Ce pendant enuoya à Limon prisonniers Vela Núñez, Roderic Mexia, Lermes & Sajauedre, ausquels depuis Pizarre feit trancher les testes. Il faisoit en ceste ville, ou disoit telles choses qu'incontinent il attira les soldats pour le parti de Pizarre, & s'en alloient à Teuoga avec les autres. Lanes se pleignoit de cela: mais voyant que pour ses plainctes, il ne pouoit arrester ses gés, il remena entre les mains de la communauté, & du docteur Ruiz iuge de la ville les armes, munitions, & artillerie qu'il auoit, & se retira à S. Marthe avec quelques vns, qui le voulurent suiure. Il y auoit pour lors à Nicaragua Melchior Verdugo, qui leuoit gens de guerre pour le Vice-Roy. celuy auoit prins des deniers, & vn nauire aux habitans de Trusiglio par le commandement du Vice-roy. Hinoiose y enuoya lea Alfóse Palomin avec vn nauire bien muni d'hommes & d'artillerie, avec charge d'enfoncer tous les vais-



seaux de Nicaragua s'ils ne se vouloient rendre. Palomin s'y en alla , & ne faillit à prendre tous les vasseaux qu'il trouua , mais Verdugo s'en estoit déjà allé tachât à gagner la ville du Nom de Dieu. Et pour ce faire meit en certaines barques 80. Espagnols, & s'en alla par le fleuve Xuaguator, qui entre dedans le lac de Nicaragua, en intention de faire par là tout ce qu'il pourroit contre Pizarre , & François de Caruajal, lequel il hayoit à mort. Il entra donc en ceste ville quasi sans estre apperceu , & meit le feu aux maisons de Fernād Mexia, & de son beau-pere Dom Pierre de Cabrere, qui estoient là avec gens pour Hinoiose, & Pizarre, mais ils s'enfuirent à Panama , ainsi il se fit maître de la ville, & fit tout ce qu'il voulut avec 300. soldats qu'il assembla. Les habitas du Nom de Dieu se pleignirent au docteur Riuiere des dommages, griefs torts, & iniures qu'ils receuoient de Verdugo en sa jurisdiction. Riuiere demanda secours à Hinoiose, qui luy donna 140. arquebuziers, & s'en alla avec luy : ils prindrent en chemin les sentinelles de Verdugo, & ayants entendu qu'il estoit trop fort, & puissant, le docteur Riuiere le requist de se retirer de là, satisfaisant aux despences , & dommages qu'il auoit faits : mais ayant fait responce trop hautaine , & superbe, les arquebuziers d'Hinoiose aduancerent le pas, & tirans sans cesse le firent reculer, iusques à la mer, où il auoit vn nauire, & barques attachees à terre. Il eut beaucoup de ses gens tuez , & blesez, & encores qu'il combatist vaillamment, si fut il contraint se ietter vistement en ses barques, & s'enfuir. Hinoiose laissa là Dom Pierre de Cabrere, & Fer-

nand de Mexia, comme ils estoient deuant , & s'en retourna à Panama.

*Les cruantez & meurtres faits par François de Caruaial  
contre ceux du party du Roy. Chap. 170.*

**L**Ope de Mendozze fâché de ce qu'on luy auoit  
osté son departement, meit en la teste de Die-  
go Centeno Preuost de la ville de l'Argent de tuer  
François d'Almandras lieutenant de Pizarre, & de  
s'esleuer pour le Roy. Centeno, qui d'ailleurs estoit  
assez mal cõtent, fut lors contët d'executer ceste en-  
treprinse, pour n'estre point noté par cy apres de  
trahison à son Prince: car c'estoit vn homme de bõ  
cueur. Il assembla donc secrettement en sa maison  
Loppe de Mendozze, Louis de Leon , Diego de  
Ribadeneyre. Alphonse Perez d'Esquiuel, Louis  
Perdomo , François Negral , & quatre, ou cinq  
autres , & leur dit comme il vouloit tuer François  
d'Almandras, par ce qu'il auoit osté les departemës  
à plusieurs, & fit mourir Dom Gomez de la Lune,  
& puis s'esleuer pour le Roy. Ils luy promeirent  
tous de luy aider louäs son entreprinse. Alors il s'en  
alla chez François d'Almandras son voisin, & amy,  
& luy dit, comme il auoit entendu que le Vice-roy  
auoit prins Gonzalle Pizarre en la ville de Quito:  
& cõme l'autre fut tout estonné, & troublé en soy-  
mesme de ceste nouuelle, l'ébrassa luy disant: Vous  
estes prisonnier: là dessus les autres dix compagnõs  
l'empoingnerent, & le tuerent auecques vn sien  
seruiteur, & quelques autres, qui louoient l'emprison-  
nement du Vice-Roy. Apres ils meirent l'ensei-  
gne de l'Empereur au vent, & feirent capitaine ge-  
neral Diego Centeno, qui assembla incontinent

gens, lesquels il paya du sien, & des deniers du Roy. Il feit maistre de camp Lope de Mendozze, & Fernand Nùgnez sergent maieur. Il publia la guerre contre Pizarre, & se meit en chemin vers Cuzco avec 200, Espagnols tant de pied que de cheual, péchant en faire là autant. Mais Alfonse de Tore lieutenant pour Pizarre en ceste ville sortit au deuant avec trois cens soldats. Centeno tourna bride, & voyant que ses soldats ne le suiuioint point, gaigna les montaignes ne trouuant pas seur d'attendre à Ciarcas. Alfonse le poursuivit: & en passant pillà la ville de Ciarcas, meit dedans la ville de l'Argent Alfonse de Mendozze avec quantité de soldats, & puis s'en retourna à Cuzco, où il feit pendre Loys Aluarez, & decapiter Martin de Cádiz, par-ce qu'ils parloient mal de Pizarre. Quand Centeno sceut ce qu'auoit fait Alfonse de Tore, s'en retourna vers la ville de l'Argent, & pria Alfonse de Mendozze que puis qu'il estoit Gentil-homme de bonne part, il voulut suiure le party du Roy: & comme l'autre n'y vouloit entendre, il reprit la ville, remeit le peuple en son obeysfance, refeit son armee, & se meit aux champs. Alfonse de Mendozze se retira avec trente hommes de guerre seulement, & feit plus de trois cents mil, sans perdre aucun de ses gens. Cest Alfonse de Mendozze est vn des Capitaines le plus renommé, qui ayt esté au Peru, & ne luy doit on accóparer Centeno, ny Caruajal. Gonzalle Pizarre ayant entédu par les lettres d'Alfonse de Tore, que luy porta Martin de Vergara, la mort de François d'Almandras, & la rebellion de Centeno, enuoya de Quito à la ville de l'Argét, qui en est loin



1500. mil, François de Caruajal avec gens de guerre pour chastier Centeno, & les autres, qui s'estoient esleuez contre luy. Caruajal pilloït par tout où il passoit, sous couleur que c'estoit pour payer ses gés, & rembourser les despés faicts par Pizarre en ceste guerre contre Blasco Nugnez. Il feit pendre à Guamâga quatre Espagnols sans estre chargez de rien, & à Cuzco cinq autres, entre lesquels furent Diego de Naruaez, Fernand d'Aldene, & Gregoire Seriel, personnages tres-riches, & honorables. Il prit leurs departemés, & les donna à ses soldats, & s'achemina vers où estoit Centeno, faisant courir le brui& qu'il ne luy vouloit faire mal, & qu'il ne vouloit que le remettre en grace avec Pizarre. Mais Centeno ne voulut ny le voir, ny parler à luy, ny entendre à ses raisons: & laissant à Ciayan Loppe de Mendozza avec l'infanterie, sortit avec 100. chevaux au deuant de luy, & luy donna l'assault de nuit crient, Viue le Roy, pensant qu'à ceste voix plusieurs de ses ennemis deussent passer de son costé deuant qu'on eust sonné l'alarme. Mais ne voyant personne se ietter de son costé, donna à la pointe du iour vne escarmouche pour ce mesme effect: & voyant encore les soldats de son ennemy si fermes, s'en retourna. Ciayan se desiant de pouuoir garder la ville pour le Roy. Caruajal le poursuiuit, & le rôpit, & fut tousiours apres iusques à Arequipa, qui est loing 250 mil. Il prit en chemin douze de ses soldats qu'il feït pendre, & qui plus est sans permettre qu'ils se confessassent. Diego Centeno encore qu'il fust en fuite, si esleuoit-il le pays, par où il passoit, contre Pizarre, disant qu'ils se dônassent garde du cruel Car

Caruajal. Il feit escrire à quelques vns de Cuzco par Dó Martin d'Vtrere, comme Diego Centeno auoit tué François de Caruajal, & qu'il s'acheminoit vers eux. Alphonse de Tore creut aisément ces nouuelles, parce que Dom Martin estoit citoyen du Cuzco, & s'enfuit de là avec ceux qu'il peut amener. Mais la verité estant cognüe il s'en reuint incontinent, & feit pendre Martin de Salas, qui auoit desployé vne enseigne au nom du Roy, & Martin Manzano, Ferdinand Diez, Martin Fernandez, Baptiste le Galand, & Soroto Maieur, & autres, qui s'estoient declarez contre Pizarre. Quand Centeno se veid poursuiuy de si pres par Caruajal, & qu'il n'auoit pas plus de cinquante hommes avec luy, il en enuoya quinze avec Diego de Ribadeueyre pour prendre vn vaisseau, par le moyen duquel ils se peussent sauuer: mais son ennemy ne luy donna pas si long terme. Se voyant dóc perdu; & quasi és mains de Caruajal, commença à se plaindre avec ses trente compagnons de leur commune infortune, les embrassant tous, & les priant d'euitier la main d'un si cruel tyran. Ainsi il se departit d'avec eux, & s'en alla se cacher avecques vn sien seruiteur, & Louys de Riuiere en certaines petites cases d'Indiens, qui estoient à Coruegio habitant d'Arequipa. Les autres s'en allerent par autres chemins, qui leur sembloient bons, accompagnez tousiours d'une peur de mourir ou du glaïue, ou de faim. Quant à Loppe de Mendozze il se retira avec douze ou quinze des siens, parmy quelques Indiens ses vassaux, & rassembla là iusques à quarante Espagnols, & voulans se mettre avec iceux dedans les Andes, qui sont montaignes hautes, & ru-

des: il sceut de Nicolas d'Heredia, qui amenoit 140. soldats, le long chemin qu'auoient fait Diego de Roias, & Philippe Gutierrez par le fleuve de l'Argent, au temps de Vacca de Castro, & se ioignit avec luy, & tous deux se feirent forts ensemble contre les Pizarristes. Le maistre de camp Caruajal marcha contre eux avec 400. soldats, & se campa deuant eux, comme voulant assieger le lieu où ils estoient. Lope de Mendozze se fiant sur la cauallerie qu'il auoit laissé le lieu fort, où il estoit, par ce que le contour estoit trop rude pour ses cheuaux, ou de peur d'y estre assiegé, & prins par famine, & alla loger ses gens en vne plaine, Caruajal au contraire s'alla mettre incontinent dedans la forteresse, blasmant la grande ignorance de ses ennemys. Lope de Mendozze voulant amender ceste faute avec vne grande animosité, la mesme nuit alla donner l'assault à ceste forteresse, mettant son infanterie deuant vne porte, & la cauallerie à l'autre sous Heredia. Les gens de pied combattirent vaillamment, entrèrent dedans, tuans, & mourans de mesme vaillance. Ceux de cheual à cause de l'obscurité de la nuit, ne purent voir l'endroit où estoit la porte, & furent contraints se retirer & fuir. Caruajal fut fort blessé d'une arquebuzade en la fesse: mais il n'en dit pour lors rien, & encor' moins l'en ouit-on plaindre iusques à ce qu'il eust vaincu, & repoussé ses ennemys. Il se fit penser la playe, & puis pourfuiuit ses ennemys. Il se ioignit à eux à quinze mil de là sur la rive d'un grand fleuve, & par ce qu'ils estoient las & harassés, il les rompit facilement. Il en print plusieurs, & en fit pendre quelques vns



il feit decapiter Lope de Mendozze, & Nicolas de Herèdie: il pillà ceux de Ciarcas, saccagea la ville de l'Argent, où il feit pendre dix ou douze Espagnols de Mendozze, qu'il trouua là. De là il alla à Arequipa, laquelle il pillà, où il feit encor' pèdre quatre autres soldats. Et puis vint à Cuzco, où il en feit pendre autant. Il faisoit tant de cruauté & vilainies qu'aucun n'osoit luy contredire, ny comparoir devant luy.

*La bataille, en laquelle mourut Blasco Nugnez Vela.*

*Chap.*

171.

**A** Pres que le Vice-roy eut esté ainsi deschassé du Peru, & Hinojose fut enuoyé à Panama, & Caruajal contre Centeno, Pizarre ne bougea de Quito ne faisant autre chose q̃ festoyer les dames, & prendre son plaisir à la chasse: encor dit-on qu'il eir tuer vn Espagnol pour iouir de sa femme. François de Caruajal prenant congé de luy, luy dit, que il vouloit demeurer en seureté, & se deliurer de toute crainte, il se feit, & s'appellast Roy. Il luy donna ce conseil pour le confirmer d'auantage en cette opinion de poursuiure tousiours en son absence le Vice-roy iusques à ce qu'il eut entieremēt defait, comme il auoit bien commencé en l'assaut donné à Caxas, craignant qu'en son absence son cœur s'abollist par le conseil de quelque autre. Pizarre en se resueillant, eut aduertissement de ce que faisoit Blasco Nugnez à Popayan. Il songea comme pourroit le tromper & deceuoir, & s'aduisa de mettre des gens sur tous les chemins, afin qu'aucun ne passast pour aller à Popayan sans sa mercy: faisant au reste courrir le bruit partout le pays qu'il

s'en alloit à Lima : & afin qu'on le creut à Popayan, fait escrire de Quito par certaines femmes à leurs maris, qui estoient là, comme Pizarre s'en estoit retourné. Puellles manioit toute ceste entreprinse, estant maistre de camp en l'absence de Caruajal. Vn espion du Vice-Roy, qu'on auoit prins, escriuit le semblable. Blasco voyant tant de lettres, creut que Pizarre s'en estoit veritablement retourné contre Centeno, s'imaginant en soy mesme les raisons, qui l'auoient meu à ce faire, qui estoient pour ne laisser point perdre la richesse & grandeur du Peru, que Centeno pouuoit enuahir durant telles querelles, & partialitez, aussi pour garder la frontière de Quito. Blasco Nugnez estoit arriué à Popayan fort defait, ayant mangé de ses cheuaux par les chemins, il maudioit l'heure qu'il estoit iamais venu au Peru, & les hommes qu'il y auoit trouuez. Il auoit bon enuie de se venger, mais sa puissance estoit petite. Il estoit grandement fâché de la prinse de son frere Vela Nugnez, & d'auoir perdu 20000. castillans d'or qu'auoit prins Hinoiose. Il ne se fioit point à pas vn des siens : mais pour toutes ces aduersitez, il ne perdoit point courage, encores moins l'esperance d'estre vn iour le plus grand au Peru, s'il pouuoit entrer en Quito, & en Trufiglio. Ainsi, donc croyant que Pizarre s'en fut retourné à la ville de Rois, se mit en ordre pour aller à la ville de Quito avec quatre cents soldats, qui estoient assez pour combattre les trois cents, qu'on disoit estre seulement restez là. Nonobstant qu'on luy dissuadast ceste entreprinse, si ne voulut-il attendre plus grande certitude : par ce que le temps, disoit-il, descouroit

toute

outes entreprinſes. Iean Marques eſtoit à 72. mil  
e Quito, avec quelques ſoldats en vne ſienne caſſi-  
e, d où il eſpioit par le moyen de ſes Indiens tout  
e que faiſoit Blaſco, & tous les iours en aduertif-  
oit Pizarre. Au contraire, Blaſco ne ſçeut iamais  
aucunes nouuelles de Pizarre, qui eſtoit vne negli-  
gence bien grande, iuſques à ce qu'il fut à Ottabalo,  
vingtſept mil de Quito, où il ſçeut la verité de tout  
ar André Gomez ſon eſpie. Pizarre laiſſant Quito  
alla camper douze mil à coſté de la ville, vis à vis  
u fleuve de Guaylabāba en vn lieu fort, tant pour  
u ſeureté, que pour vaincre ſon ennemy. Blaſco  
yant entendu l'intention de ſon aduerſaire, feit re-  
ognoiſtre la ſituation du lieu, feit ſemblant de ſail-  
r, commandant à quelques vns de ſe monſtrer ſur  
fleuve. Puis feit faire pluſieurs feux pour tromper  
izarre, & ce pendant ſ'en alla de nuit par lieux  
pres, & rudes, ſans tenir voye ne ſentier, & chemi-  
a ainſi toute la nuit en grande diligence, & à mi-  
entra dedans Quito, où il n'y auoit aucune gar-  
ſon, & là ſ'eſtant informé des gens, & de la force  
a'auoit Pizarre, eut peur, & tous les ſiens auſſi. Se-  
ſtien de Venalcazar Adelantado, l'Auditeur Iean  
luarez, & autres luy conſeillerent qu'il ſe rendit à  
zarre, avec quelques bonnes pactions. Mais il  
ur reſpondit: i'ayme mieux pluſtoſt mourir en  
mbattant, que me rendre par couardife à vn ty-  
n, & ſie meurs au champ de bataille, noſtre Roy  
vivant en Eſpagne, qui nous vengera tous: &  
nnant bon courage, & bonne eſperance de vi-  
oire marcha contre Pizarre avecques plus grand  
eur, qu'avec prudence: car ſ'il ſe fut fortifié en la



ville il eust peu se deffendre, ainsi qu'on dit: mais il ne vouloit point estre assiegé, de peur d'estre prins, & aimoit mieux combattre en la campagne, pour se sauuer s'il estoit vaincu, ou mourir en combattant vaillamment. Il meit, donc, tous ses gens en ordre en ceste façon. Toute son infanterie estoit en vn bataillon, exceptez quelques arquebuziers, qui estoient à part comme enfans perdus pour attaquer l'escarmouche, leur capitaine estoit Iean Cantere maître de camp: de l'infanterie estoient capitaines Sancio d'Auille, François Hernandez de Carceres, Pierre de Heredie, Roderic Nugnez de Bouille trésorier. Il feit deux esquadrons de ses gens de cheual il print le plus grād, & le meilleur pour luy, & donna l'autre à Cepeda de Plaisance, à Venalcazar & à Bazan. Pizarre suyuit cest ordre, par ce qu'il auoit recogneu deuant. Il auoit 700. Espagnols. Il y en auoit 200. arquebuziers, & 140. de cheual. Il meit main gauche le capitaine Gueuare, avec ses arquebuziers, & les piquiers apres derriere, lesquels marchoient le docteur Cepeda, Gomez d'Aluarado & Martin de Robles, avec 100. cheuaux des meilleurs. Au flanc droit estoit le capitaine Iean d'Acoste avec ses arquebuziers, & des picquiers apres, & pour l'arrieregarde estoient le docteur Caruajal, Diego d'Vrbine, & Pierre de Puellas avec la cauallerie. Par ceste ruse Pizarre couurit toute la cauallerie par le moyē des piquiers, qui tenoient leurs piques leuees, & ainsi demeura ferme, sans brāsler, ny se mouuoir. Blasco qui bouilloit de colere, vint à la chaude assaillir Pizarre, & se commença la bataille. Ceux de Pizarre dès la premiere scopeterie tuerēt beaucoup

de leurs aduersaires, & entre autres Jean Caure-  
e, Sancio Sancias, & le Capitaine Cepeda. Les  
gens de cheual se voyans ainsi molestez de telles  
arquebuzades se ioingnirét tous avecques le Vice-  
Roy, & ensemble vindrent donner sur l'esquadron  
du Docteur Caruajal, lequel ils rompirent, & en  
ectèrent quelques vns par terre, Blasco mesme  
neit par terre Alphonse de Montaluo. Le docteur  
Cepeda voyant cela donne avecques tout son es-  
quadron dedans le flanc des gens du Vice-Roy, &  
e mer en routte. Se voyans perdus, commence-  
ent à fuir. Cepeda, Aluarado, & Robles les pour-  
uiuent si viuement, qu'il n'en eschappe pas vn, ex-  
epté Ynigo Cardo, & vn nommé Cisneros. Mais  
epuis ce Cisneros fut amené de Pasto, & fut pen-  
u, & Ynigo Cardo tua le Docteur Polo en la vil-  
des Ciarcas. Pizarre se comporta en grand' cle-  
ence avecques les vaincus. Il ne feit mourir  
ue Pierre de Heredie, Pierre Vello, Pierre An-  
n, & Ynigo Cardo. Quant à l'Auditeur Jean  
luarez on dict, que les siens mesmes l'empoï-  
nnerent, par-ce qu'il mourut avecques tous les  
nes de poison. Il meit prisonniers tous ceux qui  
y pouuoient estre contraires, ne les voulant fai-  
mourir, comme aucuns luy conseillèrent, mais  
s'en repentit depuis. Il en meit plusieurs en li-  
rté, il remonta les autres d'armes & de deniers,  
ur les renuoyer à leurs gouuernemens, entre  
tres Sebastien de Venalcazar, ne prenant point  
sgard à ce qu'il auoit faict contre son frere Fran-  
is Pizarre se rebellant contre luy. Ainsi la ba-  
lle, ny la victoire ne furent pas gueres cruelles.

Car il n'y mourut pas plus de cinq ou six des gens de Pizarre. Fernád de Torres, demeurant pres Arequipa, ietta par terre le Vice-Roy Blasco Nugnez en le poursuivant, & sans le cognoistre, ainsi qu'on dict. Car il auoit caché ses armes tout expres avec vne chemise Indienne. Estant cheu à terre, Herrera cōfesseur de Pizarre accourut pour le confesser. Il luy demanda qui il estoit, le Vice-Roy luy respondit: Vous n'avez que faire de sçauoir qui ie suis, faites vostre office. Il ne se vouloit point donner le cognoistre craignant sentir quelque cruauté de son ennemy. Son cheual auoit quatorze cloux à chaque fer: ce qui feit croire qu'il auoit bonne enuie de fuir sil se voyoit rompu. Vn soldat, qui autresfois auoit esté des siens, le recogneut, & le dict à Pierre de Puellas, & au Docteur Caruajal, afin qu'il se vengeast. Caruajal y enuoya vn Negre pour luy couper la teste: car Puellas ne voulut point qu'il descendit de cheual pour faire cest acte, disant, qu'il ne couenoit point à sa grâdeur de s'abbaisser si bas. Puellas mesme print la teste, & la porta au lieu patibulaire, la monstrât à tous. On dict que quelques Capitaines luy arracherent toute la barbe, & la gardoient, & la portoient à leurs bonnets pour monstrer leur vaillantise. Pizarre commâda qu'on portast le corps à la maison de Vasco Xuarez & la teste quand il sceut qu'elle estoit sur le gibet, dequoy il se colera grandement, & le lendemain on l'enterra aussi honorablement qu'il fut possible.

*Ce que Blasco Nugnez disoit, & escriuoit des Auditeurs.* Chap. 172.



**B**ien souuent Blasco Nugnez disoit que l'Empereur & son conseil luy auoient baillé pour Auditeurs vn ieune, vn fol, vn ignorant, & vn sot: aussi se sont-ils gouuernez en ceste sorte: Cepeda estoit le ieune, Iean Aluarez le fol, Tejada l'ignorant, qui ne sçauoit pas vn mot de Latin. Ce fut à Panama, où les Auditeurs commencerent à estre mal voulus du Vice-Roy, & à entrer en differét les vns avec les autres, pour sçauoir qui seroit superieur, ou non, & sur la maniere de depescher les affaires, & lettres, qui touchoient le faict de iustice, & du gouuernement, par-ce qu'on voyoit quelques lettres donnees par les Presidens, & Auditeurs, autres par le Vice-Roy seulemēt. Iean Aluarez amena sa femme d'Espagne, & depuis la ville du nom de Dieu, iusques à Panama la feit porter sur le dos des Indiens dās vne portoire, ou hotte, qu'ils appellēt Hammaca. Le Vice-Roy s'en mocquoit, & blasmoit sa femme. Cela feit inimitié entre eux deux. Ils iugerent des proces, constituerent quelques vns prisonniers, autres deliurerent deuant que d'estre receuz Auditeurs, & Iean Aluarez feit monter vn Gentil-homme sur vn asne, & l'eust faict fouetter, sans les prieres de quelques vns, & que c'estoit contre les Loix d'Espagne. Il faisoit porter aux Indiens ses hardes sans les payer, qui estoit contre les Ordonnances qu'ils portoient. Par-ce qu'Alphonse Palomin Preuost ordinaire de saint Michel ne estoit descendu de son cheual, & n'auoit accompagné Iean Aluarez fut repris par quelques paroles aigres. Ils mangerent par plusieurs iours aux despēs de leurs hostes, hommes tref riches, & opu-

iens, & toutesfois deuoient reformer les trop grāds departemens, & richesses : Christofle de Burgos en estoit entre autres : & si deuoit chasser hors le Peru tous les nouueaux Chrestiens, suivant l'Edit de l'Empereur. Ils disoient par où ils passioient, que les Ordonnances n'estoient point iustes, & que le Roy n'auoit peu par raison les faire, & qu'encores moins le Vice-Roy les pouuoit-il executer, & que tout ce qu'il faisoit sans eux ne valloit rien, encores qu'il l'authorisast du nom de l'Empereur. Ils alloient souuent se pourmener aux champs, & là communiquoient ensemble, & s'accordoient contre le Vice-Roy : & ainsi faisoient-ils, de peur qu'il n'eust empesché leurs assemblees, s'ils les eussent faites chez eux. Iamais ne furent contens qu'il y eust accord entre Blasco, & Gonzalle, & ne subignerent de bonne volonté au pardon, & sauf-conduit que porta le Prouincial des Iacobins pour ceux qui voudroient se retirer du party : encores moins à celuy que demanda Balthasar de Loaysa, parce qu'il exceptoit Pizarre, le docteur Caruajal & trop peu d'autres, disans, qu'il appartenoit au Roy seulement de pardonner tels delicts. Ils louoient Don Diego d'Almagro, parce qu'il auoit fait comme Gonzalle Pizarre, le party duquel ils iustifioient le plus qu'ils pouuoient. Ils se laisserent suborner par Benoist Martin chappellain de Pizarre. Ils demanderent pour lors gages 6000. castillans d'or pour chacun tous les ans, & qu'autrement ils n'alloient plus l'audience tant que dureroit l'an mil ning cens quarante quatre. Ils haïssoient au commencement les proces qu'on faisoit touchant le

Indiës: mais depuis que le Vice-Roy fut prins, ils faisoient bien le contraire contre l'Ordõnance, & volonté de l'Empereur, disans qu'ils ne pouuoient denier iustice à qui la demandoit. Ils prindrent à Blasco Nugnez tous ses papiers pour s'ayder de ceux qui parloient pour les Presidens, & Auditeurs. Quand Blasco fut prins, il demanda le guidon Royal, par ce qu'il ne pouuoit estre porté que par vn Vice-Roy, & capitaine general. Cepeda luy dict qu'il en auoit affaire puis qu'il estoit gouuerneur, President, & Capitaine general. Blasco escriuit tout ce que nous auons cy dessus recité à l'Empereur. Les Auditeurs mesme ont confirmé beaucoup de ces choses par les fautes qu'ils ont faictes, comme contient l'histoire. Ils disoient qu'ils ne pouuoient supporter le naturel terrible de Blasco Nugnez, qui tousiours ne se pouuoit contenir, qu'il ne s'attaquast à eux de paroles hautaines, & superbes. Ils s'excusoient assez de ne l'auoir iamais fait prisonnier, & qu'aussi ils ne l'auoient mis en liberté pensans que l'Empereur seroit mieux seruy par ce moyen, & aussi qu'ils n'auoient peu mieux faire avec Pizarre, qui autrement les eust tuez. Mais ils ne furent point creus pour l'enquement, & la fin qu'eurent les affaires, comme au contraire on adiousta foy à la lettre de Blasco qu'il enuoya de Tombez à l'Empereur par son cousin Diego Aluarez Cueto.

*Comme Gonzalle Pizarre se voulut appeller Roy.*

*Chap. 173.*

Iamais Pizarre en l'absence de François de Caruajal, son maistre de camp, ne tua, ny permit tuer aucun Espagnol, sans que tous, ou la plus grãd part



de son conseil l'eust trouué bon, encor' vouloit-il que son proces fut fait en bonne forme, & qu'il fust confessé deuant que mourir. Commanda par lettres patentes qu'il feist publier par tout, qu'on n'eust à se seruir d'Indiens pour les faire porter la somme sur le dos, qui estoit vn article des Ordonnances, ny les rançonner, c'est à dire, prendre leurs biens par force sans payer, sur peine de la vie. Il commanda aussi que tous ceux, qui auoient des Indiens en leurs departemens, eussent en leurs maisons des personnes d'Eglise, & prestres pour les en doctriner en la foy, & religion Chrestienne, sur peine d'estre priuez d'iceux departemens. Il prit grande peine à amasser le Quint du Roy, & les biens qui luy pouuoient appartenir, disant que son frere François Pizarre auoit ainsi fait. Il commanda qu'on n'eust à payer aucun tribut, excepté le dixieme, & puis que les guerres estoient finies, & Blasco Nugnez mort, qu'un chascun seruist le Roy, afin qu'il reuokaist les Ordonnances, confirmaist leurs departemens, & leur pardonnast tout le passé. Alors tous louoient son gouvernement, même Lagasca: apres qu'il eut veu les Ordonnances qu'il auoit faictes, dict qu'il gouernoit bien, & assez modestement pour vn tyran. Ce bon gouvernement dura, comme i'ay dict au commencement, iusques à ce que Pierre de Hinojose mit entre les mains de Lagasca son armée, qui fut peu de temps apres. Car depuis tout fut renuersé: car François de Carvajal, & Pierre de Puellas escriuirent à Pizarre qu'il se feist Roy, puis qu'aussi bien à la verité il l'estoit, & qu'il ne se souciaist d'enuoyer à l'Empereur de

procureurs du pays: qu'il meit peine, & diligence à recouurer force cheuaux, corselets, artillerie, arque buzes, & autres armes, qui estoient les vrayz procureurs, & qu'il print pour soy les quints, vassaux, villes & reuenus royaux, & les daces qu'auoit en ce pays le secretaire Couos, sans les auoir meritees. Cela ne despleut guerres à Pizarre, car vn chascun vouldroit estre Roy: mais il n'osa toutesfois se declarer tel, encor' que plusieurs l'incitassent à ce faire, par ce qu'aucuns de ses plus grands amys le blasmoient s'il le vouloit entreprendre, ou bien à cause qu'il vouloit attendre que Caruajal fut venu des Ciarcas, & Puellas de Quito. Quand ceux-cy furent venus, alors aucun ne pouuoit sortir du Peru, ny tirer de l'or, ou de l'argent, sur peine de perdre la vie. Ils tuoient sans iustice, & sans confession, tous ceux qu'ils vouloient. Ils faisoient mourir les riches pour auoir leurs biens: ils osterent les daces qu'auoit Couos, qui luy valloient 30000. castillans d'or par an. Aucuns disoient qu'ils ne donoeroiēt point le Royaume à l'Empereur, s'il ne leur donnoit à perpetuité leurs departemens: autres disoient, qu'ils feroiēt Roy qui bon leur sembleroit, puis qu'ainsi autre-fois auoient fait, apres la ruine d'Espagne, l'infant Dom Pelage, & Garzia Ximenez: autres qu'ils appelleroient les Turcs, si on ne donnoit le gouuernement à Pizarre, & si on deliuroit son frere Ferdinand. En somme tous disoient que ces Royaumes leur appartenoiēt, & qu'ils les pouuoient departir entr'eux, puis qu'ils les auoient gaignez à leurs despens, ayant espendu leur propre sang, à la conqueste d'iceux.

*Comme Pizarre feit decapiter Vela Nugnez.**Chap. 174.*

**P**izarre feit faire iustice de trois habitans de Quito, qui auoient esté cōdemnez par le Licencier Leó il y auoit ja six moys, les departemēs desquels, leurs femmes aussi, il donna à d'autres, selon aucuns, autres qui louent sa clemence le nient. Il meit ordre aux affaires de ceste ville, & puis s'en alla à la ville des Roys, qui est le chef du Peru, pour faire là sa residence, & gouuerner tout le reste, douze mil au deça de Lima, où il fut festoyé magnifiquement par Dom Antoine de Riuiere. Diego Velasquez grand maistre de Ferdinand Pizarre l'y vint trouver avec lettres de Pierre de Hinojose, & d'autres Capitaines de l'armee, qui estoient à Panama, par lesquelles ils l'aduertissoient de la defaictē de Verdugo, & de la venue du president Lagasca. Hinojose par deux lettres louoit grandement Lagasca, & asseuroit de pouuoir delcourir ce pourquoy il estoit venu, encor' qu'il fut biē fin, rusé & secret par le bō ordre qu'il y mettroit, & s'il cognoissoit qu'il n'apportast ce qui estoit bon à tous, qu'il le feroit bien-tost mourir. Ces lettres ruinerent Pizarre, qui s'asseuroit sur icelles, & estoit au demeurant negligent, tenant son'affaire pour toute faictē. Car il est tout certain que si Hinojose luy eust escrit qu'il eust à obeir à Lagasca, il eust faict: l'ayāt aussi bien desia deliberé de faire par le conseil de ces Capitaines, & autres gēs de sçauoir, qui auoient beaucoup de puissance sur luy en l'absence de François de Caruajal. Ainsi se confiant sur Hinojose, n'auoit peur d'aucun sinistre aduenement, ny d'aucune



disgrace de fortune, ne faisant compte, ny estime aucune de Lagasca. & n'entendoit qu'à faire festes, à courir la canne à cheual à la mode d'Espagne, & autres passetemps, faisant tousiours toutesfois bien son deuoir quant au gouuernement. Durant ce temps on accusa Vela Nugnez frere du Vice-Roy, & eut la teste tranchee, Ian de la Torre en fut cause. Ce Iean de la Torre auoit plus de 100000. castillans d'or, & force lingots d'or pur, & vne petite cassette pleine d'esmeraudes fines qu'il auoit eüe par son astuce des Indières sans leur faire aucun mal, par ce qu'il les trouua en vne de leurs sepultures, Il auoit grand enuie des'en retourner en Espagne, avec ce tresor: mais il n'osoit de peur de Pizarre, ou à cause qu'il ne se confioit à personne. Il communiqua avec Vela Nugnez, afin qu'il s'en allassent eux deux ensemble en vn nauire de Pizarre. Là dessus vint nouuelles, comme Lagasca auoit enuoyé Pierre Hernandez Paniagua vers Pizarre, & le faisoit gouuerneur. Iean de la Torre croyant ceste nouuelle, delibera trahir Vela Nugnez, pour gagner la grace de Pizarre. Pour le mieux tromper comme s'il poursuiuoit tousiours son entreprise de leur en aller, donna 25000. castillans d'or au Gardien des Cordeliers, présent Vela, & luy iura sur l'Hostie consacree, en presence du mesme Moyne, de ne descrouir rien: car Vela auoit peur de quiconque fut. De là à trois ou quatre iours, il dit à Pizarre comme Vela se vouloit desrobber. Pizarre luy dict qu'il feist bonne mine pour sçauoir ceux qui s'en voudroient aller avec Vela. On en print quelques vns, qui par le moyen

de la torture cōfesserēt le tout, & Vela Nugnez eut la teste tranchee, sans estre mis à la questio, ce qu'il estima à grand grace. Il fut decapité plüstoſt que plusieurs n'eussent voulu: mais il fut hasté à la persuasion du docteur Caruajal, qui en auoit peur, pour auoir vsé de cruauté contre son frere Blasco Nugnez.

*Comme le Docteur Pierre de Lagasca s'en alla  
au Peru. Chap. 176.*

L'Empereur ayant entendu les rebellions, & tumultes qui s'estoient esineues au Peru, à l'occasion de ses nouuelles ordonnances, & l'emprisonnement du Vice-Roy Blasco Nugnez, fut fort mal content de la desobeissance, & de la hardiessē des Auditeurs, qui l'auoient mis prisonnier, ensemble la rebellion de Gonzalle Pizarre. Mais il modera vn peu son courroux, considerant que le tout estoit aduenü pour n'auoir cedé à l'appel qu'on faisoit de l'execution des ordonnances, & par-ce qu'il voioit par les lettres, qu'on apportoit du Peru, & mesme par le recit de Maldunado, que le Vice-Roy auoit le tort, par-ce qu'il executoit les loix trop rigoureusement sans vouloir acquiescer à l'appel. Il excusoit aussi le Vice-Roy, par-ce que luy mesme luy auoit commande de les executer, nonobstāt l'appel, estant informé, ou bien trompé, qu'en ce faisant il faisoit seruice à Dieu, & que c'estoit le bien, & la conseruation des Indiens, que par là il satisfaisoit à sa cōscience, & si c'estoit l'augmētation de son reuenü. Ces nouuelles luy redoublerent la fascherie, & soucy qu'il auoit des guerres d'Alemagne, & des Luthériens, où il estoit fort embrouillé, & les tourmen-

toient grandement , tellement qu'à grande peine pouuoit il songer à celles cy. Mais cognoiffât quelle importance ce luy estoit de remedier à ses vassaux, & à ses Royaumes du Peru si riches, & profitables à sa courône, aduisa d'y enuoyer vn homme paisible, secret, peu parlant, & scachât demesler tels affaires, qui peut remedier aux maux aduenus par la trop grande hauteffe de Blasco Nugnez , qui ne pouuoit tenir son secret, & qui estoit de petite affaire. En sôme voulut y enuoyer vn regnard, puis qu'il n'auoit rien gagné d'y auoir enuoyé vn Lyon. il eueut, donc, le docteur Pierre de Lagasca, qui estoit du conseil de l'inquisition, homme cault & rusé, de petite corpulence, mais de grand esprit, & d'une mesme prudence accompagnée de bon cœur, il valloit plus que trois hommes. L'Empereur l'auoit ja experimenté en affaires ardues, & de grande importance, pour les Mores du Royaume de Valence. Il luy donna l'autorité, & mandemens tels qu'il demandoit, & lettres missiues, & blancsignez de sa maiesté comme il vouloit. Il reuoqua les ordonnances, & escriuit à Gonzalle Pizarre d'Alemagne au mois de Feurier mil cinq cens quarante six. Lagasca partit d'Espagne avecques peu de gens, & à petite despence, encores qu'il eust desia le tiltre de President, mais avecques grande esperance, & reputation. Il despendit peu pour faire son chemin pour ne mettre l'Empereur en despense, & pour monstrier cauteleusement sa paisible douceur à quelques vns de Peru, qui alloient avec luy. Il mena avec soy pour Auditeurs les deux docteurs, André de Cianza, & Renterio homme de bien, ausquels il



se fioit assez. Il arriua au Nom de Dieu, sans dire l'occasion qui l'amenoit. Quand on luy parloit de sa venue pour tirer quelque chose de luy, il respondoit suivant l'affection de celuy, à qui il parloit, & par ceste pouruoyance il les deceuoit tous. Il disoit finemēt que si Pizarre ne le vouloit receuoir, il s'en retourneroit vers l'Empereur incontinent, n'estant point venu pour faire la guerre, par-ce qu'elle ne conuenoit à sa profession, ny à son habit, estant prestre, & qu'il n'estoit venu que pour mettre paix par tout, en reuocquant les Ordonnances, & president seulement en l'Audience suivant l'estat, & office que l'Empereur luy auoit baillé. Il manda à Melchior Verdugo, qui venoit vers luy avec quelques soldats pour l'accompagner, & luy faire seruire, qu'il ne passast point outre: mais qu'il demeurast là, attendant ce qui en aduiendroit. Il meit ordre à quelques choses, & puis s'en alla à Panama, laissant au Nom de Dieu pour Capitaine Garzia de Paredes, avec des soldats que Ferdinand de Mexia, & Dom Pierre de Cabrere Capitaines de Pizarre, luy donnerent pour defendre ceste coste de quelques corsaires François, qui vouloient venir assaillir ceste ville: Mais ils furent enfoncez par le Gouverneur de sainte Marthe.

*Ce que Lagasca escriuit à Gonzalle Pizarre.*

*Chap.*

*176.*

**Q**Vand Lagasca fut arriué à Panama, il entendit mieux en quel estat estoit l'armee, & ce qu'on disoit de Pizarre. Il faisoit des pratiques le plus secretement qu'il pouuoit, & voyant les forces de Pizarre, il discouroit en soy-mesme qu'il les falloit

rompre ou par plus grâdes, ou par astuce. Il escriuit à Quito, Nicaragua, Mexieque, à S. Dominique, & autres lieux pour auoir hommes, cheuaux, & armes, & enuoya au Peru Pierre Fernandez avec lettres pour les chapitres des villes, par lesquelles il donnoit à entendre comme il estoit venu pour reuocquer les Ordonnances. Il luy bailla aussi vne lettre de creance de l'Empereur pour Pizarre, par laquelle l'Empereur sous couleur d'escrire autre chose, dissimuloit tout ce pourquoy il auoit enuoyé, & en escriuit à luy mesme vn autre longue, & ample, pleine de bonnes raisons, tendantes à fin qu'il meit les armes bas, qu'il se demeit de son gouuernement, & se meit entre les mains de l'Empereur, qu'il apportoit la reuocation des Ordonnances, pardon pour tout le passé, commission pour disposer, & ordonner des vassaux, & peuples avec l'aduis des gouuerneurs des villes, au profit des Espagnols, & Indiens, permission de faire nouuelles conquestes, afin que ceux, qui n'auoient aucuns departemens, ny offices, en peussent auoir, pour se maintenir. Pour conclusion il luy remonstroit qu'il ne se fiast point à ceux, qui iusques à l'heure presente l'auoient suivi: par ce qu'ils l'abandonneroient par le moyen du pardon general que le Roy leur enuoyoit, & le tueroient pour faire seruice à l'Empereur, & luy faisoit dextremét trouuer bone la paix, en desprisant la guerre.

*Comme Pizarre se conseilla sur les lettres de Lagasca.*

*Chap. 177.*

Pierre Fernãdez arriua à la ville des Rois, & presenta ses lettres à Pizarre à l'heure qu'il le veid seul. Pizarre luy tint quelques paroles rudes, & ne

luy dit qu'il fassied, dequoy Pierre Fernandez se colera. Pizarre enuoya querir Cepeda, par ce que François de Caruajal n'estoit encore de retour des Ciarcas, pour luy communiquer les lettres. Cepeda ayant trouué l'un despité, & l'autre en colere, feit asseoir Pierre Fernandez, & reprit Pizarre, qui luy respondit en riant: Je vous iure que ie me suis courroucé ie ne sçay comment, parce qu'il me disoit que ce que nous auons encômené ne pourra pas reüssir aisément. Cepeda, apres auoir cômuniqué quelque espace de temps ensemble sur plusieurs affaires, s'en alla, & amena avec soy Fernandez, & le logea en la maison de la Riuiere, où il fut bien festoyé. Il luy donna des cheuaux pour picquer: par ce qu'il aimoit fort aller à cheual, & courir souuent dessus. Il se faisoit plusieurs assemblees pour sa venue, & vn chacun disoit ce qu'il desiroit. Pizarre n'adiousta soy aucune aux lettres du docteur Lagasca, encores moins aux paroles de Fernandez, croyant pour certain que ce n'estoient que tromperies pour le decevoir. Il appella les plus principaux, & leur leur ses lettres, il demanda l'opinion de tous, & iura sur l'image de la Vierge Marie qu'un chacun pouuoit librement dire son aduis: Ils ne s'y fioient point tous, toutefois, de sorte que plusieurs d'entr'eux ne parlerent en toute liberté comme ils eussent bien voulu. Ce que s'ils eussent fait, ou si on n'eust point encores apporté les lettres de Hinojose. Pizarre se fut mis entre les mains de Lagasca sans doute auçy. Car François de Caruajal, qui estoit celuy, qui luy conseilloit de se faire Roy, & ne se toucier de l'Empereur, n'estoit point encores là. Ce, surquoy ils con-

sulterent



fulterent le plus, fut, à sçauoir s'ils laisseroient entrer Lagasca ou non, & comme ils le tueroient, si ce seroit apres qu'il seroit entré, & n'auroit voulu faire ce qu'ils voudroient, où bien si ce seroit à Panama. La plus grande opinion fut qu'on ne le laissât entrer, ny approcher: par ce que telle estoit la volonté de Pizarre, qui auoit force, & esperance sur Hinojose. Aucuns disent qu'il seroit bon donner le legast à tout le pays de Panama, & du Nô de Dieu, fin que les habitans de ces villes, qui fauorisoient le party du Roy, n'eussent moyen de recueillir aucunes prouisions, & qu'il falloit se saisir de tous les vaisseaux, qui estoient en la mer de Midy, afin que aucun ne peust entrer au Peru: qu'il falloit aussi envoyer plus de 500. arquebuziers vers Nicaragua, Guatimalla, Tecoantepec, & Xalisco pour esmouvoir toute la nouuelle Espagne, & les autres provinces à prendre le party de Pizarre, s'asseurans de trouuer là beaucoup de souffreteux, & mal-contés: & si n'aduenoit, comme ils esperoyent, que pour le moins en se retirant on pilleroit, & brusleroit-on tous les peuples de la marine: de sorte qu'il ne faudroit plus defendre que soy-mesme, sans auoir soin de s'assurer d'auantage sur ses voisins. Ce fut vne entreprinse plus malheureuse que celle qu'on auoit esia encômmencee. Estans d'oc tous d'accord, ils firent responce ensemble par vne lettre seule, le vouant ainsi Pizarre, pour s'autoriser d'auantage, afin que Lagasca veid comme tout le pays le fauorisoit, & aussi pour estre plus assuré d'eux, s'obligeans tantement à luy en soubsignants tous ceste lettre. Elle fut signee par plus de soixante personnes des

plus notables, & par Cepeda le premier, comme lieutenant general de Pizarre tant en guerre, qu'en iustice.

*La lettre.*

**N**Ostre honoré seigneur, par les lettres de Pierre de Hinojose capitaine de l'armée, nous auons entendu vostre venue, & le bon zele que portez au seruice de Dieu, de l'Empereur, & au bien commun de ce pays. Si fussiez venu en vn temps, auquel n'eust adueni tant d'affaires, comme il en a esté veu en ces pays depuis la venue de Blasco Nugnez Vela nous eussions esté trefaies, & eussions estimé que le tout se fut encor mieux porté. Mais estans surue nus tant de meurtres, & de batailles entre nous autres, qui sommes encor viuans, & ceux, qui sont morts, nous ne pensons point que vostre venue en ces Royaumes soit seure pour le pays, ains au contraire estimons quelle pourroit estre la cause seule de ruiner tout le reste. Pour ceste cause aucun n'est d'aduis que vous entriez plus auant, & ne sçauons comme nous pourrions sauuer la vie à celui qui voudroit dire du contraire, encore que nostre gouverneur Pizarre fut de sa part. Suiuant la deliberation, & accord de tous, tous ces Royaumes envoient procureurs vers l'Empereur nostre Roy, & seigneur avec entiere information de tout ce, qui s'est fait iusques à aujourd'huy, depuis que Blasco Nugnez arriua. Par là ils demonstrent euidemment leur innocence, & iustification, & la faute, & orgueil de Blasco, qui iamais ne voulut acquiescer l'appel qu'on luy presentoit sur l'execution des Ordonnances, les executant avec toute rigueur, fa

ant guerre, & vsant de force au lieu de iustice. Ils  
applient l'Empereur de cōfirmer le seigneur Gon-  
alle Pizarre au gouuernement du Peru, comme il  
tient maintenant, puis que par ses vertus, & ser-  
ices il le merite, estant aymé de tous, & estimé  
pour pere de la patrie. Il maintient les Royaumes  
en paix, & iustice, prend garde aux Quints, & da-  
s du Roy, il entend fort bien les affaires, & gou-  
erne auecques vne longue experience qu'il a. Ce  
n'vn autre ne pourroit pas de long temps enten-  
re, & ce pendant que le peuple, & pays souffriroit  
grands dommages, & pertes. Nous nous assen-  
s, que l'Empereur nous fera ceste grace, par-ce q  
mais nous n'auons failly à luy faire seruice quel-  
es desordres, rebelliōs, & guerres furieuses soiēt  
uenues par ses iuges, & gouuerneurs, qui ont  
lé ses biens, & prins, & consommé ses reuenus.  
ous esperons aussi, qu'il approuuera tout ce que  
us auons faict pour nostre deffence, & qu'il ne  
uuera mauuais, si nous auons persisté en nostre  
ocel. Il n'y a pas vn de nous autres, qui luy deman-  
grace, ou pardon, aussi n'auons nous point fail-  
mais au contraire, nous auons faict seruice à sa  
iesté, en conseruant nostre droict comme ses  
x le permettent. Nous vous assurons de nostre  
t, que si Ferdinand Pizarre, que nous ayons  
ndement fut aussi bien reuenu par deçà comme  
s, nous ne l'eussions enduré entrer plus auant,  
plus que vous, ou nous fussions deuant tous  
rts: car en ces pays nous ne nous souciōs d'auē-  
er nos vies pour cōseruer l'honneur, encor' que  
oit pour choses legieres, tellemēt q biē plustost



nous les auanturerôs en cest affaire, où il ne va rien moins que de nôz biens, de l'honneur, & de la vie mesme. Nous supplions dôc vostre Seigneurie pour le bon zele, & vray amour que tousiours auer eu, & auez encor' au seruice de Dieu, & du Roy, que vous retourniez en Espagne, & informiez l'Empereur de ce, qui est propre à ces Royaumes, comme vostre prudence peut voir, & que ne donniez occasion que nous mourirôs tous en guerre, & que nous acheuions de tuer les Indiës, qui sont restez des autres guerres passées, puis que par la deliberation tous il ne peut venir autre fruit. Le Capitaine Laurent d'Aldene s'en va pour traicter avecques vous des affaires, qui touchent ces Royaumes, vous auousterez foy, sil vous plaist, à tout ce qu'il vous dira: De la ville des Roys ce quatorzieme d'Octobre mil cinq cens quarante six.

*Hinojose met l'armee de Pizarre entre les mains de  
Lagasca. Chap. 178.*

**P**izarre fut long temps à mettre ordre à ses procureurs qu'il vouloit enuoyer en Espagne. Les procurations de tous les chapitres des villes estoient ja faictes pour enuoyer avec icelles Laurent d'Aldene. Mais iamais ne pouuoit venir à bout de le pescher, par-ce qu'il estoit tousiours empesché par François de Caruajal, qui ne vouloit point de pos, ny de paix, & se soucioit encor' moins d'Espagne. Il fut neantmoins en fin depesché avec une lettre vers Lagasca, & luy bailla on pour cōpaignon Gomez de Solis. On y enuoya encores avecques luy Pierre Lopez, en presence duquel toutes les consultations auoient esté faites. Pizarre pria frere I

isme de Loaysa, Euesque de la ville, & frere Thomas de Saint Martin, Prouincial des Iacobins de en aller avec eux, afin que par ceste ruse ils abandonnassent son party, & se meissent du costé de Lagasca, ou bien pour les chasser hors du Peru se devant d'eux. Pizarre offroit à l'Empereur grande somme de deniers, luy demadant le gouuernement, le priant de ne leuer point le quint, & se coterent seulement du dixieme pour certaines annees. C'estoit vn des articles que portoit son argent. Il escriut par luy mesme à Hinojose, qu'il donnast 50000. Castillans d'or, ou plus à Lagasca, afin qu'il s'en retournaist, ou bien qu'il le tuast le mieux qu'il pourroit. Ainsi il depescha Laurent d'Aldene, & ses compagnons, qui s'en allerent à Panama. Ils presenterent la lettre à Lagasca, & l'aduertirent comme on vouloit tuer, & que partant il y print garde. Ils le dirent aussi certain q Pizarre ne le receuroit point, qu'il y en auoit plusieurs au Peru, qui desiroient grandement sa venue pour se ioindre de son costé au service du Roy. Le president Lagasca, qui ne pensoit point deuant qu'on l'eust voulu tuer, eut grand' peur, voyant les lettres des Pizarristes, & les nouuelles qu'on luy disoit. Alors il declara entierement à celuy, qui estoit allé par deuers luy, l'occasion, pour laquelle l'Empereur, l'auoit enuoyé, & tout ce qu'il auoit enuie de faire. Le Capitaine Hinojose l'ayant sceu, meit aussi tost de sa bone volonté, par-ce qu'aucun ne l'eust peu contraindre, son armee entre les mains de Lagasca, qui finalement l'auoit tousiours sollicité à ce faire par subtils moyens, & cautelles, luy faisant de grandes pro-

messes. Par là commença la ruine de Gonzalle Pizarre. Lagasca ayant l'armée en fait Capitaine general le mesme Hinojose, & rendit la charge de nauires, & les enseignes aux Capitaines, qui les auoient n'agüeres pour Pizarre. Ce fut faire de necessité vertu, d'un traistre en faire un fidelle, & loyal. Il estoit aise au possible de se veoir vne armée entre les mains, croyant desia auoir bien commencé son affaire. Aussi, à dire vray, iamais, & bien tard eust peu faire reussir son entreprinse; parce que iamais il n'eust peu aller au Peru par mer; si il y eust voulu aller par terre, comme il pensoit au commencement, il eust enduré de grands travaux, la famine, le froid, & autres dangers deuant qu'y arriuer. Incontinent doncques que Lagasca fut maistre de ceste armée, il enuoya l'Auditeur Cianca pour auoir l'artillerie, qui estoit au Nord de Dieu, pour en garnir ses nauires, & son armée. Il enuoya es Isles prochaines Paul de Meneses, lea de Lanes, & Jean Alphonse Palomin avec quelques vaisseaux pour garder la coste, afin qu'on ne peut aduertir Pizarre, come Hinojose luy auoit baillé son armée, & des preparatifs de guerre qu'il faisoit contre luy. Ces trois prindrent Gomez de Solis, qui s'en venoit cherchant le Capitaine Alde-  
ne: cestuy-cy declara encore mieux au long l'intention de Pizarre. Lagasca pour auoir d'auantage de gens de guerre, & de munitions enuoya à Nicaragua, la nouvelle Espagne, au nouveau Royaume de Grenade, à saint Dominique, & autres lieux des Indes, donnant à entendre à vn chacun, comme il auoit desia en sa puissance l'armée de Pizarre, qu'il



estoit la principale force du tyran. Il ordonna vn hospital à la mode de la court, avec son medecin, & apoticaire, qui fut vn grand remede pour ceux, qui estoient malades, & qui seroient bleſsez en la guerre. Il en donna la charge à F. François de la Roque, Mathurin. Il chercha deniers pour payer les soldats, & entretenir les gentil-hommes, & se monstroît courtois, liberal, & courageux, tellement que ceux, qui auoient esté du party de Pizarre, l'estimoient plus qu'ils n'auoient faict par cy-deuant, spécialement considerans sa prudence, qui estoit grande en vn corps si petit, & finet. Il depescha aussi Laurent d'Aldene, Jean Alphonse Palomín, Jean de Lanes, & Ferdinand Mexia avec quatre nauires pour porter lettres au Peru, commandant à Laurent d'Aldene, qui estoit general, de n'aborder en lieu quelconque deuant qu'arriuer à Lima, & en donnant aux habitans de ceste ville le pardon general, & la reuocatió des ordónances, criassent tousiours le nom du Roy, & de la courussent la coste, & qu'il enuoyast quelqs vns à Arequipa, & autres à Trujillo. On dit que pour auoir couleur de mouuoir la guerre il feit vne information contre Pizarre, & ses adherans, comme ils auoient prins Paniagua, & de leur meschante intention, & rebellion, de façó, qu'ils s'entendoient tous deux bien en leurs affaires, par ce que si l'vn estoit corsaire, l'autre n'estoit pas moins diligent, & aduisé que s'il eust esté luy mesme corsaire.

*Comme plusieurs se rebellerent contre Pizarre sçachans que Lagasca auoit en l'armée.*

*Chap. 179.*

O iiii

**I**L aduint vn grand trouble, & changement entre ceux du Peru, apres qu'ils eurent entendu ce qu'auoit fait le president Lagasca, & la bonne façon, de laquelle il vsoit enuers vn chacun. Ce changement commença sur les lettres qu'apporta Paniagua, & fut fort aduancé quand on sceut que Hinojose auoit mis son armee entre les mains de Lagasca. De ceux qui se rebellerent contre Pizarre, on compte Diego de Mora en la ville de Trufiglio, qui de là s'en alla à Caxamalca, où il assembla tous ceux, qui s'enfuyoient de Pizarre, & enuoya les lettres de Lagasca, & d'autres que luy auoit baillé Aldene, à plusieurs peuples, afin qu'ils demeurassent fermes au seruice du Roy. Gomez d'Aluarado se rebella en leuant aux Ciaciapoias, & Ieã de Sajauedre de Guanuco, Jean Porzel de Ciquimayos, ceux de Guamanga, & autres s'assemblerent tous ensemble, avec Diego de Mora à Caxamalca. Alphonse Mercadiglio laissa le party de Pizarre à Xarza, & François d'Olmos à Guayaquil, où il tua Emanuel Statio, qui estoit pour Pizarre. Roderic de Salazar abandonna Pizarre à Quito apres auoir tué Puellas, qui pensoit se declarer pour le Roy le lendemain, ainsi que deuant il auoit dit à Diego d'Urbine. Diego Aluarez en feit autāt à Arequipa avecques vingt autres qui appellerent Diégo Centeno, qui estoit encores caché parmy des Indiens, qui estoient à Cornejo, comme nous auons escrit cy deuant. Centeno oyant ceste nouuelle aise au possible sortit de sa tanniere, & s'en alla avecques Loys de Rinieri à Diego Aluarez. Ils assemblerēt en peu de temps plus de quarante Espagnols, & entre iceux y auoit quelques vns

de cheual, qui s'estoient esleuez, quand ils ouyrent nouvelles que Centeno comparoissoit. Ils s'en allerent tous à la ville de Cuzco pour la faire esleuer pour le Roy. Quand Antoine de Robles le sceut, il se mit en la place avec trois cens hommes, qu'il deuoit bien tost mener à Pizarre, pensant que Centeno amenaist avecques soy plus de gens, puis qu'il entreprenoit de prendre ceste ville. Diego Centeno entra dedans secrettement, & assaillit les ennemis: il en mourut sept en combattant, & luy fut blessé. L'Euesque frere Iean Solano accourut à ceste meslee, & sur peine de des-obeissance à Dieu, & au Roy, & d'estre excommuniez, les feit cesser, & qui voulut se mit du party du Roy. Le lendemain Centeno feit trancher la teste à Antoine de Robles, & tous les autres se rangerent de son costé au service du Roy. Il feit attacher l'enseigne du Roy, & puis laissa la ville à la deuotion du Roy, & s'en alla en la province des Ciarcas contre Alphonse de Médozze, & Jean de Siluere, qui estoient avec 400. combattans en la ville de l'Argent pour aller vers Pizarre. Mais Médozze, & Siluere vindrent au deuant de luy pour faire service au Roy, suiuant vne lettre qu'il leur auoit escrit, & aussi à cause qu'ils voyoient que Centeno menoit avecques soy pres de cinq cents hommes. Quand Centeno eut se renfort, il alla se loger à l'entree du lac de Tiquicaca, pour attendre là ce que le President Lagasca luy commanderoit.

*Comme Pizarre laissa le Peru.*

*Chap. 180.*



**O**N ne sçauroit dire le dueil que print Pizarre, & les siens quand ils sceurent que leur armee estoit en la puissance de Lagasca se compleignans de la fiance & amitié qu'ils auoient portee à Pierre de Hinojose, non sans se repentir de n'y auoir enuoyé plustost Bacicao en son lieu, & encor' disoit il, en se moquant, qu'il ne pouuoit sortir autre chose de la bonté, & animosité d'Hinojose, que les chiens, qui abbayoient estoient meilleurs, & non si dangereux que ceux qui mordoient sans iapper, par ce qu'on ne s'approche pas d'eux. Ils môstroiet toutesfois bõ courage, par ce qu'ils estoient grands seigneurs au pays. Pizarre voyant qu'on ne faisoit point contenance de le vouloir assaillir par mer, enuoya à la ville de Quito pour faire haster les soldats qu'auoit Puellas, & à Trusiglio pour auoir ceux de Diego de Mora, à Cuzco, pour faire venir Antoine de Robles avec les siés, à Arequipa pour amener ceux de Lucas Martin, aux Ciarcas, pour diligéter Iean de Siluere avec ses troupes, aux Ciapijas pour faire depescher Gomez d'Aluarado avec ses gens, à Guanuco pour presser Iean de Sajaudre de faire marcher ce qu'il auoit de gens de guerre, & ainsi en tous autres lieux. Il commanda à Iean d'Acoste qu'il s'en allast courir le long de la coste avec trente cheuaulx. Ce qu'il feit, & fut iusques à la ville de Trusiglio, laquelle il print, par ce que tout le peuple s'en estoit fuy dedans les montagnes avec Diego de Mora, & s'il eust eu 200. cheuaux, il fust allé iusques là, & les eust defaicts. Il print à Sainte trente hommes de Laurent d'Aldene, se mocquant de l'embusche qu'on luy auoit

dressée, & les mena à Lima. Aucuns disent que ce n'estoient point soldats d'Aldene, mais seulement mariniers, qui puisoient de l'eau. Pizarre s'informa particulièrement de ceux-cy des préparatifs, & du courage de Lagasca, Il renuoya le mesme Acoste avec plus de deux cens cheuaulx après Aldene, & Diego de Mora, mais il estoit trop tard: car de Mora estoit ja puissant, & estoit asseuré des affections de ceux qu'il menoit pour le seruice du Roy. Diego de Sturie, Raodone, & autres s'enfuirent d'Acoste à Mora. Roderic Mexia en vouloit autant faire, mais il fut arresté, & eut la teste trenchée. Pizarre rappella Iean d'Acoste, luy donna d'auantage de gens, & l'enuoya contre Centeno, qui après auoir pillé la ville de Cuzco s'en alloit à celle de l'Argent. Aussi tost Laurét d'Aldene arriua au port avec quatre nauires, & fut cause de troubler, & changer les esprits des habitans, & affections des soldats, & amis de Pizarre, par ce qu'il enuoya en la ville le Capitaine Pegna avec les lettres de Lagasca, & les copies de la commission qu'auoit ledict Lagasca de la part de l'Empereur. Pizarre voulut suborner Aldene par vn nommé Fernandez, mais il ne peüt. Il leut les lettres, & se conseilla de ce qu'il deuoit faire. Il trouua que plusieurs estoient bien changez depuis la derniere consultation. Alors il perdit vn peu de courage, encor' que tousiours il dit qu'avec dix de ses amis, qui luy resteroient, il pourroit se conseruer, & conquerir de nouveau le Peru, tant estoit grande sa cupidité de regner, ou plustost à vray dire son orgueil. Là dessus Alphonse Maldonado le riche, Valco, & Iean Perez de Gue-

uare, Gabriel, & Gomez de Roias, le docteur Ni-  
gno, François d'Ampuero, Hierosme Aliaga, Fran-  
çois Louys, Martin de Robles, Alphonse de Carce-  
res, Bonauenture Bertrand, François de Retamose,  
& plusieurs autres s'enfuirent de l'armée de Pizar-  
re. Alors François de Caruajal chantoit ces deux  
vers tirez d'une chanson Espagnolle.

*Ces miens cheueux vn espoir air, & sombre*

*Par esquadron petit on verra rompre.*

Comme s'il vouloit dire, que luy seul avec peu  
de gens pourroit rompre vne grosse armée, & que  
par tant ne se soucioit de ceux qui s'enfuyoient. Pi-  
zarre entra en grand desespoir voyans ses amis de-  
uenir ses ennemis. Aucuns se rangeoient au port vers  
Aldene, autres demeuroient en leurs maisons. Il  
ne scauoit plus sur qui se fier ayant peur de tous, sui-  
uant la malediction de tous les tyrans. Il ne scauoit  
où se retirer, à cause que Diego de Mora estoit à  
Caxamalca, Diego Céreno à Cuzco, & que toutes  
les villes estoient contre luy. Il s'en alla à Arequip-  
pa ayant tousiours grand soing qu'aucun ne l'aban-  
donnast, si est-ce toutesfois que le docteur Car-  
uajal, & ses parens & amis se retirerent encor d'a-  
uec luy. Il enuoya contremander Jean d'Acoste, à  
fin qu'il fust mieux accompagné. Acoste, qui estoit  
à Guamanga voyant la nécessité de Pizarre, vint en  
grand diligence, & perdit en chemin Paez de Sot-  
to Mayor son maistre de camp, Martin d'Olmos a-  
uec vne bone partie de sa compagnee, Garzia Gu-  
tierrez de Scobar, Gaspar de Toledo, & plusieurs  
autres, par ce que le bruiet couroit que Pizarre s'é-  
fuyoit. Voila comment Pizarre abandonna la belle



ville de Lima, chef du Peru, & arriua en la ville d'Arequippa avec propos de se retirer du tout hors de ce qu'il auoit conquis. Aldene se meit dedans Lima, & Iean Alfonse Palomin, & Ferdinand Mexia s'en allerent à Xauca, pour rassembler gens, & attendre Lagasca & son armee.

*La victoire de Pizarre contre Centeno. Chap. 181.*

**Q**Vand Iean d'Acoste fut arriué à Arequippa, Pizarre consulta avec les siens, ce qui estoit besoin de faire pour sauuer leurs vies, & leurs biens, c'est à dire leurs deniers, puis qu'ils ne pouuoient sauuer le pays: car ils n'estoient desia plus que 480. & les autres du Peru estoient contre eux. Ayans d'oc conclud entr'eux de se retirer en quelque lieu de la prouince de Chili, où iamais Espagnol n'eust esté, où pour conquerir nouueaux pays, où bien pour se remonter contre Lagasca, aduiserét de se faire chemin par où estoit Centeno: car il falloit par force passer par entre ses ennemis, & si Pizarre vouloit se mettre en seurté, & sçauoir combien, & quels demureroient fermes avec luy, & si auoit bonne enuie de pratiquer quelque accord avec Lagasca suivant le conseil de Cepeda. Il enuoya François de Spinosa avec trente cheuaux par le chemin, qui conduit à l'entree du lac de Tiquicaca, & luy dit qu'il commandast aux Indiens de faire prouisions de viures, afin que Centeno pensast qu'ils deussent passer par là, & s'en alla avec tous ses gens par Vrcosuyo costoyant les montagnes. Il print quelques vns qui s'estoient trop escartez, & vn prestre, qui portoit vne lettre de Centeno à Aldene: François de Caruajal le perdist. Centeno eut aduertissement

de l'intétion de Pizarre par le moyen des seruiteurs de Paul Ynga, qui estoit avec luy, & aussi par le moyen du capitaine Olea, qui se vint rendre de son costé. Par le conseil de quelques ieunes, il feit couper le pont de l'entree du lac, & laissa ce lieu fort, s'en allant à Pucaran de Collao pour là attendre son ennemy, & luy donner la bataille, croyant auoir la victoire en sa main, & voulant auoir l'honneur de tuer où vaincre Pizarre. Il meit ses gens en ordre, comme prests à cōbattre, & les feit approcher pour estre plus pres de l'ennemy, qui estoit à Guarine, 15. mil de Pucaran, où pour auoir l'eau de son costé. Il planta son camp au meillieu d'un chemin, en vne plaine, & si estoit le lieu assez aduātageux pour luy, & le lendemain, qui estoit le iour des 11000. Vierges, l'an 1547. il departit ses 1200. hommes qu'il auoit en ceste façon: il feit deux esquadrons de toute sa cauallerie, qui montoit à deux cens soixante cheuaux. Il meit le plus gros à main droite, & en donna la charge à Louys de Riuiere son maistre de cāp, & à Alphonse de Mendozze, & Hierosme de Villegas. Il donna l'autre à Pierre de los Rios, Antoine d'Vlloa, & Diego Aluares. L'infanterie fut mise tout ensemble, & en estoiet capitaines Iean de Siluere, Diego Lope de Zuniga, Roderic de Pantoye, François de Retamose, & Iean de Vargas frere de Garcilasso de la Vega, qui estoit avec Pizarre. Centeno, qui estoit malade de pleuresie, ainsi qu'on dit, se tint à part à regarder la bataille avec l'Euesque de Cusco, frere Hierosme Solano, recommandant son armee, & la victoire à Iean de Siluere, & à Alphonse de Mendozze. Pizarre, qui sçauoit tout par ces espies,

Sortit de Guarine avec 480. Espagnols, il donna la charge de 80. cheuaux, qu'il auoit seulement, à Cepeda, & à Iean d'Acofte, qui depuis changea de place avec Gueuare capitaine d'arquebuziers, qui estoit bossu. De l'infanterie furent capitaines, outre Iean d'Acofte, Diego Guillaume, Iean de la Torre, & Ferdinand Bacicao, qui s'enfuit à l'heure qu'il falloit combattre. Aussi au commencement des escarmouches la plus grand part se retira de la compagnie de Cepeda. Alors Gueuare, & Cepeda meurent environ vingt arquebuziers entre les premiers rangs des cheuaux, & se tindrent fermes sans branler. Les capitaines de l'infanterie en firent de mesme. Alphonse de Mendozze, & ceux de son escadron picquerent de roideur contre la cauallerie de Pizarre. Mais ils furent mis en desordre par ces vingt arquebuziers, & rompus par Cepeda. L'autre escadron vint donner sur l'infanterie, mais ayant perdu Pierre de los Rios, & quelques autres, qui estoient deuant, par le moyen des arquebuziers, il tourna bride, & s'en alla donner secours à ses compagnons. Estans ainsi tous ensemble, ils firent en route toute la cauallerie de Pizarre n'en laissant quasi pas vn en vie, où sans estre blessé, où estre contraint de se rendre. Les soldats de Centeno baissèrent leurs picques de loing, & alloient à grand pas, ainsi par la persuasion d'un prestre, pensans par là vaincre plustost: les arquebuziers aussi en fans tirer sur leurs ennemis, deslacherent leurs arquebuzes sans propos, ny à temps: de façon qu'à l'heure du combat, & lors qu'ils failloit bien dire ils estoient las, & à demy rompus. Au con-



traire ceux de Pizarre tirerent bien à propos, & à temps par deux ou trois fois. Iean d'Acoſte ſ'aduança deuant avec trente arquebuziers, penſant rompre ce gros eſquadron de gens de pied : mais il fut renuerſé par terre à coups de picques, & fort bleſſé. Iean de la Torre avec ſeptante autres arquebuziers luy fut donner ſecours, & tua Iean Siluere, & bon nombre d'autres. Diego Guillaume ſuruint par vn autre coſté, & en peu de temps tuerent quatre cents des ennemis, & rompirent le reſte. Apres cela ayans veu leur cauallerie en route, Iean de la Torre y courut pour les ſecourir avecques force arquebuziers. Il faiſoit tirer ſes gens à pluſieurs fois ſuyuant le coſeil de Caruajal, par ce que la cauallerie de l'vne, & l'autre part eſtoiét meſlez enſemble. En deux charges qu'ils feirent, ils rompirent & feirent eſcarter leurs ennemis, ayans tué quelques vns de leurs amis auſſi bien que leurs ennemis. Auſſi ceux, qui penſoient eſtre vaincus furent victorieux. Il n'y eut que cent morts de la part de Pizarre, entre autres Gomez de Léon, & Pierre de Fuentes capitaines. Cepeda, Acoſte, Diego Guillaume, & autres furent bleſſez. Pizarre fut en grand danger, ayant perdu ſon cheual, mais il en fut ſecouru d'vn autre par Garcillaſſo. Il y eut plus de quatre cents cinquante tuez de la part de Centeno: ils perdirent entre autres, les capitaines Loys de Riuiere, Iean de Siluere, Pierre de los Rios, Diego Lopez de Zunigua, Iean de Vargas, & François Negral. Diego Centeno ſ'enfuit ſans attêdre ſon Eueſque, & tous les autres, qui voulurent fuir : par ce que les victorieux ne voulurent ſuiure autrement leur victoire, à cauſe qu'il eſtoient

estoyent trop las & foibles.

*Ce que feit Pizarre apres ceste victoire.*

*Chap. 182.*

LE iour d'apres la victoire, Pizarre enuoya Iean de la Torre avec trente arquebuziers à cheual à la ville de Cuzco apres les vaincus, & Diego de Caruajal le Galant avec autant d'autres arquebuziers à Arequipa, & Denis de Bouadiglia avec mesme compagnie à Ciarcas pour leuer gens, & occuper les chemins. Quant à luy, apres auoir prins les despoüilles, chemina vers Cuzco avec le reste de ses gens. Mais deuant il feit trancher la teste au capitaine Olea, par ce qu'il auoit quité son party, & s'estoit retiré vers Centeno, & en feit executer encor' quatre, où cinq. François de Caruajal se loüoit d'auoir eu le iour de la bataille, pour contenter seulement son esprit, 100. hommes, & entre autres vn sien frere: c'estoit vne cruauté, qui luy estoit particuliere, si d'auenture il ne le disoit pour gloire de la victoire, qu'il l'attribuoit à soy. Cela se peut croire puis que la guerre estoit ciuile, & qu'un frere cōbattoit l'autre, l'amy contre l'amy, & le parent contre parent. A Pucaran, Pizarre & Cepeda se courroucerent ensemble, sur la question s'il falloit pratiquer vn accord avec Lagasca: disant Cepeda, qu'il estoit à ce heure temps de mettre les fers au feu, & que cette victoire pourroit adoucir le cœur de Lagasca, & le faire venir à vn accord plus hōneste & gracieux: & aussi il disoit qu'il se remettoit en memoire que luy auoit promis à Arequipa d'y penser. Pizarre auant plustost l'opinion des autres, & son propre esclaire, qu'il ne pouuoit euitier, dit qu'il ne luy cō-

uenoit point pour le present, par ce que fil en faisoit parler apres ceste victoire, ses ennemis estimeroyent & reputeroient cela à foiblesse, & debilité de courage, & si les siens en oyoyent le vent, ils l'abandonneroyent incontinent, & les amis qu'il pensoit tousiours auoir au camp de Lagasca luy faudroient au besoin. Garcilasso de la Vega avec quelques autres, estoient de l'aduis de Cepeda. Ce pendant qu'on disputoit de cecy, Bacicao fut tué à Luli, ville qui tenoit le party du Roy, & François de Caruajal s'en alla à Arequipa, le long de la marine ayant entendu que Diego Centeno auoit prins ceste route, & aussi pour amener toutes les femmes à Cuzco, afin que par le moyen de leurs Indiens, elles ne donnassent aucun aduertissement à leurs maris qui estoient avecques Lagasca, & pour contraindre lesdits maris reuenir vers elles. Pizarre entra à Cuzco avec grande admiration du peuple. Il feit pendre Herrezuelo, le docteur Martel, Iean Vasquez, & autres, par l'aduis de quelques personnes de lettre que il auoit avec luy. Il meit fort bonne garnison par tout, & voulut enuoyer Iean d'Acoste avecques 200. arquebuziers à cheual assaillir Lagasca, faisant courir le bruit que tout le reste marcheroit apres, afin qu'aucun ne s'enfuit. Il creut grandement ses arquebuziers, & feit fondre six pieces d'artillerie, feit faire forces armes de fer, & de picques: en somme il songeoit plustost à faire faire des armes, qu'à gagner le cœur des hommes. Caruajal amena d'Arequippa en ceste ville toutes les femmes, & autres hommes, tout l'or, argent, & ioyaux qu'il peu trouuer: car il aimoit autant voler que tuer: aussi



dit-on qu'il pillà tout le pays, sans que Pizarre en dit mot: mais le loup, & le regnard estoient tous deux d'accord.

*Ce que Lagasca feit arriuant au Peru. Chap. 183.*

**L**E president Lagasca partit de Panama, long temps apres Aldene, avec tous les vaisseaux, & hommes qu'il peut amasser. Ce qui le feit tant arrester, estoient les vêts cōtraires, qui auoiēt tousiours soufflé. De là à Tombez il eut vne meschâte & dangereuse nauigatiō, & fallut que pour vn lōg & roide courant de la mer, il donnaſt en l'isle de Gorgone. En fin il arriua à Tombez fort trauaillé, il receut de bonnes nouuelles, comme certains soldats de Blasco Nugnez ſeſtoient faiçts maîtres du port Vieil, ayans tué le Capitaine Morales, que Bacicao auoit laiffé, & mis prisonnier Lope d'Ayala lieutenant pour Pizarre, & comme François d'Olmos estoit pour le Roy à Guayaquil, & Roderic de Salazar à Quito. Aussi tost qu'il fut arriué, il vint par deuers luy des meſſagers de la part de Diego de Moa, Iean Porzel, Iean Sajauedre, & Gomez d'Aluado, qui estoient accōpagnez de grād nōbre de soldats à Cazamalca, deſquels estoit maistre de camp Iean Gonzalez. Il leur feit reſponce en loüant leur delité, & leur courage. Il ſeut aussi quelles forces auoit Centeno, & cōme Pizarre ſe retiroit. Toutes les nouuelles le cōtenterēt fort, & croyoit que son u estoit ſi biē tablē qu'il ne l'eust ſcēu perdre. Il eſpéroit à Cēteno, qu'il ne dōnaſt bataille, iuſques à ce qu'ils fuſſent ioinçts enſemble. Ce pēdāt il meit ordre à ſerrer les armes, & arquebuzes q̄ on apportoit tous les iours des gens de Pizarre, qu'on faiſoit

deçà delà. Il enuoya Dom Iean de Sandoual pour assembler à S. Michel ceux, qui quittoient le party de Pizarre, & se retiroient là. Il manda à Mercadigli qu'il amenaſt les Bracamores, & enuoya querir pluſieurs autres Capitaines. A ſon commandement, & au bruit de ſon arriuee au Peru, chacun accourut de tous coſtez, entre autres Sebaſtien de Venalcazar, François d'Olmos, Roderic de Salazar, & autres Capitaines. Voyât dōc qu'un chacun venoit faire ſeruiſe à l'Empereur, il enuoya un hōme avec lettres à la nouuelle Eſpagne, par leſquelles il mandoit au Vice-Roy Dō François, qu'il ne luy enuoyat point ſon fils avec les 600. hommes, qu'il auoit preſts, puis qu'il n'en eſtoit point beſoin. Pour ceſte cauſe Dom François de Mendozze ne bougea. Mais vindrent Gómez Arias, & l'Auditeur Ramirez, avec les autres de Nicaragua, & Quahutemallan. Lagasca ayant tous ſes gens, ſ'en alla avec vne partie d'iceux de Tombez à Truſiglio, & enuoya l'autre partie à Caxamalca par les montagnes ſous la charge de l'Adelantado Paſqual d'Andogoye, & Pierre d'Hinojoſe ſon general, pour prendre avec eux, ceux qui eſtoient là, & de là ſ'en aller à Xauxa, où ils ſ'aſſemblerent tous, pour ce que la ville eſt riche, & bien prouiſionnee. L'un, & l'autre ſouffrirent fort par les neiges & mōtagnes, iuſques à ce qu'ils arriuerent là. Lagasca arriua le premier, & ſçeut là la deſſaſte de Centeno, qui luy cauſa vne grande faſcherie. Il enuoya incontinent Marcia Alphonſe d'Aluarado à la ville des Roys avec deniers empruntez pour payer les ſoldats d'Aldene & ſeit fourbir tous ſes harnois, deſſouiller arque

buzes, remonter ses pieces d'artilleries, faire boulets, battre de la poudre, & forger toutes autres armes necessaires avec vn soing, & vne diligence admirable. Il enuoya Alphonse de Mercadiglio courir sur le chemin de Cuzco, & apres luy Lope Martin, qui aduança son compagnon, & alla courir iusques au pays d'Andagoalas, où il donna de nuit sur quelques gens de Pizarre, qui venoient fourrager, & apporter quelques aduertissemens aux Caciques du pays. Il les combattit, encor' qu'il eust moins de gens, & les defeat: il en pendit quelques vns, & en emmena plusieurs prisonniers, qui informerent Lagasca de l'estat, du courage, & de ce que pensoit faire Gonzalle Pizarre. Suiuant le rapport de ses prisonniers, Lagasca manda à Mercadiglio, & à Palomin qu'ils se saisissent, & deffendissent avec leurs arquebuziers ceste vallee d'Andagoalas, qui estoit de grande importance pour la guerre, à raison des viures, esquels elle abonde. Alphonse de Mendozze, Hierosme de Villegas, Antoine d'Vlloa, l'Euesque de Cuzco, & autres, qui festoient sauuez de la defaite de Centeno, arriuerent les premiers en ceste premiere station, & vn peu apres Hinojose, & Andagoye, avec tous les soldats de Caxamalca. Aluarado y arriua aussi tost avec les gens de guerre de la ville des Roys. Lagasca ayant là tous ses gës, nomma pour Capitaines ceux qui desia estoient: Hinojose estoit general, Marcial Aluarado maistre de cãp, le docteur Benoist Xuarez de Cartuajal auoit l'estendard Royal, & Gabriel de Roias estoit maistre de l'artillerie. Il paya plusieurs soldats, qui se malcontentoient, & vouloient desia se



mutiner, pour le victoire qu'auoit eüe Pizarre, iugeans par là, qu'il estoit inuincible, & deuoit estre Seigneur de tout le Peru. Pour esteindre telles mutineries, il feit pendre le Capitaine Pierre de Butica, & autres Pizarristes, & amateurs de nouuelletez. Il feit faire monstre, & trouua qu'il auoit plus de 2000. Espagnols bragarts, & bien armez. Aucuns en comptēt moins, les autres plus. Il auoit 500. cheuaux, & 950. arquebuziers. De Xauxa ils sen allerent à Guamanga, où ils commencerent auoir faute de viures, & fallut à Vilcas departir les viures: le docteur Cianca eut la charge de les distribuer par iour, & par ordre. Quand ils furent arriuez à Andagoalas, ils eurent abondance de viures: mais parce que le maiz estoit encor verd, la quarte partie de l'armee deuint malade, & alors on experimenta le bien que c'estoit d'auoir fait vn Hospital. Il pleut tant, & si continuellement par trente iours, sans iamais cesser, que les tentes se pourrissent, & les hommes deuenoient estropiats pour la trop grande humidité, & froidure. Diego Centeno, & Pierre de Valdiuia se trouuerent là venans de Chili, pour demander secours. Lagasca, & tout le camp se resiouyt de leur venuë, & feirent en signe de ioye vn jeu de canne à cheual, & coururent l'aneau avec la lancee. Lagasca feit Valdiuia Colonel de toute l'infanterie. Tous auoient grande enuie de combattre, & Lagasca mesme, qui vouloit veoir la fin de ceste guerre, & ainsi marcherent droit, où ils pésoient que leurs ennemis fussent.

*Comme Lagasca passa le fleuue Apurima sans  
empeschement. Chap. 184.*

**L**Agasca avec vne allegresse grande de toute l'armee, deslogea d'Andagoalas au mois de Mars, & passa le pont d'Auançay. Ils marchoiert en bonne ordonnance de guerre, avec conseil, & seures espies. Les Euesques du Peru suiuoient ce camp. Lagasca eut aduertissement comme ses ennemis auoient rompu le pont d'Apurima, qui n'est qu'à 60. mil de Cuzco. Estant venu desja iusques à ce fleuve, il feit abatre, & apporter bois & rameaux pour faire vn autre pont. Les Indiens avec vne grande diligence & affection, s'employèrent à c'est œuvre, nonobstant les pluyes. Ce fleuve auoit 300. pieds de largeur, & estoit si profond que les arbres n'estoient assez hauts pour les ficher au fond. Il feit faire au lieu de pont force cordes, qu'il appellēt criznegas, lesquelles ils font de certaines plantes, qu'ils nomment Vergaza, qui est comme la viorne. Ces cordes sont longues & grosses comme les cables, qui seruent aux plus gros vaisseaux. Ils les entraissent les vnes dedans les autres en forme de rets, & les fōt aussi longues qu'on veut, & s'en seruent coustumierement au lieu de pōt. Lagasca trouua ceste façon de pont bone: & pour tromper les ennemis, voulut qu'on feit trois de ces pōts en diuers lieux, l'un au chemin Royal, l'autre à Cotabamba 40. mil. au dessus, & le tiers vn peu plus haut en certaines villetes, qui appartenoient à Pierre Carrero. Ils s'en allerent à Cotabāba pour passer par là. Sur le chemin il y eut quelques vns, qui perdirent la veüe par les montagnes pour la trop grande splendeur, & reuerberation des rayōs du soleil sur la neige. Quelques capitaines, specialement Lope Martin, remonstrent qu'il n'estoit pas bon

passer en cest endroit, & qu'il valloit mieux chercher vn passage plus hault. Pierre de Valdiuia, Diego de Mora, Gabriel de Roias, François Hernandez, & Aldene, s'en allerent chércher vn autre passage, & l'ayans trouué meilleur, commencerent à dresser leur pont. On auoit enuoyé Lope Martin deuant, pour garder les riues, & les cordes : quand il ouit que l'armee approchoit, il feit incontinent porter les cordes de là l'eau sans aucun commandement, & en auoit desia faiet attacher trois à l'autre bord : les Indies & sentinelles de Pizarre suruindrēt la dessus, & couperent, ou bruslerent deux de ces cordes, sans trouuer aucune resistance, & puis furēt aduertir Pizarre de ce qu'ils auoient fait, luy portās trēte testes d'Espagnols qu'ils auoiēt tuez, ainsi que on dict. Lagasca, & tous les autres, furent fort desplaisans de ceste nouuelle. Ils marcherēt avec toute l'infanterie pour remedier à ceste faute, & aussi tost qu'ils y furent arriuez, Lagasca feit passer les Capitaines des arquebuziers, avecques les soldats, dedans des petites barques, & les piquiers apres, & quelques cheuaux. Il y en eut assez qui passerent à nage, & mesme sur leurs cheuaux. Cōme ils passoīēt par mesme moyen ils attachoient leurs cordes, & ainsi en ceste nuiet le pont fut acheué. Vn peu deuant l'aube du iour Lagasca passa avec toute son armee : plusieurs passoient par dessus de grosses rames qu'ils faisoient, & se tenans couchez dessus le ventre se tiroiēt par les cordes du pōt, tant estoit grāde la presse pour passer, & fut vn cas estrāge qu'il n'en tomba aucun de dessus le pont, encor' qu'il feit obscur, mais l'obscurité au contraire leur aydoit.



Car ils ne pouuoient veoir le courât du fleuve, qui leur eust faict chancelier la teste. Les riuës d'une part & d'autre estoient fort incommodës, & pour la haste qu'on auoit de passer, furent cause de ce que plusieurs tomberent dedans l'eau se poussans trop rudement l'un l'autre. Ceux, qui ne sçauoient nager, ou ne pouuoient resister à la violence du fleuve demeurèrent là noyez. Il y eut aussi beaucoup de cheuaux perdus par mesme accident, qui fut vne grande perte pour l'armee de Lagasca, mais aussi la victoire consistoit entierement à passer ce fleuve diligemment. On ne sçauroit reciter la ioye que tous eurent pour auoir passé ce fleuve, qui seruoit de muraille à leurs ennemys, & de ce qu'ils ne voyoient aucunes gens de guerre de Pizarre. Dom Iean de Candoual alla recognoistre vne haute montagne, & roide, & la voyant creuse, & par ce moyen propre pour embusches, il s'en saisit, & alors Hinojose, & Valdiuia y menerent bonne troupe de soldats. Si Iean d'Acoste, qui y venoit avec cinquante arquebuziers à cheual se fut hasté plustost, & eut amené plus de gens, il les eust tout facilement rompus sur le haut de la montagne, par-ce qu'ils estoient las d'auoir monté cinq mil. Mais il s'en retourna avec moins de gens qu'il n'auoit amené. Ainsi toute l'armee passa puis apres, & douze pieces d'artillerie, & se camperent tous sur le hault de ceste montagne.

*La iournee de Xaquisaguana, en laquelle fut prins Gonzalle Pizarre. Chap. 185.*

Pizarre ayant entendu que Lagasca venoit passer le fleuve d'Apurima par Corabamba, sortit

de Cuzco. Au bruiet, qui couroit par la ville, de la puissance, & force du president Lagasca, vn chacun parloit hardiment, & damoiselle Marie Calderon femme de Hierosme de Villégas, disoit que biẽ tost ou tard les tyrans deuoient prendre fin. Ceste parole ayant esté rapportee à Caruajal, il la feit estrangler en son liẽt, ce qui estonna les autres, tellement que pas vn n'osoit plus ainsi parler. Pizarro partit avec plus de 1000. Espagnols, desquels y en auoit 200. de cheual, & 550. arquebuziers, mais il ne se fioit pas à tous: car il y en auoit 400. qui auoient esté ramassez de la deffaiete de Centeno: pour ceste cause il faisoit bõ guet sur ceux-là, afin qu'ils ne abandonnassent point, où s'ils vouloient fuir qu'ils les meit en pieces. Il enuoya deux prestres avec des lettres, par lesquelles il damandoit à Lagasca, qu'il leur monstast la commission qu'il auoit de l'Empereur, & si elle portoit de luy commander, qu'il eust à se deporter du gouuernement, par ce que s'il monstroir qu'elle estoit telle, il seroist prest à y obbeyr, & laisser ceste charge, iusques à abandonner le pays: mais aussi s'il ne leur monstroir, qu'il protestoit luy donner la bataille, & que ce seroit par sa faute. Lagasca arresta prisonniers ces deux prestres par ce qu'il fut aduertty qu'ils auoient charge de surborner Hinojose, & autres, & fait responce à Pizarro qu'il se rendit à luy, qu'il luy enuoyeroit vn pardon pour luy, & pour tous les siens, luy remonstrant le grand honneur qu'il gagneroit d'auoir faict reuocquer à l'Empereur ses Ordónances, demeurant neantmoins en sa grace comme seruiteur de sa maicsté, & luy remettant deuant les yeux

omme ils s'obligeroit vn chacun en se redant , sans donner bataille , par ce qu'aucuns auroient parlon de tout le passé , autres demeureroient riches , & beaucoup resteroient viuans , qui par vn combat pourroient mourir. Mais c'estoit prescher au desert , pour sa trop grande obstination , & de ceux qui le conseilloient. Ceste obstination leur venoit , par-ce qu'ils estoient comme desesperes , ou à cause qu'ils s'estimoient inuincibles. Aussi , à dire le vray , ils estoient campez en vn lieu fort , & auoient grand secours des Indiens , & si estoient bien garnis de toutes munitions. Pizarre s'estoit logé en vn lieu qui par vn costé estoit fermé de hautes roches , qui ne se pouuoient franchir ny à pied ny à cheual , l'entree estoit estroicte , & forte , au deuant de laquelle il braqua son artillerie : de façon , qu'il ne pouoit estre prins de force , ny par famine , par-ce qu'il estoit bien aprouisioné par le moyen des Indiens , comme j'ay dict : Il sortit dehors , & meit ses gens en belle ordonnance , faisant desslacher son artillerie , & toute l'arquebouzerie en signe d'assurance. Quelques cheuaux commençoient desjà à s'escarmoucher d'une part , & d'autre : mais ils ne faisoient encores que s'iniurier l'un l'autre : les nostres les appelloient trahistres , & cruel , & les ennemis nous appelloient esclaves , gens de petit cueur , pauures , & sans regle , par-ce que Lagasca , les Euesques , & Moines combattoient : mais pour ceste soiree on ne se cognoissoit point l'un l'autre , par-ce que le temps estoit trop nebulux. Lagasca , & quelques autres vouloient differer la bataille , afin qu'il ne mourut point tant de Chre-



stiens, & pensoient que tous, ou la plus grand' part de ceux de Pizarre passeroient de leur costé, & qu' par-ce moyen il seroit contrainct se rédre. Mais en trans en conseil, ils conclurent de donner la bataille, par-ce qu'ils n'estoient point bien garnis d'eau de pain, encor' moins de boys en vn temps, où il faisoit excessiuement froid, & aduiserent que telle defaillâce pourroit inciter les soldats se retirer vers l'ennemy, qui estoit garny de tout cela. Ainsi vn chacun fut en armes toute ceste nuit sans se tenir sous les tentes. Le froid fut si grand que les lances tóboient des mains à plusieurs. Jean d'Acoste voulut aller ceste nuit avec 600. hommes la chemise blanche sur le dos assaillir, & mettre en routte Legasca, s'asseurant qu'il le deferoit aisément à cause du froid, qui estoit si horrible, & que l'assaillât ainsi de nuit il feroit peur aux siens. Mais Pizarre l'empecha, luy disant: Jean d'Acoste, puis-que nous auons gaigné le ieu, ne nous mettez point en hazard de le perdre: qui fut vne audace, ou plustost vne cité, qui le fit perdre. Quand l'aube du iour fut venue les tabourins, & trompettes de Legasca commencerent à sonner, & vn chacun crioit arme: bataille, bataille: à cheual, à cheual: que les ennemy viennét. Quelques harquebuziers de Pizarre vouloient monter à mont, mais Jean Alphonse Palomin, & Ferdinand Mexia avec 300. arquebuziers se meirent au deuant, & les escarmoucherent si rudement qu'ils les contrainquirent retourner d'où il estoient venus, Legasca enuoya Valdiuia, & Aluaredo pour prédre garde à l'artillerie, & fit descendre toute son armee en la plaine de la vallee de Xa

uisaguana par le derriere de la montagne. La descente estoit si meschante, & si roide, qu'ils estoient contrains mener leurs cheuaux par la bride, & à mesure qu'ils descendoient à la file, ils se rāgeoient sous leurs enseignes, ainsi que Diego Villanicio de Xeres Sergent maieur les disposoit. On feit deux esquadrons de l'infanterie, desquels estoient capitaines le docteur Ramirez, Dom Balthassar de Castille, Paul de Meneses, Diego d'Urbine, Gomez de Solis, Dom Fernand de Cardenas, Christofle Moschere, Hierosme d'Aliaga, François d'Olmos, Michel de Serne, Martin de Roblez, Gomez d'Alas, & autres. On feit aussi deux bataillons de la cavallerie, au milieu desquels on meit l'infanterie. De ceuluy, qui estoit à gauche, estoient capitaines Sebastien de Venalcazar, Roderic de Salazar, Diego de Mora, Jean de Sajauedre, & François Fernandez Aldene. Les capitaines du bataillon droit estoient Dom Pierre de Cabrere, Gomez d'Aluarado, Alphonse de Mercadiglio, l'Auditeur Cianca, & Pierre de Hinojose, qui estoit general de tous: le docteur Saruajal y estoit aussi, qui portoit l'estēdard Royal. De ce mesme costē marchoient vn peu à l'escart Alphonse de Mendozze, & Diego Centeno, pour donner secours où il seroit besoin. Lagasca, les Euesques, & les moynes se retirerent avec Pardaue vers l'artillerie que menoyent Gabriel de Rojas, Aluarado, Valdiuia, Mexia, & Palomin. Apres que l'artillerie fut conduite où il falloit, Ferdinand Mexia, & Pardaue se meirent à dextre vers le fleuve, avec cent cinquante arquebuziers, & Palomin avec autant de gens à fenestre vers la montagne. Les esqua-

drons estans ainsi arrangez, comme i'ay dit, Hinojose les fait marcher lentement iusques à vn trait d'arcquebûze pres le camp de l'ennemy, en vn lieu bas, où l'artillerie de l'ennemy ne le pouuoit nullement offencer. Pizarre dit à Cepeda qu'il meit l'armée en ordre. Cepeda qui auoit enuie de se retirer vers Lagasca sans estre tué, veid alors qu'il estoit temps, & donna à entendre à Pizarre que le lieu où ils estoient, n'estoit pas propre: par ce que le canon de l'ennemy les offensoit sans perdre coup. Il passa ces fosses qui enuironnoient leur camp, comme pour aller choisir vn lieu plus bas où l'artillerie ne fait aucun dommage: quand il se veid là, il picque son cheual pour se ietter dedans les gens de Lagasca: mais estant troublé d'entendement, & estant saisi d'une grand peur, tomba en chemin dedans vne maré, où il eust esté tué par ceux de Pizarre, qui incontinent se mirent à le poursuiure, s'il n'eust point esté secouru, & retiré de là par quelques siens esclaves Negres, qu'il auoit enuoyez deuant. L'armée de Pizarre fut bien esbranlée par la retraite de Cepeda, & encor' d'auantage quand après luy Garcilasso de la Vega, & autres des principaux en firent autant. Lagasca embrassa, & baïsa Cepeda, encor qu'il eust la iouie toute barbouillée de sa cheute, estimant Pizarre vaincu pour son défaut: par ce que, selon qu'on veid depuis, Cepeda l'auoit aduertty par frere Antoine de Castro, Prieur des Iacobins d'Arequipa, qu'où Pizarre ne voudroit entendre à aucun accord, il se retireroit de son costé au seruice de l'Empereur, à vn temps, & à vne heure si propre, qu'il seroit cause de le ruiner entièrement par sa re-



raicte. Pizarre fut desplaisant au possible d'auoir perdu ces capitaines, & de voir la peur, qui faisoit le cœur des siens. Mais avec vn courage fort & constant, il ne fait semblant de s'estonner, & voyant ses ennemis si pres, enuoya bon nombre d'arquebuziers pour essayer leur contenance. Il auoit mis grand nombre d'Indiens en vne vallee, il auoit baillé la charge de l'artillerie à Pierre de Sturie. Il auoit fait deux esquadrons de tous ses gens: vn de l'infanterie sous la charge de François de Caruajal: les capitaines estoient Iean Velez de Gueuare, François Maldonado, Iean de la Torre, Sebastien de Vergara de Toledo, & Diego Guillaume. L'autre estoit la caualerie, duquel luy-mesme estoit chef: les capitaines estoient l'Auditeur Cepeda, & Iean d'Acoste. Les deux armées estoient fermes en contenance de vouloir combattre: l'artillerie de vne part & d'autre tiroit, celle de Pizarre ne faisoit que passer par dessus: mais celle de Lagasca tiroit si à propos, qu'à la premiere volée vn coup passa à trauers la tête de Pizarre, où il y eut vn page tué. Pour ceste cause les Indiens par l'advis de Caruajal abbattirēt incōtinent toutes les tentes. Caruajal commençoit ja à escarmoucher avecques ses arquebuziers, quand il enuoya dire à Pizarre qu'il se meit en ordre pour combattre, & qu'il voyoit bien que les ennemis l'assailleroient bien tost avec vne grande furie, & vn desordre, cōme auoient fait ceux de Centeno, & ceux de Blas de Nugnez. Mais Hinojose sage & aduisé, s'arrestoit plus fort, & ne faisoit contenance de branler, ayant esté ainsi conseillé par ceux, qui du camp de Pizarre se retiroient vers Lagasca, s'asseurans que sans

combattre il demouroit victorienx. Les deux armées estoient à vn traict d'arquebuzel l'vne de l'autre. Mendozze, & Centeno s'estoient vn peu aduancez plus auant toüt expres pour receuoir ceux qui se retireroient du camp de leur ennemy. Cependant que les arquebuziers se salüoyent l'vn l'autre à belles arquebuzades, Pierre Martin de Sicile faisoit le guet sur ceux, qui s'enfuyoient vers Lagasca, & en tueoit autant qu'il en rencontroit, ne pouuant les arrester: il en passa pour vn coup trente trois arquebuziers, qui ne peurent estre blesez. Plusieurs autres voyans cela ietterent leurs armes à terre, disans qu'ils ne combattroient point contre leur Roy. Ainsi en peu de temps les esquadrons se desfirerent eux mesmes, & Pizarre, & ses capitaines demeurerent tous esperdus ne pouuans plus combattre, ne voulans aussi fuir. Ils furent prins, comme on dit, à main sauee. Alors Pizarre demanda à Ieand'Acoste: Que ferons nous, nous autres? Allons nous-en aussi, respondit Acoste, vers Lagasca. Allons donc, dit Pizarre, allons mourir comme vrais Chrestiens. C'estoit vne parole de Chrestien, & d'vn cœur invincible: car il ayma mieux se rendre que fuir: aussi iamais ses ennemis ne veirent ses espaules. Voyant aupres de soy Villaucencio, il luy demanda qui il estoit, & comme l'autre luy respondit qu'il estoit Sergent maieur du camp imperial. Et moy ie suis dit-il, l'infortuné Gonzalle Pizarre, & luy donna son estoc. Il marchoit en braue cheualier avec vne contenance royalle. Il estoit monté sur vn puissant cheual baye, armé d'vn iacque de maille, & d'vn cuirasse à l'espreuue, & fort riche, &

Par dessus auoit vne casacque de velours raz, & portoit sur la teste vne bourguignote d'or, qui estoit vn œuure non moins beau que riche. Villaucencio fut fort aise de se veoir entre les mains vn tel prisonnier, il le mena incontinent deuant Lagasca, qui entre autres choses luy dit, s'il trouuoit bon d'auoir excité tout ce Royaume contre l'Empereur son naturel seigneur, & Roy. Pizarre luy respondit: Monseigneur, moy & mes freres auons gagné à nos despens ce pays, & ne pēsois point faillir en les voulāt gouverner & retenir. Alors Lagasca dist par deux fois qu'on l'ostast de deuant luy, & en bailla la charge à Diego Centeno. Voila commēt fut vaincu & prins Gonzalle Pizarre. Il n'y eut que dix ou douze desiens tuez, & vn de la part de Lagasca. Iamais n'y eut armee où il y eust tant de capitaines lettrez, & de gaulois: aucuns, encor' qu'ils ne combattissent, gouvernoient l'artillerie, les autres donnoient courage aux soldats, pour poursuiure ceux qui fuyoient. Le Moyne la Rocque Mathurin accompagnoit tousiours Lagasca, avec vne halebarde en sa main, & les Indesques estoient entre les arquebuziers pour les vaincre contre ces tyrans, & traistres. Apres la prise de Pizarre on pillā tout son camp. Il y eut plusieurs soldats, qui eurent chacun plus de cinq, ou six mille pesans d'or, & mulets, & cheuaux: vn soldat de Pizarre rencontra vn mulet chargé d'or, il l'attaqua par terre ce qu'il portoit & montra dessus, pour en fuir, sans regarder à ce qu'il auoit ietté,

*La mort de Gonzalle Pizarre par iustice. Chap. 186.*

[Agasca depescha incontinēt Martin de Robles pour aller avec sa compagnie à Cuzco prendre



les fuyards, & empescher que la ville ne fut saccagee, & bruslee. Il cōmeit la cause de Pizarre, & des autres prisonniers au docteur Cianca, & Marcial Aluarado. Le proces fait, & conclud, ils en condemnèrent treze comme traistres, & criminels de leze maiesté. Ce fut le iour mesme de la prinse: & le lendemain Gonzalle Pizarre pour estre decapité, fut mené sur vne mulle les mains liees, & ayant vne cappe sur ses espaulles. Il mourut catholiquement, & cōme vn bon Chrestien, sans parler vn seul mot, retenant au reste vne autorité grande, & vne contenance seuerre. Sa teste fut portee en la ville des Rois, où elle fut mise sur vn pilier de marbre ensermee d'vn treillis de fer avec ce tiltre: Icy est la teste du traistre Gonzalle Pizarre, qui donna bataille en la vallee de Xaquisaguana contre l'estendard Royal del'Empereur son seigneur, le Lundy 9. iour d'Avril 1548. Voila la fin de Gonzalle Pizarre, homme qui ne fut iamais veincu en bataille qu'il ait donnee, encor' qu'il en aye donné plusieurs. Diego Centeno paya au bourreau ses habillemens, qui estoient riches, afin qu'il ne le despoüillast point, le faisant enterrer avec iceux en la ville de Cuzco, nonobstant qu'il eust esté son ennemy capital, disant que ce n'estoit point acte de Cheualier, d'injurier vn mort. On pendit, & meit-on en quatre quartiers François de Caruajal de Ramaga, Jean d'Acosta, François Maldonado, Jean Velez de Guenare, Denis de Bouadiglia, Gonzalle Morales d'Amajano, Jean du Torre, Pierre de Sturie, Gonzalle de los Nidos, & autres quatre. Il y en eut plusieurs autres qui furent fouiettez, & condemnez aux galeres, &

estre enuoyez au pays de Chili. François de Caruajal fut fort dur à se confesser. Quand on luy leut la sentence, par laquelle il estoit condamné à estre pëdu, & mis en quatre quartiers, & sa teste estre mise avec celle de Pizarre, il dict : c'est assez, tu ne me sçauois tuer qu'une fois. La nuit dé denât qu'il fust executé, Centeno le fut veoir : Caruajal faisoit semblant de ne le recognoistre point, & quand l'autre luy eut dict qui il estoit, il respondit, que ne l'ayant iamais veu que par derriere, il ne l'auoit peu cognostre : voulant donner à entendre, que l'autre auoit tousiours fuy. Ce seroit vne chose trop longue de vouloir reciter ses responces argues, & subtiles, & ses actes cruels, & inhumains. Ceux que nous auons recitez seront suffisans pour demóstrer sa subtilité, son auarice, & inhumanité. Il estoit aagé de quatre vingts quatre ans. Il auoit esté Enseigne en la iournee de Rauenne, & soldat du grand Capitaine. C'estoit le plus fameux guerrier de tous les Espagnols, qui ayent passé aux Indes. Ce proverbe est demeuré de luy : il est aussi cruel qu'un Caruajal, par ce que de 400. Espagnols que Pizarre a faict mourir hors la bataille depuis q' Blasco Nugnez entra au Peru, cestuy-cy les auoit quasi tous tuez de sa main, avec quelques Mores qu'il menoit avec soy pour ceste fin. Oultre ces 400. il en est encor' mort plus de 1000. pour les Ordonnances, & plus de 20000. Indiens en portant la somme, ou bien à cause de la raiecte qu'ils faisoient aux montaignes, de peur de porter, où ils mouroient de faim, & de soif, & fin qu'ils n'eschappassent on les lioit plusieurs ensemble par la ceinture, & celuy qui se destachoit,

ou deuenoit malade pour demeurer, auoit la teste tranchee, qui estoit vne chose que les bons pouuoient veoir, mais non pas corriger.

*Le departement des Indiens que feit Lagasca entre les Espagnols.* Chap. 187

**L**Agasca ayant fait decapiter Gonzalle Pizarre, s'en alla à la ville de Cuzco avec toute l'armee, pour donner ordre aux affaires, qui touchoient le repos, & contentement des Espagnols, & des Indiens, le bien public, & le seruice du Roy, & de Dieu, qui estoit le principal. Quand il fut arriué, il feit raser la maison de Pizarre, & celles des autres traitres, & y feit semer du sel, & mettre vne grande pierre, sur laquelle estoit escript: Ceste maison appartenoit au traistre Gonzalle Pizarre. Il enuoya puis apres le Capitaine Alphonse de Mendozze avec ses soldats aux Ciarcas pour arrester prisonniers ceux, qui estoient du party de Pizarre, qui s'en estoient fuys là, & aussi pour apporter les Quints, & tributs du Roy. Il enuoya aussi Diego de Roias, & Diego de Mora, & autres par tout le Royaume, pour recueillir le reuenu, & Quint Royal. Il feit bastir, & peupler vne ville entre Cuzco, & Collao, qu'on appelle Ville-neufue. Il depescha Pierre de Valdiuia avec gés, qui le voulurét suiure pour aller à Chili, & le Capitaine Bonauenture à sa conqueste du pays de Quito, qui est riche en bestail, & mines d'or. Il enuoya semblablement Diego Centeno aux mines de Potosi, qui sont vers la Prouince de Ciarcas: ce sont les meilleures du Peru, & mesme de tout le monde, par-ce que cent liures, qu'on tire de la mine, rendent cinquante liures d'argent pur.



& fin, & encor' plus : & fil y a vne montagne outre les autres, qui a deux mille de haut, & plus de trois mil de tour, de laquelle on tire des pieces d'argent pur, n'ayans besoin que d'une bien petite purification. Il donna en outre congé à tous de se retirer en leurs maisons : principalement à ceux, qui auoient demeuré aux villes, ou qui auoient des vassaux, & des terres. Ce qu'il feit pour les enuoyer loing de luy, & s'en descharger, par-ce qu'ils estoient tousiours apres luy, pour demander des departemens, & de quoy viure. Il s'en alla puis apres à Apurima, 36. mil loing de Cuzco, & là il departit des terres, & vassaux à plusieurs, suiuant la deliberation qu'il en feit avec l'Archeuesque de la ville des Roys, & avec le secretaire Lopez. Il donna par ces departemens à diuerses personnes plus de quinze cés mille Castillans d'or de reuenue par an, & si distribua d'argent comptant plus de 150000. ducats qu'il auoit desja receu de ceux, qui auoient des terres recommandees, c'est à dire, des departemens. Il maria plusieurs riches vesues à des personnes pauures, qui auoient seruy le Roy fidelement. Il y eut tel qui eut 100000. ducats de reuenue par an : C'estoit le reuenue d'un Prince, si cest heritage eust esté perpetuel, & fust tombé aux enfans, ou autres heritiers : mais l'Empereur ne baille ces terres qu'à vie. Celuy, qui en eut le plus fut le Capitaine Hinojose. Lagasca de là s'en alla à la ville des Roys pour n'ouyr les plaintes, blasphemés, & maledictions des soldats, & pour la peur qu'il en auoit, par-ce qu'il estoit impossible de contenter vn chacun. Il enuoya l'Archeuesque à la ville de Cuzco pour publier les de-

partemens, & appaïser de parole ceux, qui n'auoiét rien eu, leur faisant de grandes promesses pour l'aduenir. Mais il ne sceut si bien prescher, qu'il peut refroidir les feuz des soldats, qui n'auoient rien eu du tout, ou qui en auoiét eu trop peu. Aucuns se plaingnoient de Lagasca, de ce qu'il ne leur auoit fait part d'aucunes terres : autres, de ce que leur part estoit trop petite : & autres, par ce qu'il en auoit plus tost donné à ceux, qui auoient esté contre le Roy, protestans de l'accuser en Espagne au Conseil des Indes. Et ainsi il y en eut quelques vns, entre autres Marcial Aluarado, & Melchior Verdugo, qui depuis en forme d'accusation enuoyerent des lettres au procureur fiscal de ce Conseil, par lesquelles ils madoient beaucoup de mal de Lagasca. Finalement ils faisoient des menees pour se mutiner l'un l'autre voulans mettre prisonniers l'Archeuesque, l'Auditeur Cianca, le Capitaine Hinojose, Centeno, & Aluarado mesme, & prier le president Lagasca de reformer ses departemens, & en faire part à tous en faisant plusieurs parts, & portions de ceux, qui estoient trop amples, ou les charger de pensions : & où il n'en voudroit rien faire, conclurent de se faire eux-mesmes maistres, & seigneurs d'iceux. Mais ceste mutinerie fut incontînét descouuerte, & l'Auditeur Cianca print, & chastia les Chefs, & par ce moyen le reste s'appaisa.

*La taxe que feit Lagasca pour le tribut.*

*Chap.*

188.

**L**Agasca remeit sus le Parlement en la ville des Roys, & y presidoit comme en estant Presidét, decidant tous procès, & affaires du gouuernement.

Les Auditeurs estoient les docteurs André de Ciāca, Pierre Maldonado, Santillane, & Melchior Brano de Sarauia gētil- homme de sçauoir, & de bonne conscience. Ce parlement meit ordre pour la conuersion des Indiens, qui n'auoient point encor esté baptizéz, à ce qu'ils fussent instruiçts en la doctrine Chrestienne par les Euesques, Moynes, & prestres, par ce que par les guerres passées on ne s'en estoit guere soucié: & defendit sur griesues peines qu'on ne fait porter la somme aux Indies contre leur volonté, & qu'on ne les tint pour esclaves, puis que le Pape, & l'Empereur le commandoient ainsi. Mais pour la grande necessité qu'on a de somniers soiēt cheuaux, ou autres bestes, desquelles le defaut est grād en ce pays, ordonna qu'en plusieurs lieux les Indiens porteroient la somme comme ils auoient accoustumé de faire au tēps de leur Idolatrie, lors qu'ils seruoient à leurs Yngas, & seigneurs, qui estoit vn deuoir personnel. Pour laquelle chose on diminua d'un tiers le tribut qu'ils souloient payer. D'auantage il commanda sur grosses peines qu'on ne les tirast point hors leur pays naturel, de peur que par changement d'air, & par diuerse temperature ils ne mourussent. Partant il ordonna que ceux, qui estoient nourriz és plaines, qui sont chaudes, seruissent là, & que les montagnards, qui estoient accoustumez au froid, ne descendissent point en la campagne, & qu'on les changeast par quartiers, de peur que les vns portassent tousiours la somme, & les autres non. Il en laissa plusieurs autres, qui sont esclaves, nommez Mitimaes, en la façon que Guaynacapa les tenoit, & commanda à tous les autres



qu'ils eussent à s'en retourner aux pays d'où ils estoient: plusieurs toutesfoys n'y voulurent aller, & aimerent mieux demeurer avec leurs maistres disans, qu'ils s'y trouuoient bien, & qu'ils aprenoient mieux avec eux la religion Chrestienne, allas avec eux à la messe, & aux sermons, & qu'ils gaignoient sous eux quelque peu d'argent en vendant, achetant, où seruant. On dict que des pays du Peru, qui furent conquis, il y auoit plus de la moitié des Indiens morts, pour auoir esté rompus à porter trop grosse somme, & trop souuent: & ceux à qui ils estoient recommandez, & les auoient en leurs departemens, ne les en pouuoient exempter, par ce que les soldats sans aucune pitié les prenoient de force, ou les tueoient s'ils ne vouloient marcher, mesme ils prenoient ceste hardiesse en presence de Lagasca durant la guerre. Lagasca choisit quelques personnages gens de bien pour aller les vns deça, les autres delà visiter le pays, & leur donna certaines instructions, desquelles il chargea leur consciences, & les feit iurer sur les saintes Euangiles entre les mains d'un prestre, qui leur auoit chanté vne Messe du saint Esprit, qu'ils feroient bien, & fidelement leur office. Ces visiteurs furent par routes les villes du Peru; qui sont iusques à aujourdhuy subiettes à l'Empereur, les vns par un costé, les autres par l'autre. Ils prenoient le serment de ceulx, qui auoient des departemens, & Indiens sous eux, mesmes de ceux, qui en tenoient pour le Roy, à fin qu'ils declarassent combien d'Indiens, sans les vieils, & les enfans, ils auoient en leurs terres, & ce qu'ils leur payoient

de tribut, & combien: & cela entendu d'eux, ils les enuoyoiēt hors de leurs departemens, & puis examinoiēt leurs Indiens, & Caciques des vexatiōs, courues, & peines qu'ils enduroiēt de leurs maistres, & quelles choses portoiēt leurs terres, quel tribut ils souloient payer à leurs Roys Yngas, où ils le portoiēt, pour-quoy ils payoiēt tribut à leurs Roys de lezardes, de grenouilles, & d'autres choses semblables, s'ils n'auoiēt rien autre chose que ce qu'ils payoiēt pour ceste heure, & ce qu'ils pourroient payer pour l'aduenir, leur donnans encores à attendre la grace, de laquelle l'Empereur vouloit tousiours vser enuers eux en moderant le tribut qu'il souloiēt payer, & les laissant libres, & francs, & seigneurs de leur biens, & de tout ce qu'ils pourroient acquerir par leur industrie, & labeur. Ils les asseuroiēt de ceste grace le plus qu'ils pouuoient pour faire reuenir grand nombre d'enr'eux, qui n'ayans aucunes maisons ny vassaux s'estoiēt retirez des campagnes parmy les montagnes, quand ils ouyrent qu'on les venoit visiter, pensans que les visiteurs imposeroient moindre tribut où ils trouueroient moins d'habitans, & que par ce moyen ils demeureroiēt libres en leurs biēs comme en leurs personnes. Ces visiteurs estans de retour Lagasca se deschargea de la taxe du tribut sur l'Archeuesque Loyaisa, frere Thomas de Saint Martin, & frere Dominique de saint Thomas la-cobins. Iceux apres auoir prins l'opinion des visiteurs, & considéré ce que disoient les seigneurs, & vassaux, taxerent le tribut beaucoup moindre que celuy, que les Indiens mesmes disoient pouuoir ai-

sement payer. Lagasca commanda que ceste imposition fut gardee, & que chascue contree ne fut tenue payer son tribut en autre chose, qu'en ce, que produisoit le terroir: s'il y auoit de l'or, qu'o payast en or: si de l'argent, en argent, ou en cotton, sel, bestail, & en toutes autres choses que le pays produit. Il commanda toutesfois à plusieurs pays de payer en or, ou argent, encor qu'ils n'eussent aucunes mines de ces metaux, à fin qu'ils trauaillassent, & employassent leur esprit à gagner cest or, en nourrissant des oyseaux, ou cheures, ou porcs, ou autre bestail: ou bien s'employant à faire de la soye, & puis vendre leurs nourritures, & labeur, en les transportât aux autres villes, foires, ou marchez, menas aussi ou du boys, herbes, grain, ou autres telles choses: voulant par cela Lagasca, qu'un chacun s'accoustumast à gagner sa iournee en trauaillant, & seruant aux maisons, & boutiques des Espagnols, à fin que peu à peu par ceste voye ils apprinsent leurs coutumes, & changeassent leur rudesse, & austerité à vne vie humaine, douce, & Chrestienne, oubliâs leur idolatrie, leur yurongnerie, & vie brutalle, à laquelle ils s'employoient du tout, & de corps, & d'esprit, demeurâs au reste en perpetuelle oisueré mere de tous maux. Lagasca feit donc publier ceste taxe au grand contentement des Indiens, qui auparauât ne dormoient, ny reposoient aucunemēt pensans tous iours à leurs rançonneurs: ou s'ils dormoient, ils ne faisoient qu'y resuer. Quant à la peine, il la feit telle, que si les Indiens dedans certain tēps de l'annee, & vingt iours apres ne payoient leur tribut & imposition, ou si ceux, qui auoiēt quelque departemēt



la charge de payer à l'Empereur quelque pension ou rente, suiuant la coustume, estoient negligens à payer, ou si ceux, qui ont des vassaux, ou sont commis à leuer le tribut, receuoient plus que ne monnoie le tribut, ou la peine, ils payeroient pour la premiere fois quatrefois autant: & pour la seconde, ils perdroient leur bien, leur fief, leur estat, & departement qu'ils auroient.

*Donbè despédit Lagasca, & le tresor qu'il rassembla. Ch. 189.*

**Q**uand Lagasca arriua aux Indes, & qu'il entra en la ville du Nom de Dieu, il n'auoit pas plus de 400. ducats. Mais il emprunta tous les deniers, esquels il eut affaire pour la guerre qu'il eut contre Pizarre: de ces deniers il achepta armes, artilleries, & cheuaux, il paya ses soldats, & feit plusieurs autres despences, esquelles il despédit 900000. peunins d'or depuis le premier iour qu'il arriua au Peru iusques au dernier qu'il en partit. Ceste despée fut grande, à raison qu'il falloit qu'il se móstrast liberal aux soldats, & toutes les marchandises qu'on apportoit d'Espagne estoient fort cheres, non seulement les viures, & habillemens, mais aussi toutes autres choses de guerre, cōme cheuaux, arquebuzes, & corbets: & si il faut noter que, encor' que ce pays soit ping, on y trouue toutesfois de fort bōs cheuaux, & bonnes armes, & en grand nombre: car vn chacun sçait que les marchandises sont portees en lieux où elles valent de l'argēt, & n'y a pays, où il y eust deniers pour en acheter, plus qu'en cestuy cy. Lagasca rassembla les reuenuz, & quintes du Roy, & tout l'or & argēt, qui appartenoit à ceux qui auoient esté condempnez. La somme fut si grande que d'icelle

il paya les neuf cens mille pesans d'or, & en resta de bon pour porter à l'Empereur treize cens mille tant en or, qu'en argent. Vn chacun fut esmerueillé de ce thresor, non pas pour la somme, mais pour la maniere, de laquelle il l'assembla.. Iamais ne print pour soy la paye d'aucun soldat: & si dis, & l'assure, que iamais Espagnol ne passa au Peru avec charge, où sans charge, qui ne prit quelque chose pour soy, excepté cestuy-cy, auquel on n'a sceu remarquer aucun signe d'auarice, n'ayant fait son profit d'aucune chose: aussi auoit-il derriere luy plusieurs yeux, qui attentiuement regardoient ce qu'il feroit, pour l'accuser puis apres s'il eust versé main en sa charge. Ainsi il euita ceste note d'auarice pour laquelle se sont perduz, & sont morts tous ceux, desquels nous auôs parlé: i'en mets hors Blasco Nugnez Vela, par-ce qu'il a iustemét seruy l'Empereur, & a esté exépt de ce vice. Gabriel de Roia sous couleur qu'il estoit pour le Roy print sur les Indiens grande quantité de Vacos, & sur les Espagnols, qui auoient porté faueur à Pizarre, & mesme sur ceux, qui ne l'auoient point fauorisé: mais luy estoient suspects, disant, qu'il estoit bien vray qu'ils n'auoient point donné secours à Pizarre, mais estoient attendans l'issuë des guerres, pour selonc icelle se ranger d'une part ou d'autre. Ceste leuee qu'il feit, montoit à plus d'un million d'or, & par ce qu'il mourut soudainement en chemin: on dit que ce fut par le iugement de Dieu, & que depuis il apparut en vision espouuentable à certains Iacobsins en la ville de Lima. Mais puis que nous sommes sur ce poëct de parler de trefors, il ne sera point

hors de propos de dire la richesse, qui iusques au-  
jourd'huy a esté tiree du Peru par nos Espagnols,  
tant de l'or, qui a esté trouué tout affiné, & en œu-  
re entre les Indiens, que de celuy, qui a esté tiré des  
mines. Mais à vouloir compter cecy, ce seroit vne  
chose autant impossible, comme elle seroit incre-  
dible, si elle estoit possible à compter: ie diray seu-  
lement qu'Augustin de Zarate maistre des Comptes  
du Roy, a trouué que les Officiers, & Thresoriers  
ont demeurez en *debet* aux liures des Comptes, qui  
auoient ja esté calculez, & arrestez, de dixhuit cens  
mille pesans d'or, & de six cens mille liures d'argent  
sur les quints, & reuenus Royaux qu'il auoit char-  
ge de receuoir: Et tout cest or & argent a depuis esté  
apporté en Espagne par vn moyen, où par vn autre:  
& encor' que Dó Diego d'Almagro, Vacca de Ca-  
stro, Blasco Nugnez, Gonzalle Pizarre, Lagasca, &  
autres capitaines en ayent despendu grande som-  
me és guerre, si en fin a-il esté tout apporté, comme  
j'ay dit, en Espagne, & est vne quantité incredible,  
rescertaine toutesfois.

*Considerations. Chap. 160.*

**D**E tous les Espagnols, qui ont gouuerné le Pe-  
ru, il n'en est eschappé aucun, excepté Lagasca,  
quin'y soit mort, ou mis prisonnier, qui n'est pas  
vne chose qu'il faille oublier. François Pizarre, qui  
le descouurit, & ses freres, ont estranglé Dom Die-  
go d'Almagro: Dom Diego son fils a fait tuer Fran-  
çois Pizarre. Le docteur Vacca de Castro a fait de-  
capiter Dom Diego. Blasco Nugnez Vela, a mis pri-  
sonnier Vacca de Castro, lequel est encores prison-  
nier. Gonzalle Pizarre tua en bataille Blasco Nug-



nez. Lagasca feit mourir par iustice Gonzalle Pizarre, & meit en prison l'Auditeur Cepeda, qui auoit desia perdu par mort ses trois autres compagnons. Les Contreras, desquels nous parlerons tantost, tascherent à tuer Lagasca. Encor' trouuera-on plus de cent cinquante capitaines, & autres personnes ayans charge de iudicature morts, ou par la main des Indiens, où en combattant entr'eux mesmes, où pour auoir esté pendus & massacrez. Les Indiens, & mesme les Espagnols attribuent tous ces meurtres, dissentions, & guerres ciuiles aux planettes, qui dominant sur le pays, & à la richesse. Quant à moy, j'impute cela à la malice, & auarice des hommes. Les Indiens disent que iamais, d'autant loing qu'ils se peuuent souuenir, & si y en a aucuns qui ont cent ans, les guerres n'ont failli au Peru. Car Guaynacapa, ce disent-ils, & Opaynga son pere, ont tousiours eu des guerres cruelles auec leurs voisins, & autres Caciques, pour estre seuls seigneurs de ces pays. Guascar, & Attabalipa freres, ont combattu à qui seroit de eux deux Ynga, & monarque. Attabalipa pour ce fait, feit tuer son frere aîné, & François Pizarre tua, & priva du Royaume Attabalipa comme traistre: mais tous ceux qui conseillerent de le tuer, & qui y consentirent, ont finy malheureusement: qui est vne autre cōsideration, comme vous auez desia leu de Diego d'Almagro, de François, & Gonzalles Pizarres: en reste encor' plusieurs autres, qui estoient presens, qui seroient trop longs à reciter, seulement j'en nommeray quelques vns: Iean Pizarre, qui de tous ses freres estoit le plus vaillant, fut tué en la ville de Cuzco par les Indiens:

Jean de Rada, & ses complices tuerent François Martin d'Alcantara: ceux de l'isle de Puna tuerent à coups de bastons l'Euesque frere Vincent de Valverde, comme il fuyoit de Dom Diego d'Almagro, & le docteur Velasquez son cousin, & le capitaine Jean de Valdiuieso avecques plusieurs autres. Almagro feit pendre à Chili Philippes le truchement: Fernand de Sotto mourut en la Floride, & plusieurs autres en diuers lieux. Aucuns sont encores viuans, comme Ferdinand Pizarre, qui, encor' qu'il n'eust esté à la mort d'Attabalipa, si est-il prisonnier au chasteau de Medine du Champ, pour la mort de Dom Diego d'Almagro, & à cause de la bataille des Salines, & de plusieurs autres choses.

*Autres considerations.*

*Chap. 191.*

Les differens d'entre Pizarre & Almagro, ont commencé par ambition, & pour le gouuernement de la ville, & Royaume de Cuzco. Mais depuis ils se sont augmentez par auarice, & sont venus iusques à excercer vne grande cruauté par ire, & enuie. La partialité a suiui, par ce qu'Almagro donnoit liberalement aux soldats, & François Pizarre comme gouuerneur pouuoit iustement donner. Après la mort d'eux deux, vn chacun a suiui celuy, duquel il esperoit auoir plus de profit, & ainsi plusieurs abandonnoient le seruice du Roy: par ce qu'il ne leur donnoit que la soulde ordinaire: & le nôbre de ceux qui sont tousiours demeurez loyaux & fideles, est bien petit: par ce que l'or aueugle le sens naturel, & le metal est si abôdant au Peru, qu'il met vn chacun en admiration. Comme donc tous suiuiroient partis

differens, aussi tous auoient les affections doubles & mesmes leurs langues, tellement que iamais on n'oyoit verité si ce n'estoit pour malice, & meschanceté. On corrompoit les hommes par deniers pour iurer vne fausseté, on l'accusoit l'un l'autre malicieusement vers l'Empereur pour auoir le commandement, pour gouverner, tantost par vengeance tantost par enuie, aucunesfois seulement par passé temps. On faisoit mourir les personnes par iustice & sans iustice, & le tout pour estre trop riches: de façon que plusieurs choses ont esté cachees, qui deuoient estre verifiees: mais elles ne pouuoient estre cogneuës en iugement: par ce qu'un chacun prouuoit son fait. Il y a encor' plusieurs personnes, qui ont serui le Roy, desquels on ne parle point pour estre hommes priuez, & sans charges, & coustumierement ne se parle que des gouverneurs, capitaines & personnes notables: par ce qu'il seroit impossible de discourir du fait de tous: ioint aussi qu'il est aucunesfois meilleur les retenir sous silence, que de les donner à cognoistre. S'il y a donc quelqu'un qui soit fasché de ce que l'ay mis en oubly, ie luy conseille de s'appaiser, & se contenter, de se veoir libre de mes escrits, & enuironné des richesses du Peru, & qu'il ne recherche son mal: si il a fait quelque chose de bon, & qu'il ne soit loué comme il le pense mériter, qu'il en reiette la faute sur ses compagnons: si au contraire il a mal-fait & qu'il soit nommé par moy, qu'il ne s'en prenne à autre qu'à soy-mesme.

*Ce que les Contreras vollèrent à Lagasca, comme il s'en retournoit en Espagne.*

*Chap.*

*192.*

*Lagasca*



**L**Agasca, apres qu'il eut fait executer Pizarre, & les autres seditieux, se diligenta avec grande ruse d'asseoir les tributs, de recevoir deniers, & de laisser ce peuple, & pays paisible, en repos, & le rendre plus profitable à l'Empereur qu'il n'auoit esté durant ces guerres, afin qu'il s'en peust retourner en Espagne, laquelle il desiroit grandement reueoir. Ainsi donc ayant fait toutes ses diligences, meit en ses nauires quinze cents mille pesans d'or pour le Roy, & encores autant, voire d'auantage pour des particuliers, & fait voile à Panama, où il laissa six cents mille pesans, ne pouuant à faute de sommiers faire transporter tout son or de là, & s'en alla au Nom de Dieu. Aussi tost qu'il fut party, deux fils de Roderic de Contreras gouverneur de Nicaragua arriuerent à Panama avec deux cents bons soldats, & vollèrent les six cens mille pesans d'or, que Lagasca auoit laissez, & tout l'argent & l'or, & meubles des habitans qu'ils peurent enleuer ayans enlé par force dedans la ville. L'un d'eux se retira en mer avec deux ou trois vaisseaux pleins de butin, & l'autre s'en alla apres Lagasca pour luy voller tout l'or & argent qu'il menoit, & luy oster la vie, tant il estoit auéglé & superbe. Ces Contreras auoient fait mourir frere Antoine de Valdiuesca Euesque de Nicaragua: par ce qu'il auoit mal escrit en Espagne de leur pere, comme il alloit vers l'Empereur pour ses affaires: & sur les plaintes qu'on auoit fait de luy, fut spolié de son gouvernement, tellement que ses fils apres la mort de cest Euesque tomberent en grande indigence, & ne s'osoient plus trouuer en public, & vagoient deça delà comme volleurs. Ils

receurent & assemblerent des soldats de Pizarre qui s'enfuyoient, & se sauuoient, & autres enfans perdus, & s'accorderent ensemble de faire ce vol disans, que ce thresor, & tout le Peru leur appartenoit, comme estans nepueux de Pierre Arias d'Avila, qui s'estoit mis en societé avec Pizarre, Almagro, & Lucque, & ainsi se meirent aux champs. Cello leur partoit bien d'une humeur meschante, & leur couleur n'estoit gueres meilleure: elle estoit, toutes fois, assez suffisante pour attirer à leur cordelle les plus meschans. En somme, ils firent un vol notable, & d'importance, s'ils se fussent contentez d'ice luy: encor ne se fussent-ils pas eschappez des mains du Roy, qui serrent de loing. Lagasca, par quelque habitans de Panama, sceut l'un & l'autre. Il mit le thresor en seure garde, & marcha avec bon nombre de soldats au deuant d'eux: il les combattit, les vainquit, les print, & en feit executer autant qu'il voulut. Contreras eschappa, & en fuyant se noya en une fleuve pres de là. Lagasca enuoya soudainement des navires bien armez contre l'autre frere. Ils firent bonne diligence qu'ils l'attraperent, le combattirent, prindrent ses vaisseaux, & les deniers qui estoient dedans, & tuerent tous ceux qu'ils trouverent dedans, exceptez dix, ou douze. Par ce moyen Lagasca recourrit ce qu'on luy avoit vollé, & chastia les voleurs, qui est une chose autant pour luy remarquable, comme adavantageuse pour son honneur, sa renommee, & pour sa memoire perpetuelle. Enfin, il s'embarqua au port de la ville du Nom de Dieu, & arriva en Espagne au mois de Juillet 1550. amenant avec soy grande richesse pour autrui, &

plus grãde reputation pour soy-mesme. Il employa à aller, & reuenir, & faire tout ce que vous auez leu vn peu plus de quatre ans. L'Empereur le feit Euefque de Palence, qui vaut plus de 2000. ducats de retenu par an: & le feit venir à Ausbourg en Allemagne, afin d'ouyr de sa bouche, & entendre mieux de luy toutes les affaires du pays du Peru.

*La qualité & temperature du Peru. Chap. 193.*

Sous ce nom du Peru, on comprend tous les pays, qui sont depuis le fleue nommé Peru, iusques à Chili, desquels nous auons souuentefois parlé en escriuant les cõquestes, & les guerres ciuiles, comme sont Quito, Cuzco, Ciarcas, Port-vieil, Tôbez, Arequipa, Lima, & Chili. On diuise le Peru en trois parties: en campagnes ou plaines, montaignes, & andes. La campagne est toute sablonneuse, & est fort chaude: elle est sittee vers les riuies de la mer; elle entre peu dedans terre, mais elle s'estend fort pres de la mer. De Tombez en de là iamais ne pleut, ne tonne, ne gresle: & telle temperature de l'air s'estend le long de la coste plus de 1600. mil, & environ 40. ou 60. mil dedans terre, tant ces plaines sont longues. Les Indiens habitans de ce pays, iuent le long des riuieres, qui viennent des montaignes, arrousans plusieurs vallees, qui sont abondantes en fruiets, & en beaux arbres, sous l'ombre & frescheur desquels ils reposent, & demeurent, & ne bastissent point autres maisons, ny n'vont d'autres liets: Il est bien vray que ceulx qui eulënt coucher plus mollement font des liets de cannes, ioncs, spadanas, & d'autres semblables herbes, qu'ils ont tousiours verdes. Ils en font



aussi de fueilles de certains arbrisseaux, qu'ils font secher incontinent en les maniant seulement. Ils sement le cotton, qui de sa nature sort de terre avec diuerſes couleurs, tellement que vous y en voyez d'azuré, de verd, de iaulne, de roux, & d'autres couleurs. Ils sement le mais, & battatas, & autres semences, & racines qu'ils ont accoustumé de manger. Ils arrousent leurs labourages par le moyen de petits fossez, & ruisseaux qu'ils font venir des fleues. Il tombe encore vne roussee, qui leur fait grand bien. Ils sement aussi vne herbe appelée Cocca, laquelle ils estiment plus qu'or, & que leur pain, elle demande vne terre fort chaude, tous en ont toujours en leur bouche, & disent qu'elle esteinct la soif, & la faim: ils disent choses admirables de ceste herbe: ils la sement, & la recueillent tout le long de l'an. Il n'y a point es riuieres de ces plaines depuis Lima en delà de grands laisards, ou crocodilles, & ainsi peschent en toute assurance, sans peur aucune. Ils mangent le poisson crud, & en font pour la plus part le semblable de la chair. Ils prennent force loups marins qu'ils trouuent bons à manger, & se nettoient les dents avec leur poil, disans, qu'il est bon pour cōtregarder les dents, & si disent que si on touche de leurs dents vne dent, qui fait mal, qu'ils les osteront incontinent la douleur. Ces loups mangent des cailloux, peut estre que c'est pour faire fondre en l'estomach. Les aultours tuent ces loups quand ils sortent en terre, qui est vne chose fort belle à voir, & les mangent. Plusieurs aultours assailliront vn loup, & mesme deux seuls prēdront la hardiesse de l'assaillir, les vns le piquent à la queue, & au

pieds, autres aux yeux iusques à ce qu'ils les ayent arrachez ou creuez, & puis le tuët. Les aultours sont grands en ce pays, & aucuns ont dix, douze, quinze, & dix huit palmes de la teste à la queuë. On voit en ce pays des cigongnes toutes blanches, & autres de couleur changeante, des perroquets, des ciuettes, des rossignols, des cailles, des turtrelles, des oyes, des pigeons, des perdrix, & autres oyseaux que nous auons accoustumé de manger: ils n'ont point toutesfois de coqs, & poules. De Cira, ou Tombez, en deçà on trouue des aigles, faulcons & autres oyseaux de proye, qui sont de fort belle couleur. Ils ont vn certain petit oiselet, qui n'est pas plus grand qu'vn grillon, qui est reuestu d'vn plumage menu, & delié, beau, & diuersifié à perfectiō, & sa couleur, & petitesse fait esmerueiller grandement ceux, qui le cōtempent. Il y a vne autre sorte d'oyseaux grands cōme oyes, qui sont sans plumes, & iamais n'abādonnēt la mer: ils ont toutesfois vn duuet par tout le corps doux, & subtil au possible. On void encor' en ce pays des cōnils, des regnards, des moutōs, des cerfs, & autres bestes, apres lesquelles les habitāts chassent avec les filets, toilles, & arcs. Les Indiēs, qui habitent ces plaines, sont grossiers, brutaux, n'ayās point de cuer, ny aucune habilité, ils sont peu, & mal vestus: ils ont des cheveux, mais ils n'ont point de barbe: & à raison de l'estendue de ces pays, ils parlent diuerses langues. Quant aux montaignes, elles sont fort hātes, & ont en hauteur plus de deux mille, & 300. mil de longueur, & ne s'esloignent de la mer pas plus de 50. ou 60. mille. En icelles il pleut, & neige abondamment,

& fait froid de mesme. Ceux, qui demeurent entre ce froid, & ce chaud sont pour la plus part louches, ou aueugles, & est de merueille si de deux personnes, qui serót ensemble, il n'y en a aucun louché. Ils ont leurs testes enuolopees de certaines toiles de cotton, qu'ils lient sur leurs testes, & non pour couvrir, cōme aucuns vouloiēt dire, de petites queuēs, qui leur naissoient derriere la teste. En plusieurs endroits de ces mōtagnes froides, il n'y a point d'arbres, & au lieu d'iceux ils se chauffent d'une certaine terre, & de souches, qui bruslent fort bien. Il y a des montagnes de couleur, comme es Prouinces de Parmenga, & Guarimey, où il y en a aucunes, qui sont rouges, autres noires, verdes, bleuēs, & turquines, & de loing on les distingue toutes aisément de l'œil, & les fait beau veoir. On trouue en ces pays montagneux des cheureuls, des loups, des ours noirs, & certains chats qui ressemblēt à des Mores. Il y a icy deux sortes de vacos, que nous appellons moutons: les vns, comme nous dirons en autre lieu, sont domestiques, les autres sauvages, la laine de l'un est grosse, & celle de l'autre est fine, de laquelle on fait des habillemēs, des chausses, materaz, couuertures, draps, cordes, du fil, & le petit floquet que portent les Roys Yngas. Ils font grand amaz de ces marchandises à Cinca, à Caxamalca, & en plusieurs autres villes, & les portoient pour vendre en pays loingtains, qu'est Syrie de la ville de Scremadure en Espagne. Ils ont des raues, refforts, lupins, de l'ozeille, & plusieurs autres herbes bonnes à manger. Ils en ont vne qui ressemble au persil, & porte vne fleur iaune, elle guairist toutes les playes, qui sont



pourries, & si on l'applique sur vn endroict, où il n'y  
ayt point de mal, elle mangera la chair iusques à  
os: & ainsi elle est bonne contre le mal, & mauuai-  
se contre vn endroict sain. Je n'ay que dire de l'or,  
encor moins de l'argent, puis qu'on en trouue en  
tous lieux. Aux valles de ces montagnes, qui sont  
fort profondes, la chaleur est grande, & là vient la  
coca, & autres choses, qui ne demandent terre froide.  
Les hommes portent des chemises de laine, &  
serrent leur teste par dessus leurs cheveux avec vne  
cangue. Ils sont plus forts, plus courageux, plus cor-  
poreux, plus raisonnables, & humains que ceux, qui  
habitent es plaines sablonneuses. Les femmes por-  
tent vn long habit sans maches, elles se fardēt qua-  
si toutes: elles portent de petis manteaux sur leurs  
espaules attachez avec des espingles d'or, & d'ar-  
gent, ainsi que portent celles de la ville de Cuzco:  
Elles trauaillent fort, & secourent grandemēt leurs  
mariz. Ils bastissent en ce pays leurs maisons de gros  
quartiers de pierre, & de bois. Ces montagnes sont  
fort rudes, s'il y en a au monde, & viennent de la  
nouuelle Espagne: & encor plus au delà, passans en-  
tre Panama, & le Nom de Dieu, & vont iusques au  
destroict de Magellan. D'icelles naissent de grands  
fleues, qui tombent en la mer de Midy, & autres  
plus grands, qui coullent en celle de Tramontane,  
comme les fleues de l'Argent, de Maragnó, & d'O-  
regliane, duquel encor'on doubte si c'est le mesme  
Maragnon. Les Andes sont montagnes, & valles  
fort peuples, & riches en mines, & bestail: mais on  
n'en a point encor si grande cognoissance que des  
autres.

*Choses notables qui sont, & ne sont point au  
Peru. Chap. 194.*



Ly a de l'or, & de l'argent par toutes les terres des Indes, mais non pas tant comme au Peru. Ils le fondent en des fourneaux avec de la fiente de brebis.

2. Je ne sçache que l'air, les rochers, & les montagnes de couleur, soient telles ailleurs, comme icy.

3. Les oyseaux de ce pays, sont differêts de ceux des autres pays, tant ceux, qui sont chargez de plumes, que ceux qui n'ont que le duuet, comme ie les ay desia depeincts.

4. Les ours, les brebis, & les chats qui ressemblent à des Mores, sont animaux particuliers à ce pays.

5. Les Indiens disent, qu'au temps passé on à veu des geans en ce pays. François Pizarre trouua leurs statues au port Vieil, & dix, ou douzé ans apres, nō loing de Trusiglio, on à trouué de gros os, & des testes d'hommes, avec leurs dents qui estoient grosses comme trois doigts ensemble, & en auoient quatre de long, elles estoient noires, ce qui fait confirmer ce qu'en disent ces Indiens.

6. A Colli pres Trusiglio, il y a vn lac d'eau douce, qui au fond à du sel blanc.

7. Aux Andes derriere Xauxa, il y a vn fleuve duquel l'eau est douce, & toutesfois les cailloux, & pierres qu'on trouue dedans, sont de sel.

8. Il y a vne fontaine à Cinca, qui conuertit la terre en pierre, & la croye en gros cailloux.

9. En la coste de Sainct Michel on voit dedans la mer de grand rochers de sel couuers d'Ouas.

10 Il y a d'autres fontaines, ou mines, à la poincte de Sainte Helene, desquelles coule vne liqueur, de laquelle on se sert au lieu de poix, & brusle comme feu gregeois.

11 Il n'y auoit point de cheuaux en ce pais, ny beufs ny mulets, ny asnes, ny cheures, ny brebis semblables aux nostres, ny chiens: & pour ceste cause aucun n'enrage en toutes les Indes. Il n'y auoit point aussi de souris, iusques au temps de Blasco Nugnez Vela. Mais lors on en veid tât ensemble à S. Michel, & en autres endroits, qu'elles rongeoient tous les arbres, les cannes de sucre, les maiz, les iardins, & les habillemens, sans y pouuoir trouuer remede aucû, & mesme ne laissoient dormir les Espagnols, & espouuantoient les Indiens.

12 En ce mesme temps de petits grillons s'engendrèrent en ce pays, qui n'auoient iamais esté veus au Peru, & rongerent toutes les semences,

13 Il vint aussi vne certaine rongne sur les brebis, & autres bestes des champs, qui en feit mourir comme la peste, la plus grand part és campagnes, encorres les oyseaux ne les vouloient point manger. De telles venues les habitans, & estrangers receurent grand detrimet ayants peu de pain, & estants tourmentez d'ailleurs de cruelles guerres.

14 On dict qu'en ce pays on n'a point veu de peste, qui est vn argument pour prouuer que l'air est ressein.

15 On ny void point de poux, dequoy ie m'esmerueille: mais nos gens en sont bien garnis.

16 Ils n'vsoient point de monnoye, encores qu'ils eussent tât d'or, d'argêt & autres metaux: ny de lettres



aussi, qui leur estoit vn grand deffaut, & vne bestise lourde prouenante d'ignorance. Mais maintenant ils sçauent en vsfer, & l'aprennent de nous: ce que leur vaut plus que toutes leurs richesses, desquelles ils ne sçauoient s'aider, ny en retirer profit.

17 Il ne faut pas mettre en oubly la maniere, de laquelle ils vsent à bastir leurs temples, forteresses, & ponts. Ils trainēt leurs pierres, ou les roulent à force de bras iusques au lieu, où ils veulent bastir: par-ce qu'ils n'ont point de bestes pour s'ayder d'elles à tels œuures. Les pierres sont de dix pieds en quarré & encore d'auantage: ils les asseoient avec de la chaux, & autre mortier. Or pour monter leurs pierres, ils apportent de la terre contre le mur, & autāt que croist l'edifice, autāt haussent-ils leur terre. Car ils n'ont point d'autres engins à bastir, & ainsi sont long temps deuant qu'acheuer telles entreprinſes, & leur faut vne infinité de personnes. La forteresse de Cuzco estoit de mesme structure, & estoit fort belle, & magnifique. Quant aux ponts, ce sont choses dignes de rire, & encores plus propres pour tōber. S'ils veulent dōc faire vn pont sur vn fleuue, qui soit si creux, qu'ils n'y puissent ficher aucuns pillotiz, ils mettront aux riuēs, qu'ils trouueront les plus hantes, vne corde faicte de laine, qui trauersera l'eau, à icelle pendront, avec vn neud coullant, vne hotte semblable à celles, desquelles on se sert à faire vendanges en Espagne, ou vn panier faict à la façon des anses, ausquels on porte sa vendange en Touraine. Ce panier a deux oreilles, à chacune desquelles ils attachent vne corde aussi longue que tout le trauers de l'eau, & attachent l'autre bout de

ceste corde au pau, qui tient la grosse corde. Si quel-  
qu'un veut passer, ils le mettent dedans ce panier,  
& font tirer la corde, qui est attachee à la rive, où il  
veut aller, par ceux, qui sont delà. Sur d'autres fleu-  
ves, ils font des ponts sur pilotis: mais ils n'ont la  
largeur que d'un aiz, comme ceux qu'on faict en  
Espagne sur le fleuve Tago, pour faire passer les  
moutons. Les Indiens passent par dessus ces ponts  
sans tomber, ny se troubler, par-ce qu'ils les ont ac-  
coustumez. Mais les Espagnols y tresbuchent sou-  
uent, se troublans la veüe, & la teste en regardant le  
courant de l'eau, qui coule roide, & aussi à cause  
qu'ils les font coustumieremēt hauts, & que les aiz  
pour estre longs tremblent tousiours: pour ceste  
cause noz Espagnols, quand ils veulent passer, se  
mettent à quatre pattes. Ils font encore d'autres  
ponts de cordes dessus des pilliers, par dessus les-  
quelles ils iettent des rets faicts de mesme corde:  
par dessus ces ponts, les cheuaux passent, encor' que  
ils tremblent. La premiere fois que noz Espagnols  
passerent par dessus tels ponts, fut entre Yminga, &  
Guailasmarca. Ce pont estoit separé en deux, par  
une moitié passoient les Roys Yngas, Orejons, &  
Soldats seulement: par l'autre, les autres passans: &  
falloit payer un certain peage par to<sup>s</sup> ceux, qui pas-  
soient, pour entretenir le pont, nonobstant que les  
peuples voisins fussent obligez à l'entretenir. Aux  
endroitz où il n'y auoit nul pont, ils faisoient de pe-  
tits bacs, ou autres barquerolles comme les equifs  
de vendangeurs de Rome: mais le courant de l'eau,  
les emportoit biē souuent, & ainsi estoient cōtraints  
passer à nage: mais tous les Indiens sont bons na-

geurs, Autres passét par dessus vn rets de corde soutenu de coucourdes creuses, & le font nager de telle façon que l'un le fait tousiours tourner, & l'autre le pousse. A faute de ponts, ou pour estre mal feurs plusieurs Espagnols, & cheuaux ont esté noyez, beaucoup d'or, & d'argent a esté perdu.

28. Il y a en ce pays deux grands chemins royaux depuis la ville de Quito iusques à celle de Cusco, qui est vn œuvre d'aussi grãd coust comme il est remarquable. L'un est par les montaignes, & l'autre par les plaines, tous deux durent plus de 2000. mil. Celuy qui est en la campagne est reuestu de muraille des deux costez, & est large de vingt cinq pieds: il a en dedans des fossez, ou petits ruisseaux pleins d'eau coulante perpetuellement, & dessus iceux ont esté plantez force arbres, qu'ils appellét Molli. L'autre qui est en la mótagne, est de mesme largeur, entaillé par dedans les rochers, & aux endroicts où il y auoit des vallons trop creux, pour esgaller le chemin on les remplissoit de pierres massonnées, avec de la chaux. En somme, c'est vn œuvre, qui mesme au dire de tous ceux, qui ont veul l'un, & l'autre surpasse les Pyramides d'Egypte, & les grands chemins pavez des anciens Romains, & tous les edifices anciens. Guaynacapa les feit refaire, & eslargir: mais il ne fut pas le premier autheur d'iceux, comme aucuns veulent dire: car la massonnerie se móstre bié plus anciéne, & si ne les eust peu acheuer durât sa vie. Ces chemins vont tous droits sans auoir par dessus aucune colline, ny montaigne, & sans s'aboutir à aucun lac, ou estang: & dessus de iournee, en iournee, on void de beaux grands



Palais bastis, qu'ils appellēt Tambos, où se logeoit la Cour, & les armées des Roys Yngas. Ces Palais estoient garnis d'armes, de prouisions, de vestemens, & de souliers pour les soldats: les pays d'environ estoient tenus de fournir tous ces chasteaux de telles choses. Noz Espagnols, par leurs guerres ciuiles, ont ruiné ces chemins, les ayants coupeez en plusieurs lieux, pour empescher le passage l'un à l'autre. Les Indiens mesme en ont rompu leur part, quand on leur faisoit la guerre, & quād on assiegea la ville de Cuzco.

*Conclusion des choses du Peru. Chap. 195.*

**L**es armes, desquelles les Indiens du Peru vsent communement, sont frondes, flesches, picques faictes de palmiers, dards, haches, & hallebardes, le fer de ces bastons est de bronze, d'argent, & d'or. Ils portent des cabassets de metal, & de bois, & des hallectretz rembourrez de cotton.

2 Ils comptent vn, dix, cent, mille, dix mille, dix cents mille, & ainsi multiplians tousiours. Ils gettent leurs comptes avec des pierres, ou avec des neuds qu'ils font à des petites cordes de couleur, & leur compte est si certain, & si bien accordant, que noz gens s'en esmerueilloient.

3 Ils ioient avec vn dé seul, qui a cinq carres, & n'en ont point d'autre sorte.

4 Leur pain se faict de maiz, & leur boisson aussi qui les enyure iolyement. Ils font encores autres breuages de fructs, & d'herbes, cōme de molles, qui sont arbres fructiers, desquels aussi ils font certain miel, qui est bon pour guarir les playes d'un cheual, & les fueilles seruent aux hōmes pour oster

la douleur d'une playe, & la guarir, & pour lauer les iambes, aussi les barbiers sçauent bien s'en seruir pour guarir les playes.

5. Leurs viandes sont fruits, racines, poisson, & chair, specialement de mouton. Ils ont grâde quantité de cheureaux, tant és pays peuplez, qu'és deserts, de propres, & de communes: mais ils estoient saincts, & sacrez au Soleil. Les Rois Yngas inuentèrent ceste saincteté, afin qu'en temps de guerre il n'y eust point faute de chair, deffendans de les chasser, & de les tuer, & commandans que ceux qui en auoient de propres à eux, en portassent tousiours la disme à leur Paciacama, & autres Guaches.

6. Ils s'enyurent si fort, qu'ils perdent tout iugement.

7. En matiere de mariage, ils n'ont gueres d'esgard à la parété, & les femmes moins à la loyauré qu'elles doiuent garder en mariage. Ils se marient avec autant de femmes qu'il leur plaist: quelques Oréjans espousent leurs sœurs.

8. Les nepueux succedent à leurs oncles, & non les enfans excepté entre les Rois Yngas, & les seigneurs. Mais dites moy, qui seront desormais les heritiers, puis que le vulgaire n'a, & ne veut-on permettre qu'il aye aucun patrimoine?

9. Ils sont menteurs, larrons, cruels, sodomites, ingrats, sans honneur, sans honte, sans charité, & sans vertu.

10. Ils mettent les morts en terre, ils en embaulment quelques vns, leur iettans par le gosier vne liqueur qu'ils tirent de certains arbres odoriferans, ou bien les oignans avec vne gomme. Ils se gardent

fort long temps és montagnes, à cause du froid, & pour ceste cause on trouue par deça force mortelle.

11 Plusieurs viuent plus de cent ans en la Prouince de Colao, & en autres lieux du Peru, qui sont froids.

12 Les terres & pays ou ils sement leur maiz, & nostre blé, & orge, sont si fertiles, qu'un seul grain d'orge en a rendu deux cens, & un autre trois cens: ce furent des premiers, qui furent semez. A S. Iean, qui est au gouuernement de Pascal d'Andagoye: ils semerent vne escuellerie de bled, & en recueillirent neuf cens. En plusieurs autres lieux on a cueilly deux cens pois, & plus, pour un qui auoit esté semé: & ainsi les semences multiplioient grandement au commencement par deça. Les racines deuenoient grosses comme la cuisse, & aucunes comme le corps de l'homme: mais depuis elles sont diminuees, auant en ont fait toutes les semences qu'on auoit apporté d'Espagne. Les fruits, qui ont le iuz doux, ou aigre, ont fort multiplié en ce pays, comme les citrons, & les cannes, desquelles on fait le sucre. Le bestail s'est grandement aussi multiplié: car vne cheure rendra cinq cheureaux, & pour le moins trois: & n'eust esté les guerres ciuiles, il y auroit desia par deça force bestes cheualines, moutons, vaches, asnes & mulers, qui porteroient la somme au lieu des Indiens. Mais deuant qu'il soit peu de temps il y en aura abondamment, si l'on plaist à Dieu, & les Indiens seront traduits à vne vie plus politicque, par le moyen de la paix, qu'ils ont maintenant, & des predication qu'on leur fait, ausquelles par vne sainte



charité, sont fort attentifs les Espagnols, tant Ecclesiastiques, que seculiers, qui ont des vassaux: les Auditeurs aussi commandent tousiours expressement sur grosses peines qu'elles soyent entretenues, autant en fait le Vice-Roy Dom Antoine de Mendozze, qui auoit desia bien aduancé la conuersion des Indiens de la nouuelle Espagne, d'où il fut enuoyé par l'Empereur pour gouuerner ce Peru. Ce qui a fait demeurer ces Indiens en leur Idolatrie, & vices abominables, a esté par ce que les Euesques, Religieux, & Prestres, s'estoient meslez parmy ces guerres ciuiles, abandonnans leur troupeau: & ceux, qui s'estoient desia conuertis, facilement renonçoient à la religion Chrestienne: voyans comme les affaires se portoyent: plusieurs aussi la renioyent par malice, & par la persuation du diable. Aussi plusieurs ne vouloient enterrer leurs corps morts en nos Eglises: mais les portoient en leurs Temples, & Guaches, & bien souuent ils se moquoient de nos Prestres, mettans dedans la biere, au lieu d'un corps mort, vn bouchon de paille, ou de cotton. Autres disoient quand on leur preschoit Iesus Christ, & sa foy, & religion, que c'estoit pour Espagne, & non pour eux, qu'ils se contentoient d'adorer leur Paciacama createur de toutes choses, & celuy, qui donne clarté au monde.

13 On ne prend point de disme sur leurs biens, sinon ce qu'ils offrent volontairement, de peur que vne telle leuee ne les fasche, & par cela n'estiment mal de nostre religion, laquelle ils n'entendent pas encor' bien.

14 Frere Hierosme de Loaysa, est Archeuesque des Rois.

Rois. Il y a en outre trois Eueschez, Cuzco, qui est entre les mains de frere Iean Solano: Quito, qui tient Garzia Diez Arias: & Ciarcas, qui est à frere Thomas de saint Martin.

## LIVRE CINQVIESME DE L'HISTOIRE GENERALE des Indes.

*Panama.*

*Chap. 196.*

**D**Epuis le fleuve du Peru iusques au cap Blanc, qu'on appelle autrement le port de la Ferraille, on compte, suyuant le long de la coste 1560. mil, en ceste façon: du Peru, qui est à deux degrez au deça de l'Equinoxial, y a 240. mil iusques au goulfe de saint Michel, qui est à six degrez, & n'est qu'à cent mil de l'autre goulfe de Vraba, ou Darien, & a de tour deux cents mil. Vasco Nugnez de Valua le descouurit l'an 1513. comme il cherchoit la mer de Sur, autrement Midy, ainsi que nous auõs recité en autre lieu, & trouua en icy force perles. De ce goulfe iusques à Panama il y a plus de deux cents mil. Gaspar de Morales, capitaine de Pierre Arias d'Auile, descouurit ceste coste. De Panama à la pointe de Guera, passant par Paris, & Natan on compte 280. mil, de Guera, qui est vn

S

peu plus qu'à six degrez, on met 400. mil iusques à Borica, qui est vne poincte de terre à 8. degrez, de laquelle on compte encore 400. mil iusques au cap Blanc, qui fait la figure d'un ongle d'aigle, & est à huit degrez & demy au deça de l'Equinoxial. Ces 1080. mil ont esté descouuerts par le docteur Gaspar de Spinosa de Medine du Champ, grand Preuost de Pedrarias l'an 1515. ou 16. & par Diego Arias d'Auile fils du gouuerneur. Il est vray qu'un peu deuant Gonzalle de Vadaioz, & Louys de Mercado auoient couru par terre la coste de Paris, & Natan, bien enuiron deux cents mil. Pierre Arias d'Auile enuoya plusieurs capitaines descourir, & peupler en diuers pays, comme i'ay desia dit en autre lieu. Entre ceux-cy fut Gonzalle de Vadajoz, lequel partit de Darien au mois de Mars 1515. avec 80. soldats, & s'en alla au Nô de Dieu, où il demeura quelques iours, taschant par vne paix attirer les habitâs: mais il ne peut, par ce que le Cacicque ne voulut aucunement prendre amitié avec luy, ny negocier. Alors arriua encor' là Louys de Mercado avec 50. Espagnols de Pedrarias mesme, & s'accorderent tous deux d'aller ensemble à la coste de la mer de Midy, qui auoit bruit d'estre vn pays plus riche. Ils menerent quelques Indiens pour les guider, & pour porter leurs hardes. Ils monterent au haut des montagnes, à la cime desquelles estoit Yuana seigneur de Coyua, qu'ils nômerent la Riche, par ce qu'ils trouuerent l'or où ils vouloient. Le Cacicque s'enfuit, de peur qu'il eut de ces nouueaux hommes barbus, & ne voulut iamais venir pour quelques messagers qu'on luy enuoyast: pour ceste cause ils saccagerent,



& bruslerét le pays, & puis passerét plus auant, emmenans grand nôbre d'esclaves. Quand ie dis esclaves, ie n'entends pas que ce fussent Indiens libres, qu'ils rendirent tels: mais cela se doit entendre de vrayes esclaves desia faictes, desquels ils ysent fort en ce pays pour faire leurs semées, pour tirer l'or des mines, & pour faire autre seruice. Ils les marquent au visage de noir, & de rouge avec vn fer chauld, ou avec vn os, ou espine de poisson: ils leur font des rayes dedans les iouës, & mettent dedans certaine pouldre noire, ou rouge, si forte que par quelques iours ils ne peuvent manger, & depuis que cela est sec, iâmais ne perdent couleur. De Coyua noz gens ne feirét autre chemin que suiure l'eau, par-ce qu'ils n'en sçauoient point d'autre, ne rencontrans pas vn village, ny maison. En fin ils trouuerét deux hommes, qui portoient chacun vn sac plein de pain. Iceux les guiderent vers leur Cacicque nommé Togoua, qui estoit aueugle, & les receut amiablement, & leur donna 6000. pesans d'or en grains, vases, & ioyauz. Il leur donna encor' nouuelles de la coste, & de la richesse qu'ils cherchoient. Ils partirent d'avec luy bien ioyeux, & contens, & prirent leur chemin vers ponent. Ils arriuerent à vne ville de Taracuru, qui estoit vn Roy, qui auoit peu l'estendue de pays, mais tres-riche: il leur donna huiron huit mille pesans d'or. Ils ruinèrent Panome, par-ce qu'il ne voulut point les recevoir. De Taracuru ils s'en allerent à Tauror, où ils furent fort bien receuz par Ceru, qui leur feit vn present de 4000. pesans d'or. Ils estoient riches pour le trafic de sel, qu'on tiroit de son pays. Le lendemain

ils furent à la ville de Natan, où ils eurent du Seigneur 15000. pesans d'or. Ils sejournerent en ceste ville quelque espace pour la bonne chere que leurs faisoient les habitans. Ceste ville est bien approvisionnee de toutes choses, & a de bonnes maisons, qui ne sont couuertes que de paille. Vadajoz, & Mercado auoiēt desia 80000. pesans d'or en grains, colliers, pendans, acoustremens de teste, vaisseaux, & autres pieces, qu'on leur auoit donnees, & qu'ils auoiēt prinſes, ou changees à autres choses. Ils auoiēt en outre 400. esclaués, pour porter leurs hardes, & ceux, qui estoient malades. Au partir de là, ils cheminoient sans ordre, & sans prendre garde à eux, par-ce qu'ils n'auoiēt encore trouué aucune resistance. Ils cherchoient le Roy Pariza, ou Paris comme aucuns veulēt dire, qui auoit le bruiēt d'estre le plus riche Seigneur de toute ceste coste. Paris en eut aduertissement par ses espions, il feit armer ses gens, & se meit au passage en embuscade. Quand noz Espagnols furent tombez en telle embuscche, ils furent plustost chargez, bleſsez, & tuez, q̄ d'en apperceuoir qlque chose. Il y demeura 80. Espagnols. & les autres s'enfuyrent. Paris eut les 80000. pesans d'or, les 400. esclaués, & toutes leurs hardes, qu'ils emporterent chez eux. Mais il ne iouyt pas long temps de telles despouilles: par-ce que depuis par plusieurs fois il perdit tout cest or, & deux fois d'auantage, avec tout son pays. Pedrarias ne peut pas aller venger la mort des siens, à cause de sa maladie: il y enuoya Gaspar de Spinosa son grand Preuost, qui cōquesta tout ce pays, descouurit toute la coste, & peupla Panama. Panama est vne peti-

re ville, mal fondée, & mal saine, mais a grād bruiet, à raison que c'est le passage pour aller au Peru, & à Nicaragua, & que le Parlement y a esté quelque réps. & que c'estoit vn des premiers Eueschez : c'est vne ville de grāde trafficque. L'air y est bon quand le vent vient de la mer : mais s'il souffle de la terre, il est fort mauuais : ainsi ce qui est bon icy, est mauuais en la ville du Nom de Dieu, & au contraire. Le pays est fertile, & abondant, il produict de l'or : il y a force bestes, & oyseaux de chasse : le long de la coste on trouue des perles, des baleines, & crocodilles, qui ne passent point Tombez. On y en a tué quelques vns, qui auoient cent pieds de long, & a on trouué en leur estomach force cailloux : si ils les digerent, ils ont vne grande chaleur naturelle. Les habitans de Panama se vestent, & parlent ne plus ne moins que ceux de Darien : & du pays de Cucua, qu'on appelle Castille de l'or. Leurs dances, ceremonies, & religion sont vn peu differentes, & ressemblent mieux à celles de l'isle de Hayti & de Cuba. Ils taillent, & peignent, & accoustrent leur Tauiira, qui est le diable, en la forme qu'il s'apparoist, & parle à eux, ils le iettent encore en or. Ils sont fort addonnez au ieu, au plaisir de la chair, au larcin, & à oyfueté. Il y a en ce pays plusieurs esprits, qui de nuit succent les mammelles aux femmes. Il y a vn grand nombre d'hommes, qui estiment que nous n'auons rien que naistre, & mourir, aussi ne se soucient ils de se faire enterrer avec du pain, & du vin, & moins encore avecques des femmes, & seruiteurs. Mais ceux, qui croient l'immortalité de l'ame, s'ils sont Seigneurs, ils serot enterrez



avec leur or, armes, plumes, & pennaches : & si ce sont autres, on mettra en leur sepulture avec leurs corps du maix, du vin, & des couuertes : si ce sont Cacicques, on faict seicher leurs corps au feu, qui est leur façon d'embaulmer, & puis on les met dedans leurs tombeaux faicts en voute, où on met avecques eux quelques vns de leurs seruiteurs, pour les seruir en enfer, & celle de leurs femmes qu'ils aurót mieux aimees. Ce pédant qu'on met le corps en terre, celles qui doiuent accompagner le mort dansent, font cuire leur boisson, & puis la boient, & aucunesfois vous en verrez cinquante. Il y en a plusieurs autres, qui se sentans malades à la mort, s'en iront mourir au milieu d'un champ, où les oyseaux, les tygres, & autres animaux les mangent. Les Cacicques estans au liët de la mort, baissent les pieds à leurs enfans, ou neueuz, qui sont leurs heritiers, qui vaut autant à l'enfant, comme s'il estoit ja couronné. Mais tout ce que nous auons recité, est allé à neant par leur conuersion, & viuent maintenant selon la religion Chrestienne. Il est bien vray, qu'ils ne sont demeurez gueres, à causé des premieres guerres, & pour le peu de iustice qu'on a faict au commencement.

*Tararequi, Isle des Perles. Chap. 197.*

**G**Aspar de Morales, s'en alla l'an 1515. au goulfe de S. Michel avec 150. Espagnols par le commandement de Pedrarias, cherchant l'isle de Tararequi, que les soldats de Valuoá disoient estre tresriche en perles. Il sceut qu'elle estoit pres de terre : il assemble grand nombre de Canoas, & d'Indiens que lui baillerent Ciape, & Tumaco amis de Vasco, & pass

en ceste Isle avec 60. Espagnols. Le seigneur sortit au deuant pour empescher la descente: il combattit par trois fois avec noz gens avec vn heur esgal: mais à la quatriesme il fut rompu, & vouloir encore se reioindre, & deffendre son Isle, mais il quitta les armes, & feit paix avec Morales par le conseil, & prieres des Indiens du goulfe, qui luy remonstrerent que ces barbus estoient inuincibles, amis des amis, & ennemis extremes à leurs ennemis, comme ils auoient bien demonstré à Ponca, Pocorose, Quereca, Ciape, & Tumaco, & à autres grands Cacicques, qui s'estoient vouluz attaquer à eux. Apres donc auoir conclud l'amitié avec nos Espagnols, il les mena en sa maison, qui estoit belle, & grande: il leur feit vn festin à leur mode, & leur dóna vne cassette pleine de perles, qui pesoient 110. liures. Noz gens pour recompense luy dónerent quelques miroirs, des couronnes de verre, des sonettes, des ciseaux, des haches, & autres petites merceries, qu'il estima encor plus, que ne faisoient les Espagnols leurs perles. Il les feit monter en hault d'une petite tour, & leur monstra des autres Isles tresriches en perles, & en or aussi, disant qu'elles estoient toutes à leur deuotion. Il cõfirma de rechef l'amitié entre eux, & se feit baptiser, on le nomma Pierre Arias du nom du gouuerneur, & promet de payer à l'Empereur, en la sauuegarde duquel il se mettoit, pour tribut 100. liures de perles par an. Noz gens puis apres se retirerent au goulfe de S. Michel, & de là s'en retournerent à Darien, Tararequi est à 5. degrez de l'Equinoxial, elle est fort abõdante en poisson, oiseaux, & connils, desquels y en à telle quãtité

tant aux lieux habitez qu'inhabitez, qu'on les prend avec la main. Il y a en ceste Isle des arbres odoriferans approchés à l'espicerie, qui fut cause que quelques vns penserent que l'espicerie n'estoit pas loing de là, & suivant ceste opinion il y en eut, qui demâderent à faire le descouurement à leurs propres despens. La pescherie de perles estoit icy grande, & estoient les plus grosses, & les meilleures qu'on eust trouué en ce nouveau monde. Des perles que donna le Cacique de ceste Isle, y en auoit plusieurs de la grosseur de noisettes, autres comme noix muscades, & si en trouua vne qui pesoit 26. carats, & vne autre 31. elle auoit la forme d'une poire muscadelle, elle estoit bien Orientale, & parfaicte: Pierre du port marchât l'achepta de Gaspar de Morales 1200. Castillâs d'or. Depuis qu'il l'eut acheptee, il ne peut dormir de melancholie & de fascherie qu'il print d'auoir baillé tant d'argent pour vne pierre, & des le lendemain la reuendit pour le mesme pris à Pedrarias d'Auile pour sa femme Dame Isabella de Bouadillia, & puis Bouadillia la vendit à l'Imperatrice Dame Isabelle.

*Des perles.*

*Chap. 195.*

**L**E Cacique Pedrarias feit pescher des perles à ses ouuriers en presence des Espagnols, qui l'en prièrent, & prirent grand plaisir à telle pesche, Ceux, qui se meirent en la mer pour les pescher estoient gens bien experts à nager entre deux eaux. aussi sont ils nourris toute leur vie à ce mestier. Quand la mer est calme ils vont dedans des petites barquerolles bien auant sur mer, & au lieu d'un ancre pour tenir leur naselle ils iettent en mer vne



pierre attachee à vne corde faite d'escorce d'arbre, ressemblant au couldre, & puis ils se iettent dedàs la mer pour chercher les coquilles, qu'ó appelle meres perles, ayans chacun vn sachet pendu au col. Ils sortirét plusieurs fois de l'eau chargez d'icelles. Ils vôt sous l'eau plus de quatre, six, & dix stades loin, par ce que d'autant que la coquille est grande, d'autant plus se tient elle auant en la mer, & si quelque-fois elle se trouue plus pres des rines, cela auiet par la tempeste de la mer, aussi qu'elles se coulent deça de là pour chercher leur nourriture, & l'ayans trouuee, elles s'y arrestent iusques à ce qu'elles ayét tout mangé, alors si elles sentent qu'on les cherche, elles s'attachent si fort aux roches, & pierres, & l'vne contre l'autre qu'il faut auoir grand force pour les tirer, & bien souuent ne les peut on auoir, aucune-fois on les laisse pensant que ce soient pierres. Plusieurs se noyent en ceste pesche, ou à faute de prendre vent en s'efforçant trop à arracher ces coquilles, ou s'encheuestrant parmy la corde, ou estans renuersez par la rencontre de quelque gros poisson. Les sachets qu'ils pendent à leur col, sont pour mettre les coquilles. Ils s'attachent encore vne corde au dessus de la hanche, & au deux bouts ils y pendent deux pierres, qui portent iusques en terre, elles leur seruent de contrepoix de peur que la force de l'eau les reiecte au dessus, ou les pousse deça, de là. Voila comment par toutes les Indes on pesche les perles: & à cause que plusieurs mouroient en les peschât pour les dangers susdicts, & pour les grâds, & continuels traux qu'ils enduroient, & pour le mauuaistraictement qu'ils receuoient des Espa-

gnols, l'Empereur feit vne loy entre celles que Blasco Nugnez apporta, par laquelle il defendit sur peine de mort qu'aucun n'eust à forcer les Indiens à faire telle pesche, estimant plus la vie des homes, que le profit, qui luy venoit de ces perles, encor qu'il fut grand. Ce fut vne loy digne d'un tel Prince, & d'une memoire perpetuelle. Les anciens escriuent pour chose merueilleuse auoir trouué dedans vne coquille ou mere-perle, quatre ou cinq perles. Mais quant à moy ie ne trouue cela si admirable, attendu que par noz Espagnols il s'en est trouué en ces Indes, qui auoient dix, vingts, & trente perles, & aucunes en auoient plus de 100. mais elles estoient menues. Quand il n'y en a point plus d'une, elle en est plus grosse, & meilleure. On dit que les perles sont en leur coquille, comme les œufs sont dedans vne poulle, & que la mere-perle les iette dehors comme la poulle fait ses œufs: ce que ie ne croy: par ce que si elle les iettoit, elles ne deuiendroient pas si grosses, si ce n'estoit qu'elle fut tousiours pleine. Il est bien vray qu'en un certain temps de l'an la mer se teint à Cubagua, où on a le plus pesché de perles, & de là on prenoit argument que les meres-perles en certain temps iettoient leurs perles, & que, lors que la mer se changeoit ainsi, c'estoit vne purgation, qui leur aduenoit, comme aux femmes. Les perles iaulnes, celestes, verdes, & d'autre couleur, qu'on trouue en ce pays, doiuent estre artificielles, encor que nature les puisse diuersifier aussi bien qu'elle fait les pierreries, & les hommes, qui estans tous d'une mesme chair, sont neantmoins de diuerse couleur. Les Indiens mettoient sur le feu

les coquilles pour manger ce qui estoit dedans, & alors les perles deuenoient noires, tellement que la nacre ne valloit rien. Ils n'auoient pas l'esprit d'ouvrir autrement ces coquilles, aussi n'auoient ils perles, qui vallussent. La meilleure façon de perle est celle, qui est ronde : celle qui est en façon de poire, ou de gland n'est pas pire : on met puis apres celle, qui est comme vne noisette, encor' ne iette-on celle qui est tortue, & bossue, ny la petite: toutes se portent, les vnes sont pour les riches, les autres pour les pauures : il n'y a celuy, qui n'en porte, hommes, & femmes, tant elles sont deuenues communes : aussi ne sçache Prouince, où on ayt porté plus de perles qu'en Espagne, & en peu de temps, ce qui me fait admirer d'auantage. En fin les perles ont surpassé la richesse de l'or, & l'argent, & des esmeraulles que nous auons apportees des Indes: & toutesfois ie voudrois bien sçauoir la raison, pourquoy les anciens, & les modernes ont tant estimé les perles, veu qu'elles n'ont aucune vertu medicinale, & qu'elles s'enuieillissent assez aisément, comme on peut veoir quand elles ont perdu leur lustre clair, & naïfue blancheur. Quant à moy, ie ne puis imaginer quelle peut estre ceste raison, si ce n'est pour l'amour de la blâcheur, qui n'est commune aux autres pierres precieuses: car ie voy qu'on ne tient compte de celles, qui ont autre couleur, encor' que elles ayent vne mesme substâce. Je pense encor' vne autre raison, c'est par ce qu'on les apporte de ce nouueau mode, & qu'au temps passé on les apportoit aussi de loingtains pays: & volôtiers nous estimons ce qui vient de loing, ou bien on les estime



cheres, par ce que bien souuent elles coustent la vie de l'homme, qui veut entreprendre de les pescher comme nous auons recité.

*Nicaragua.* Chap. 199.

**D**V cap Blanc surnomé Ciorotega on compte 520. mil de coste que descouurit Gilgonzalez d'Auile l'an 1522. En ce long espace on comprend le goulfre de Papagalli, Nicaragua, la Possession, & la plage de Fonseca. Au deça du cap Blanc est le goulfe d'Ortegua, qu'on appelle encor Guetares, lequel Gaspar de Spinosa veid, sans en approcher autrement; mais Gilgonzalez y passa, & le comprenoit avec les pays qu'il auoit descouuers. Pedrarias d'autre part disoit que ce goulfe luy appartenoit, & que c'estoit assez de ce que son capitaine Gaspar l'auoit veu. Gilgonzalez pour faire ce descouuement equippa quatre caruelles à Tararequi, & les garnit de tout ce, qui luy estoit necessaire, comme pain, armes, & de la mercerie. Il mit dedans quelques cheualx, & plusieurs Indiens avec ses Espagnols. Il mena pour pilote Andre Nigno, & partit de là le 26. de Ianuier l'an susdict. Il costoya tout le pays que i'ay dit, & ce qu'il cherchoit le plus, estoit vn destroit pour passer en la mer de la Tramótane, ayant receu ceste charge du Conseil des Indes. Car pour lors le differét, qui estoit entre le Roy de Portugal, & l'Empereur touchât l'espicerie estoit fort enflambé, & pour oster toute dispute, la resolution estoit qu'on ne faisoit point de tort aux Portugalois, si on pouuoit passer aux Molucques sans aller par la route de l'Afrique, & pour ceste cause on cherchoit trefardamment vn destroit par ces Indes, & auoit-

on assésuré à l'Empereur, selon le iugement des pi-  
otes, qu'il y en auoit vn en ce quartier. Ainsi Gil-  
gonzalez, qui auoit la charge de le trouuer, recher-  
choit par tout songneusement, & y fut si long  
temps, qu'il consumma toutes ses prouisions, &  
meisme ses vaisseaux furent tous rôgez par les vers,  
qui ont accoustumé s'engendrer entre les aiz, qui  
sont dedans l'eau, quand le vaisseau est trop long  
temps en mer. Il print possession de ce pays, au nom  
du Roy d'Espagne, en signe de quoy il nomma vn  
fleuue, qu'il trouua, le fleuue de la Possessio, & pour  
l'amour de l'Euesque de Burgos President des In-  
des, qui le fauorisoit, il surnomma la plage de Fon-  
seca, & nomma vne isle, qui est au dedans de ceste  
plage, Petrouille, à cause de sa niepce, qui s'appel-  
loit ainsi. Du port de saint Vincent André Nigno  
s'en alla descourir par mer, & Gilgonzalez se meit  
à terre avec 100. Espagnols, & 4. cheuaulx, entrant  
auant en pays. Il rencontra Nicoyan homme riche,  
& puissant, avec lequel il feit paix, le prescha, & le  
conuertit: il le baptiza avec toute sa famille, & à son  
exemple se conuertirent, & feirent Chrestiens en  
dixsept iours quasi tous ses vassaux. Il donna à Gil-  
gonzalez 14000. pesans d'or, & six Idoles d'or pur,  
de la hauteur de la main chacun, disant, qu'il les em-  
portast, puis qu'il n'auoit plus que faire de parler à  
eux, ny de les prier, comme il auoit accoustumé.  
Gilgonzalez luy donna de ses petites merceries, &  
s'informa de luy de l'estat du pays, & d'un grand  
Roy nommé Nicaragua, qui estoit à 200. mil de là.  
Il se meit en chemin pour l'aller trouuer, & estant  
pres de luy, y enuoya deuât vn messager, par lequel

il luy mandoit qu'il estoit son amy, puis qu'il ne venoit point pour luy faire aucun mal, & qu'il ne demandoit de luy autre chose sinon qu'il se fait amy & vassal de l'Empereur, qui estoit Chrestien, & grand seigneur, & que son amitié luy apporteroit grand profit, luy denonçant la guerre s'il ne vouloit accepter ceste amitié. Nicaragua entendant la façon de faire de ces nouveaux hommes, leur resolution, la force de leurs espees, la braueté des cheuaux, enuoya faire sa responce par quatre gentils-hommes de sa Cour, laquelle estoit telle: que pour le bien, que coustumierement apporte vne paix, il acceptoit son amitié, & promettoit recevoir la foy Chrestienne, s'il la trouuoit aussi bonne comme on la loüoit. Ainsi il receut humainement les Espagnols en sa ville & en son palais, leur donna 25000. pesans d'or, & autres meubles, & pennaches. Gilgonzalez pour recompense d'un tel present, luy donna vne chemise de lin, vn saye de soye, vn bonnet d'escarlata, & autres choses. Il le fait prescher, & annoncer la parole de Dieu par vn religieux de l'ordre de la Mercede, qui entre autres poincts confuta si clairement leur idolatrie, yurongnerie, danses, sodomie, sacrifices de sang humain, qu'incontinent Nicaragua avec sa famille, & tous ceux de sa Cour se firent baptizer. A son exemple 9000. personnes de son Royaume receurent le baptisme, qui fut vne grande conuersion, encor' qu'on die qu'elle ne fut pas bien faite: mais ce leur estoit assez pour le commencement de croire de cœur seulement. De tout ce que leur dit Gilgonzalez, ils se contenterent fort, excepté de deux choses: l'une estoit de ce qu'on leur défendoit



la guerre: l'autre de ce qu'on leur ostoit les danſes, & leur deſendoit-on l'yurongnerie. Car ils trouuoient cela rude de laiſſer les armes, & de perdre le plaifir qu'ils prenoient à ſenyurer, & danſer, diſans, qu'ils ne faiſoient tort à perſonne en danſant & en prenant leur plaifir: & qu'ils ne vouloient point cacher leurs enſeignes en lieux obscurs, ny leurs arcs, leurs morions & pennaches, & qu'ils ne vouloient point laiſſer le maniement de la guerre, ny de leurs armes à leurs femmes, pour filer au lieu, & labourer la terre, comme font les femmes, & les eſclaves. Gilgonzalez n'oſa repliquer à cela, par ce qu'il les voyoit enſlambez. Il ſe fit incontinent ietter hors de leur grand temple toutes les idoles, & au lieu y ſe fit mettre vne croix. Il ſe fit dreſſer hors la ville vne autre croix, afin qu'à l'entree & ſortie de la ville ils ſe humiliasſent tousiours, & puis il ſe fit faire vne proceſſion, où tous pleuroient en grande deuotion, & chantoient en muſique comme on a accouſtumé, louans tous Dieu. Nicaragua avec tous ſes Indiens ſuyuoit, qui fut vne choſe fort belle à veoir.

*Les demandes de Nicaragua.*

*Chap. 200.*

**C**E pendant que nos Eſpagnols eſtoient avec Nicaragua, il ſe fit pluſieurs diſputes avec Gilgonzalez, & les religieux. Car c'eſtoit vn homme accort, ſage, aduiſé, & bien entendu en leurs ceremonies, & religion, & ſçauoit beaucoup de choſes de leur antiquité. Il demanda ſi les Chreſtiens auoient cognoiſſance du deluge, qui noya toute la terre, les hommes & beſtes, & ſil en deuoit venir vn autre: Si la terre ſe deuoit renuerſer ſans deſſus

dessous : Si le ciel deuoit tomber : quand le Soleil,  
 la Lune, & les estoilles deuoient perdre leur clarté,  
 & leur cours: quelle estoit la cause, qui rendoit la  
 nuict obscure: qui caufoit le froid. Il reprenoit na-  
 ture en ces deux choses, de ce qu'elle n'auoit fait  
 la clarté, & la chaleur perpetuelle, puis qu'elles es-  
 toient meilleures que l'obscurité, & froidure. Il  
 demanda en outre, quelles graces il falloit rendre,  
 & quel honneur il falloit porter au Dieu des Chre-  
 stiens, qui auoit fait les cieux, le Soleil ( que entre  
 eux ils souloient adorer pour Dieu) la mer, la terre,  
 & l'homme, qui est maistre des oiseaux, des pois-  
 sons, & de tout le reste du monde: où se retiroient  
 les ames, & ce qu'elles faisoient apres estre sorties  
 du corps. Il demanda semblablement si le Pontife  
 Romain, Vicair de Iesus Christ, & Dieu des Chre-  
 stiens en terre, mouroit, & vouloit sçauoir commēt  
 Iesus Christ estoit Dieu, & homme, & comme ayant  
 tousiours esté Dieu il auoit esté mortel: comment sa  
 benoiste mere estoit vierge ayant enfanté: com-  
 ment l'Empereur, & Roy d'Espagne, duquel on  
 luy recitoit tāt de proïesses & de vertus, estoit mor-  
 tel: & demandoit encor' pourquoy si peu de gens  
 qu'ils estoient vouloient auoir tant d'or qu'ils cher-  
 choient. Gilgonzalez, & tous les siens furent fort  
 esmerueillez oyans telles demandes sortir de la  
 bouche d'un homme demy nud, barbare & sans  
 lettres: aussi à la verité telles demandes estoient ad-  
 mirables en la personne de ce Nicaragua, & iamais  
 Indien, que ie sçache, ne parla à nos Espagnols de la  
 façon que fait cestuy-cy. Gilgonzalez respondit luy  
 comme Chrestien, & le contenta de tout ce, qui luy  
 auoit

auoit demadé, par raisons tirees de Philosophie, & de Theologie. Je ne descris point icy les raisons, car ce seroit vne chose trop longue, & mesme possible ennuyeuse au lecteur, puis que chasque Chrestien les sçait, & les peut aisément considerer. Apres la response de Nicaragua, qui escoutoit attentiuement, se conuertit: Il demanda en l'oreille au truchemén, si ces hommes Espagnols, qui estoient si subtils, & si prudents estoient descendus du ciel, & incontinent demanda le baptesme, consentant de ietter hors, & rompre tous ses idoles.

*Ce que Gilgonzalez feit depuis en ces pays.*

*Chap. 201.*

Gilgonzalez voyant qu'on le traictoit si amiablement, voulut sçauoir dextremét les secrets, & quelles estoient les richesses du pays, & veoir s'il touchoit à celuy que Cortés auoit conquis: car il en pensoit quelque chose, à cause qu'il voyoit les habitas de ce pays ressembler en beaucoup de choses à ceux de Mexique, selon les nouuelles qu'il en auoit ouy. Ainsi il s'achemina vers ce quartier là, il rencontra plusieurs villes, qui n'estoient pas grandes, mais toutefois estoient bonnes, & bien peuplées: ils ne pouuoient compter par les rues la grande foule d'Indiens, qui sortoient dehors pour les veoir, & contempler leurs vestemens, leurs barbes, & leurs cheuaux. Le plus grand seigneur qu'ils rencontrerent apres Nicaragua, fut vu nommé Diriamgen, qui estoit vn Cacique belliqueux, & vaillant. Il vint accompagné de cinq cents hommes, & 20. Femmes, marchans tous en ordonnance de guerre, encores qu'ils n'eussent point d'armes, portans dix

T



enseignes, & cinq cornets, desquels ils sonnoient comme si ils eussent esté en guerre. Quand ils arriuerent les cornets cessèrent, & plierent leurs enseignes. Diriangen toucha en la main de Gilgonzalez, aussi feirent tous les 500. luy presentans chacun vn coq, où deux. Les vingt femmes luy presenterent vingt haches d'or chacune: la piece pesoit dixhuit pesans d'or, & quelques vnes plus. Ce present fut plus beau que riche: car l'or n'estoit que de seize carats: ils vsent de ces haches à la guerre, & à bastir. Diriangen dit, qu'il estoit venu veoir ces hommes si nouueaux, & si estranges, suiuant le bruit qu'il en auoit entendu. Gilgonzalez le remercia grandement de tout, & luy donna autres choses qu'il estimoit beaucoup, & le pria qu'il se fist Chrestien. L'autre respondit qu'il estoit content, demadant seulement trois iours de terme pour en communiquer avec ses femmes, & ses prestres. Mais ce n'estoit que pour ce pendant assembler gens, & voller les Chrestiens, desprisant le peu d'hommes qu'ils estoient, & disant qu'ils estoient seulement hommes comme luy. Ainsi il s'en alla, & retourna en bon equipage secrettement, sans estre descouuert, & puis tout d'un coup avec grands cris vint donner à l'impourueu sur nos gens pensans les estonner, & les rompre, & puis les manger. Mais Gilgonzalez ayant esté aduertty par ses sentinelles comme ses ennemis approchoient, se meit incontinent en point, & en ordre de combattre. Diriangen assaillit nos gens vaillamment, & fut receu aussi courageusement: le combat dura vn iour, & vne nuict, & puis Diriangen se retira avec perte de plusieurs des siens, fai-

lant autre compte de ces barbus qu'il n'auoit fait,  
& les estimoit plus qu'hommes. Il appella ses amis,  
& voisins au secours, se disant estre iniurié de ce  
qu'il n'auoit esté le victorieux. Gilgonzalez remer-  
cia Dieu Seigneur des batailles, de ce qu'avec si peu  
d'Espagnols il l'auoit deliuré d'entre tât d'Indiens:  
& ayant entendu que son ennemy le vouloit venir  
encor' vn coup chocquer, ayant peur de ce, ou vou-  
lant seulement sauuer l'or qu'il auoit, il se retira du  
chemin de ce Cacique, & en print vn autre à l'es-  
cart tirant vers la mer. Il endura de grands trauaux  
à son retour, comme la faim, ou estre en danger d'es-  
tre noyé. Il feit plus de 600000. mil de chemin, al-  
lant de ville en ville. Il baptisa 32000. personnes,  
& eut 200000. pesans d'or, vne quantité estoit de  
bas or: on luy en auoit donné vne partie, & auoit  
pris l'autre: aucuns en comptent d'auantage, au-  
tres moins. Mais pour le moins il en rapporta vne  
grande richesse, & telle qu'il n'eust iamais pensé, ce  
qui le feit deuenir incontinent fier, & hautain: Il  
retrouua à saint Vincent André Nigno, qui auoit,  
selon qu'il affermoit, nauigué plus de 1200. mil de  
côte vers Ponent, sans auoir peu trouuer aucun  
estroit. Gilgonzalez s'en retourna à Panama, &  
de là s'en alla en l'isle de saint Dominique, pour  
rendre compte de son voyage, & pour equipper, &  
appareiller autres vaisseaux, pour retourner à Ni-  
aragua par les Hondures, pour sçauoir en quel en-  
droit s'escouloit le lac. Mais nous auons des-ja dit  
en autre lieu, quand & comme il sy en alla, & com-  
me il se perdit, & comme Christofle d'Olid le feit  
raisonnier.

**L**Es Espagnols, qui allerēt avec Gilgonzalez, retournerēt si contēs de la beautē, frescheur, bon-té & richesse du pays de Nicaragua, que Pedrarias d'Auile postposa le descouurement du Peru, qu'il vouloient entreprendre Pizarre, & Almagro, à cestuy-cy. Ainsi il enuoya des gens sous la charge de François Hernandez à Nicaragua, qui en peu de temps conquirent grande estendue de pays, & amassèrent grande quantité d'or. Ils bastirent sur le lac, la ville de Grenade, & la ville de Leon, où est le siege Episcopal, & le Parlement: ils fonderent encores autres lieux, mais ces deux sont les principaux. Le port où se fait le trafic de marchandise est au fleuve de la Possession. Gilgonzalez estant aux Indes, ou au cap d'Higueras sceut les nouvelles de ce que faisoit Hernandez à Nicaragua, de quoy fâché au possible, voyant qu'on luy tolissoit le fruit de ses trauaux, feit voile à Nicaragua: & ayant prié terre, marcha contre Hernandez, avecques lequel il combattit par trois fois, mais l'autre en fin demeura au pays victorieux, & Gilgōzalez fut cōtraint se retirer vers ses vaisseaux, où Christophe d'Olid le pria. Pedrarias estāt deboutē de Castille de l'Or, s'en alla à Nicaragua, qu'o luy auoit au lieu de l'autre baillé pour Gouverneur, & feit trācher la teste à François de Hernādez, disants qu'il machinoit de se rebeller avecques le pays, & s'en faire Gouverneur par quelques pratiques qu'il auoit avecques Ferdinād Cortés: mais ce n'estoit qu'un faux pretexte pour le faire mourir, & iouyr seul de ce pays. Quant au lac de Nicaragua, c'estvne chose notable pour sa grādeur.



pour estre bien peuplé tout autour, & pour les belles isles qu'il a, il croist, & décroist: il n'est qu'à dix ou douze mil loing de la mer de Midy, & iette son eau vers la mer de Tramótane par vn canal, ou fleuve, qui en sort, par lequel, ainsi que j'ay recité en autre lieu, Melchior Verdugo descendit de Nicaragua avecques des barques à la ville du Nom de Dieu. Ce canal a plus de trois cens mille de longueur.

*De la montagne Masaya. Chap. 203.*

**D**ix mille loing de la ville de Grenade, & à 30. de celle de Leon, il y a vne montagne rase, & ronde qu'ils appellét Masaya, qui iette du feu. C'est vne chose autant admirable qu'autre, qui soit au monde. Sa bouche, par laquelle elle iette son feu, est ronde, & a de tour bien deux mille, on y descend plus de 250. brasses: & par dehors, & par dedans il n'y croist aucun arbre, ny herbes: les oyseaux toutesfois y font leurs nids, sans auoir peur du feu. Aupres de ceste bouche, il y en a encores vne autre, qui est large autant que peut porter vne arquebuz: iusques au feu on compte coustumierement 150. stades, vn peu plus ou moins, selon qu'il boult, & aucunesfois ceste masse de feu s'esleue plus hault, & iette dehors si grande clarté qu'on la void bien de 60. & 90. mille. Ce feu va d'une bouche en l'autre, & quelques fois on oyt sortir de là des gemissements grands, qui font peur aux plus asseurez. Mais jamais ne iette tisons, pierres, ny cendre, côme font les autres montagnes, qui iettent feu. Pour ceste cause, & pour-ce qu'elle boult tousiours, plusieurs ont estimé que c'estoit vne veine d'or fôdue.

Vn iour F. Blaise d'Ynnesta Iacobin, & deux autres Espagnols, voulurent sçauoir que c'estoit, & quel metal ce pouuoit estre. Ils se firent denaler en trois panniens en la premiere bouche le plus bas qu'ils peurent, & puis de là descendirent iusques au fond vn chauldron attaché à vne chaine de fer, dedás lequel ils meirent vn boulet d'artillerie pour le faire enfôcer. La chaine coulla 140 brassées, & le chauldron estant au feu, se fondit incontinent avec quelques anneaux de la chaisne. Ainsi ils ne peurét auoir cognoissance de ce qu'ils vouloient sçauoir. Ils furent là toute la nuict sans auoir besoing de chadelles. Ils remonterent en leurs paniers bien trauallez pour-neant, & estonnez d'un tel œuure de Dieu. L'an 1551. on donna permission au Docteur & Doyen Iean Aluarez pour ouurir ceste montagne, & en tirer le metail qui est dedans.

*La qualité du pays de Nicaragua. Chap. 204.*

**L**A prouince de Nicaragua est grande, & est plus saine, & fertile, que riche, encor' qu'on y trouue quelques perles, & vn peu d'or. Elle estoit embellie de fort beaux iardins, & d'arbres tousiours verdoyans. Mais aujourd'huy il n'y en a plus tant. Les arbres y croissent hauts: il y en a vn qu'on appelle Cerba, qui grossit si fort que quinze hommes ne le sçauroient embrasser. Il y en a d'autres qui viennent en forme de croix: autres desquels la feuille seiche quand on y touche. Il y a en ce pays vne herbe, qui fait creuer les bestes, laquelle est aussi assez commune au Nom de Dieu. Ils ont plusieurs arbres, qui portent fruit, comme prunes rouges, avec lequel ils font du vin: ils en font aussi

d'autres fruits, & de maiz. Nos gens en font de miel, qui est en ce pays en grande abondance, & cōserue leur bonne couleur. Les coucourdes & calabasses meurissent en quarāte iours, & en font grosse marchandise, par ce que ceux, qui vont par pays, ne feront pas vn pas, sans en porter vne, pour le defaut d'eauë qui est par les champs: aussi n'y pleut il gueres. Les serpens sont fort grands, & conçoient par la bouche, comme on dict des viperes ou aspicz. Par toutes les Indes on à veu beaucoup de ces grands serpens, les plus grands estoient au Peru: mais ils n'estoient si hardis, ny si veneneux que les nostres, ou ceux de l'Afrique. Il y a en ce pays des porcs, qui ont le nōbril en l'eschine, & si on les tue, ils se corrópent, & sentent mal incontinent, si premieremēt on ne leur coupe ce nombril. En la mer de Nicaragua on veoid coustumierement de balaines, & autres poissons mōstrueux, qui eslaçant hors de l'eauë la moitié de leurs corps, s'egallent quasi à la hauteur des maz des nauires. Ils ont la teste grosse comme vn tonneau, & leurs aisleront longs cōme gros cheurons de 25. pieds. Avec iceux ils battent l'eau si rudement, & avec vn si grād bruit, qu'ils estourdissent les nauigeans, & n'y a celuy qui n'en ayt peur, croyant qu'ils doiuent mettre en fond, ou brizer le vaisseau. Il y a encor' vne autre sorte de poisson qui porte escaille, qui ressemble à celuy qu'on appelle à Marseille, Mendola. Ce poisson estant en poëlle, grongne cōme vn porceau, & ronfle en la mer: pour ceste cause, ils l'appellent ronfleur. Vne fois cōme François Brauo, & Diego Daza, soldats de François Hernádez par vn naufrage s'en



alloient perdus à la fortune du vent, & de l'eau sur vne piece de bois, sur laquelle ils nauiguerent, ou pour mieux dire, nageoient, par l'espace de neuf ou dix iours sans boire, & sans manger que des cācres qu'il prenoient sur leurs cuysses, & en leurs heines: ils eurent la moitié de leur membre mangé, & rongé par ces cancrs, ainsi qu'ils reciterent, & monstrent à Tuenqué, où ils aborderent. Ces poissons ne les mangeoient, ny mordoiet en autre lieu, qu'au membre, & aux couillons.

*Costumes de Nicaragua.* Chap. 205.

**L**Es villes de ce pays ne sont pas grandes, mais sont en grand nombre, & eu leur situation, & bastiment ont vn ordre certain: vous y verrez les maisons des seigneurs différentes de celles de leurs vassaux. Mais és villages, qui sont fort frequents en ce pays, toutes les maisons sont esgales. Leurs Palais & Temples ont au deuant de grandes places enuironnees des maisons des nobles, & au milieu y a vne maison pour les orfeures, qui sont bons ourriers à merueilles. En aucunes isles, & sur les fleuves ils font leurs maisons dedans les arbres comme les cinges, & dorment là dedans, & y aprestitent leur manger. Les habitans de ce pays sont de bonne stature, ils sont plus blancs qu'oliuastres. Ils ont vne fosserte au meillieu de la teste, qu'ils se font en ieu nesse pour beauté. Pour porter la somme à leur mo de plus aisément, ils se rasent la moitié des cheueux de deuant: mais les autres, qui s'estiment bragards, & vaillans, rasent tout, excepté le sommet de la teste. Ils se percent le nez, les leures, & les oreilles, & s'habillent quasi à la maniere de ceuz de Mexique,

Les femmes portent des colliers, & brassulets d'or, & escarpins de mesme. Elles vont aux foires, & aux marchez, & les hommes nettoient la maison, font le feu, & autres choses, & mesme à Duraca, & à Cavioures ils filent. Ils pissent où ils veulent cōme font nos femmes par deçà, & les femmes de ce pays pissent tout debout. A Orotina les hommes vōt tous nuds, & se peignent les bras. Aucuns lient leurs cheveux derriere la teste sur le col, autres les lient en poincte au sommet. Ils lient tous leur membre par entre les fesses, tant pour le bien de la generation, ce disent-ils, que pour l'honneur, disans que c'est aux bestes brutes de le porter pendāt. Les hommes seulement portent des brayes, & les cheveux longs entrelassez en deux cordōs. Tous prēnent plusieurs femmes : mais il n'y en a qu'une legitime, qui se prend avec ceste cēsemonie. Le prestre prend l'espoux, & l'espouse par leurs petits doigts, & les meine en vne petite chambrette, où il y a vn feu allumé, & tandis qu'il dure, le prestre leur fait certaines admonitions: mais après qu'il est estaint, le mariage est consommé. Si l'espoux prend son espouse pour vierge, & qu'il la trouue corrompue, il la peur repudier : mais non autrement. Aucuns baillent leurs filles aux Caciques pour les despucceller, pensants les honorer d'avantage: ce qu'ils font aussi pour oster tout le soupçon qu'on pourroit auoir d'ailleurs. Quand les femmes ont leurs mois, les maris ne couchent point avec elles, ny aussi au temps qu'ils font leurs semailles, ou qu'ils ieusnent, en ce temps là aussi ils ne mangēt point de sel, ny de vinaigre, & ne boiēt chose, qui les puisse

enyurer. Les femmes quand elles ont leurs moys n'entrent point au Temple. Ils confinent en perpetuelle prison celuy, qui prend deux femmes legitimes avecques la ceremonie susdicte, & on donne tout son bien à la premiere femme. Si la femme commet adultere, on la repudie en luy rendant ce qu'elle apporté, & ne se peut plus marier. Quant à celuy, qui commet l'adultere, on luy donne des coups de baston: mais on ne le peut pas tuer impunément, & si n'y a que les parés de la femme, & celuy qui se veut venger des cornes qu'on luy faict, qui soient deshonoréz. Aussi vne femme qui va prendre la compaignee d'un autre, n'est point autrement recherchée de son mari, s'il l'aime bien, & n'é reçoit aucune peine ny deshonneur pour cela: mesme les maris consentent que leur femmes couchent avec d'autres en certaines festes de l'an. Deuant qu'elles soient mariees elles sont communement mauvaises: mais apres elles s'ôt bones. En plusieurs villages, qu'ils appellent Beetrie, les filles parmi les assemblees qu'on fait aux festes eslisent leurs maris entre grand nombre de iouuenceaux, avec lesquels elles banquettent toutes pesle mesle. Celuy qui force vne fille, s'il y en a plainte, est faict esclaue ou paye le dot. Si c'est un esclaue, ou seruiteur, qui couche avec la fille de son maistre, il est enterré tout vif avec elle. Ils ont des bordeaux & putains publiques qui ne coustent que dix Cacaos, qui sont come noisettes. Où ils ont de ces putains, ils lapident les sodomites: Quand les Espagnols arriuerent en ce pays, les habitans ne voulurent plus coucher avec leurs femmes, afin qu'ils n'engédraissent point des escla-



nés pour les Espagnols. Pedrarias voyât qu'en deux ans aucun enfant n'estoit venu au monde leur promet qu'ils seroient bien traictez. Ainsi ils enfantèrent comme de coustume, & ne suffoquoient plus leur part, comme ils auoiēt encommencé. Ils requirrent à leurs Idoles qu'ils chassassent les Espagnols dehors : le diable leur respondit qu'il ne les pouuoit chasser qu'en mettât la mer sur leur dos: mais qu'il failloit qu'ils demeurassent, par ce qu'é les cuidant par ce moyen chasser, il noyeroit tout le pays. Les pauvres ne demandent point pour l'amour de Dieu, & ne demandent qu'aux riches, disans, ie ne demande que par necessité ou par maladie. Celuy qui va demeurer d'une ville en l'autre, ne peut vendre ses possessions, ny les maisons qu'il a : mais les peut laisser à son plus proche parent. Ils gardent iustice en beaucoup de choses: les ministres d'icelles portent des esventuraux, & petites baguettes pour signe & marque de magistrat. Ils coupent tous les cheueux à vn larron, & demeure esclau à celuy a qui il a fait le larcin, iusques à ce qu'il ait satisfait, & le peut on vendre, & iouer: mais non pas le charger, & mettre à rançō, sans la volonté du Cacicque ou du gouverneur, & s'il est long tēps à payer, on le sacrifie. Il n'y a aucune peine establie contre celuy, qui auroit tué le Cacicque, par ce que, ce disent ils, il n'y a aucun vassal qui voulust entreprendre, ny excogiter vn si meschant acte. Il n'y aussi aucune peine cōtre ceux qui auroient tué vn esclau: mais celuy qui auroit tué vn homme libre, on doit payer vn de mesme qualité à ses enfans, ou à ses parēs. Ils ne peuuent faire aucune assemblée sans les Cacic-

ques, spécialement touchant la guerre, ou sans le capitaine de leur republique. La guerre qu'ils font avec leurs voisins, est touchant leurs limites, leur chasse, & seulement pour qui est le meilleur, & encores pour moins. Ceste facilité de se guerroyer l'un l'autre s'est étendue par toutes les Indes. Ils font aussi la guerre icy pour enlever quelques uns de leurs voisins, pour les sacrifier. Chaque Cacique en guerre, & en paix a des enseignes, & marques particulieres pour distinguer ses gens d'avec les autres. Les villes franches, & libres eslisent pour capitaine general le plus expert, & le plus habille d'entr'eux, & luy donnent puissance de commander, & chastier absolument sans appel. La peine d'un couard, est de luy oster ses armes, & le chasser du camp. Chasque soldat fait sien tout ce qu'il prend sur son ennemy, excepté les hommes, lesquels on amene en public pour estre sacrifiez, sans pouoir estre rachetez. Ils sont courageux, caults, & fins en guerre pour attraper leur ennemy. Ils ont entre eux force esprits qui s'apparoissent à eux, ainsi qu'eux mesme racomptent, en forme de chiens, & de cinges. Les vieilles ont le soing des malades, & non seulement en ce pays, mais aussi en plusieurs isles, & par toutes les Indes. Quand elles veulent faire prendre vne medecine à leur patient, elles prennent en leur bouche la decoction, & par un entonnoir la soufflent dedans la bouche du malade. Nos Espagnols se mocquent d'elles, & en se mocquans pettent quand ils les voient ainsi souffler, & leur font cent mille autres moqueries.

**I**L y a en Nicaragua cinq langages bien differens, Le premier est celuy duquel vsent les Coribiciens, qu'on loüe fort: le second s'appelle Ciorotega, qui est le naturel du pays, & l'ancien, & ceux qui en vsent ont entr'eux droit de succession, & se seruent de Cacaos, qui est leur monoye & richesse du pays. Ceux-cy sont hommes vaillants, cruels, & subiets à leurs femmes, ce que ne sont pas les autres. Le tiers est Ciondale, qui est grossier, & duquel vsent les villageois. Le quart s'appelle Oroiegua, qui est pour les petits enfans. Le quint est Mexicquain, cestuy-cy est le principal, & ceux qui en vsent ont vne conformité d'habillemens, de religion, & de langage avec les Mexicquains, encor qu'ils soient loin de la ville de Mexicque plus de 1000. mil. Ils disent que la cause de ce langage est vne grande & generale seichereffe, qui dura fort long temps à Auanac, qu'aujourd'huy on appelle nouvelle Espagne, à l'occasion de laquelle plusieurs Mexicquains sortirent de leurs pays, & vindrent par la mer Australe s'habiter à Nicaragua. Or soit comme ce soit, si est il bien certain que ceux, qui parlent ce langage Mexicquain, ont pour lettres les mesmes figures qu'ont ceux de Culhua, & ont leurs liures de peaux de mou ton, larges d'un palme, & longues de douze redoublées, & plies l'une dedans l'autre, où ils peignent des deux costez avec de l'azur, du rouge, & autre couleur les choses memorables, qui aduiennent en leur pays: & dedas tels liures estoient descrites leurs loix, & leurs ceremonies fort semblables à celles des Mexicquains, comme on pourra voir, si on confronte ces liures avec ceux de Mexicque. Mais



tous les habitans de Nicaragua n'vsent pas de telles façons de ceremonies . Car les Ciorotegas font leurs sacrifices à leurs idoles aussi differens de ceux cy , comme ils sont differens en langage , & autant des autres . Nous en reciterons quelques particularitez , qui ne sont aux autres endroits . Tous les prestres se marient, hors mis ceux, qui escoutent les pechez des autres, & commandent la penitence selon le delict , & n'oseroient reueler la confession, sur peine de chastiment . Ces prestres leur annoncent les festes, qui sont en nombre dixhuiet, & sont au commencement de leurs moys . Quand ils font leur sacrifice, ils se tiennēt deuant le temple de leurs dieux , & là on leur ameine l'hostie , laquelle ils ouurent avec vn cousteau de pierre, ou caillou. Ils aduertissent aussi combien d'hommes il faut sacrifier, si ce doiuet estre femmes, ou esclauēs prins en guerre, ou non, comme la feste se doit celebrer, & quelles prieres il faut faire , & ce qu'il conuient offrir. Le prestre, qui faict l'office, faict trois tours à l'entour de celuy qu'on veut sacrifier, chantant pesamment comme pleurant, & apres luy ouure la poitrine, luy brouille le visage avec son sang , luy arrache le cuer, & desmembre tout son corps . Il donne le cuer au prelat, les pieds, & les mains au Roy, les cuisses à celuy, qui l'a prins , les trippes aux troupes, & le reste au peuple, à fin que chacun en mange sa part . Il fiche la teste dedās certains arbres que on plante là aupres pour seruir expressement à ce mestier . En chaſque de ses arbres est escript le nom d'une des prouinces , contre laquelle ils font guerre , & ne pendent la teste du sacrifice à autre arbre

qu'à celuy, qui portera le nom de la prouince où il aura esté prins. Mais si celuy qu'on sacrifie n'est pas prins, mais acheté, ils en vsent autrement. Car ils enterrét toutes les entrailles, & parties interieures, avecques les mains, & les pieds, mettans le tout en vne coucourde ou calbasse, & bruslent le cœur, & tout le reste du corps, excepté la teste qu'il pendent à ces arbres. Plusieurs fois ils sacrifient des hommes, & enfans d'entr'eux-mesmes, quand ils sont achetez. Car il est permis au pere vendre ses enfans, & mesme vn chacun se peut vendre. Quand ils font sacrifice de tels gens, ils ne les mangent point. Ce pendant qu'ils magent la chair des sacrifiez, ils dansent & ballent, tant que leur iambes les peuuét supporter, & s'enyurent avec leur vin, & avec vne fumee qu'ils font expres. Mais deuant que s'enyurer ainsi, le prestre frotte les ioües & la bouche de l'idole du sang de l'hostie, & ce pendant les autres chantent, & le peuple en grande deuotion avec larmes fait sa priere. Ils vont puis apres en procession: les prestres portent certains accoustremens de cotton blanc, faits comme les aulbes de nos prestres, & ont plusieurs autres choses qui leur pendent depuis les espaules iusques aux talons, & au bout ont des bourses au lieu de houppes, dedäs lesquelles ils portét des rasoirs de pierre noire, des poinçons de quelque metal, des cartes, du charbó en pouldre, & certaines herbes. Quát au peuple, chacun porte des badelettes, avec l'idole qu'il aime mieux, & des petits sachets pleins de pouldre, & des poinçons. Les ieunes garçons portent des arcs, fleches, dards, & boucliers. Pour banniere ils portent l'image du diable fisches

en vne picque, le plus vieil & honorable prestre la porte. Tous les prestres vôt en rang chantans tousiours iusques au lieu de l'idolatrie: estans là arriuez, ils estendent vne couuerture, & iettent force roses, & fleurs dessus, afin que l'image du diable ne touche point à terre, puis aussi tost leur chant cesse, & font vne priere: puis le prelat frappe vn coup de sa main, au son duquel vn chacun incontinent tire de son sang, aucuns en tirent de la langue, autres des oreilles, autres de leur membre, vn chacun en tire selon sa deuotion. Ils prennent ce sang sur de la carte, ou sur leur doigt, & quand l'offerre se fait, ils pinssent avec ceste carte, ou le doigt, la face de leur image diabolicque, & ce pendant que ceste offerre dure, les ieunes garçons en l'honneur de la feste dansent, & escarmouchent l'vn cōtre l'autre. Apres vn chacun pense sa playe avec de la pouldre, des herbes ou charbon qu'ils portent pour cest effet. En quelques vnes de ces processions, ils font certaines benedictions sur du maiz, & l'arrousent avec du sang de leurs parties honteuses, & puis le distribuēt & mangent entr'eux comme nous faisons nostre pain benist.

*Quahutemalan. Chap. 107.*

**C**E pendant que Gilgonzalez d'Auille estoit au pays de Nicaragua, ainsi que i'ay recité cy dessus, le pilote André Nigno courut la coste iusque à Tecoantepec, pensant trouuer le destroit l'an mil cinq cents vingtdeux. Ferdinand Cortés enuoya incontinent apres, de la ville de Mexique, quelques vns de ses capitaines vers ceste prouince pour la conquerir, & la peupler. Cortés en eut les nouuel-  
les



les par ce moyen: Ayant en sa puissance le Roy Motecuzma, il voulut sçauoir des nouuelles de la mer de Midy, pour enuoyer ses gens peupler en ce quartier là, pensant qu'on y trouueroit de grandes richesses tant en espicerie, qu'en or, argent, & perles: mais il ne peust executer son entreprise si tost, pour l'amour du siege qu'il meit lors denant Mexicque. Mais apres qu'il eut gaigné ceste ville, & quelques autres, il commença ce qu'il auoit delibéré. Il enuoya quatre Espagnols avec des guides du pays par deux chemins vers ceste Prouince: où, estans arriuez, ils prindrent possession pour l'Empereur, & s'en retournerent amenans avec eux des habitans du pays, & apportans quelque monstre de l'or, l'argent, & autres richesses qui estoient en ce pays. Cortés feit grand' chere à ces Indiens, leur donna en contre-eschange de leur or de petites merceries, & les pria qu'ils feissent tant avec les seigneurs de leurs pays, qu'ils se feissent amys des Chrestiens, desquels à l'aduenir ils receuroient de grans biens, & qu'ils vinssent à Mexicque, ou bien qu'ils receussent humainement les Espagnols qu'il leur enuoiroit. Le seigneur de Tecoantepec fut fort ioyeux de entendre ce message, & accepta l'amitié des Chrestiens: En signe dequoy il enuoya 200. gentilshommes, & autres, avec vn present à Cortés, & à peu de temps de là, il luy enuoya demander secours contre ceux de Tututepec, disant que ceux-cy luy faisoient la guerre: par ce qu'il s'estoit fait amy des Chrestiens. Cortés y enuoya pour lors le capitaine Pierre d'Alarado avec 200. Espagnols à pied & 40. à cheual, avec deux petites pieces de cāpagne. Aluarado en-

tra à Tututepec au mois de Mars 1523, il trouua au cōmencement quelque resistance, mais il fut receu incontinent en la ville, où il eut quelque quantité d'or, d'argent, de perles, & autres meubles, & vn fils du seigneur. De là il enuoya deux Espagnols à Quahutemallan pour parler au seigneur de ce pays, & luy offrir son amitié, & la religion Chrestienne. Quand ils furent deuât le seigneur, il leur demanda s'ils venoient de la part de Malinxe, ainsi les Indies appelloient-ils Cortés, & ce mot en leur langue signifie dieu tombé du ciel, s'ils venoiēt par mer, ou par terre, & si en tout ce qu'ils diroient, ils ne parleroient qu'à la verité: ils feirent responce qu'ils disoient tousiours verité, & qu'ils estoient venus par terre à pied, & qu'ils venoient de la part de Cortés capitaine inuincible de l'Empereur du monde, homme mortel, & non Dieu: mais qu'il estoit venu en ces pays pour enseigner le chemin qui conduit à la vie immortelle. Il leur demanda de rechef si leur capitaine auoit certains grands monstres marins, qui auoient passé par ceste coste l'annee de deuât, ce que il disoit pour les vaisseaux d'André Nigno, qui auoient flotté en ce quartier. Ils respōdirent qu'ouy, & en auoit encor' de plus grands. Vn de ces deux Espagnols, qui s'appelloit Tribigno, & se mesloit de bastir des nauires, leur feit en peinture vn grand carracon avec six maz. Les Indiens furent fort estonnez de la grandeur de ce vaisseau, des voiles, des hunes, & de tout l'equippage. Il leur demanda en outre, qui estoit cause que les Espagnols estoient, si vaillans qu'aucun ne les pouuoit vaincre, encor' qu'ils ne fussent pas plus grands que les autres. Ils

respondirent, qu'ils demeueroient victorieux par l'ayde de Dieu, la loy duquel ils preschoient en ces pays, & par le moyen de certains animaux, sur lesquels ils se portoit, & figurerent incontinent vn grand cheual, & dessus vn homme armé, ce qui espuentoit tous les Indiens, qui le venoient veoir. Alors le Seigneur leur dit, qu'il estoit tres aise d'estre amy de telles gens, & qu'il leur fourniroit de 50000. soldats, pour saccager qlques Seigneurs ses voisins, qui ruinoient son pays. Là dessus ces deux Espagnols luy dirent, qu'ils le feroient entendre à Pierre d'Aluorado, qui estoit vn des Capitaines de Cortés. Ainsi ils furent depeschez, & ce Seigneur leur donna 5000. hommes chargez de biens, de cacao, de mayz, d'axi, d'oiseaux, & d'autres choses pour manger: en outre il leur donna 20000. pesans d'or en vases, & ioyaux, qui resbuyrent grandement le cueur de ces deux compagnons; & furent toutesfois cause de faire mal à l'vn d'eux. Car en ayant desrobé quelques pieces, il fut puis apres fouetté pour ce larcin; & cōdéné à ne sortir iamais de la Nouvelle Espagne. Voila cōme premieremēt fut descouuerte la prouince de Quahutemallan. Cortés ayant entendu cōme ce pays estoit peuplé, & comme il estoit riche, & qu'il auoit la mer bien à propos, pour descourir nouueaux pays, & isles, enuoya 40. Espagnols, la pl<sup>e</sup> part charpentiers, & gens de mer, pour bastir des vaisseaux à Zagatula, qui est aupres de Tututepec, autrement dict Tuantepec, & incontinent enuoya apres eux, gés pour peupler à Colima à la riuere de ceste mer. Il enuoya encor' deux autres Espagnols avec quelques vns de Mexicque, & de Xochnuxco, qui estoit



ja peuplé à Quahutemallan, pour attirer à son amitié le Roy, & les autres voisins. Tous receurent humainement les Ambassadeurs, & son amitié, & enuoyerent 200. hommes pour la confirmer avec vn present honneste. Ils faisoient pour lors la guerre contre ceux de Xochnuxco: ils sy eschaufferét d'auantage, pésans que les Chrestiens leur dōneroient secours, ou que pour le moins ils ne seroient point cōtre-eux, à raison de la nouuelle alliāce faicte ensemble. Mais voyans que les habitās de Xochnuxco estoient deuant eux en la sauuegarde des Espagnols, ils enuoyerent des Ambassadeurs par deuers les Espagnols, qui peuploient à Xochnuxco, pour se descharger de ceste guerre, disans que ce n'estoiēt point eux, qui la faisoient, mais quelques meschās, qui estoient en leur pays. Ceux de Xochnuxco se pleignirent d'autre part à Cortez, qui à ceste occasion y enuoya Pierre d'Aluorado avec 420. Espagnols, entre lesquels y auoit 160. cheuaux, quatre pieces d'artillerie, & force mercerie. Avec ses Espagnols plusieurs Gētils-hommes de Mexique y allerent, & grand nombre d'Indiens. Pierre d'Aluorado partit de Mexicque au moys de Decembre 1523. fait long chemin, conquesta par force Vlatlan, & se fait maistre par amitié de Quahutemallā au mois d'Auril 1524. De là sen alla conquerir le pays, & la coste de la mer, qui est vers Nicaragua: & estant de retour de ceste cōqueste, edifia à Quahutemallan la ville de S. Iaques, & plusieurs autres lieux. Il cōquesta de grās pays, par-ce q̄ Cortés luy enuoyoit tousiours des Espagnols frais, des cheuaux, du fer, des meubles, de la mercerie, & autres choses sēblables.

Il le fauorisoit le plus qu'il pouuoit, par-ce qu'il luy auoit promis de luy donner en mariage Sicilia Vaquez sa cousine: & le feit son Lieutenant en ceste province. Quelque temps apres, avec la volôré de Cortés, Pierre d'Aluarado vint en Espagne, où il se maria avec Damoiselle François de la Cucua, pour auoir faueur de Couos secretaire de l'Empereur, par le moyen duquel il fut fait Gouverneur de Quahutemallá, & puis feu retourna à la nouvelle Espagne, avec plusieurs de ses parens, & quelques gens de guerre. Il assembla à Mexique le plus d'hommes qu'il peut, & s'en alla à Quahutemallan, où il commença incontinent à faire nouuelles conquestes, & peupler en son nom côme Gouverneur, & Adelantado. Il feit là plusieurs choses contre les Indiens, & aussi contre les Espagnols, qui eussent bien cousté cher à vn autre.

*Declaration de ce nom Quahutemallan. Chap. 208.*

**Q**uahutemallan, que communement on appelle Guatimala, veut dire arbre pourry, par-ce que Quahu signifie arbre, & temalli pourry: encores pourra-on dire, qu'il signifie lieu d'arbres, par-cé que temi, d'où aussi ce nom peut estre composé, signifie lieu. La ville de Quahutemallá est entre deux môtagnes, qui iettét feu: l'vne n'est qu'à six mil loig de l'autre. Ceste montagne est haulte, & ronde en son circuit: elle a tout au haut vne grande ouerture, par laquelle elle iette de la flamme, de la fumee, de la cendre, & de grosses pierres. La ville très-ble fort, & souuent, à cause de ces deux montagnes. Ceste montagne fait souuent vn bruiet grand comme vn tonnerre, & iette ses flammes quelques-fois

iufques fur les couuertures. Quât au pays, il eft tref-  
 fain, fertile, riche, & a de fort belles paftures, auffi y  
 a il def-ja force beftail. Vn grain de maiz en rendra  
 100. 200. & mefmes iufques à 500. Ils le fement en la  
 campagne, laquelle ils arroufent: elle eft fort belle,  
 & plaifante pour le grâd nôbre d'arbres fruiçtiers,  
 qu'il embellifêt: elle porte le grain de maiz pl<sup>e</sup> gros  
 que ne faitçt autre pays, & la câne auffi. Ce pays por-  
 re force cacaos, qui eft vne grâde richeffe, & fert de  
 monnoye, qui a cours par toute la nouuelle Espa-  
 gne, & en plusieus autres pays. Le cotton y croift  
 en abondance. On y trouuè vn baulme excellent &  
 vne certaine liqueur, qui coulle d'une montagne,  
 comme huile: ils ont auffi de l'allun, & vne forte de  
 foudre, qui fans l'affiner autremèt fert de poudre à  
 canon. Les femmes trauaillent, & prennent grande  
 peine. Les hômes font guerriers, & fort bôs archers.  
 Ils mangent de la chair humaine, & idolarent côm-  
 me ceux de Mexicque. Cefte prouince du temps du  
 Capitaine Aluarado a' eûté tref-heureufe, mais au-  
 iourd'huy elle eft toute ruinee, & y a peu d'Espa-  
 gnols qui l'habitent: la caufe eût, fèlon l'opinion de  
 plusieus, pour auoir changé le gouuernement.

*La mort inopinée de Pierre d'Aluarado.*

*Chap. 209.*

**P**ierre d'Aluarado fe voyant pacifique de fon  
 gouuernement de Quahutemallan, & de celuy,  
 de Ciapa, qu'il auoit eu de François de Montejo  
 pour celuy de Honduras, demanda permission à  
 l'Empereur d'aller defcouvrir nouueaux pays vers  
 Quito, qui eft vne Prouince du Peru, riche, & de  
 grande efpérance, pour le grand bruit, qui pour lors



couroit de ses richesses, ou aucun Espagnol n'auoit point encor'esté. Suiuant la permission de l'Empereur il arma cinq grands vaisseaux l'an 1535. & en print encor deux autres à Nicaragua. Il mena avec soy 500. Espagnols, & plusieurs cheuaux. Il arriua au Port-vieil, où il print terre, & s'en alla par le plus droit chemin à Quito. Il endura de grád froid par le chemin, la soif, & la faim. Son arriuee fut suspecte à François Pizarre, & à Diego d'Almagro. En fin voyant la furie des vens estre par trop grande en ce pays, & les lieux par où il passoit si steriles, qu'ils ne luy pouuoient fournir d'aucune chose, de laquelle il auoit affaire, il vendit ses vaisseaux, & son artillerie 100000. castillans d'or, ainsi que plus à plein on peut veoir par l'histoire du Peru, & s'en retourna ioyeux, & riche avec vn tel tresor à Quahutemallá, ou de ces deniers, il feit faire dix ou douze nauires, vne galere, & quelques fustes à rame pour s'en aller au pays, ou on disoit qu'estoit l'espicerie, ou pour aller descouurir par la poincte des balenes, qu'autres appellét Califurnia, quelques nouuelles terres, où les Espagnols n'eussent point encor'esté. F. Marc de Nize, & autres Cordeliers entrèrent de leur bon gré en ces vaisseaux, & l'an 1538. s'en allerét au pays de Culhuacan, & flotterent vers Ponent plus de 1200. mil, & passerent plus auant q' n'auoient fait les Espagnols de Xalisco, & puis s'en reueindrent rapportans nouuelles de tous les pays par où ils auoient passé. Ils louoient grádement la richesse, & bonté de Siuola, & d'autres villes: ce qui donna gráde esperáce aux Espagnols de pouuoir bien tost s'enrichir, & en outre d'auoir ce bien de retourner

en Espagne glorieux pour auoir encores trouué de nouveaux pays au grand proffit de l'Empereur, auquel tous les Espagnols, qui font voile par toutes les Indes occidentalles, ont seulemēt esgard, & non à eux mesmes, esperans tous par-ce moyen s'agrandir, & receuoir de leur seigneur, quelque dignité, & préeminence, comme il à accoustumé de dōner largement à ceux, qui font quelque notable entreprise en ces pays de delà : & au cōtraire punist ou pour le moins faict infames ceux, qui s'y portent mal, ou demonstrent vn courage vil, & abieēt n'aimans autrement leur Prince. Suiuant le rapport de ces religieux dō Antoine de Médozze Vice-Roy de la nouvelle Espagne, & Dom Ferdinand Cortés Marquis de la Val, capitaine general de la mesme nouvelle Espagne, & chef des descouurements de la mer de Midy, voulurent aller, ou enuoyer en ces pays vne armee par terre, & par mer. Mais par la diuersité des pouuoirs, qu'ils auoient sur vne telle armee, ils ne peurent s'accorder ensemble seulement par l'aduis de ces moynes, ains s'irriterent là dessus l'vn contre l'autre, & fallut pour ce different, & autres que Cortés s'en vint en Espagne, ou il se presenta à l'Empereur, qui le receut avec signes de grand amour comme veritablemēt sa fidelité meritoit, & ses entreprises, & executions, telles, qu'aucun autre capitaine a peu faire de semblables en ces pays, où les habitās sont si dissemblables de la nation Espagnolle qu'il n'est possible de plus. Cependant le Vice-Roy enuoya vers le capitaine Pierre d'Aluorado, qui auoit vne belle armee, comme i'ay dict, pour accorder avec luy. Aluorado s'en vint avec son armee surgir

au port de Noel, ce me semble, & de là s'en vint par terre à Mexicque, ou ils s'accorda avec le Vice-Roy d'aller à Siuola, sas considerer de quelle ingratitude il vsoit par ce moyen enuers Cortés, à qui il deuoit tout ce qu'il auoit de biens, & d'honneur. Or s'en retournant de ce voyage à Mexicque, il passa par Xalisco pour appaiser quelques contrees de ce Royaume, qui s'estoient rebellees contre les Espagnols. Il arriua premierement à Ezatlan où estoit Diego Lopez de Zunigna, qui faisoit ja la guerre aux rebelles. Ils s'en allerent ensemble assaillir vne forteresse, ou s'estoient fortifiez plusieurs Indiens. Mais ils l'assaillirent si malheureusemēt, qu'ils y per dirent 30. des leurs, & furent contraincts sonner la retraicte: en se retirant ainsi hastiuement, par ce que le lieu estoit haut, & roide, & fort aspre, plusieurs cheuaux culbuterent du haut en bas. Pierre d'Aluado pour se sauuer d'un cheual, qui venoit roullāt droit à luy, se iette incōtinēt de dessus son cheual à terre, & se retire à costé ou il pēsoit estre en grande sauueté: mais ce cheual vint à rouller si roidement, que, dōnant de grand force cōtre vne grosse pierre, il la passa contre luy de telle violence qu'elle le tua. & l'emmena iusques au bas du roc, le iour de S. Iean l'an 1541. Il fut porté demi mort à Ezatlā, qui est loin de Quahutemallan 900. mil. où deux iours apres il rendit l'ēsprit, faisant les signes d'un bon Chrestien. On luy demādoit, qui luy faisoit mal, il respondoit tousiours que c'estoit l'ame. C'estoit vn hōme dispos, allegre, & grand parleur, qui est vn vice propres aux menteurs. Il gardoit peu fa foy à ses amis. & fut noté d'ingratitude, & de cruaute enuers les In



diens. Il passa aux Indes estant encor fort ieune. Plusieurs l'appelloient le commandeur par ce qu'ordinairement il portoit vn saye, & vne cappe qu'un sié oncle cheualier de S.Iacques luy auoit donné en la ville de Vadagios deuant que partir, & afin que ce nom ne fut sans effect, quand il vint en Espagne il procura d'auoir l'habit de cest ordre. Quand il fut aux Indes, il demeura premierement à l'Isle de Cuba, & puis suiuit Iean de Grialua, & apres s'en alla avec Ferdinand Cortés en la nouuelle Espagne, en la cōqueste de laquelle, & aux guerres, qui y furēt faictes il eut charge ainsi qu'on peut veoir en l'histoire de Mexique. Il fut meilleur soldat que gouuerneur. Il esponsa avec dispence du Pape les deux sœurs, qui furēt damoiselles Frāçoysse, & Beatrix de la Cueva, il n'eut aucun enfant d'elles, & les prefera à Sicilia Vasques dame treshonorable, & vertueuse, pour gaigner, comme de faict il gaigna la faueur de François de los Couos secretaire, & fauorit de l'Empereur. Peu souuent telles nopces viennent à profit. Il n'est demeuré de luy aucun patrimoine, ny autre memoire que ceste-cy. Il eut vne fille d'une Indienne, qui fut mariee à Dom François de la Cueva.

*D'un espouuentable deluge qui aduint à Quahutemallan  
qui suffoqua damoysselle Beatrix de la Cueva.*

*Chap. 210.*

**Q**Vand damoysselle Beatrix de la Cueva eut entendu la mort de son cher mary, elle comēça à se douloir amerement, ietter abondance de pleurs, faire des pleinctes grandes, & mesme proferer des parolles entre-lassées de sanglots, qui n'estoient

propres qu'à vne sottise, & non à vne femme de vertu, telle qu'on l'auoit iusques à lors estimé. Elle feit peindre de noir toute sa maison tant dehors que dedans, ne faisoit que pleurer, ne mangeoit point, dormoit encor' moins, ne vouloit receuoir consolation aucune, & si quelqu'un s'aduançoit de luy en dire quelque mot, elle respondoit que Dieu ne luy pouuoit plus enuoyer plus grád mal: qui estoit vne parolle d'une personne insensee, & vn blaspheme grád, & proferee, à ce que ie croy, sans cœur, & sans cerueau, ou iugement naturel: aussi vn chacun la trouua fort mauuaise, comme il estoit de raison. Elle feit faire les obseques, & funerailles le plus honorablement, & pompeusement qu'elle peut. Mais durant ce grand, & extreme dueil elle ne laissa point d'entrer au conseil du gouuernement, où elle se feit eslire, & confirmer par serment prins de tous les officiers, gouuernante du pays, qui fut vne follie, & presumption de femme, & chose nouuelle entre les Espagnols des Indes. Ce pendant il comença à plouuoir le iour de la nostre Dame de Septembre furieusement, & les deux iours ensuiuans, après lesquels sur les deux heures apres minuit il sort d'une de ces montaignes à feu, desquelles nous auons parlé, si grande abondance d'eau qu'avec vne impetuosité furieuse elle iette par terre plusieurs maisons de la ville, & la premiere, qui fut reuersee fut celle de l'Adelantado son mary. Au bruit & clameurs du peuple damoysselle Beatrix se leue de son liect, & pour faire ses prieres, ou pour peur qu'elle eust, elle entre dedas son oratoire avec onze de ses damoysselles, & seruantes, elle monte sur

l'autel , embrasse vne image , & se recommande à Dieu. Cependant la force de l'eau croist , & iette en terre ceste chambre, & chappelle , & engloutist Beatrix, & ses damoiselles. Ce fut vne grande fortune pour elle. Car si elle n'eust bougé de la chambre ou elle reposoit, elle ne fust pas morte , par ce qu'elle ne fut point renuersee estât bastie sur meilleur fondement. Mais on rapporta ce malheur au iugement de Dieu, pour ce qu'elle auoit dit & fait. Ce sont des secrets de nostre Dieu. Aucuns eschaperent de ceste tempeste, autres y moururent comme fait ceste dame. Le nombre des morts fut iusques à 600. il y auoit telle maison, où il en mourut quarante. Plusieurs autres maisons demeurerent saines, & debout. L'eau menoit quelques corps d'une maison en l'autre, elle estoit si forte , & si impetueuse qu'elle emportoit des pierres aussi grosses que tóneaux, & avec icelles réuersoit par terre tout ce qu'elle rencontroit. On a laissé par les ruës ces gros cailloux pour seruir de memoire à la posterité de ceste tempeste. On void parmy l'eau vne vache ayant vne corne rompue, & trainant vne corde par l'autre qui couroit contre ceux , qui alloient donner secours à la maison de Damoiselle Beatrix. Vn Espagnol, qui nonobstant s'efforçoit d'y aller, fut ietté par elle soubs l'eau , & à grand peine peut il s'eschapper de dessoubs ses pieds, & de la fange, & bourbe. Vn autre Espagnol estât cheu avec sa femme sous vne grosse traine, veid passer vn More qu'il ne cognoissoit point , il le pria d'oster de dessus luy ceste traine , & de luy aider à se leuer. Ce More luy demanda s'il estoit Morales , & l'autre luy



yant respondu qu'ouy, il leua la poutre, osta le may de là, & laissa noyer la femme, & puis s'en alla courant par l'eau, & par dedans la bourbe. On dit aussi qu'on veid, & qu'on ouyt en l'air plusieurs choses de grand espouuement, ce qui peut estre. Mais pour la peur qu'on a, on remarque bien souuent au rebours tout ce qu'on void. Plusieurs ont estimé que ce More estoit le diable, & la vache vne Augustine, femme du capitaine François Cána, fille d'une, qui pour estre rustienne & sorciere, auoit esté foiettee en la ville de Cordube. Ceste Augustine auoit ensorcelé, & fait en fin mourir à Quahutemallan Dom Pierre Porto Carrero: parce qu'estant sa femme, neantmoins il l'auoit abandonnee. Il estoit aduis à ce Pierre Porto Carrero quand il alloit à cheual, qu'il portoit tousiours en croupe vne femme, & disoit qu'il ne pouuoit chasser ce fantosme, & estant malade, il s'asseuroit qu'il guariroit si Augustine ne le voyoit. Mais elle ne le voulut iamais voir pour la grande inimitié qu'elle auoit cōceue en son cœur contre luy, ou bien pour oster le meschât bruit que elle auoit.

*Xalisco. Chap. 211.*

**D**E Tecoantepec on cōpte 3620. mil iusques au cap de Tromperie, costoyât la mer rouge. Ceste grande estendue de pays a esté descouuerte par Ferdinád Cortés, & ses capitaines en diuers temps, & à diuerses fois, excepté 600. mil que descourrit Nugno de Guzman en la coste de Xalisco. Nugno de Guzman a esté gouuerneur de Panuco, & president de Mexicque, d'où, apres qu'il fut dechassé de ceste charge, pour les plaintes qu'on faisoit de luy à

l'Empereur : il s'en alla l'an 1531. conquerir Xalisco, avec 250.cheuaux, & 500.soldats, la plus part desquels estoient souldoyez. Il passa par Mezuacan, où il print au Roy Cazoncin 10000.liures d'argẽt, grande quantité d'or, & 6000. Indiens, pour porter la somme, & seruir à son armee, & son voyage, & encor' le feit brusler avec plusieurs Indiens des principaux de sa Cour, afin qu'ils ne peüssent se plaindre. Il entra puis apres en la Prouince de Xalisco, & conquesta Centiliquipac, Ciametlan, Toualla, Cuixco, Ciamolla, Culhuacan, & autres villes, où il perdit beaucoup de ses gens, par-ce que les hommes de ce pays sont vaillans, & en grand nombre. Il combattit quelque fois contre 20000. Il appella Centiliquipac la grande Espagne, & Xelisco la nouvelle Galice, à cause que le pays estoit aspre, & rude, & les habitans belliqueux : il y bastit vne ville nommee Compostelle, afin qu'en nom elle ressemblast à celle, qui est en Espagne. Il en edifia vne autre à Toualla qu'il nomma Guadalagiara, par-ce qu'il estoit natif de celle qui s'appelle ainsi en Espagne. Il feit peupler les autres villes de saint Esprit, de la Conception, & de S.Michel, qui est à trêtequatre degrez. A Ciametlan les femmes se vestent depuis le hault iusques aux pieds, & les hommes portent des manteaux courts, & des souilliers de cuir. Ceux, qui portent la somme, la portent entre certains bastons dessus leurs espaules : & les Indiens se rebellerent vne fois, par-ce qu'on les chargeoit comme les autres, sans l'ayde de ces bastõs. Les femmes quasi par tout ce Royaume, sont disposées, & fort belles : & les hommes brusques, gaillards, & belli-

queux. Leurs armes sont semblables à ceux de Mexique. Mais les seigneurs & capitaines ne portent point d'armes à la guerre, sinon certains bastons, avec lesquels ils frappent ceux, qui ne combattent point, ou qui rompent leur ordre. Quand ils n'ont point de guerre, ils s'exercent à la chasse, & sont tresbons archers. Le pays est fertile, & riche en argent, en cire, & miel. Ils adorent les idoles, mangent chair humaine, & sont adonnez à autres meschans vices. On meit prisonnier Nugno de Guzman pour les plaintes que continuellement on faisoit de luy, à cause des torts, & griefs qu'il faisoit à vn chacun: & puis pour rendre iustice à tous, on y feit vn parlement de quatre Auditeurs à la façon de celuy, qui est en nostre Galice d'Espagne. Pierre Gomez de Malauer, fut premier Euesque de Xalisco.

*Sinola.**Chap. 212.*

**D**V cap de Tromperie, on compte 1300. mil iusques à celuy des montagnes de Neige, qui est le dernier, duquel nous ayons pour le iourd'huy connoissance. Ce pays fut descouvert par les capitaines, & pilotes du Vice-Roy Dom Antoine de Mendozzel'an 1542. Encor' aucuns dient, qu'ils coururent la coste iusques à 45. degrez, & plusieurs estiment que là nos Indes se ioignent au pays de la Sina, par lequel les Portugais ont flotté iusques à quarante degrez, & encore par delà. De ce cap à l'autre, y peut auoir, au compte des mariniers, 4000 mil. Si la coste de la nouuelle Espagne se ioignoit à la prouince de la Sina, ce seroit vne bonne chose pour le traffic, & apport de l'espicerie, & pour ceste cause on la deueroit costoyer soingneusement



pour en sçauoir la verité, encor que ce fust aus despens de nostre Roy, puis qu'il luy importe de beaucoup de sçauoir s'il est certain, ou non. Mais ie ne croy point que ceste coste se ioinne ainsi, si les autres trois parties du monde, Asie, Afrique, & Europe, sont isles, comme nous auons dit au commencement de ce liure. Ces montagnes de neiges, sont de Leuant en Ponent loin du fleuve de S. Antoine, que descouurit Estienne Gomez, 4000. mil, & à 6800. mille du cap de Labeur, par lequel j'ay commencé à mesurer les degrez des Indes. Par ceste distance on peut iuger combien est grand le pays de la nouuelle Espagne, & de la nouuelle Galice. Plusieurs religieux se pandirent de ça delà pour aller prescher, & conuertir les Indiens, qui n'auoient point encor esté subiuguez. Frere Marc de Nize, & vn autre Cordelier s'en allerent à Culhuacan, l'an 1538. De là frere Marc passa outre tout seul, par ce que son compagnon demeura malade, ayant seulement son guide, & son truchement. Il suiuoit tousiours la route du Soleil, pour n'entrer point en pays froid, & pour ne s'eslongner de la mer. Il feit en plusieurs iournees plus de 1200. mil de pays. En fin il arriua à Siuola, d'où estant retourné, il racomptoit choses merueilleuses de sept villes qu'il auoit veües en ce pays, comme il n'y auoit point de chef, que le pays se trouuoit plus peuplé d'autant qu'il s'estendoit vers l'Occident, & qu'il estoit riche en or, turquoises, & bestail de laine. Ferdinand Cortés, & Dom Antoine de Mendozze vouloient bien faire la conqueste de ce pays de Siuola, mais chacun la vouloit faire à part soy. Dom Antoine, comme Vice-roy de la nouuelle Espagne, & Cortés

& Cortés comme capitaine general, & chef des descouuremens de la mer de Midy. Sur ce different, ils rascherent de la faire ensemblement, mais se desfiants l'un de l'autre, entrerent tous deux en colere. Cortés s'en vint en Espagne, & Dó Antoine enuoya de Mexicque à Culhuacan, qui en est loing 600. mil, François Vasquez de Coronado, natif de la ville de Salamanque, avec vne bonne armee d'Espagnols, & d'Indiens, & avec 400. cheuaux. De là iusques à Siuola on compte plus de 900. mil. A faire ce long chemin, ils endurerent beaucoup: plusieurs Indiens y moururent de faim, & y perdirent quelques cheuaux. Ils rencótrèrent de belles femmes toutes nuës, encore qu'elles ayent du lin en ce pays pour pouoir faire du linge. Ils endurerét grand froid, à cause des neiges, qui durent lóguement parmi ces montagnes. Quand ils furent à Siuola, ils requirent ceux de la ville de paix, disans qu'ils n'estoient point venus vers eux pour leur mal faire, ains plustost pour leur apporter grand bien, & profit, demandans en outre des prouisions pour leur armee. Les habitans respondirent qu'ils ne vouloient rien leur donner, puis qu'ils venoient armez vers eux, côme s'ils vouoient leur faire guerre. Ainsi les nostres ne pouuás-  
ient gaigner d'eux, assaillirét la ville, qui fut par quelque espace de temps vertueusement deffendue par 300. homes, qui estoient dedans, & blessèrent Vasquez chef de l'armee, & plusieurs autres Espagnols: mais ils furét contraints quitter la place, & s'enfuir. Les nostres estans entrez dedans, la nommerent Granade, pour l'amour du Vice-roy, qui estoit natif de la ville de Granade en Espagne. Siuola est vne

ville, qui cōtient enuiron 200. maisons, qui sont faites de terre, & de bois, & sont hautes de quatre ou cinq estages. Ils font leurs portes, cōme les conuercles des nauires, par lesquels on charge la marchandise. Ils y montent avec des eschelles de bois, qu'ils tirent de nuit apres eux, & en tēps de guerre. Chacque maison a deuant soy vne grotte, ou ils demeurent l'hyuer cōme en des estuues. L'hyuer est long en ce pays, & fort subiet aux neiges, encore qu'il ne soit de l'Equinoxial qu'à 37. degrez & demy. Si ce n'estoient les montagnes, il seroit de mesme temperature qu'est Seuille en Espagne. Les sept villes renommées, que frere Marc disoit estre en l'espace de 20. mil, pouuoient auoir 400. personnes: les richesses de ce Royaume qu'il exaltoit si fort, sont de n'auoir que manger, ne de quoy se vestir, encor' que la neige y dure sept mois. Pour tous habillemens, ils portent certaines mantilles faites de peaux de connils, de lieures, & de cheureuls: ils n'ont point de cotton pour en faire d'autre sorte: ils portent des souliers de cuir, & l'hyuer ils portent des housseaux, qui leur vōt iusques au genoil. Les femmes sont vestues depuis la ceinture iusques au genoil: elles entrelasent en cordons leurs cheueux, & les tournēt à l'entour de leur teste par dessus les oreilles. Le pays est sablōneux, & rapporte peu: ie croy que ce n'est que par la paresse des habitans. Car le maiz y vient en quelque endroit que vous le voudrez semer, les coucourdes aussi, & autres fruiçts y viennent bien, & y peut-on esleuer, & nourrir la poulaille, ce que on ne scauroit faire en tous les autres lieux.



Les soldats voyans ce pays si peu habité, & la richesse si petite, ne rendirent pas grands grâces à ces Moynes, qui le leur auoient loué si fort: & pour ne retourner à Mexicque les mains vuydes, & sans faire quelque chose, ils prindrēt resolution de passer outre, par-ce qu'on leur disoit que le pays estoit meilleur. Ainsi ils s'en allerent à Acuco, qui est vn lieu haut, & fort: & de là Dom Garzia Lopez de Cardenas s'en alla avec sa compagnie de cheual vers la mer, & François Vasquez avec le reste s'en alla à Tiguez, qui est situé sur vn grand fleuve. Ils eurent là nouuelles d'Axa, & de Quiuira, où on disoit qu'il y auoit vn Roy nommé Tatarrax, homme barbu, blanc & riche, qui portoit à son costé vn bracmart, qui faisoit ses prieres en vne petite chapelle, qui adoroit vne croix, & vne image de la Roynie du Ciel. Toute l'armee fut grandement resiouye de ceste nouuelle, encor' que quelques vns la réputoient fauce, & ne la tenoient que pour parole de Moynes. Ils delibererent d'y aller avec intention d'y hyuerner en ce pays si riche, comme on disoit. Les Indiens en vne nuit se retirerent tous, & mourut en trente cheuaux, ce qui donna grād' peur à toute l'armee. En passant leur chemin, ils bruslerēt vne ville, & en assaillirent vne autre, où les habitâs tuèrent quelques Espagnols, blecesserēt 50. cheuaux. & allerent dedans la ville François d'Ouando blecé, & mort, pour le manger, ou le sacrifier, ainsi qu'on en faisoit, ou possible pour mieux veoir quels hommes estoient les Espagnols: car en tout ce pays, il ne se trouue aucun signe qui puisse monstrer qu'ils feroient sacrifice d'hommes. Noz gens meirent le

siege deuant ceste ville: mais ils ne la peurent prendre que 45. iours apres. Les habitans à faulte d'eau beuuoiēt la neige, & se voyans perduz, firent vn grand feu, dedans lequel ils iettèrent leurs manteaux, leurs turquoises, & leurs richesses, afin que l'estranger n'en iouist point, & puis pour se faire chemin à force, sortirent en bataillon quarré, ayans mis au milieu les femmes, & petits enfans: mais peu eschapperent le trenchant de l'espee, & la furie des cheuaux: d'auantage plusieurs se noyerent dedans vn fleue, qui estoit là aupres, estans pressés de trop pres. En ceste meslee y eust sept Espagnols tuez, & 80. blecez, & plusieurs cheuaux. Par là on peut veoir quel est le courage, & la deliberation humaine en necessité. De ceste deffaicte de ces pauures gens, plusieurs se retirerent encor' dedans la ville, & se deffendirent vaillamment, iusques à ce que les Espagnols y meirent le feu. Le fleue qui estoit aupres de ceste ville, se gela si fort, encor' qu'il ne soit qu'à 37. degrez de l'Equinoxial, que les hommes passoient par dessus à cheual. La neige dure en ce pays demy an. Il y a icy de bōs melons, du cotto blanc, & rouge, duquel ils font des manteaux plus amples, qu'en pas vn autre endroict des Indes. De Tiguez, noz gens s'en allerent en quatre iournees Cicuic, qui est vn lieu petit, & à 12. mil de là: ils rencontrerent vne nouuelle espee de vaches fieres, cruelles, desquelles ils en tuerent la premiere iournee 80. qui firent grand bien à toute l'armée. De Cicuic firent selon leur compte, enuiron 900. mil iusques à Quinira, passans par grandes plaines, sablons si steriles, & si vniz qu'on n'y pouuoit p

trouuer vne pierre, ny herbe, ny arbre, & noz gens ne faisoient leurs mont-oyes que des bouzes de ces vaches, au lieu de pierre, ne pouuans autrement remarquer leur chemin pour ne se perdre point au retour. & dès l'entree de ces plaines, ils perdirent trois cheuaux, & vn Espagnol, comme ils s'estoient escartez à costé pour chasser. Toutes ces plaines sont couuertes de ces vaches bossues, comme est la Serene en Espagne pleine de moutons: mais il n'y a icy personne à les garder. Elles seruirent de grand remede contre la faim, qui les pressoit, n'ayans plus de pain. Vn iour il cheut force pierres du ciel, qui estoient grosses comme citrôs, ce qui estonna bien les nostres, qui se meirent à pleurer, & gemir profondement, faisant chacun quelque vœu pour eschapper de tel fleau de Dieu. En fin, ils arriuerent à Quiuira, & trouuerent Tatarraz qu'ils cherchoient: c'estoit vn homme tout blanc, & tout nud, ayant à son col vn ioyau de bronzé pèdu, c'estoit sa richesse. Les Espagnols ayans veu la mocquerie de la richesse qu'on leur auoit donné à entendre, s'en retournerent incontinct à Tiguez, sans veoir la croix, ny aucuns autres vestiges de religion Chrestienne, desquels on leur auoit parlé, & puis arriuerent à Mexique au moys de Mars, l'an 1542. François Vaquez cheut de dessus son cheual à Tiguez, & du coup qu'il se donna contre la teste deuint fol, & insensé: aucuns en furent bien marris, autres n'en faisoient que rire, & mesme en parler mal, disans que ce n'estoit qu'une feintise pour ne point peupler, ny s'arrester d'auantage en ceste ville. Quiuira est à 40. degrez, & est vn pays temperé, garny de bonnes



cauës, & enrichy de grands pasturages. On y trouue des prunes, des meures, des noix, des melons, des raisins, qui viennent à maturité. Il n'y a point de coton, & pour ceste cause ne se vestent que de peaux de vaches, & de cheureaux. Noz gens virent de sur la coste de la mer des nauires, qui auoient les verges d'or, & les prouës argentées, chargées de marchandises; on pensoit qu'elles fussent de Catay, ou de la Sina, par-ce que ceux de dedàs faisoient signe d'auoir ja flotté par l'espace de trente iours. Frere Iean de Padille demeura à Tiguez avec vn autre Cordelier, & s'en retourna à Quiuira avec autres douze Indiens de Mechuacan: vn André d'Ocampo Portugays, iardinier de François de Solis, s'en alla aussi avec luy. Il mena avec soy du bestail, des bestes cheualines avec prouisions pour viure, des moutons, & des poules d'Espagne, & feit porter des ornemens à dire la Messe. Mais les Quiuiriens tuerēt ces pauvres moynes, & le Portugais eschappa avec quelques autres de Mechuacan: encor' qu'il se fust lors deliuré de la mort, si ne peult-il eschapper sa captiuité: car il fut aussi tost prins, & faict esclau: mais à dix mois de là, il il s'enfuit avec des chiens. Il faisoit le signe de la croix avec vne croix de boys, qu'il portoit en la main, à tous ceux qu'il rencōtroit. Ne faisant autre signe, il eut ce bon heur qu'on le receuoit humainemēt par tout, & luy donnoit-on l'aumosne, & le couchoit-on. Il vit au pays de Cicimecas, & de là à Panuco. Quand il arriua à Mexique, il portoit les cheueux tort longs, & la barbe luy estoit toute grisonnette. Il racōptoit des choses estranges de ce pays, des fleues, & des mon-

ragues, par où il auoit passé. Dom Antoine de Médozze fut fort deplaisant de ce que ses gens estoient reuenuz sans faire autre chose, par ce qu'il auoit despendu plus de 60000. pesans d'or à ceste entreprinse, sans veoir aucune monstre ny d'or, ny d'argent, ny d'autre richesse. Plusieurs voulurent bien demeurer par delà: mais François Vasquez de Coronado, qui estoit ja riche, & nouuellement marié avec vne fort belle femme, ne voulut point, leur remontrant qu'ils ne pourroient s'entretenir, ny se deffendre en vn si pauvre pays, & estans si loin de secours. Ils feirent en ce voyage plus de 3000. mil.

*Des vaches bossues, qui sont à Quivira. Chap. 214.*

**T**Out ce qui est depuis Cicuic, iusques à Quivira, est vn pays plat sans arbre, & sans pierre, peu habité, & encore ceux, qui l'habitent, sont tous pauvres gens. Les hommes se vestent, & chaussent de cuir, & les femmes prennent grand peine à faire venir leur cheueux si longs, qu'elles en puissent couvrir leurs testes, & leurs parties honteuses. Ils n'ont aucun grain pour faire du pain, leur principale nourriture est chair, & si la mangent crue, ou par vscan- ce, ou par faute de boys. Ils mangent la graisse toute telle qu'ils la tirent de la vache, ou du bœuf, & en boient le sang chault, & si ne meurent point: nonobstant que les anciens ayent escript qu'il faisoit mourir la personne, comme il feit Empedocles & autres. Ils le boient aussi tout froid detrempé en eau. Ils ne cuisent point leur chair à faute de pot: mais ils la rotissent quelquesfois, ou pour mieux dire, ils l'eschauffent seulement à la flamme, ou brasier qu'ils fût avec leurs bouzes de vaches, qu'ils trou-

uent toutes seches parmy les champs. Quand ils prennent leur repas, ils maschent peu, mais deuorent. Ils prennent la chair avec les dets, & la departissent avec des cousteaux de caillou, qui est vne bestialité, & vilannie grande: mais telle est leur façon de viure. Ils sont tousiours par troupes, & changent de lieu, comme les Arabes de Barbarie, suiuaus la temperature du temps, & les pasteurs pour leurs bœufs. Ces bœufs sont de la grandeur, & couleur des nostres, mais ils n'ont pas les cornes si grossés: ils ont vne grosse bosse sur l'eschine pres des deux espaulles, & ont depuis le millieu du corps le poil plus long deuant que derriere, & si ce poil est laine: ils ont le long de l'eschine des longs crins comme les cheuaux. & ont les iambes, depuis le genoil iusques à bas, couuertes de poil long & espaiz, il leur pend d'entre les cornes de grands floquets de poil, & les iugeriez estre barbu, pour les lōgs crins qui leur pendent dessous la gorge. Les masses ont la queuë fort longue, avec vn grand floquet au bout, de façon qu'ils ressemblent en quelque chose au lyō, & au chameau. Ils combattēt avec la corne, ils courent fort, ils se ioindront bien avec vn cheual, & le tueront, quand ils sont prouoquez, & se mettēt en furie. En somme, c'est vne beste treslaide, & d'un regard cruel: les cheuaux n'en veulēt approcher pour leur vilain regard, ou bien pour n'en auoir iamais veuz. Leurs maistres n'ont point d'autres richesses, ny autre patrimoine. Ces bestes leur seruent pour mager, pour boire, pour se vestir, pour se chauffer, & pour faire plusieurs autres choses. Ils font de leurs peaux leurs maisōs, leurs souliers, vestemēs &



Cordes : des os ils font des poinçons : des nerfs ils font du fillet : de la corne ils font des trompes : des vessies, ils en font des vases : des bouzes ils font du feu : & des peaux des veaux ils s'en seruēt pour porter, & garder leur eau dedans, comme on porte par deçà l'huylle d'oliue en peaux de cheures : En somme, ils font de ces bestes tout ce dequoy ils ont besoin. Il y a encor'en ce pays autres animaux grāds comme cheuaux, qui portent corne, & laine fine, ils les appellēt Chastrez, & disent que chascue corne peze deux arroue, qui est vn poix d'Espagne, qui font 25. liures, en comptant 16. onces pour liure. On veoid encor'en ce pays de grands mastins, qui sont si hardis qu'ils cōbattent contre vu taureau. Quand les habitās de ce pays vont à la chasse, ou qu'ils chāgēt de demeure, ils font porter à ces mastins pesant deux arroue.

*Du pain des Indiens.*

*Chap. 215.*

**L**A commune prouision de tous les hommes du monde est le pain, & n'est pas commun pour estre de meilleur enterrien, & de meilleure nourriture : mais par ce qu'il nourrist plus, & à cause qu'il est plus facile à auoir, & à garder, combien qu'aucuns soient d'opinion contraire, parce qu'on veoid des hommes viure seulement de pain, & d'eau. Mais ie dis que c'est aussi vne chose certaine qu'ils viuroient ne mangeans que de la chair, s'ils l'auoient accoustumé, & mesme ne mangeans que des herbes, ou de fruit. Car nostre estomach, & nostre nature se contenteroit de peu de chose, si nous voulions ne manger rien que par necessité, & non par friandise : toute viande peut soustenir la

personne, meſme le laiët ſeul. On appelle icy proprement pain celuy, qui ſe faiët de grain mollu, ou concaſſé, & puis ſe paſtrift, & veut eſtre cuiët : ils appellent auſſi pain celuy, qui ſe faiët de racines, de racleures d'arbres, & de poiſſons ſecs. En Europe on mange generalmente du pain de bled, en quelques endroiëts toutesfois ils font leur pain d'eſpeaultre, & de mil, & meſme de chaſteigne. La plus grand part d'Aſricque mäge du pain de riz, & d'orge, ce qui monſtre clairement que pluſieurs hommes vivent ſans manger bled. Meſme ils n'auoient aucun bled en toutes les Indes, qui eſt vn autre mode: c'eſtoit vne defaillance grande, ſi nous voulons iuger leur naturel au noſtre. Mais ils n'ont aperceu, ny n'aperçoient encor' entr'eux tel defaut, ſe ſuſtentans auſſi bien de leur pain de maiz, comme nous faiſons du noſtre bled. Quant à leur maiz, i'en deſcriray la façon : Ils beſchent la terre avec des paelles de bois, à faute de beſtes pour labourer leur champs. Ils ſement leur maiz, comme nous faiſons les febues: ils le font tremper quelques iours deuant: & en mettent quatre grains pour le moins en chaſque trou: d'vn grain ſort ſeulement vn tuyau, ou cāne, & la canne rapporte deux, ou trois eſpics, & chaſque eſpic rend 100. 200. quelquefois 400. grains, il s'en eſt trouué tel, qui en a rendu 600. La canne croiſt à la hauteur de l'homme, & plus, & eſt groſſe, & iette ſes fueilles comme nos cannes, qui viennent aux maraiz: mais elles ſont plus larges, plus longues, plus verdes, & plus douces. L'eſpic eſt comme vne pomme de pin ſauuage: le grain eſt gros, & n'eſt pas ſi rond que pois, ny ſi long

comme nostre grain , aussi n'est-il pas quarré . Il se meurist en quatre moys , & en aucuns pays en trois . Au pays , où le terroir s'arrouse par le moyé des petits ruisseaux , qui y passent , il meurist en vn moys & demy : mais il n'est pas si bõ que l'autre . En plusieurs contrees on le seme deux & trois fois l'an , en quelques lieux il rend 300. & 500. pour vn . Les Indiens mangent l'espice cuict en lait au lieu de fruit : ils le magent encores apres estre esgrené , crud , cuict , & rosty , qui est la meilleure façon . Ils mangent aussi le grain sec , & rosty : mais en quelque façon que vous le voudrez prendre , il est dur à mascher , & gaste les genciuës , & les dents . Pour le manger en pain , ils le font bouillir premierement le grain en eauë , & puis l'essuyent , & le font seicher quelque peu , apres ils le broyent , & le paistrissent , & le font cuire sous la cendre , le couvrans de feuilles : car ils n'ont point d'autres fours : ou bien le font rostir sur le brasier . Autres ne le font point bouillir , mais le concassent entre deux pierres , comme nous faisons la moustarde , par ce qu'ils n'ont point d'autres moullins . Mais ceste façon est fort penible , à cause que le grain est dur : aussi ce pain apporte vn grand traual cõtinuel : car il faut cuire tous les iours , par ce que ce pain ne se garde pas comme le nostre . Il s'endurcist incontinent : & quãd il est dur , il perd sa saueur : il se moisist en trois iours , & mesme se pourrist . Les femmes ont la charge de le faire . Il gaste fort les dents , & pour ceste cause , ils prennent grãd peine à les tenir nettes . La farine de maiz corrige l'eau corrompue , & luy fait perdre son mauuais goust , & sa puante odeur : & pour ceste cause , on en porte aujourdhuy sur la



mer. Ce pain est de tresgrande substance, & encor' dict-on qu'il ressaie plus, & soustient mieux la personne que ne fait nostre pain: car nous auons veu les hommes s'entretenir en bon point ne mangeans que du maiz & de l'axi, mesme les cheuaux ne mangeans que du maiz verd, & trauaillans iournellement n'amaigrissoient point comme ils font par deça au trauail. On fait encor du breuueage avec du maiz, qui est fort ordinaire aux Indes. En somme, le maiz est fort bone chose, & les Indiens, ainsi que i'ay entendu d'eux, ne le voudroient laisser pour nostre grain: les raisons qu'ils dient sont grandes, & sont telles, qu'ils sont ja accoustumez à ce pain, & qu'ils s'en trouuent bien, que le maiz leur fert de pain, & de vin, qu'il multiplie plus que le bled, qu'il ne craint point beaucoup de hasards, qui aduiennent à nostre bled, comme l'eau, le soleil, les oiseaux, & les bestes: qu'il se sème avec moins de trauail. Car vn homme seul en semera, & cueillera plus que ne fera vn homme & deux bestes de nostre bled. Les Indiens ont encor vne autre sorte de pain qu'ils font avec certaines racines, qu'ils appellent en la lague de l'Isle Espagnolle, Yuca, & Ayes, desquelles nous auons parlé en autre lieu.

*De la couleur des Indiens. Chap. 216.*

**V**Ne des merueilles, desquelles Dieu a vsé en la composition de l'homme, est la couleur, tellement que nous sommes ravis en grande admiration, & en contemplation pareille, voyans deuant nous vn homme blanc, & vn autre noir, qui sont deux couleurs entierement contraires d'entre toute les autres, comme vn chascū peut veoir s'il met

vne chose rouge entre blanc, & noir. Et autant que ces couleurs sont esmerueillables pour leur cōtrariété, & difference, d'autant sont elles aussi dignes d'estre exactement considerées l'une apres l'autre, pour la difference, qui sort mesme d'une chacune, comme par degrez. Car nous voyons les hommes blancs auoir plusieurs sortes de blancheur, & rousseaux plusieurs sortes de rouffeur: nous voyons aussi des noirs de plusieurs façons. Des blancs, aucuns tirent sur le roux, autres sur le blond: des noirs semblablement, aucuns tirent sur la couleur de cendre, autres sur le brun, autres sont oliuastres, & autres tirent sur le poil de lyon, comme nos Indiens, lesquels en general sont lionasses, ou de couleur de pomes de coings cuites, ou de chastaigne. Ceste couleur leur est naturelle, & non accidentale, pour estre tousiours nuds, comme plusieurs ont creu. Je pense bié toutesfois, que cela y ayde vn peu. Comme donc les hommes sont en Europe communement blâcs, & en Africque noirs, ainsi sont ils en nos Indes communement lionasses, où ils s'esmerueillent de veoir des homes blâcs, ou noirs, autant que nous faisons d'en veoir de leur couleur, ou de noirs. C'est encor vne chose grandement remarquable, qu'en Seuille les hommes sont blancs, au cap de Bonne-esperance noirs, & au fleuve de l'Argent chastaigniers, & neantmoins sont tous à mesme distance de l'Equinoxial. De mesme, ceux qui en Afrique, & en Asie, vivent sous la Zone torride, sont noirs, toutesfois ceux de Mexicque, d'Yucatan, de Quahutemallan, de Nicaragua, de Panama, de Saint Dominique, de Paria, du cap de Saint Augustin, de Lima, de

Quito, & d'autres villes, & pays du Peru, qui sont sous la mesme Zone, & mesme sous l'Equinoxial, ne sont point noirs. Il s'est trouué seulement certains Negres à Careca, quand Vasco Nugnez de Valuoá descourrit la mer de Midy. Suyuât ces considerations, aucuns ont opinion que ces couleurs viennent par la composition & nature des hommes, & non à cause du pays. Et toutefois nous sommes tous descendus d'Adam, & Eve, qui n'auoient point rât de couleurs: ce qui me fait cōclure, que nous ne sçauons point la cause, qui a meu Dieu d'ainsi nous diuersifier, & que nous pouuons bien penser seulement, mais non pas exprimer, & demonstrer au doigt la toute-puissance de Dieu, & sa sapience, qui est cachee sous ceste variété de couleurs, desquelles il a voulu peindre l'homme. Il y a encor' vne autre chose à noter en ces Indes, c'est qu'on dit, qu'on n'y a point vëu de rousseaux, & bien peu de personnes chauues, qui est vn subiect pour les Philosophes, qui voudront recercher les secrets de nature, & esplucher les nouueantez de ce nouueau monde, & les complexions de l'homme.

*De la liberte des Indiens.*

*Chap. 217.*

**A**V commencement les Rois Catholiques laissoient en liberte tous les Indiens: les soldats toutesfois, & ceux qui estoient enuoyez pour peupler, se seruoient d'eux, comme d'esclaves, pour labourer, pour traualler aux mines, pour porter la somme, pour suivre les armées, & faire tout ce que la guerre requeroit. Mais l'an 1504. les Caribes furent abandonnez pour esclaves, pour leurs pechez de sodomie, d'idolatrie, & à cause qu'ils ne sabste-



noient de manger les hommes. Et combien que ceste permission ne comprint point tous les Indiens, mais seulement les Caribes, apres qu'ils eurent tué des Espagnols à Cumana, & saccagé, & ruiné deux monasteres, qui estoient là, l'un des Iacobins, & l'autre des Cordeliers, ainsi que nous auôs escrit en son lieu: si est-ce que par tout on les prenoit pour esclaves, sans aucune peine, ny chastiment: parce que Thomas Ortiz Iacobin, & autres moynes de son ordre, & les Cordeliers aussi conseilloyent la seruitude des Indiens: & pour persuader qu'ils ne meritoient point estre en liberté, il presenta au cōseil des Indes, où pour lors presidoit F. Garzia Loayza confesseur de l'Empereur, vn papier plein de ses raisons & feit vn long discours de la vie de nos Indiens, la substance duquel estoit telle: Les habitans de la terre ferme des Indes mangent chair humaine, & sont addonnez au peché de sodomie plus qu'aucune autre nation: il n'y a iustice aucune entr'eux: ils sont tous nuds, n'ont aucun amour à persōne, sōt du tout eshontez, sont comme bestes, ignorās, sots, insensez, ne se souciās de se tuer eux mēmes, ny les autres: ils ne tiennent cōpte de verité, si ce n'est pour leur profit: ils sont inconstans, ne sauent que c'est que cōseil: ils sont ingrats, & aimans toutes nouuelletez: ils estimēt l'yurōgnerie, & pour cest effet font plusieurs sortes de bruuages avec des herbes, fruits, racines, & du grain, & s'enyurent de la fumee qu'ils font expres de certaines herbes, qui leur oste toute cōgnoissance: ils sont vrayes bestes brutes pour leurs vices, n'ayans aucune obeissance, ny courtoisie entr'eux, comme les ieunes enuers les vieils, les enfans enuers

leurs peres : ils ne sont capables d'aucune doctrine, ny mesme de recevoir aucun chastiment : ils sont traistres, cruels, & vindicatifs, ne pardônans iamais : ils sont tresapres ennemis de religion, larrons, menteurs, de petit ingement, & de peu de chose : ils ne gardét aucune foy, ny n'ont aucun ordre entre eux, les maris ne gardent loyauté à leurs femmes, ny les femmes à leurs maris : ils sont forciers, deuineurs, & negromanciens : ils sont couiards & timides comme lieures, sales comme pourceaux : ils mangent poux, areignes, & verds cruds, ainsi qu'ils les trouvent : ils n'ont aucune contenance, ny façon d'hôme. Quand on leur veut apprendre ce qui concerne nostre sainte foy, ils disent que c'est pour Espagne, & non pour eux, & qu'ils ne veulent chāger leurs Dieux, & leurs coustumes à des estrangeres : ils sont sans barbe, & si quelque poil leur vient au menton, ils l'arrachent incontinent : ils n'vsent d'aucune pieté enuers les malades, & encor' qu'ils soient leurs voisins, & parens : ils les abandonnent toutesfois à l'heure de la mort : on les porte au haut d'une montagne pour les faire mourir là, leur laissant seulement vn peu de pain, & d'eau. Tant plus ils croissent, & tant plus deuiennent ils meschans : iusques à dix, ou douze ans, ils semblent tels qu'on doie auoir quelque bonne esperance d'eux : mais croissans plus fort, ils deuiennent comme bestes brutes. En somme, ie dis que Dieu iamais ne crea nation que ceste-cy, plus confite en tous vices, sans auoir aucune chose de bon, ou de police, & honnesteté meslee parmy. Qu'un chacun maintenant iuge de quoy pourra seruir vne souche si meschante comme nous auons dit : nous auons

auons cogneu tout cecy d'eux par experience, spécialement frere Pierre de Cordube nostre pere, de la main duquel est l'escriit que ie vous ay presenté: & nous l'auons practiqué plusieurs fois ensemble, avec plusieurs autres choses que ie te tais: voila le discours de ce Iacobin. Frere Garzia de Loaysa adiousta grâde foy à frere Thomas Ortiz, & aux autres moines de son ordre. Pour ceste cause l'Empereur, avec la deliberation de son conseil des Indes, declara que les Indiens seroient esclaves, par vne ordonnance faite à Madril, l'an mil cinq cens vingteinq. Depuis les Iacobins changerent d'opinion, reprenâs en leurs chaires, & escolles, la seruitude des Indiens. Là dessus, il fallut l'an mil cinq cens trente vn informer de nouveau sur telle matière. F. Roderic Minaye procura grandement la liberté des Indiens, & fait expedier vne bulle du Pape Paul troisieme, par laquelle il declaroit que les Indiens estoient hommes, & non bestes, & partant libres, & non esclaves. Frere Barthelemy de la Case insista fort sur ceste liberté: & lors l'Empereur commanda au docteur Figueroe de s'informer plus à plein des religieux, gens de sçauoir, & des gouuerneurs, qui auoient esté aux Indes, qui pour ceste heure estoient à la Cour ce qui leur en sembloit. Par l'opinion de ceux-cy, & par plusieurs autres bonnes raisons, qui meurent les treize (qui feirent les ordonnances des Indes, desquelles nous auons parlé en autre lieu) de estre de semblable aduis, l'Empereur meit les Indies en liberté, commandant sous griesues peines que aucun n'eust à les tenir esclaves. Depuis ceste ordonnance c'est tousiours obseruee, & entretenue iusques



à auourd'huy. Ce fut vne loy tresainte, & conue-  
nable à vn Empereur tresclement. C'est plus grand  
gloire à vn Roy d'establir de bonnes loix, que vain-  
cre, & mettre en routte des grandes armées. C'est v-  
ne chose iuste que les hommes qui naissent libres,  
ne soient point esclaués d'autres personnes, mesme-  
ment quand ils sortent hors de la captiuité du dia-  
ble, par le saint Baptisme, encores que la seruitude  
leur aduienne pour la coulpe, & pour la peine de  
leur peché, selon qu'ont déclaré les saints docteurs  
Augustin, & Chrysostome, comme certainement ie  
croy que Dieu n'a enuoyé à ces pauures malheureux  
ceste seruitude & trauail, que pour punitiō de leurs  
meschancetez. Car ie pense que Cam n'a point tant  
peché contre son pere Noë, que ces Indiens ont of-  
fencé Dieu: aussi ie croy qu'ils sont descédus de luy,  
& ont esté ses successeurs en la maledictiō que Dieu  
luy donna.

*Du conseil des Indes.*

*Chap. 218.*

**Q**Vand les Indes furent trouuees, & la terre fer-  
me commença à se descourir, on cogneut bié  
incontinent que c'estoit vn affaire de grande im-  
portance, encor' qu'elle ne fut tant comme elle est  
du iourd'huy. Les Rois de glorieuse memoire Dom  
Ferdinand, & dame Isabelle, qui estoient trespru-  
dens en matiere de gouuerner, tascherent à ne met-  
tre les affaires, & questions, qui venoiét de ces nou-  
ueaux pays, en autres mains que de personnes de  
bonne conscience, & sur lesquels ils se fioient que  
bien, & diligemment ils expedieroient tout ce,  
qui s'offriroit à eux. Mais ceux-cy ne faisoient pas

encores vn Parlement. Celuy, qui gouernoit pour lors toutes les affaires d'Espagne, s'appelloit Iean Rodériguez de Fonseca, iceluy commença aussi à entendre sur le faict des Indes: il estoit Doyen de la ville de Seuille, & à la fin fut Euesque de Burgos, & eut esté Archeuesque de Toledé, sil n'eust esté miserable. Ferdinád de Vega Seigneur de Grajales, & grand Commâdeur de Castille, qui manioit tout le Royaume, eut longuement la superintendence des affaires des Indes: Mercure Catinara grâd Chancelier l'eut aussi: & Monsieur de Nassau, qui estoit de la chambré de l'Empereur, & le docteur François de Vargas thresorier general de Castille, & autres grands personnages de lettres, & de sçauoir. Mais pour le maniemēt de ces affaires, les personnes n'estoient point asséurées, & y en auoit tous les iours de nouueaux, tel qu'il plaisoit au Roy de nōmer, ou à ceux, qui gouernoient, & toutesfois il estoit necessaire pour l'importāce des affaires, qu'ils fussent asséurez, & residens. Pour ceste cause, l'Empereur Dom Charles nostre Seigneur & Roy, erigea l'an 1524 vn conseil Royal des Indes, pour depescher les causes, grâces, & toutes autres affaires, qui viēdroiēt de ceste part, auec vn seel, & greffé, suiuant la forme des autres sieges, & Parlemēs, où il y a vn seul. Il feit Presidēt de ce cōseil frere Garzia de Loaysa, q estoit general de l'ordre des Iacobins, & l'auoit pris pour son cōfesseur. Iceluy mourut Cardinal, & Archeuesque de Seuille, grâd Inquisiteur, commissaire general de la Cruciade, & President des Indes, encor que (quand il fut recherché suiuant la coustume obseruee contre les Officiers d'Espagne) quelques vns

ne luy voulussent faire quitter ceste charge. Les Auditeurs de ce Parlement, furent l'Euesque de Canarie, le docteur Bertrand, le docteur Maldonado, & Pierre Martir Milannois. En l'absence du Cardinal qui s'en alla à Rome, on mit en son lieu Dom Garzia Manriche Comte d'Osorne, Presidēt du conseil des ordres des Cheualiers, & eut ceste charge par l'espace de quatre ans, tant que l'autre fut absent. Le secretaire François de los Couos grand Commandeur de Leon, eut le secretariat des Indes, avec grandissimes proffits. Ce seroit vne chose trop longue de reciter tous les Auditeurs, & les personnes, qui ont euz le maniement des affaires des Indes. Je diray seulement, qu'ils ont esté personnaiges singuliers en leurs estats. Apres la mort de Loaysa on feist Presidēt Dom Louys Hortado de Mendozze, Marquis de Mondejar, qui auoit esté Vice-Roy en Grenade, & au Royaume de Nauarre, Cheualier tresuertueux, & qui auoit en soy toutes les qualitez requises en vne personne genereuse: c'estoit vn homme prudēt, & aduisé en affaire de guerre, & d'estat. Les Auditeurs du iourd'huy sont le docteur Gregoire Lopez, le docteur François Tello de Sandoual, le docteur Hernand Perez Belon, le docteur Gonzalle Perez de Ribadeneire, le docteur Garzia de Biruiesque, & le docteur Dom Iean Sariment: Le docteur Martin d'Agrede est procureur fiscal. Ce sont tous Seigneurs graues, qui veritablement meritent tels offices, & la charge de gouverner les Indes, aussi sont elles gouuernées par bon iugemēt & grande prudence. Le secretaire est Iean de Samano Cheualier de Sainct Iacques, homme prudent,



& de faciende. Il y a encor' aux Indes plusieurs autres Parlements, & gouverneurs, mais cestuy-cy est le supreme, & reçoit les appels de tous les autres es cas, où l'appel est permis. A Saint Dominique y a vn Parlement, & en l'Isle du Cuba y a vn Gouverneur, ce sont les deux plus grandes Isles, & les principales. Il y a encores vn autre Parlemēt pour toute la nouvelle Espagne à Mexicque, où preside le Vice-Roy d'icelle, nommé Dom Louys de Velasco. La nouvelle Galice a aussi vn autre Parlement de quatre grands Preuosts. Les prouinces de Guatimala, & de Nicaragua en ont aussi chacune vn, & le nouveau Royaume de Grenade vn autre. Il y en a vn en la ville des Roys, qui est souuerain pour toutes les prouinces du Peru, où est aujourd'huy Vice-Roy Dom Antoine Mendozze, qui deuāt estoit Vice-Roy de la nouvelle Espagne. Il y a aussi d'autres Gouverneurs en plusieurs lieux, cōme à Boriquen, à Panama, Carthagena, & à Venezuela. Outre ces Gouverneurs, il y a encores des Adelantados, qui gouvernent comme generaux, comme est François de Môtejo, à Yucatan. Et pour iuges ordinaires, & subalternes y a en chasque ville des Preuosts, & des Correcteurs, qui sont mis pour les Vice-Roys selō l'estendue de leurs Gouvernements. Les Euesques ont aussi iustice, en ce qui concerne l'estat Ecclesiastique. Ils sont desja plusieurs. Saint Dominique est Archeuesché: & a pour ses suffragans, les Euesques de Cuba, Boriquen, des Hondures, de Panama, Carthagena, & de Sainte Marthe. Mexicque est Archeuesché, & a sous luy les Euesques de Xalisco, Mechuacan, Guaxaca, Talasca, Guatimala, &

de Nicaragua. La ville des Roys au Peru est aussi Archeuesché, & a pour suffragans les Euesques de Cuzco, Quito, & de Ciarcas. Le Roy d'Espagne est patron de toutes les Archeueschez, Eueschez, dignitez, benefices des Indes, & ainsi luy seul en porueoit & y presente, de façon qu'il est Seigneur absolu des Indes, qui contiennent vn pays si grand, comme nous auons déclaré, ce qui me faict affermer, & dire en pure verité, que le Roy d'Espagne est le plus grand Seigneur du monde.

*Vn dire de Senecque, touchant le nouveau monde, qui semble vne Prophetie. Chap. 219.*

**D**ire ce qui doit aduenir deuant qu'il aduienne, c'est deuiner, & appelle-on diuination ce qui aduient de faict apres qu'il a esté predict. Plusieurs fois ceux, qui disent quelque chose deuinent par conjectures, ou par sciéce, ou par raison naturelle: mais ceux, qui parlent par reuelation, & par l'esprit de Dieu sont Prophetes, ausquels i'adiouste foy en tout ce qu'ils ont escrit: mais ie ne croy aucunemét aux autres, & aussi n'y faut-il croire pour quelques apparences, semblans, raisons, & demonstrations qu'ils ayét, encore que ce soit vne chose esmerueillable, côme aucunes fois ils deuinent: mais comme on dit, qui parle beaucoup, en quelque chose diuine. I'ay faict ce petit discours en consideration de ce qu'a dict le Poëte Senecque en sa tragedie de Medce, touchant ce nouveau monde, que nous appelons les Indes. Car il me semble, que ce descouurement respond de poinct en poinct à son dire: & que noz Espagnols, & Christofle Colomb, l'ont practiqué au vray. Voicy ce que dict Senecque.

*D'icy à long temps nos enfans verront  
Des ans s'approcher, ou veoir ils pourront  
Le grand Ocean ouürir tout d'un coup,  
Ce qui cachoit son secret à beaucoup.  
Alors la terre abondamment croîtra,  
Et de Thyphis nouveau pays naîtra.  
Alors Thylé dernière ne sera.  
Et plus le monde ne terminera.*

*De l'Isle que Platon appelle Atlantide. Chap. 220.*

**P**laton en ses Dialogues de Timee, & de Critias recite qu'anciennement il y eut en la mer Atlantique, & Ocean de grands pays, & vne Isle nommée Atlantide plus grande qu'Afrique, & Asie, asseurant que ces terres estoient véritablement fermes, & de grande estendue, & que les Roys de ceste Isle auoient dominé sur la plus grand part d'Afrique, & d'Europe, mais que par vn grand tremblement, & par pluyes continuelles ceste Isle s'estoit noyée, & que les hommes auoient esté tous engloutiz : & qu'il n'en estoit resté qu'un grand marécage, où à cause de la bourbe, & fange on ne pouuoit plus nauiguer. Aucuns tiennent cecy pour fable, plusieurs autres l'estiment estre vne histoire tresuéritable. Proclus mesme, selon que recite Marcilius, le confirme par certaines histoires qu'il allegue des Ethiopiens, composées par vn, qu'il nome Marcellus. Mais au iour d'huy il ne faut plus disputer, ny douter de ceste Isle Atlantide, puisque le descouurement, & la conquête de nos Indes esclaireissent entierement ce que Platon à escrit. Les Mexiquains mesme appellent l'eau Atle, qui est vn mot, qui respond au nom de ceste



isle Atlâtide. Ainsi nous pouuons dire que nos Indes sont l'Isle, & terre ferme de Platon, & non les Hesperides, ny Ofir, ny Tarsis, comme aucuns modernes ont voulu interpreter. Car les Hesperides sont les isles du cap Verd, & les Gorgones, d'où Hannon Carthaginois apporta des cinges, encores qu'on en puisse faire quelque doute pour la nauigation de 40. iours qu'y met Solin. L'isle de Cuba, ou de Hayti, ou bien quelques autres Isles des Indes peuuent estre celles, qui furent trouuees par les Carthaginois, qui puis apres defendirent à leurs citoyens d'y aller, ainsi qu'escrit Aristote, ou Theophraste es merueilles de nature. Quant à Ofir, & Tharsis on ne sçait où ils sont, encore que plusieurs personages doctes, comme dict Sainct Augustin, se soient efforcez de les chercher, & trouuer. Saint Hierosme, qui entendoit fort bien la langue Hebraïque dict en beaucoup de lieux sur les Prophetes que Tharsis veut dire mer, & ainsi quād le Prophete Ionas s'enfuit à Tharsis, il interprete qu'il s'en fuit sur la mer: car elle à plusieurs chemins pour fuir & celuy qui fuit sur icelles ne laisse aucun vestige, ny marquée apres soy. Ce ne fut point aussi à nos Indes où les armées de Salomon feirent voile: car pour y aller il falloit sortant de la mer rouge tourner les prouës vers Ponent, & non vers Leuant comme ils feirent: ioint aussi qu'il n'y à point en ces pays de Licornes, d'Elephans, de diamans, ny des autres choses qu'ils apportarent de ceste nauigation.

*Le chemin pour aller aux Indes.*

*Chap.*

221.

**P**uisque nous auons remarque la situation des Indes, il est conuenable de descrire le chemin pour y aller, tant pour rendre cest œuvre parfait, que pour contenter les lecteurs spécialement ceux, qui sont d'estrange pays, & qui en ont bien peu de cognoissance. Ceux donc, qui veulent voyager aux Indes, partent du port de S. Lucar de Barrameda, qui est à l'emboucheure du fleuue de Guadalquivir, à 37. degrez de l'Equinoxial, & en huit, ou douze iours arriuent en vne des Isles de Canaries, qui sont à 27. degrez, & à 1000. mil d'Espagne, comptant iusques à celle de Fer qui est la plus occidentale. De là coustumierement on arriue à l'Isle de saint Dominique qui est en loing 4000. mil, en trente iours. En passant ils touchent, où voient la premiere Isle des Desirees, ou quelque vne des autres, qui sont en grád nombre sous ce parallele. De S. Dominique, qui est l'abord general pour l'aller, on fait 2400. mil pour aller à la nouuelle Espagne, ou 1400. quãd on veult aller à Yucatan, & aux Hódures. Ceux, qui vót au nom de Dieu, n'en font que 1000, ou que 600. pour entrer à sainte Marthe, d'où on prend son chemin pour aller au nouveau Royaume de Granade. Ceux qui veulent aller à Cubagua, où on pèche les perles, prennent leurs chemin des Isle Desiree à main gauche. Pour tirer au fleuue de Maragnon, où à celuy de l'Argët, où au destroit de Magellã, qui est 16000. mil loing d'Espagne, ou aux Isles du cap Verd, q̃ sont à quatorze, & quinze degrez, & à 2000. mil loing du destroit de Gibaltar, prénent vn autre chemin des les Canaries, & recognoissent la terre ferme des Indes

au cap de S. Augustin, ou non loing de là. Selon le côpre des pillotes il y a depuis le cap Verd iusques à celui de S. Augustin 2000. mil. Si on veult aller au Peru, il faut prédre port de S. Dominique au Nom de Dieu, & de là aller par terre iusques à Panama, qui est sur l'autre mer à 50. mil seulement, & de là il fault prendre vn autre vaisseau, & attendre le temps commode: car on ne peut pas tousiours flotter sur ceste mer de Midy. Mais quand ce vient au retour, il fault que tous, s'ils ne se veulent perdre, viennent surgir au port d'Hauana en l'Isle de Cuba, qui est sous le tropicque de Cancer, & de là tirent vers la Tramontane pour s'aider du vent. Ils ont accoustumé en passant toucher la Vermude, qui est vne Isle deserte, & depeuplee, sans mesme aucuns Satyres, qu'aucuns auoient voulu controuuer. Ceste Isle est à 33. degrez, d'icelle ils passent par les Azores, & en fin retournent en Espagne d'où ils estoient partis. Quand ils reuiennent il font 1200. mil de chemin, voire aucunes fois 1600. mil plus qu'ils n'auoient fait à aller: ce qu'ils font pour plus grande seurété, & mesme pour vne promptitude plus legiere. Toute ceste nauigation aux Indes tant à l'allee qu'au retour est tres seure, par ce que la mer est fort ample, & large, combien qu'il y ayt bien peu qui en reuiennent sans conter des fortunes qui leur sont aduenues. Le plus dangereux passage, qui soit à aller, est le goulfe de las Yegas, qui est entre les Isles de Canaries, & Espagne: pour le retour le canal de Cahama, qui est pres de la Floride, est aussi d'agereux. Aucun hōme s'il n'est Espagnol ne peult passer aux Indes sans la permission du Roy: & tous



les Espagnols, qui y veulent aller, se doiuent faire enregistrer en la maison de la negociatiō des Indes, qui est en la ville de Seuille, avec tous leurs biens, & marchandises, qu'ils veulent transporter, sur peine de les perdre, & mesme au retour doiuent venir en la mesme maison se monstrier, sur la mesme peine quelque temps qu'il face, mais ils desbarquent en quelque port d'Espagne qu'ils veulent.

*La conqueste des Isles de Canarie. Chap. 222.*

**A**Raison que les Isles de Canarie sont au chemin, qui est pour aller aux Indes, & qu'il n'y a pas long tēps qu'elles sont acquises, il ne sera point hors de propos d'escrire, qui est celuy, qui les a subiuguees. Ces Isles ont tousiours esté fort cogneües, & louees, ainsi qu'il appert par les Autheurs, tant Grecs, Latins, Africains, qu'autres Gentils. Mais quant à moy, ie ne sçache point qu'elles ayent esté aux Chrestiens, deuant que d'estre conquises par les Espagnols. Dom Pierre Roy d'Aragó quatriesme du nom racompte en son histoire, que Dom Louys, nepueu de Iean de la Zerde, qui s'appelloit Prince de la Fortune, par la faueur à ce que ie pense, du Pape Clement 6. François, vint l'an 1344. luy demander secours, pour conquerir les Isles perduës de Canarie. Peut estre qu'alors les Maiorquains y allerent: car les Canariens se vantent de les auoir vne fois vaincuz, & en auoir fait vne grande boucherie, comme ils les estoient venuz chercher, & auoir prins en leur armee vne Image antique, qu'ils ont encor'. Les premiers Espagnols, qui commencerent à les subiuguer furent les Seuillians, & Biscains l'an 1393. Ils feirent

ensemble vne armee de mer, en laquelle mesme ils auoient des cheuaux, & feirent voile droict vers ces Isles. Ce fut le troisieme an du regne de Dom Henry 3. selon que recite son histoire. Mais on ne sçauroit dire aux despens de qui ils y allerent, encor qu'il semble que ce fust aux leurs. On sçait aussi peu si ce fut par le commandement du Roy, ou de leur propre mouuement. Mais iefçay pour certain qu'ils chocquerēt avec ceux de l'Isle de Lāzarote, & qu'ils eurent de riche butin, & qu'ils amenèrent en Espagne le Roy, & la Roynne de ceste Isle prisonniers, & 170. autres personnes, avec grande quantité de peaux de cheure, de cire, & autres choses riches. & prisees pour ce temps là. Depuis le Roy Henry les donna à certains gentils-hommes pour les conquerir pour eux, retenant seulement la souueraineté, & recognoissance. Entre autres Iean de Ventacourt ou Betancourt gentil-homme François en estoit vn, qui par la supplication de Robin de Bracamont Admiral de France son parent, eut l'an 1417. luy seul toute la conqueste de ces isles avec tiltre de Roy. Pour subiuguer son Royaume il vendit tout son bien qu'il auoit en France, & equippa quelques vaisseaux, & s'en alla aux Canaries menāt avec soy bon nombre d'Espagnols parmi ses François, & pour Euesque de toutes les Isles qu'il subiugueroit il mena vn moyne nommé Mende pour endoctriner, & conuertir, suivant le commandement du Pape Martin cinquieme, les habitans, qui estoient encore Gentils. Il se feit incontinent maistre des Isles de Lanzarote, de Fortuentura, de Gomere, & de celle de Fer, qui sont

les plus petites. Aucuns disent, qu'il print aussi celle de Palme. Mais il fut chassé de la grande Canarie, où les habitans auoient mis 10000. hommes en armes. Ainsi il se retira à Lanzarote, & y feit bastir vn chasteau de Pierre, où il faisoit sa demeure, & commença là à peupler, à regner, & gouverner les autres Isles qu'il auoit subiuguées. Il enuoyoit en France, & en Espagne des Esclaves, de la cire, du cuir, du suif, de l'orseille, du sang de Dragon, des figues, & autres choses, desquelles il faisoit de grands deniers. Au bruiet, qui couroit de la richesse de ces Isles, ou pour acquerir honneur, en conquerant l'Isle de Tenerisé, qu'on appelle l'Isle d'Enfer, & la grád' Canarie, qui se deffendoit tousiours courageusement, l'Infant de Portugal Dom Henry demanda la conqueste d'icelles au Roy de Castille Dom Iean second, qui ne luy voulut donner. Mais son pere le Roy Dom Iean de Portugal l'obtint du Pape: & l'an mil quatre cens vingt cinq, y enuoya Ferdinand de Castro avec vne armee. Les Canariens se defendirent vaillamment: il print toutesfois Madere, & quelques autres. Les Roys Dom Iean, Dom Edoüard, & l'Infant Dom Henry poursuivirent ceste guerre. Mais en fin, il se meut vn different sur ces Isles, qui fut discuté deuant le Pape Eugene 4. Venezien, estant pour lors à Rome, pour la sollicitation de ce faict, le docteur Louys Aluárez de Paz. Le Pape adingea la conqueste, & la conuersion de ces Isles au Roy de Castille Dom Iean 2. l'an mil quatre cens trente-vn. Ainsi la contention, qui estoit entre les Roys de Castille, & de Portugal, touchant ces Isles fut terminee. Or



retournant à Iean de Ventacourt, ie dis que quand il mourut, il laissa la seigneurie des quatre Isles, que il auoit cōquises, à vn sien parent nommé Menaut. Cestuy-cy continuant le gouuernement de ces isles, comme l'auoit commēcé Ventacourt, eut quelque debat, & fascherie avecque l'Euesque frere Mende, qui par despit escriuit au Roy comme les habitans de ces Isles estoient mal affectionnez enuers Menaut pour les mauuais traitemens qu'il leur faisoit, & qu'ils desiroient grandement estre ses subiets, & que mesme il en monstroient desia quelque chose. Le Roy suyuant les lettres de cest Euesque y enuoya avec trois nauires Pierre barbe des Champs, avec charge de se saisir de ces Isles en son nom. Ce Pierre estoit homme riche, cault, & rusé, & qui scauoit comme il falloit entretenir Menaut de paroles, & de fait, si d'auenture il falloit venir aux mains. En somme ils s'accorderent ensemble, & Menaut laissa, & vendit ces Isles à Pierre Barbe, qui depuis les vendit à Ferdinand Peraza gentil-homme de Seuille. Autres disent que Ventacourt les vedit à Dom Iean Alphonse Comte de Nieble, qui depuis les changea contre quelques petites villes, & bourgades qu'auoit Ferdinand Peraza son serui-  
 teur: Or soit que ce soit, si est-il donc pour le moins certain que Peraza les eut, & qu'il feit guerre pour subiuguer les autres Isles, durant lesquelles il perdit son fils vnique Guillaume Peraza en l'Isle de Palme, il s'appelloit Roy de Canarie. Il donna en mariage sa fille aisnee damoyse Agnes à Diego de Hetrera frere du Marechal d'Empudie. Ferdinand Peraza mourant, laissa ses heritiers Diego

d'Herrera, & dame Agnes Peraza, qui se faisoient appeller Rois, ce qu'ils ne deuoient pas faire. Ils tra-uallierent assez pour conquerir les Isles de Canarie, & Tenerifé, & de Palme; mais iamais ne peurent. Ils laisserent cinq enfans, Pierre Garzia d'Herrera, Ferdinand Peraza, Sanzio d'Herrera, dame Marie d'Ayala, maricee en Portugal avec Dom Diego de Selue, Comte de Portalegre, & vne autre, qui fut maricee avec Pierre Fernandez de Sajauedre fils du Marechal de Zahara. Pour lors le Roy Dom Ferdinand, & dame Isabelle nouuellement heritiers du Royaume de Castille, estans à Seuille, l'an 1478. & ayans entendu que Diego de Herrera ne pouuoit venir à bout des Canariens, enuoyerent Iean de Rejon, & Pierre d'Algane, avec vne armee pour se saisir de la grand Canarie. Ces deux capitaines allans executer leur charge, se prindrent de paroles, & Rejon tua Pierre d'Algane. Mais la vengeance ne fut pas longue à venir: car incontinent apres Ferdinand Peraza fils de Diego d'Herrera tua Rejon, la mort duquel apporta grand dommage à Herrera. Car le Roy Ferdinand poursuiuant ceste guerre, eut depuis mauuaise volonté contre Diego, de ce qu'il se faisoit appeller Roy sans l'estre. D'autre part Diego esmeut vn proces deuant le Pape contre Ferdinand, voulant qu'il laissast ceste conqueste des Canaries, ou bien qu'il en fust chef, disant que c'estoit à luy à qui elle appartenoit, & à sa femme aussi, par le don qu'en auoit fait le Roy Dom Iean, à Iean de Ventacourr, duquel ils estoient successeurs, & qu'il estoit en possession de ceste conqueste, laquelle iusques à l'heure presente il auoit exercee &

continuée avec grand frais sans y auoir esparagné le  
 sang de ses freres, parens, & amys. Il y eut sur ce dif-  
 ferent plusieurs demandes, & responcez proposees  
 de part, & d'autre, & mises par escrit par gens do-  
 ctes. Mais apres il se feit vn accord, par lequel le  
 Roy donna à Diego d'Herrera 15000. ducats con-  
 tans pour les despens, & frais par luy faits, & l'isle  
 de Gomere, & celle de Fer en tiltre de Comté, à la  
 charge que luy, & sa femme renonceroient à tout  
 le droict qu'ils pretendoient aux autres Isles. Apres  
 que cest accord fut conclud, & arresté entr'eux, le  
 Roy Ferdinand enuiron l'an 1480. enuoya en ces  
 isles Pierre de Vere avec vne armee. Il fut trois ans  
 à subiuguer la grand Canarie, par ce qu'elle se de-  
 fendoit tousiours vertueusement, & y eust. encor'  
 esté d'auantage, & possible n'en eust sceu venir à  
 bout, si Guauarteme Roy naturel de Galdar ne luy  
 eust donné secours pour defaire Doramas, homme  
 de basse condition, mais qui par sa vaillantise, & in-  
 dustrie festoit fait Roy de Telde. Mais l'vn voulant  
 defaire l'autre, se defeit aussi par mesme moyen. Il y  
 eut beaucoup de Canariens renommez pour ceste  
 guerre: entre autres Iean de Gado, qui ainsi fut nom-  
 mé quand il se feit Chrestien, & vn Mauinigra, qui  
 fut vaillant par dessus tous. Cestuy estant vne fois  
 reprins par vn autre de ce qu'il auoit peur, par vne  
 subtile respóse cacha sa peur, disant la chair verita-  
 blement me tremble, mais c'est pour le danger ou  
 le grand courage que i'ay la veut mettre. Avec ces  
 deux-cy on remarque encor vn nommé Alphonse  
 de Lugo, vaillant soldar, & capitaine. Pierre de Vere  
 conquesta puis apres l'isle de Palme, & Tenerife, de  
 laquelle



laquelle il fut Adelantado, l'an 1494. Depuis ces isles de Canarie ont tousiours esté possedees paisiblement par les Rois de Castille, ausquels le Pape Innocent 8. donna la presentation de l'Euesché, benefices, & dignitez, qui sont en icelles, l'an 1486.

*Costumes des Canariens.*

*Chap. 223.*

**L**Es isles de Canarie sont sept, c'est assauoir, Lanzarote, Forteventura, Canarie, Tenerifé, Gomere, Palme, & Fer. Elles sont à la file l'une apres l'autre de Leuant en Ponent, situees à vingtsept degrez & demy de l'Equinoxial, & sont 60. mil loing du cap de Boiador, qui est en Afrique, & 800. mil d'Espagne, ne comptant que iusques à Lanzarote, qui est la premiere de toutes. Les anciens autheurs les ont nommees Fortunees, & heureuses, les estimans tressaines, & si abondantes de routes choses necessaires à la vie humaine, que les hommes viuoient en icelles longuement sans trauailler aucunement, ny de corps ny d'esprit. Solin toutefois, quand il en parle, il diminue fort le bruit de leur bonté & fertilité, & son dire conuient mieux à ce qu'on y voit pour le present. Outre ces sept isles ils recitent qu'il en fut veüe encor vne quelque temps vers la partie de Septentrion, qui doibt estre celle que Ptolomee appelle inaccessible. Plusieurs l'ont recherchee avec grand soing & diligence, faisans voguer sur mer en cest endroit quatre carauelles toutes de front, & aucunes fois sept, mais iamais personne ne l'a peu rencôtrer, & ne sçait-on ce qu'ils veulent dire. L'isle de Canarie est ronde, & la meilleure de toutes.

A l'endroit, où elle est fertile, elle est au possible, & ou elle est sterile, elle l'est aussi entierement: & encor ce, qui est bon, est petit, & bien trempé, & arrousé d'eaux. Pierre de Vere n'y trouua point les chiens que disoit le Roy Iuba, encor qu'on die que elle ait prins son nom de là. Aucuns pensent, qu'on l'ait appellee Canarie, & les habitans Canariens: parce qu'ils mangeoient comme chiens, beaucoup, & tout crud. Car vn Canarien mangeoit vingt connils en vn repas, ou vn grand bouc, qui est d'avantage. Tenerifé qui doit estre la Niuarria des Anciens, est faite en triangle, c'est la plus grande, & la mieux fournie de grain. Il y a en icelle vne montagne, que on appelle le Pico de Teyda, qui est la chose la plus haute de quoy ayent cognoissance tous les mariniens. Ceste montagne est verte au pied, & au milieu est tousiours couverte de neige, & la cime est toute rase, & iettant des fumees. L'isle de Fer est la Pluitiua, selon l'opinion de plusieurs. En icelle il n'y a, & n'y tombe autre eau que celle, qui distille d'un arbre, quand il est couuert d'une nuee, & est ainsi couuert tous les matins, qui est vne chose fort estrange, & vn secret de nature tres-admirable. Tous les habitans de ces Isles n'auoient point d'autres maisons que des grottes, & des ramees. La grotte du Roy de Galdat, estoit taillee dedans vne roche vitue, & estoit toute lambrissée d'aiz de pin, qui est vn bois fort bon, & de longue duree. Ils se tenoient nuds, ou s'ils se vestoient, ce n'estoit que avec deux peaux de cheure velues. Ils soingnoient la peau avec du suif pour l'endurcir, meslans le suif avec du ius de certaines herbes. Ils ne mangeoient que de

l'orge à faute d'autre grain. Ils mangeoient la chair crüe à faute de feu, ainsi qu'eux-mêmes confessoient: Mais ie ne croy point qu'ils en eussent faute estant vne chose si necessaire, & si vtile pour la vie de l'homme, & si facile à auoir & garder. Ils n'auoient point aussi de fer, qui estoit encor' vn autre grand defect, & pour labourer leurs terres, ils vsoient de cornes au lieu de fer. Chasque isle auoit son langage particulier, & l'vne n'entendoit point l'autre. Ils estoient courageux en la guerre, & pensifs, mais en temps de paix, ils estoient tout dissoluz. Ils vsoient d'arbalestres de bois, de dards, & iauelots, qui auoient vne corne au lieu de fer. Ils iettoient vne pierre avec la main aussi seurement, & aussi droit, qu'on scauroit tirer d'vn trait avec vne arbalestre. Ils ne faisoient gueres leurs escarmouches que de nuict, pour tromper leurs ennemis. Ils se peindoient de diuerses couleurs, quand ils alloient à la guerre, ou à la feste. Ils se marioient avec plusieurs femmes, & les Seigneurs, & Capitaines tant pour honneur que par tyrannie, qu'ils auoient vsurpee, despuceioient premierement la fiancée. Ils adoroient des idoles, & chacun adoroit ce qu'il vouloit. Le diable pour estre pere d'idolatrie, s'adrescoit souuentefois à eux. Aucuns se precipitoient du hault d'vne montagne nommee Ayatirma iusques en bas, & se faisoient mourir au choix du Seigneur, avec grande pompe & solennité, & avec grande affluence du peuple, pensans par cela acquerir vn honneur pour soy, & conseruer ses biens aux siens. Ils baignoient les corps morts dedans la mer, & puis les ayans faiet secher à



l'ombre, les lyoient de petites bandes estroites faictes de peau de lieure, & par ce moyen s'endurcissoient, & duroient ainsi longuement sans se corrompre. Je m'esmerueille de ce qu'estés si pres des Africains, ils estoient neantmoins differents de coustumes, d'habillemés, de couleur, & de religion. Quant au langage, ie ne sçay s'ils en estoient differés, pour le moins ces mots Gomere, Telde, & autres semblables sont du Royaume de Fez, & de Benamarin. Quant à ce qu'ils n'auoient point de feu, ny de fer, ny lettres, ny aucunes bestes pour porter la somme, cela monstre bien qu'aucuns Chrestiens ne les estoient allez veoir deuant Ventacourt, & noz Espagnols. Depuis qu'ils ont esté annexez au Royaume d'Espagne, ils ont esté Chrestiens, & se sont vestuz à l'Espagnole. Ils viennent en cause d'appel plaider en Espagne: Ils ont plus grande abondance de sucre, qu'ils n'auoient au parauant, ce qui a enrichy grandement leur pays, entre autres choses qu'ils ont depuis eues. Ilz ont des poires, qui profitent si fort en l'Isle de Palme, que chacune pèse de seize à trente onces. Il y a deux choses, qui par le mode annoblissent ces Isles, les oyseaux nommez Canariens, tant estimez pour leur doux, & plaisant chant, qui ne se trouuent en aucun autre pays: l'autre est le bal Canarien si gentil, & si artificiel.

*Louanges des Espagnols.*

*Chap. 224.*

**N**Oz Espagnols ont descouuert, cheminé, conuert, & conquis en 60. ans tout ce pays, & nouveau monde que i'ay décrit. Iamais Roy, ny nation aucune n'en subiugua tât en si peu de temps: aussi n'y a il peuple, qui merite tant de louange par

tout le monde, comme font noz Espagnols, soit pour les armes, soit pour la nauigation, soit pour la predication du saint Euangile, & pour la conuersion des idolatres. Benoist & loué soit Dieu, qui leur a donné tant de puissance, & tant de grace. C'est vne tresgrande louange, & vne gloire nonpareille à noz Roys, & à noz Espagnols d'auoir imprimé au cœur des Indiens nostre croyance, & les auoir fait adorer, & croire vn seul Dieu, vne foy, & vn baptesme, de leur auoir osté l'idolatrie, les sacrifices humains, la sodomie, la coustume de manger chair humaine, & autres grands & énormes pechez que nostre Dieu tout puissant a en horreur, & lesquels il chastie. Ils leur ont encore osté la multitude de femmes, qui est vne vieille vsance & delictation entre les hommes charnels. Ils leurs ont montré les lettres, qui est vne chose si necessaire aux hommes, que sans icelles ils sont cōme vrayes bestes. Ils leurs ont semblablement enseigné plusieurs bonnes coustumes, arts, & police pour passer plus honestement, & plus à l'aise ceste vie: lesquelles choses, mesme l'vne d'icelles, vault, sans point de doute, beaucoup plus que leurs plumes, perles, or, & argent, que noz gens leurs ont osté: mesmement à cause, qu'ils ne se seruoient point de ces metaux en aucune monnoye, qui est leur propre vsage, il est bien vray, que c'eust esté encor' mieux fait, de ne leur auoir rien osté de leurs biens, & de se contenter de celuy qu'on a depuis tiré des mines, & du creux de leurs sepultures, & de dedās les fleuves, qui mōte à plus de soixante millions d'or, sans les perles & esmeraudes qu'on a tiré de la mer, & de terre,

laquelle somme est sans comparaison plus grande beaucoup que celle qu'on a prise sur eux. Mais le plus grand mal qu'on leur a fait, c'est de les auoir fait trop trauailler aux mines, & à la pesche des perles, & à porter les sommes. Et là dessus i'ose bien dire, que tous ceux, quelque couleur qu'ils ayent, qui ont fait mourir les Indiens par vn tel trauail, qui ont esté plusieurs, & quasi tous, ont finy malheureusement. Mais quant au reste, il me semble, que Dieu a voulu par tel moyen chastier leurs pechez énormes: Et en faisant fin à cest œuvre, nous le priérons qu'il nous vueille donner la grace de finir nostre vie en son saint seruice.

*Fin de l'histoire generale des Indes.*





# TABLE DES PRINCIPAVX

## NOMS, SERMONS, ET CHOSES

plus remarquables, contenues en  
ceste histoire generale  
des Indes.

*a* signifie la premiere page, *b* la seconde.

**A**ge des Indies  
137.b  
Abenamaquey,  
Cacique. 87.a  
Abebeiba fleuve. 86.b  
Abebeiba cacique. 87.a  
Abraibe cacique. 87.a  
Abrigo pointe. 138.b  
Acuzamilisle. 66.b. 70.b  
Aethiopie dicte Indie. 25.b  
Afrique cedee au Portugais  
par l'Espagnol. 161.b  
Acuco fort. 338.b  
Aqueigana Cacique. 55.b  
Almagro comence la guerre  
contre Pizarre. 207.b  
Almagro fait prisonnier Al  
phonse d'Aluvarado. 212.a

Almagro & Pizarre se  
voient ensemble. 213.a  
Almagro ne veut aucun ac-  
cord. 212. 213.a  
Almagro condamné à mou-  
rir. 217.b  
Almagro fils de prestre.  
219.a  
Almagro s'accorde avec Pi-  
zarre. 214.b  
Almagro perd la bataille des  
Salines, & est prins. 217.  
b.  
Almagro & Pizarre enne-  
mis cōme deuant. 215.a.b  
Almagro commence à se plain-  
dre de Pizarre. 174.b  
Almagro & Ferdinand Pi-  
zarre se font ennemis

# T A B L E.

mortels.	174.a	taine.	77.b
Almagro entreprend contre		Alphonse de Castille faisant	
Pizarre.	204.a	miracles.	61.a
Almagro enuoie cõtre Pier-		Alphonse de Mendozze a-	
re d'Aluarado.	200.b	bandonne Gõzalle.	285.a
Almagro va au pays de Chi-		Alphonse d'Aluarado s'op-	
li.	205.a.b	pose a Diego d'Almagro.	
Almansor Roy de Tidore.			228.b
153.b		Alphonse Mäso premier E-	
Alphonse de Quintauil le		uesque de Boriquen.	56.b
grand Tresorier.	21.a	Alphonse de Hoieda Capi-	
Alphõse d'Aluarado hors		taine.	106.a
de prison.	213.b	Alphonse de Hoieda.	73.b
Alphõse de Mendozze ca-		Alvaro Nugnez Cabeza	
pitaine renommé.	270.a	capitaine.	137.a
Alphonse d'Ogeda Capitai-		Amazones.	220.a
ne.	24.a	Amazones faulses.	134.b
Alphonse Roy de Portugal.		Ambroese d'Alfinger capi-	
161.b		taine Alemand.	112.b
Alphonse Roy de Portugal		Americ Vespuce pilote.	
entreprend le descouure-		164.a	
ment des espics.	166.a.b	Americ Vespuce.	136.a
Alphonse d'Aluarado def-		Amcrie Vespuce Florentin.	
faict les Indiens rebelles.		135.b	
214.b		Andes montagnes.	208.b
Alphonse de Hoieda capi-		André de Cerezede.	73.a
taine.	107.a.b	Antéville.	59.a
Alphonse de Lugo gouver-		Antequas.	8.a
neur de S. Marthe.	107.a	Antipodes.	7.a.8.b
Alphonse de Hoieda de def-		Antipodes des vns, & des	
pit se rend Cordelier.	79.b	autres.	7.8.a
Alphonse de Hoieda capi-		Antique ville mal saine &	

# T A B L E.

depeuplee. 81.b.100.b  
 Antoine de Mendozze en-  
 uoye descourir les espi-  
 ceries. 164.a  
 Antoine de la Garma Syn-  
 dic de la Castille de l'Or.  
 100.b  
 S. Antoine, port. 65.b  
 Aplacen, ville. 59.a  
 Aragnees des Indes. 124.b  
 Aranata beste de chaffe.  
 123.a  
 Arbre merueilleusement gros.  
 86.87.a  
 Archeuesque premier des  
 Indes. 46.a  
 Areca fruct qui fait les dents  
 & la bouche rouges. 150.b  
 Arcyos chansons. 39.a  
 Argent, port en Espagnolle.  
 29.b  
 Argent, fleuve. 136.a  
 Armees de l'Empereur aux  
 Molucques. 162.163.a  
 Armes des Indiens. 311.a  
 Armee de dō Diego. 228.a  
 Armes des Indiens. 103.b  
 Armes des Indiens. 70.a  
 Armes des Indiens. 38.39.a  
 Armes des Indiens. 113.  
 Atlantide Isle. 348.a  
 Atomes. 1.a

Attabalipa cōdemné à mor-  
 rir. 189.190  
 Attabalipa fait tuer son  
 frere Guascar. 185.b  
 Attabalipa Roy du Peru  
 fait guerre cōtre son frere.  
 167.168.a  
 Attabalipa promet vne rā-  
 çon inestimable. 43.b  
 Attabalipa Roy du Peru ri-  
 che & puissant prins par  
 Pizarre. 197.a  
 S. Augustin, cap. 135.a  
 S. Augustin, cap. 132.b  
 Auaina, fleuve. 99.a  
 Austruches vistes à la cour-  
 se. 206.a  
 Axies herbe. 24.a.108.a

## B

Accaleos, pays. 49.a  
 Barbosa capitaine esleu  
 apres la mort de Magel-  
 lan. 148.b  
 Barthelemy de la Case prestre  
 Docteur & Capitaine  
 des Paysans qui allerent  
 aux Indes. 119.a  
 Barthelemy de la Case se rend  
 moyne. 120.a  
 Barthelemy Colomb. 22.a  
 Barucoa, port. 22.b



# T A B L E.

Basse cap.	13.138.b	Bise fruit.	39.a
Bataille des Salines entre Ferdinand Pizarre & Ordoñez lieutenant de Almagro.	216.217.a	Blasco redresse la guerre contre Gonzalle.	246.b
Bataille entre Centeno, & Gonzalle.	287.a	Blasco enuoyé hors le Peru.	256.a
Bataille de Ciupas entre Vaca de Castro, & don Diego d'Almagro.	232.b	Blasco baillé en garde à Iean Alvarez.	256.a
Bataille de Quito entre Blasco & Gonzalle.	269.b	Blasco se met en armes contre Gonzalle.	146.b
Bataille de Xaquisaguana.	293.a	Blasco arreste prisonnier Vaca de Castro.	243.a
Batatas, racines.	24.a	Blasco fuit de Tombez.	261.a
Baulme des Indes.	47.b	Blasco tue Guillaume Xua- rez de Carnajal.	249.a
Bualmes.	135.a	Blasco iniurié d'un chacun.	253.a.b
Beatrix de la Cueva femme de Pierro d'Alvarado noyée par un deluge.	334.a	Blasco comme il fut embar- qué pour aller en Espagne.	254.a
Bethccio Cacique.	35.a	Blasco amasse son armee à Quito.	261.b
Belxeres marchans riches.	113.a	Blasco chassé hors le Peru.	267.a
Bernardin de Talabera.	79.a	Blasco Nugnez Vela en- uoyé au Peru Viceroy pour executer les ordonnances.	240.a.b
Beste es Indes iectant des ser- pens avec son excrement.	123.b	Blasco prisonnier.	249.b
Beste sauuage cruelle.	123.b	Blasco s'enfuit de deuant Gon- zalle.	265.b
Betancourt subingue les Ca- naries.	350.b	Blasco tué en vne bataille.	274.b
Bintadel idale.	36.b		

# TABLE.

Blasco bronille le Peru. 240.  
241.a

Blasco mis en liberté par 1 cã  
Alvarez. 260.b

Blasco fait serment d'ac-  
quiescer à l'appel de ceux  
du Peru sur les ordonnan-  
ces. 243.344.a

Bogata Cacique. 110.a

Bohiti prestre du diable.  
37.a

Bombom pays. 138.b

Bon signe, isle. 146.a

Bordeaux d'hommes. 103.a

Bordeaux d'enfant. 63.a

Boriquen isle. 55.a

Borney isle. 150.a.152.b

Bouadilla gouverneur en l'Es-  
pagne. 42.a

Bracamorie pays. 220.b

Bresil pays. 160.b

Brunages des Indes. 311.a.b

Brunage de Palmier. 149.b

Bueil Catalan moine enuoié  
premier pour prescher aux  
Indes. 29.a

Bulaya, fort. 147.b

Buquebucca Cacique. 94.a

C

CAcaos. 331.a

Calennado, isle. 150.a

Calicucima Capitaine In-  
dien. 188.a

Caliz ville. 120.b

Campezze ville. 69.b.71.a

Canaries isles & leur descri-  
ptions. 350.a

Candiga isle. 163.b

Canelle pays. 155.a

Canocotto idole. 36.b

Canfre gomme. 152.b

Cap beste de chasse. 125.a

Cap des femmes. 68.b

Cap de labeur. 49.a

Capara ville. 55.b

Caribana pays. 78.b

Caramairi, port. 80.b

Caribes belliqueux et cruels,  
109.a.74.a

Carette Cacique. 84.a

Caribes, Indiens, qui man-  
gent les hommes. 30.a

Caribes declarez serfs. 77.b

Caribes surmontez par He-  
redia. 106.b

Carpintero oiseau. 102.a

Carthagena pays. 73.b.78.  
a.105.b

Carola Roy. 154.a

Cartier, françois. 49.b

Casse des Indes fort. excellen-  
te. 47.a.87.b

Catamez, pays. 172.b

# T A B L E.

Castille de l'Or, pays.	97.a	Cepeda conseille Gonzalle	
Caxamalca, pays & ville.		de s'accorder avec Lagasca.	
179.a		289.a	
Caxinas port.	72.b	Cepeda abandonne Gonzal-	
Cazoncín, Cacique.	335.b	le.	295.b
Cedres aux Indes.	145.b	Cepeda d'accord avec Gon-	
Centeno rompu par Gonzal-		zalle.	259.b
le.	187.a	Cepeda blessé en la bataille	
Centeno rompu par Fran-		donnee contre Centeno.	
çois Caruaial.	279.a	288.b	
Centeno tue en trahison Al-		Cepeda fait embarquer Bla-	
mādras Capitaine de Gon-		sco pour aller en Espagne.	
zalle.	269.b	254.255.a	
Centeno reprend Cusco sur		Cepeda riche en reuenu de	
Gonzalle.	285.a	cent cinquante mille du-	
Centeno s'arme contre Gon-		cats.	295.a
zalle Pizarre.	270.a	Cepeda amasse vne armee.	
Centeno sauué au camp de		256.a	
Lagasca.	291.a	Cepeda en la bataille de Qui-	
Centeno prend la ville de		to pour Pizarre.	273.
l'Argent.	270.a	274.a	
Centilquipac, pays.	335.b	Cepeda reçoit Gonzalle pour	
Cenuscua, pays.	III.a	gouverneur du Peru.	
Cepeda & les autres Audi-		264.265.	
teurs se bandent contre		Cepeda enuoyé avec Blasco.	
Blasco.	250.b	au Peru.	240.a
Cepeda assiegé en la ville des		Cepeda mande à Gonzalle	
Rois par Gonzalle.	264.b.	Pizarre de rompre son ar-	
Cepeda & les autres Au-		mé.	256.a.b
diteurs departent entre		Cepeda lieutenant de Gon-	
eux les charges du Peru.		zalle.	281.b
252.b		Cepeda fait prédre les vais-	



# TABLE.

seaux de Zurbanã. 255.a	Ciametlan, pays. 335.b
Cepeda tient prisonnier Blasco. 252.a	Ciamolla, pays. 335.b
Cerba, herbe. 323.b	Ciampoton, ville. 69.b
Ceremonies des Chicorans. 53.a	Ciampoton, port. 66.a
Ceremonies des Indiens. 37.a.b	Ciape, Cacique. 90.a
Cetemal. 68.a	Ciarcas, ville. 205.b
Ceru, Cacique. 314.a	Cicuic, ville. 338.b
Chaleur grande. 130.b	Ciel en cinq Zones. 3.4.a
Chansons des Indiens. 38.a	Cilapulapo roy de Mantan. 147.b
Chats sauvages des Indes. 102.a.123.b	Cimaco, Cacique. 81.b
Chauue-souris dangereuse. 124.a	Cinca, a une fontaine qui couuertit la pierre en cailloux 308.b
Chauue-souris veneneuse. 102.a	Cinges infinis. 100.a
Chemins du Peru magnifiques. 310.b	Cimitao, pays. 106.b
Chemin pour aller aux Indes. 348.349.a	Cimbulon, Isle. 153.a
Chiens en combat. 90.b	Cipango, Isle estimee riche. 21.a.25.b
Chien receuant paye. 56.a	Cira, fleuve. 179.a
Chicorans & leurs costumes. 53.a	Circuit du monde. 9.b
Chili, pays. 205.a	Ciribici, port. 117.b
Christofle de Bouadilla. 33.a	Cloux de girofle. 155.a
Christofle Colomb prisonnier. 33.b	Coaché, ville. 176.a
Christofle de Pegna. 77.a	Coannabo, Cacique. 34.a
Ciagrè, fleuve. 74.a	Coca, ville. 222.b
	Coco, fruit merueilleux. 149.b
	Cocodrilles. 102.a
	Codego, Isle. 105.a
	Cohoba herbe propre pour les deuins. 37.a

# T A B L E.

Cobol, Isle.	150.a	Comagre, Cacique.	84.b
Colao, pays.	191.a. 207.a	Compostelle, ville.	335.b
	220.b	Comptes des Indiens.	
Colima, ville.	330.a		311.a
Colomb, Geneuois.	19.a. b	Conception, ville.	335.b
se marie en Portugal.		Conciquiens, peuple.	
au mesf. ignorant. au			220.b
mesme, pauvre.	20.a.	Conclusion des choses du	
sollicite les Rois; &		Pern.	311.a
Princes, au mesf. a re-		Couleur des Indiens.	
fuge à Pinxon pilote.			342. 343.a
20. b. receu par le		Coniuration d'Indiens,	
Roy de Castille.	21.a	contre les Espagnols.	
presente au Roy des			87.b
nouueautez des In-		Connils aux Indes de	
des.	24.a. grand Ad-	trois sortes.	46.a
miral.	25.b. va pour	Conseil des Indiens.	
la seconde fois aux			245.b
Indes.	29.a. pour la	Conzota, pays.	111.a
troisieme.	31.a	Copei, arbre.	152.b
Colomb, Astrologique.		Coq, Isle.	172.b
	34.a	Coqs d'Indes.	102.a
Colob descouure les per-		Coquera, Cacique.	21.a
les.	114.a	Coquille d'où est sortie la	
Colomb en disgrace du		mer.	37.a
Roy.	115.b	Coral, Isle.	164.a
Colomb meurt.	34.b	Coral blanc aux Indes.	

# TABLE:

146.a	Croix de Sainct André
Corbeaux des Indes.	entre les Indiens.
124.a	128.a
Cordeliers massacrez par	Cuba, isle. 66.b
les Indiens. 117.b	Cubagua, isle. 33.a. 114.
Corizo Cacique enuoyé	a.b. 120.a.b
vers les Espagnols.	Culhuacan, pays. 335.
94.b	336.a
Corquin fort. 73.a	Cumaco, ville. 222.a
Cortes Reales isles. 48.b	Cumana, reconquise.
Cortes, 66.b	120.a.b
Côtohé, cap. 69.a	Cumana, pays. 112.b.
Couleur det Indes. 36.a	117.a
Constume d'Espagne.	Cumana, Cacique. 114.b
25.a	Curiana, pays. 112.b.
Couil ville. 71.a	116.b
Couleur des Indiens.	Cuixco, pays. 335.b
342.b	Cuzco, ville. 195.b
Constumes ds Cumana.	Cuzco assiegee par les
121.a	Indiens. 207.a.b
Constumes des Indiens	Cuzco assisgee par Al-
Oriëtaux pour cōfor-	magro, & prinse.
mer une paix. 150.a.b	208.209.a
Coyua, pays. 313.b	Cuzco, reprins par Gon-
Croix de Colomb en esti-	zalle. 289.b
me. 45.a	Cuzco, soppose aux Al-
S. Croix, isle. 30.a	magristes. 229.a



D

- D** Abaida Cacique. 86.a  
Dances des Indiens. 126.b  
Darien, pays. 76.a. 77.a  
Datha Cacique, geant. 53.a  
Dessaute d'Espagnols. 82.a  
Degré, que vaut. 9.a.b  
Deluge aduenné à Quahute-  
malan. 333.b  
Desconouement de la mer de  
Midy. 88.a.b  
Desiré, port. 64.b  
Desirée, isle. 29.b  
Desolation des Indiens. 43.  
a.li.  
Destroit de Magellan. 141.  
b. 145.a  
Deuineurs Indiens. 36. 37.a  
Diable se monstre aux In-  
diens. 71. 72.a  
Diable, reueré des Indiens.  
104.a.b  
le Diable se mue en diuerses  
especes. 36.a  
Didaco & François de Por-  
ris. 34.a  
Diego d'Almagro s'appreste  
à la guerre contre Vacca  
de Castro. 231.b  
Diego d'Almagro prins des  
siens mesme, & puis de-  
capité. 236.b  
Diego d'Almagro se fait ap-  
peller gouverneur & roy  
du Peru. 227.b  
Diego d'Almagro vaincu  
par Vacca de Castro. 236.b  
Diego d'Almagro, François  
Pizarre & Hernād Lu-  
che s'associent pour descon-  
uir le Peru. 170.a.b  
Diego d'Almagro en dan-  
ger d'estre tué par trahi-  
son. 232.a  
Diego d'Almagro bastard.  
219.b  
Diego d'Almagro veut vè-  
ger la mort de son pere  
Almagro. 224.a.b  
Diego d'Almagro. 219.a  
Dom Diego d'Almagro pre-  
mier qui se soit remué au  
Peru contre le roy d'Espa-  
gne. 236. 237.a  
Diego d'Albitex. 73.a  
Diego Cacique. 119.a  
Diego de Niquesa, capitaine.  
78.a  
Diego de Niquesa gouver-  
neur de Veragua. 73.b  
Diego Colöb, Admiral. 118.a  
Dom

# TABLE.

*Dom Diego Colomb gouverneur des Indes.* 43.a

*Diego Velasquez gouverneur de Cuba.* 65.b

*Diego Pizarre capitaine.* 209.b

*Diego d'Ordas gouverneur de Maragnon.* 135.b

*Diego de Salazar redouté des Indiens.* 56.a

*Diego d'Ocápo s'enterre vif.* 76.77.a

*Dieu des Indiens.* 36.b

*Different entre le roy d'Espagne & celui de Portugal, touchant l'espicerie & isle des Molucques.* 157. 158.a

*Dirianguen Cacique.* 321.a.b

*Dissention entre Valua & Pedrarias.* 99.b

*Dissentio entre les Espagnols.* 33.34.a.b

*Diuisiõ entre les Espagnols.* 82.a

*Donation faite par le Pape au roy de Castille touchât les Indes.* 26.a.b

*S. Dominique, ville.* 31.a. 35.b.46.a

*Dot des Indiens.* 111.112.a

*Dulciancelin Cacique.* 59.a

E

**E**lement de la terre. 7.b

Emanuel roy de Portugal. 168.a

Encen aux Indes. 135.a

Enfans ne sont heritiers de leurs peres. 111.a

Enciso docteur & capitaine. 80.b.104.b

Enciso fait prisonnier par Valua. 83.84.a

Enciso Preuost de Hoieda. 75.b

Enotes peuples. 113.a

Epilquant idole. 36.b

Eschine, bois propre à guarir la vercle. 40.a

Escorce noire, herbe singuliere contre la poison. 109.b

Esguille marine. 10.a

Esmeraudes trouuees en grande quantité. 111.a

Esmeraudes nompareilles. 135.a

Espagnole isle. 35.b

Espagnols deffaits par les Indes en plusieurs endroits. 209.b

Espagnols deffaits. 119.a

314.b

Espagnols deffaits. 117.118.a

# TABLE.

<i>Espagnols. 800. en guerre.</i>	<i>Espagnols massacrez par tra- hison.</i>
22.a	148.b
<i>Espagnols comme ont trouué les Indes.</i>	<i>Espicerie adiugee au roy d'E- spagne.</i>
47.b	160.a
<i>Espagnols deffaits à la Flo- ride.</i>	<i>Espiceries.</i>
57.a.b	155.a
<i>Espagnols battus. 69.70.a</i>	<i>Espicerie entre les mains de qui elle a esté.</i>
<i>Espagnols riches au Peru par la prinse du roy. 189.a.b</i>	168.a.b
<i>Espagnols en neceßité vou- lant descourrir le Peru.</i>	<i>Espicerie engagée au roy de Portugal.</i>
172.173.a	165.b
<i>Espagnols deffaits à Pann- co.</i>	<i>Espicerie anciennement estoit entre les mains des Espa- gnols.</i>
63.a	168.a.b
<i>Espagnols deffaits en la coste des Palmes.</i>	<i>Espousee depucelee par un autre que par son espoux.</i>
62.a	67.a
<i>Espagnols estimez immor- tels.</i>	<i>Estienne Gomeç, pilote.</i>
56.a	49.b
<i>Espagnol mägé par ses com- pagnons.</i>	<i>Estoile pour un monde.</i>
76.b	5.b
<i>Espagnols deffaits aux Mo- lucques par les Portugais.</i>	<i>Euesques au camp de Laga- sca.</i>
163.a	297.a
<i>Espagnols vont seuls aux Indes.</i>	<i>Euesque premier aux Indes.</i>
113.a	44.b
<i>Espagnols ne veulent goust- er des trauaux de Magel- lan.</i>	<i>Eueschez des Indes.</i>
144.b	a.b
<i>Espagnols entre les mains des Portugais.</i>	<i>Eude, isle</i>
164.a.b	156.b
<i>Espagnols en dissention con- tre Magellan.</i>	<i>Ezaltilan pays.</i>
145.a	332.a

## F

<b>F</b> <i>Amine grande entre les Espagnols.</i>	76.a
<i>Femmes vont à la guerre.</i>	103.a



# T A B L E.

Femmes belles aux Lucayes.	ge tout.	261.b
50.b	Ferdinād Bacicao tué.	289.b
Ferdinand Pizarre retour-	Fernandine, isle.	66.b
né au Peru, sollicite des	Fins du monde.	9.a
deniers pour l'Empereur.	Fleciado, port.	115.a
206.a	Fleuve courant le iour, &	
Ferdinand Pizarre prins à	congelé la nuit.	205.b
Cuzco par Almagro.	Floride cimetiére des Espa-	
208.209.a	gnols.	57.a
Ferdinand Pizarre. 174.a	Floride descouverte.	56.b
Ferdinand Pizarre prison-	Fonseca Baye.	318.b
nier en Espagne. 221.a	Fontaine, Admiral.	121.a
Ferdinand Pizarre deliuré	Fortune de Niquefa.	74.a.
par accord. 214.b	83.a	
Ferdinand Pizarre victo-	S.Foy. Monastere.	117.b
rieux en la bataille des	François Caruajal pille les	
salines. 217.a.b	villes de Ciarcas, de l'Ar-	
Ferdinand Pizarre pour suit	gēt & d'Arequippa. 272 a	
Almagro. 215.216.a	Fort Isle.	78.b
Ferdinād Cortés. 63.a.66.b	François de Caruajal per-	
Ferdinand Cortés enuoye	snade Gonz alle se faire	
chercher les Molucques.	Roy.	272.a
163.b	Francois de Caruajal se louē	
Ferdinand Cortés, Capitai-	de sa cruauté. 289.a.b	
ne. 329.a.331.b	Francois de Caruajal cruel.	
Ferdinand de Sotte Gouver-	270.a.b	
neur de la Floride. 57.a	Francois de Caruajal estrā-	
Ferdinand Magellan Ca-	gle Diego de Gumiel.	
pitaine & pilote. 139.b	260.a	
Ferdinād Bacicao Capitai-	Frācois de Caruajal entre en	
ne de Gonz alle, enuoyé cō-	la ville des Roys, & estrā-	
tre Blasco, vole & sacca-	gle trois Espagnols. 263.b	

# T A B L E.

François de Caruajal, Capitaine de Gonzalle Pizarre. 257.a	dinal, Gouverneur de Castille. 139.b
François de Caruajal menacé de sa teste par Gonzalle. 266.a	Francois Corsaires enfoncez aux Indes. 279.b
François de Caruajal donne la chasse à Centeno. 270.a.b	Francois d'Oregliane Capitaine. 223.a
François de Caruajal prolonge la guerre. 265.a.b	Frācois d'Oreillā Capitaine. 226.a
Francois de Caruajal possède Gōz alle Pizarre. 259.b	Francois de Mōteio Gouverneur de Yucatan. 70.b
Frācois de Caruajal defaict par iustice, & de ses meurs. 297.298.a	Francois de Monteio. 73.a
Francois Hernández de Cordube. 68.a	Francois Vezera Capitaine. 99.a
Francois de Haray, Gouverneur de Panuco. 262.b	S. Francois monastere. 117.b
Frācois de Haray pilote. 58.a	S. Francois ville. 71.a
Francois Pizarre Capitaine. 79.b	Francois de Barrio Nuevo, Gouverneur de Castille de l'Or. 100.b
Francois Cartier pilote Frācois. 49.b	Frio cap. 138.b
Francois Pizarre Gouverneur du Pern. 174.a	Froid sous l'Equinoxial. 200.a.b
Francois Pizarre comme il descouurit le Peru, lisez Pizarre. 171.a	Froidure extreme au Peru. 208.a
Francois de la Case. 72.b	Francois Martin d'Alcantara. 174.b
Francois de Zisueres Car-	

G

Arde, ville. 81.a  
 Garçi Loffre de Coaisa capitaine enuoyé aux Mo-

# TABLE.

Lucques.	162.b	de soppofer à l'executio <sup>n</sup>
Garzia de Loaisa Card. pre-		des Ordonnances du Pe <sup>r</sup>
sident du Conseil des In-		ru. 244.
des.	238.a	Gonz alle Piz arre commen
Gaspar de Morales Capitai-		ce à tyranniser les Perus.
ne.	99.a	257.b
Gauero pilote Venitien.	49.a	Gonz alle Piz arre se faict
Gayra, ville.	108.a	eslire Gouverneur du Pe-
Gayara Montagne.	215.b	ru. 146.a.b
Geants en Indie.	143.a	Gonz alle Piz arre faict du
George. de Spire Capitaine		Roy. 276.a
Allemand.	112.b	Gonz alle Piz arre assiege la
S. George, ville.	73.a	ville des Roys cõtre Cepe-
S. Gloire, port.	34.b	da. 257.a.b
Gonz alle Piz arre.	174.a.b	Gonz alle sasseurant sur la
Gonz alle Piz arre s'arme cõ		promesse de Pierre de Hi-
tre Blasco.	245.246.a	noiose ne soppose à Laga-
Gonz alle Piz arre marche		sca. 277.b
contra Blasco.	264.a	Gonz alle Piz arre doux de
Gonz alle Piz arre gagne la		son naturel. 276.
bataille contre Blasco.		277.a
273.274.a		Gonz alle delibere sur l'as-
Gonz alle Piz arre faict trẽ-		sassinat de Lagasca. 280.
cher les testès à des Capi-		281.a
taines de Blasco.	268.b	Gonz alle respond aux lettres
Gonz alle faict decapiter Ve-		de Lagasca. 281.a.b
la Nugnez frere de Bla-		Gonz alle defaict par La-
sco.	278.a	gasca sans coups frapper.
Gõz alle Piz arre recen Gou-		295.b
verneur en la ville des		Gonz alle abãdonné de plu-
Roys.	258.b	sieurs des siens. 284.b.
Gonz alle Piz arre sollicité		286.a.b



# TABLE.

Gonz alle prins.	297.a	tainc.	99.a
Gonz alle Pizarre sort du Peru.	286.287.a	Gonz alle Ximenez, Capitaine.	110.a
Gonz alle Pizarre deluré de prison.	213.a.b	Gorgone, Isle.	173.b
Gonz alle Pizarre defaict par iustice.	297.a.b	Goulfe quarre:	48.b
Gonz alle Pizarre sous ombre de Parlement, dresse une embusche à Almagro.	213.b	Goulfe de S. Michel.	91.a
Gonz alle Pizarre se veut ioindre à Vacca de Castro.	231.b	Grain d'or non pareil.	42.a
Gonz alle Pizarre prins à Cuzco par Almagro.	209.a	Grande Espagne,	335.b
Gonz alle Pizarre va au pays de la Canelle de Qui-to.	221.b	Grand fleuve.	110.a
Gonz alle Pizarre met Blasco hors le Peru.	266.267.a	S. Gregoire, ville.	110
Gonz alle rompt l'armee de Centeno.	287.a	Grenade, ville.	322.b.337.a
Gonz alle d'Ocampo Capitaine enuoyé cõtre les Indiens, qui s'estoient reuoltez.	118.b	Grijalua riuere.	64.b
Gonz alle de Mendoza Cardinal.	21.a	Gruntland, pays.	12.b
Gonz alle de Badioz, Capitaine.		Guabiniquinaz es bestes.	67.b
		Guaca, idole.	178.b.193.a
		Guadalagiara, ville.	335.b
		Guajabos, arbre.	101.a
		Guai, herbe propre à faire vomir la cholers.	53.a
		Guaiacan, autrement dict le bois saint.	40.a
		Guayabanos, arbre.	101.a
		Guanahan, premiere terre decouuerte.	20.b
		Guanigua, ville.	55.b
		Guarecunia Cacique pedu.	42.b
		Guauuco, pays.	185.a
		Guarcima, arbre.	125.b
		Guarays, ville.	230.a
		Guarionex, Cacique.	32.b

# T A B L E.

Guascar Roy du Peru pri- sonnier. 185.a	Guamangua, ville. 232.b
Guascar tué par Attabali- pa son frere. 185.b	Gyngembre. 155.a
Guarionex Cacique predi- ct la ruine des Indiens par les Chrestiens. 43.a.b	
Guaynacapa Roy du Peru. 186.a	
Guaynacapa sumptueux. 191.192.a	
Guaynacapa, Inga & de sa court. 191.b	
Guaypalcon, Indien. 203.a	
Guacanayati, Cacique. 21.a	
Guema, ville. 223.a	
Guerre civile commence au Peru entre les Espagnols. 175.a	
Guerre premiere civile aux Indes entre les Espagnols. 34.a.b	
Guerres civiles recommencēt au Peru. 251.a.b	
Guerres civiles commencent au Peru. 210.a	
Guerre entre Attabalipa & Guascar freres Rois du Peru. 186.b	
Guillaume Xuarez de Car- naial tué par Blasco Nu- nez. 247.b	
	H
	Amabat Roy de Ze- bus. 147.a
	Hay, arbre. 121.b
	Hayti, isle. 20.b.35.b
	Hemisphere superieur. 11.a
	Henry de Cuzman Duc de Medine. 20.b
	Heritiers entre les Indiens. 111.a
	Hernand Luche prestre riche. 171.a
	Hernand de Messa premier Euesque de Cuba. 68.a
	Hernand Arias mangé par ses cōpagnons Espagnols. 76.b
	Gierosme Attal, Capitaine. 135.b
	Hommes Indiens vestuz en femmes. 89.a.b
	Hommes impuissans mariez à autres. 61.b
	Hommes mourans pour a- voir mangé de la chair. 51.a
	Hommes s'enterre soymsme. 76.b
	Honduras, Cap. 72.a

# TABLE.

Honneur qu'on fait à un	né.	274.a.
Cacique mort.	113.b.	Iehan Aluarez comis pour
Houos, arbre.	101.a	emmener Blasco. 254.b
Humos, pointe de mer.		Iehan Diaz de Solis, grand
136.a		voyageur. 135.136.a
Hutias, bestes.	24.a	Iehan Serran, pilote. 141.b
Hyberbaton, herbe.	109.b	Iehan Serran abandonné de
Hyperbores.	10.a	ses soldats. 150.a
Hypernocques.	10.a	Iehan Serran succede à Ma-
		gellan. 148.a
		Iehan Serran mort. 155.b
		Iehan de Quiçedo. 88.a
		Iehan Cabedo Euesque de
		l'Antique. 98.b
		Iehā Sebastie de Cano tourne
		tout le monde. 156.b
		Iehan 2. Roy de Portugal.
		167.b
		Iehan Pizarre. 174.a.b
		Iehan Pizarre tué à la def-
		fence de Cuzco contre les
		Indiens. 207.208.a
		Iehan Vespuce pilote. 98.b
		Iehan de Sanabria capitaine.
		137.b
		Iehan Perez, Cosmographe.
		20.b
		Iehan de la Cossa, pilote. 77.
		a.104.b
		Iehan de la Cosa tué. 78.a
		Iehan de Ayora pour son
		auarice fait rebeller les

## I

Iacobins mangez par les	
Indiens.	117.b
Iacques Castellon capitaine.	
120.b	
S.Iacques, isle.	63.b.156.b
S.Iacque, ville.	68.a
Iaguarri, ville.	60.b
Iaharo cacique.	107.a
Iamaïque, isle.	63.b
Iamaia, fort.	73.a
Iassemin fait rongir les dets	
et la bouche.	249.a
Idoles des Indies.	65.b.68.a
Iehan de Figueroe commis	
pour informer sur le con-	
seil des Indes.	238.a
Iehan de Grialua.	64.b
Iehan Aluarez met en li-	
berté Blasco.	260.a
Iehan Aluarez empoison-	



# T A B L E.

Indiens.	99.a	Indiens portent en guerre le
Iehan Ponce gouverneur de		corps des vaillants capi-
Boriquen.	55.b	taines pour dōner courage
Iehan Ponce gouverneur de		aux soldats.
la Floride.	56.b	112.a
Iohan Ponce vaillant.	57.a	Indiens croient la resurrectiō
Iehan Fernandez capitaine.		des morts.
176.b		197.b
S.Iean,isle.	55.b	Indiens baillent leues filles à
S.Iehan, fleuve.	171.a	depuceler à leurs prestres.
S.Iehan de Ylkua.	65.a	122.a
Ieusnes des Indiens.	110.b	Indiens craignēt les eclipses.
Indic.	25.a	127.b
L'Indie sans fer.	39.a.b	Indiēs croient l'ame immor-
Indes secondes.	46.a	telle.
Indes premierement descou-		130.b
uertes.	18.b	Indiens idolatres.
Indienne Vierge peut tuer ce-		36.a.b
luy qui la requiert de son		127.b
honneur.	109.a	Indiens yuronznes.
Indiens rebelles deffaicts par		39.a
Aluvarado.	211.a.b	Indiens baptisez.
Indiens sodomites.	109.a.	24.b
113.a.b		Indiens obeissans.
Indiens ieusnent.	110.b	39.a
Indiens en Ethiopie.	22.a.b	Indiens assiegent la ville des
Indiens bons nageurs.	104.a	Roys.
Indiens courageux.	78.b.	210.a
108.b		Indiens legiers à la course.
Indiens portent les dents noi-		59.a.137.b
res.	121.a.b	Indiēs mangez par les Espa-
Indiens grands.	54.b	gnols.
		76.a
		Indiens se delectent à danser
		& à boire.
		126.b
		Indiens croyent le deluge.
		194.b
		Indiens parlent au diable.
		193.a
		Indiens assiegent Cuzco.
		207.b

# T A B L E.

Indiens n'ont pour histoires que des chançons. 39.a	Iunagaua, Isle. 146.a
Indiens viuent longuement. 72.a.221.a	Iurongnerie des Indies. 127.a
Indiens redoubtent les Eccli- psés. 195.a	L
Indiens croient l'immortalité de l'ame. 54.a	Labeur, pays. 48.a
Indiens n'ont point de poil. 102.a	Lagane oyseau ennemy mortel de la Baleine. 150.a
Indiens sans barbe. 106.b	Lagasca fine & aduise. 279.a
Indiens sodomites. 63.a	Lagasca escrit à Gonzalle. 24.280.a
Indiens se reuoltent au Peru. 206.207.a	Lagasca dresse son armee con- tre Gonzalle. 283.b
Indies declarez esclaves & pays libres. 345.a.b	Lagasca fait monstre de son armee. 291.a
Infortunes Isles. 146.a	Lagasca attire les capitaines & soldats de Pizarre. 284.a.b
Information sur le conseil des Indes. 237.b	Lagasca enuoie au Peru pre- sident de l'Empereur. 279.a.b
Inondation grãde aduenue à Quahutemallan. 333.334.a	Lagasca fait dresser des pôts pour passer contre son enne- my. 292.a
Ip, herbe. 110.b	Lagasca arrive au Peru. 289.290.a
Island, isle. 12.a	Lagasca prestre. 279.b
Isles vogantes sur l'eau. 73. a.b	Larrecin chastie rigoureu- sement entre les Indiens. 104.a
Isabelle, ville premiere bastie és Indes. 30.a	Larron puni aux Indes, & le genre du supplice. 38.b
Iuge pour uider le different d'entre les Portugais & Espagnols touchant l'Es- picerie. 158.b	Larrons Isle. 146.a
S. Julien, port. 144.b	La Zarre ville. 69.b

# T A B L E.

Leon, ville.	322.b	Magellan guarit un muet.	
Leopards timides.	102.b		147.a
Liberté des Indiens.	343.b	Magellan tué.	148.a
Liures entre les Indiens.		Magiciens entre les Espagnols.	
	300.a		128.a
List des Indiens.	135.a	Maicabellica, Roy de Pohe-	
Lima riviére & ville.	204.b	cios.	248.a
Leribamba fleuve.	201.a	Magnificence des Indiens O-	
L'Isle Espagnole.	34.a	rientaux.	151.a
Lopez de Sosa gouverneur		Magnificence du Roy Atta-	
de Castille de l'Or.	100.b	balipa.	182.183.a
Lopez de Salcedo gouverneur		Malhado, Isle.	59.b
de Honduras.	73.a	Mahometistes par tout Oriet.	
Lopez de Olano.	74.a		152.b
Louys de la Cerde duc de Me-		Mal'heureuse, Isle.	146.a
dine.	20.b	Mai, bled des Indes.	341.b
Loyz guerrá, capitaine.	106.a	Mamucas oiseaux vius seu-	
Loyz Colomb Admiral Duc		lement en l'air.	154.b
de Veragua & Marquis		Manati, poisson.	41.a
de Jamaïque.	76.77.a	Mango, Ynga.	243.1.b
Luz Roy aiant six cens fils.		Mägo Ynga se rebelle.	206.b
	154.b	Mantan, Isle.	147.a.b
Lucaies Isles.	50.a	Manglares, fruits.	172.a
Lyons aux Indes.	93.b	Maracaibo, lac.	113.a
Lyons ne sont si cruels aux		Maragnon, fleuve.	135.a
Indes qu'ailleurs.	102.b	Marcapana, pays.	117.a
	M	Marguerite, Isle.	120.b
Macian Isle.	155.a	Mariages des Indiens.	38.a
Magellan, Capitaine.			103.a.121.122.a.188.a
	104.a	Marida, ville.	71.a
Magellan endure beaucoup		S. Marie de la victoire, ville.	
en son viage.	145.a		71.a



# T A B L E.

Marmol, cap.	71.a	Indiens.	44.b.68.a
Marobe, idole.	36.b	Misſiues crainctes par les	
S. Marthe.	107.a	Indiens.	95.b
Martin Fernandez d'Enci-		Mochi ville.	71.a
ſo.	77.78.a	Moines martyriſez à la Flo-	
Mafana, iſle faiſte Chreſti-		ride.	57.b
ne.	147.a	Molucques adingees au Roy	
Mafaya, mont.	323.a	d'Eſpagne.	160.a.b
Mate, iſle.	155.a	Molucques engagees au roy de	
Matil, iſle.	155.a.b	Portugal par l'Empereur	
Mamaïs, arbre.	101.a	Charles 5.	165.166.a
Medecins des Indiens.	113.b	Molucques, iſle.	153.a.155.a
Medecins Indiens peuuent		Monde ſeul.	3.a
auoir pluſieurs femmes.		Monde rond.	3.a
60.a		Monde en forme de poire.	
Merrouge.	121.a	131.a	
Mer de Midy deſcouuerte.		Monde du tout habitable.	3.b
88.a		Monde inhabitable.	4.a
Mer Magellanicque.	141.b	Mondes pluſieurs.	1.a
Mezuacan, pays.	335.b	Mont qui iette feu.	222.a
Mexicque, ville.	66.b	Montagne iettât feu.	200.a
S. Michel, ville & port.	62.a	Mort d'Attabalipa.	189.b
S. Michel, gouſſe.	91.a	Moscouie ſollicité par vn Ge-	
S. Michel de Neueri, ville.		nennois de prendre ſur les	
135.b		Portugais le traffic de	
S. Michel, ville.	179.a	l'eſpicerie.	169.a.b
Mil que vault.	9.a	Motecuma, Roy.	66.b
Mindanao, iſle.	164.a	Motupec, pays.	173.b
Mine d'eſmeraudes.	111.a	Mouches des Indes.	124.a
Mine d'or en Guinee.	161.a	Mouches facheuſes en l'Eſ-	
Mines de Cibao.	30.a	pagnole.	40.b
Miracles en la conuerſion des		Moutons reſeruez pour vn	

# T A B L E.

temps de guerre. 203.b  
 Moyens gouverneurs en l'E-  
 spagnole. 43.a  
 Molubamba, ville, & pays.  
 237.a

## N

**N**aissance d'un enfant  
 Indien. 38.b  
 Natan, ville. 314.b  
 Navire qui tourne tout le  
 monde. 156.b  
 Neiges grandes & froides  
 sous l'Equinoxial. 200.  
 a.b  
 Nepveu heritier & non les  
 enfans. 111.a  
 Nicaragua, ville, pays &  
 Cacique. 319.a. 323.b  
 Nicolas d'Onanda gouver-  
 neur en l'Espagnole. 42.a  
 Nicoyan, Cacique. 319.a  
 Niquesa esgaré. 74.b  
 Nigua, beste dangereuse qui  
 ne mord qu'ès pieds. 40.b  
 Noel, port. 332.a  
 Noir, fleuve. 87.a  
 Noirs, trouvez aux Indes.  
 90.a  
 Noix muscates. 155.a  
 Nom de Dieu, pillée par Ver-

duo. 168.169.a  
 Nourriture meschante des  
 Indiens. 122.123.a  
 Nouvelle Granade, pays.  
 111.b  
 Nouvelle Galice. 335.b  
 Nouvelle Espagne. 64.a  
 Nugno du Guzman gouver-  
 neur de Panuco. 62.b  
 prisonnier. 335.a.b. 336.a

## O

**O**iseaux vinans seule-  
 ment en l'air & non  
 suiets à corruption. 155.a  
 Oisons d'Indes. 101.a  
 Opangui, Inga. 191.b  
 Or se trouue pur aux Indes  
 en grains gros. 104.b  
 Or aisé à recueillir aux In-  
 des. 95.96.a  
 Ordonnances du Peru, cause  
 des seditions. 238.b  
 Ordonnances du roy Catholi-  
 que touchant la conqueste  
 des Indiens. 77.a.b  
 Oreillan, fleuve. 133.a  
 Oreiones. 191.a  
 Origuara, prophete Indien.  
 139.a  
 Origine des guerres civiles

# T A B L E.

du Peru.	174.a.b	Pedrazza, Euesque de Hon-
Ortega, gouffe.	318.b	- duras. 73.a
Oscas, herbe.	110.b	Perles & de leur pesche.

## P

<b>P</b> Acra, ietté aux chiens.	93.b	Perroquets blancs & rouges.
Palmes aux Indes.	102.a	156.b
Pamphile de Naruaez, gou-		Peru, pays descouvert. 170.a
uerneur des Palmes. 58.b		Peru, combien est large, &
Panama, pillée par Fernand		long. 191.a. 19. 20.a
Bacicao. 263.a.b		Peronille Isle. 319.a
Pances, peuples. 111.b		Philippe Gutierrez, gouuer-
Panquiaco Indien, qui don-		neur de Veragua. 76.b
na les premieres nouvelles		Philippe Indien truchement
de la mer de Midy. 84.a		deffuit par iustice. 208.a
Paraguazu, fleuve. 176.b		Piaces, prestres. 122.a
Paradis terrestre. 131.b		Pierre d'Aluvarado capitai-
Parcos, mont. 219.b		ne va au Peru. 199.b
Porcs d'Indes. 102.a		Pierre d'Aluvarado se retire
Paria, pays. 31.a		du Peru. 204.a
Parlement institué au Peru.		Pierre d'Aluvarado de retour
43.b. en l'Espagnole. 240.a		du Peru, va descouvrir
Passages pour aller aux Mo-		nouveaux pays. 331.b
lucques. 165.b		Pierre Xuarez, premier E-
Pattos, port. 139.a		uesque aux Indes. 44.b
Paul, Ynga. 200.b		Pierre martyr, Abbe premier
Payra, port. 179.a		à Seuille des Indes. 63.b
Pedrarias priué de son gou-		Pierre de Hinoiose promet à
uernement. 100.a		Gonzalle tuer Lagasca,
Pedrarias d'Anila gouuer-		deuant Panama. 277.b
neur de Darien. 107.b		267.a
		Pierre de Hinoiose, capitaine
		de Pizarre, met son armee



# T A B L E.

entre les mains de Laga- sca. 283.a	Piz arre tué par les Alma- gristes. 225.a.b
Pierre d'Heredia gouverneur de Carthagenia victorieux des Caribbes. 106.a	Plage de l'Ascension. 64. a.b
Pierre Marguerite, capitai- ne. 30.a	Plata fleuve. 136.a
Pierre Aluarez dresse une armee contre Diego d'Al- magro. 229.a	Poireaux, maladie aduenue aux Espagnols. 176.a
Pierre de los Rios gouverneur de Castille de l'Or. 173.b	Poison des Indiens. 125.a
Pierre de Mendozze, capi- taine. 137.a	Poissons en l'isle de l'Espagno- le. 41.a
Pierre de Lugo, gouverneur de S. Marthe. 107.a	Poissons ressemblans à l'hom- me. 121.a
S. Pierre, ville. 73.a	Pole, ville. 71.a
Pigeonneaux sentās le musc. 30.b	Pommes veneneuses. 109.b
Pinzon, pilote. 115.b. 132. 133. 134. 135 a	Popain, pays. 266.b
Piritu, port. 117.b	Porcs Indiens. 80.b
Piz arre prend Attabalipa roy du Peru. 179.a	Porcelaine qui ne peut endu- rer venin. 149.a
Piz arre dresse son armee cō- tre Almagro. 213.a.b	Porto, ville. 89.b
Piz arre reçoit Pierre d'Al- narado & luy paye 100000. pesans d'or pour son armee. 204.a	Port, beau. 75.a
Piz arre et Almagro renou- ellent les guerres. 215.a	Portuguais querellēt la con- ronne de Castille. 101.a.b
	Portuguais descouurent l'es- picerie. 167.a
	Possession, fleuve. 319.a
	Postes des Indiens. 185.a
	Prestres des Indiens. 113.b
	Premiere espicerie trouuee par les Espagnols. 152.a
	Proscription contre les rebel- les du Peru. 246. 247.a
	Puna, isle. 176.b

# TABLE.

Punition d'un Cacique. 93.

94.a

Puyers Indiens. 101.b

**Q**uabutemallan ville.

331.a

Quabutemallan pays. 328.b

Quemuus beste. 46.b

Quinira pays. 247.a

Quirandies pays. 137.b

Quisqueia isle. 35.b

Quisquiz capitaine Indien.

200.b

Quisquiz poursuivi par les

Espagnols. 202.a

Quisquiz, capitaine Indien,

s'efforce de remettre sus

l'Empire des Incas. 201.a

Quisquiz tué par les siens.

203.a. 137.b

Quito pays. 202.a

Quito, ville. 197.b

Quito prinse par les Espa-

gnols. 199.a.b

Quixo, ville. 222.a

**R**

Aggia, poisson vene-

neux. 109.b

Rançon inestimable du roy

Attabalipa. 183.b

Raxamira roy de Tidoré.

163.a

Rebellion grande de tous les

Indiens contre tous les E-

spagnols. 206.b

Recepte contre la lassitude.

103.b

Religion des Perusiens. 193.

a.b

Religion des Indiens. 37.a

b. 328.a

Remede pour guarir la vero-

le.

40.a

Remonstrance grane d'un In-

dien.

85.a

Revenu des Molucques, & de

l'espicerie. 166.a.b

Richesse de l'isle Espagnole.

37.a.b

Richesse merueilleuse par la

prinse d'Attabalipa roy

du Peru.

189.a

Roderic de Bastidas gouver-

neur de S. Marthe. 107.

a. Euesque de Venezuela.

112.b. assassiné en son liét

par les siens. 107.a. prison-

nier.

77.a

Roderic Enriquez de Col-

menares capitaine. 75.b

82.a. 108.a. enuoyé en

Espagne.

88.a

Roderic

# TABLE.

Roderic d'Arene premier de-  
meurant aux Indes. 23. b  
Roderic de Fonseca Presi-  
dent du conseil des Indes.  
29. a.

Roldan Ximenez grand pre-  
uost. 34. a. noyé. 42. b

Roy de Portugal a part aux  
Indes Occidentales. 138. b

Roy ville assiegee par les In-  
diens. 210. a

Rubis aux Lucaies. 51. a

Ruminaguy braue capitaine  
Indien. 181. b

Ruminaguy faict expertises  
de guerre contre les Espa-  
gnols. 198. b

Ruy Falero pilote. 139. b  
s.

Sacrifice des Indies. 11.  
b. 112. a. 193. b. d'hö-  
mes. 111. b

Salle belle en Indie. 84. b

Salmandre. 124. b

Salamanque ville. 71. a

Samotra isle. 156. b

Saragan isle. 153. a

Sebastien de Cauo retourne  
aux Moluques. 163. a

Sebastien de Venalcazar ca-  
pitaine. 176. b

Sebastien Ganoto homme ex-

pert en la marine. 161. a

137. a

Second voyage de Colomb.

29. a

Sel d'urine d'höme. 112. a. b

Senecque a predit le descou-  
urement des Indes 347. b

Sepulchre riche. 106. b

Sepulture des Indiens. 111. b

38. 39. a. 104. a. 197. b

Serpens sans venin 67. b

Senille, ville. 63. b. 71. a

Sinola pays. 337. a

Soleil Dieu des Indiens.

104. a

Solyman Turc en vain s'ef-  
force contre les Portugais.

169. b

Songe du Roy Almanzor.

154. a

Subo isle. 146. b

Sumptuosité admirable de  
Guaynacapa Roy du Peru.

191. b

Siripada Roy de Borney en  
Orient magnifique. 150. a

T

T Abunuchogomme.  
55. a

Taibo ville. 107. a

Tararequi isle. 315. b

Taracuru Cacique. 314. a

Aa



# TABLE.

Tartarax Cacique.	339.a	Tamaco Cacique.	92.a
Tauor ville.	314.a	Tumebamba pays.	187.a
Tauoga isle.	268.a		188.a
Tauasco ville.	66.b	Turmeque pays.	111.a
Tecoantepec pays.	328.b	Tututepec ville.	329.a
Temples magnifiques au Per- ru.	193.a	Tigres & Lyons aux Indes.	93.b.97.a.b
Teoca Cacique.	93.a		V
Terre de labour.	48.a		
Themistitan, ville.	66.b		
S. Thomas de Cibao, forteref- se.	33.b	Vacca de Castro gai- gne la bataille de Ciupas.	235.a.b
Tidorè isle des Molucques.	153.a	Vacca de Castro mis en pri- son par Blasco.	244.b
Tiguez, ville.	338.a	Vacca de Castro eschappe de prison.	260.a
Timor isle.	156.b	Vaches des Indiens.	240.a
Tiripi ville où les Indiens feirent fuir les Espagnols.	78.b		102.a.b
Togoua Cacique.	314.a	Vacos bestes.	221.a
Toledo, ville.	119.a	Valdimia perdu en mer.	86.a
Tombez ville.	180.a. Pays.	Valladolid ville.	71.a
	173.b. pillée par Fernand Bacicao.	Vallee du S. esprit pays.	111.a
Tordecia Cacique.	89.a	Valleio capitaine deffait à Caribana.	99.a
Tous les saints, ville.	94.a	Vasco de Gama Portugais arriné en Calecut.	167.b
	goulfe.	Vasco de Herrero gouverneur de Honduras.	73.a
Tramontane habitable.	5.a	Viluoá executé par iustice.	99.b
Triane Espag. void premier les Indes.	20.b		
Trinité isle.	131.a		
Trusilio, ville.	72.b	Veragua & Vraba pays re-	




ce int Anne apaisa  
 Agay Spemur Sebe indigant  
 de croix lequel Kazopta  
 a Lyb a la foye du foudre  
 2801. La foye de Vincty G. G.


1	2	3	4	5	6	7	8	9	10
11	12	13	14	15	16	17	18	19	20
21	22	23	24	25	26	27	28	29	30
31	32	33	34	35	36	37	38	39	40
41	42	43	44	45	46	47	48	49	50
51	52	53	54	55	56	57	58	59	60
61	62	63	64	65	66	67	68	69	70
71	72	73	74	75	76	77	78	79	80
81	82	83	84	85	86	87	88	89	90
91	92	93	94	95	96	97	98	99	100

FIN DE LA TABLE

AA B







c  
B580  
L864h









